


Bulu ntam pəpwε;
Nkonya



New Testament in Nkonya (GH:nko:Nkonya)

Bulu ntam ꞑꞑwε; Nkonya

New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022
01b09958-fa53-51d1-aae0-88c7e9302503

Contents

Mateo	1
Marko	45
Luka	73
Yohane	119
Gyumagyihé	152
Romafó	194
1 Korintofó	213
2 Korintofó	229
Galatiafó	240
Efesofó	247
Filipifó	253
Kolosefó	257
1 Tesalonikafó	261
2 Tesalonikafó	265
1 Timoteo	267
2 Timoteo	272
Tito	276
Filemon	278
Hebrifó	279
Yakobo	293
1 Petro	298
2 Petro	304
1 Yohane	307
2 Yohane	312
3 Yohane	313
Yuda	314
Ató Lesúnáhé	316

ASUN WANKLÁÁN ANÍ Mateo LÓWANLÍN

Yesu Anáin Ílító (Luka 3:23-38)

¹ Yesu Kristo, Owíe Dawid mu na, Abraham mu na ámu ílító ní.

² Abraham lókwí Isak. Isak lókwí Yakob. Yakob lókwí Yuda mu na mu apio yinhé*. ³ Yuda lókwí Peres mu na Sera. Amó yín gyí Tamar. Peres lókwí Hesron. Hesron lókwí Ram. ⁴ Ram lókwí Aminadab. Aminadab lókwí Nahson. Nahson lókwí Salmon. ⁵ Salmon lókwí Boas. Boas mu yin gyí Rahab. Boas lókwí Obed. Obed mu yin gyí Rut. Obed lókwí Yisai. ⁶ Yisai lókwí Owíe Dawid.

Owíe Dawid lókwí Salomo. Salomo mu yin gyí ọ̀tsi ọ̀kọ́á tẹ̀kí ogyi Uria mu ka. ⁷ Salomo lókwí Rehabeam. Rehabeam lókwí Abia. Abia lókwí Asa. ⁸ Asa lókwí Yehosafat. Yehosafat lókwí Yoram. Yoram lókwí Usia. ⁹ Usia lókwí Yotam. Yotam lókwí Ahas. Ahas lókwí Hiskia. ¹⁰ Hiskia lókwí Manase. Manase lókwí Amon. Amon lókwí Yosia. ¹¹ Yosia lókwí Yekonia mu na mu apio yinhé. Mu brésó bẹ̀kítá Israelfó, híé amó bẹe buyétsiá Babilon ọ̀mátó ní.

¹² Amó Babilon yótó á, Yekonia lókwí Sealtiel. Sealtiel lókwí Serubabel.

¹³ Serubabel lókwí Abihud. Abihud lókwí Eliakim. Eliakim lókwí Asor. ¹⁴ Asor lókwí Sadok. Sadok lókwí Akim. Akim lókwí Elihud. ¹⁵ Elihud lókwí Eleasar. Eleasar lókwí Matan. Matan lókwí Yakob. ¹⁶ Yakob lókwí Yosef, Yosef létsiá Maria. Maria lókwí Yesu. Yesu gyí Kristo, (ọ̀há ámú Bulu ladá mu ofúli amu) ní.

¹⁷ Mú sv tsú Abrahamsu bọ̀tu Owíe Dawidsu bọ̀gyi anáin ílító dúana. Tsú Dawidsu bọ̀tu bréá bọ̀yo Babilon ọ̀mátó é bọ̀gyi anáin ílító dúana. Asa tsú amó Babilon yótó bọ̀tu Kristo, (ọ̀há ámú Bulu ladá mu ofúli amu) kwíísó é bọ̀gyi anáin ílító dúana.

Yesu Kristo Kwí (Luka 2:1-7)

¹⁸ Ọ̀kpa ánfisú Yesu Kristo kwí lọ̀tsọ̀n ní. Bọ̀pu Maria há Yosef bẹe ọ̀tsiá. Táme asa bétsiá, abufia ọ̀tsi múa oyin á, bowun aní Maria dé ọ̀mé Ọ̀je Wankíhé túmító. ¹⁹ Mu kulu Yosef a, mu asón da ọ̀kpa, táme omekle aní ọ̀bówa mu pélító. Mú sv ọ̀bọ̀we agywuun aní obékiná mu njáintó. ²⁰ Táme bréá ọ̀de mú agywuun bwe á, kí, Bulu-ọ̀bọ̀pu ọ̀ku léle iwá ọ̀wan súná mu okudeta, bláa mu ọ̀bée, “Yosef, Dawid mu na, mánya péli aní fẹ̀kpa fú ká Maria ba fú wá, tsúfẹ ọ̀mé ámú ọ̀de ámu itsú Ọ̀je Wankíhé túmító. ²¹ Ọ̀bókwí obiyímbi, bédinká mu dá Yesu. (Mú así gyí, ‘Ọ̀lẹ̀p.’) Tsúfẹ mu ọ̀bẹle mu ahá tsú amó lakpantó ní.”

²² Iní léha Bulu asón ámú ọ̀leblí tson mu ọ̀nọ̀sọ ọ̀tọ̀pọ̀su ámu ọ̀leba mútó.

²³ Ọ̀bée, “Kí, obitebí aní ọ̀mákòyọ̀ oyin wá kí obénya ọ̀mé. Ọ̀bókwí obiyímbi, bédinká mu dá Imanuel.” (Mú así gyí, “Bulu bu aní wá.”)

²⁴ Bréá Yosef létsinkí á, olegyi asón ámú Bulu-ọ̀bọ̀pu amu lébláa mu amusu. Oletsíá Maria, kpáin mu. ²⁵ Táme ọ̀mọ̀pu ọ̀bi da Maria, kpéfọ̀n bréá ọ̀lọ̀kwí mu bi yínhé gyankpapo, ọ̀lẹ̀dinká mu dá Yesu.

* 1:2 Apio yinhé ánfí gyí Israel abusuan dúanyo ámu anáin ní.

2

Anyansapɔ Aƙɔ Bɔ

¹ Bréá Owíe Herode dé iwíe gyí Yudea ɔmátɔ bɔkwíi Yesu wúlu ƙɔá bɔtɛtí mú Betlehem, ibɔ Yudea ɔmátɔ inɔ. Mú ɔma a, anyansapɔ aƙɔá bɔtowun atɔ ntsrakpabítɔ bɔtsu owí ɔdalikpa ɔmá ƙɔtɔ ba Yerusalem wúlutɔ. ² Bɛfité bɛɛ, “Nkónú bɔkwíi Yudaƙɔ owíe amɔ? Anlówun mú osúna ání igyi ɔtsrakpabi owí ɔdalikpa inɔ. Mú sɔ abá bosúm mú.”

³ Owíe Herode lónu asón ání á, opúni letsíi múa Yerusalemfɔ fée. ⁴ Mú sɔ ɔletí Yudaƙɔ Bulu igyi ahapú dehen pɔ Mose mbala asunápɔ fée fia, fité amó ɔtínéá bɔkwíi Kristo, (ɔhá ámúú Bulu ladá mú ofúli amú).

⁵ Bɛbláa mú bɛɛ “Betlehem wúluá ibɔ Yudea ɔmátɔ. Alí Bulu ɔnɔsú ɔtɔírú ɔko lówanlín tswí nɛ. ⁶ Ɔbée, ‘Fó Betlehem, Yudea wúlu, fɔmegyí wúlu túkúríibi ɔkpagyíɔkpasu Yudea awúlu yilé ámɔtɔ. Tsúfɛ ɔmású ogyípú ɔko ɔbédali tsu fótáá, ɔbékpa Bulu ahá Israelfɔ.’ ”

⁷ Mú sɔ Owíe Herode létí anyansapɔ amɔ nkɔle, fité amó bréá bowun osúna ɔtsrakpabi amɔ, bɛbláa mú. ⁸ Múú ɔlɔwa amó Betlehem ɔbée, bɔyódunká kebi ámu wankláán. Ní bowun mú a, bɔyínki bɛbláa mú, mɛni mú é móyósum mú.

⁹ Olenya bláa amó tá alí benatí. Ɔtsrakpabi amóú bowun owí ɔdalikpa amɔ, lékpa amó alu yélu ɔtínéá kebi ámu bɔ. ¹⁰ Bréá bowun ɔtsrakpabi amɔ a, ansí lehie gyí amó. ¹¹ Bowie wóyítɔ inɔ á, bowun kebi ámu múa mú yin Maria, bɛda akpawunu súm kebi ámu. Besankí amó akentebi, bekie mú sika pepe, ɔhíén pɔ ohuam.

¹² Mú ɔma a, Bulu lówa mbala há amó okudetɔ ɔbée, bɔmáiyínki yótson Herode wá. Mú sɔ bɔtsɔn ɔkpa bámbású yó amó wúlutɔ.

Yesu Mɔa Mɔ Akwíipɔ Egiypte Ɔmátɔ Yɔ

¹³ Bréá anyansapɔ amɔ benatí á, Bulu-ɔbɔpɔ léle iwí ɔwan súná Yosef okudetɔ, bláa mú ɔbée, “Kɔsu, afukpa kebi ámu múa mú yin srí ya Egiypte ɔmátɔ. Mlitsia inɔ yófon bréá nébláa fɔ mbée mlíyínki ba, tsúfɛ Owíe Herode obódunká kebi ámu, mó mú.”

¹⁴ Mú sɔ Yosef lókusú onyé-onyé ámu, kpá Maria múa kebi ámu srí ya Egiypte ɔmátɔ. ¹⁵ Betsiá inɔ yófon bréá Herode lówu. Iní léha Bulu asón ání ɔleblí tson mú ɔnɔsú ɔtɔírú ɔkusɔ leba mótɔ. Ɔbée, “Netí mí bí ámu tsú Egiypte ɔmátɔ.”

Betlehemfɔ Abi Mɔ

¹⁶ Bréá Owíe Herode lówun ání anyansapɔ amɔ bamlé mú a, ɔblí lehie kítá mú. Ɔlɔwa mú isá akɔpɔ ɔbée, bɔyó Betlehem wúlutɔ pɔ mú nkudasi, abɔyɔmɔ abi yinhé ání bahɔ tsú nfinyɔ ba ayasi fée. Tsúfɛ anyansapɔ amɔ bɛbláa mú bɛɛ, beyankpá wun ɔtsrakpabi amɔ nfinyɔ ní.

¹⁷ Iní léha Bulu asón ání ɔleblí tson mú ɔnɔsú ɔtɔírú Yeremiasu leba mótɔ. ¹⁸ Ɔbée,

“Bonu isú móa olú ƙɔá imeká tin Rama wúlutɔ.

Rahel dé mú abi sú. Omotsulá ání bɔkpáta mú, tsúfɛ bɔtráa bɔma inɔ.”

Yesu Mɔa Mɔ Akwíipɔ Yínki Tsú Egiypte

¹⁹ Owíe Herode lowu ɔma a, Bulu-ɔbɔpɔ léle iwí ɔwan súná Yosef okudetɔ Egiypte inɔ, bláa mú ɔbée, ²⁰ “Kɔsu, afukpa kebi ámu múa mú yin, amlíyínki ya Israel ɔmátɔ. Tsúfɛ ahá ámúú bodunká ání bómɔ kebi ámu, bawú.” ²¹ Mú sɔ Yosef lókusú kpá kebi ámu múa mú yin, beyínki yó Israel ɔmátɔ.

²² Táme bréá bowie inu á, olonu ání Arkelao latsiá mu si Herode obiású, ode Yudea omású gyí. Mú su olenya ifú ání obópu kebi ámu ya inu. Bulu lélawá mbila há mu okudeto obéé, opóu mu ya Galilea omátú. ²³ Mó su boyo yétsiá Nasaret wúluto. Iní léha Bulu asón ámóú olebli tson mu onósú atóipósu obéé, “Béti mu Nasaretyin” amu ileba mótó ní.

3

Asú Obópú Yohane Bulu Asón Okanda

(Marko 1:1-8; Luka 3:1-18; Yohane 1:19-28)

¹ Bré koto á, Asú Obópú Yohane léba ode Bulu asón okan da Yudea dimbísú. ² Obéé, “Mlidamli klontó, amlisi lakpan bwe, tsúfé Bulu iwíegyi lawié wóyí tá.” ³ Yohane iwi asón Bulu onósú otóipú Yesaia lówanlín obéé, “Oku dékplon dimbísú obéé, ‘Mlida aní Wíe okpa. Mlitswii ikpa ha mu’ ” amu ní.

⁴ Yohane lówa kpósó-imi atadié, olopu owuló-kpákpá ofé klí mósú. Atsantsanku pú okwén otegyi. ⁵ Ahá botsu Yerusalem wúluto, Yudea omátú pú Yordan bunkpá onó awúlu féesú ba bonu mu ason blíhé. ⁶ Bele amú lakpan blí, olobo amó asú Yordan ntsutso.

⁷ Táme bréá Farisifo pú Sadukifo tsotsotsó beba beé, obóo amú asú á, olefité amú obéé, “Abe abí-aná, nto gyá mli, mlisrí Bulu isobití ámóú ibá ámu? ⁸ Mómú mliswie abíá ibósuná ání lélé mliladámli klontó. ⁹ Mlumáku mlíaa, mli náin gyí Abraham. Mú su Bulu méebití mli isu. Nde mli bláa mbéé, Bulu obétalí há abwi ánfí ibédamli Abraham abí-aná. ¹⁰ Séi á, Bulu lapú efé yi nyí-atsitsitá. Oyígyioyi ání imoswie abi wankláán á, bókun mó dá, wá mó féeé ogyá. ¹¹ Mí mó á, ntsu ndepobó mli asú pósuná ání mliladámli klontó. Táme okvá odon mu bu oma obá. Mmofun ání nósará mu ntukota kórará. Mu obópu Oje Wankíhé pú ogyá bó mli asú ní. ¹² Ode mu ilín, obópu fúní ntéte lé ayó ámuto. Obékpa ayó ámu wá mu odudutó. Táme obéféi ofunikpá inu wankláán, kpá ntéte amu wá ogyá ání itamaduntó.”

Yesu Asúbo

(Marko 1:9-11; Luka 3:21-22)

¹³ Yesu lótsu Galilea omátú ba Yordan ntsu onó Yohane wá obéé, obó mu asú. ¹⁴ Teki Yohane mótsulá ání obóbó mu asú. Iní su olebliá Yesu obéé, “Mí ilehián ání fóbó asú. Nkálí igyi sù faba fée mí obóbó fú asú?”

¹⁵ Yesu lébláa mu obéé, “Séi á, ha atsu mó alí asa, tsúfé ilehián ání abóbwe tógyítá ida okpa Bulu asú.”

Mú su Yohane lótsulá. ¹⁶ Bréá olobo Yesu asú tá, Yesu lédalí ntsu ámuto alí nwólótáa lefinkí, olowun Bulu Oje deklí fé abróduma, ilobogyonká musu. ¹⁷ Inu ome ku lótsu osósú obéé, “Oní gyí mí Bía ntódwé mu, mi ansí tēhíé gyi mu iwi ní.”

4

Yesu Isóki

(Marko 1:12-13; Luka 4:1-13)

¹ Inu inu Oje Wankíhé amu lékpa Yesu ya dimbísú, méni Obonsám obóso mu ki. ² Oletsíá inu klí onó nke adwana (40), onyé adwana (40). Mó su akón lehie kítá mu. ³ Inu Obonsám lóso mu ki, bláa mu obéé, “Ní Bulu mu Bi fógyi á, mómó ha abwi ánfí idamli bwe bodobodo.”

⁴ Yesu lélé mó onó obéé, “Bowanlín wá Bulu asón ámuto beé, ‘Megyi atogyihe wole nyankpusa obégyi tsíá nkpa, táme opóu Bulu ason blíhé é tsia nkpa.’ ”

5 Ǫbunsám lékpa mu ya Yerusalem, wúlu wankíhé amuto, alọpu mu yélí Bulu otswékpa obu ámu otántra. 6 Inu alebláa Yesu abéé, “Ní Bulu mu Bi fúgyi lélé á, tu kpayi. Tsúfẹ bwanlín wá Bulu asón ámutọ bée,

‘Bulu abéha mu abọpu békpatá fú ibito, méné fú yabi méeda ibwi kọkọsu.’ ”

7 Yesu léle mú onọ abéé, “Betrá wanlín bée, ‘Mákapọ fú Wíe Bulu kí.’ ”

8 Mú oma a, Ǫbunsám lópu mu ya ibu fóáhé kọsu, olosuná mu ayítí iwíe ogyíkpa fẹé, pọ mú numnyam. 9 Múọ alebláa mu abéé, “Ní fẹda akpawunu súm mí á, nọpu iní fẹé há fú.”

10 Yesu lébláa mu abéé, “Ǫbunsám, natí tei mísó! Tsúfẹ bwanlín wá Bulu asón ámutọ bée, ‘Da akpawunu ha fú Wíe Bulu. Mu nkọle fọ súm.’ ”

11 Inu Ǫbunsám lénatí mu wá, Bulu-abọpu beba beki musu.

Yesu Gyumagyihe Asitsud Galilea Omátọ

(Marko 1:14-15; Luka 4:14-15)

12 Mú oma a, Yesu lónu ání bakítá Yohane tswi obu, oleyinkí ba Galilea osulọsu. 13 Olotu tsú Nasaret wúluto yó Kapernaum, wúluá ibu mantáa Galilea ọpu onọ, Sebulon móa Naftali osulọsu. 14 Mu inu ya léha asón ámutọ Bulu onósọ otọipọYesaia léblí ámu ileba mótọ. Abéé,

15 “Sebulon pọ Naftali osulọwá ida Yordan bọnkpa onọ, mantáa Galilea ọpu. Galilea omátọ omá bámbásófọ bọtsie.

16 Ahá ánfí bọtsie oklúntọ ánfí bawun wankí kponkpọonkpontí kọ.

Bọtsie osulọwá lowu dé iwíe gyí músó. Wankí kọ lawánkí wólí amósú.”

17 Tsú inu Yesu léfí asi ode Bulu asón akan da, blí abéé, “Mlídamlí klúntọ, Bulu iwíegyí lawíe wóyí tá.”

Akasípọ Abaná Le

(Marko 1:16-20; Luka 5:1-11)

18 Eke okwá Yesu ná Galilea ọpu onọ á, olowun apíọ abanyọ akọ. Simon ání bọtetí mu Petro muwa mu gyama Andrea, bọde asawu tswí, tsúfẹ aye alẹpọ bọgyi. 19 Múọ alebláa amú abéé, “Mlíba bobuo mi. Nóbwe mlí anyánkpọsa alẹpọ.” 20 Inunu besi amú asawu aná tswi, kplá buo mu.

21 Ọlénatí yó nkpa kpalobí, olowun apíọ abanyọ akọ é, Yakobo muwa mu gyama Yohane. Amóa amú sí Sebedeo búbu oklúntọ, bọde amú asawu bíun, Yesu létí amú. 22 Inunu amú é benatí sí amú sí muwa oklun amu bobuo mu.

Yesu Atósundá, Mu Asón Okanda Pọ Ilotsa

(Luka 6:17-19)

23 Yesu léki Galilea omátọ fẹé, súná atọ Yudafọ ofiakpa. Ọlẹda Bulu iwíegyí ámu iwí ason wankláán akan. Ọlẹtsa ọhétọ móa awútọ ilọ kugyíku. 24 Iní su mu iwí asón lekléí yó Siria omátọ fẹé. Bọpu alọpu tsúa ntíné-ntíné ba mu. Ọlẹtsa ilọ kugyíku, ahá ání bọde iwọsun wúun, amóá ọje laláke dé amú háan, amóá ilọ dídahe bu amósú pọ abubúpu aná fẹé. 25 Mú su odom kponkpọonkpontí bobuo mu. Ahá ání bọtsú Galilea omátọ pọ Dekapoli* awúlu amosu, Yerusalem wúluto, Yudea omátọ pọ Yordan ntsu abun osulọsu fẹé.

* 4:25 Dekapoli asi gyí awúlu dú.

1 Bréá Yesu lówun ɔɔm amu a, ɔɔɔu yó ɔbu kusu yétsiá asi, mu akasípú amu beba mu wá. 2 Inu olosuná amú ató ɔbéε,

Oyúla Asón
(Luka 6:20-23)

- 3 “Bulu layúlá ahá ání amó ansí medín tɔtɔsu dun mu Bulu, tsúfɛ amóbó mu iwíegyí ámu ni.
4 Bulu layúlá awirehɔ agyípú, tsúfɛ obólwií amó klɔn.
5 Bulu layúlá iwiasí abápu, tsúfɛ amó obégyi ɔsulúu amu ni.
6 Bulu layúlá ahá ání mu apébwε akón móa ɔmewóli de amú, tsúfɛ ɔbéha amó bómwε.
7 Bulu layúlá nwe awúnpu, tsúfɛ obówun amó nwe.
8 Bulu layúlá ahá ání amó klɔntɔ lɔwankí, tsúfɛ amó obówun mu ni.
9 Bulu layúlá ahá nsiné alapó, tsúfɛ ɔbéti amú ɔbéε mu abí.
10 Bulu layúlá ahá ání bɔɔɔn amósó mu apébwε su, tsúfɛ amóbó mu iwíegyí amu ni.
11 “Bulu layúlá mli, ní bɔɔde mli sia, bɔɔɔn mli su, bɔɔde afunu wa dínká mli su.
12 Ansí igyí mli, iwí ɔsanki mli, tsúfɛ mli ɔkáká tɔɔ ɔsósó. Alí ɔɔbwε Bulu ɔnósó atɔípú agyankpapu amu ni.

Nfɔli Móa Wanki
(Marko 9:50; Luka 14:34-35)

- 13 “Mli gyí ɔyítɔ nfɔli ni. Ní nfɔli itá ɔɔwε á, ntɔ bélapówá mú ɔɔwε? Itráa ma ale há tɔtɔɔto bwe. Tsei bɔtetséi mú tsítsá, ahá bɔtetsátsa mósó tson.
14 “Mli gyí ɔyítɔ wanki é ní. Wúluá idun bɔsu tamanáin. 15 Bɔtamanywé ɔkandíε, pú ɔlɔ bun mósó. ɔɔwákpa bɔtɔpúbian, ménú ibówanki há ahá ání bɔtsie wóyí ámɔto fɛé. 16 Mú su mliha mli bwehé iwanki ali, ménú ahá bówun mli bwehé wankláán ámu, fówun békanfó mli Sí ámúɔ ɔbu ɔsósó ámu.

Mose Mbla Iwi Atosundhé

- 17 “Mli máki mliaa, neba Mose Mbla ntéε Bulu ɔnósó atɔípú amu atosunáhétɔ ɔkákpa. Mneba mótó ɔkákpa, mbóun neba ɔɔbwε mú ifɔn. 18 ɔnɔkwali nde mli bláa, ɔsú móa asi bómɔ ɔnó, táme itoduáhé ntéε asónbi kole kóráá iméedali Mbla ámɔto, yófun bréá mótó asón fɛé laba mótó. 19 ɔhagyíɔha ání omobu mbla ámɔto tükúríibi ku, olosuná mu aba é ɔbéε bɔmábu mú á, bétu mu kebi tükúríibi ɔsósó iwíε ogyíkpa un. Táme ɔhá ání olegyi mbla ámu fɛésó, súná mu aba ání bɔgyíi mósó á, bétu mu ɔha yilé ɔsósó iwíε ogyíkpa un. 20 Mú su nde mli bláa mbéε, ní mli móbwe Bulu apé dun Mose mbla asunápú pú Farisifo ámu a, mli móbwe Bulu iwíegyí amɔto ekekeke.

ɔblɔ Iwi Atosundhé
(Luka 12:57-59)

- 21 “Mli lanú ání bebláa mli anáin atitífo ámu beε, ‘Mámɔ ɔha. ɔhagyíɔha ání ɔmó ɔha a, Bulu obégyi mu asón, há mu ipón.’ 22 Táme mí mú nde mli bláa mbéε, ɔhagyíɔha ání olenya ɔblɔ wa mu ba á, Bulu obégyi mu asón. ɔhá ání olesia mu ba ɔbéε, ‘ɔhakpan!’ á, obégyi ipón Yudafo asón agyípú ansítɔ. ɔhagyíɔha ání ɔlebláa mu ba é ɔbéε, ‘Raka!’* a, obégyi ipón yó ɔsɔbití ogyá ání itamadunto.

* 5:22 Raka asi gyí “ɔbwi!”

²³ Inu su ní fotsu ató hahé foyó afódié òbòkpá, fẹkaín aní fapú ason laláhe ku gyi fú bá á, ²⁴ si fú ató amó yaí afódié-asubwisu inu. Yó fúa munya amlila mli nsiné, asa afóba bóbò afódié ámu ha Bulu.

²⁵ “Ní òku osáma fú á, wa asa ha abuyobwii ipa ha mu asa asón ámu ogyiké ifun, méní fú onyabá ámu omécha asón agyípu bómópu fú ha obu adipósó òkípu, ówa fú obu. ²⁶ Mbláa fu ònòkwali, nkéti faká ikò ámu fée tá asa fédali inu.

Otsiába Ọmadali Iwí Atosundhé

²⁷ “Mlilanú aní bẹbláa mli bẹe, ‘Mákke òku tsiába.’ ²⁸ Táme mí mó nde mli bláa mbée, oyingyioyin aní olowun otsi, òbòwẹ mu klé iwí agywuun á, alató mbua dodo mu kluntó. ²⁹ Mó su ní fú gyopi nsibi tẹhá fótóbwé lakpan á, loti mó le, tswi tsalfwi. Ibu alá fú iwí otuneko má inu, dun aní bótswi fú nyankpusa-oyí ámu fée wá isubítí ogyá aní itamaduntó. ³⁰ Mó su ní fú gyopi ibi tẹhá fótóbwé lakpan á, ka mó tswi tsalfwi. Ibu alá foma ibi kole, dun aní bótswi fú nyankpusa-oyí ámu fée wá isubítí ogyá aní itamaduntó.

Ọkákíná Iwí Atosundhé

(Mateo 19:9; Marko 10:11-12; Luka 16:18)

³¹ “Betrá bláa mli bẹe, ‘Ọhagyíha aní obékíná òká á, ówánlun òkákíná ówuló ha mu asa.’ ³² Táme mí mó nde mli bláa mbée, ní oyin okíná mu ka aní ómòkódálí mu óma a, moláhá su otsi ámu óbédali mu óma. Oyingyioyin aní otsia otsi ánfí mu kulu lakíná mu anfí é lató mbua.

Ntamka Iwí Atosundhé

³³ “Mlilétrá nu aní bẹbláa mli anáin atúfó ámu bẹe, ‘Máka ntam kpaali. Mboun bwe dinka ntam amób feka há Bulu ámuṣu.’ ³⁴ Táme mí mó nde mli bláa mbée, máka tatòto kóráá. Mápú osúsó ká ntam, tsúfẹ Bulu owíe obíá igyi. ³⁵ Mápú osólúú ká ntam. Bulu ayabi oyíkpa igyi. Mápú Yerusalem wúlu ká ntam. Awíetó Owíe wúlu kpònkpòntí ní. ³⁶ Mlímápu mli nwun ká ntam, tsúfẹ mli méstalí bwé imi kole futútú ntéé bibi. ³⁷ Mboun fú ‘Iin!’ úbwéé ‘Iin!’ Fú ‘O-o!’ é úwé ‘O-o!’ Kugyíkúá fẹtrá blí tsía mótó itsú Ọbònsám wá.

Laláhe Ikòka Iwí Atosundhé

(Luka 6:29-30)

³⁸ “Mlilanú aní bẹbli bẹe, ‘Ọha obwíe mu ba nsibi a, búbwíe mu é mu klé ka ikò. Ọha otsíí mu ba iyín é á, bótswi mu klé ka ikò.’ ³⁹ Táme mí mó nde mli bláa mbée, mli mákplá ọha laláhe. Mboun ní ọha ódá fú isoto á, damli nyòsì é ha mu ódáa. ⁴⁰ Ní ọha dékléá óbésamáa fu, ho fú atadié á, pu fú tati é ha mu. ⁴¹ Ọhá aní ódun fu óhíe fú óbée, fúsóra mu ató máli kole ha mu a, sùra mó máli anyo. ⁴² Ọha ókólí fú ató á, ha mu. Ní òku é óbée fopáan mu tòku á, mákiná.

Alupódwẹ Iwí Atosundhé

(Luka 6:27-28, 32-36)

⁴³ “Mlilonúá bẹbli bẹe, ‘Dwe fú bá, afolu fú olupú.’ ⁴⁴⁻⁴⁵ Táme mí mó nde mli bláa mbée, mli dwe mli alupó. Mli bọ mpá ha ahá aní budun mli su, méní mlóbwe mli Sí ámu óbú osúsó ámu abí. Tsúfẹ mutéhá owí telun, ótẹhá nyankpu é itotswie wulí aha wankláán pu aha laláhe féesú. ⁴⁶ Ní fú adwepó nkole futódwé á, ipán mòmó fénya? Lampóo ahápu kóráá bótóbwé ali. ⁴⁷ Ní fú anyawíe nkole fótówá onó á, nto fakuku bwe dubi? Ali kén ómátófó bótóbwé ní. ⁴⁸ Inu su mli fun fé aliá mli Sí ámu óbú osúsó ámu lófún.

²⁴ “Ɔhaa méetalí sùm awie anyo. Ɔbódwe okole, lú okole. Ntéé obóbu okole, omóobu okole. Fuméetalí sùm Bulu, sùm kóba.

²⁵ “Mú su nde mli bláa mbée, mlimáhan iwí tóá młęgi, tóá młónu tsia nkpa pú tóá mlédidá su. Mbée, nkpa medéhián dun atogyihe? Ntéé oyóló medéhián dun ato didáhé? ²⁶ Mlíki mbubwi, butamadú, butamasíéti wá idanto, táme mli Sía ɔbu ɔsósú tehá amó atogyihe. Mlimá labi dun amó? ²⁷ Mlito ma ɔbétali han iwí pú bré kpalobí tsia mu nketo?

²⁸ “Ntogyi só mliđe iwí háan mli ato didáhé su? Mlíki alá pututo-oyí ntswítswí tedan. Itamayó agyómá ntée ló atati. ²⁹ Táme nde mli bláa mbée, Owie Salomo, mu inya féeťó a, ɔmetali híhie iwí, wá akíle fée oyí ntswítswí anfito koku. ³⁰ Ní Bulu dé ifá áni nde ilí, ɔke idawú, bawá mó ogyá tati didá á, ntogyi só ɔméetalí didá mli atati dun mú? Mli hógýi mǎtsó!

³¹ “Mú su mlimáhan iwí fité mliáa, ‘Nto abégyi?’ ntée ‘Nto abónu?’ ntée ‘Nto abédidá?’ ³² Iní aná ɔmátófo botesrí gya ni. Mli Sí ámóú ɔbu ɔsósú ámu yin áni iní fée de mli hián. ³³ Itóá młęgýankpa dunka gyí, Bulu iwíegýi pú mu yilébwe, fówun Bulu ɔbɔp iní fée tsia mótó há mli. ³⁴ Mlimásusúu ɔke iwí. Ɔketo asón igyi ɔke klé. Ekekegyíeketo ason wunhe itso há eke ámu.

7

Ilále

(Luka 6:37-38, 41-42)

¹ “Mlimále ahá ilá, méní Bulu ɔméele mli ilá. ² Tsúfě alí ámóú mliđe ahá ilá le ámu a, alí Bulu ɔbéle mli ilá ní. Itóá fɔpósúsu ha fó bá á, mó kén Bulu ɔbɔpósúsu ha fú é ní. ³ Ntogyi só fóde ipí túkúríibi wun fú bá nsibisó, táme fomedé ogyakpatín áni idun fú klésu mó wun? ⁴ Ntéé ntogyi só fóde fú bá bláa fee, ‘Ha mí andnki ipí fú nsibisó?’ bréá ogyakpatín dun fú klésu? ⁵ Apinabwebí ɔbwepó! Gyankpa dunki ogyakpatín ámu fú nsibisó, méní fówun ató wankláán, tálí dínki ipí ámu fú bá klésu.

⁶ “Mlimápu Bulu ató wankíhé há ahá áni bgyi fě akíai, Bulu asón tamawá amó ogyá. Bénya ɔbló dámlí dun mli. Alí kén mlimápu mli abutó wolihe há ahá áni bgyi fě mprákuo ní. Tsúfě bétsatsáa mósó, tsia mó wá ɔdibato.

Atókolí Tsú Bulu Wá

(Luka 11:9-13)

⁷ “Mlíkolí Bulu, ɔbéha mli. Mliđunka, młówun. Mliđa mu klonsó, obéfinkí mó há mli. ⁸ Tsúfě ɔhá áni ɔtókólí ató tenyá. Ɔhá áni otodúnká ató towun. Ɔhá áni ɔtedá klonsó bótefinkí há. ⁹ Ma búu mliťóá mu bi ɔkólí mu bodobodo a, obótsu ibwi wá mu ibito? ¹⁰ Ntéé ní ɔkólí mu iye a, ɔbékítá iwó wá mu ibito? ¹¹ Mli lakpan abwepó kóráá mliyin alá butɔp ató wankláán há mli abí. Ntogyi só mli Sí ámóú ɔbu ɔsósú ámu mó mɔɔpu ató wankláán há ahá áni bude mu kolí.

¹² “Bwe ha ahá alá fudeklé fee bubwée ha fu. Iní Mose Mbla pú Bulu ɔnósó atóipó amu atosunáhé deblí ní.

Ɔkpa Kplanhe Mba Teíhé

(Luka 13:24)

¹³⁻¹⁴ “Mlitsun ɔkpa kplanhe amusu, młýo nkpa áni itamatátó. Ahá kpalobí pé tebí mó. Táme ní mlótsun téíhé ámóú ibu atsónlé amusu á, młýo ɔhukpá. Ahá tsótsótsó tótsun mósó.

Oyi Pó Mó Abi Swiehé

(Luka 6:43-44)

¹⁵ “Mlíki wankláán ahá áni butowá afunu bee, Bulu ɔnósó atóipó bgyisu. Butepina bwe iwí fě akúfa ba mli wá, táme nkpatakuá bobu iyin bgyi.

16 Amó bwehé mlápubí amó. Botamakpótí kankaba okplóto oyísó, botamakpótí tsòkpòn é tunkpa iflasu. 17 Oyi wankláán toswié abi wankláán. Oyi laláhe é toswié abi laláhe. 18 Oyi wankláán méetalí swié abi laláhe. Alí kén oyi laláhe é méetalí swié abi wankláán ní. 19 Oyiá itamaswié abi wankláán á, kún botokun mó dá, wá mó ogyá. 20 Mó alí sù á, onósú atáípu afunupu anfi bwehé mlápubí amó.

Bulu Iwiégyi Amótò Awiepó
(Luka 13:25-27)

21 “Megyi òhagyiòha aní otetí mí obéé, ‘Mí Wié, mí Wié’ obówie Bulu iwiégyi amótò. Mboun óhá aní otòbwé mí Sí amóú obu osósú amu apé obóyo inu. 22 Bulu asón ogyíké amu a, ahá tsòtsòtsò béfíté mí beé, ‘Mí Wié, megyi fú dátó aniléblí Bulu onó asón, gya òhe laláhe lé ahátò, bwé ofúla é ní?’ 23 Inu néle bláa amó mbéé, ‘Mmeyín mli òkpagyiòkpasu. Mlunati tɛi mísú, mli lakpan abwepó!’”

Botású pú Osublúto Obuyi
(Luka 6:47-49)

24 “Mó sù òhagyiòha aní olonu mí ason blíhé anfi, olegyi mósú á, ogyi fé otiansipu ókwá oleyi mu obu dínká botású. 25 Nyankpu lótswié, ntsu lóbólá wa mó, atsufú lotsun wólí mósú, táme imobwie. Tsufé oleyi mó dínká botású.

26 “Táme òhagyiòha aní olonu mí ason blíhé anfi, omegyi mósú á, ogyi fé òha mimláhe aní oleyi mu obu osublúto. 27 Nyankpu lótswié, ntsu lóbólá wá mó, atsufú é lotsun wólí mósú. Obu amu lobwie, ìleda así gbloo!”

Túmiá Yesu Bv

28 Bréá Yesu léblí asón anfi tá á, mu atosunáhé leha onó lobwie odóm amu. 29 Tsufé olusuná amó ató túmisu. Omosuná mó fé Mose mbla asunápó amu.

8

Ìlò Pèpè Òlópó Òkú Tsa
(Marko 1:40-45; Luka 5:12-16)

1 Bréá Yesu lékplí tsú ìbù àmùsò á, odóm kpònkpònkpònti bobuo mu. 2 Inu á, ìlò pèpè òlópó òkú léba beda akpawunu mu ayabito, kókóli mu obéé, “Owíé! Ní fòtsulá á, fétalí há mí ìwí bèplí.”

3 Múú Yesu létinkí ìbì da mu, bláa mu obéé, “Natsúlá, fú ìwí ìplí!” Inonu mu ìwí léplí. 4 Múú Yesu léda mu olá obéé, “Mábla òhaa asón anfi. Natí laa afupu fú ìwí yosuná Bulu igyi òhapó, afuha mu ìwígyorátò amóú Mose mbla losuná tsú ìlò pepetsa ìwí amu. Igyi adánsiɛ suna ahá aní fú ìwí laplí.”

Romafò Isá Akópú Òhande Osúmpú Òkú Ìlò Tsa
(Luka 7:1-10)

5 Yesu lówie Kapernaum wúluto. Romafò isá akópú òhande òkú léba mu wá, bóbwií ipa há mu obéé, 6 “Owíé, mí osúmpú délo. Alasin tsukole, òda wóyító òde ìwíasun wúun dibi.”

7 Múú Yesu lébláa mu obéé, “Néba betsa mu ìlò.”

8-9 Táme òhande amu lébláa mu obéé, “Owíé, mmòfun aní fèba mí wóyító. Fú mó blí asònkpu, ìwí bówá mí osúmpú amu onlun. Tsufé mí é mbu ahande aku asi, isá akópú aku é bubu mí asi. Néle onó mbéé amótó òkú onátí á, oténátí. Ní mbéé obá é á, otèba. Tógyítóá nèbláa mí osúmpú mbéé obwéé á, otòbwéé.”

10 Bréá Yesu lónu asón anfi á, onó lobwie mu, oledamli bláa ahá amóú bubuo mu amu, obéé, “Ònòkwali nde mli bláa, mmòkòwun óhá aní obu hógýi kpònkpònti anfi odu Israelfòtò kórará kí!” 11 Nde mli bláa mbéé, “Ahá tsòtsòtsò bótsu owí òdalikpa pú owí òkplíwíékpa ba, betsiá ató ogyíkpa Bulu iwiégyi

ámuto, amóa aní anáin Abraham, Isak pó Yakob aná bówá ibi gyi ató. ¹² Táme béle Israelfo ámúo teki bugyi Bulu iwíegyi ámuto atsiápó amu lé inu, tswi amó wá oklúnto. Inó isú móa kpisií bu ni.” ¹³ Múó òlelabláa isá akápó òhande amu òbée, “Nati, ibá mótó ha fu fú hógýi onó.”

Alí bré ámuto pépéépe osúmpó amu iwí lówa mu onlin.

*Alọpọ Tsotsotsọ Tsa
(Marko 1:29-34; Luka 4:38-41)*

¹⁴ Yesu lóyo Petro wóyító. Ọlọyo á, owísó lakítá Petro mu sia tsihé, ọda. ¹⁵ Múó òleyékítá ọtsi ámu ibi. Inonu owísó amu lókusó musu, ọbọwe Yesu afaótá.

¹⁶ Mú ntópwesu á, bọpọ ahá tsotsotsóá ọje laláhe dé amó háan ba Yesu. Ọlọtí gya ọje laláhe amu, tsá alọpọ amu fée. ¹⁷ Iní léha asón ámúo Bulu onósó ọtápó Yesaia léblí ámu leba mótó. Ọbée, “Mólétsa aní ọl, tsú ipian kósó anísu.”

*Ahá Aní Bẹ Bóbwe Yesu Abúopọ
(Luka 9:57-62)*

¹⁸ Yesu lówun aní ọdọm babomlí mu, ọlebláa mu akasípó amu ọbée, “Mliha afa Galilea ọpọ yo mú ọbun.” ¹⁹ Inu Mose mbala osunápó ọku lébá mu wá, bebláa mu ọbée, “Osunápó, nóbuo fu yó ọtínegyíotínéá fýo.”

²⁰ Yesu lébláa mu ọbée, “Awíá búbú mbó, mbubwi é búbú asia, támé mí, Nyankpọsa-Mu-Bi ánfí mú mma ọtínéá nópọ mí nwun tswi.”

²¹ Ahá ámúo búbuo mu amúto ọku lébláa mu ọbée, “Owíé, ha mí anyopulá mí sí asa ambobuo fu.”

²² Táme Yesu lébláa mu ọbée, “Bobuo mi, afusi awupú abupula amó afúli.”

*Atsufú Asibá
(Marko 4:35-41; Luka 8:22-25)*

²³ Yesu lówie ọklúnto, mu akasípó amu é bowie buo mu. ²⁴ Bréá bọyó á, afú kponkpọnkponknti ku lówa tsón bi. Mú su ntsu deda wíé ọklun amúto, ideklé ime, támé Yesu mú da ọdédidi. ²⁵ Akasípó amu betsinkí mu, bláa mu bẹe, “Aní Wíe le aní. Anidé ntsu wie!”

²⁶ Múó ọlefíté amú ọbée, “Ntogyi sọ mlídé ifú nya alí? Mlí hógýi mótó!” Inu ọlókusó lé onó wa afú móa ntsu ámu, inu fée lólá.

²⁷ Ifú lehie kítá amú, befíté aba bẹe, “Nyankpọsa ọmọmu ni, afú móa ntsu kóráá tonú mu ọme alí?”

*Ọje Laláhe Gyáa Le Agbedépo Abanyótó
(Marko 5:1-20; Luka 8:26-39)*

²⁸ Bréá Yesu lówie Galilea ọpọ ọbun, Gadarafó ọsolósu á, ayin abanyó akwá ọje laláhe bu amótó bedalı tsu afúli opulákpá befia mu. Amó iyin su ọhaa tamatálí tsun ọkpa ámusu. ²⁹ Inonu bọkplón fité Yesu bẹe, “Bulu mu Bi, amansu igyi? Fébá bepítí aní ató asa Bulu isubitíbi ifun?”

³⁰ Mprákuo tsotsotsó akw búdegyí inu fún. ³¹ Mú su ọje laláhe amu bokokóli Yesu bẹe, “Ní fégya aní le ahá ánfító á, ha ayowie mprákuo ánfító.”

³² Yesu lébláa amú ọbée, “Mliyo.” Inonu bedalı ayin ámúto yówie mprákuo ámúto. Amú fée besrí kplí okúku ku wíé ọpọ amúto, wúwu.

³³ Mprákuo ámu akpapó besrí yó wúlutá, yébláa ahá tógýítóá ilaba ahá ámúo teki ọje laláhe bu amótó ámusu. ³⁴ Mú su wúlu amúto ahá fée bedalı ba Yesu wá. Bréá bowun mu a, bokokóli mu bẹe, ọdálí amú ọsolósu.

1 Mú sù Yesu léyinkí wíé òklòntò, fá òpù amù yó wúlu amóú otsie mótó ámusu*.
 2 Inu á, akú bósurá tsukòle osínpu akpasu ba mu. Bréá Yesu lówun ání bahò mu gyi a, òlebláa tsukòle osínpu amù òbéé, “Mí bí, klun idí fò así. Nasí fò lakpan kíé fò.”

3 Inu Mose mbíla asunápú akvá bótisíe inu, beblí wá nwuntò béé, “Oyin ání labò mbusuo.”

4 Yesu lébí amú agywun. Mú sù òlefíté amú òbéé, “Ntogyi sù mlidé iní odu gywín? 5 Mòmu bówá ablílé òn? ‘Nasí fò lakpan kíé fò.’ ntéé ‘Kusu tsu fò akpa afonati?’ 6 Táme ndekléá mlíbí ání mí, Nyankpòsa-Mu-Bi ání mbu túmí òyí ánífò sí ahá lakpan kíé amú.” Inu òlebláa tsukòle osínpu amù òbéé, “Nde fò bláa mbéé, kusu. Tsu fò akpa afonati yò wóyító!”

7 Inu òlòkúsó náti yó wóyító. 8 Iní lówá amú fée wánwan, bekanfò Bulu ání alapò túmiá igyi alí há anyánpòsa.

Mateo Tí

(Marko 2:13-17; Luka 5:27-32)

9 Bréá Yesu lópu òyó á, olowun lampóò òhòpu òkúá butetí mu Mateo tsie lampóò òhòkpa. Mú òlebláa mu òbéé, “Bobuo mu.”

Inu Mateo lókusó buo mu.

10 Mateo létí Yesu mva mu akasípú ató ogyíkpa mu wóyító. Lampóò ahòpu pò lakpan abwepò tsòtsòtsò beba ató ámu ogyíkpa. 11 Farisifò ámu benya wun amú alí, befité mu akasípú amù béé, “Ntogyi sù mlí osunápú mva ahá ání odu butòwá íbì gyi ató?”

12 Yesu lónu asón ání, òlebláa amú òbéé, “Alòpu léhián ò òtsapó, megyí ahá ání iwí bu amú ònlín. 13 Mliyo amliyefité Bulu asón ání òwanlín tswí anfi así. Béé, ‘Nwewúun ntekle, megyí igyíha.’ Mmèba aha wankláán òtkpá, lakpan abwepò òtkpá neba.”

Ònòklí Iwí Asòn Fitéhé

(Marko 2:18-22; Luka 5:33-39)

14 Èké òku Asú Òbòpò Yohane akasípú beba Yesu wá befité mu béé, “Ntogyi sù ania Farisifò anitekli ònó, támé fò akasípú mú butamakli ònó?”

15 Yesu léle mú ònó òbéé, “Òtsi òkpánpú anyawíéá bubu mu wá bégyi awirehò? Èkéèkéè! Támé èké kú béba ání békpa òká otsiápu amù náti sí amú. Alí nke ámòtò béklí ònó ní.”

16 “Òhaa tamapó tati pòpwe tan tati dada. Tsúfé tati pòpwe amù békpkpú tsií dáda amù kú lé, há òtánkpa inu bélatéí tsía. 17 Alí kén butamapó nta pòpwe wá òwulò-kpákpa kente wuhétó ní. Nta pòpwe amù ibòfú fá kente amù, tsítsá, ibéyintá kente amù é. Iní sù òwulò-kpákpa kente pòpwetò bótòpò nta pòpwe wá, méní mú anyò amù fée bétsiá.”

Òhande Òku Mv Bi Mva Òtsi Òku Ilò Tsa

(Marko 5:21-43; Luka 8:40-56)

18 Bréá Yesu détoí á, Yudafo offiakpa òhande òku léba beba akpawunu mu ayabitò, kókòlí mu òbéé, “Mí bí tsíhé lawú sésésésí, támé ba afòbòpu íbì dinka mu sù onya nkpa.”

19 Mú sù Yesu lókusó, mva mu akasípú bobuo òhande amù.

20 Òtsi òkúá obugya ò mu wólí nfi dúanyò ní lótsun yò Yesu òma, pò íbì da mu tati osiebí. 21 Tsúfé òleblí wá mu nwuntò òbéé, “Ní nòpò íbì da mu tati kpán á, ò bési mí.”

22 Yesu lédamlí kí mu, bláa mu òbéé, “Mí bí, klun idí fò así. Fò hògyi latsá fò ò.” Inu òtsi ámu iwí lówá mu ònlín.

* 9:1 Mú wúlu gyí Kapernaum. Kí 4:13.

²³ Bréá olowie ɔhande amu wóyító a, olowun ikpe afúlípó, nú awurehó agyíró amu okitikítí. ²⁴ Olegya amú ɔbée, “Mlidalí nfi! Otsibi amú mókówú, didí ɔde.” Ahá ámu bómásí mu. ²⁵ Bréá amú fée bedali ba wunsínésó a, Yesu lébitíwíé obu amúó otsibi amu da mótó ámutó yékítá mu ibi, ɔkòkòsó. ²⁶ Asón ánu lékéí wá ɔmá ámutó fée.

Ansibi Abwiepó ló Tsa

²⁷ Yesu lédali ɔyó á, ansibi abwiepó abanyó ako bobuo mu, buɔe okitikítí surá kpólí mu bée, “Owíe Dawíd mu na, wun aní nwé!”

²⁸ Bréá olowie wóyító a, ansibi abwiepó ámu beba mu wá. Yesu léfíté amú ɔbée, “Mlilahogyi mlíaa, nétalí há mlí ansíbi bóbwií?”

Bele mú ɔnó bée, “Aní Wíé, Ee!”

²⁹ Múó ɔlɔpu ibi dada amú ansibi, bláa amú ɔbée, “Tbá mótó ha mlí, mlí hógyi ɔnó.” ³⁰ Inu bɔwa ató wun bi. Yesu léda amú ɔlá ɔbée, bómábláa ɔhaa.

³¹ Táme bréá bedali bɔyó á, beda mu ɔkan ɔmá ámu féeító.

Omúmu ló Tsa

³² Benya náti alí, bɔpu oyin ɔkúá ɔɛ laláhe bu mótó, su alató omúmu ba Yesu.

³³ Olenya gya ɔɛ laláhe amu lé oyin ámutó alí, ɔlɔwa tɔtɔ bi. Ahá ámu fée bowun, su ɔnó lobwie amú. Mú su beblí bée, “Anumókówun iní odu Israelfɔtò kí!”

³⁴ Farisifo ámu beblí bée, “ɔɛ laláhe owíe túmi ɔɔepogya ɔɛ laláhe lé aháto.”

Ahá Nwewúun

³⁵ Yesu lékí awúlu pó nkuda fée asi, súná ató Yudafo ofiakpa. ɔlɔda Bulu iwíegyi ámu iwí ason wankláán ɔkan. ɔlɔtsa ɔlɔ kugyíko fée. ³⁶ Bréá olowun ɔɔm amu a, amú asón lówa mu nwe. Bɔgyi fé akúfa aní buma ɔkparó, tsúfé asón de amú háan, buma tɔtɔ bwetó. ³⁷ Mú su ɔlebláa mu akasípó ɔbée, “Ató kpótíhé amu itsó, táme mú akpótípó bómásó. ³⁸ Mú su mlíkòkòlì ndó mu wie, ɔwa ató akpótípó tsɔtsɔ aboba bɔkpótí ató ámu.”

10

Akasípó Amu Add

(*Markó 3:13-19; Luka 6:12-16, 9:1-6*)

¹ Yesu létí mu akasípó dúanyó ámu, ɔleha amú túmi aní bɔgyí ɔɛ laláhesu. Bɔgyáa amú lé aháto, abutsa ɔlɔ múa iwíɔsin kugyíko. ² Sumbí ayɔpó dúanyó ámu adá ní: Ogyankparu gyí Simon aní bɔtétí mu Petro mva mu pio Andrea. Yakobo mva mu pio Yohane aní bɔgyi Sebedeo abí; ³ Filipo, Bartolomeo, Toma, lampóo ɔhɔpu Mateo, Alfeo mu bi Yakobo, Tadeo, ⁴ Simon aní ogyi iwíɔtsiá adunkápó ɔpasuato ɔha pó Yuda Iskariot aní ɔlele Yesu há.

Akasípó Dúanyó Amu Sumbíwa

(*Markó 6:7-13; Luka 9:1-6*)

⁵ ɔlɔwa sumbí ayɔpó dúanyó ámu sísí, wá mbla há amú ɔbée, “Mlímáyo ahá aní bomegyi Yudafo ɔsulú pú Samariafo awúlu kòkòsu. ⁶ Mboún mliyo Israelfo wá. Bɔgyi fé akúfa aní bafwí. ⁷ Ní mloyó á, mlida asón ámu ɔkan mlíaa, ‘Bulu iwíegyi amu lawíé wóyí tá.’ ⁸ Mlitsa ɔlɔ, amlitsinki afúli. Mlitsa ɔlɔ pepe alópó, amligya ɔɛ laláhe lé aháto. Mlímáhó amú tɔtɔ. Mlúbwe mú pukie amú, fé alíá napókíé mlí. ⁹ Mlímátsu sika kòkòkò wá mlí akenteto. ¹⁰ Mlímátsu akpankogyo aní mlɔpu ató wá mótó há ɔkpa ámu tu. Mlímátsu atadié nyɔɔsi, ntókota pó oyi yíahé. Tsúfé agyómá ayɔpó bɔtéhá atogyihé.

¹¹ “Ní mloyóswí wúlu kugyíkòsu á, mlíɔdunka ɔha wankláán, amlíswu mu wá. Mlitsia unu kpefon ekeá mlénatí. ¹²⁻¹³ Ní mlowíé wóyító unu á, mlíha amú itsiá mlíaa, ‘Bulu ɔhá mlí iwílwíi.’ Ní wóyí ámutófo bɔhó mlí á, mlí oyúla amu

isín amósó. Táme ní bómòhò mlí á, mómó mlí oyúla amò isánki ba mlísv. ¹⁴ Ní bómòhò mlí, ntée nú mlí asón á, mlídalí wóyí ntée wúlu amòtò, amlíkpakpa mlí ayabito-isi wòli un. ¹⁵ Ònòkwali nde mlí bláa mbéé, Bulu òbébutí amò isv òn Sodom múa Gomorafò mv asón ogyíké amò.”

Iwòsun Aní Ibéba Sumbí Ayòpò Amòsv
(Marko 13:9-13; Luka 21:12-17)

¹⁶ Òlètrá bláa amò òbée, “Mlíbi aní nde mlí wa fé akúfa aní bójyò nkpatakutò. Mlíwifwi ansí fé awò, amlíha mlí iwí utn fé abróðoma. ¹⁷ Mlíki mlí iwí wankláán anyánkòsasv. Tsúfè békítá mlí ya asón ogyíkpa, nwén mlí ató amò ofiakpa. ¹⁸ Mí sv békpa mlí ya omásó agyípò pò awíe ansítò, ménu mlégyi mí iwí adánsie súná amúa omátòfò. ¹⁹ Ní békítá mlí ya a, mímágywúin asón aní mléblí pò alíá mléle mó ònó. Bópò asón aní mléblí bré amòtò wá mlí ònó. ²⁰ Tsúfè megyí mlí òbótóí. Mlí Sí Òhè amò òbótóí tsòn mlísv.

²¹ “Apíó bèle amò apíó há lowu. Abí así bèle amò abí há. Abí é bókusó líí amò akwípòsv, há bómò amò. ²² Mí sv ahá fèé bólu mlí, támè ní mlétalí wá klòn líí kinkíinkín yòfòn mó ònómò á, Bulu òbòhò mlí nkpa. ²³ Ní bòdun mlísv wúlu kutò á, mlísrí yò wúlu bámbátò. Ònòkwali nde mlí bláa. Mlíiméeki Israel awúlu amò fèésó tá asa mí, Nyankpòsa-Mv-Bi ánfu néyinkí ba.

²⁴ “Okasípò tamadòn mv osunápò. Osúmpò é tamadòn mv wie. ²⁵ Ibówa alé ní okasípò òbòbwe fé mv osunápò, osúmpò é òbòbwe fé mv wie. Ní batálí búde wóyí mv wie amò tí bée, ‘Òbunsám’ ntée ‘Beelsebul’ a, mómó ida laláhe mòmò bómòòpótí mv wóyítò atsiápò mó?

Òhá Aní Abénya Ifú
(Luka 12:2-7)

²⁶ “Táme mímánýa ifú. Tòtò má uná babun ató mósó aní bómòobwíí mósó. Tógyítò é ma uná ilenjaín aní iméelun òwan. ²⁷ Ní nelé ató súná mlí onyé á, mlíkplòn blí mó òpa. Mlída asón aní nébláa mlí nklobítò é òkan. ²⁸ Mímánýa nyankpòsa ifú. Òbétalí mó mlí òyulòv, támè oméetalí mó mlí òkláa. Mbòun òhá aní mlinýa ifú gyí Bulu. Mv òbétalí yíntá òyulòv múa òkláa amò fèé isubítí ogyá aní itamaduntò. ²⁹ Megyí kápè bütèfé akénsire anyò kéké? Táme amótò òkòkò tamakpádá òsolótò aní mlí Sí amò méyín mó iwí. ³⁰ Tsúfè Bulu yin mlí nwunso-imi kóráá klátò. ³¹ Mó sv mímánýa ifú, tsúfè mlíbv íbíá òn akénsire tsòtsòtsò.”

Adánsiegyi Pò Asónkind
(Luka 12:8-9)

³² “Ní òkò létalí gyi mí iwí adánsie ahátò á, mí é négyi mv iwí adánsie súná mí Sí òsòsv. ³³ Táme ní òkò lékiná mí ahátò á, mí é nékiná mv mí Sí ansítò òsòsv.

Ipiàn Yesu Lópòba, Megyí Iwilwíí
(Luka 12:51-53; 14:26-27)

³⁴ “Imábwe mlí fé iwílwíí nòpòba òsolòv anfisv. Megyí iwílwíí, mbòun òdayí iya anyò nòpòba. ³⁵ Tsúfè abi yinhé múa amò así nsiné báyíntá. Abí tshé múa amò ayín é nsiné báyíntá. Osia tshé múa mv sia tsíhényò é nsiné báyíntá. ³⁶ Òha alupò bótsu mv wóyítò.

³⁷ “Òhá aní òtòdwé mv sv ntée mv yin òn mv mófòn aní òbòbwe mí okasípò. Òhá aní òtòdwé mv bi tshé, ntée mv bi yinhé òn mv é mófòn aní òbòbwe mí okasípò. ³⁸ Òhá aní omòtsu mv oyikpalíhe bobuo mv é mófòn aní òbòbwe mí okasípò. ³⁹ Ní òkò léprí mv nkpa á, òbòhòlú mó. Ní òkò é lóhòlú mv nkpa mí sv á, obénya mó.

*Yilébwε Iwi Ikoká
(Marko 9:41)*

⁴⁰ “Ǫhá ání ðlǪhǪ mlǪ lahǪ mǪ. Ní Ǫku lǪhǪ mí ε á, alahǪ mí Sí ámúú ðlǪwa mí ámú. ⁴¹ Ní fǪhǪ Bulu ǪnǪsú ǪtǪípú ǪfǪú á, Bulu ǪnǪsú ǪtǪípú oyúla fénya. Ǫhá ání ðlǪhǪ yilé Ǫbwepú ε ǪfǪú obénya yilé Ǫbwepú oyúla. ⁴² ǪnǪkwali ndε mlǪ bláa. ǪhagyíǪha ání ðleha mí akasípúú Ǫkúúú kóráá ntsu-owebe ǪbǪ olonu a, ǪmǪǪhúlu mǪ ipán.”

11

*Yesu Mva Asú ǪbǪpú Yohane
(Luka 7:18-35)*

¹ Bréá Yesu lǪpu agyómá ánfǪ wá mǪ akasípú dúanyǪ ámu ǪbǪtǪ tǪ á, ǪlǪyǪ yéki Galílea awúlusú, súná ahá atǪ, dá asún ámu ε Ǫkan.

²⁻³ Asú ǪbǪpú Yohane da obu, olonu Kristo bwché. Mú sv ǪlǪwa mǪ akasípú abanyǪ sísi Yesu Ǫbée, buyéfité mǪ bεε, “Fúgyí Ǫhá ámúú Ǫbéba amú nǪ, ntée akú Ǫha bambá Ǫkpa?”

⁴ Yesu lébláa amú Ǫbéε, “MlyǪnki yebláa Yohane asón ání mlǪlabonu pú atǪá mlǪlabowun. ⁵ MlǪlabowun ání ansibi abwiepú bude atǪ wun, abǪ bǪna. Ilo pepe alǪpú iwǪ deplǪ. Isv atǪnpu bude asón nu. Afúli bǪdetsinkí, ahiánfǪ ε bǪde ason wankláán ámu nu. ⁶ Bulu obǪyulá Ǫhá ání mí bwché mǪkúúú líí mǪsv.”

⁷ Bréá Yohane akasípú ámu beyǪnki bǪyǪ á, Yesu lǪwa tǪí tsú Yohane iwǪ súná Ǫdom amú bǪ. Ǫbéε, “Bréá mlǪlédalǪ yǪ dimbísú iuv á, nǪ Ǫkíkpa mlǪlǪyǪ? Fitáa ání afú de mú tsǪvǪn lóǪ? Ekekekeke! ⁸ Ní megyí mú á, nǪ kóún Ǫkíkpa mlǪlǪyǪ? Ǫhá ání ǪdídǪ ntsrim? Ekekekeke! Awíε wóyí atati ámu odu adídǪpú bǪtetsíá. ⁹ MlǪblǪ mǪ! Bulu ǪnǪsú ǪtǪípú mlǪlédalǪ yéki? Eε, Yohane nǪ. Ǫdon Bulu ǪnǪsú ǪtǪípú. ¹⁰ MǪ iwǪ asón Bulu léblǪ bǪwanlǪn mú tswǪ bεε, ‘KǪ, ndε obi wa gya fu nkpa. MǪ Ǫbéla Ǫkpa há fú ní.’ ¹¹ ǪnǪkwali ndε mlǪ bláa mbée, ǪhagyíǪha ání Ǫha tsihé laken kwíú mǪfon Asú ǪbǪpú Yohane, táme mǪ ε ǪmǪfon Bulu iwíegyí ámúúú Ǫkúúú kóráá. ¹² Tsú Yohane brésú bǪtv ndε á, ahá bǪde Bulu iwíegyí ámu prú ǪwǪnlǪnsú. AwǪnlǪnpú bǪde mú prú. ¹³ Tsúfé Bulu ǪnǪsú atǪípú amú pú Mose Mbla ámu bǪfon Yohanesú féé bǪtǪí tsú Bulu iwíegyí ámu iwǪ. ¹⁴ Ní mlǪhǪ asón ámu gyí a, mǪmú mlébi ání mugyí Elia. MǪ Ǫbéba nǪ. ¹⁵ Ǫhá ání Ǫbv asu onú.”

¹⁶ “Séi ánfǪ á, amendǪ nǪpu ndemba-abǪ ánfǪ kǪpú? BǪgyí fé nyebíá bǪtsie dǪnsú bǪde aba kpolǪ, ¹⁷ blǪ bεε, ‘AnǪpléí ansigyísú, mlǪmétsa. Mú sv andalá wá awǪrǪhǪ Ǫlv, táme mlǪmósu.’ ¹⁸ MlyǪyí fé nyebǪ ánfǪ, tsúfé Yohane léba á, oletsíá klǪ ǪnǪ, omonu ntá, táme mlǪaa, ‘Ǫhe laláhe bv mǪtǪ!’ ¹⁹ Táme mí, Nyankpúsa-MǪ-BǪ ánfǪ mú naba ndε atǪ gyí, ndε ntá núu. Mú ε mlǪaa, ‘MlǪki opotsuapu pǪ nǪ ǪbǪpú, lakpan abwepú pú lampǪó ahǪpu onyawíε.’ Táme Bulu Ǫha tsiátǪ telé mǪ nyánsa Ǫwan.”

*Ahá AnǪ BǪmedamli KlǪntǪ AsǪngyǪ
(Luka 10:13-15)*

²⁰ Yesu lǪpu ǪblǪ tǪí tsú awúlu akú iwǪ. Awúlu amúá ǪbǪbwε ofúla akpǪnkpǪntǪ mǪtǪ, táme bǪmedamli klǪntǪ ámu. ²¹ Ǫbéε, “KorasǪnfǪ, mlyǪyǪwǪ. BetsaidafǪ, mlyǪyǪwǪ ní. Ní Tiro pú Sidon awúlu laláhe amúúú nǪbwε ofúla akpǪnkpǪntǪ ánfǪ nǪbwε mlǪtǪ á, tekǪ bedamli klǪntǪ dodoodo. TekǪ bǪda akpekpetǪ, bakpǪ nsúú wá nwuntǪ púsúná ání badámli klǪntǪ. ²² MlǪbǪ ání Bulu ǪbébitǪ mlǪ isv mǪ asón ogyíké dǪn Tiro múa SidonfǪ. ²³ MlǪ KapernaumfǪ, mlǪdéklé mlǪaa mlǪtsu iwǪ fúá alu yǪwǪ Ǫsúsú? Ekekekeke! Bulu Ǫbéba mlǪ asǪ yǪwíε afúlitǪ. Tsúfé ní Sodom wúlutǪ nǪbwε ofúla akpǪnkpǪntǪ ánfǪ odu á,

teki wulu amu tráa bu unu bato nde. ²⁴ Mlikaun ání Bulu obówun Sodomfo nwe asón ogyíké amu dun mli.”

Mlibeda Ɔkpónó Mí Wá
(Luka 10:21-22)

²⁵ Alí bré ámuṣá á, Yesu lóbo mpáí blí obéé, “Mí Sí, osó mva así Owíé! Nedá fú ipán ání falé tásá fəpənján anyansapu pú asón abipó ɔwan súná ahá ání bumeyín əlala, bugyi fé nyebí. ²⁶ Ee, Mí Sí! Alí fudeklé fəe ibá mótó ní.”

²⁷ “Mí Sí lópu tógyító wá mí ibuto. Ɔhaa méyín Obí ámu, nkéti Ɔsí ámu nkole. Ɔhaa méyín Ɔsí ámu é, nkéti Obí ámu pú ɔhá ání Obí ámu latsúlá ání obéle mu súná mu.”

²⁸ “Mliba mí wá, mli ahá ání ilapián mli, mli atə sɔrəhé de mli dón. Néha mléda ɔkpónó. ²⁹ Mliba iwiasí ha mi, amliuan mi, tsúfé neba iwiasí, nolwií, méní mlénýa iwilwii. ³⁰ Tsúfé mí wá tsiá bu atsiálé. Mí atə sɔrəhé é mósodun mli sɔrá.”

12

Ɔkpónó Ɔdaké Mu Wie
(Marko 2:23-28; Luka 6:1-5)

¹ Yesu mva mu akasípó bətsun ayó ndə koto ɔkpónó ɔdaké. Akón de akasípó amu, su bəpusáa ayó ámu ku wí. ² Farisifo aku bowun amó, bəbláa Yesu bəe, “Ki, fú akasípó amu bude tásá mbla mēha ɔkpa bwe ɔkpónó ɔdaké!”

³ Yesu léfité amó obéé, “Mlumókókla nu tásá Owíé Dawid lóbwe bréá akón de mva mu abúopu ki? ⁴ Olebitíwíé Bulu osúmka yótsu bodobodóá bapóhá Bulu igyí ba, mva mu abúopu amu begyi. Bulu igyí ahapó nkole bəha ɔkpa, butegyí alí bodobodo amu. ⁵ Mliakla Mose Mbla, nú ání Bulu igyí ahapó ámu butəyó agyómá Bulu ɔtswékpa unu ɔkpónó ɔdaké, táme butamahá amó ipón.

⁶ Nde mli bláa mbéé, ɔhá ání ɔdun Bulu ɔtswékpa amu búu nfi á. ⁷ Bulu asón leblí obéé, ‘Nwewúun ntekle, megyí igyíha.’ Ní mliyin mú así á, teki mliwéha ahá ání amó asón da ɔkpa ání ipón. ⁸ Tsúfé mí, Nyankpɔsa-Mu-Bi ání gyí ɔkpónó ɔdaké mu wie ní.”

Itəsa Ɔkpónó Ɔdaké
(Marko 3:1-6; Luka 6:6-11)

⁹ Yesu lénatí unu, ɔlyo Yudafo ofiakpa. ¹⁰ Olowun oyin ɔkúá mu ibi kule lawú unu. Farisifo ámu bude Yesu tée. Mú su bəfité mu bəe, “Mbla leha ɔkpa ání butsáa ilo ɔkpónó ɔdaké?”

¹¹ Múú Yesu léfité amó obéé, “Ní mliṣə ɔku bu kufa, alakpádá wíé ibúntó ɔkpónó ɔdaké á, ɔméele mu? ¹² Yéé nyankpɔsa bu labi dun kufa a? Mú su mbla leha ɔkpa ání ɔha obóbwe yilé ɔkpónó ɔdaké.” ¹³ Múú əlebláa oyin ámuú mu ibi lawú ámu obéé, “Tinkí fú ibi amu.”

Olenya tinkí mú alí pé, ɔhé lowie mótó fé nyɔɔsi amu. ¹⁴ Táme mú ó á, Farisifo ámu bədalí yékítá agywiun alíá bóbwe bómó Yesu.

Osúmbi Aní Bulu Léle

¹⁵ Yesu lébi amó agywiun. Mú su əlenatí unu. Ɔdom bobuo mu, əletsa amótó ɔlɔpu féé ilo. ¹⁶ Múú əleđa amó ɔlá obéé, bumáha ahá abubi mu. ¹⁷ Iní leha asón ámuú Bulu ɔnósú ɔtəípó Yesaia léblí yáí ámu léba mótó ní. ¹⁸ Obéé, “Ki, mí osúmpóá nalé ní.

Ntədwé mu, mi ansí tegyi mu iwí. Nópú mí Ɔye Wankíhé wá muto.

Obébláa ɔmátófo obéé, ‘négyi amó asón ɔnəkwaliṣu.’

¹⁹ Oméegyí nwéen, ɔmókplón.

Ɔhaa móonu mu ɔnó brɔnusu.

20 Obénya klɔn há ahá ání amó hógyi ɔnó ma ɔnlɔn,
bábwé fé oyiá ɔlatá bia tá.

Ɔbówa awɔtɔle há ahá ání bɔma ɔwɔnlɔn,
bábwé fé ɔkandíeá nfɔ latá mótó,

yɔfɔn bréá bɛbi ání ntegyi asón ɔnɔkwalisu.

21 Ahá ání bɔmegyi Yudafo bɔpo ansí dínká musu.”

Yesu Mva Beelsebul

(Marko 3:20-30; Luka 11:14-23)

22 Inu bɔpo oyin ɔku ba Yesu, ɔɛ laláhe bu mɔto. Mú su ɔleha mu ansíbi lobwie; álató omúmu é. Yesu létsa mu ɔb, ɔde ató wúun, ɔdetóí é. 23 Ɔnó lobwie ahá ámu féé, bɛfité bɛɛ, “Megyi Dawid mu na ámu ni?”

24 Táme Farisifo ámu bonu asón ánfí á, beblí bɛɛ, “Ɔɛ laláhe owíe Beelsebul túmi ɔdeɔgya ɔɛ laláhe lé ahátó.”

25 Yesu lébi amó agywun. Mú su ɔlebláa amó ɔbɛɛ, “Iwíe ogyikpá ání ɔlaye anyɔ, buɔe aba kɔ bédida. Alí kén wúlu ntée wóyi oduá mótó atsiápo buɔe aba kɔ é itobwíé ní. 26 Mú su ní Ɔbɔnsám dé mu iwí gyáa a, mu iwíegyi bédida.

27 Ní Beelsebul túmi ndeɔgya ɔɛ laláhe lé ahátó á, mómó ma túmi mlí abí é buɔdeɔgya ɔɛ laláhe lé ahátó? Mlí abí ámu onutó obégyi mlí asón. 28 Táme íná Bulu Ɔɛ ndeɔgya ɔɛ laláhe su á, mlibí ání Bulu iwíegyi ámu laba mlí wá dodo.”

29 Ɔhaa méetalí wíe ɔwɔnlɔnpó wóyító yókulá mu ató, nkéti alagyankpá kíklí mu tswí, asa ɔbétalí kólá mu ató féé.

30 Ɔhá ání omobuo mi dé mí lu. Ɔhá ání ɔmedé mí tsa akpa ahá ba Bulu é dé amó gyáa teía mi. 31 Inu su nde mlí bláa mbéɛ, Bulu obési ahá lakpan pó abususɔ kugyiko kíe amó. Táme ní ɔku ɔbli Ɔɛ Wankíhé amu iwí abususɔ a, Bulu méesikíé mu ekekekeke. 32 Ní ɔku lébli mí, Nyankpɔsa-Mu-Bi ánfí é iwí asón laláhe a, Bulu ɔbétalí sikié mu. Táme ní ɔku lébli Ɔɛ Wankíhé amu iwí asón laláhe mú á, Bulu méesikíé ɔhá ámu nde ɔyi kehe, ntée bré ámuó íbá ámuoto.

Tsiátó Itsú Iklɔntɔ

(Luka 6:43-45)

33 Oyi abí bɔtɔpóbi mó. Oyi wankláán toswíé abi wankláán. Oyi laláhe é toswíé abi laláhe. 34 Mlí awɔ abí-aná! Nkálí mlí aha laláhe mlétalí blí asón wankláán? Tsúfé tóá ɔdon ɔha klɔn a, mótédálí tsu mu ɔnó. 35 Ɔha wankláán teblí asón wankláán tsú mu klɔntɔ, ɔha laláhe é teblí asón laláhe tsú mu klɔntɔ.

36 Nde mlí bláa mbéɛ, ɔhagyísha ɔbéle asón laláhe kugyikwá ɔleblí ɔnó Bulu asón ogyiké amu. 37 Tsúfé ɔha asón blíhé Bulu ɔbɔpohá mu asu ntée ipón.

Bodunká Ofíla

(Marko 8:11-12; Luka 11:29-32)

38 Mú Farisifo pó Mose mbla asunápo amu aku bebláa Yesu bɛɛ, “Osunápo, anidékéle aniaa fɔbwéɛ osúna ku suna aní.”

39 Ɔlebláa amó ɔbɛɛ “Mlí ndemba-abí laláhe ání mlíladálí Bulu ɔma. Mlíde osúna dunká amlíwun, táme mlímóowun kɔkɔkɔ don Bulu ɔnósó ɔtɔipó Yona osúna amu. 40 Alí ámuó Yona létsiá bonsu iwíto nkensá, ɔpa móa onyé ámu a, alí mí, Nyankpɔsa-Mu-Bi ánfí é nétsiá ɔsoló ɔtótó nkensá, ɔpa móa onyé ní. 41 Niniwefɔ é bókusɔ Bulu asón ogyiké amu, há mlí ndemba-abí ánfí ipón. Tsúfé bréá Yona léda Bulu asón ɔkan súná amó á, beɔdamlí klɔntɔ ba Bulu wá. Mlíki, ɔhá ání ɔdon Yona onutó líí nfi á. 42 Seba owíe tshé ɔbókusɔ líí Bulu asón ogyiké, há mlí ndemba-abí ánfí ipón. Tsúfé olotsu ɔsaasi ɔmá ɔkɔto kéin gyá

Ini su bómóonu, bómóowun é.

Ní megýí alí á, tekí bówun ató,
bónu asón, amó agywün bóbwií,

bédamlí ba mí wá, nétsa amó ilo.’

16 “Táme mli mó á, Bulu layúlá mli. Mlétalí pó ansíbi wun ató, pó asu nú asón. 17 Ɖnɔkwali nde mli bláa. Bulu ɔnósú atáípo pó yilé abwepó tsɔtsɔtsɔ bekleá bópú amó ansíbi wun ató ánfí, abupú amó asu nu asón ánfí mli dénu, táme bomenya mó alí.

Ató-abí Owunyápu Yébi Amu Así

(Marko 4:13-20; Luka 8:11-15)

18 “Mlinu ató-abí owunyápu yébi amu así ngya. 19 Ahá ání bonú Bulu iwíegýí iwí asón ámu, táme bomonu mó así á, bɔgyí fɛ abí ámúú ilobun ɔkpatɔ ámu. Ɖbɔnsám teba beɛ asón ámúú bodu wá amó klɔntɔ ámu náti. 20 Abí ámúú ilɔwólí abutásó amó gyí ahá ámúú bonú asón ámu pé, bahɔ mó ansigyísú, 21 táme iníá boma nlin su á, itamatsíá amótó yó. Mó su ní bɔdin amósó ntéɛ iwɔɔsin ku itó amó asón ámu su á, inɔnu bɔtedida. 22 Abí ámúú ilɔwólí awuto ámu gyí ahá ámúú bonú asón ámu a, bahɔ mó, táme ɔyí ánfítɔ ató hiánhe iwí gywün pó mótó atonyahé iwí ɔnsípe tegyi Bulu asón ámu su. Iní su bɔtamaswíé abí. 23 Abí ámúú ilɔwólí ɔsulúú wankláánsú amó gyí ahá ámúú bɔtonú asón ámu, nú mó así. Iní su itehá bɔtɔbwé yilé fɛ alíá ató-abí ámu loswie, iku lafa (100), iku aduesie (60), iku é advasa (30) ámu.”

Ató-abí Wankláán Pó Ifa Laláhe Iwí Yébi

24 Yesu létrá ha ahá ámu yébi ku ɔbéɛ, “Bulu iwíegýí ámu igyi fɛ ɔdɔtɔpu ɔkuá oloyódu ayó wankláán mu ndɔtɔ. 25 Táme onyé, bréá ahá beɔí á, mu olupó lóyódu ifa laláhe ání ilelian ayó ámu wá mótó, ɔlenatí. 26 Bréá ayó ámu lédan, idekwí á, ifá ámu é lelɔn ɔwan mótó. 27 Ɖdɔtɔpu amu apafɔ bɔtsu ndɔ ámu tɔ ba befité mu beɛ, ‘Aní wíé, megýí ayó fodu wá fú ndɔ ámu tɔ? Nkónú ifa laláhe é itsú mótó?’ 28 Múú ɔlebláa amó ɔbéɛ, ‘Mí olupó bwehé ní.’ Inu bebláa mu beɛ, ‘Ní fótulá á, ha ayetsitsii mó le ayó ámu tɔ.’ 29 Ɖlebláa amó ɔbéɛ, ‘O-o! Mliha mó itsia. Ní mli dé mó tsíí á, mletsíí mí ayó ámu é ku tsítsá. 30 Mlisi mó fɛé ilu yófun mó tɔnbi. Ní ifun a, nébláa mó atɔnpu mbéɛ, bɔgyánkpa saun ifa laláhe amu, abukli mó tswí ha mó ogyá wa, asa abɔtin ayó ámu yɔwa mí odudutɔ.’ ”

Takyí-akpin Ibi Yébi

(Marko 4:30-32; Luka 13:18-19)

31 Yesu létrá ha amó yébi ku ɔbéɛ, “Bulu iwíegýí ámu igyi fɛ takyí-akpin ibí, oyin ɔku lódu wá mu ndɔtɔ. 32 Múgyí túkúríibi nyí-abí fɛé tó nɔ, táme ní idan a, itɔbwé ifá fúáhé dun ifá kugyíku. Mó abámbi tekpíkpli, mbubwi bɔtogyónká mósú.”

Bodobodotu-afá Yébi

(Luka 13:20-21)

33 Yesu létrá ha amó yébi ku ɔbéɛ, “Bulu iwíegýí ámu igyi fɛ bodobodotu-afá ání ɔtsí ɔku lópɔtsíá bodobodo nfúó kente kole, ileha mó lotu.”

Yesu Lótóí Ayébisu

(Marko 4:33-34)

34 Ayébi anfi odu tsɔtsɔtsɔ oletsíá públáa ɔdɔm amu asón ní. Ɖmebláa amó asón kukuá imegyí ayébi ɔlɔpótó. 35 Iní léha asón ámúú Bulu ɔnósú ɔtáípo ɔku lébli yáí ámu léba mótó. Ɖbéɛ,
“Nótóí ayébisu

pólé asón ání Bulu lópɔnán tsú ɔyí asitsuábí ɔwan.”

Ifa Laláhe Yébi Amu Así

³⁶ Yesu lénatí ɔ̀dɔm amu wá ba wóyító. Móú mu akasípó amu ɔ̀yɔyɔ mu wá yébláa mu beɛ, “Le ndɔ́ ámɔ̀tɔ́ ifa laláhe iwí yébi amu así suna aní.”

³⁷ Móú Yesu léle mú ɔ̀nɔ́ ɔ̀bɛɛ, “Mí, Nyankpɔsa-Mu-Bi ánfí gyí ató-abí wan-kláán odupó ámu ní. ³⁸ Nɔ́ ɔ̀mú gyí ɔ̀yí ánfí. Ató-abí wankláán ámu gyí Bulu iwígyí ámɔ̀tɔ́ abí. Ifa laláhe amu gyí Ɔ̀bɔnsám abí. ³⁹ Olupó ámóú olodu ifa laláhe abí ámu gyí Ɔ̀bɔnsám. Atótinbi amu gyí ɔ̀yí ɔ̀nɔ́máke. Ató atínpu amu é gyí Bulu-abɔpu.

⁴⁰ “Alí ámóú besain ifa laláhe amu, wá mú ogyá ámu a, alí kén íbɛba ha aha laláhe ɔ̀yí ɔ̀nɔ́máke ámu ní. ⁴¹ Mí, Nyankpɔsa-Mu-Bi ánfí nɔ́wa mí abɔpu békpa tógýítá itehá ɔ̀ha tɔ̀bwé lakpan pó laláhe abwepó féé lé mí iwígyí amɔ̀tɔ́. ⁴² Bótswí amó féé wá ogyá kpɔ̀nkpɔ̀ntitɔ́. Inó isú móa kpisii bu ní. ⁴³ Táme yilé abwepó mó bówankí fé owí amó Sí Bulu iwíe ogyíkpa inu. Ɔ̀há aní ɔ̀bu asu onú.”

Siadie Méntíhé Iwí Yébi

⁴⁴ Yesu létrá ha amó yébi ku é ɔ̀bɛɛ, “Bulu iwígyí ámu igyi fé siadie kuá bopulá ɔ̀sulúv kusu. Oyin ɔ̀ku léyémentí mú, lánjáin mú. Mú iwí ansigyí su á, ɔ̀leyéfe mu ató féé póbɔho ɔ̀sulúv amu.”

Abutó Wólíhe Iwí Yébi

⁴⁵ Bulu iwígyí ámu itráa gyí fé ibiá ogyípó ɔ̀kuá ɔ̀na ɔ̀de abutó wólíhe dunká ɔ̀ho. ⁴⁶ Bréa olowun butóbi wólíhe kole péá ihíé bu ibiá á, ɔ̀lefe mu ató féé póyóho butóbi amu.

Asawu Iwí Yébi

⁴⁷ Bulu iwígyí ámu léla igyi fé asawu aní bɔtswí wa ɔ̀pɔ̀tɔ́ lé aye ɔ̀tsan-ɔ̀tsan. ⁴⁸ Bréa aye lɔ̀bulá mú á, aye alepó ámu bebitia mú ba ɔ̀pu ɔ̀nɔ́. Betsiá asi, tósi gyíhe amu wá blanwétó, tswí móa botamagyi tsitsá. ⁴⁹ Alí íbɛba ɔ̀yí ɔ̀nɔ́máke ámu ní. Bulu-abɔpu béba bɔ̀tɔ́sí aha laláhe lé aha wankláántó. ⁵⁰ Fówun batswí aha laláhe amu wá ogyá kpɔ̀nkpɔ̀ntitɔ́. Inó isú móa kpisii bu ní.

Atonyahé Pɔ̀pwe Móa Dáda

⁵¹ Yesu léfité mu akasípó ɔ̀bɛɛ, “Mílanú mú féé asi?”

Beɛ, “Ee, anílanú mú asi.”

⁵² Móú ɔ̀lebláa amó ɔ̀bɛɛ, “Mómó mbíla osunápó oduá alakási Bulu iwígyí ámu iwí asón é bí á, ogyí fé wóyí mu wie oduá ɔ̀telé ató pɔ̀pwe móa dáda féé tsú mu ató ɔ̀yaikpá.”

Bumáho Yesu Mu Wúluto

(Marko 6:1-6; Luka 4:16-30)

⁵³ Yesu lénya mó mu ayébi amu ɔ̀nɔ́ alí, ɔ̀lenatí inu. ⁵⁴ Oleyinkí yó mu onutó wúluto Nasaret, oloyósuná ató Yudafo ofiakpa. Mu atosunáhé leha ɔ̀nɔ́ lobwie ahá ámu féé. Mú su befité aba beɛ, “Nkónu olenya nyánsa móa ofúlabwe túmi ánfí é tsú? ⁵⁵ Megyí ató osrépó mu bí ámu ní? Megyí mu yin gyí Maria, mu apio yinhé gyí Yakobo muá Yosef pó Simon muá Yuda? ⁵⁶ Yéɛ ania mu apio tshé tsie nfi á? Móú nkónu olenya iní féé tsú?” ⁵⁷ Iní su mu asón lókusó lí amóú.

Yesu lébláa amó ɔ̀bɛɛ, “Ahá bɔ̀tɔ́bú Bulu ɔ̀nɔ́sú ɔ̀tɔ́pó ɔ̀tínegyíótíné, táme mu onutó wúlutofo pó mu wóyító ahá mó bɔ̀tamabú mu.” ⁵⁸ Iníá bumáho mu gyí su á, ofúla kpalóbí ku pé ɔ̀lbwe inu.

1 Galilea ɔmáso ogyípó Herode lónu Yesu iwí asón alí bré ámɔtɔ. 2 Múó ɔlebláa mu asúmpó ɔbéé, “Asú Ɔbɔpó Yohane amu ni. Mólákúsó tsú afúlitɔ. Mú só ɔde ofúla anfi odu bwe ní.”

3-4 Bré kɔtɔ á, Yohane létsiá bláa Owíe Herode ɔbéé, mbila meha ɔkpa ání otsiá mu pio Filipino mu ka Herodia. Inu su Herode léha bekitá Yohane, wá mu ikan, pó mu wá obu. 5 Ɔɔbwe agywuin ání ɔbómɔ Yohane, táme olenya ahá ámu ifú, tsúfě bɔtobú Yohane ání Bulu ɔnásó ɔtɔpó ogyi.

6 Táme eke ɔkɔá Owíe Herode dé mu ɔkwíké gyí a, mu ka Herodia mu bi tsíhé lóbowie ɔbɔntɔ tsa Herode mu mu ahande ansítɔ. Mu itsáa amu lówa owíe amu ansigyí. 7 Mú su ɔleka ntam ɔbéé, ɔbéha mu tógyítá odeklé.

8 Otsibi amu mu yin léha mu ɔlebláa Herode ɔbéé, “Ndekléá fupó Asú Ɔbɔpó Yohane nwun dinka úlinsó ha mi séséséí.”

9 Asón anfi léhwe han Herode, táme mu ntam amóú ɔleka, pó ahá amóú bɔbu inu ámu su á, ɔleha mu ahá ɔtínpu ɔkpa ɔbéé, ɔbwéé tóá otsibi amu lafité ha mu. 10 Ahá ɔtínpu amu léyetin Yohane nwun obu ɔdikpá inu. 11 Múó ɔɔpɔ nwun ámu dínká úlinsó ba otsibi amu, mu é ɔɔpɔya mu yin Herodia. 12 Asú Ɔbɔpó Yohane akasípó beba bɔtsu mu satin yópulá. Mú ɔma a, bɔyɔ yébláa Yesu asón ání ilaba.

Ahá Mpím-nu Atogyihé Ha

(Marko 6:30-44; Luka 9:10-17; Yohane 6:1-14)

13 Yesu lénya nú asón ámu alí, olowie ɔklɔntɔ, fá ntsu yétsiá ɔtineko mu nkɔle. Táme ɔdɔm ámu bebi ɔtínéá ɔyó. Mú su benatí ayabito tsú amó awúlusu gya mu nkpá. 14 Bréá ɔlekpí dalí ɔklɔn amɔtɔ, wun ɔdɔm kpɔnkpɔntɔ á, amó asón lówa mu nwe. Mú su ɔletsa amótó ɔɔpɔ.

15 Owí lɔpɔn a, akasípó amu beba mu wá bebláa mu beé, “Dimbísó nfi gyí, owí é deta. Mú su ha amó ɔbɔyɔ awúluá ibu bomlí nfi asi yohɔ tɔku gyi.”

16 Táme Yesu léle mú ɔnó ɔbéé, “Imehián ání bɔyɔ. Mlɔdunka tɔku ha amó abgyi.”

17 Mu akasípó amu bebláa mu beé, “Tóá anubu fěé gyí bodobodo apin anu pó ntsutso iye bwáhé anyɔ pé.”

18 Yesu lébláa amó ɔbéé, “Mlɔtsu ba mi.” 19 Múó ɔleha ahá ámu betsiatsiá ifa bɔbwe amɔsu. Inu olotsu bodobodo anu pó ntsutso iye bwáhé anyɔ ámu. Inu olotsu ansi fɔá kí ɔsósó, ɔleda Bulu ipán. Múó olebiabia bodobodo amɔtɔ há akasípó amu, amó é beye mú ha ahá ámu fěé. 20 Amó fěé begyi mwe sian. Akasípó amu bɔtsiá sianhe amu. Ilɔbɔlá alakpá dúanyɔ. 21 Ayin ání begyi ató ámu nkɔle bgyi fě mpím-nu (5,000). Bɔmeklá atsi múa nyebí mú.

Ɔpɔsu Natí

(Marko 6:45-52; Yohane 6:15-21)

22 Múó Yesu léha akasípó amu ɔbéé, bɔwíe ɔklɔntɔ, abɔgyankpa fa ɔpu amu yɔ mú ɔbɔn. Mu mú olesin ɔma sí ahá ámu ɔkpa. 23 Bréá olesi amó ɔkpa tá á, ɔɔɔdu yó bɔsu yóɔɔ mpáí. Mu nkɔle oletsíá inu yófun owí tahé. 24 Alí bré ámɔtɔ á, ɔklɔn amu lawíé ntsu nsúné. Ilefia afú kpɔnkpɔntɔ ku, ɔpu amu lówa dabu.

25 Bake-bake a, Yesu lénatí ntsu ámɔsu ayabito buo amó. 26 Bréá bowun mu, ɔna ɔpu amɔsu á, benya ifú sórá okitikítí, bí beé, “Fúli ogyi.”

27 Táme ɔlɔwa ɔsa bláa amó ɔbéé, “Mlɔwa klɔn. Mí ní. Mlɔmánya ifú.”

28 Petro lébláa Yesu ɔbéé, “Mí Wíé, ní fú ní mú á, ha mí é annatí ɔpu amɔsu bɔtu fú.”

29 Yesu lébláa mu ɔbéé, “Natí ba.” Petro lédalí ɔklɔn amɔtɔ ɔna ɔpu amɔsu ɔyó Yesu wá. 30 Táme bréá olowun alíá afú ámu ɔnó bu ɔnlun á, ifú lowie mu ayetɔ. Mú su ɔlɔwa me bi. Múó ɔlekpíln kpólí Yesu ɔbéé, “Mí Wíé, hɔ mi!”

³¹ Inuṅo Yesu létinkí ibi kítá mu, bláa mu obéé, “Fú hógyi mǎtsó. Ntogyi só fódé nwéén gyí?”

³² Benya dó wíé oklɔn amɔto ali, afú ámu léka itin. ³³ Inu ahá ámóú bɔbu oklɔn amɔto ámu bɛda akpawunu Yesu ayabito, blí bɛɛ, “Lélé, Bulu mu Bi fógýi.”

Genesaretfɔ Alɔpu Tsa
(Marko 6:53-56)

³⁴ Yesu mɔa amónyo befa ɔpu amu yési Genesaret osubúno. ³⁵ Bréá inofo bebi áni mu ní á, bɔwa abí ya amó awúlu féesó, há amó bɔpu alɔpu fées ba mu. ³⁶ Bokokóli Yesu bɛɛ, ɔhá alɔpu amu abɔpu ibi da mu atadiɛ ɔdanú kpán. Amóá bɔpu ibi da mó fées benya ilotsá.

15

Atitfɔ Amándié
(Marko 7:1-13)

¹ Mú ɔma a, Farisifɔ pó Mose mbla asunápú akw bɔtsu Yerusalem ba Yesu wá, befité mu bɛɛ, ² “Ntogyi só fú akasípú amu bɔtamagyi aní anáin amándiésó. Butamafwí ibi amándié ɔkpasu asa botegyí ató?”

³ Yesu léle mú ɔnó obéé, “Ntogyi só mli é mli anáin amándié su mliwédé Bulu mbla ámuṅo gyí? ⁴ Mose lówanlín wá Bulu mbla ámɔto obéé, ‘Bu fú sí mɔa fú yín,’ ɔletrá wanlín obéé, ‘Ní ɔku lébli asokpan tsú mu si ntéɛ mu yin iwí á, bɔmáɔ mu?’ ⁵⁻⁶ Táme mli mó mliáa, ɔha obétalí bláa mu si ntéɛ mu yin obéé, ‘Tóá tekí nɔpohá fú á, napohá Bulu. Imehián áni nétrá kí fu.’ Mli anáin amándié su mliwédé Bulu mblasu gyí. ⁷ Apinabwɛbí abwɛpó! Ɔnɔkwali Bulu ɔnósó ɔtɔpó Yesaia lébli tsú mli iwí tswi obéé,

⁸ ‘Ahá ánfí bɔdɛpu amó ɔnó bú mí, támɛ amó klɔn bu ifó mí wá.

⁹ Kpaali bɔdɛ mí sum, tsúfé basí Bulu mbla tswi, yó bɔdɛ anyánkɔpósa mbla suná.’ ”

Tóá Itɔkpóí Ɔha Bulu Ansító
(Marko 7:14-23)

¹⁰ Yesu létrá tí ɔdam amu ba mu iwí wá, ɔlebláa amó obéé, “Mliyaa asu, méní mlónu íní asi. ¹¹ Megyí tóá ɔha tegyi tókpóí mu Bulu ansító, mbouan móá itɛdálí tsu mu ɔnó tókpóí mu.”

¹² Inu mu akasípú amu beba mu wá befité mu bɛɛ, “Foyin áni fú asun blíhé anfi lawɔ Farisifɔ ámu?”

¹³ Yesu léle mú ɔnó obéé, “Bópulí oyigyioyí áni megyí mí Sí ámóú ɔbu ɔsósó ámu lóswíe tsítá. ¹⁴ Mlisi Farisifɔ ámu asún. Ansibi abwiepó bugyi, bɔdɛ ansibi abwiepó kpa. Ní nsibi obwiepó dé nsibi obwiepó kpa á, ɔbótó amó abanyó bɔtekpá wíé.”

¹⁵ Múú Petro lébláa mu obéé, “Le yébi amu asi suna aní.”

¹⁶ Yesu léfité amó obéé, “Mú su mli é mliwédé amó asi? ¹⁷ Mliwédéyín áni tóá iwíé ɔha ɔnó á, mu iputo itowíé, ɔteyéle mó wá ɔkpɔntó? ¹⁸ Asóngyiasón áni itɛdálí tsu ɔha ɔnó á, mu klɔntó itɛdálí tsu. Mótɔkpóí mu Bulu ansító ní. ¹⁹ Tsúfé ɔha klɔntó ágywun laláhe tɛdálí tsu. Mótéhá ɔtómó ɔha, ɔtótó mɔba, ɔtówá atsi móa ayin asún, otowí ató, ɔtówá afunu, otetsii ɔha. ²⁰ Iní aná tókpóí ɔha, támɛ ní ɔha mófwí ibi amándié ɔkpasu asa olegyi ató á, itamakpóí mu Bulu ansító.”

Ɔtsi Ɔkwá Omegyí Yudayin Hógyi
(Marko 7:24-30)

²¹ Yesu lénatí unu yó Tiro móa Sidon nsáunto. ²² Kanaanyintse akóá otsie unu léba Yesu wá. Jde okitikítí surá, olokokóli Yesu abée, “Dawid mu na, wun mu nwe! Jje laláhe bu mí bí tsíhétó. Ide mu háan dabi.”

²³ Táme Yesu mékpla mu. Inu mu akasípó amu bobwii ipa há mu bee “Ha otsi ámu anati, tsúfě obuo aní jde okitikítí surá dabi.”

²⁴ Yesu lébláa otsi ámu abée, “Israel akúfa fwhé pé wá Bulu lówa mí.”

²⁵ Táme otsi ámu léda akpawunu mu ayabito, bláa mu abée, “Mí Wíé, gyi mu buale.”

²⁶ Yesu lébláa mu abée, “Ima aleá fōswí nyebí atogyihe póhá akíai.”

²⁷ Otsi ámu léle mú onó abée, “Owíé, unu mótó alí, táme akíai é botegyí atogyihe mpupubi aní itekpákpa bun amú wíe apónbasi.”

²⁸ Mú Yesu lébláa mu abée, “Otsi, fú hógyi lomoni. Ibá mótó ha fu alíá fudeklé.” Inunu iwí lówa mu bí ámu onlin.

Ahá Tsotsaotsa Ilo Tsa

²⁹ Tsú unu á, Yesu lótsun Galilea apu onó, dó yétsiá okúku kusu. ³⁰ Ahá tsotsaotsa bapu abubupu, ansibi abwiepó, abo, amúmu pó ilo bámbá aləpó bobun Yesu ayabiasí, əletsa amó fěé. ³¹ Ahá ámu onó lobwie amó bréá bowun amúmu budətəí, abubupu iwí lawá amó onlin, abo bəna, ansibi abwiepó é bəde ató wúun, bəkanfó Israel Bulu ámu.

Ahá Mpím-na Atogyihe Ha (Marko 8:1-10)

³² Yesu létí mu akasípó, bláa amú abée, “Ahá anfi asón de mí nwe wa. Nde eke saási apá bəbuo mí, bətráa bəma tətəá bəgyi. Ní nehá amú bəpó akón náti á, ansitó bəyebi amú əkpatə.”

³³ Mu akasípó amu bəfité mu bee, “Nkónó abénya atogyihe há ədəm anfi dimbí anfisə?”

³⁴ Yesu léfité amú abée, “Bodobodo afini mlíbu?”

Bele mú onó bee, “Asienó pú aye pútúpútú kpalobí ku.”

³⁵ Yesu léha ədəm amu bətsiá asi. ³⁶ Mú olotsu bodobodo asienó pú aye amu, dá Bulu ipán, olebiabíá mótó há akasípó amu, beye ha amú. ³⁷ Amú fěé begyi mwe. Bətəsí sianhe amu búlá aləkpá yilé asienó. ³⁸ Ayin aní begyi ató ámu nkole bgyi mpím-na (4,000). Bəmekla atsi móa nyebí.

³⁹ Inu Yesu lési ahá ámu əkpa, olowie əkləntə fá apu yó Magadanfə əsulósu.

16

Farisifə Bodunká Ofíla (Marko 8:11-13; Luka 12:54-56)

¹ Eke əku Farisifə pú Sadukifə aku beba Yesu əsókikpa. Mú su bebláa mu bee, əbwée osúna pusuna amú aní léle otsú Bulu wá. ² Yesu lébláa amú abée, “Ní owí ipən, nsainto ipé á, mliteblí mlíaa, ‘Jke nsainto bədi.’ ³ Ní nyankpu obílá tuun nyanki a, mliteblí mlíaa, ‘Nde nyankpu obótswie tsun afú.’ Mlitətálí kú nsainto, bí tśá ibéba. Ntogyi só mlimétálí nú tśá mlidəwúun séi anfi mú asi.*

⁴ Mlí ndəmba-abí laláhe aní mlíladáli Bulu əma, mlidé osúna dunká amlíwun, táme mlimóowun kəkəkə dən Bulu onósó ətəípó Yona osúna amu odu.”

Inu su əlenatí sí amú.

Farisifə Pó Sadukifə Bodobodotu-afá (Marko 8:14-21)

* **16:3** Mótó yée 2 móa 3 una nwló dada amu akote.

⁵ Yesu akasípó amu bomekaín tsú bodobodo kítá asa befa ɔpu amu yó ɔbun.

⁶ Yesu léda amó olá ɔbéé, “Mluki wankláán Farisifó pó Sadukifó Bodobodotu-afású.”

⁷ Akasípó amu befíté aba beé, “Bodobodo amóó anumédé ámu sú ɔde asón áñfi blí lóó?”

⁸ Yesu lónu asón ání bodebli. Múó ɔlebláa amó ɔbéé, “Oo, mli hógyi mótsó. Ntogyi só mlidébli mliaa bodobodo ámuó mliumédé ámu su? ⁹ Imakówánkí mli kí? Mlilatan bodobodo apin anu ámuó neha ahá mpím-nu (5,000) begyi amusu? Alakpá afini lésian mlilótási? ¹⁰ Ntéé mlilatan bodobodo apin asienó ámuó neha ahá mpím-na (4,000) begyi amusu? Alakpá afini lésian mlilótási?”

¹¹ Ntogyi só imakówánkí mli ání megyí bodobodo iwí asón ndeblí? Bláa nde mli bláa mbée, “Mluki wankláán Farisifó pó Sadukifó Bodobodotu-afású.”

¹² Inu asa ilowankí amó ání megyí Bodobodotu-afású ɔde, mboúin amó atosunáhé.

Jhá Aní Yesu Gyl

(Marko 8:27-30; Luka 9:18-21)

¹³ Bréá Yesu lówie Kaesarea Filipi nsáinto á, ɔlefíté mu akasípó ɔbéé, “Ma ahá beé mí, Nyankpusa-Mu-Bi áñfi ngyi?”

¹⁴ Bele mú ɔnó beé, “Akw beé, fógýí Asú Ɔɔɔpó Yohane. Akw beé, Bulu Ɔnósó Ɔtɔpó Elia. Akw é beé, Yeremia ntéé Bulu ɔnósó ɔtɔpó bambá ɔku.”

¹⁵ Múó ɔlefíté amó ɔbéé, “Mli é mé? Mli mígyí ma?”

¹⁶ Simon Petro léle mú ɔnó ɔbéé, “Fógýí Kristo, ɔhá ámuó Bulu ladá mu ofúli amu) ni. Bulu Ɔkiankpanu amu mu Blí.”

¹⁷ Inu Yesu lébláa mu ɔbéé, “Bulu layúlá fú Simon, Yona mu bi, tsúfé megyí nyankpusa ɔkuku léle ɔnokwalí áñfi ɔwan súná fú. Mí Sí ámuó ɔbu ɔsósú ámu ni.

¹⁸ Inu su mí é nde fú bláa mbée, fú dá gyí Petro. Mú asi gyí, ‘Butá.’ Butá áñfisu néyi mí ɔpasua dínká ní. Lowu túmi méetalí gyí mósú ekekekeke. ¹⁹ Nópó Bulu iwíegýí ámu asáafi wá fú ɔbitó. Asóngyiasón ání fékiná ɔsolóv áñfisu á, Bulu é obékiná mú ɔsósú. Múá fótsulá á, Bulu é obótsulá mósú ɔsósú.”

²⁰ Inu ɔleda amó olá kpákpáákpá ɔbéé, bómábláa ɔhaa ání mugýí Kristo amu.

Yesu Iwiasin Pó Mu Lowu Iwí Asón Blí

(Marko 8:31–9:1; Luka 9:22-27)

²¹ Tsú bré ámuó á, Yesu léfi asi ɔde asóntó le súná amó ɔbéé, “Ilehian áni móyo Yerusalem yówwun iwiasin tsɔtsɔtsɔ Yudafo ahande, Bulu igýí ahapó dehen pó Mose mbla asunápó ɔbitó. Bómó mu, táme Bulu ɔbélakósúa mu eke saási tsú afúlitó.”

²² Mú su Petro létí mu ya itsétó, yéka mu itin ɔbéé, “Mí Wié, Bulu ogyáa mú téi ya fú iwí. Inu lába fusu ekekekeke.”

²³ Inu ɔledamlí bláa Petro ɔbéé, “Satan, natí tei míso! Fude mí ɔkpa tiin. Megýí tóá Bulu dégywíin fudegywíin, anyánpósa klé fudegywíin.”

²⁴ Múó ɔlebláa mu akasípó amu ɔbéé, “Ní ɔku dékléa obóbuo mi á, osii tóá otekde bwe, otsu mu oyikpalíhe bobuo mi. ²⁵ Tsúfé ní ɔku lépri mu nkpa á, ɔbélanyá nkpa áni itamatá. ²⁶ Ní ɔku onyá ɔyító ató féé, táme ɔhólí mu ɔkláa á, labi mómó ɔbwa há mu? Ntéé nto ɔha ɔbétalí pótse mu nkpa? ²⁷ Tsúfé mí, Nyankpusa-Mu-Bi áñfi néba mí Sí numnyamto, mía mu abɔpu. Inó néka ɔhagyíɔha ɔko alá mu tsiátó gyí ní. ²⁸ Ɔnokwalí nde mli bláa. Akw bubu mlitó nfi áni bómóowu, yófun bréá bawun áni mí, Nyankpusa-Mu-Bi áñfi neba mí iwíe ogyíkpá.”

17

Yesu Iwitsée

(Marko 9:2-13; Luka 9:28-36)

¹ Nkensisé oma a, Yesu lékpa Petro mva Yakobo pú mu pio Yohane, bədu yá ɪbu kusu. ² Amó ansító ɪnu á, Yesu ɪwɪ letse. Mu ansító lówankí fě owí, mu atadié é ledamlí fútútuútu. ³ ɪnu mu akasípú abasá amú bowun ání Mose mu Elia beɛ ɪwɪ owan, amóa Yesu buɔɔɔ. ⁴ Múú Petro lébláa Yesu ɔbée, “Mí Wíé, ɪbu aláá abétsiá nfi. Ní fótusulá á, ha ada abú asa. Fú klé kole, Mose klé kole, Elia é klé kole.”

⁵ Bréá ɔɔe asón ání blí á, agyinde wánkíhé ku lobobun amósú. ɪnu ɔme ku ledali tsu agyinde ámɔɔ ɔbée, “Ŋni gyi mí Bi ɔɔwɛpɔá olegyi mi ansí ní. Mɪnu mu ɔme.”

⁶ Ifú lehɛ kítá amú bréá bonu asón ání. Mú su bɔwa ɔsa mlí bun ɔsolóto. ⁷ Múú Yesu léba bəpu ɪbi dada amú, bláa amú ɔbée, “Mlikusu, mlumánya ifú.”

⁸ ɪnu bɔwa ansí ki a, buɔɔtrá wun ɔhaa dɔn Yesu nkole.

⁹ Bréá buɔe ɪbu ámu kplí á, Yesu léda amú ɔlá ɔbée, buɔábláa ɔhaa tóá bayówun, yófon ekeá Bulu ɔbókusúa Nyankpɔsa-Mu-Bi ámu tsú afúlitó.

¹⁰ Mu akasípú amú befité mu beɛ, “Ntogyi só Mose mbla asunápú amú beɛ, ilehiané ání Elia obéyinkí bá asa Kristo amú ɔbéba?”

¹¹ ɔlé mú ɔnó ɔbée, “Ŋnəkwali igyi. Elia obégyankpá bá bela tógyító yáí wankláán. ¹² Nde mlí bláa mbée, Elia layinkí bá dodoodo, táme ɔhaa mébu mu. Bɔwa mu amumoyɔ. Alí kén mí, Nyankpɔsa-Mu-Bi ání é nówun ɪwɪasɔn amú ɪbitó ní.”

¹³ ɪnu á, ɔwankí akasípú amú ání Asú ɔbɔpú Yohane ɪwɪ asón ɔɔeblí.

ɪlo Didahɛ ɔlɔpú Tsa

(Marko 9:14-29; Luka 9:37-43a)

¹⁴ Bréá beyinkí kplí bowie ɔɔm amú wá á, oyin ɔku léba beɔa akpawunu Yesu ayabito, bláa mu ɔbée, ¹⁵ “Mí Wíé, wun mí bí ání nwe, tsufé ɪlo didahɛ de mu háan. Otetsiá dida wíé ntsu móa ogyátó. ¹⁶ Nəpu mu ba fú akasípú amú, táme buɔmetalí tsá mu ɪlo.”

¹⁷ Yesu léle mú ɔnó ɔbée, “Nɔɔmba-abíá mlímá hógyi, mlí tsiátó ma ale. Alí nétsiá mlí wá yó ekekegyíeke ní? Nnyá kɔn ha mlí yófon ɔmenke? Mlikpa kebi ámu ba mi!” ¹⁸ ɪnu ɔləkpɔlón gya ɔɔe laláhe amú. ɪledali kebi ámɔɔ, ɪwɪ lówa mu ɔnlɔn.

¹⁹ Mú ɔma a, akasípú amú befité Yesu ɪtsétó beɛ, “Ntogyi só aní mó anumétalí gya ɔɔe laláhe amú dáli kebi ámɔɔ?”

²⁰⁻²¹ Múú ɔlebláa amú ɔbée, “Mlí hógyi mɔtsó kóráá. Mbláa mlí ɔnəkwali. Ní mlí hógyi lomoni fě takyí-akpin ɪbí á, tekí mlétalí bláa ɪbu ání mlíha ipúli. Léle ɪbɔpúli, tɔtɔto móɔɔɔn mlí bwe.”*

Yesu Lowu ɪwɪ Asón Bli Otse Nyɔɔsi

(Marko 9:30-32; Luka 9:43b-45)

²²⁻²³ Bréá akasípú amú fěé beba befia Galilea ɔmátó á, Yesu lébláa amú ɔbée, “Béle mí, Nyankpɔsa-Mu-Bi ání há adón bómo mí, táme Bulu ɔbókusúa mi eke sáási.”

Asón ání lehɛ han akasípú amú.

Bulu ɔtswékpa Ofi ɪkɔka

²⁴ Yesu mva mu akasípú beba Kapernaum wúluto. ɪnu Bulu ɔtswékpa ofiko ahópu aku beba befité Petro beɛ, “Fú wíe teká Bulu ɔtswékpa ofi ɪkɔ?”

* **17:20-21** Mótó yée 21 bu nwołó dada amú akoto: Táme ɪnu odu mó á, nkéti mpái móa ɔnəklí pé mlétalí pógya mó.

²⁵ Petro lébláa amó òbée, “Ɖeká.”

Bréá Petro lóyo wóyító a, Yesu légyankpá fité mu òbée, “Simon, nkálí gyí fú agywuñ? Amendí téká dúte móa lampóo há awíe? Afóó ntée wúlu awíe?”

²⁶ Petro lébláa mu òbée, “Afóó teká.”

Móó Yesu lébláa mu òbée, “Yée móómú wúlu awíe bagyi iwí ní? ²⁷ Táme mmedéklé mbée, abókúso líí amósú sù á, tsu òdaduwa afúyo òpu ònó yòtswi. Kí klemetí gyankpapu ání fíle ònótó. Fénya kóba ání íbòfòn aní abanyó ofíkò ámu ka. Le mó, afuyeka ha amó.”

18

Ma Ɖòbòwè Ɖhande?

(Marko 9:33-37; Luka 9:46-48)

¹ Beba Kapernaum wúluto, akasípó amó beba Yesu wá befité mu beε, “Ma gyí òhande Bulu iwíegyi ámutó?”

² Yesu létí kebi òku belí amó ansító, ³ òleblí òbée, “Ɖnòkwali nde mlí bláa. Ní mlimétse, bwe iwí fé nyebí á, mlimóowie Bulu iwíegyi ámutó. ⁴ Ɖhagyíoha ání òleba iwiasí fé kebi ání, mugyí òhande Bulu iwíegyi ámutó ní. ⁵ Ɖhagyíoha ání òlòhò kebiá ogyi alí mí dátó lahò mí.

Ɖha Kpa Wá Lakpantó

(Marko 9:42-48; Luka 17:1-2)

⁶ “Ní òku léha ahá ání bómòkòdan mísú hògyito ánfito òku lóbwe lakpan á, ní beða nfúòkwebu sián mu òmetò, tswí mu wá òpu òkluklúkpá, mó mu pò á, ìbù alé òn. ⁷ Ɖyító atsiápó bogyówí ní. Tsúfè itáá itehá òha tóbwé lakpan bu unu. Ibéba alí, támé òhá ání ina muwu mu ba lóbwe lakpan ogyówí ní.

⁸ “Mó sù ní fú íbì ntée fú yabi téhá fùtedída hògyito á, ka mó le, afòtswí mó tsalífwí. Ibù aléá fòpu íbì kùle ntée yabi kùle nyá nkpa ání itamatá, òn ání fòpu íbì anyò ntée ayabi anyò wíé ogyá ání itamaduntó. ⁹ Ní fú nsíbì téhá fùtòbwe lakpan á, loti mó le, afòtswí mó tsalífwí. Ibù aléá fòpu nsíbì kùle nyá nkpa ání itamatá, òn ání fòpu ansíbì anyò wíé isòbití ogyá ání itamaduntó.

Kufa Fwíhé

(Luka 15:3-7)

¹⁰⁻¹¹ “Mlíki wankláán ání mliméeki nyebí pútúpútú ánfito òkuku ansító kótíkótí. Nde mlí bláa mbée, búbu Bulu-abòpu ání búòkósí pò amó asún ya mí Sí òsósú. *

¹² “Mliyo asún ánfito amlíki. Ní òku bu akúfa lafakule (100), amótó òkule òfwí á, nto òhá ámu tóbwé? Megyí sí otesí adukwebá-kwebá (99) atráhe amó líí òkuku amusu, yódukká òkule pé ámutó alafwí ámu? ¹³ Ɖnòkwali nde mlí bláa. Ní owun mu a, mu ansí bégyi mu iwí òn adukwebá-kwebá atráhe amó búmòfwí ámu. ¹⁴ Alí kén mlí Sí ámutó òbu òsósú ámu médekle òbée, nyebí pútúpútú ánfito òkuku é òfwí ní.

Ní Fú Bá Ɖpò Ilá Gyí Fv

¹⁵ “Ní fú bá òhògyípu òpò ilá gyí fú á, yo mu wá, mlí abanyó pé amlíblí mó. Ní olonu iwiasí á, falányá opió. ¹⁶ Táme ní omonu iwiasí á, kpa òbakóle ntée abanyó manta iwísu amlíyo mu wá, méní bégyi asúngyiasún ání mléblí iwí adánsie fé alhá Bulu asún leblí. ¹⁷ Ní omonu amó asún é á, pu asún ámu ya mlí òpasuafó. Táme ní omonu amó asún é á, móómú bu mu òmátóyín ntée lampóo òhòpu.

* **18:10-11** Mótó yée 11 bu nwolò dada amó akoto: Tsúfè mí, Nyankpasa-Mu-Bi ání neba ání nòhò ahá ámóò hafwí ámu nkpa.

Asónkiná Pó Mósó Tsulá

18 “Ἐνακωαλί νδε μλι bláa. Asóngyiasón ání mlékiná osulóv anfisv á, Bulu obékiná mó osósó. Móa mlótsulá á, Bulu obótsulá mósó osósó.

19 “Ntráa ndeblí mbéé, ní mli abanyó mlóbwé agywun kole osulóv anfisv kólí tákú á, mí Sí ámúv óvú osósó ámv obóbwe mó há mli. 20 Tsufé ótínegyiotíné ání ahá abanyó-abasá befia mí dátó á, mbv amó wá.”

Osúmpó Owuntólupv Iwí Yébi

21 Múv Petro léba befité Yesu obéé, “Mí Wíé, tsefini nsikie mí bá ní ópó ulá gyi mi? Tse sienó lóó?”

22 Yesu lébláa mv obéé, “O-o, megyí tse sienó fésikíé mv, tsé aduesienó (70) aku asienó. 23 Iní sv Bulu iwíegyi ámv igyi fé asón ánfí. Owíe ókv lóbwe agywun ání mva mv asúmpó bóbu akúnta. 24 Bréá olefi mó así á, mv asúmpó bekpá amótó okvá óde mv íkv mpím-mpímtó ba mv. 25 Táme osúmpó amv má tótá obópóká íkv ámv sv á, owíe amv léha obéé boféé mva mv ka, mv abí pó mv ató féé pókítá íkv ámvto. 26 Inu á, osúmpó amv lókovs dá akpawunu owíe amv ayabító, bwíí ipa há mv obéé, ‘Mí Wíé, nya klv ha m. Ibwé néka fú íkv ámv féé.’ 27 Mv asón lówa mv wíe amv nwe. Mú sv olesi íkv ámv féé kíé mv, há mv ólenatí.

28 “Táme bréá osúmpó amv lédalí unv á, óvóyótó mv osúmba okvá óde mv íkv kpalobí kv. Ólekítá mv ba ámv ómetó kinkíínkín, bláa mv obéé, ‘Pv mí kóba ha m!’ 29 Mv osúmba amv é léda akpawunu bwíí ipa há mv, bláa mv obéé, ‘Nya klv ha m. Ibwé néka fú kv.’ 30 Táme osúmpó anfi mó mótsulá. Óleha ání bopúv mv yówa obu yófvn ekeá obéka mv íkv ámv. 31 Mv asúmba bowun tóá alapúgyi mv ba ámv a, ilowie amó iwíto. Mú sv bógv yébláa amó wíe asón ámv féé. 32 Múv amó wíe amv léha betí osúmpó amv ba, ólebláa mv obéé, ‘Osúmpó owuntólupv, fú ipawwí sv nesi íkv tsótótsó ámvótó fóde mí ámv féé kíé fú. 33 Ima aléá fú mó fówun fú bá ámv nwe fé alíá nonun fu nwe?’ 34 Óblí lékítá owíe amv. Mú sv óleha obéé, bówáa mv obu, abupítí mv ató yófvn ekeá obéka íkv ámv féé.

35 “Alí mí Sí ámúv óvú osósó ámv obóbwe mlíto okugyíokvá omesi mv ba lakpan kíé mv tsú mv klvntó ní.”

19

*Okákiná Iwí Atosundhé
(Marko 10:1-12)*

1 Bréá Yesu lótoí tá á, ólenatí Galílea ómátó yó Yudea ómátó Yordan ntsu ámv óbvn. 2 Ódam kponkpóonkponí bobuo mv, óletsa amó uló unv.

3 Farisifó aku beba mv wá bósó mv kí, fité mv beé, “Aní Mbla léha ókpa ání oyin obétalí kíná mv ka ókpagyíokpasv?”

4 Yesu lébláa amó obéé, “Mlímókókla Bulu asón ámv kí ání bré ámóv Bulu léfí óyí así á, ótsí móa oyin ólóbwe? 5 Bulu léblí obéé, ‘Iní sv oyin obótu sí mv sí mva mv yín yémantá mv kasv, amó abanyó bóbwe óvulóv kole ní.’ 6 Mú sv nde mli bláa mbéé, bvtaráa bumegyí abanyó, támé babwé obakóle. Ahá ání Bulu labwé amó íkole a, óhaa mámain amó abasv.”

7 Farisifó ámv befité mv beé, “Ntogyi só Mose lówa mbla obéé, oyin obétalí wánlín okákiná óvuló pókíná mv ka?”

8 Yesu lébláa amó obéé, “Mli klvntó odwín só Mose léha mli ókpa obéé, mlíkína mli aká, tekí megyí alí Bulu lóbwe mó bréá olefi óyí ámv así ní. 9 Táme nde mli bláa mbéé, ní oyin okíná mv ka láyétsiá ótsí bábmbá á, alató mbva. Ókpa oduásóá oyin obétalí kíná mv ka pé gyí aladálí mv óma.”

10 Múv móv akasípó amv beblí beé, “Ní alí okúlu mva óká abatsiátó asón igyi ní mó á, mómv uma aléá oyin mva ótsí bétsiá aba pó.”

11 Yesu lébláa amó obéé, “Megyí ahá fée obétalí hɔ atosunáhé anfi. Nkétí ahá ání Bulu lópohá amó pé. 12 Tsúfè ina okpa tsòtsòtsòs ayin aku bɔtamatsía aká. Ayin ámu aku á, alí bɔkwí amó ní. Aku é anyánkpòsa láflo amó. Aku é basin kpanku Bulu iwíegyi ámu su. Ohá ání obétalí á, ohó mí atosunáhé anfi.”

Nyebi Yulá

(Marko 10:13-16; Luka 18:15-17)

13 Aha aku bekpa nyebi ba Yesu bée, ɔpú ubi dínka amósó, okuli Bulu oyúla ha amó. Táme akasípó amu bowa iyin wá amó. 14 Múu Yesu lébláa akasípó amu obéé, “Mliha nyebi ámu okpa aboba mí wá. Mlímátin amó okpa, tsúfè ahá ání odu bó Bulu iwíegyi ámu ní.”

15 Múu ɔpú ubi dínká amósó, ɔlenatí ino á.

Atonyahé Iwí Atosundhé

(Marko 10:17-31; Luka 18:18-30)

16 Eke oku oyin oku léba Yesu wá befité mu obéé, “Osunápó, yilé mɔmu nóbwe asa nénya nkpa ání itamatá?”

17 Yesu léfité mu obéé, “Ntogyi só fude mí yilé iwí asón fité? Obakóle pé gyí oha yilé. Mugyí Bulu. Táme ní fudekléá fonýáa nkpa ání itamatá á, mómú gyi Bulu mbala asón ámusó.”

18 Oyin ámu lélafíté mu obéé, “Mótó mɔmu?”

Yesu lébláa mu obéé, “Mámo oha, máto mbwa, máwi ató, máka asón dínká fú básó. 19 Bu fú sí mwa fú yín, afudwe fú bá fé fú iwí.”

20 Oyasubi ámu lébláa Yesu obéé, “Ntegyi mú féesó. Nto é ntráa bwe?”

21 Yesu lébláa mu obéé, “Ní fudekléá fɔfun mú á, yefe fú iwíso ató fée, afuye kóba amu ha ahíánfɔ, méní fénya siadie ɔsósó. Fɔbwé mú tá á, ba afubobuo mi.”

22 Bréá Oyasubi ámu lónu asón ání á, ilehié han mu, ɔlenatí dín, tsúfè ohíe obu ató.

23 Múu Yesu lébláa mu akasípó obéé, “Okwáli nde mli bláa mbée, íbèhie wá onlin asa iwí onyapú obówie Bulu iwíegyi ámutó. 24 Ntráa nde mli bláa mbée, ɔlɔɔn ha kpósó ání obòtsun ɔbin-ato obòtó, dun ání iwí onyapú obówie Bulu iwíegyi ámutó.”

25 Akasípó amu bonu asón ání á, ɔnó lobwie amó. Iní su befité bée, “Mómú ma mee Bulu obóhɔ nkpa?”

26 Inu Yesu léli kí amó alu. Múu ɔlebláa amó obéé, “Anyánkpósato mú á, ohaa méetalí bwé inu, táme Bulu mú tetalí bwé tógýító.”

27 Múu Petro léfité mu obéé, “Iníá anlasí tógýító tswí bobuo fu á, nto abénya tsú fú búoto?”

28 Yesu lébláa amó obéé, “Okwáli nde mli bláa. Bréá Bulu obwé ɔyí ɔpɔwe amó, mí, Nyankpòsa-Mu-Bi ání netsía mí numnyam owíe obía ámusó á, mli ahá ání mlibuo mi ání é mlétsía awíe mbíá dúanyasu, gyi Israel abusuan dúanyɔ ámu asón. 29 Ohagyíoha ání alanatí sí mu wóyí, mu apíó, mu sí mwa mu yin, mu abí ntée ɔsolúu mí su á, Bulu obéla há mu mú tsé dú tsé lafa, trá lahá mu nkpa ání itamatá. 30 Táme agyankpapu aku béba bemli amapu, amapu amu aku é bébemli agyankpapu.”

20

Ndɔto Agyómá Ayɔpú Iwí Yébi

1 Yesu létrá bláa amó obéé, “Mú su Bulu iwíegyi ámu igyi fé asón ání. ɔdɔɔpu oku létsía. Eke oku ɔlɔkúsó nyanki-nyanki ɔyó ipa agyípu odunkákpá, aboyɔyɔ agyómá mu ndɔto. 2 Mwa amónyo begyi bíá ání obéka amó alíá bɔtɔhɔ ekewóle,

29 Bréá Yesu mva mu akasípú bodeḏali Yeriko wúluto bəyó á, ɔɔm kɔnkpɔnkpɔnti bobuo amó. 30 Ansibi abwiepú abanyó aku bɔtsie ɔkpa ámɔto, bonu ání Yesu détsɔn. Inu bɔkplón bli bɛɛ, “Ani Wíe, Dawid mu na, wun aní nwe.”

31 ɔɔm amu bɔkplón wa amó bɛɛ bɔkpa ɔnó bun. Táme belakplón don ali bɛɛ, “Ani Wíe, Dawid mu na, wun aní nwe!”

32 Múó Yesu lési líí, tí amó, ɔlefíté amó ɔbɛɛ, “Nto mlidékélé mlíaa, mbwéɛ ha mli?”

33 Bebláa mu bɛɛ, “Ani Wíe, ha aní awun ató.”

34 Inu amó asón lówa Yesu nwe, ɔlɔpu mu ibi dada amó ansíbi. Inonu bowun ató, bekplá buo mu.

21

Bəhə Yesu Fé Owíe Yerusalem

(Marko 11:1-11; Luka 19:28-40; Yohane 12:12-19)

1-2 Bréá Yesu mva mu akasípú bebéen Yerusalem wúlu, beta Betfage wúlu ání ibu Nfo-nyíbu* ámu así wie tá á, ɔlɔwa mu akasípú abanyó gyankpá. ɔlebláa amó ɔbɛɛ, “Mlyɔ wúlu anfi ida mli ansító ánfisv. Ní mlowíé wúlu amu ɔnó á, mlówun afrímú tsíhé ɔkva ɔda ɔfétó, mu bi líí mu wá. Mlisanke mu, amlikpa amó ba mi. 3 Ní ɔku ɔfíté mli asɔnku á, mlibla mu mlíaa, ‘Ani Wíe dé amó hián.’ Inonu ɔbɛha mlópu amó ba mi.”

4 Iní léha Bulu asón ámuó ɔleblí tson mu ɔnósó ɔtáipúsv ámu léba mótó. ɔbɛɛ,

5 “Mlibla Sionfo mlíaa,

Mliki, mli Wíe ɔbá mli wá.

Ololwíí, ɔdin afrímúsó.

ɔdin afrímú ibi yínhésv ɔbá.”

6 Yesu akasípú abanyó ámu bəyóbwɛ ali ámuó Yesu lébláa amó ámu. 7 Bekpa afrímú mva mu bi ámu ba, beyai amó atati dínká amósó, ɔlɔdu bian musv.

8 ɔɔm kɔnkpɔnkpɔnti beyai amó atati tswi ɔkpatɔ, aku é bebiabia afitáa bunbun ɔkpa ámɔto. 9 ɔɔm amósv bɔgya Yesu nkpa múa ɔma amu bɔsvrá okitikíti bɛɛ, “Hosiána há Dawid mu na ámu! Bulu oyúla owíe anfi ɔbá mu dátó ánfi! Hosiána bu ɔsósúsó!”

10 Bréá Yesu lówie Yerusalem a, wúlu amɔto féé leda kpokiti, bodefité bɛɛ, “Ma gyí ɔhá ánfi?”

11 ɔɔm amósv bobuo mu amu bele mú ɔnó bɛɛ, “ɔni gyí Yesu, Bulu ɔnósó ɔtáipú amósv otsú Nasaret wúlúá ibu Galilea ɔmátó ámu ni.”

Yesu Bulu ɔtswékpa Yɔ

(Marko 11:15-19; Luka 19:45-48; Yohane 2:13-22)

12 Múó Yesu lóyɔ Bulu ɔtswékpa wunsinésó unv, yégya ató afevú pú ató ahópu féé dali. Olowuwúta kóba atsépu mpónú dá, súnsúnki abróɔma afevú é mbíá dá. 13 ɔlebláa amó ɔbɛɛ, “Bowanlín wá Bulu asón ámɔto bɛɛ, ‘Béti mí ɔtswékpa bɛɛ, mpái ɔbɔkpa.’ Táme mliapó unv mli awikplu ɔhainkpa.”

14 Ansibi abwiepú pú abubúpu aku beba mu wá Bulu ɔtswékpa wunsinésó unv, ɔletsá amó ilo. 15 Bréá Bulu igyí ahapú dehen pú Mose mbla asunápú amu bowun ofúla ání Yesu débwɛ, pú alí nyebí bodekplón Bulu ɔtswékpa wunsinésó unv bɛɛ, “Hosiána há Dawid mu na ámu!” a, ɔbló lekítá amó. 16 Mú sv befité Yesu bɛɛ, “Fumedénu asón ání nyebí ánfi bodebli?”

Yesu léle mú ɔnó ɔbɛɛ, “Ndenu. Mlumókókla asón ání Bulu asón wanlínhé amu lébli? ɔbɛɛ, ‘Fasúná nyebí pú amóá bɔmɔkótin nyópu alí bokánfv fú.’ ”

* 21:1-2 Nfo-nyíbu igyi obuwíí kóá ibu mantáa Yerusalem, boteti mú Olifbu.

17 Yesu lédalí wúlu amúto sí amú yó Betania. Inú ọ̀dẹ̀dẹ̀ eke ámu nì.

Pònto Oyi Lwí
(Marko 11:12-14, 20-24)

18 Oyi kehe nyanki, bréá Yesu léyinkí ọ̀bá Yerusalem a, akón de mu. 19 Mú sù bréá olowun pònto kuá ilí mantáa ọ̀kpa á, ọ̀lebaí yó mú asi. Oloyo á, omowun abí kọ̀kọ̀ mótó, afitáa sòón bọ̀ mósú. Inu ọ̀lebláa pònto ámu ọ̀bée, “T́sú nde fóméetrá swie abí ekekeeke!” Inuonu oyí ámu lówu.

20 Mu akasípó amu bowun alá oyí ámu labwé á, ọ̀nó lobwie amú. Mú sù befíté bee “Ntogyi sù oyí ánfí lawú ọ̀tsáwọ̀le pé alí?”

21 Yesu lébláa amú ọ̀bée, “Ònọ̀kwali nde mli bláa. Ní mlọ̀họ̀ Bulu gyi, m̀límégyi nwéen a, mlétalí bwé itó ánfí nabwé oyí ánfí pọ̀ múá idun mú. Mlétalí bláa ibu ánfí mliáa, ‘Puli yowie ọ̀pọ̀to.’ Ibópulí yó. 22 Ní mlọ̀họ̀ Bulu gyi, mlọ̀kólí mu tógyító á, mli ibi bédá mú.”

Yesu Túmi Iwí Asun Fitéhé
(Marko 11:27-33; Luka 20:1-8)

23 Yesu léyinkí bowie Bulu ọ̀tswékpá wunsínésó inu. Bréá ọ̀de ató suná á, Bulu igyi ahapó dehen pọ̀ Yudafo ahande amu beba mu wá. Befíté mu bee, “Ma léha fọ̀ ọ̀kpa, fódẹ̀ ntobí ánfí bwé? Ma léha fọ̀ túmí?”

24 Yesu léle mú ọ̀nó ọ̀bée, “Mí é nfite mli asun kua kole. Ní m̀lélé mú ọ̀nó á, nébláa mlí túmí oduá ndepubwé ntobí ánfí. 25 Bulu wá Asú Òbọ̀pọ̀ Yohane lénya túmí póbó ahá asú, ntéee nyankpọ̀sa?”

Amú wolewole bayo asón ánfito bee, “Ní abli amíaa itsú Bulu wá á, ọ̀befíté anu ọ̀bée, mú ntogyi sù anumóhọ̀ mu gyi? 26 Ntée abli amíaa, anyánpọ̀sa wá itsú.” Táme bude t́á ahá tsọtsoṣtso ámu bóbwe amú ifú nya. Tsufé amú fée bohogyi ání Bulu ọ̀nósó ọ̀táípọ̀ Yohane gyi. 27 Mú sù bele mú ọ̀nó bee, “Ohwée! Anuméyín ọ̀t́ínéá olenya mu túmí tsú.”

Mú Yesu é lébláa amú ọ̀bée, “Mómó mí é mmébláa mli túmí oduá ndepubwé ntobí ánfí.”

Oyin Oku Abi Anyo Iwi Yébi

28 “Mliyo asón ánfito amliki. Oyin oku mu mu abi anyo betsiá. Eke oku oloyo yébláa ọ̀dẹ̀hen ọ̀bée, ‘Mí bí, nde yoyọ̀ agyómá mí ndoto ha mli.’ 29 Òlebláa mu sí ọ̀bée, ‘Mmóyọ̀.’ Mú ọ̀ma a, ọ̀lelatse mu agywun, yó ndo ámuṣo. 30 Amú sí lénatí yó ọ̀kusv amú é wá yébláa mu alí kén. Okusv amú lótsulá ọ̀bée, ‘Mí sí, nọ̀yo.’ Táme ọ̀mọ̀yo.” 31 Inu Yesu léfité ahá ámu ọ̀bée, “Abi anyo ámuṣo ọ̀mọ̀mu lóbwe dínká mu sí asónsú?”

Yudafo igyi ahapó dehen pọ̀ Yudafo ahande amu bebláa mu bee, “Òdẹ̀hen amu.”

Mú Yesu lébláa amú ọ̀bée, “Ònọ̀kwali nde mli bláa. Lampóo ahópu pọ̀ obu-ọ̀nó atsiápó bowie Bulu iwíegyi ámuṣo sí mli. 32 Tsufé Asú Òbọ̀pọ̀ Yohane lóbosuná mli tsiátó oduá ida ọ̀kpa Bulu ansító, táme m̀límóhọ̀ mu gyi. Lampóo ahópu pọ̀ obu-ọ̀nó atsiápó bóhọ̀ mu gyi. Ọ̀ma mlilówun ání amú kóráá batse a, m̀límétsẹ̀ mli agywun họ̀ mu gyi.

Apafọ Laláhe Ako
(Marko 12:1-12; Luka 20:9-19)

33 “Mlinu yébi iku é. Òdotọ̀pu oku lódo wáun ndo. Olegyi iban bómlí mú. Olokwi wáun amu onyimékpá. Olopwe obu f́áhé kú há ndo ámu agyópu. Mú olopwu ndo ámu wá apafọ̀ ibito, olotu ọ̀kpa yó ọ̀má ikoto. 34 Bréá wáun-abí amu kpótíbi lófún a, ọ̀lọ̀wa mu asúmpọ̀ apafọ̀ ámu wá ọ̀bée, buyóhọ̀ mu ogyíkpa ba mu. 35 Táme apafọ̀ ámu bekitá amú, dá okole, mó okole, dá okole é abwi. 36 Ndo

mu wie amu létrá wa mu asúmpó bámbá áni butso dun agyankpapu amu. Apafó ámu bóbwe amó é alí kén. ³⁷ Mú tráhe kóráá á, òleblí òbée, ‘Oo, bóbu mí bí kwíhíé mú.’ Mú su òlwa mu é. ³⁸ Táme bréá apafó ámu bowun mu bí ámu sísí á, bebláa aba bée, ‘Ŋni obégyi mu sí ató ní. Mliha amó mu, méní ndó ámu íbémlí aní klé.’ ³⁹ Mú su bekítá mu, bítí mu dáli ndó ámu to yómó mu.”

⁴⁰ “Ní ndó mu wie óbá á, ntó mlílahogyi mliha, òbóbwe apafó ánfí?”

⁴¹ Yudafo igyi ahapó dehen pó Yudafo ahande amu bele mú ónó bée, “Òbéha aha laláhe anfi bówu lowu sínsín, òbélapó ndó ámu wá apafó bámbá íbitó. Amóá bétsiá pó mu ató-abí ba mu mú kpótíbi.”

⁴² Múú Yesu léfíté amó òbée, “Ntée mlumókókla Bulu ason wanlínhé amu kí? Bowanlín bée,

‘Ibwi ámuó obu ayípu bekiná ámu
lébemli okonkísóbwi ní.

Bulu lóbwe mú alí.
Ibu wánwan.’

⁴³ “Mú su nde mli bláa mbée, Bulu òbóhó mu iwíegyi ámu lé mli íbitó púhá ómá aní bóbwe tsá otekle.

⁴⁴ “Ŋni su óhá aní òledida íbwi ámu su obébiabía blúblúblúblú. Ní íbwi ámu ísúnkí dá òkuso é á, íbókwe mu fíkfíkfíkfí fē nfúó.” ⁴⁵ Bréá Bulu igyi ahapó dehen pó Farisífo ámu bonu Yesu ayébi anfi á, òwankí amó aní amó òde.

⁴⁶ Teki bekleá békítá mu, táme benya ífú, tsúfē òdam amu butobú Yesu aní Bulu ónósó òtópó ogyi.

22

Ŋtsikpaín Iwi Yébi (Luka 14:15-24)

¹⁻² Yesu létrá bláa Yudafo igyi ahapó pó Yudafo ahande amu asón yébitó òbée, “Bulu iwíegyi ámu igyi fē asón ánfí. Owíe òku dé òtsi kpain há mu bí, ³ òletí ahá òbée, búbá nke ámu así. Bréá owíe ámu lóbwe tá á, òlwa mu asúmpó òbée, býéti ahá ámu abuba, táme bekiná bá. ⁴ Mú su òlelawá mu asúmpó bámbá òbée, ‘Mliitra yebláa ahá ámu mliha, nabwé tógyító tá. Bamó mí nnantswie akpónkpóntí ámu pó amóá bawá nfo, níná ató ámu fēé tá. Mú su búbá òtsi òkpainkpá un.’ ⁵ Táme ahá ámuó býéti ámu bumekplá amó. Benatí sí amó yó amó agyómású. Aku benatí yó amó ndóto. Aku é benatí yó amó íbíá ogyíkpá. ⁶ Amó atráhe bekitá asúmpó amu, dá amó, mó amó. ⁷ Bréá owíe amu lónu asón ánfí á, òbló lehé kítá mu. Mú su òlwa mu ísá akópó, býómo ahá ámuó bómó mu asúmpó amu, wá amó wúlu ogyá. ⁸ Múú òlebláa mu asúmpó bámbá òbée, ‘Baníná òtsikpaín atogyihe amu tá, táme ahá ámuó netí ámu bumáfon ha mí wóyító ba. ⁹ Mú su mliwie awúluto, amliti òhagyíoha aní mlówun, óba òtsi òkpainkpá un.’ ¹⁰ Inu asúmpó amu bowie awúluto. Betí òhagyíoha aní bowun, aha wankláan pó aha laláhe fēé. Mú su ahá bóbólá òtsi òkpainkpá un dédéédé.

¹¹ “Táme bréá owíe amu lébeki ahá ámuó batí ámu a, òlowun oyin ókúá ómowa òtsikpaín nketó atadie. ¹² Múú òlefíté mu òbée, ‘Agya, nkáli òbwe fómowa òtsikpaín nketó atadie asa feba nfi?’ Oyín ámu métalí lé mú ónó. ¹³ Múú owíe amu lélabláa mu asúmpó òbée, ‘Mlikli mu ayabi pó mu íbi, amlitswi mu wa oklún ámu to. Inó ísú móa kpisií bu ní.’ ”

¹⁴ Yesu lómó mu asón ónó òbée, “Bulu tetí ahá tsòtsòtsò, táme ahá kpalobí pé etélé.”

† 21:44 Mótí yée 44 una nwóló dada amu akoto.

*Lampóoka**(Marko 12:13-17; Luka 20:20-26)*

¹⁵ Farisifo ámu boyóbowe ono-okule áni bétetéé Yesu onótó asón nú, abunya mu akítalé. ¹⁶ Mú su bowa amó akasípó pó Owie Herode ahá Yesu wá bee boyéfité mu bee, “Osunápó, aniyin áni onokwalipu foyi, fótosuná Bulu asón ámu é onokwalisu. Futamahá ohaa otsé fú agywun, tsúfé futamakí ohaa ansító. ¹⁷ Mú su anidé fú fité anu. Aní mbla léha okpa áni akáa lampóo ha Roma owie dehen Kaesare, ntée anumáka?”

¹⁸ Táme Yesu lówun amó agywun laláhe amu. Mú su ólefíté amó óbée, “Apinabwébi abwepó, ntogyi só mlidé mí sós kí? ¹⁹ Mlitsu kóba amóu botópóká lampóo amu iku ha mi anki.”

Bopoba mu, ²⁰ ólefíté amó óbée, “Ma nwun pó mu dá dín mósó?”

²¹ Bele mú onó bee, “Kaesare.”

Mú ólebláa amó óbée, “Mómú mlipu tóá igyi Kaesare klé ha Kaesare, amlipu móá igyi Bulu klé é ha Bulu.”

²² Yesu mbuai ánfí lóbwie amó onó. Mú su benatí.

*Kosó Tsú Afúlitó Iwi Asón Fitéhé**(Marko 12:18-27; Luka 20:27-40)*

²³ Eke ámu kén á, Sadukifo aku beba Yesu wá. Bogyi opasua kóá botéblí bee, kosó tsú afúlitó má inu. Befité mu bee, ²⁴ “Osunápó, Mose lówanlín tswi aní óbée, ‘Ní oku mva mu ka bumakwí asa olowu sí mu ká ámu a, mu pio otsú mu ka ámu tsia, fékí okwí ha owupó ámu.’ ²⁵ Oyin okule abí abasiénó aku betsiá. Amótó ogyankpapu létsiá aká, táme omakwí asa olowu. Mu pio lótsu osurapuka amó tsia, ²⁶ táme mu é omakwí. Osaasi lótsu otsi ámu tsia. Mu é omakwí. Alu yótu osienósi amu. ²⁷ Oma-oma a, osurapu mu é lóbowu. ²⁸ Afúli okusóké a, amótó omamu óbóowe mu kulu? Tsúfé amó abasiénó ámu féé betsiá mu.”

²⁹ Mú Yesu léle mú onó óbée, “Megyí mli ológyi. Mluméyin Bulu ason wanlínhe amu ntée Bulu túmi. ³⁰ Ní afúli bokósó á, bóbwe fé Bulu-abopu. Buméetsiá aká múa akúlu. ³¹ Mlumókúkla asón áni Bulu onotó lébláa mli tsú afúlikosó iwi? ³² Bulu ason wanlínhé léblí óbée, ‘Mígyi mli anáin Abraham mu Isak pó Yakob Bulu ámu ní.’ Iní su megyí awupó Bulu ógyi, akiankpapu Bulu ógyi.”

³³ Bréá odom amu bonu asón ánfí á, mu atosunáhé anfi léha onó lobwie amó.

*Bulu Mbla Amotó Mób Idw**(Marko 12:28-34; Luka 10:25-28)*

³⁴ Bréá Farisifo bowun áni Yesu lalé Sadukifo ámu asón onó, asón lawú wá amó onó á, bekpa aba ya Yesu wá. ³⁵ Amótó okuleá ogyi mbla osunápó léfité Yesu asón, opuso mu kí. ³⁶ Ólefíté Yesu óbée, “Osunápó, Bulu mbla ámotó mamo dón?”

³⁷ Yesu lébláa mu óbée, “ ‘Pu fú klun, fú okláa pú fú agywun féé dwe fú Wíe Bulu.’ ³⁸ Iní gyí mbla ámotó gyankpapu áni idwón mó féé ní. ³⁹ Nyosó é igyi fé mó. ‘Dwe fú bá fé fú iwi.’ ⁴⁰ Mose Mbla pó Bulu onósó atáipó amu atosunáhé féé líí mbla anyo ánfisu.”

*Ma Gyi Kristo Amu?**(Marko 12:35-37; Luka 20:41-44)*

⁴¹ Iníá Farisifo ámu bebefia sí bvlí su á, Yesu léfité amó óbée, ⁴² “Nkálí mlidé Kristo, (ohá amóu Bulu ladá mu ofúli amu) iwi gywún? Ma mu na ní?” Bebláa mu bee, “Owie Dawid mu na ní.”

⁴³ Ólafíté amó óbée, “Mú ntogyi só Oye Wankíhé léha Owie Dawid létí mu óbée ‘Mí Wíé?’ Tsúfé Owie Dawid léblí óbée,

44 ‘Ani Wie Bulu lébláa mí Wie ðbéé,
Tsia mí gyɔpɩsu nfi
yɔfon bréá néha fɛtsatsáa fú alupósó?’

45 Ní Owíe Dawid onutó létí ðhá ánfí Bulu ladá ofúli anfi ðbéé, mu wie a, nkáli só ðtráa ogyi mu na?’

46 Amótó ðokoko métalí lé mú ðnó. Tsú eke ámu a, ðhaa métrá wa klɔn fité mu asvansu.

23

Mose Mbla Asunápó Pó Farisifó Tsiátó
(Marko 12:38-39; Luka 11:43, 46; 20:45-46)

1 Asón ánfí ðma a, Yesu lébláa ððm amu pó mu akasípó amu ðbéé, 2 “Mose mbla Farisifó pó Mbla asunápó amu bodesuná. 3 Mú sɔ mligyi amú asɔn blihé fɛésó, táme mlimátsiá amú atsiábi. Tsúfɛ butamagyi amú onutó asɔn blihésu. 4 Butópó ató dwindwín sórá ahá, táme amú onutó butamapó osrebi ðkule kóráá tsá amú tsu. 5 Butəbwé amú tógyító ahá ansísó. Butəwánlín Bulu asón dínká tati téhɛsu, póklí amú ðsvkpi pó amú bina íbasu. Butəló nfɛ tintíúntín síansían amú atadié ðnó. 6 Butekle otsiákpá yilé tsíá nke ogyikpá pó Yudafó Ofiakpa. 7 Bedálí yə dɩnsu á, butekle bæe ahá butú amú bæe, ‘Asunápó,’ abubun ha amú itsiá. 8 Mli fɛé á, apíó mligyi. Mú sɔ mlimáha abutí mlítə ðhaa osunápó. 9 Obakóle pé gyí mli osunápó. 9 Alí kén mlimáti ðhaa mli sí ɔsolólu anfisɔ ní. Tsúfɛ ɔsí ðkule pé mlɩbu, ɔbu ɔsósó. 10 Tráhetráhe a, mlítə ðhaa máha abutí mu nkpa ogyápu. Tsúfɛ nkpa ogyápu ðkule pé mlɩbu. Mogyí Kristo, (ðhá ámú Bulu ladá mu ofúli amú). 11 Mlítə ðhande ɔbwéé mli osúmpó. 12 Tsúfɛ fóá fotsu íwí á, Bulu ɔbéba fu asi. Fóá feba íwiasí é á, Bulu obótsu fu fóá.

Apinabwɛbi Abwɛpó
(Marko 12:40; Luka 11:39-42, 44, 52; 20:47)

13-14 “Mli Farisifó pó Mose mbla asunápó, apinabwɛbí abwɛpó, mligyɔwí ní. Mlɩlatin Bulu íwíegyi ámu ɔkpa wá ahá. Mli onutó mlimédékléá mlówie inu, mlídé ahá ání bɔde mbádí bə bæe bówie inu é ɔkpa tɩn.*

15 “Mli Farisifó pó Mose mbla asunápó, apinabwɛbí abwɛpó, mligyɔwí ní. Tsúfɛ mlítɛfá iln fá ɔpp, dó íbu kplí íbu há ðha tɛdámli klɔntə. Táme ní ɔdámli klɔntə tá á, mlítɛlábwé mu otemlí ísobití ogyá ání itamaduntə ɔyɔpó ðun mli onutó.

16 “Ansibi abwíepó ání mlídé ahá kpa, mligyɔwí ní. Mlítɛblí mliáa, ‘Ní ɔku ɔká Bulu ɔswékpa obu ámu ntam a, imehián ání obégyi mósó. Táme ní ɔká sika pepɛ atá íbu ɔswékpa obuto inu mú ntam a, ilehián ání obégyi mósó.’

17 Ansibi abwíepó! Aha mimláhe! Mótó mɔmɔ bu labi ðon? Sika pepɛ atá ámu lóó, ntée Bulu ɔswékpa obu ámú ilahá sika ámu lamli Bulu klé amú?

18 Mlítɛtráa blí mliáa, ‘Ní ɔku ɔká afɔdié-asubwi ntam a, imehián ání obégyi mósó. Táme ní ɔká afɔdié-abotó ámu ntam mú á, ilehián ání obégyi mósó.’

19 Ansibi abwíepó! Mótó mɔmɔ bu labi ðon? Afɔdié-abotó ámu ntée afɔdié-asubwi ámú ilahá mú ilamli Bulu klé amú? 20 Ní fɛká afɔdié-asubwi amú ntam a, faká íbwi ámu pó atá ídɩn mósó fɛé ntam. 21 Ní fɛká Bulu ɔswékpa amú ntam a, faká Bulu mɔa mu otsiákpá ntam. 22 Ní fɛká ɔsósó ntam a, faká Bulu mɔa mu owíe obíá ntam.

* **23:13-14** Mótó yéé 14 bu nwołó dada amú akoto: Mli Farisifó pó Mose mbla asunápó, apinabwɛbí abwɛpó, mligyɔwí ní. Mlítɛlí ahátó bó mpá: tintíúntín, táme mlítɛswí asɔrapu amú wóyí pó amú ató fɛé é. Inu sɔ Bulu ɔbébtí mli ísu ðun aha tráhe.

²³ “Mli Farisifo pú Mose mbala asunápú, apinabwebí abwepú, mligyowí ní. Mliteye mli otsutsó pú kpántánkplámá aná fээтú idú, pú idúsi há Bulu. Táme mlimédé Bulu mbala amóú ihíé dehián, igyi asóngyí onokwaliso, aba nwewúun pú onokwaliwa ámuᵛᵛ gyi. Múdehián ni, táme mlimákiná iyétó dúsi amᵛ é ha. ²⁴ Ansibi abwiepó áni mlidé ahá kpa, mligyowí ní. Mlitátsró mbépi lé oputsútó, táme mlitemé mbéwun.

²⁵ “Mli Farisifo pú Mose mbala asunápú, apinabwebí abwepú, mligyowí ní. Tsúfě mlitáfwi mli nwe pú mli nlepe oma wankláán, táme atóá mlilapó owi móa onsipe swíi ahá sóón bu mótó. ²⁶ Farisifo ansibi abwiepó, mligyankpa fwí nwe móa nlepe ámuᵛᵛ, mó oma é bétin.

²⁷ “Mli Farisifo pú Mose mbala asunápú, apinabwebí abwepú, mligyowí ní. Mlilabwé fě ntsán áni bakpá mó afá futútúútú, mó iwí lawá akíle. Táme mótó mó á, afúli awú pú ato plóhé sóón bó mó. ²⁸ Alí kén mligyí ní. Ahá buteki mli áni mligyí yilé abwepú. Táme mli klonto mó á, apinabwebíbwe móa lalabe bwe sóón bó mó.

Bulu Isubití (Luka 11:47-51)

²⁹⁻³⁰ “Mli Farisifo pú Mose mbala asunápú, apinabwebí abwepú, mligyowí ní. Tsúfě mlitapwé Bulu onósó atóipú pú yilé abwepó ámuᵛᵛ betsiá ámu ntsán, lá mó iwí wankláán, blí mliáa, ‘Ní anulétsiá aní anáin brésó asa bomo Bulu onósó atóipú anfi á, teki anumówa ibi mótó.’ ³¹ Mli asun blihé anfi désuná áni mligyí Bulu onósó atóipú amopú ámu abí-aná ní. ³² Mliwuna yó mósó, amlimo mli anáin bwehé ámu onó. ³³ Awó, abe abí-aná! Mlétalí srí sí ipón ámuᵛᵛ Bulu obéha mli, kpá mli wa ísubití ogyá ámuᵛᵛ itamaduntó ámu? ³⁴ Mó su nde Bulu onósó atóipú, anyansapu pú Mose mbala asunápú wa sísi mli. Táme mlómó aku, dá amótó aku mántá oyikpaliheso. Mlónwen amótó aku mpli mli ofiakpa, dínká akosu tsú awúlusu yó awúlusu. ³⁵ Iní su yilé abwepó ámuᵛᵛ mliá mli anáin mlíamó tsú Habelso bəfun Sakaria, ogyi Barakia mo bi ámuᵛᵛ mlíómó Bulu otswékpa obu móa afodié-asubwi amᵛ nsiné ámu fээ obugya béba mliᵛ. ³⁶ Onokwali nde mli bláa. Iní aná fээ su Bulu isubití béba mli ndemba-abí ánfiso ní.

Yerusalemfo Iwi Odwe (Luka 13:34-35)

³⁷ “Oo Yerusalemfo, Yerusalemfo! Mlitómó Bulu onósó atóipú, dá abí áni Bulu lawá sísi mli abwi mó ní. Ntekleá nóbun mli abísó brégyíbré, fě alíá baté tobun mo abísó, táme mlitamahá mí okpa. ³⁸ Mliki, Bulu obési mli otswékpa tswi mli, íbedi kpan. ³⁹ Tsúfě nde mli bláa mbéé, mlimétrá wun mi ekekeke, yófun ekeá mléblí mliáa, ‘Bulu oyúla ohá ámuᵛᵛ obá mu idátó.’ ámu.”

24

Bulu Otswékpa Amᵛ Bwie (Marko 13:1-2; Luka 21:5-6)

¹ Bréá Yesu lédalí Bulu otswékpa unᵛ oyó á, mo akasípú amᵛ benatí yóto mu, súná mu otswékpa unᵛ mbu ámu. ² Múó olebláa amó obéé, “Mlilawun mbu akponkponkponnti ánfí fээ? Onokwali nde mli bláa. Bóbwie mó fээ bun. Iwí kule kóráá méesian dínká mó básó.”

Iwəsin Móa Ikpán (Marko 13:3-13; Luka 21:7-19)

³ Bréá Yesu tsie Nfo-nyíbu ámòsu, òde Bulu òtswékpa amu kí a, mu akasípó amu nkòle befíté mu bee, “Bla aní, bré mòmòtó ìní fée béba? Osúna mòmò é òbéba, íbòsuná àní fò bábí pò òyí ònómáké lafun?”

⁴ Inu Yesu léle mú ònó òbéé, “Mlíki wankláán, méní òhaa méemlé mlí. ⁵ Tsúfè ahá tsòtsòtsò bópó mí dá ba bee, amógyí Kristo, (òhá àmóú Bulu ladá mu ofúli amu) ní. Bémle ahá tsòtsòtsò bófwi òkpa. ⁶ Ní mlonúá ísá ladá mantáa mlí ntéé òtineko á, opúni mátsíí mlí. Tsúfè lehián àní ìní aná fée béba, táme imedésuná àní òyí ònómáké ámu lafun. ⁷ Tsúfè òmá bókò aba. Awíe bókòsú líí abasú. Akón béba, òsúlòwù békpunkí ntíné-ntíné. ⁸ Iní fée ìgyi fè iwòsun àní òtsi towun bréá ikwí de mu dwiín.

⁹ “Alí bré àmòtó á, mí sù òmá-òmá bólu mlí. Bédínká mlíso, pò mlí há bówa mlí amòmuyò, mó mlí. ¹⁰ Mlínú ahá tsòtsòtsò bédida hògyito. Bólu aba, lé aba há. ¹¹ Afunu awapó béblí bee, Bulu ònósú atáíró bogyi tsòtsòtsò béba bémle ahá tsòtsòtsò, há amú bófwi òkpa. ¹² Lalahewe bómóní. Mú sù ahá tsòtsòtsò bumétrá dwe aba. ¹³ Táme òhá àní òletalí líí kinkíinkín yòfun òyí ònómáké á, Bulu òbòhò mu nkpa. ¹⁴ Mú óó á, ahá béda Bulu iwíegýí ámu iwí asun wankláán ànfi òkan òyító fée, méní ahá fée bónu mú, asa òyí íbómò ònó.

Iwòsun Wúunbí

(Marko 13:14-23; Luka 21:20-24)

¹⁵ “Ní mlowun akísítóá itobwíé òmá, ida Òwankíkpa inu, ide Bulu òtswékpa inu kpóí, fè ahá Bulu ònósú òtáíró Daniel léblí tswí a, —Aklápo, mlinu mú asi! — ¹⁶ mómó ahá àní bubu Yudea òmátó bwsrí yò abusu. ¹⁷ Òhá àní òdin obusu mákplí òbéé, moyótsu tòtó obuto. ¹⁸ Òhá àní òbu ndòtó é òmáyínkí ba wóyító bòtsu mu tati. ¹⁹ Amenayapó pò abí-ayín àní bupia abí bóbwe alí bré àmòtó, bogyówí ní. ²⁰ Mlíkokoli Bulu mlíaa, mlí òsríké amu imábwe nyankpo múa atsalíbí ntéé òkpròndé òdaké. ²¹ Tsúfè tsú òyí asitsuábi a, asun wunhe àní íbéba alí bré àmòtó odu kòkò mókóba kí. Mú odu kòkò é méetrá ba ekekeke. ²² Ní Bulu médínkí nke ámòsu á, teki òhaa méesian òyító. Táme ahá àmóú alalé póbwé mu kle amu sù aladínkí nke ámòsu.

²³ “Alí bré àmòtó á, ní òkò lébláa fù òbéé, ‘Kí, Kristo, (òhá àmóú Bulu ladá mu ofúli amu) bu nfi ntéé náná’ á, máhogyí. ²⁴ Tsúfè ahá àní bee amógyí Kristo amu pò ahá àní bówa afunu bee, Bulu ònósú atáíró bogyi tsòtsòtsò béba òyító. Bóbwe ofúla pò osúna akpònkpòntí pómle ahá. Ní bétalí kóráá á, bémle ahá àmóú Bulu lalé ámu é. ²⁵ Mlinu, nde mlí òlá da yáí asa íba.

²⁶ “Ní òkò òbláa mlí òbéé, ‘Kí, Kristo amu laba òbu dimbísú’ a, mímádalí yéki. Alí kén ní béblí bee, ‘Òbu obutótó’ é mímáhogyi ní. ²⁷ Tsúfè mí, Nyankpòsa-Mu-Bi ànfi òbáke íbóbwe fè alí àmóú nyankpo òfwi íbi, bütowun mú tsú owí òdalíkpa yédalí owí òkplíwíékpa amu.

²⁸ “Òtínéá itò wuhé da a, inú alása bütefia.

Nyankpòsa-Mu-Bi Amu Íbábi

(Marko 13:24-27; Luka 21:25-28)

²⁹ “Iwòsun wúun amu òma a, owí òbéta, òtsra é òmétrá fèí. Ntsrakpabi békpa tsú òsósú béda. Nwòlótáa múa mótó ató fée békpunkí. ³⁰ Mú òma a, mlówun mí, Nyankpòsa-Mu-Bi ànfi íbá iwí osúna òsósú. Òyító ahá fée bósu. Òhagyíòha òbówun àní mí, Nyankpòsa-Mu-Bi ànfi napó túmí múa numnyam kpònkpòntí mbu nwòlótáatò tsú òsósú nebá. ³¹ Inu á, òkpe ku íbèlín kòklókúú, Bulu òbówa mu abòpo béyekpa mu ahá àmóú alalé ámu tsú òyí afunka ana ámu féesú.

Òyí Ònómò Iwí Osúna

(Marko 13:28-31; Luka 21:29-33)

³² “Mlɩpɩki pɔntɔ oyí. Ní mó abámbi depɔí, ɩde ate pɔpwe le á, mlɩtebí ání awikpan bré lafɔn. ³³ Alí kén, ní mlowun ání ntóbí ání fée ɩde mótɔ bá a, mlébi ání mí, Nyankpɩsa-Mu-Bi ání ɩbábí lafɔn ta ní. Nawíe wóyí ámu ɔnɔ tá. ³⁴ Ɖnɔkwali nde mlí bláa mbéé, ndemba-abí ání fée bumóowu tá asa ɩní fée béba mótɔ. ³⁵ Ɖsú móa así fée bótson, táme mí ason blíhé móɔtsɔn ekekekeke.

Nyankpɩsa-Mu-Bi Ámu Ɖbáke

(Marko 13:32-37; Luka 17:26-30, 34-36)

³⁶ “Ɖhaa méyín eke ntée bréá ntóbí ání fée ɩbéba. Bulu-abɔpu bomeyín. Bulu mu Bi ámu é méyín, nkéti aní Sí ámuɔ ɔbu ɔsósó ámu nkɔle pé yin. ³⁷ Alí ámuɔ ilegyi Noa brésó amu a, alí ɩbégyi mí, Nyankpɩsa-Mu-Bi ání é ɩbábí ní. ³⁸ Tsúfée asa ntsubólábí amu lafɔn a, ahá betsiá búde ató gyí, búde ntá núu, búde aká tsiá, búde atsi kítá há akúlu alí yófun ekeá Noa lówie mu dáka kpɔnkpɔnkpɔnti ámuɔ. ³⁹ Ɖhaa mébi tásá ɩde mósó yo, kpéfɔn bréá ntsu ámu laɔblá sórá amó fée náti. Alí kén buméebi mí, Nyankpɩsa-Mu-Bi ání ɩbábí ní. ⁴⁰ Alí bré ámuɔ á, ní ayin abanyó bolú nde kɔlétɔ búde agyómá yo á, Bulu obótso ɔkɔle sí ɔkɔle. ⁴¹ Ní atsi abanyó búde nfúó kwe á, Bulu obótso ɔkɔle sí ɔkɔle.

⁴² “Mlɩdinka ansí ɩwɩsu, tsúfée mluméyín ekeá mlí Wíe ɔbéba. ⁴³ Táme mlɩnu asón ání. Ní wóyí mu wie yin onyé bréá owikplu ɔbéba mu wóyító a, tekí ologyo mu wóyí, owikplu móbwie wíe, wí mu ató. ⁴⁴ Mó su mlí é mlɩgyo, tsúfée mí, Nyankpɩsa-Mu-Bi ání néba bréá mlí ansí medín mísó.

Osúmpó Wankláán Pó Ɖlaláhe

(Luka 12:41-48)

⁴⁵ “Ma mee gyí osúmpóá ɔletun ansí, ɔbu ɔnɔkwali? Mu ɩbitɔ mu wie tɔpó mu aba atráhe wá, ɔbéé ahá amó atogyihe dinka brésó. ⁴⁶ Ansí bégyi osúmpó amu, ní mu wie amu ɔbá bowun ání lélé ɔde mó bwe. ⁴⁷ Ɖnɔkwali nde mlí bláa. Mu wie amu ɔbɔpu mu ató fée wá mu ɩbitɔ. ⁴⁸ Táme ní osúmpó laláhe ogyi, ɔleblí wá nwunto ɔbéé, ‘Mí wie mééba séi.’ ⁴⁹ ɩní su olefi así ɔde mu aba asúmpó da, muwa ntá abupó búde ató gyí sí amó, búde ntá núu bu á, ⁵⁰ mu wie amu ɔbéba bófwie muɔ ekeá ɔmedín ansí. ⁵¹ Mu wie amu ɔbéhie títi muɔ, trá bití muwa apinabwebífo ámu asu kékée. ɩnó isú móa kpisií bu ní.

25

Mbitebí Dú Aku ɩwí Yébi

¹ “Bulu ɩwíegyi ámu ɩbóbwé fé mbitebí dú akvá bɔtsu amó nkandíe dáli beyefía ɔká pɔpwe otsiápu ɔku. ² Amótɔ abanú bemímláa, abanú é betun ansí. ³ Aha mímláhe amu bɔtsu amó nkandíe, táme bumotsu nfo kɔku kítá. ⁴ Táme atiansɩpu amu bɔtsu nfo wá atótɔ kítá. ⁵ Ɖká otsiápu amu mókɔsí ba. Mó su mbitebí ámu fée bɔgyɔsí, tsɔn mótɔ dídi.

⁶ “Ɖyí-nsuné á, ɔku lósurá okitíkíti ɔbéé, ‘Aní pi, ɔká otsiápu amu ɔbá o! Mlɩdali yefia mu!’ ⁷ ɩnu mbitebí ámu fée bɔkɔsɔ nywé amó nkandíe. ⁸ Aha mímláhe amu bebláa atiansɩpu amu beé, ‘Aní nkandíe dedúun. Mó su mlɩha aní nfo kpalobí awa aní klétɔ.’ ⁹ Mú atiansɩpu amu bebláa amó beé, ‘O-o, ɩmótsɔ. ɩmóɔfɔn ania mlɩnyɔ. Mlɩyo afepó wá, amliyɔhɔ mlí klé.’ ¹⁰ Bréá aha mímláhe amu bɔpu ɔkpa bɔyó á, ɔká otsiápu amu léba. Amó ámuɔ beɔda ɩwɩsu ámu bobuo ɔká otsiápu amu wíe ɔká otsiákpá ɩnu, oyin ámu asúmpó befin obu ámu.

¹¹ “Mú ɔma a, mbitebí atráhe amu é beba belí kɩɩn ɔma, blí beé, ‘Aní sí, finki ha aní awie.’ ¹² Táme ɔká otsiápu amu lébláa amó ɔbéé, ‘Ɖnɔkwali nde mlí bláa, mmeyín mlí ɔkpagyiákpasu.’ ”

13 Yesu lómò mú ònò òbée, “Inu sù mlida iwisù, tsúfè mí, Nyankpusa-Mu-Bi ánfí nēba bréá mli ansí medín mísó.

*Asúmpó Abasá Iwí Yébi
(Luka 19:11-27)*

14 “Nyankpusa-Mu-Bi ámu íbábi bóbwe fè òkúá òde òkpa tu, òleti mu asúmpó, ye mu ató há amó òbée, bukú mósú yaí mu. 15 Òlòpù sika pepé akente anu há òkule, pò akente anyò há onyòsì, òlòpù kente kole é há òsaasi. Òleha okugyíòkù mu òwònlín ònò asa òlenatí. 16 Osúmpó ámúú olenya akente anu ámu lówa òsa pò kóba amu fi íbíágyí así. Mú sù imòwa òpá kòkò, olenya akente anu dínká mósó. 17 Onyòsì amu é lédamli íbì mu sika pepé akente anyò ámu sù alí kén. Mú sù olenya akente anyò dínká mósó. 18 Táme òsaasi amúú olenya kente kole amu mú lóyókwi òbò, pò mu wie sika pepé amu ñáín mótó.

19 “Ìlòwa òpá asa amó wíe amu lótsu mu òkpa ámu ba, òleti amó òbée, mu amónyò bóbu akúnta. 20 Osúmpó ámúú olenya sika pepé akente anu ámu lótsu múa mósú òdínka akente anu ámu ba mu wie, bebláa mu òbée, ‘Mí wíé, fèha mí sika pepé akente anu. Mí é nanyá akente anu dínká mósó. Mú ní.’ 21 Mu wie amu léda mu ípán, blí òbée, ‘Fabwé ató. Osúmpó wankláán fógýi. Inúá fawá ònòkwálí ató túkúrííbi ánfíto sù á, nòpù fú yáí mí ató tsòtsòtsò ònò. Ba afòbetsiá mí wá, anya ansigyí.’

22 “Osúmpó onyòsì amúú olenya sika pepé akente anyò ámu é lébláa mu wie òbée, ‘Mí wíé, sika pepé akente anyò fèha mí. Mí é nanyá anyò dínká mósó. Mú ní.’ 23 Mu wie amu léda mu ípán, blí òbée, ‘Fabwé ató. Osúmpó ònòkwálipù fógýi. Inúá fawá ònòkwálí ató túkúrííbi ánfíto sù á, nòpù fú yáí mí ató tsòtsòtsò ònò. Ba afòbetsiá mí wá, anya ansigyí.’

24 “Múú osúmpó amúú olenya sika pepé kente kole amu é lébebláa mu wie òbée, ‘Mí wíé, nyin ání fú asón bu ònlín. Fòtòkpótí ató òtínéá fòmòdu; fòtekpá ató-abí òtínéá fòmefítá. 25 Mú sù nenyá ifú pò fú sika pepé amu ñáín òbótó. Mú ní, hò fú ató.’

26 “Inu mu wie amu lébláa mu òbée, ‘Osúmpó laláhe, òwòltyòpò fógýi. Fòyin ání ntòkpótí ató òtínéá mmodu, ntekpá ató-abí òtínéá mmefítá ató. 27 Inúá fòyin mú alí á, tekí fòpù yótswí sika òyáìkpá. Inúá naba a, tekí nòyòhò múa mósú abí.’ 28 Múú oyin ámu lébláa mu asúmpó amu òbée, ‘Mlìswu mu sika pepé kente kole amu ha òmòamúú alanyá akente idú ámu. 29 Tsúfè òhá ání òbu tsòtsò á, bebrá pù iku tsia mótó há mu, obénya tsòtsòtsò. Táme òhá ání ònta á, bósúwí mu kpalóbíbiá òbù, 30 amlìtswé osúmpó anfi òma labi ánfí wa òklúnta. Inú isú múa kpìsìi bu ní.’

Asóngyí

31 “Ní mí, Nyankpusa-Mu-Bi ánfí nēba mí iwíe ogyìkpá, Bulu-abòpù fèé bubuo mí á, nētsiá mí òsòsò numnyam owíe obíásó. 32 Békpa òyítò ahá fèé befia mí ansítò. Inu nótòsì amótó, fè alíá mbwí òkparú tótòsì akúfa lé akpalátò. 33 Fówun nahá akúfa amu balí mí gyòpìsù, akpaláa amu é balí mí binasù. 34 Inu mí ánfí ngýi Owíe anfi nēbláa ahá ámúú bulú mí gyòpìsù ámu mbée, ‘Mlì ahá ánfí mí Sí layúlá ánfí mlíba, amlìbetsiá iwíegyí ámúú òlelayátí há mlì tsú oyí asìtsuábí òpá ámòtò. 35 Tsúfè akón lekítá mí á, mlìléha mí ató negyí. Òmewólí lekítá mí, mlìléhá mí ntsu nonu. Nòbwe òfòó, mlìlòhò mí òfòó. 36 Nenatí yayá, mlìléhá mí tati nedidá. Nòlò, mlìlékí mí. Nedi obu, mlìléhá beki mí.’

37 “Inu yilé abwepò ámu bēfité mí beé, ‘Aní Wíé, òmenke anulòwun ání akón de fú, anuléha fú ató fegyí? Òmewólí de fú, anuléha fú ntsu fonu? 38 Fòbwe òfòó,

aniláho fú ofó? Ɖmenke fenatí yayá, aniléha fú tati fedidá? ³⁹ Ɖmenke folo, ntée fedí obu, aniléba beki fu?”

⁴⁰ “Inu mí ánfí ngi Owíe ánfí nébláa amó mbée, ‘Ɖnokwali nde mli bláa. Tógyítá mlúóbwe há mí apíó ánfí ahá butamabú amó wá aháto ánfíto oku á, mí mlúóbwe mó há á.’

⁴¹ “Inu nébláa ahá amóó bulí mí binaso ámu é mbée, ‘Mlukpokpe tei nfi. Bulu lalwíí mli. Mliyo ogyá amóó itamadun, Bulu lélayáí há Ɖbonsám móa mu abopu amoto. ⁴² Tsúfé akón lekítá mí, mliuméha mí atogyihe. Ɖmewóli lekítá mí, mliuméha mí ntsu annu. ⁴³ Nóbwe ofó, mliumáho mí ofó. Nenatí yayá, mliuméha mí tati andida. Nolo, nedí obu; mliuméki mí.’

⁴⁴ “Inu amó é befíté mí bée, ‘Aní Wíé, Ɖmenke anilówun aní akón de fú, Ɖmewóli de fú, fuygi ofó, fona yayá, fudelo ntée fuda obu; anumébeki fu?’ ⁴⁵ Inu mí ánfí ngi Owíe ánfí nébláa amó mbée, ‘Ɖnokwali nde mli bláa. Alí amóó mliumóbwe mó há mí apíó ánfí ahá butamabú amó wá aháto ánfíto oku á, mí mliumóbwe há á.’ ⁴⁶ Bulu obéha amó bóyo iwáson aní itamatát, táme yilé abwepó ámu mó bénya nkpa aní itamatá.”

26

Bekiklí Yesu Nwunso

(Marko 14:1-2; Luka 22:1-2; Yohane 11:45-53)

¹ Bréá Yesu lósuná ató ánfí fée tá á, olebláa mu akasípó amu obée, ² “Mliyin aní ilasí nkenyó bégyi Israelfoso Katsun Nke. Nke ámuto á, oku obópu mí, Nyankpusa-Mu-Bi ánfí wá mí alupó ibito, béda mí mántá oyikpalíhesu.”

³⁻⁴ Alí bré ámuto á, Yudafo Bulu igyí ahapú dehen pó amó ahande befia igyí ahapú dehen Kaiafa wóyító, kítá agywun okpa aní bótson mósó kítá Yesu njáinto, mó mu. ⁵ Táme beblí bée bumóobwe mó nke ámuto, méní kpokiti méeda omá ámuto.

Ofobi Fánfánfán Powóli Yesu

(Marko 14:3-9; Yohane 12:1-8)

⁶ Bréá Yesu bu Betania wúluto, Simon okuá alaló ilo pepe kí wóyító ode ató gyí a, ⁷ ɔtsi oku léba mu wá. Ɖde prentwa wankláán kuá ofobí fánfán aní ibo bíá bō mó, oletsei ofobí ámu wóli Yesu nwunto. ⁸ Yesu akasípó amu benya obló bréá bowun iní. Mó su befíté bée, “Ntogyi só ɔtsi ánfí layíntá ofobí fánfán ánfí? ⁹ Abétali fé mó ibíá kpékplé, pó kóba amu há ahíánfo.”

¹⁰ Yesu lébi aní obló lakítá amó. Mó su olebláa amó obée, “Ntogyi só mliidé mu háan? Ito yilé alabwé há mí. ¹¹ Ahíánfo bétsiá mli to ekekegyíeke, táme mí mó mméetsiá mli wá yó. ¹² Alatséi ofobí fánfán ánfí wóli mí, póla mí oyulúv yáí há mí opuláké. ¹³ Ɖnokwali nde mli bláa. Ɖyító ɔtínegyíotínéá béda Bulu asun wankláán ámu okan a, beblí tó ánfí ɔtsi ánfí labwé ánfí pókáin muso.”

Yuda Iskariot Lótsulá Aní Obéle Yesu Há

(Marko 14:10; Luka 22:3-6)

¹⁴ Mó oma a, mu akasípó dúanyo ámuto okuá butetí mu Yuda Iskariot lóyo Bulu igyí ahapú dehen amu wá. ¹⁵ Ɖleyéfíté amó obée, “Ní nelé Yesu há mli á, ntó mléha mí?” Mó su bekla sika futútú advasa (30) wá mu ibito. ¹⁶ Tsú bré ámuto olowa okpa dunká aní obótson mósó lé Yesu há amó.

Katsun Atogyihe Gyl

(Marko 14:12-21; Luka 22:7-14, 21-23; Yohane 13:21-30)

17 Israelfo Bodobodo MátúhéNke ámuto eke gyankpapu a, akasípó amu beba Yesu wá befité mu bee, “Ani Wíé, obu mómuto ayela ha fu, afogyi Israelfosu Katsun Nke atogyihe amu?”

18 Yesu lébláa amú óbée, “Mlɔ́ asímasi wá wúluto, amlyebláa mu mhaa, ‘Osunápó amu óbée, mí bré lafón. Iní sù mía mí akasípó abá begyi Israelfosu Katsun Nke ámu fò wóyító.’ ”

19 Mú sù akasípó amu bɔ́yóbwɛ alí ámúó Yesu lébláa amú ámu pépéépé. Bela obu ámuto, bwé Katsun Nketo atogyihe amu yáí unu.

20 Bréá nsainto deklúun a, Yesu mwa mu akasípó beba betsiá ɔ́pónú ámu asi.

21 Ató ámu ogyíkpa a, Yesu lébláa amú óbée, “Ɔ́nkwalí nde mlí bláa, mlíto ɔ́kole óbée mí há.”

22 Asón ánfí léhíe han akasípó amu. Mú sù befi asi bode mu fité kɔ́lekɔ́le bee, “Mí Wíé, mí ní lóó?”

23 Yesu lébláa amú óbée, “Ɔ́há ámúó mía mɔ́nyo anídé ibí wa ɔ́lepe ɔ́koleto ámu óbée mí há. 24 Mí, Nyankpusa-Mu-Bi ánfí nówu fé alíá bɔ́wanlín tswíí, táme ɔ́há ámúó óbée mí há ámu ɔ́gyówí ní. Ní bometepí kwíí mu kóráá á, teki ibo alé há mu.”

25 Yuda Iskariot amúó ɔ́lele mu há ámu é léfité mu óbée, “Osunápó, mí ní lóó?” Múó Yesu lébláa mu óbée, “Ee, fablí.”

Yesu Ntópwe Atogyihe Tráhe

(Marko 14:22-26; Luka 22:14-20; 1 Korintofó 11:23-25)

26 Bréá bode ató ámu gyí a, Yesu léle bodobodo ipín, ɔ́leda Bulu ipán, bíábíá mótó póhá mu akasípó amu, blí óbée, “Mlího amlygyi. Mí ɔ́yólóu nu.”

27 Inu olotsu ntá-ewe, ɔ́leda Bulu ipán, póhá amú óbée, “Mlí féé mlího amlinu.

28 Mí obugya ní. Mú Bulu dépósí mu ntam* ání alaká há aháso ní. Bétsei mú wólí asi, méní obési ahá tsotsɔ́tsɔ́ lakpan kíé amú. 29 Nde mlí bláa mbée, mméetrá nu wán-abí ntá ánfí alu yófón ekeá mía mlɔ́nyo abélanu mú pópwe mí Sí iwíegyi ámuto.”

30 Benya wá iló bá Bulu ipán tá alí, benatí yó Nfó-nyíbu ámuso.

Petro Ɔ́bóswí Óbée Mɔ́meyín Yesu

(Marko 14:27-31; Luka 22:31-34; Yohane 13:36-38)

31 Bréá bowie Nfó-nyíbu ámuso á, Yesu lébláa amú óbée “Mlí féé mléyinkí mí ɔ́ma onyeni. Tsúfé bɔ́wanlín wá Bulu asón ámuto bee, ‘Néda akúfa ɔ́kpapó ámu lédá, mu akúfa bédasáín.’ ” 32 Múó ɔ́letrá blí óbée, “Táme ní Bulu ɔ́kósóa mí tsú afúlító á, négya mlí nkpa yó Galilea ɔ́mátó. Inu mlóbofo mí ní.”

33 Petro lébláa mu óbée, “Ní amú féé beyinkí fú ɔ́ma kóráá á, mí mú mméeyinkí ekekeeke.”

34 Yesu lébláa mu óbée, “Ɔ́nkwalí nde fú bláa. Onyeni, asa bate óbée ɔ́nó á, fóswwí pú ibí wá ogyá tse sa féé fómeyín mí.”

35 Inu Petro lébláa mu óbée, “Ní lowu ígyi kóráá á, mméekiná fú ekekeeke.” Alí ken akasípó atráhe amu é beblí ní.

Mpábó Getsemane

(Marko 14:32-42; Luka 22:39-46)

36 Yesu mwa mu akasípó bɔ́yo ɔ́tinekwá butetí unu Getsemane. Bréá bowie unu á, ɔ́lebláa amú óbée, “Mlítsia nfi, nɔ́yó nkpa yóbo mpái.” 37 Ɔ́lekpa Sebedeo abi anyo, bogyi Yakobo mwa mu pio Yohane pú Petro ya. Inu asón léhíe han mu, mu ansí lepe. 38 Múó ɔ́lebláa amú óbée, “Asón ihíé de mí háan, ideklé unu mí. Mlítsia nfi, mía mlɔ́nyo agyo.”

* 26:28 Ntam pópwe bu nwóló dada amu akoto.

³⁹ Inu ɔlenatí yó nkpá kpalobí, ɔleɗa akpawunu pú ansító bun ɔsólóto, kókóli Bulu ɔbéɛ, “Mí Sí, ní íbówa alé á, ha ntá-ewe ánfí† ɛtsɔn miso. Táme megyí tóá ndeklé, mbouín móá fɔdeklé íbá mótó.”

⁴⁰ Múó oleyinkí ba akasípó amu wá bowun ání bɔdeɗidí. Iní su ɔlefíté Petro ɔbéɛ, “Mú su mlumétalí tsíá, mía mlnyɔ agyo dɔnhwírí kole kpán?”
⁴¹ Mlgyo amlíkokoli Bulu, méní mlumóowie ísókíto, tsufé mli ɔyé deklé, táme nyankpɔsa-oyí lɔpɔn.”

⁴² Yesu létrá yókokóli Bulu ɔbéɛ, “Mí Sí, ní ntá-ewe ánfí móɔtsɔn miso, íbwé alágyíalíá nónu mú á, mó mó tóá fɔdeklé íbá mótó.” ⁴³ Ɔletrá yinkí ba bowun ání akasípó amu bɔtráa bɔdeɗidí, tsufé didí de amó bu.

⁴⁴ Mú su ɔlenatí sí amó, trá yókokóli Bulu otse saasi, blí asón ámu kén.
⁴⁵ Oleyinkí ba akasípó amu wá, befíté amó ɔbéɛ, “Mlilatráa sí mlída mlíde ɔkpínó da? Mlíki, bré ámu lafɔn ání bópu mí, Nyankpɔsa-Mu-Bi ánfí wá lakpan abwépu íbitó. ⁴⁶ Mlíkusɔ agyó. Mlíki, ɔhá ámú ɔde mí le há ámu ná á.”

Yesu Kitá

(Marko 14:43-50; Luka 22:47-53; Yohane 18:3-12)

⁴⁷ Yesu ɔnó mesi asa akasípó dúanyɔ ámuto ɔkɔléá bɔtetí mu Yuda lóbowie mu. Ɔɔɔm kpɔnkpɔnkpɔntíá bɔde ndayí pú nkpotí bɔbuo mu. Bulu igyí ahapó dehen pú Yudafo ahande amu lówa amó. ⁴⁸ Yuda amó ɔbéɛ Yesu há ámu lébláa ɔɔɔm amu yáí ɔbéɛ, “Ɔhá ámú nélata pútá ámu gyí ɔhá ámu ní. Mlíki mu.”

⁴⁹ Iní su ɔlenatí laa yéha Yesu itsíá ɔbéɛ, “Osunápó, tsia ní!” Ɔlelatá mu pútá.

⁵⁰ Múó Yesu lébláa mu ɔbéɛ, “Agya, bwe tóá ɔbwekpá feba.”

Inu ahá ámu benatí tú Yesu, kitá mu kínkíinkín. ⁵¹ Inu Yesu akasípó amuto ɔkɔle lótswí mu ɔdayí, kpá Bulu igyí ɔhapó dehen osúmbi ɔko ísu lé. ⁵² Múó Yesu lébláa mu ɔbéɛ, “Yinkia fú ɔdayí wa mú ɔfletó. Tsufé ɔhá ání ɔlenatí kitá ɔdayí á, ɔdayí ɔnó otesin. ⁵³ Fɔmeyín fee nétalí kókóli mí Sí ɔbéha mu abɔpu tsɔtsɔtsɔ akú dúanyɔ béba bɔko hɔ mí? ⁵⁴ Táme ní íbá alí á, nkálí íbóbwe asa Bulu asɔn wanlínhé amu íbéba mótó?”

⁵⁵ Inu Yesu léfíté amó ɔbéɛ, “Ogyo otswapó ngyi, só mlilatsú nkpotí pú ndayí mlebá mí ɔkitákpá? Ntsie mli wá Bulu ɔtswékpá inu ekekegyíeke nde mli ató suná, mlumékutá mí ekekeke. ⁵⁶ Táme íní féé laba mótó, méní Bulu ɔnósú atáípu asón wanlínhé amu íbéba mótó.”

Inu akasípó amu féé besrí sí mu.

Yudafo Ahande Ansító Lí

(Marko 14:53-65; Luka 22:54-55, 63-71; Yohane 18:13-14, 19-24)

⁵⁷ Múó Yesu akítápó amu bekpa mu ya Bulu igyí ɔhapó dehen Kaiifa. Inó muɔa Mose mbla asunápó pú Yudafo ahande amu befia ní. ⁵⁸ Táme Petro lépetí obuɔ amó ɔma tsútsúútsú alu bowie igyí ɔhapó dehen wóyító mu. Oleyétsíá amó agyópu wá, méní obówun alá asón ámu íbóma ɔnó. ⁵⁹ Inu Bulu igyí ɔhapó dehen amu muɔa Yudafo asón agyípu amu féé bodunká ahá ání béka asón dínká Yesu, méní béli múso mó mu. ⁶⁰ Afunupu tsɔtsɔtsɔ bedali ba, táme amó féé ɔnó lɔtsɔn ɔtsan. Mú ɔma a, ahá abanyó bedali béli ahande amu ansító, ⁶¹ blí beɛ, “Oyin ánfí léblí ɔbéɛ, ‘Nétalí bwíé Bulu ɔtswékpá amu, lápu nkensá yi mó.’”

⁶² Múó Bulu igyí ɔhapó dehen amu lókúsú líí fíté Yesu ɔbéɛ, “Fuma ɔnó lé? Fuma asɔansu blí pólé fú íwí?” ⁶³ Táme Yesu móbwií ɔnó. Bulu igyí ɔhapó dehen amu lélabláa Yesu ɔbéɛ, “Neká Bulu Ɔkiankpapu amu, ní fógyí Kristo, (ɔhá ámú Bulu ladá mu ofúli), ogyí Bulu mu Bi ámu a, bláa anu.”

† 26:39 Ntá-ewe ánfí igyí iwɔɔn ání Yesu obówun.

⁶⁴ Múó Yesu lébláa mu óbée, “Mó fablí á. Táme mlibi ání tsú nde pýa a, mlówun mí, Nyankpɔsa-Mu-Bi ání ntsie Bulu Otúmípu gɔɔpɔ ání, ndin osósó nwlótáasu nehá.”

⁶⁵ Múó Bulu igyí ahapó dehen amu lékítá mu atadie bálí mó kiaan, † blí óbée “Alabó mbusuo! Adánsie mamó anutráa anigyó? Yée mlilanú abususu ání alabí. ⁶⁶ Nkálí gyí mli agywun?”

Bébláa mu beε, “Ilehián ání obówu!”

⁶⁷ Inu botutúu atsonó wolí mu ansító, wɔwɔ mu atswε. Aku é bedadáa mu asɔtɔ, ⁶⁸ fité mu beε, “Bulu onósó otáípu Křisto, ma ládá fó? Bla aní.”

Petro Láswú Óbée Mmeyín Yesu

(Marko 14:66-72; Luka 22:56-62; Yohane 18:15-18, 25-27)

⁶⁹ Petro tsie wunsinésó inu, otsibi oku lóbɔtu mu. Ólebláa Petro óbée, “Fúa Yesu Galileayin amu nyo ná.”

⁷⁰ Táme Petro lówa onólí ahá ámu féé ansító óbée, “Mmeyín asón ání fudeblí ání iwí kɔkɔku.” ⁷¹ Mú óma wóyí onó inu é á, otsibi oku é lébi Petro. Mú su ólebláa ahá ání bulí inu óbée, “Oyin ání muva Yesu Nasaretyin amunya ténátí.”

⁷² Inu Petro lópu onólí ká ntam, blí óbée, “Mmeyín mu.”

⁷³ Mú óma a, ahá ámuó bulí inu ámuɔtɔ aku beba bebláa Petro beε, “Lélé mú á, anyin ání fúa Yesunya ná, tsúfé fó tótu de aní suná alí.”

⁷⁴ Inu Petro lówa ntam kakáa bi óbée, “Neká tógyító, mmeyín oyin ámuó mldé mu iwí asón blí ámu!”

Inunu bate lóbɔn. ⁷⁵ Petro lékaín ání Yesu lébláa mu óbée, “Fósuwí tse sa féε fumeýín mí asa bate óbéele onó.” Inu óledali híé yósu.

27

Yesu Kpa Ya Pilato

(Marko 15:1; Luka 23:1-2; Yohane 18:28-32)

¹ Jyi kehe nyanki-nyanki a, Bulu igyí ahapó dehen pó Yudafo ahande amu bekitá agywun beε, bómɔ Yesu. ² Mú su beklí mu, pó mu yówa Pilato ibitɔ. Mɔgyí Roma óhandéá óde Yudea ómásó gyí ni.

Yuda Iskariot Iwí Sián

(Gyumagyihe 1:18-19)

³ Yuda ámuó ólele Yesu há ámu lówun ání bahá Yesu pón. Iehan mu. Mú su oleyinkia sika futútú advasa ámu ya Bulu igyí ahapó dehen pó Yudafo ahande amu. ⁴ Ólebláa ámuó óbée, “Nalé óhá ání ómókúbwé lakpan koku há. Mú su nabwé lakpan.”

Múó bebláa mu beε, “Animéyín mó iwí kuku. Fú asón igyi.”

⁵ Mú su Yuda lótswi sika futútú ámu sísí ámu Bulu ótwékpá wunsinésó inu, náti yésían iwí.

⁶ Bulu igyí ahapó dehen amu bɔtási kóba amu, blí beε, “Aní mbla meha okpa ání apúu kóba anfi odu wa Bulu ótwékpá kóbatɔ, tsúfé mó iwí metin. Obugya kóba igyi.” ⁷ Mú su bɔbwe agywun, pó kóba ámu yóhɔ ató ópwepó oku ósolúbɔ, pó inu bwé afɔs ání bɔbɔ Yerusalem opulákpá. ⁸ Inu su bɔtu nde bɔtetí inu beε, “Obugya ósolúbɔ.”

⁹⁻¹⁰ Inu léha Bulu asón ámuó óleblí tsɔn mu onósó otáípu Yeremiasu ámu léba mótó. Óbée, “Botsu sika futútú advasa ámuó Israelfo begyi mu ibíá, hɔ mu amu yóhɔ ató ópwepó oku ósolúbɔ fé alíá Bulu lébláa mi.”

† 26:65 Ilosuná ání asón ámu lawíé mu iwíto dɔbi.

Yesu Líi Pilato Ansító*(Marko 15:2-5; Luka 23:3-5; Yohane 18:33-38)*

¹¹ Yesu líi amásó akípú Pilato ansító. Móó Pilato léfité mu obéé, “Fógyí Yudafó owíe amu ní?”

Yesu lébláa mu obéé, “Ee, mó fablí á.” ¹² Táme bréá Bulu igyí ahapó dehen pó Yudafó ahande amu beka asón dínká Yesusu á, omele koku onó.

¹³ Móó Pilato léfité mu obéé, “Fomede asón ánfí bakla dúnká fósú ánfí nu?”

¹⁴ Táme Yesu métepi bwíi onó. Mú su ilobwie Roma ohande amu onó.

Yesu Lowu Ipón Ha*(Marko 15:6-15; Luka 23:13-25; Yohane 18:39–19:16)*

¹⁵ Offfigyiofi, ní bude Israelfosu Katsun Nke gyí a, Roma ohande amu tesi obu odipú okuleá odóm amu bodeklé há amó. ¹⁶ Alí bré ámuto á, obu odipú okúá alaha dá, butetí mu Baraba da obu. ¹⁷ Mú su bréá Yudafó ámu féé bebefia a, Pilato léfité amó obéé, “Ma nsii ha mlí? Baraba lóó, ntée Yesu, butetí mu Kristo amó?”

¹⁸ Tsífé Pilato yin ání Yesu iwí olu só Bulu igyí ahapó dehen pó Yudafó ahande amu bakítá mu ba mu.

¹⁹ Bréá Pilato tsie ode Yesu asón ámu gyí a, mu ka lówa obi mu wá obéé, “Mábwé oyin ánfí mu asón da okpa ánfí tóto. Tsífé ígye onyé á, nokun okude wun mu, ifú lehié kítá mí.”

²⁰ Táme Bulu igyí ahapó dehen pó Yudafó ahande amu beha odóm amu onó beé, bokókoli Pilato osi Baraba, abumó Yesu. ²¹ Mú su Roma ohande amu lélafité odóm amu obéé, “Ahá abanyó ánfíto omóm nsii ha mlí?”

Botsu onó beé, “Baraba!”

²² Móó Pilato létrá fité amó obéé, “Ntó mbwéé Yesu, butetí mu Kristo, (ohá ámúó Bulu ladá mu ofúli amó)?”

Amó féé bebláa mu beé, “Ha abuda mu manta oyikpalíhesu!”

²³ Pilato léfité amó obéé, “Ntogyi su! Tsitsa mómó alabwé?”

Inu belakplón kóklókóó beé, “Ha abuda mu manta oyikpalíhesu!”

²⁴ Bréá Pilato lowun ání alabwé kásián, kpokiti mboún deklé ida inu á, olotsu ntsu fwí ibí amó ansító inu, bláa amó obéé, “Mí ibí anyo ima oyin ánfí lowuto. Mlí asón igyí.”

²⁵ Yudafó ámu féé bebláa mu beé, “Mu lowu isubití íbá ania aní abí-anásó!”

²⁶ Inu Pilato lési Baraba há amó, oleha mu isá akápó bepití Yesu ató, oloru mu wá amó íbitó obéé, buyéda mu manta oyikpalíhesu.

Yesu Ahinlá Bwe*(Marko 15:16-20; Yohane 19:2-3)*

²⁷ Inu omásó ogyípó amu isá akápó bekpa Yesu ya mu wóyító. Betí amó aba isá akápó atráhe amu féé, beda Yesu obun. ²⁸ Bəwəi Yesu atadie, pú ligá pepe ku wá mu. ²⁹ Bəlu obungyo-awu, bwé mó owiepa bun mu nwun. Bəpu oyi ku wá mu gypri íbitó, fé akonfra. Beka akpawunu mu ansító, bude mu ahinlá bwe beé, “Yudafó Owíe, fú nkpasu onlinsu!” ³⁰ Botu atsonó wólí Yesu, swíi mu oyi ámu pópítí mu nwunto. ³¹ Bobwe mu ahinlá tá á, bəwəi amó ligá pepe amu, yínkía mu onutó atadie wá mu, bekpa mu dáli bəyó abuyeda mu manta oyikpalíhesu.

Yesu Da Mántá Oyikpalíhesu*(Marko 15:21-32; Luka 23:26-43; Yohane 19:17-27)*

³² Bréá bəyó á, befia Kireneyin okúá butetí mu Simon. Isá akápó ámu beka mu híé beé, ohóo oyikpalíhe amu sora. ³³ Boyóowie otnekuá butetí inu Golgota. Mó asé gyí, “Nwun Okokobi Otsiákpá.” ³⁴ Bəpu afá kitákitá wá ntátó tin Yesu onó beé onúu, táme bréá oleda mó onó á, olekiná nu.

³⁵ Beka mu mántá oyikpalíhe amusu tá á, beye mu atadieto. Inu bəswi abi púki ohagyíoha ogyíkpá. ³⁶ Besi bətsie inu, bude mu iwí gyóo. ³⁷ Móó bəwanlín

táá svá buđe mu da mántá oyikpalíhesu, dá mántá mu awunso bee, “YESU, YUDAFÓ OWÍE AMU NI.” ³⁸ Bēda awikplu abanyó é mántá nyikpalíhesu tsía mutó. Okole bu mu gyapísu, okole é bu mu binasu.

³⁹ Inu atsúnpu bokpokpóu nwuntó, blí Yesu iwí abususu bee, ⁴⁰ “Yéé fó fée fétali bwíe Bulu tswékpá amu, lápwe mú nkensá owító ní? Hó fó iwí! Ní lélé Bulu mu Bi fógyi á, kplí tsu oyí ámusu aki.”

⁴¹ Alí kén Bulu igyí ahapú dehen, Mose mbla asunápó pú Yudafó ahande amu é bobwe mu ahinlá ní. ⁴² Beblí bee, “Ólho ahá nkpa, táme ometáli ho mu iwí. Ní mugyí Israelfó owíe amu a, okplí tsu oyí ámusu, méní abóho mu gyi. ⁴³ Yéé obéé Bulu mu Bi mugyí, mu ansí dín Bulusu. Bulu olé mu séi, aki ání otekle mu asón.”

⁴⁴ Alí kén awikplu ámúú beda mántá nyikpalíhesu mu wá ámu é bobwe mu ahinlá ní.

Yesu Lowu

(Marko 15:33-41; Luka 23:44-49; Yohane 19:28-30)

⁴⁵ Owí leta osolón amusu fée, tsú dóduányoto alu yófon ntópwe dōsato. Owí metrá lun é. ⁴⁶ Dōsa ámutó á, Yesu lókplon kóklókúú Hebri oblíto obéé, “Eli, Eli, Lama Sabaktani?” Mú así gyí, “Mí Bulu, mí Bulu, ntogyi só fakpá mí oma?”

⁴⁷ Bréá ahá ámúú bulí inu ámutó aku bonu asón ání á, beblí bee, “Óde Elia kpolí.” ⁴⁸ Inu amótó oko lésrí yótsu osapo, púdá ntá odáito, púyi oyísó, tsú mú fóa, pótin mu onó obéé onú.

⁴⁹ Táme mu aba atráhe amu bebláa mu bee, “Sí, alu kí bee Elia obéba bóho mu.”

⁵⁰ Yesu létrá kplón kóklókúú, olele oje.

⁵¹ Inu Bulu lébalí tati ámúú bapoká Bulu tswékpá obu ámutó anyo, tsú awunso beyi así kīaan. Bulu léha osolón lekpinkí, oleha abotá lemamán. ⁵² Olefinfinki ntsán, aha wankíhé tsotsotsó bokósó tsú afúlitó. ⁵³ Yesu kusó tsú afúlitó oma a, aha wankíhé ání bakósó tsú afúlitó ání boyo Yerusalem wúlu wankíhé amuto, yéle iwí owan súná ahá tsotsotsó.

⁵⁴ Bréá isá akópó ohande pú isá akópó ámúú buđe Yesu iwí gyóo amu bowun osolókpinkí ámu pú táá ide mósó yo fée á, ifú lehie kítá amó, beblí bee, “Lélé, Bulu mu Bi óyin ání gyí.”

⁵⁵ Atsí tsotsotsó bobuo Yesu, buđe musu kí tsu Galilea omátó. Amó é besi lí tsúsúútsú, buđe mu kí sisí. ⁵⁶ Amótó aku gyí, Magdalayintse Maria muá Maria ání olkwí Yakobo muá Yosef pú Sebedeo mu ka ání ogyi Yakobo muá Yohane aná oyin.

Yesu Pulá

(Marko 15:42-47; Luka 23:50-56; Yohane 19:38-42)

⁵⁷⁻⁵⁸ Bréá owí depoon a, Arimateayin iwí onyapú okwá butetí mu Yosef, alamlí Yesu akasípó lóyo Pilato wá, yókolí mu obéé, osí Yesu fúli amu ha mu. Pilato léha ání busíi fúli amu ha mu. ⁵⁹ Mú su Yosef lópu ohráda ání letin wankláán kíklí fúli amu iwí, ⁶⁰ olapu mu yówa obó papwe ání aladá butátó yáí há mu iwíto. Múú olemináa ibwí yiléyilé ko tin obó ámu onó, olenatí. ⁶¹ Magdalayintse Maria muá Maria nyōosi amu besi butsie inu fón buđe ntsán ámu kí sisí.

Yesu Ntsán Gyo

⁶² Yudafó iwísu odaké oyi kehe, igyi okpónó odaké á, Bulu igyí ahapú dehen, Farisifó ámu fée pú Pilato befia. ⁶³ Bebláa mu bee, “Owíe, anilakáin ání bréá ofunupu anfi tsie nkpa á, oleblí obéé, ‘Nkensá oma a, Bulu obélakósóa mu tsú afúlitó.’” ⁶⁴ Mú su ha abuyogyo mu ntsán ámu onó wankláán, yófon éke sásí. Ní megyí alí á, mu akasípó amu bóyówi mu lé, bemlé ahá bee alakósó. Ibá alí á, akasípó amu ahámle bódon mu kle.”

⁶⁵ Pilato lébláa amó òbée, “Isá akápó ní. Mliha amó abuyogyo inu wankláán alá mlétali.”

⁶⁶ Mó su beyétan òbó ámu ònó wankláán, há agyópu bogyo mó asi.

28

Yesu Kvsó Tsú Afúlitó

(Marko 16:1-10; Luka 24:1-12; Yohane 20:1-10)

¹ Yudafó òkpónú òdaké òyi kèhè, igyi Kwasiéda bakè a, Magdalayintse Maria muwa Maria nyòòsi amu bàkúso yó Yesu ntsán ámu òkíkpa. ² Inu nu á, òsóló lèkpínkí kóklókúú, Bulu-òbòpu lèkplí tsú òsús bemináa íbwi yílè ámu lé òbó ámu ònó, tsíá mósó. ³ Mv ansító lehè wankí, ide ogyá kpa. Mv atadié é lofulí futútúútú fè opulí-mpútú. ⁴ Bréá bowun mu a, ifú lehè kítá inu agyópu amu, bekpínkí kpakpakpakpa, dida, lwíí fè afúli.

⁵ Bulu-òbòpu amu lébláa atsi ámu òbée, “Mlumánýa ifú! Nawun ání Yesu amóú bèda mántá oyikpalíhesu ámu mlidédunká. ⁶ Oma nfi. Bulu lakósóa mu fè alá òleblí yáí. Mlibekí òtíné ámóú bòpu mu tswi amu. ⁷ Mliwa òsa yebláa mu akasípó amu mlíaa, Bulu lakósóa mu tsú afúlitó. Alagya mli nkpa òyó Galilea òmátó. Inó mlówun mu ní. Asón ání mbu ha mli ní.”

⁸ Ifú lekítá atsi ámu, táme bòpu ansigyí tsíí òsrú tsú opulákpá inu bəyó yébláa akasípó amu tóá bawun.

⁹ Iməwa òpá koku Yesu léfia amó, há amó ité. Inu bèda akpawunu kítá mu ayabi, sùm mu. ¹⁰ Yesu lébláa amó òbée, “Mlumánýa ifú. Mliyebláa mí apíó ámu mlíaa, bəyó Galilea òmátó. Inó bówun mi ní.”

Ntsán Agyópu Amu Asun Klahe

¹¹ Bréá atsi ámu bòpu bəyó á, ntsán agyópu amu aku é bəyó wúluto yébláa Bulu igyi ahapó dehen amu tóá ilaba fée. ¹² Inu su Bulu igyi ahapó dehen amu beti Yudafó ahandé amu fée fia, kítá agywun. Beha ntsán agyópu amu kóba tsətsəotə. ¹³ Beha amó ònó bəe, “Mlibli mlíaa, ‘Onyé, bréá anidédidí á, Yesu akasípó amu bəba bowi mu náti.’ ¹⁴ Ní Roma òhandé onú á, ania mnyə abéblí m, ménú mli móowie asóntó.”

¹⁵ Mó su ntsán agyópu amu botsulá hə kóba amu, begyi dúnká Bulu igyi ahapó dehen amu asun blíhé anfisv. Ònó ání beha amó ání lobwie wá Yudafó òmá ámu fée tó bəfon nde.

Yesu Iwəwanke Súná Mv Akasípó

(Marko 16:14-18; Luka 24:36-49; Yohane 20:19-23; Gyumagyihe 1:6-8)

¹⁶ Akasípó dúòkon ámu benatí yó Galilea òmátó, ibu ámóú Yesu lósuná amó òbée bəfia mu mósó ámusv. ¹⁷ Bréá bowun mu a, bèda akpawunu sùm mu, táme iməwankí amótó aku ání mu ní. ¹⁸ Móú Yesu lókpəkpə ba amó wá, blí òbée, “Bulu lapó òsó móa asi túmi fée wá mí íbúto. ¹⁹ Mó su mliyó òyító fée, amlibwe ahá fée mí akasípó. Mlibə amó asú Ósí, Obí pó Oje Wankíhé dátó. ²⁰ Mlisuna amó abugyi mbla ámóú nəwa há mli ámu féesó. Mlibi ání mbu mli wá brégyibré, yófun òyi ònóm.”

ASUN WANKLÁÁN ANÍ Marko Lówanlín

Asú Ọ̀bọ̀pọ̀ Yohane Bulu Asún Ọ̀kanda

(Mateo 3:1-12; Luka 3:1-18; Yohane 1:19-28)

¹ Alí Bulu mọ̀ Bi Yesu Kristo iwí asun wankláán ámu ilotsuá así ní. ² Ueba mótó fẹ́ alá Bulu ọ̀nńsọ́ ọ̀táípọ̀ Yesaia lówanlín wá mu ọ̀wólótó ọ̀bẹ́e,

“Kí, nde obí wa gya fu nkpa.

Mu ọ̀bẹ́la ọ̀kpa há fọ́ ní.

³ Ọ̀kọ̀ dẹ̀kplun dimbísó ọ̀bẹ́e,

“Mlila aní Wíe ọ̀kpa.

Mlitswii ikpa ha mu!”

⁴ Asú Ọ̀bọ̀pọ̀ Yohane léba ọ̀de ahá asú bọ̀, ọ̀de Bulu asún ọ̀kan da Yudea dimbísó ọ̀bẹ́e, “Mlídamlí klńntọ̀, amlısı lakpan bwe. Bulu osikie mli, ambọ̀ mli asú.”

⁵ Ahá bọtsu Yerusalem wúlutọ̀ pọ̀ Yudea ọ̀mátó fẹ́é bá mu wá. Bele amú lakpan bí, ọ̀bọ̀ amú asú Yordan ntsutso.

⁶ Yohane lówa kpńsń-imi atadiẹ, ọ̀lọ̀pọ̀ ọ̀wóló-kpákpá ọ̀fẹ́ klí mńsọ̀. At-santsanku pọ̀ ọ̀kwńn otegyi. ⁷ Oletsíá dá asún ọ̀kan, bí ọ̀bẹ́e, “Ọ̀kọ̀ ọ̀dun mi bu ọ̀ma ọ̀bá. Mmọ̀fun aní nógyonká sánkí mu ntọ̀kuta ọ̀fẹ́ kóráá.” ⁸ Mí mú á, ntsu ndepubọ̀ mli asú, táme mu mú ọ̀bọ̀pọ̀ Ọ̀je Wankíhé bọ̀ mli asú.”

Yesu Asubọ̀ Pọ̀ Mu Isóki

(Mateo 3:13-4:11; Luka 3:21-22; 4:1-13)

⁹ Nke ámutọ̀ á, Yesu lńtsu Nasaret, wúlúá ibu Galilea ọ̀mátó ba Yohane wá, Yohane lńbọ̀ mu asú Yordan ntsutso. ¹⁰ Yesu lénya dáli ntsu ámutọ̀ aì, olowun nwlńtáa lefinkí, Ọ̀je Wankíhé dẹ̀kplí dalí mótó fẹ́ abradọ̀ma, ilobogyonká mńsu. ¹¹ Inu ọ̀me ku lńtsu ọ̀sńsọ̀ ọ̀bẹ́e, “Fúgyí mí bíá ntọ̀dwé, mi ansí tẹ́híe gyí fọ̀ iwí ní.”

¹² Inunb Ọ̀je Wankíhé amu lékpa Yesu ya dimbísó. ¹³ Oletsíá inu nke adana, Satan létsíá bọ̀sọ̀ mu kí. Mva pututọ̀-mbwi létsíá, Bulu-abọ̀pọ̀ beba beki mńsu.

Yesu Gyumagyihe Asitsud

(Mateo 4:12-22; Luka 4:14-15; 5:1-11)

¹⁴ Bekítá Yohane tswi obu ọ̀ma a, Yesu lńyọ̀ Galilea ọ̀mátó, ọ̀de Bulu asun wankláán ámu ọ̀kan da. ¹⁵ Ọ̀bẹ́e, “Bré ámu lafun. Bulu iwíegyi ámu lawíe wóyí tá. Mlídamlí klńntọ̀ ba Bulu wá, amlíhọ̀ mu asun wankláán ámńsu gyí.”

¹⁶ Eke ọ̀ku Yesu ná Galilea ọ̀pọ̀ ọ̀nń, olowun Simon mva mu gyama Andrea. Bude asawu tswí, tsífẹ́ aye alepọ̀ bgyi. ¹⁷ Mńb ọ̀lebláa amú ọ̀bẹ́e, “Mlíba bobuo mi. Nńbwe mli anyánkńpńsa alepọ̀.” ¹⁸ Inunb besi amú asawu aná tswi, kplá buo mu.

¹⁹ Ọ̀lenatí yọ̀ nkpa kpalobí á, olowun Sebedeo abí, Yakobo mva mu gyama Yohane é. Bńb ọ̀klńntọ̀, bńde amú asawu bíun. ²⁰ Inunb Yesu létí amú é, benatí sí amú sí mńa mu apafọ̀ wá ọ̀klun amńtọ̀ ba bobuo mu.

Yesu Ọ̀je Laláhe Gyáa

(Luka 4:31-37)

²¹ Yesu mva mu akasípọ̀ bńyọ̀ Kapernaum wúlutọ̀. Ọ̀bńyọ̀ Yudafọ̀ ofiakpa yńsuná atọ̀ ọ̀kpńń ọ̀daké. ²² Mu atosunáhé lobwie amú ọ̀nń, tsífẹ́ olusuná amú atọ̀ tńmńsu. Megyi fẹ́ Mose mbła asunápọ̀ amu.

23 Oyin ọku léba ofiakpa unv, ọje laláhe bu musu. 24 Ọlakplón bí ọbée, “Yesu Nasaretyin, amansu bóu ania fonyo nsiné? Aní ọhkpá fẹbá lóó? Nyin ọhá oduá fgyi. Fúgyí Bulu Ọha Wankíhé amu ní!”

25 Yesu lókplón wa ọje ámu ọbée, “Kpa ọnó bun, afodalú mọto.”

26 Inu ọje laláhe amu lówusúu oyin ámu ọwunlinsú, súra okitikítí kóklókóú, dálí mọto. 27 Ọnó lobwie amú fée, befité aba ọbe, “Ntó ofúla ní? Iní mọ á, atosunáhé pọpwe ní. Oyin ánfí bu túmí, ọlakplón wa ọje laláhe, itobú mu.”

28 Iní su Yesu idá lekléí wá Galilea ọmá ámọto fée.

Alọpọ Tsọtsọtsọ Tsa
(Mateo 8:14-17; Luka 4:38-41)

29 Yesu mva mu akasípó benya dálí Yudafo ofiakpa unv alí, bọyo Simon mva Andrea wóyító. Yakobo mva Yohane é bọbọ amótó. 30 Bọyo á, owísó lakítá Simon mu sia tsíhé, ọda. Inunv bebláa Yesu ọtsi ámu iwí asón. 31 Múu ọlọyo yékitá ọtsi ámu ibi, tsú mu kósó. Inunv owísó ámu lókusú musu, ọlọbwe amú afóto.

32 Mú ntópwe fọon a, bọpọ alọpọ pú ahá aní ọje laláhe de amú háan fée ba Yesu. 33 Wúlu amu fée beba befia wóyí ámu ọnó. 34 Yesu létta ahá tsọtsọtsọá bọde ilọ ọtsan-ọtsan ló, olegya ọje laláhe tsọtsọtsọ é lé aháto. Ọmcha ọje laláhe amu abọtọ, tsúfée amú fée bọyin mu.

Bulu Asón Ọkanda Galilea Ọmátó
(Luka 4:42-44)

35 Mú ọyi kehe bake a, Yesu lédalí wúlu amoto yo itsétó ọde mpáí bọ. 36 Táme Simon mva mu aba bọbọ mbódí dúnká mu alí yówun mu. 37 Bréá bowun mu a, bebláa mu ọbe, “Ahá fée bọde fú dunká.”

38 Múu Yesu lébláa amú ọbée “Mliha ayo awúlu bámbásó, anyeda Bulu asón ámu ọkan unv é, tsúfée iní su neba ní.”

39 Inu ọlọyo yéki Galilea ọmátó fée, ọde asón ámu ọkan da Yudafo ofiakpa fée, ọde ọje laláhe é gyaá le aháto.

Ilọ Pẹpe Ọlọpọ Ọku Tsa
(Mateo 8:1-4; Luka 5:12-16)

40 Ilọ pẹpe ọlọpọ ọku léba beda akpawunu Yesu ayabito, kókóli mu ọbée, “Owíé! Ní fótulá á, fétalí há mí iwí béplí.”

41 Mu asón lówa Yesu nwe. Mú su ọletinkí ibi da mu, bláa mu ọbée, “Natsúlá, fú iwí iwíplí!” 42 Inunv ilọ pẹpe amu iletá, mu iwí léplí. 43-44 Múu Yesu léda mu ọlá ọbée, “Mábla ọhaa asón ánfí. Natí laa afọpọ fú iwí yosuná Bulu igyí ọhapó, afuha mu iwígyorátó amú Mose mbla lósuná tsú ilọ pepetsa iwí ámu. Igyi adánsie suna ahá aní fú iwí laplí.”

45 Táme oyin ámu lénya dálí unv alí, ọlọwa mú ọkan da bí. Ọlẹda asón ámu ọkan wúlu amoto fée fiá. Mú su Yesu métra talí lé iwí ọwan wíé wúlu kọkoto, itsétó ọletsíá tsíá. Táme mú ó á, ahá betsíá tsú ntíné-ntíné ba mu wá.

2

Tsukule Osínpu Tsa
(Mateo 9:1-8; Luka 5:17-26)

1 Nke kpalóbí kv ọma a, Yesu léyinkí yó Kapernaum wúluto. Ahá bonu aní alaba wóyí. 2 Mú su ahá tsọtsọtsọ beba bọbulá wóyí ámu. Ọkpa kóráá itráa ma uná fótson wie mótó. Yesu léda Bulu asón ámu ọkan súná amú. 3 Ahá abaná bọsura tsukule osínpu ọku akpasu ba mu. 4 Ọdóm amu su bumenya ọkpa pú mu wíé Yesu wá. Iní su bọyódu obu ámu awunso, dá mú ọtneku tíl, beklíá akpa amu tson ọbó ámoto, pú mu tswí Yesu ansító. 5 Bréá Yesu lówun aní bahọ mu gyi a, ọlebláa tsukule osínpu amu ọbée, “Mí bí, nasí fú lakpan kíé fú.”

⁶ Inu Mose mbla asunápu akvá bɔtsie inu, beblí wá nwuntɔ beɛ, ⁷ “Nto asún oyin ánfí déblí ah? Megyí mbusuo álabó á? Ma é obétalí sí lakpan kíé ahá dɔn Bulu nkɔle?”

⁸ Yesu lébì ání bɔde nwéen gyí amó nwuntɔ. Mú sɔ ɔlefíté amó obéɛ, “Ntogyi sɔ mlidé iní odu gywúin? ⁹ Məmɔ bɔwa ablílé ání nɛbláa tsukɔle osínpu anfi? ‘Nasi fú lakpan kíé fú’ ntéɛ ‘Kɔsɔ tsu fú akpa afonati?’ ¹⁰ Táme ndekléá mlibú ání mí, Nyankpɔsa-Mu-Bi ánfí mbɔ túmí ɔyí ánfíto sí ahá lakpan kíé amó.” Inu ɔlebláa tsukɔle osínpu amɔ obéɛ, ¹¹ “Nde fú bláa mbéɛ, kɔsɔ! Tsu fú akpa afonati yɔ wóyítá!”

¹² Inuɔnɔnɔn ɔlɔkɔsɔ, tsú mu akpa, náti amó ansítɔ inu. Iní lówa amó fɛé wánwan, bekanfú Bulu blí beɛ, “Anumókɔwun ofúla anfi odu kí.”

Lewi Tɔ

(Mateo 9:9-13; Luka 5:27-32)

¹³ Yesu létrá yɔ Galilea ɔpu ɔnɔ. Ɔdɔm kpɔnkpɔnkpɔnti beba mu wá, olosuná amó ató. ¹⁴ Bréá ɔlɔpu ɔyó á, olowun Alfeo mu bi Lewi tsie mu lampɔó ɔhókpa. Mú ɔlebláa mu obéɛ, “Bobuo mi.” Inuɔnɔ ɔlɔkɔsɔ buo mu.

¹⁵ Mú ɔma a, Lewi létí Yesu mɔa mu akasípú ató ogyíkpa mu wóyítá. Lampɔó ahɔpu pú lakpan abwepó tsɔtsɔtsɔ é bobuo mu ba ató ámu ogyíkpa. ¹⁶ Bréá Mose mbla asunápu amɔtɔ akvá bɔgyi Farisifɔ bowun ání Yesu mɔa lakpan abwepó pú lampɔó ahɔpu bɔde ató gyí a, befité mu akasípú beɛ, “Ntogyi sɔ mɔa lakpan abwepó pú lampɔó ahɔpu bɔde ibi wa gyí ató?”

¹⁷ Yesu lónu asún ánfí, ɔlebláa amó obéɛ, “Alɔpu léhián ɔlɔ ɔtsapó, megyí ahá ání iwí bu amó ɔnlun. Mmɛba aha wankláán ɔtikpá, mbóun lakpan abwepó ɔtikpá nɛba.”

Ɔnókli Iwí Asɔn Fitéhé

(Mateo 9:14-17; Luka 5:33-39)

¹⁸ Asú Ɔbɔpú Yohane akasípú pú Farisifɔ bɔtetsiá klí ɔnɔ. Eke ɔku akɔ beba befité Yesu beɛ, “Ntogyi sɔ Yohane akasípú pú Farisifɔ akasípú bɔteklí ɔnɔ, táme fú akasípú mú bɔtamaklí ɔnɔ?”

¹⁹ Yesu léle mú ɔnɔ obéɛ, “Ní ɔtsi ɔkpáinpu bu mu anyawie wá á, béklí ɔnɔ? Ekekeke! Inúá ɔbu amó wá ánfí mú á, bɔmɛeklí ɔnɔ. ²⁰ Táme eke kɔ béba ání békpa ɔká ɔtsiápu amɔ náti sí amó. Alí nke ámɔtɔ béklí ɔnɔ ní.

²¹ “Ɔhaa tamapú tati pɔpwe tan tati dada. Tsúfɛ tati pɔpwe amɔ békpikpí tsií dáda amɔ iku lé, há ɔtánkpa inu bɛlátéí tsía. ²² Alí kén bɔtamapú nta pɔpwe wá ɔwɔlú-kpákpá kente wuhétɔ ní. Nta pɔpwe amɔ íbɔfu fá kente amɔ tsítsá, yíntá kente amɔ é. Iní sɔ ɔwɔlú-kpákpá kente pɔpweɔ bótɔpú nta pɔpwe wá.”

Ɔkpónú Ɔdaké Mu Wie

(Mateo 12:1-8; Luka 6:1-5)

²³ Yesu mɔa mu akasípú bɔtsɔn ayó ndɔ kɔtɔ ɔkpónú ɔdaké, mu akasípú bɔpɔsá ayó ámu kɔ wí. ²⁴ Farisifɔ akɔ bowun amó, befité Yesu beɛ, “Kí, ntogyi sɔ bɔde tɔá aní mbla mɛha ɔkpa bwe ɔkpónú ɔdaké?”

²⁵ Yesu léfité amó obéɛ, “Mlumókókla nu tɔá Owíe Dawid lóbwe bréá akón de mɔa mu abúɔpu, buma tɔtɔá bégyi kí? ²⁶ Olebitiwíé Bulu osúmka yótsu bodobodoá bapóhá Bulu igyí ba, mɔa mu abúɔpu amɔ begyi, Bulu igyí ɔhapú dehen Abiata bisú. Bulu igyí ahapó nkɔle beɛ ɔkpa bótegyi alí bodobodo amɔ.”

²⁷ Mú ɔletrá bláa amó obéɛ, “Nyankpɔsa sɔ Bulu lóbwe ɔkpónú ɔdaké ámu. Megyí ɔkpónú ɔdaké ámu sɔ Bulu lóbwe nyankpɔsa. ²⁸ Mú sɔ mí, Nyankpɔsa-Mu-Bi ánfí gyí ɔkpónú ɔdaké mu wie!”

3

It̩sa Okpónó Odaké (Mateo 12:9-14; Luka 6:6-11)

¹ Yesu létrá yó Yudafó ofiakpa inu á, oyin oku tsie inu, mu ibi kule lawú. ² Aha aku bude Yesu tée, abuki bee obétsa mu ilo okpónó odaké ámu, méni bénya mu iwi asón blí. ³ Yesu lébláa oyin ámú mu ibi kule lawú ámu obée, “Kusu belí amó ansító nfi.” ⁴ Mú ólefíté amó obée, “Nto ani mbala léha okpa áni abwée okpónó odaké? Yilé lóó, ntée lalahé. Ahóó zha nkpa lóó, ntée amó mu?”

Táme zhaa méle mú onó. ⁵ Yesu lópu oblé kí amó bómli. Iloho mu asun, tsúfé klontó bu amó odwin. Mú ólebláa oyin ámu obée, “Tinki fú ibi amu.” Olenya tinki mú ali pé, zhe lowie mótó. ⁶ Farisifo ámu bedali yó, amúa Owíe Herode ahá bekitá agywin unonu alá bóbwe bómno Yesu.

Ahá Tsotsótsó Ilo Tsa

⁷⁻⁸ Yesu muá mu akasípó benatí báyó Galilea opu onó. Odóm kpánkpaonkpanti bobuo mu tsú Galilea múa Yudea omátó, Yerusalem, Idumea, Yordan bonkpa obin pó Tiro múa Sidon nsáunto ba mu wá. ⁹ Ahá ámu bodbóbi. Mú su ólebláa mu akasípó obée, bodúnka oklon ku ya ha mu, méni bumóoputá mu. ¹⁰ Tsúfé alatsá ahá tsotsótsó ilo. Mú su alópu amuto okugyíaku dékléá obópu ibi da mu. ¹¹ Ní ahá áni zhe laláhe bu amósó benyá wun mu ali á, badida mu ayabiasí, sóra okitikiti blí bee, “Fógyí Bulu mu Bi ámu ni!”

¹² Táme zleda zhe laláhe amu olá kinkíinkín obée, imáha ahá abóbi mu.

Akasípó Amu Adá (Mateo 10:1-4; Luka 6:12-16)

¹³ Yesu lódu yó busu, zleti ahá áni mu onutó odeklé, báyótu mu. ¹⁴⁻¹⁵ Mú ólele amótó ahá dúanyó, zleti amó mu sumbí ayópó áni muá amónyó bétsiá, otsia wa amó abuyeda mu asón okan, abugya zhe laláhe lé ahátó.

¹⁶ Ahá dúanyó ámu adá gyí, Simon áni zledunká mu Petro; ¹⁷ Sebedeo abí Yakobo muá mu pio Yohane (zledunká amó adá obée, “Boanerges.” Mú asi gyí, “Ópráda abí.”); ¹⁸ Atráhe gyí, Andrea, Filipino, Bartolomeo, Mateo, Toma, Alfeo mú bi Yakobo, Tadeo muá Simon áni ogyi iwisutsiá adunkápó opasuato zha; ¹⁹ pó Yuda Iskariot áni zlebele mu há.

Yesu Muá Beelsebul (Mateo 12:22-32; Luka 11:14-23; 12:10)

²⁰ Bréá Yesu lóyó wóyító a, odóm betrá ba inu. Muá mu akasípó bumenyá okpa áni bégyi ató kóráá. ²¹ Bréá mu wóyító ahá bonu mu iwi asón á, báyó beyékpá mu, tsúfé buki bee mu nwun layintá.

²² Mose mbala asunápó akóá botsu Yerusalem ba inu bebli bee, “Zhe laláhe owíe Beelsebul tsie mutó. Mu túmi zdepugya zhe laláhe lé ahátó.”

²³ Mú su Yesu léti amó ba mu iwi wá, zlebláa amó asón ayébito obée, “Nkálí Obonsám obétalí gya mu iwi? ²⁴ Iwíe ogyíkpá áni laye anyó, bude aba ko íbédida. ²⁵ Wóyí oduá mótó atsiápó bude aba ko zé itobwíé. ²⁶ Mú su ní Obonsám dé mu iwi gyáa a, oméetalí lí. Mu onó omakpá ní.

²⁷ “Zhaa méetalí wíé zwonlínpo wóyító yókolá mu ató, nkéti alagyankpá kíkli mu tswi, asa obétalí kólá mu ató fée.

²⁸ “Znokwali nde mlí bláa mbée, Bulu obétalí sí lakpan pó abususu kugyíko kíé nyankpósa. ²⁹ Táme ní oku obli abususu Zhe Wankíhé amu iwi á, Bulu méesikíé mu ekekekeke, tsúfé alabwé lakpan áni sikíé ma mú iwi.” ³⁰ Aha aku bebli bee, zhe laláhe bú Yesuto. Mú su zde iní blí ní.

*Yesu Abusuanfɔ Onutɔ
(Mateo 12:46-50; Luka 8:19-21)*

³¹ Yesu mu yin mua mu apio beba belii kpankpá, bɔwa oku beɛ, otí mu ha amó. ³² Ɖɔm bɔtsie bomlí mu, bebláa mu beɛ, “Fó yín mua fó apíó bulí kpankpá, buɛ fó dunká.”

³³ Móú Yesu léfité amó ɔbéɛ, “Amendi gyí mí yín mua mí apíó?” ³⁴ Móú ɔleki ahá ámuó bɔtsie bomlí mu amu, blí ɔbéɛ, “Mliki, mí yín mua mí apíó gyí ahá áni á!” ³⁵ Ɖhagyíɔha áni ɔtɔbwé Bulu apé a, mu gyí mí píó pò mí yín ní.”

4

*Atɔ-abí Owunyápu Iwi Yébi
(Mateo 13:1-9; Luka 8:4-8)*

¹ Yesu létrá kusó yó ɔɛ ató suná Galilea ɔpu ɔnó eke oku. Ɖɔm amu bobomlí mu. Mó su ɔlɔɔ wíé ɔkluntɔ, yétsiá ɔpu amusu, ahá ámu é bulí ɔpu ɔnó inu. ² Inu olosuná amó ató tsɔtsɔɔtsɔ ayébitɔ ɔbéɛ,

³ “Mlinu! Ɖɔɔɔpu oku lýɔ atɔ-abí owunyákpa. ⁴ Bréá ɔɛ mó wunyáa a, iku lɔwólí ɔkpato, mbubwi beba ɔtswetswéé mó fée. ⁵ Iku é lɔwólí abutású, ɔtínéá isi kpalobí din. Iɔwa ɔsa kwe, ⁶ táme bréá owí lelun a, iɔtɔ mó mó, tsúfée mó nlin mɔyɔ ɔtótó. ⁷ Abí ámu ku lobun awutɔ, awu ámu lɔbulá kítá mó, imedan. Mó su imoswie abí. ⁸ Táme abí ámu ku é lɔwólí ɔsolóbú wankláánsó, iɔkwe, dan, swie abí, iku advasa (30). Iku aduesie (60), iku é lafa (100).”

⁹ Inu ɔlɔmó mó ɔnó ɔbéɛ, “Ɖhá áni ɔbu asu onúu!”

*Tɔɔ Sɔá Yesu Lótɔí Ayébisu
(Mateo 13:10-17; Luka 8:9-10)*

¹⁰ Bréá ilesi Yesu mua sumbí ayɔpó dúanyɔ ámu pú ahá kpalobí akwá bɔbɔuo mu a, bobwii ipa há mu beɛ, ɔlé yébi anfi asi suna amó. ¹¹ Móú ɔlebláa amó ɔbéɛ, “Mli mó á, Bulu lahá mli ɔkpa ɔbéɛ, mlibii mu iwítegyí ámu iwi asun njaínhé. Táme nde aha bambá asón bláa ayébisu,

¹² ‘méní bówun lówun,
táme bɔméesebi mó.
Bónu lánú,
táme bɔmóonu mó asi.
Ní megyí ali teki bédamlí kluntɔ,
Bulu obési amó lakpan kíé amó.’ ”

*Atɔ-abí Owunyápu Yébi Amu Asi
(Mateo 13:18-23; Luka 8:11-15)*

¹³ Móú Yesu léfité amó ɔbéɛ, “Ní mlinónu yébi anfi asi á, mó nkálí mlóbwe asa mlónu tráhe fée asi? ¹⁴ Atɔ-abí ámuó owunyápu amu déwunyáa amu gyí Bulu asón ámu. ¹⁵ Abí ámuó iɔwólí ɔkpasu ámu gyí ahá ámuó benyá nú Bulu asón ámu ali Ɖbɔnsám labele mó lé amó kluntɔ náti ámu. ¹⁶ Abí ámuó iɔwólí abutású amu gyí ahá ámuó bonú asón ámu pé, bahɔ mó ansigyísó, ¹⁷ táme iníá buma nlin su á, asón ámu itamatsiá amótó yó. Mó su ní buɔɔn amósó ntée iwíɔsun ku itó amó asón ámu su á, munu buɔɔɔɔɔɔ. ¹⁸ Abí ámuó iɔwólí awutɔ ámu gyí ahá ámuó bonú asón ámu a, bahɔ mó, ¹⁹ táme ɔyi ánfítɔ atɔ hiánhe iwi gywíin, pú mótɔ atonyahé iwi ɔnsipe tegyi asón ámu su. Iní su bɔtamaswíé abí. ²⁰ Abí ámuó iɔwólí ɔsolóbú wankláánsó amu gyí ahá ámuó bonú asón ámu a, bɔtegyi mósó. Iní su itehá bɔtɔbwé yilé fé aliá atɔ-abí ámu loswie, iku advasa (30), iku aduesie (60), iku é lafa (100) ámu.”

*Ɖkandíe Iwi Yébi
(Luka 8:16-18)*

²¹ Yesu léfité amó òbée, “Butoonywé òkandíe pú òlṣ bun mósó, ntée pówá mpá ayasi? Megyí òfúákpá butòpòbian? ²² Tòtò ma inuá ibéjáin, iméelin òwan. Asòn nàinhé kòkò é ima inuá bóméebi mú. ²³ Ọhagyiṣha ání òbu asu onú!”

²⁴ Múò òleblí òbée, “Mlyaa asu wankláán mli asón-nutó. Itá mlópusúsu ha mli aba á, mú kén Bulu òbópusúsu mú wankláán, lápó ikú tsia mótó há mli ní. ²⁵ Tsúfíe óhá ání òdekléá obónu mí atosunáhé amu asi á, Bulu òbópu ikú tsia mótó há mv. Táme óhá ání òmedékléá obónu mú asi á, Bulu òbósúwí mu kpalobi amúò alabí ámu kóráá.”

Oyi-ibiá Ideddan Iwi Asón

²⁶ Yesu létrá blí òbée, “Bulu iwíegyi amu igyi fẹ alá óha todú oyi-ibi mu ndòtò. ²⁷ Ní owí itá á, óhá ámu tekledi. Ní oyi ike a, òteláksó, támé omeyin alá itòbwé asa oyi-ibi ámu itòkwe dan. ²⁸ Ọsulòb onutó tẹhá mú tókwe. Itegyankpá lé ate, wá ntsúwíswí, asa itòbòbwe abí onutó. ²⁹ Táme ayó ámu inyá bli pé, òdòpò amu latsú mu òdayí oyétun mú, tsúfíe mú tìnbí lafun.”

Takyi-akpin Ibi Yébi

(Mateo 13:31-32, 34; Luka 13:18-19)

³⁰ Inu Yesu léfité òbée, “Ntò Bulu iwíegyi ámu lehan? Ntée yébi mòmó nòpusúná alá igyi? ³¹ Igyi fẹ takyi-akpin ibi. Múgyi tukuríibi nyí-abító fée ní. ³² Táme ní idan a, itòbwé ifá fóáhé òun ifá kugyíku. Mú abámbi tekpíkpli, mbubwí butogyónká mú asi.”

³³ Oletsia pú ayébi anfi odu tsòtsòtò súná amó ató, yófun alá ahá ámu bétalí nú mú asi. ³⁴ Ọmebláa amó asón kòkóá imegyi ayébi òlòpótí. Táme ní isí muu mu akasípó nkòle a, òtelé tógýtó asi.

Atsufú Asibá

(Mateo 8:23-27; Luka 8:22-25)

³⁵ Alí eke ámu ntópwesu á, Yesu lébláa mu akasípó òbée, “Mliha afa Galilea òpu yo mú òbun!” ³⁶ Múò bowie òkluntò, akasípó amu beplá mú, benatí sí òdòm amu. Nklon bámbá kú é lobuo amó. ³⁷ Afú kpankpankpannti ku lówa tsòun bi. Mú su ntsu òeda wíe òklun amòtò, ideklé ime. ³⁸ Táme Yesu mú òlín sumuesu òklun amu òma òdedidi. Akasípó amu betsinkí mu. Múò befíté mu bee, “Osunápó, iníá anidé ntsu wie á, fòmotsu kòkò lé mótó?”

³⁹ Inu Yesu lóksó lé ònó wa afú ámu, òlebláa òpu amu òbée, “Kpa ònó bun! Di díin!” Inu afú ámu lési tsòun, inu fée lólá. ⁴⁰ Múò òlefíté amó òbée, “Ntogyi só mlidé ifú nya ali? Mlumá hógyi?”

⁴¹ Ifú lehie kítá amó, befíté aba bee, “Nyankpòsa òmòmú ní, afú múa ntsu kóráá tonú mu òme ali?”

5

Ọje Laláhe Gyá Le Ogbedépotó

(Mateo 8:28-34; Luka 8:26-39)

¹ Bréá Yesu muu mu akasípó amu bowie Galilea òpu amu òbun Gerasef* òsulòb á, ² olenya kplí dáli òkluntò ali, oyin òkóá ọje laláhe bu mutò lédali tsu afúli opulákpá befia mu. ³ Oyin anfi lapó afúli opulákpá inu bwé mu otsiákpá. Ọhíe òbu iyun. Mú sù óhaa tamatráa talí bwé mu otsiá díin, ntée wá mu ikan. ⁴ Tsúfíe tẹkí betsiá wá mu ayabi pò mu ibi ikan, támé oletsia tìn mú, bíábía ikan amu tsálífwí. Óhaa é má ayòunlín ání òbétalí pón mu. ⁵ Ekekegyíeke ọpa múa

* 5:1 Gadarafo bu nwóló dada amu akòtò.

onyé fée á, òbù afúli opulákpá inu m̀bá abusu, òde okitikí, òdepu abwi tsantsan iwí.

⁶ Olenya wun Yesu sísí alí, òlesrí yéda akpawunu mu ayabito. ⁷ Múú òòsurá okitikí kóklókúò òbée, “Òsòsòsú Bulu mu Bì Yesu, amansò igyí? Tanu Bulu ání fóméputí mí ató!” ⁸ Òleblí asón ánfí, tsúfè Yesu lébláa mu òbée, “Òje laláhe, dah oyin ánfúto.”

⁹ Inu Yesu léfité mu òbée, “Nkálí b̀teti fú?”

Òlele mú ònó òbée, “Mí dá gyí, ‘Òdám’, tsúfè anhié aní tsó.” ¹⁰ Inu òje laláhe amu behie kókóli mu bee, òmágya amú lé Gerasefo òsólóu amosu.

¹¹ Mprákuo tsòtsòtsò akò bodegyí okúku kosu inu fón. ¹² Òje laláhe amu bokokóli mu bee, òhá amó abuyowie mprákuo ámuto. ¹³ Múú òleha amú òkpa. Bedalí oyin ámuto yówie mprákuo ání b̀b̀we fè mpím-anyòto (2,000). Amó fée besrí kplí okúku ku wíe òpu ámuto, wúwu.

¹⁴ Mprákuo ámu akpapó besrí yéblí asón ánfí ilaba anfi awúlusu p̀ò nkudasí fée. Ahá bedalí bee bebá beki t́á ilaba. ¹⁵ Bréá beba bowie Yesu wá á, bowun ání oyin ámúò òje laláhe betsiá muto ámu ansító ladí, alawá atadié otsie. Ilówa amó ifú. ¹⁶ Ahá amóò bowun t́á ilaba oyin ámúò teki òje laláhe tsie muto ámu p̀ò mprákuo ámusu ámu bebláa amú t́á ilaba fée.

¹⁷ Inu bokokóli Yesu bee, òdálí amú òsólóu.

¹⁸ Bréá olowie òklòn ámuto á, oyin ámúò teki òje laláhe tsie muto ámu lókokóli mu òbée, òhá amòbuo mu natí.

¹⁹ Táme Yesu méha mu òkpa. Mboún òlebláa mu òbée, “Yinkí yò fú apíó wá wóyító, afuyébláa amú itò yiléá aní Wíe Bulu labwé há fú, p̀ò alíá alawun fu nwe.”

²⁰ Mú su oyin ámu lénatí tsòntson, òde itò yiléá amúò Yesu labwé há mu blí Dekapoli† awúlu amu fée. Ònó lobwie ahá ámu fée.

*Òhande Òku Mu Bì Mva Òtsí Òku Ilò Tsa
(Mateo 9:18-26; Luka 8:40-56)*

²¹ Yesu léla fá òpu amú òbun. Bréá òbù òpu ònó inu á, òdám k̀p̀nk̀p̀nk̀p̀ntí beba bobomí mu. ²² Inu Yudafo ofiakpa òhande òkúá b̀teti mu Yairo léba inu. Bréá olowun Yesu a, òleda akpawunu mu ayabito, ²³ kókóli mu òbée, “Mí bí tsíhé déwu. Ba, afòb̀p̀u ibí danka m̀usu, mu awútó iwa mu ònlín, onya nkpa.”

²⁴ Múú muva Yesu benatí b̀oyó á. Òdám k̀p̀nk̀p̀nk̀p̀ntí bekláa buo mu, kpá pútá mu.

²⁵ Òtsí òku é bu ahá ámuto, obugya de mu wolí nfi dúanyò ní. ²⁶ Alahíé wun ipian ilò atsapó tsòtsòtsò ibito, hòli mu iwísu ató fée, támé ilò ámu imekálá bwé mu. Iyun idewa tsía. ²⁷ Bréá òtsí ánfí lónu Yesu nka á, òlòtsun yò mu òma, fifitíwíe òdám ámuto yòpu ibí da Yesu atadié. ²⁸ Tsúfè òleblí wá mu nwunto òbée, “Ní nòpó ibí da mu atadié kpán á, ilò ámu ibési mí.”

²⁹ Olenya p̀ò ibí da mu atadié ámu alí, obugya amú léka itin. Olonu mú nka mu awútó ání ilò ámu lasí mu. ³⁰ Inu Yesu lónu mú nka mu awútó mu é ání òje ku ladálí muto. Inunv òledamlí kí òdám amu, òlefíté amú òbée, “Ma lápó ibí da mí atadié?”

³¹ Múú mu akasípó amu befité mu bee, “Fú onutó fawun ání òdám bakpá pútá fu. Múú fotráa fòdefíté fée, ‘Ma lápó ibí da mí?’ ”

³² Yesu lówa así kí amótó fée, òde òhá ání òlòpu ibí da mu danka. ³³ Ifú lékítá òtsí ámu. Mú su òlòwa kpínkí kpakpakpaka b̀, tsúfè oyin it́á alanyá. Inu òleba

† 5:20 Dekapoli así gyí awúlu dú.

beda akpawunu Yesu ayabito, bláa mu onokwali amu féé. ³⁴ Yesu lébláa mu obéé, “Mí bí, fú hógyi laho fu nkpa. Nati iwilwiiti. Fú ilo ámu ita.”

³⁵ Bréá Yesu bu mósú odetóí á, aha aku botsu ofiakpa ohande amu wóyító ba bebláa mu bee, “Ohande, fú bí tsihé ámu odikpa mówa alé. Mátepi trá wa osunápó tó.”

³⁶ Yesu mékplá asón amóú budebli ámu. Mboun olebláa mu obéé, “Mánya ifú. Fú mú hogyi wole.” ³⁷ Yesu méha ohaa okpa obuwo mu don Petro pó Yakobo mua mu pio Yohane nkole. ³⁸ Bréá bowie ohande amu wóyító á, Yesu lówun áni ahá babólá inu, budesú, bude okitikíti. ³⁹ Olowie inu fité amú obéé, “Ntogyi só mlidé ipian wúun, mlidé okitikíti alí? Otsibi amu mókówú, didi ode.”

⁴⁰ Ahá ámu bómási mu. Múú olegya amú féé dáli ba wunsiné, olekpa obi ámu akwípó pú mu akasípó amóú bubuwo mu amu bebitiwíé obu amóú otsibi amu da mótó ámu. ⁴¹ Inu olekítá kebi ámu ibi, bláa mu amú oblitó obéé, “Talita Kuum!” (Mú así gyí, “Obitebí, kusu!”)

⁴² Inuwo okósú ona. (Otsibi amu laho nfi dúanyo.) Ilobwie ahá ámu féé onó dáfa. ⁴³ Múú oleda amú olá kinkíinkín obéé, bumábláa ohaa asón ánfi. Inu olebláa amú obéé, buháa kebi ámu ató ogyi.

6

Bumáho Yesu Mu Wúluto (Mateo 13:53-58; Luka 4:16-30)

¹ Yesu mua mu akasípó bedali omá ámuwo yínki yó mu wúluto. ² Okpónú odaké lenya fon ali, oboyo ode ató suná Yudafó ofiakpa. Mu atosunáhé leha onó lobwie ahá tsotsotsóá bonu mú. Mú su befité aba bee, “Nkónú olenya nyansa móa ofúlábwe túmi ánfi é tsú? ³ Megyí ató osrépó amu ni. Megyí mu yin gyí Maria, mu apio yinhé gyí Yakobo, Yosef, Yuda pó Simon? Yéé ania mu apio tshé é tsie nfi á?” Benya oblé musu.

⁴ Yesu lébláa amú obéé, “Ahá butobú Bulu onósú otóipú otínegyíotíné, táme mu wúlutofo, mu abusuanfo pú mu wóyító ahá mú butamabú mu.”

⁵ Ináá bumáho mu gyi su ometali bwé ofúla kuko, don ahá kpalobí akusu olápo ibi dínká, tsá amú ilo. ⁶ Ilówa mu ifú áni bumáho mu gyi.

Akasípó Dúanyo Amu Sumbíwa (Mateo 10:5-15; Luka 9:1-6)

Yesu léki nkuda áni inu bomlí inu asi, ode ató suná. ⁷ Inu oleti akasípó dúanyo ámu ba mu iwí wá. Múú olówa amú sumbí abanyó-abanyó. Oleha amú túmiá bópogyi ohe laláhesu. ⁸ Oleda amú olá obéé, “Mlímátsu tótó kítá yó okpa ámu, don mli oyi yíahé! Mlímátsu atogyihe nté akpankogyo, ntéé kóba kítá! ⁹ Mliwa ntókota, táme mlímátsu atadie nyosí kítá! ¹⁰ Wóyígyíwóyíá mléswíí mótó á, mlitsia inu yófon bréá mlédali wúlu amoto. ¹¹ Ní mléyó wúlu kusu, bumáho mli, ntéé bumekléá bonu mli atosunáhé, mlidédali mótó mléyó á, mlíkpa mli ayabito-isi woli inu, isuna áni bumébi bwé.”

¹² Mú su boyo yéda asón ámu okan bee, ahá budámli kluntu. ¹³ Begya ohe laláhe tsotsotsó lé aháto, bekpa alápo tsotsotsó é ofobí, tsá amú ilo.

Asú Obópó Yohane Lowu (Mateo 14:1-12; Luka 9:7-9)

¹⁴ Galilea omású ogyípó Herode lónu Yesu iwí asón ánfi, tsúfé mu idayilé de otínegyíotíné. Aku budebli bee, “Asú Obópó Yohane lákósó tsú afúlitó. Mú só, ode ofúla anfi odu bwe ní.”

¹⁵ Táme aku é bee, “Bulu onósú otóipó dada Elia ní.”

Aku é bee, “Bulu onósó atópó dada amuto oku ní.”

¹⁶ Bréá Herode lónu asón ámu a, òleblí òbée, “Yohane amóu neha betun amu látsínkí tsú afúlitó.” ¹⁷⁻¹⁸ Herode léha bekítá Yohane, wá mu ikan, pú mu wá obu. Tsúfè oletsíá bláa Herode òbée, mbla meha okpa ání obétsíá mu pio Filipino mu ka Herodia amóu otsia amu.

¹⁹ Mú sù Herodia lóhò Yohane asón wá iwíto. Òbòwè agywuun ání òbómò mu, támè òmetáí, tsúfè Herode méhá mú okpa. ²⁰ Herode yin ání Yohane asón da okpa, ogyi óha wankíhé. Mú sù olenya mu ifú, òleki musu wankláán ání tótò móbòwè mu. Ibo mótáá Yohane asón blíhé tehan Herode, támè otekle mó nu.

²¹ Tásá Herodia dédunká léba ha mu. Èke okvá Herode dé mu okwíké gyí a, òlòtswí òpónú, tí ahande pú isá akópó dehen pú Galileafò ahande ba ató ámu ogyíkpá. ²² Bréá Herodia mu bí tsíhé lóbòwíe òbòntò tsa a, òwà Herode mu ahande amu fèé ansigyí. Herode lébláa mu òbée, “Fíte mí tógýítá fùdeklé, néha fú.” ²³ Inu òleka nta há mu òbée, “Néha fú tótógýítá fèfité mí. Ní igyi mí iwíe ogyíkpá ifon kóráá.”

²⁴ Otsibi amu lédalí yéfité mu yin òbée, “Ntò nfíte?”

Mú yin lébláa mu òbée, “Fíte Asú Òbópó Yohane nwun.”

²⁵ Òsasù otsibi amu léba bebláa Herode òbée, “Ndekléá fupú Asú Òbópó Yohane nwun dinka línsú ha mí séséésí.”

²⁶ Asón ámu léhíe han owíe amu, támè mu nta amóú òleka, pú ahá amóú bóbù inu ámu sù á, omekléá òbótòn nta amu. ²⁷ Inuòu òlòwa mu ahá òtínpu òbée, oyétín Yohane nwun ba mu. Òlòyò yétín Yohane nwun obu òdikpá inu. ²⁸ Móú òlòpu nwun ámu dínká línsú ba otsibi amu, mu é òlòpoyáa mu yin Herodia. ²⁹ Bréá Yohane akasípó bonu asón ánfí á, beba botsu mu satin yopulá.

Ahá Mpim-nu Atogyihè Ha

(Mateo 14:13-21; Luka 9:10-17; Yohane 6:1-14)

³⁰ Yesu sumbí ayópó ámu beyínkí bá bebláa mu atóá bayóbòwè pú múbá bayósuná fèé. ³¹ Mú óma a, ahá bònà amó wá alu, bóményá okpa gyi ató kóráá. Mú sù òlebláa amó òbée, “Míha ayò itsétó fléén, ayeda òkpónú.” ³² Inu bowie òklòntò, pú okpa bòyó itsétó òtnekò.

³³ Támè ahá tsòtsòtsò bowun amó, bí òtínéá bòyó. Mú sù botsu awúlu ámu fèésú, tsíí òsríí gyankpá yówíe òtíné amóú Yesu aná bòyó ámu. ³⁴ Bréá Yesu lékplí dálí òklòn amuto, wun òdòm kpònkpònkpòntí ámu a, amó asón lòwa mu nwe, tsúfè bogyi fé akúfa ání buma òkparó. Mú sù olòsuná amó ató tsòtsòtsò. ³⁵ Owí lòpòn a, akasípó amu beba mu wá bebláa mu bee, “Itsétó nfi gyí, owí é latá. ³⁶ Ha amó aboyò nkuda móa awúlu ání ibo bomlí nfi así yodunká tòku gyi.”

³⁷ Támè Yesu léle mó onó òbée, “Múdunka ató ha amó abogyi.”

Móú befíté mu bee, “Abétalí nyá sika* hò ató há ahá ánfí fèé bégýi?”

³⁸ Yesu léfíté amó òbée, “Bodobodo apin afíní mlíbù? Mlyò amlyèki!”

Beyínkí bebláa mu bee, “Bodobodo apin anu pú ntsutso iye bwáhé anyò bu inu.”

³⁹ Yesu lébláa amó òbée, “Míha amó abòtsiatsia ífá bòbòwè amòsu.” ⁴⁰ Betsiá así akúsó-akúsó, aku lafa (100), aku é aduenu (50). ⁴¹ Inu olòtsu bodobodo anu pú ntsutso iye bwáhé anyò ámu. Móú olòtsu ansí fóbá kí òsósó, òlèda Bulu ípán. Inu òlebiabíá bodobodo amu há mu akasípó amu òbée, bogyé ha amó. Oleye iye bwáhé anyò ámu é há amó, bòpohá ahá ámu. ⁴² Amó fèé begyi mwe sian.

* **6:37** Sika ánfí igyi sika futútú lafa-anyò (200), igyi óha nke lafa-anyò (200) òkóká.

43 Akasípó amu bətsási bodobodo móa iye sianhe amu a, ɪɔbɔlá alakpá dúanyɔ.
44 Ayin ání begyi ató ámu nkole bɔgyi mpím-nu (5,000).

Ɔpɔsu Natí
(Mateo 14:22-33; Yohane 6:15-21)

45 Benya gyi ató ámu tá alí, Yesu lébláa akasípó amu ɔbéɛ, bɔwíe ɔklɔnto abɔgyankpa fa ɔpu amu yɔ Betsaida wúluto. Mu mú olesin ɔma sí ɔɔm amu ɔkpa. 46 Bréá olesi amó ɔkpa tá á, ɔɔɔv yó bɔsu yóɔɔ mpá. 47 Bréá owí leta, ɔklɔn amu lawíe ntsu nsin é á, ilesi Yesu nkole ɪbɔ ámuɔv. 48 Inu olowun ání ɔklɔn amu plá de ɔnlun wa wá akasípó amu, tsúfé afú kpɔnkpɔnti detsóun fia amó. Bakɛ-bakɛ a, Yesu lénatí ntsu ámuɔv ayabitɔ buo amó, odeklé ɔtsɔn amósú. 49 Táme bréá bowun mu a, bukí beɛ, fúli ogyi. Mú sv bɔsɔrá okitikiti.
50 Opúni letsíí amó f́f́.

Táme ɔɔwa ɔsa bláa amó ɔbéɛ, “Mliwa klɔn. Mí ní. Mlumánya ifú.” 51 Múó ɔɔɔv wíe ɔklɔn amoto, afú ámu leka itin á. Asón ánfí lówa amó wánwan.
52 Amó klɔnto-odwin sv bɔmákónyá nú bodobodo ɪwɪ asón ámu asi.

Genesarefɔ Alɔv Tsa
(Mateo 14:34-36)

53 Yesu mva amónyɔ befa ɔpu amu yési Genesaret osubúno, bɔwa ɔfé kítá ɔklɔn amu. 54 Benya kplí dáli ɔklɔn amoto alí ahá bowun Yesu, bí mu ɔtsáwɔle pé. 55 Mú sv besrí yótsu amó alɔv sóra akpasu, tsú ntúné-ntúné bɔtv mu ɪv.
56 Ɔtínegyíɔtínéá Yesu lóyɔ, igyi wúluto ntéɛ akuda ó á, bɔv amó alɔv bɔtswɪ brɔnɔsv, kókóli mu beɛ, ɔhá alɔv amu abɔv ɪbɪ da mu atadiɛ ɔdanó kpán. Amóá bɔv ɪbɪ da mú f́f́ benya ɪɔtsá.

7

Atɪfɔ Amándíé
(Mateo 15:1-9)

1 Farisifɔ pó Mose mbła asunápú aku bɔtsu Yerusalem ba befia Yesu wá.
2 Múó bowun ání mu akasípó amu aku bɔmɔfwɪ ɪbɪ amándíé ɔkpasu asa bɔde ató gyí.

3 (Tsúfé Yudafo, títriu Farisifɔ bɔmákósi amó anáin amándíétó. Mú sv ní bɔmákófwɪ ɪbɪ amándíé ɔkpasu á, bɔtamagyi ató. 4 Alí kén ní bɔmákógyóra ɪwɪ á, bɔtamagyi tóá bɔpɔtsúa bíású ba ní. Amándíé bámbá kv aná é bv ɪv, bɔtráa bɔde móto tsú nwe núu ntsu, nló pó nlinka ɪwɪ.)

5 Mú sv amúa Mose mbła asunápú befité Yesu beɛ, “Ntogyi só fó akasípó amu bɔtamagyi aní anáin amándíésó, bɔmɔfwɪ ɪbɪ amándíé ɔkpasu asa abɔgyi ató?”

6 Yesu léle mú ɔnɔ ɔbéɛ, “Ɔnɔkwali Bulu ɔnɔsú ɔtɔpóYesaia lébli tswɪ tsú mli apinabwɛbí abwɛpó ánfí ɪwɪ ɔbéɛ,
'Ahá ánfí bɔdɛv amó ɔnɔ bú mí,
táme amó klɔn bv ifó mí wá.

7 Kpaali bɔde mí sum,
tsúfé basí Bulu mbła tswɪ,
yó bɔde anyánpósa mbła suná.'

8 “Mlilasí Bulu mbła ámu tswɪ, mlidé mli anáin amándíétó.”

9 Inu ɔɛbláa amó ɔbéɛ, “Mlɔlapina si Bulu mbła ámu tswɪ nyánsato, méní mlégyi mli onuto amándíésó. 10 Tsúfé Mose lówanlín wá Bulu mbła ámuɔv ɔbéɛ, ‘Bu fú sí mva fú yin.’ Ɔlɛtrá wanlín ɔbéɛ, ‘Ní ɔkv lébli asɔkpan tsú mu sí ntéɛ mu yin ɪwɪ á, bɔmóó mu.’ 11 Táme mli mú mliaa, ɔha ɔbétalí bláa mu sí ntéɛ mu

yin obée, “Tóá tekí nópohá fú á, napóbwé Koban.”* 12 Mliláhá ahá bumedé toto bwe há amú akwípó. 13 Mli anáin amándíé sù mlitráa mlimédé Bulu mblasu gyí. Ntóbí tsòtsòtsò é bù unvá mlitráa mlidébwe tsía ínuto.”

Tóá Itəkpóí Jha Bulu Ansító
(Mateo 15:10-20)

14 Yesu létrá tí odəm amu ba mu iwí wá, əlebláa amú obée, “Mli fée mlyaa asu amlnu ínı asi! 15-16 Megyí tóá jha tegyí təkpóí mu Bulu ansító. Mboún móá itedáli tsu mu ənó.†”

17 Bréá əlenatí sí odəm amu yó wóyító a, mu akasípó amu befité mu yébi anfi asi. 18 Əlele mú ənó obée, “Mli é mlitamanú asón asi? Mliméyín aní tóá itowíé jha ənó tamakpóí mu Bulu ansító? 19 Tsúfě megyí mu klnto itowíé, mboún mu íputo itowíé, əteyéle mú wá əkpuntó.” (Yesu léle mótó pòsuná aní atogyihe kugyíko iwí letin.)

20 Inu əlebláa amú obée, “Tóá itedáli tsu jha klnto təkpóí mu Bulu ansító. 21 Tsúfě jha klnto ágywun laláhe kugyíko tedáli tsu. Mótəhá mu ətwá atsi móá ayin asón, otowí ató, ətəmó jha, ətətó mbwa, 22 ətwá ənsupe, ətwbwe laláhe, ətméle ahá, ətwá hakpan, ətwá olu, ətetsii əha, ototsú iwí, ətwbwe mimlála. 23 Jha klnto, ató laláhe anfi fée itedáli tsu. Mótəkpóí mu nı.”

Ətsi Əkvá Omegyí Yudayin Hógyi
(Mateo 15:21-28)

24 Yesu lénatí unu yó Tiro nsáinto. Əlɔyóswí wóyí kuto. Omedéklé obée ahá bubú aní maba unu, táme əmetalí řáín mu iwí. 25 Əhe laláhe bu ətsi əku mu bi tsihétó. Olenya nú Yesu nka alı, əlwá əsa bəda akpawunu mu ayabito. 26 Griikiyintse ətsi anfi gyí. Bəkwí mu Siro Foenike əsolósu. Olokokóli Yesu obée, ogyáa əhe laláhe amu le mu bi ámutó. 27 Táme Yesu lébláa mu obée, “Ha nyebí ámu abumwə asa, tsúfě uma aláá fəswí nyebí atogyihe póhá akiaı.”

28 Ətsi ámu léle mú ənó obée, “Owíé, ıbu mótó alı, táme akiaı aní buda əpónó ámu asi é btegyi nyebí atogyihe mpupubiá itekpákpa bun amú əpónóası.”

29 Múú Yesu lébláa mu obée, “Fabi lé mú ənó. Mú sù nati, əhe laláhe amu ladáli fú bí tsihé ámutó.”

30 Bréá ətsi ámu lóyɔ wóyító a, olowun aní əhe laláhe amu ladáli mu bi ámutó, alási əda mpásó.

Yesu Létsa Isotín Əkvá Ətamatói Wankláán

31 Yesu lénatí Tiro unu yó Sidon yóboimli kplı ba Dekapoli‡ awúlu amu nsáinto asa ələladú yó Galilea əpu ənó. 32 Bəpu isotín əku ba mu, ətamatalí tóı wankláán. Bokokóli mu bəe, əpón ıbu dıńka musu. 33 Múú əlekpa oyin ámu ya ífóntó, pú mu asrebi wá oyin ámu asuto, olotu atsúnó dıńká mu osrebisú, pódá oyin ámu ədandusu. 34 Inu olotsu ansí fúá kı əsósú, lún əhe fú. Múú əleblı obée, “Hefata.” Hebrı əblıtó. Mú asi gyí, “Finki.”

35 Inunnu mu asu lefinkı, mu ədandú é lesankı, əltoı wankláán. 36 Múú Yesu léda ahá ámu əlá kpákpáákpá obée, bómábláa əhaa. Táme tsé dúdúódúá əleda amú əlá á, alı kén bəda asón ámu əkan nı. 37 Ənó lehe bwíé amú, beblı bəe, “Alabwé tógyító wankláán. Alahá asotín bəde asón nu, amúmu é bədetóı.”

* 7:11 Koban asi gyí, napókíé Bulu. † 7:15-16 Mótó yée 16 bu nwołó dada amu akoto: Əhagyíəha aní əbo asu, onúu! ‡ 7:31 Dekapoli asi gyí awúlu dú.

8

Ahá Mpím-na Atogyihe Ha
(Mateo 15:32-39)

¹ Nke ámuṭò á, òḍám kpònkpònkpònti bεtrá befia Yesu wá. Amó atogyihe leta. Mú sù Yesu létí mu akasípó, bláa amó òbée, ² “Ahá ánfí asón de mí nwe wa. Nde eke sáásí òpá búbuo mi. Bútráa búma tótóá begyi. ³ Ní nēhá amó bòpó akón náti bọyó wóyí á, ansító béyébi amó òkpatò, tsúfē amótó akú òkpa bu ífó.”

⁴ Múú akasípó amu befité mu beε, “Nkónú abénya atogyihe há ahá ánfí fēé begyi mwe dimbí ánfisú.”

⁵ Yesu léfité amó òbée, “Bodobodo afiní mlibu?”

Bele mú ònó beε, “Asienó.”

⁶ Yesu léha òḍám amu betsiá òsúlòtò. Múú olotsu bodobodo asienó ámu, dá Bulu ipán, olebiabía mótó há akasípó amu beye mú há amó. ⁷ Búbu ntsutso iye bwáhé kpalóbí kú é. Yesu lóyulá mósú, òbpu mú é há akasípó amu, beye ha amó. ⁸ Amó fēé begyi mwe. Akasípó amu bótási isianhe bólá alakpá yilé asienó. ⁹ Ahá ámu bóbwe fē mpím-na (4,000), Yesu lési amó òkpa. ¹⁰ Inuṅu mwa mu akasípó bòdu wíé òklòntò ba Dalmanutafò òsúlòsú.

Farisifò Bodunká Ofúla
(Mateo 12:38-42; 16:1-4)

¹¹ Farisifò bonu ání Yesu laba inu, beba bude mu asón fité. Bebláa mu beε, òbwée osúna pòsuna amó ání lélé otsú Bulu wá. ¹² Yesu lólun òhē fú. Múú òlefíté amó òbée, “Ntogyi sù mli ndemba-abí mlidé osúna dunká amliwun? Mbláa mli ònkwali. Mmóòbwe osúna kùkù súná mli!”

¹³ Inu òlenati sí amó, yó òu wíé òklòntò, fá òpu ámu yó mú òbun.

Farisifò Pú Owíe Herode Bodobodotu-afá
(Mateo 16:5-12)

¹⁴ Yesu akasípó amu bumekáin tsú bodobodo kítá. Ipin kole pé bu òklun amuṭò. ¹⁵ Bréá bòdin ntsu ámuṅu bọyó á, Yesu léda amó òlá òbée, “Mlúki wankláán Farisifò pú òmású ogyípó Herode bodobodotu-afásó.”

¹⁶ Akasípó amu befité aba beε, “Bodobodo amóú anumédé ámu sù òde asón ánfí blí lóó?”

¹⁷ Yesu lónu asón ání bodeblí. Múú òlefíté amó òbée, “Ntogyi sù mlidéblí mliáa, mlímédé bodobodo? Mú sù iklòntò bu mli odwin mli é? ¹⁸ Mli ansíbi tamawun ató, mli asu é tamanú asón? Mlitamakáin asónsú? ¹⁹ Bréá neye bodobodo apin anu ámu há ahá mpím-nu (5,000) á, isianhe alakpá afiní mlíótósi?”

Bele mú ònó beε, “Dúanyò.”

²⁰ “Bodobodo apin asienó amóú neye ha ahá mpím-na ámu é mé, isianhe alakpá yilé afiní mlíótósi?”

Bele mú ònó beε, “Asienó.”

²¹ Inu Yesu léfité amó òbée, “Imòkòwánkí mli kí?”

Ansibi Obwiepó Oku Ansibi Bwii

²² Yesu mwa mu akasípó beba Betsaida wúlutò. Aha aku bekpá ansibi obwiepó òku ba. Bobwii ipa há mu beε, òpùs ubi da mu, òtsa mu ìs. ²³ Yesu lékítá ansibi obwiepó ámu ubi, kpá mu dálí wílu amuṭò. Inu olotu atsonó dínká oyin ámu ansibisú, pó ubi dínká muṅu. Múú òlefíté mu òbée, “Fúde ató wúun?”

²⁴ Ansibi obwiepó ámu lótsu nwun fúá kí, òleblí òbée, “Nde anyánpòsa wúun, táme bọgyi fē nyí buna.”

²⁵ Inu Yesu létrá pɔ mu ɔbi dínká mu ansibisɔ. Oyin ámu lóbwíi ansibi kí a, mu ansibi lawá alé, ɔde tógyító wúun wankláán nya. ²⁶ Yesu léyinkia mu sísí wóyító ɔbée, “Nati laa ya wóyí. Mátepi wíé wúlu amɔta kóráá.”

Jhá Aní Yesu Gyl

(Mateo 16:13-20; Luka 9:18-21)

²⁷ Yesu mɔa mu akasípó amɔ benatí inu ɔɔyó Kaesarea Filipi awúlusɔ. Bréá buna ɔkpatá á, ɔlefíté amó ɔbée, “Ma ahá bée ngyi?”

²⁸ Bele mú ɔnó bée, “Aku bée, fúgyí Asú Ɔɔpó Yohane. Aku bée, Bulu ɔnósó ɔtáíró Elia. Aku é bée, Bulu ɔnósó ɔtáíró amɔta ɔku.”

²⁹ Mú ɔlefíté amó ɔbée, “Mli é mé? Mliá mígyi ma?”

Petro léle mú ɔnó ɔbée, “Fúgyí Kristo, (já á múú Bulu ladá mu ofúli amɔ) ni.”

³⁰ Inu ɔleda amó ɔlá ɔbée, “Mlumábláa ɔhaa mí iwí asón áñfi.”

Yesu Iwiasin Pó Mɔ Lowu Iwí Asón Blí

(Mateo 16:21-28; Luka 9:22-27)

³¹ Inu Yesu léfi asi ɔde asóntó le súná amó ɔbée, “Ilehián aní mí, Nyankpɔsa-Mu-Bi áñfi néhié wun iwiasin tsɔtsɔtsɔ. Yudafo ahande, Bulu igyí ahapó dehen pó Mose mbila asunápó fée bekiná mí bée, megyí mígyí Kristo amɔ. Bómɔ mí, táme Bulu ɔbélakósúa mi tsú afúlitɔ nkensá ɔma.” ³² Ɔmɔpɔ asón áñfi njáin amó. Mú sɔ Petro létí mu ya itsétó yéka mu itin ɔbée, ɔmátrá blí alí. ³³ Inu ɔledamli kí akasípó amɔ, ɔlɔkplón wa Petro ɔbée, “Satan, nati tei mísó! Megyí tásá Bulu dégywíin fodegywíin, anyánpósa klé fodegywíin.”

³⁴ Inu ɔleti ɔɔm amɔ pó mu akasípó ba mu iwí wá. Mú ɔlebláa amó ɔbée, “Ní ɔku dékléá ɔbóbuo mi á, ɔsii tásá ɔtekle bwe, ɔtsu mu oyikpalíhe bobuo mi.

³⁵ Tsúfí ní ɔku lépri mu nkpa á, ɔbóhulí mú. Ní ɔku é lóhulí mu nkpa mía Bulu asɔn wankláán ámuɔ á, Bulu ɔbóhɔ mu nkpa. ³⁶ Ní ɔku onyá ɔyító ató fée, táme ɔhólú mu ɔkláa a, labi mɔmɔ ilowa há mu? ³⁷ Ntée nto ɔha ɔbétalí pótse mu nkpa?

³⁸ Tsúfí ní ɔku onyá mía mí atosunáhé péli ndemba-abí laláheá badámli ɔma há Bulu ansító á, mí, Nyankpɔsa-Mu-Bi áñfi é nénya mu péli bréá mía Bulu-abɔpɔ wánkíhé amɔ anuná mí Sí numnyamtɔ abá.”

9

¹ Yesu lóyɔ mu tóisɔ ɔbée, “Ɔnɔkwali nde mli bláa. Aku bubu mlitɔ nfi bómóowu, yófon bréá bawun aní Bulu iwíegyí amɔ ina túmísisɔ íbá.”

Yesu Iwitsée

(Mateo 17:1-13; Luka 9:28-36)

² Nkensíé ɔma a, Yesu lékpa Petro, Yakobo mɔa Yohane, mɔa amónyɔ ɔɔɔvɔ yó ɔbu kɔsɔ amó nkole. Inu Yesu létse amó ansító. ³ Mu atadié ledamli futúútúú, ide ogyá kpa. Tɔtɔ ma ɔsólóv anfisúá íbétalí bwé mú íbófulí alí. ⁴ Inu Elia mɔa Mose bele iwí ɔwan, amúá Yesu buɔdetóí. ⁵ Mú Petro lébláa Yesu ɔbée, “Osunápó, ɔbu aléá abétsiá nfi. Ha ada abú asa. Fó klé kole, Mose klé kole, Elia é klé kole.”

⁶ Ifú lehie kítá Petro mɔa mu aba ámu ɔɔbi. Mú sɔ omowun asón aní ɔblí.

⁷ Inu agyinde kɔ lobobun amósó, ɔme kɔ ledalí tsu móttɔ ɔbée, “Ɔni gyí mí Bì ɔɔwepó ní! Mhyaa asɔ amlinu mu asón!” ⁸ Inu belaki, táme bometrá wun ɔhaa dun Yesu nkole.

⁹ Bréá buɔde ɔbu ámu kplí á, Yesu léda amó ɔlá ɔbée, “Mábláa ɔhaa tásá bayówun, yófon ekeá Bulu ɔbókɔsúa mí, Nyankpɔsa-Mu-Bi áñfi tsú afúlitɔ.”

¹⁰ Asón áñfi lesin amó nwunta, betsiá fité aba bée, “Kɔsú tsú afúlitɔ áñfi asú mé?” ¹¹ Inu befité Yesu bée, “Ntogyi só Mose mbila asunápó amɔ bée, ilehián aní Elia obéyinkí bá asa Kristo amɔ ɔbéba?”

12 Ɔlele mú ɔnɔ ɔbée, “Ɖnɔkwali igyi, ání Elia obégyankpá bá bela tógyító yái wankláán. Mú ntogyi só Bulu asɔn wanlínhé amu kén léblí tsú mí iwí ɔbée, mí, Nyankpɔsa-Mu-Bi ánfí nêhíe wun ipian, ahá bósɔpáa mí? 13 Nde mlí bláa mbée, Elia layínkí bá dodo. Ahá bɔbwe mu alá bɔdeklé, fɛ alá bɔwanlín wá Bulu asɔn ámutɔ.”

*Ɔlo Didahe Ɖlɔpɔ Tsa
(Mateo 17:14-21; Luka 9:37-43a)*

14 Bréá beyínkí bowie akasípó atráhe amu wá á, bowun ání ɔɔm kɔnkpɔnkpɔntí bafia bomlí amó, Mose mbla asunápó aku bɔde akasípó amu nwéɛn gylí. 15 Bréá ɔɔm amu bowun Yesu a, ɔlɔwa amó wánwan, bɛsrí yéfa mu, há mu aye. 16 Yesu léfité mu akasípó amu ɔbée, “Amansu mlia amúnyo mlidébítí?”

17 Ɖɔm amutɔ ɔku léle mú ɔnɔ ɔbée, “Osunápó, nekpa mí bí yínhé ba fu mbée afotsa mu ɔlɔ. Ɖhe laláhe lahá ɔtamatóí. 18 Brégyibréá ɔhe laláhe amu iba musu á, ɔtɔwɔsu mu, fin mu dá ɔsolótɔ. Mu ɔnɔ tɔbwé afu, ɔtɔwí ayín, ɔtesínsun. Nebláa fɔ akasípó mbée, bɔgyáa ɔhe ámu le mutɔ ha mi, táme bɔmetalí.”

19 Yesu lébláa amó ɔbée, “Ndeмба-abiá mlímá hógyi, alí nétsiá mlí wá yó ní? Yófon ɔmenke nnyá klɔn ha mlí? Mlikpa kebi ámu ba mi!” 20 Bɛkpa kebi ámu ba Yesu.

Ɖhe laláhe amu lénya wun Yesu alí, ɔlɔwɔsú kebi ámu fin mu dá. Odemináa, mu ɔnɔ é ide afu. 21 Yesu léfité obí mu sí ámu ɔbée, “Tsú bré mɔmutɔ ɔlɔ ánfí lefi asi?”

Ɖlele mú ɔnɔ ɔbée, “Tsú mu nyebitɔ ɔpá. 22 Itɔtswi mu wá ogyá múa ntsu aná fɛé́tɔ, itekléá ɔbómɔ mu, táme ní fɛtalí bwé tɔku tsú mú iwí á, wun aní nwe afogyi aní bɔale.”

23 Yesu léfité mu ɔbée, “Blí fɔde fɛɛ, ní nétalí? Tógyító lɔpɔn ha ohógypu.”

24 Inu obí mu sí ámu lɔkplɔn blí ɔbée, “Nohogyi, táme mí hógyi mɔtsɔ́. Gyi mu bɔale, mí hógyi imoní!”

25 Bréá Yesu lówwun ání ɔɔm amu bɔtráa bɔsrí bebá á, ɔlɔkplɔn wa ɔhe laláhe amu ɔbée, “Fɔ ɔdandɔbiabiá múa ɔtɔ́n ɔhé, dah kebi ámutɔ. Mátrá wie mutɔ ekekeke!”

26 Ɖhe laláhe amu lósrá okitikítí kóklókóú, ɔlɛtrá wɔsú mu nyányányányáa, ɔlɛdalí mutɔ. Ɖhé leta mu. Mú su ahá ámutɔ aku beblí bɛɛ, “Alawú.” 27 Táme Yesu lékitá mu ɔbí tsú mu fɔá, ɔlɔkɔsɔ líí.

28 Mú ɔma, bréá Yesu mu a mu akasípó amu nkɔle bɔbɔ wóyító a, befité mu bɛɛ, “Ntogyi só aní mú anumétalí gya ɔhe laláhe amu dáli kebi ámutɔ?”

29 Mú ɔlebláa amó ɔbée, “Inu odu mú á, nkéti mpá* pé mlétalí pógya mú.”

*Yesu Lowu Iwí Asón Blí Otse Nyɔɔsi
(Mateo 17:22-23; Luka 9:43b-45)*

30 Bréá Yesu mu a mu akasípó amu benatí inu á, bɔtsɔn Galilea ɔsolósu, táme Yesu mékléá ɔhaa ɔbú ɔtínéá mɔbɔ. 31 Tsúfɛ ɔde akasípó amu ató suná ɔbée, “Béle mí, Nyankpɔsa-Mu-Bi ánfí há adón bómɔ mí, táme Bulu ɔbélakúsóa mi eke sáási.”

32 Akasípó amu bɔmonu mú asi, ifú é de amó ání befité mu.

*Ma Ɖbɔbwe Ɖhandé?
(Mateo 18:1-5; Luka 9:46-48)*

33 Bɛba Kapernaum wúlutɔ. Bréá bowie wóyító á, Yesu léfité amó ɔbée, “Ntɔ nwéɛn mlidégýí ɔkpatɔ?”

* 9:29 Mpá múa ɔnɔklí bɔ nwóló dada amu akɔtɔ.

³⁴ Bekpa onó bun mósó, tsúfè ihandè budeprú. ³⁵ Yesu létsiá asi, òletì akasípó dúanyò ámu, òlebláa amú òbée, “Ní mlitò òku dékléá òbóbwe mlì nkpa ogyápu a, òbwée mu iwí òma ogyápu pò mlì fée osúmpó.” ³⁶ Iwò òlekpa kebi òku belí amú ansítò, látá mu pútá, òlebláa amú òbée, ³⁷ “Òhagýíoha aní òhò kebiá ogyi alì mí dátò lahò mi. Òhagýíoha aní òhò mí á, megýí mí òhò, mboún òhá ámuò òlwa mí ámu.”

Ani Obiopo
(Luka 9:49-50)

³⁸ Yohane lébláa Yesu òbée, “Osunápó, anilówun oyin òku dépu fò dá gya òhe laláhe, aniléka mu tin, tsúfè òma anitò.”

³⁹ Táme Yesu lébláa amú òbée, “Mlímáka mu itin! Tsúfè òhaa má unòá òbóbwe ofúla mí dátò, láblì mí iwí ason laláhe. ⁴⁰ Tsúfè òhá aní òmòkúsò líí anisò buo anì. ⁴¹ Ònòkwali nde mlì bláa mbée, ní òku òhá mlì ntsu-owebi mlonu, mí dá aní idun mlisò sù á, òmòòhólí mu ipán.

Ọha Kpa Wá Lakpantò
(Mateo 18:6-9; Luka 17:1-2)

⁴² “Ní òku léha ahá ánfì bómòkúdan mísò hògyitò ánfìtò òku lóbwe lakpan á, ní beda nfúòkwebu síán mu òmetò, tswì mu wá òputò pò á, iwò alé dun. ⁴³⁻⁴⁴ Ní fò iwí kùle téhá fótòbwé lakpan á, ka mú le! Iwò aléá fòpu iwí kùle nyá nkpa aní itamatá, dun aní fòpu iwí anyò wíé isòbití ogyá aní itamaduntò. † ⁴⁵⁻⁴⁶ Ní fò yabi kùle téhá fótòbwé lakpan á, ka mú tswì tsalífwí! Iwò aléá fòpu yabi kùle nyá nkpa aní itamatá, dun aní fòpu ayabi anyò wíé isòbití ogyá aní itamaduntò. ‡ ⁴⁷ Ní fò nsibi téhá fótòbwé lakpan á, loti mú le. Iwò aléá fòpu nsibi kùle wíé Bulu iwíegýí ámòtò, dun aní fòpu ansibi anyò wíé isòbití ogyá aní itamaduntò. ⁴⁸ Òtínéá unò anyambi bótamawù, unò ogyá é itamadun.

⁴⁹ “Tsúfè bòpu ogyá tun òhagýíoha iwí, fè alíá bótòpò nfólì tun afòdié iwí.

⁵⁰ “Nfólì bu òdwe, támé ní itá òdwe á, ntò bélapówá mú òdwe?

“Mlìha òdwe itsia mlitò fè nfólì, iwílwí itsia mlìla mlì aba nsiné.”

10

Ọkákíná Iwí Atosunáhé
(Mateo 19:1-12; Luka 16:18)

¹ Yesu lókúsò tsú unò yó Yudea òmátò, Yordan ntsu òbun. Òdam betrá befia bomlì mu, òletrá suná amú atò fè alíá òtòbwé yái.

² Farisifò akò beba mu wá, budekléá bósò mu kí. Mú sù befíté mu be, “Anì Mbla léha òkpa aní oyin òbétalí kíná mu ka?”

³ Yesu léfíté amú òbée, “Nkálì anì náin Mose lówa mbla há mlì?”

⁴ Bèlè mu onó be, “Mose léha òkpa aní oyin òwánlín òkákíná òwólò pòkina mu ka.”

⁵ Yesu lébláa amú òbée, “Mlì klòntò-odwin sò Mose lówanlín mbla ánfì há mlì. ⁶ Tsú bréá Bulu léle òyí á, òtsì móa oyin òlóbwe. ⁷ Inì sù oyin òbótú sí mu sù móa mu yin yémantá mu kasò, ⁸ amú abanyò bóbwe òyólò kùle ní. Bùtráa bómegýí abanyò, mboún babwé òbakóle. ⁹ Inì sù ahá aní Bulu labwé amú ikòle a, òhaa mámaín amú abasò.”

¹⁰ Bréá beyinkí ba wóyítò a, Yesu akasípó amò betrá fité mu asón tsú asón ánfì iwí. ¹¹ Yesu lébláa amú òbée, “Ní oyin okíná mu ka láyétsiá òtsì bámbá á, alatò mbua. ¹² Alì kén ní òtsì okíná mu kulu láyétsiá oyin bámbá á, alatò mbua ní.”

† 9:43-44 Mótò yée 44 móa 46 belian 48, támé una nwólò dada amò akotò. ‡ 9:45-46 Mótò yée 44 móa 46 belian 48, támé una nwólò dada amò akotò.

Nyebi Yulá*(Mateo 19:13-15; Luka 18:15-17)*

¹³ Aha akw bekpá nyebi ba Yesu bee, oṣuṣu ibi dínka amósó, táme mu akasípó amu bowa iyin wá amó. ¹⁴ Bréá Yesu lówun a, oṣlṣ lẹkítá mu. Múú òlẹbláa akasípó amu òbée, “Mliha nyebi ámu okpa abuba mí wá. Mlímátin amú okpa, tsúfẹ ahá ánfí odu bú Bulu iwíegyi ámu ni. ¹⁵ Ọ̀nọkwali nde mli bláa. Ọ́hà ání ọ̀mọ̀họ Bulu iwíegyi amu fẹ́ kebi á, omóowie mótó.” ¹⁶ Múú òlẹlatá amú pútá, pú ibi dínđínka amósó, oloyulá amó á.

Atonyahé Iwí Atosundhé*(Mateo 19:16-30; Luka 18:18-30)*

¹⁷ Bréá Yesu lóṣu okpa oṣy á, oyin oku lésrí ba bẹda akpawunu mu ayabito fité mu òbée, “Osunápó yilé, ntọ nóbwe asa nénya nkpa ání itamatá?”

¹⁸ Yesu léfité mu òbée, “Ntogyi só fude mí ti oha yilé? Ọ́haa mégyi oha yilé, nkéti Bulu nkole. ¹⁹ Yéé fuyin Bulu mbla ámu dodo? Ọ́bée, mámo oha, máto mbua, máwi ató, máka asón dínká fú bású, másisií oha, bu fú sí mu fú yín.”

²⁰ Oyin ámu lébláa mu òbée, “Osunápó, tsú mí nyebito oṣá nde inu féesú gyí.”

²¹ Yesu léki mu díín, mu asón lowa mu oṣwe. Múú òlẹbláa mu òbée, “Ila sí tokukoleá fóbwe. Yefe fú iwisu ató fée, afuye kóba amu ha ahíanfó, méní fénya siadié osósó. Fobwé mú tá á, ba afubobuo ni.” ²² Bréá oyin ámu lónu asón ánfí á, iwí lowu mu. Mú sù òlẹnatí díín, tsúfẹ ọ́híé oṣu ató.

²³ Yesu léki bomlí, òlẹbláa mu akasípó amu òbée, “Ibẹ́hie wá onlun asa iwí onyapó obówie Bulu iwíegyi ámutó!”

²⁴ Bréá akasípó amu bonu asón ánfí á, onó lobwie amó. Táme Yesu lélabláa amú òbée, “Mí abí, Bulu iwíegyi ámutó wie ibẹ́hie wá onlun! ²⁵ Iṣọ̀n ha kpásó ání ọ́bótsoṣon ọ́bun-atọ ọ́bótó, dón ání iwí onyapó obówie Bulu iwíegyi ámutó.”

²⁶ Asón ánfí leha onó lehie bwíé amó. Mú sù befíté aba bee, “Mómó ma mee Bulu ọ́bóhọ nkpa?”

²⁷ Yesu léki amú díín, òlẹbláa amú òbée, “Tóá idon nyankpusa bwe mọ́dón Bulu, tsúfẹ Bulu mu tetáli bwé tógyító.”

²⁸ Múú Petro lébláa mu òbée, “Yéé aní mú anilasi tógyító tswi bobuo fu o!”

²⁹ Yesu lébláa mu òbée, “Ọ̀nọkwali nde mli bláa. Ọ́hagyíoha ání olesi mu wóyí, mu apíó, mu si muva mu yin, mu abí ntée mu ọ̀sọ̀lọ̀w ọ́magyáa, mía mí ason wankláán ámu sù á, ³⁰ ọ́bélanyá mu wóyí, mu apíó, mu ayín, mu abí pú mu agyapadié ámu odu tsé lafa séí. Bédunká mu sù é séí, táme obénya nkpa ání itamatá bré ámuó ibá ámutó. ³¹ Táme agyankpapu tsotsọ́tsọ́ héba bemli amapu, amapu é héba bemli agyankpapu.”

Yesu Lowu Iwí Asón Bli Otse Saasi*(Mateo 20:17-19; Luka 18:31-34)*

³² Yesu muva mu akasípó amu bọṣu okpa bọṣy Yerusalem wúluto, Yesu gyánpká. Iṣọ̀wa amú wánwan, ifú lẹkítá ahá ámuó bobuo amú ámu. Múú òlẹkpa akasípó dúanyọ́ ámu ya itsétó, ọ́letrá bláa amú tóá ibéba mu sù. ³³ Ọ́bée, “Minu! Ní awíé Yerusalem a, béle mí, Nyankpusa-Mu-Bi ánfí há Bulu igyi ahapó dehen pú Mose mbla asunápó. Béha mí lowu ipón, pú mí wá ahá ání bomegyi Yudafọ́ ibito. ³⁴ Bóbwe mí ahinlá, tú atsonó wólí mí, nwén mí mpli, mó mí, táme eke saási a, Bulu ọ́bókọ́sọ́a mí tsú afúlitó.”

Ọ́hande Osúm Mu Aba*(Mateo 20:20-28)*

³⁵ Sebedeo abí Yakobo muva Yohane bọkpọkpé mantáa Yesu bláa mu bee, “Osunápó, anidékéá fubwée tku ha aní.”

bian m̄s̄v̄. ⁸ Amótó ahá ts̄ots̄ots̄o beyai amó atati tswi okpat̄o, aku é bebiabía afitáa bunbun okpa ám̄s̄v̄. ⁹ Ahá amóú b̄ugya Yesu nkpá móa oma am̄o b̄as̄w̄á okit̄ik̄iti b̄e, “Hosiána! Bulu oyúla ohá ánf̄i obá an̄i W̄ie dát̄o ánf̄i! ¹⁰ Bulu oyúla an̄i náin Dawid iw̄ieḡyí amóú íbá am̄! Hosiána b̄u os̄ós̄ós̄ó!”

¹¹ Bréá Yesu lówie Yerusalem a, ol̄oȳo Bulu ot̄swékpa, ol̄owa ansí k̄i tóḡyít̄o wunsinés̄o in̄u wankl̄án. Owí lap̄on. Mó s̄v̄ m̄va m̄u akasíp̄o dúanȳo ámu beyinkí yó Betania wúlut̄o.

*P̄onto Oyí Lwí
(Mateo 21:18-19)*

¹² Oyi kéhe bréá beyinkí tsú Betania bebá á, akón de Yesu. ¹³ Olowun p̄onto kvá ilahíe p̄óí s̄ís̄i, ilí mantáa okpa. Ol̄oȳo yéki b̄e obénya kv̄ mót̄. Táme olowie mó as̄i á, afitáa sóón b̄u m̄s̄v̄, tsúf̄e oyí ámu swiebí m̄kóf̄on. ¹⁴ Inu ol̄ebláa oyí ámu ob̄e, “Tsú nde p̄óya a, ohaa méetrá gyi f̄o abi swiehé.”

M̄u akasíp̄o am̄u é bonu asón ánf̄i.

*Ibia Agyíp̄o Gyá Le Bulu Ot̄swékpa Wunsinés̄o
(Mateo 21:12-17; Luka 19:45-48; Yohane 2:13-22)*

¹⁵ Bréá bowie Yerusalem a, Yesu l̄oȳo Bulu ot̄swékpa wunsinés̄o. In̄u ol̄owa ató afep̄o p̄o ató ahóp̄u am̄u aná f̄é gyáa dal̄i in̄u bi. Olowuwíta k̄óba atsép̄u mp̄ónú dá, s̄úns̄únk̄i abr̄ód̄oma afep̄o mbíá dá. ¹⁶ Om̄eha ató ofep̄o ok̄v̄o os̄w̄ra m̄u ató fehé ka ts̄on Ot̄swékpa wunsinés̄o in̄u kóráá. ¹⁷ Olosuná amó ató ob̄e, “Bom̄wanl̄in wá Bulu as̄on wanl̄inhé am̄ta b̄e, ‘Béti mí ot̄swékpa b̄e, omá f̄éé mpáí obokpá?’ Táme ml̄ilap̄o in̄u ml̄i awikp̄lu ohaínkpá.”

¹⁸ Bréá Bulu igyí ahap̄o dehen p̄o Mose mbla asunáp̄o am̄u bonu t̄óá alabwé á, bodunká okpa áni b̄áts̄on m̄s̄v̄ mó m̄u. Benya ifú, tsúf̄e m̄u atosunáhé am̄u leha on̄o lobwie od̄om am̄u.

¹⁹ Bréá owí lap̄on a, Yesu m̄va m̄u akasíp̄o bedal̄i wúlu am̄ta.

*Hóḡyi Iw̄i Atosundhé
(Mateo 21:20-22)*

²⁰ Bréá bodets̄oon nyank̄i a, bowun áni p̄onto oyí ámu ilawú tsú mó os̄o beyi as̄i. ²¹ Inu Petro lékaín asón áni Yesu lébláa p̄onto oyí ámu. M̄óú ol̄ebláa Yesu ob̄e, “Osunáp̄o, k̄i, p̄onto oyí amóú f̄olwí ámu ilawú!”

²² Yesu lébláa amó ob̄e, “Ml̄ih̄o Bulu gyi. ²³ Onokwal̄i nde ml̄i bláa, ohagyíoha áni ob̄ebláa íb̄u ánf̄i ob̄e, ‘P̄úli yowie op̄to’, omegyi nw̄ēn m̄u kl̄ont̄o, olohogyi áni asón am̄o mabl̄i ámu íb̄eba mót̄ á, íb̄opulí yó. ²⁴ In̄i s̄v̄ nde ml̄i bláa mb̄e, tóḡyít̄oá ml̄kólí Bulu á, ml̄ihogyi áni ml̄idanȳa mó dodo. Ml̄i íb̄i b̄éda mó. ²⁵⁻²⁶ Ní ml̄l̄í ml̄id̄é mpáí b̄o, ok̄v̄ asón b̄u ml̄i kl̄ont̄o á, ml̄isi ohá ámu lakpan kie m̄u, mén̄i ml̄i Sí amóú ob̄u os̄ós̄ó am̄u é ob̄ési ml̄i klé kíe ml̄i.†”

*Yesu Túmi Iw̄i As̄on Fitéhé
(Mateo 21:23-27; Luka 20:1-8)*

²⁷ Yesu m̄va m̄u akasíp̄o am̄u betrá yinkí ba Yerusalem. Bréá ona odeki Bulu ot̄swékpa wunsinés̄o in̄u á, Bulu igyí ahap̄o dehen, Mose mbla asunáp̄o p̄o Yudafo ahand̄e am̄u beba m̄u wá. ²⁸ Befité m̄u b̄e, “Túmi m̄am̄u f̄od̄epubwé ntobí ánf̄i? Ma léha f̄o túmi ámu?”

²⁹ Yesu lélé mó on̄o ob̄e, “Nf̄ite ml̄i as̄on kua kv̄le. Ní ml̄elé mó on̄o há mí á, mí é nébláa ml̄i túmi od̄uá nd̄epubwé ntobí ánf̄i. ³⁰ Bulu wá Asú Ob̄op̄o Yohane lénya túmi p̄ób̄o ahá asú lóó, nt̄e nyankp̄osa? Ml̄ibla ml̄i!”

† **11:25-26** Mót̄s̄ yéé 26 b̄u nw̄ol̄o dada am̄u akoto: Táme ní ml̄m̄és̄ik̄ié ahá a, ml̄i Sí amóú ob̄u os̄ós̄ó am̄u é om̄és̄ik̄ié ml̄i.

³¹ Amó wolewòle bọyọ asón ánfító bẹẹ, “Ní abli aniaa itsú Bulu wá á, ọbéfíté aní ọbée, mọ ntogyi sọ mlumóhọ mọ gyi? ³² Ntée abli aniaa itsú anyánkópọsa wá?” Táme bude ahá ámu ifú nya, tsúfẹ amó fée bohogyi aní lélé Bulu ọndós ọtópó onutó Yohane gyi. ³³ Mú sù bele mọ ọndó bẹẹ, “Ohwée! Anuméyín ọtínéá oleya mọ túmí tsú.”

Mú Yesu é lẹbláa amó ọbée, “Mómú mí é mméεbláa mli túmí oduá ndeεubwé ntobí ánfí.”

12

Apafọ Laláhe Akv

(Mateo 21:33-46; Luka 20:9-19)

¹ Yesu lówa amó asón bláa ayébitó bi. Ọbée, “Oyin ọkú lódó wáin ndó. Olegyi iban bómlí mọ. Olokwi wáin amu onyimékpá, ọlọpwe obu fúáhé kú há ndó ámu agyópu. Mú ọlọpu ndó ámu wá apafọ ibitọ, olotu ọkpa. ² Bréá wáin-abí ámu kpatíbi lẹfun a, ọlọwa mọ osúmpọ apafọ ámu wá ọbée, ọyóhọ mọ ogyikpá ba mọ. ³ Táme apafọ ámu bekítá mọ, dá mọ, gya mọ sísí ibikpan. ⁴ Ndo mọ wie amu létrá wa mọ osúmpọ nyọsọ amó wá. Apafọ ámu beda mọ é, pílan mọ nwwntọ, sópa mọ. ⁵ Ọlẹtrá lawá ọbambá. Mọ mọ á, bọmọ mọ. Alí kén bọbwe atráhe é ní. Beda akú, mọ akú é. ⁶ Ilesi mọ onutó mọ bi ọkọle péá ọtamatsúlá mọsú. Ọkí ọbée, bóbu mọ mọ. Mú sù ọlọwa mọ é. ⁷ Táme apafọ ámu beblí bẹẹ, ‘Ọni ọbégyi mọ sí ató ní. Mliha amọ mọ, méní ndó ámu ibémlí aní klé.’ ⁸ Mú sù bekítá mọ, mọ mọ, tswi mọ dálí ndó ámutọ.

⁹ “Ékéá ndó mọ wie amu ọbá á, ntọ mlílahogyi mliua ọbóbwe apafọ ánfí? Ọbéha bọmọ amó. Ọbélapọ ndó ámu wá apafọ bámbá ibitọ. ¹⁰ Ntée mlumókókla Bulu ason wanlínhé amú kí? Bọwanlín bẹẹ, ‘Ibwi ámú ọbú ayípu bekiná ámu

lébe mlí okonkísóbwi ní.

¹¹ Bulu lóbwe mọ alí.

Ibú wánwan.’ ”

¹² Iwú Yudafo ámu bekleá békítá Yesu, tsúfẹ bebí aní amó sù alahá yébi ánfí, támé bude ọdọm amú ifú nya. Mú sù benatí sí mọ.

Lampóoka

(Mateo 22:15-22; Luka 20:20-26)

¹³ Ọma a, bọwa Farisifo pọ Owíe Herode ahá bẹẹ, bọyétetéé Yesu ọndótó asón nu, abonyá mọ akitálé. ¹⁴ Bréá beba mọ wá á, bebláa mọ bẹẹ, “Osunápọ, aniyin aní ọnọkwalıpu fugyi. Futamahá ọhaa ọtse fú agywun, tsúfẹ futamakí ọhaa ansító. Mboún Bulu asón ámú igyi ọnọkwalı amú fodesuná. Mú sù anidé fú fité anu. Aní mbla lẹha ọkpa aní akáa lampóo ha Roma owíe dehen Kaesare, ntée anumáka?”

¹⁵ Yesu lébi aní bókí ansí. Mú sù ọlẹfíté amó ọbée, “Apinabwebí abwepọ, ntogyi sọ mlidé mí sọó kí? Mlitsú kóba amú iku ba mí anki.”

¹⁶ Bọpọba mọ. Mú ọlẹfíté amó ọbée, “Ma nwun pọ mọ idá dín mósú?”

Bele mọ ọndó bẹẹ, “Kaesare.”

¹⁷ Mú ọlẹbláa amó ọbée, “Mómú mliwu tóá igyi Kaesare klé ha Kaesare, amliwu mọá igyi Bulu klé é ha Bulu.”

Mú iwí lówa amó ifú.

Kusó Tsú Afúlitó Iwí Asón Fitéhé

(Mateo 22:23-33; Luka 20:27-40)

¹⁸ Ọpasua kọá bọtetí mọ Sadukifo akú beba Yesu wá. Bogyi ọpasua kọá bọteblí bẹẹ, kusó tsú afúlitó ma iwú. Befíté mọ bẹẹ, ¹⁹ “Osunápọ, Mose lówanlín tswi aní ọbée, ‘Ní ọkú mva mọ ka bọmọkwí asa olowu sí mọ ka ámu a, mọ pio otsú

mu ka ámu tsia, fêki òkwu ha owupó ámu.’ ²⁰ Oyin òkòlè abí abasiénó aku betsiá. Amótó ogyankparu létsiá òká, táme òmòkwí asa olowu. ²¹ Mu gyama lótsu òsurapuka amu tsia, táme mu é òmòkwí. Òsaasi lótsu òtsi ámu tsia. Mu é òmòkwí. ²² Alu yótu osienósí amu. Amótó òkòkò mòkwí asa olowu. Òma-òma a, òsurapu amu é lóbowu. ²³ Afúli òkòsóké a, amótó òmòmu òbóbwe mu kulu? Tsúfè amó abasiénó ámu fèé betsiá mu.”

²⁴ Mób Yesu léle mú ònó òbée, “Megyí mli ológyi. Mli méyín Bulu ason wanlinhé amu ntéé Bulu túmi. ²⁵ Tsúfè ní afúli bókósú á, bóbwe fè Bulu-abòpu. Bòméetsiá aká móa akúlu. ²⁶ Táme afúlikòsú iwí mú á, yéé mli lakla Mose òwóló, ní asón ámó Bulu lébláa mu dimbísó bréá olowun oyíbi ku de ogyá tsií, táme umédéhó amu? Òbée, ‘Mígyí mli anáin Abraham mu Isak pò Yakob Bulu ámu ní.’” ²⁷ Inu òlebláa amó òbée, “Megyí awupó Bulu ógyi, akiankparu Bulu ógyi. Mli mú mli afwí fèé.”

Bulu Mbla Amoto Mób Idon
(Mateo 22:34-40; Luka 10:25-28)

²⁸ Mose mbla asunápó amoto òkòlè lóbòtu amó inu, olonu asón ání budebití. Olowun ání Yesu lalé Sadukifó ámu asón ònó wankláán. Mú su òlefíté Yesu òbée, “Bulu mbla ámoto mòmò dón?”

²⁹ Yesu léle mú ònó òbée, “Bulu mbla ámoto móa idon ní. ‘Israelfó, mli nu. Bulu òkòlè pé aní Wíe Bulu gyí. ³⁰ Mú su pu fò klón, fò òkláa, fò agywuun pò fò òwónlín fèé òwé fò Wíe Bulu.’” ³¹ Mú nyòòsi é gyí, ‘Òwé fò bá fè fò iwí.’ Mbla kòkò itráa ma inu á idon ínú.”

³² Mbla osunápó amu lébláa Yesu òbée, “Osunápó, fablí òmòkwali. Aní Wíe Bulu nkòlè pé bu inu, òkòkò trá òma inu. ³³ Apóu aní klón, aní agywuun pò aní òwónlín fèé òwé mu, adwe aní aba fè aní iwí. Idon mbwí tóhé pò afòdié kugyíku.”

³⁴ Yesu lówun ání alabí lé asón ámu ònó wankláán, òlebláa mu òbée, “Fòma ifó Bulu iwígyí ámoto.”

Mú òma a, òhaa métrá wa klón fité mu asòansu.

Ma Gyí Kristo Amu?
(Mateo 22:41-46; Luka 20:41-44)

³⁵ Bréá Yesu dé ató suná Bulu òtswékpa nwunsinésú inu á, òlefíté òbée, “Nkálí sò Mose mbla asunápó amu betalí blí bée, Owíe Dawid mu na gyí Kristo, (òhá ámó Bulu léda mu ofúli amu)?” ³⁶ Tsúfè Òje Wankíhé léha Owíe Dawid onutó léblí òbée,

‘Aní Wíe Bulu lébláa mí Wíe òbée,

“Tsia mí gyòpí nfi

yófun bréá néha fétatsáa fò alupósú.”’

³⁷ Owíe Dawid onutó létí mu òbée mu wie. Nkálí su òtráa ogyi mu na?”

Asón ání lówa òòm kpankpankpanntí ámóú befia bomlí mu amu òdwe, bòpu ansigyí ní mu asón.

Mose Mbla Asunápó Tsiatís
(Mateo 23:1-36; Luka 20:45-47)

³⁸ Yesu léblí mu atosunáhé amoto òbée, “Mlíki wankláán Mose mbla asunápósú. Butekle ligá wa náti kí, butekle bée, ahá bóbún ha amó itsiá ònsu. ³⁹ Otsiákpá yilé butekle tsiá Yudafo ofiakpa pò nke ogyíkpá. ⁴⁰ Botesisi asòrapu, swíí amó amó wóyí. Butekina bò mpáí tintíntín ahátó póbun amó lalahesu. Bulu òbébití amó isò kinkínkín!”

Òsurapu Òkò Tswitswí
(Luka 21:1-4)

⁴¹ Yesu létsiá mantáa tswitswi dáka Bulu ɔtswékpa inu, ɔde ahá kú buɔɔpɔ amó tswitswi bɔwa mótó. Ahá ání amó ibito bu odwin buɔɔpɔ kóba akpɔnkpɔnti bɔwa. ⁴² Inu ɔsurapu ɔkúá ɔma toto é lópu mu kóba-ana bɔwa dáka ámuto. ⁴³ Móbú ɔleti mu akasípó amó ba mu wá, ɔlebláa amó ɔbée, “Ɔnɔkwali nde mli bláa, tswitswiá ɔsurapu anfi ɔma toto lawá á, idon ɔhagyíaha klé. ⁴⁴ Tsúfě atráhe amu fěé á, amó kóba tsɔtsɔtsɔ balé kpalobi tsú bɔwa. Táme iná ɔsurapu anfi mó má toto su tóá ɔbu fěé alapú bɔwa á.”

13

Bulu ɔtswékpa Amu Bwie

(Mateo 24:1-2; Luka 21:5-6)

¹ Bréá Yesu lédalí Bulu ɔtswékpa wunsínésó inu ɔyó á, mu akasípó amuto ɔkole lébláa mu ɔbée, “Osunápó, kí mbu wankláán pú abwi akpɔnkpɔnti anfi bɔpuyi mó anfi akilé!”

² Móbú ɔlebláa mu ɔbée, “Yée fawun mbu akpɔnkpɔnkpɔnti anfi? Bóbwie mó fěé bun. Ibwí kole kóráá méesian dunká mó básó.”

Iwiasin Mba Ikplán

(Mateo 24:3-14; Luka 21:7-19)

³ Bréá Yesu tsie Nfɔ-nyíbu ámusu, ɔde Bulu ɔtswékpa mbu ámu kí a, Petro, Yakobo, Yohane mba Andrea nkole befíté mu bée, ⁴ “Bla aní, bré mɔmuto iní fěé béba? Osúna mɔmú é ɔbéba, ibósuná ání mó bré lafɔn?”

⁵ Inu Yesu lébláa amó ɔbée, “Mlíki wankláán, méní ɔhaa méemlé mli. ⁶ Ahá tsɔtsɔtsɔ bópu mí dá ba bée, amógyí Kristo amu ní. Bémlé ahá tsɔtsɔtsɔ bófwi ɔkpa. ⁷ Ní mlonúá isá ladá mantáa mli ntée ɔtneke á, opúní mátsíi mli Tsúfě lehián ání iní aná fěé béba, táme imedésuná ání ɔyí ɔnómaké ámu lafɔn. ⁸ Tsúfě ɔmá bókó aba. Awíe bókusó líí abasu. Ɔsolóbu békpinkí ntíné-ntíné. Akón é béba. Iní fěé igyi fě iwiasin ání ɔtsi towun bréá ikwí de mu dwiín.

⁹ “Mó su mli mó mlíki mli iwí wankláán. Tsúfě mí su bópu mli há Yudafɔ asón agyípó, béda mli amó ofiakpa awúlu-awúlu. Békpa mli ya ɔmású agyípó pú awíe ansító, méní mlégyi mí iwí adánsie. ¹⁰ Táme ilehián ání bégýankpá dá ason wankláán ámu akan suná ɔyító ahá fěé. ¹¹ Ní bekítá mli ya a, mlimágywín asón ání mléblí. Mlíbli asóngýiasón ání Bulu ɔbópɔwá mli ɔnó alí bré ámuto. Tsúfě megyí mli onutó ɔbótáí, Ɔhe Wankihé ɔbótáí tson mlisu.

¹² “Apíó béle amó apíó há lowu. Abí así béle amó abí há. Abí é bókusó líí amó akwípósó, há bómó amó. ¹³ Mí su ahá fěé bólu mli, táme ní mlétalí wá klɔn líí kinkíínkín yófɔn mó ɔnómó á, Bulu ɔbóhɔ mli nkpa.

Iwiasin Wúunbi

(Mateo 24:15-28; Luka 21:20-24)

¹⁴ “Táme ní mlowun akisítá itobwíé ɔmá, ida ɔtínéá mlimédín ansí ání ibéba a, (aklápɔ, mlinu mó así.) Mómú ahá ání bɔbu Yudea ɔmátó busi yɔ abusu.

¹⁵ Ɔhá ání ɔdin obusu mákpíi botsu toto obuto! ¹⁶ Ɔhá ání ɔbu ndoto é máyinkí botsu mu tati. ¹⁷ Amenyapó pú abí-ayín ání bɔpia abí bɔbwe alí bré ámuto, bɔgyóyí ní! ¹⁸ Mlíkokoli Bulu mlíaa, mli ɔsríké amu imábwe nyankpɔ mba atsalíbi. ¹⁹ Tsúfě ason wunhe ání ibéba alí bré ámuto odu mókóba tsú bréá Bulu lóbwe ɔyí ɔpá kí. Mó odu kókó é iméetrá ba ekekeke. ²⁰ Ní Bulu médinkí nke ámusu á, tekí ɔhaa méesian ɔyító. Táme ahá ámóú alalé póbwé mu kle amu su aladínkí nke ámusu.

²¹ “Alí bré ámuto á, ní ɔku lébláa fu ɔbée, ‘Kí, Kristo, (ɔhá ámóú Bulu ladá mu ofúli amó) bu nfi ntée nána’ á, máhógyi. ²² Tsúfě ahá ání bée amógyí Kristo amu pú ahá ání bɔwa afunu bée, Bulu ɔnósú atáípó bɔgyi tsɔtsɔtsɔ béba ɔyító.

Bóbwe ofúla pú osúna pómle ahá. Ní bétali kórará á, bémlé ahá ámóú Bulu lalé ámu é. ²³ Táme mlíkí wankláán! Nabláa mli tógyító asa íbéba.

Nyankpusa-Mv-Bi Amu Ibábi
(Mateo 24:29-31; Luka 21:25-28)

²⁴ “Iwásun wúun amu ama a, owí obéta, otsra é oméetrá fée. ²⁵ Ntsrakpabi békpa tsú osósú beda. Nwólótáa móa mótó ató fée békpínkí. ²⁶ Ohagýíoha obówun ání mí, Nyankpusa-Mv-Bi ání napó túmi móa numnyam kpónkpónti mbo nwólótáato tsú osósú nebá. ²⁷ Iwu Bulu obówa mu abọpọ bẹyẹkpa mu ahá ámóú alalé ámu tsú oyí afonka ana ámu féesú.

Oyí Onómo Iwi Osúna
(Mateo 24:32-35; Luka 21:29-33)

²⁸ “Mlípókí pònto oyí. Ní mú abámbi depói, ide ate pọpwe le á, mlitebí ání awikpan bré lafun. ²⁹ Alí kén, ní mlowun ání ntobí ání fée ide mótó bá a, mlébi ání mí, Nyankpusa-Mv-Bi ání íbábi lafun ta ní. Nawíe wóyí ámu onó tá. ³⁰ Onakwalí nde mli bláa. Ndemba-abí anfi fée bómóowu tá, asa iní fée béba mótó. ³¹ Osó móa así fée bótson, táme mí ason blíhé móatsun ekekeke.

Nyankpusa-Mv-Bi Amu Ibábi
(Mateo 24:36-44)

³² “Táme ohaa méyín eke ntée bréá ntobí ání fée íbéba. Bulu-abọpọ bómeyín. Bulu mu Bi ámu é méyín, nkéti aní Sí ámóú obu osósú ámu nkole pé yin. ³³ Mlídinka ansí iwísu, tsúfẹ mlímeyín ekeá bré ámu íbófón. ³⁴ Igyí fẹ okwá ode okpa tu, olesi mu wóyí wá mu asumpó íbita. Ojeha okugyíaku agyómá obée obwée. Ojlebláa wóyí ámu ogyópọ é obée, oyírí iwí ogyo wóyí ámu wankláán. ³⁵ Mú su mlídinka ansí iwísu, tsúfẹ mlímeyín bréá wóyí mu wie amu obéba. Fíalí ntópwe o, oyí-nsuné o, bake o, ntée nyankí. ³⁶ Mlídinka ansí iwísu, méní obá bofwie mlító á, omabọtu mli ání mlídídí. ³⁷ Asón ání nde mli bláa anfi kén nde oyító ahá fée bláa. Mbée, ‘Mlídinka ansí iwísu.’ ”

14

Bekiklí Yesu Nwunsu
(Mateo 26:1-5; Luka 22:1-2; Yohane 11:45-53)

¹ Plesi nkenyó Yudafo abogyi Israelfosu Katsun Nke pú Bodobodo MátuhéNke. Alí bré ámúto Bulu igyí ahapó dehen pú Mose mbla asunápó bodunká okpa ání bótson músó kítá Yesu nájinto, mó mu kokooko. ² Táme beblí be, “Megyí Katsun Nke ánfito abómọ mu, méní kpokiti méeda omá ámúto.”

Ofobi Fánfánfán Pwólí Yesu
(Mateo 26:6-13; Yohane 12:1-8)

³ Bréá Yesu bu Betania wúluto, Simon okwá alalé ọlọ pẹpẹ kí wóyító ode ató gyí a, ọtsí okwá léba mu; ode prentwa wankláán kwá ofobí fánfán ání ọbú íbíá bu mótó. Oletí mú onó, oletseí ofobí ámu wólí Yesu nwuntó. ⁴ Ako bobu muá muwa amú adwe. Befíté aba be, “Ntogyí só ode ofobí ání yintá? ⁵ Tekí abétalí fẹ ofobí fánfán ání, mú íbíá bódun obakóle ofi okole ikóká ání, póhá ahíánfó.” Behie wá iyn wá ọtsí ámu.

⁶ Táme Yesu léblí obée, “Mlisi mu! Ntogyi só mlídé mu háan? Ito yilé alabwé há mí. ⁷ Ahíánfó bétsiá mli wá ekekegyíeke. Brégyíbréá mlídéklé a, mlétalí wá awítọle há amú, táme mí mú mméetsiá mlító yó. ⁸ Alabwé móa obétalí pólá mí ayulóbú yáí há mí opuláké. ⁹ Onakwalí nde mli bláa. Yító otinegyíótínéá bédá Bulu ason wankláán ámu okan a, béblí tó ání ọtsí ání labwé ání pókáín mu.”

Yuda Iskariot Lótsulá Aní Ǫbèle Yesu Há

(Mateo 26:14-16; Luka 22:3-6)

¹⁰ Mú ǫma a, mu akasípó dúanyo ámuto ǫkoleá botetí mu Yuda Iskariot lóyówun Bulu igyí ahapó dehen amu, méní Ǫbèle Yesu há amó. ¹¹ Bréá bonu asón ánfí á, ílehíe wá amó Ǫdwe. Behíe mu así aní béka mu íka. Mú su olodunká ǫkpa aní Ǫbótsɔn mósó lé Yesu há amó.

Katsɔn Atogyihe Gyi

(Mateo 26:17-25; Luka 22:7-14, 21-23; Yohane 13:21-30)

¹² Bodobodo MátúhénKe ámuto eke gyankpapwá bɔtamó Israelfɔsu Katsɔn Nke akúfa lǫfɔn. Yesu akasípó befité mu beɛ, “Osunápó, obu mɔmuto ayela ha fu, afɔgyi Katsɔn Nketo atogyihe amu?”

¹³ Múó Ǫlwa amótó abanyó, bláa amó Ǫbéɛ, “Mliyo Yerusalem wúluto, mléfia oyin ǫkúá ǫsu ntsu-Ǫló, mlibuo mu. ¹⁴ Wóyí oduátó obówie á, mliɔite wóyí mu wie amu mliaa, ‘Nkónó afóó Ǫswúkpá bu, aní mía mí akasípó abéba begyi Israelfɔsu Katsɔn atogyihe amu?’ ¹⁵ Obósuná mli abansóru yilé kúá balá mótó yáí. Mlibwe ató ámu yaí mu.”

¹⁶ Yesu akasípó amu boyo wúlu amoto á, bowun tógyító alí amóú Yesu lébláa amó ámu pépéépe, bɔbwe Israelfɔsu Katsɔn atogyihe amu yáí mu.

¹⁷ Bréá nsaintó deklúun a, Yesu mwa mu akasípó beba mu. ¹⁸ Ató ámu ogyíkpá a, Yesu lébláa amó Ǫbéɛ, “Ǫnǫkwali nde mli bláa, mliɔto ǫkoleá mía mɔnyo ibi da Ǫlepɔto Ǫbéle mí há.”

¹⁹ Asón ánfí léhe han akasípó amu. Mú su befi así bode mu fité ikole-kole beɛ, “Mí ní lóó?”

²⁰ Yesu lébláa amó Ǫbéɛ, “Mli ahá dúanyo ánfíto ǫkoleá mía mɔnyo ibi da Ǫlepɔto Ǫbéle mí há ní. ²¹ Mí, Nyankpɔsa-Mu-Bi ánfí nówu fé alíá bɔwanlín tswi, táme Ǫhá ámúó Ǫbéle mí há ámu Ǫgyówí ní. Ní bometepí kwíí mu kóráá á, teki ibu alé há mu.”

Yesu Ntópwe Atogyihe Tráhe

(Mateo 26:26-30; Luka 22:14-20; 1 Korintofɔ 11:23-25)

²² Bréá bode ató ámu gyí a, Yesu léle bodobodo ipín, Ǫleda Bulu ipán, bíábía mótó póhá amó, blí Ǫbéɛ, “Mliho, mí Ǫyólóu ni.”

²³ Inu olotsu ntá-ewe, Ǫleda Bulu ipán, póhá amó féé bonu. ²⁴ Múó Ǫlebláa amó Ǫbéɛ, “Mí obugya ni. Mú Bulu dépɔsí mu ntam* aní alaká há ahásu ní. Bétseí mú wóli así ahá tsɔtsɔtsɔ lakpan su. ²⁵ Ǫnǫkwali nde mli bláa, mméetrá nu wán-abí ntá ánfí alu yófɔn ekeá nónu mú pópwe Bulu iwíegyí ámuto.”

²⁶ Benya wá ilu dá Bulu ipán tá alí, benatí yó Nfɔ-nyíbu ámɔsu.

Petro Ǫbóswí Ǫbéɛ Mɔmeyín Yesu

(Mateo 26:31-35; Luka 22:31-34; Yohane 13:36-38)

²⁷ Múó Yesu lébláa amó Ǫbéɛ, “Mli féé mléyínkí mí ǫma. Tsúfé Bulu Ǫnósó atóipó amu bɔwanlín wá Bulu asón ámuto beɛ, ‘Néda akúfa ǫkparú ámu lédá, mu akúfa bédasáín.’ ²⁸ Táme ní Bulu Ǫkúsóa mi tsú afúlitó á, négya mli nkpá yó Galilea Ǫmátó.”

²⁹ Petro lébláa mu Ǫbéɛ, “Ní amó féé beyínkí fú Ǫmá kóráá á, mí mú mméeyínkí ekekekeke.”

³⁰ Yesu lébláa mu Ǫbéɛ, “Ǫnǫkwali nde fú bláa. Onyeni, asa bate Ǫbéle Ǫnó tse nyó á, fósuwí pú ibi wá ogyá tse sa féɛ fɔmeyín mí.”

³¹ Inu Petro léfin yabi yi Ǫbéɛ, “Ní lowu igyi kóráá á, mméekiná fú ekekekeke.”

Alí kén atráhe amu é féé beblí ní.

* 14:24 Ntam pópwe bu nwóló dada amó akoto.

Mpáibò Getsemane**(Mateo 26:36-46; Luka 22:39-46)**

³² Boyówie otnekúá butetí unu Getsemane. Múú Yesu lébláa mu akasípó amu óbée, “Mlútsia nfi, nnyóáa mpáí.” ³³ Ólekpa Petro muá Yakobo pú Yohane buo iwí. Inu asún lehié han mu, mu ansí lere. ³⁴ Múú ólebláa amú óbée, “Asún ihíé de mí háan. Ideké mọ mí. Mlútsia nfi, amlígyo.”

³⁵ Inu ólenatí yó nkpa kpalobí, óleá akpawunu kókóli Bulu óbée, “Ní íbówa alé á, ha bré ánfí itsun misu.” ³⁶ Múú óleblí óbée, “Abba† Mí Sí, fọtetálí bwé tógyító. Ha ntá-ewe ánfí† itsun misu! Táme megyí tóá ndeklé, mbóun mọá fúdekéle íbá mótó!”

³⁷ Oleyinkí há akasípó amu wá bowun ání bọdédídí. Iní sọ ólefíté Petro óbée, “Simon, fúdedídí? Fumetalí gyo dónhwírí kúle kpán? ³⁸ Mlígyo amlíkókoli Bulu, méní mlímóowíe ísókító. Tsúfẹ ọhẹ ámu déklé, táme nyankpọsa lópọn.”

³⁹ Óletrá yóáa mpáí, bláa Bulu asun kua kúle amu kén. ⁴⁰ Óletrá yinkí ha bowun ání akasípó amu bọtráa bọdédídí, tsúfẹ dudí de amú bu. Bometalí bláa mu asansu.

⁴¹ Bréá óleba otse saasi a, ólefíté amú óbée, “Mlútráa si mlúda mlúde ókpónó da? Itsia alí ngya! Bré ámu lafun ání bópọ mí, Nyankpọsa-Mu-Bi ánfí wá lakpan abwepú íbitó. ⁴² Mlúkọsu ayọ. Mlúkí, óhá ámúú óde mí le há ámu ná á!”

Yesu Kítá**(Mateo 26:47-56; Luka 22:47-53; Yohane 18:3-12)**

⁴³ Yesu onó mesi asa akasípó dúanyọ ámúto ókúleá butetí mu Yuda lóbowie unu. Ódọm ání bọde ndayí pú nkpotí bọbuo mu. Bulu igyí ahapó dehen, Mose mbla asunápó pú Yudafo ahandé amu lówa amú. ⁴⁴ Yuda amúú ólele Yesu há ámu lébláa ódọm amu yáí óbée, “Óhá ámúú nẹlátá pútá ámu gyí óhá ámu nu. Mlúkita mu kinkíinkín, amlíkpa mu natí.”

⁴⁵ Inu ólenatí laa yó Yesu wá, yókpólí mu óbée, “Osunápó!” Ólelátá mu pútá.

⁴⁶ Inu ahá ámu benatí tó Yesu, kítá mu kinkíinkín. ⁴⁷ Táme unu alípó amúto ókúle lótswí mu ódayí kpá Bulu igyí óhapó dehen osúmíi ókú isu lé. ⁴⁸ Inu Yesu léfíté amú óbée, “Ogyo ótswapó ngyí, sọ mlílatsú nkpotí pú ndayí mlẹbá mí ókítákpá? ⁴⁹ Ntsie mlí wá Bulu ótswékpa wunsínésó unu ekekegyíeke, nde mlí ató suná, mlímékítá mí ekekeke. Iní lahá Bulu asun wanlínhé amu ílaba mótó.”

⁵⁰ Inu mu akasípó amu fẹé besrí sí mu.

⁵¹ Ilesi óyasubi ókúá óbwa ligá nkúle. Bekítá mu, ⁵² táme ólókóhí, sí mu ligá ámu wá amú íbitó, pú yaya sírí.

Yudafo Ahandé Ansító Lú**(Mateo 26:57-68; Luka 22:54-55, 63-71; Yohane 18:13-14, 19-24)**

⁵³ Bekpa Yesu ya Bulu igyí óhapó dehen wóyí. Igyí ahapó dehen, Mose mbla asunápó pú Yudafo ahandé amu fẹé bafia unu. ⁵⁴ Petro lépetí buo amú óma tsútsúútsú, alí yówíe wóyító unu. Inu oleyétsiá unu asúmpọ wá, óde ogyá núu.

⁵⁵ Inu Bulu igyí ahapó dehen pú Yudafo asún agyípó§ atráhe fẹé bodunká ahá ání bẹka asún dínká Yesusu, méní bẹlú amú asun blíhésó mọ mu, táme bọmenya.

⁵⁶ Tsúfẹ ahá tsòtsòtsò bọwa afunu dínká musu, táme amú fẹé onó lótsun ótsan.

⁵⁷ Inu akú bókọsọ ká asún dínká musu bẹe, ⁵⁸ “Anílonuá óleblí óbée, ‘Nóbwie Bulu ótswékpa anfi bapó íbí yí anfi, táme nkensá óma a, nẹlayí pópweá megyí nyankpọsa óbópọ íbí yí mótó.’” ⁵⁹ Táme amú é amú onó mọbwe kúle.

† 14:36 ‘Abba!’ así gyí, ‘Mí Sí!’ † 14:36 Ntá-ewe ánfí igyí iwọsún ání Yesu obówun. § 14:55 Yudafo asún agyípó anfi butetí Sanhedrin Griiki óblító.

⁶⁰ Inu Bulu igyí òhapó dehen amu lókusú líí amú féé ansító, òlefíté Yesu òbée, “Foma onó lé? Foma asvansu blí pólé fú iwí?”

⁶¹ Táme Yesu méle asvansu onó. Múú Bulu igyí òhapó dehen amu létrá fité mu òbée, “Bulu ámúó butekánfú ámu mu Bi gyí fú? Fógýí Kristo, (òhá ámúó Bulu léda mu ofúlí amu) ní?”

⁶² Yesu léle mú onó òbée, “Ee! Mí ní! Mlówun ání mí, Nyankpósa-Mu-Bi ání ntsie Bulu Otúmípu gɔɔpɔsu ání ndin nwoólótáasu tsú osósú nebá.”

⁶³ Bulu igyí òhapó dehen amu lékitá mu atadié bálí mú kĩaan. * Múú òleblí òbée, “Adánsié mómó anitráa anigyó? ⁶⁴ Mlilanú abususu ání alablí. Nkálí gyí mli agywíun?”

Amó féé botsulá ání olegyi pón, bómóó mu.

⁶⁵ Amótó aku bowa atsonó tutúu wólí mu bi. Bɔpu ató tin mu ansíbi, bɔfulí mu atswé, bláa mu bée, “Bulu onósú ɔ̀ɔ́ipó, suna anu òhá ání òlɔ́fulí fú itswe!” Inu agyópu amu é bedadáa mu asoto.

Petro Lóswíí Òbée Mmeyín Yesu

(Mateo 26:69-75; Luka 22:56-62; Yohane 18:15-18, 25-27)

⁶⁶ Petro lési otsie wunsinésú unu, Bulu igyí òhapó dehen amu osúmbi tshé òku léba. ⁶⁷ Bréá olowun Petro tsie ɔ̀de ogyá núu a, ɔ̀leki mú díín. Múú òlefíté Petro òbée, “Fóa Yesu Nasaretyin amu nyó ná.”

⁶⁸ Táme Petro lóswíí blí òbée, “Mmeyín tɔ̀tɔ̀ tsú asón ání fodeblí ání iwí!” Òlenatí yélí ɔ̀kpa onó, unu bate lóbun.†

⁶⁹ Osúmbi tshé ámu létrá yótu mu unu, ɔ̀lɔ̀wa ahá ámúó bulí unu ámu bláa bi òbée, “Amótó ɔ̀kule gyí oyin ání.” ⁷⁰ Táme Petro létrá swíí pú ibi wá ogyá.

Ìbɔ̀wé kpalobi á, ahá ámúó bulí unu ámu bebláa Petro bée, “Lélé mú á, amótó ɔ̀kule fɔ̀gyí, tsúfée Galileayin fú é fɔ̀gyí?”

⁷¹ Inu Petro lówa ntaam kakáa bi òbée, “Neká tógyító, mmeyín oyin ání mli dé mu iwí asón blí ání.”

⁷² Inu bate lóbun otse nyɔ̀ɔ̀si. Múú Petro lékaín asón ámúó Yesu lébláa mu òbée, “Fóswíí tse sa féé fómeyín mí asa bate òbéle onó tse nyɔ̀.” ámuwu. Múú ɔ̀lekpa isú yi, híé sú woo.

15

Yesu Pilato Ansító Líí

(Mateo 27:1-2, 11-14; Luka 23:1-5; Yohane 18:28-38)

¹ Ɔ̀yi kehe nyanki-nyanki a, Yudafó ahandé-ahandé amu féé befia kitá agywíun. Aku bɔgyi, Bulu igyí ahapó dehen, Mose mbala asunápó pú Yudafó ahandé atráhe*. Inu beha beklíi Yesu, pú mu yówa Pilato ibitá. ² Pilato léfité Yesu òbée, “Fógýí Yudafó owíe amu ní?”

Yesu léle mú onó òbée, “Ee, mú fablí á!”

³ Inu igyí ahapó dehen amu beka asón tsɔ̀tsɔ̀tsɔ̀ dínká Yesusu. ⁴ Mú su Pilato léfité Yesu òbée, “Kí asón tsɔ̀tsɔ̀tsɔ̀ baká dínká fúsú, foma mú onó lé?”

⁵ Táme Yesu méle asvansu onó. Mu su ɔ̀lɔ̀wa Pilato wánwan.

Yesu Lowu Ipón Ha

(Mateo 27:15-26; Luka 23:13-25; Yohane 18:39-19:16)

⁶ Katsun Nke kugyíkota á, igyí ɔ̀mású ogyípó Pilato amándíé ání obési obu adípótó ɔ̀koleá amó onutó budeklé há amó. ⁷ Oyin ɔ̀kuá butetí mu Baraba mu

* **14:63** Ilosuná ání asón ámu lawíé mu iwíto dóbi. † **14:68** Inu bate lóbun uma nwoóló dáda amu akoto.

* **15:1** Ahandé atráhe ání botetí Sanhedrin Griiki ɔ̀bliti.

mu aba buɗa obu alɪ brɛ ʔmʊtʊ. Bʊkʊsʊ lɪ ʔmʊsʊ, kpokiti lɛda, bʊmʊ ʔha mʊtʊ. ⁸ ʔɗɗm amʊʊ bʊyʊ Pilato wʊ yʊbwɪ ɪpa hʊ mʊ bɛɛ, ʊsi obu ʊɗɪpʊ ʔkʊlɛ ha amʊ alɪ ʔmʊʊ ʊtɛtsɪʔ bʊwɛ hʊ amʊ ʔmʊ. ⁹ Mʊʊ Pilato lɛfitɛ amʊ ʔbɛɛ, “Mɪɗɛklɛ mɪlɛa, nsiɪ Yudaɗ ʊwɪɛ anfi ha mɪ lʊʊ?” ¹⁰ ʔlɛfitɛ amʊ alɪ, tsʊfɛ ʊlowun ʔnɪ Yesu ɪwɪ ʊlu sʊ Bulu igyɪ aɗapʊ deɗen amʊ bakɪtʊ mʊ ba mʊ.

¹¹ Igyɪ aɗapʊ deɗen amʊ beɗa ʊɗm amʊ ʔnʊ bɛɛ, bʊkʊkoli Pilato, ʊsi Baraba mbʊun ha amʊ. ¹² Pilato lɛtrʊ fitɛ amʊ ʔbɛɛ, “Ntʊ mbʊwɛɛ ʔhʊ ʔmʊʊ mɪɗɛtɪ mɪlɛa, Yudaɗ ʊwɪɛ amʊ?”

¹³ Inʊ amʊ fɛɛ bʊsʊrʊ ʊkitikɪtɪ bɛɛ, “Da mʊ manta oyikpalɪhesʊ!”

¹⁴ Pilato lɛfitɛ amʊ ʔbɛɛ, “Tsitsa mʊmʊ alabwɛ?”

Tʊmɛ belasʊrʊ ʊkitikɪtɪ kʊklʊkʊbʊ bɛɛ “Da mʊ manta oyikpalɪhesʊ!”

¹⁵ Pilato deklɛʊ ʔbʊbwɛ ʊɗm amʊ ʔpɛ hʊ amʊ. Mʊ sʊ ʊlesi Baraba hʊ amʊ, ʊlɛha mʊ isʊ ʔkʊpʊ bɛpɪtɪ Yesu mɪlɪ, ʊɗpʊ mʊ wʊ amʊ ɪbɪtʊ ʔbɛɛ, bʊyɛda mʊ manta oyikpalɪhesʊ.

Yesu Ahinlʊ Bwɛ

(Mateo 27:27-31; Yohane 19:2-3)

¹⁶ Isʊ ʔkʊpʊ ʔmʊ bɛkpa Yesu ya ʔmʊsʊ ogyɪpʊ amʊ wʊyɪtʊ. Bɛtɪ amʊ aba isʊ ʔkʊpʊ ʔtrʊhɛ amʊ fɛɛ, beɗa Yesu ʊbʊn. ¹⁷ Bʊpʊ ligʊ pɛpɛ kʊ wʊ mʊ, bʊlʊ ʊbʊngʊ-awu, bʊwɛ mʊ ʊwɪɛpa bun mʊ nʊun. ¹⁸ Inʊ bʊbwɛ mʊ ahinlʊ, bɛtɪ mʊ bɛɛ, “Yudaɗ ʊwɪɛ, fʊ nkpasʊ ʊnlɪnsʊ!” Bʊtsʊwɪ ʊpɛ! ¹⁹ Inʊ bʊpʊ ʊyɪ sɪsɪ mʊ nʊwʊntʊ, tutɪu ʔtsʊnʊ wʊlɪ mʊ, dʊ ʔkpawunu mʊ ʔnsɪtʊ. ²⁰ Bʊbwɛ mʊ ahinlʊ tʊ ʔ, bʊwʊɪ amʊ ligʊ pɛpɛ amʊ, yɪnkɪʊ mʊ ʊnʊtʊ ʔtadɛ wʊ mʊ, bɛkpa mʊ dʊlɪ bɛyɛda mʊ mʊntʊ oyikpalɪhesʊ.

Yesu Da Mʊntʊ Oyikpalɪhesʊ

(Mateo 27:32-44; Luka 23:26-43; Yohane 19:17-27)

²¹ Bɛfia Kireneyɪn ʔkʊʊ bʊtɛtɪ mʊ Simon, ogyɪ Aleksandro mʊba Rufʊ ʊsɪ. Otsʊ ʔbʊ ʔsɪ ʔbʊ, bɛka mʊ hɪɛ bɛɛ, ʊsʊra oyikpalɪhɛ amʊ. ²² Mʊʊ bɛkpa Yesu ya ʔtɪnɛkʊʊ bʊtɛtɪ inʊ Golgota. Mʊ ʔsɪ gyɪ, “Nʊwun Okokobi Otsɪʔkpʊ.” ²³ Bʊpʊ ʔfʊ kʊʊ ɪteba ɪwɪʊsɪn ʔsɪ wʊ ntʊtʊ tin Yesu ʔnʊ bɛɛ ʊnʊu, tʊmɛ ʊmonu. ²⁴ Bɛda mʊ mʊntʊ oyikpalɪhɛ amʊsʊ tʊ ʔ, bɛyɛ mʊ ʔtadɛtɛ. Inʊ bʊtsʊwɪ ʔbɪ pʊkɪ ʔhagyɪʊha ogyɪkpʊ. ²⁵ ɪbʊbwɛ fɛ nyankɪ dokwebʊtʊ beɗa mʊ mʊntʊ oyikpalɪhesʊ. ²⁶ Mʊʊ bʊwanlɪn tʊʊ sʊʊ bʊdɛ mʊ da mʊntʊ oyikpalɪhɛ amʊsʊ dɪnkʊ mʊ ʔwunso bɛɛ, “YUDAɗ ʊWɪɛ.” ²⁷⁻²⁸ Bɛda ʔwɪkplʊ ʔbanyʊʊ ʔkʊ ɛ mʊntʊ nyikpalɪhesʊ tsɪʊ mʊtʊ. ʔkʊlɛ bʊ mʊ gyɪpɪsʊ, ʔkʊlɛ ɛ bʊ mʊ bɪnasʊ.†

²⁹ Inʊ ʔtsʊnʊpʊ bʊkpʊkpʊbʊ nʊwʊntʊ, blɪ mʊ ɪwɪ ʔbusʊsʊ bɛɛ, “Yɛɛ fʊ fɛɛ, fɛtalɪ bʊwɛ Bulu ʔtsʊwɛkpa amʊ, lʊpʊwɛ mʊ nkɛnsʊ ʊwɪtʊ nɪ?” ³⁰ Hʊ fʊ ɪwɪ, ʔfʊkplɪ tsʊ ʊyɪ ʔmʊsʊ ʔkɪ!”

³¹ Bulu igyɪ aɗapʊ deɗen pʊ Mʊsɛ mbla ʔsunʊpʊ amʊ ɛ bʊbwɛ mʊ ahinlʊ bɛɛ, “ʔɗhʊ ʔhʊ nkpa, tʊmɛ ʔmɛtalɪ hʊ mʊ ɪwɪ. ³² Nɪ mʊgyɪ ɪsraɛlfʊ ʊwɪɛ, Kristo, (ʔhʊ ʔmʊʊ Bulu lɛda mʊ ʊfʊlɪ) ʔ, ʔkplɪ tsʊ ʊyɪ ʔmʊsʊ ʔwun, ʔhʊ mʊ gyɪ!”

Ahʊ ʔmʊʊ beɗa mʊntʊ ʊyɪsʊ mʊ gyɪpɪsʊ mʊʊ bɪnasʊ ʔmʊ ɛ bʊbwɛ mʊ ahinlʊ.

Yesu Lowu

(Mateo 27:45-56; Luka 23:44-49; Yohane 19:28-30)

³³ Brɛʊ dʊdʊanyʊ leɗa ʔ, ʊwɪ leta ʔsʊlʊbʊ amʊsʊ fɛɛ ʔlu yʊfʊn ntʊpʊwɛ dʊsʊtʊ.

³⁴ Dʊsa ʔmʊtʊ ʔ, Yesu lʊkplʊn kʊklʊkʊbʊ, blɪ ʔbɛɛ, “Eloi, Eloi, Lama Sabaktani?” Mʊ ʔsɪ gyɪ, “Mɪ Bulu, mɪ Bulu, ntʊgyɪ sʊ fakpʊ mɪ ʔma?”

† **15:27-28** Mʊtʊ yɛɛ 28 bʊ nʊwʊlɪ dʊda amʊ ʔkʊtʊ: Inɪ lɛha Bulu ʔsʊn ʔmʊʊ bʊwanlɪn tsʊwɪ amʊ lɛba mʊtʊ. ʔsʊn ʔmʊ gyɪ, “Bɛkla mʊ wʊ lakpan ʔbwɛpʊtʊ.”

³⁵ Ahá amóú bulí unv ámuto akv bonu asón ánfí, beblí bee, “Mlunu, òde Elia kpólí.” ³⁶ Inu amótó òkv lésrì tsú òsapa, pódá ntá òdáuto, poyí oyísú, tsú mó fúa pótin mu ònò òbée, onúu. Múú òleblí òbée, “Mlilu akí bee, Elia òbéba besíeí mu lé oyí ámusu?”

³⁷ Inu Yesu lókpìlun kóklókóú, òlele òhè.

³⁸ Inunv Bulu lébalí tatiá bəpuká òtswékpa obu ámuto anyo, tsú awunso beyi asi. ³⁹ Bréá isá akəpó òhandeá òlú Yesu ansító òdekú lówun alá Yesu léle òhè tráhe a, òleblí òbée “Lélé, Bulu mu Bi oyin ánfí gyí!”

⁴⁰ Atsi akv é bulí ifóntó budekú sísi. Amótó akv gyí, Magdalayintse Maria, Salome pó Maria ání òlòkwí Yakobo muv mu gyama Yosef. ⁴¹ Amó é betsiá bu Yesu, tsíá kí musv bréá òbu Galilea. Atsi tsòtsòtsò akvá bobuo mu ba Yerusalem é bəbuv unv.

Yesu Pulá

(Mateo 27:57-61; Luka 23:50-56; Yohane 19:38-42)

⁴² Eke ámu igyi ekeá Yudafó butəpólá iwí asa butegyí amó òkpónó òdaké. Bréá owí depón a, ⁴³ Arimateayin Yosef lówa ikun yó Pilato wá yókulí mu òbée, osíi Yesu fúli ha mu amopula. Yudafó asón ogyípó ogyi, butobú mu. Mu é òde Bulu iwíegyí ámu òkpa kí. ⁴⁴ Iləwa Pilato wánwan ání Yesu lawúna wu. Mó sv òletí mu isá akəpó òhande, fité mu ní olowu ilawá òpá. ⁴⁵ Bréá isá akəpó òhande amu lótsulá músó á, Pilato lési fúli amu há Yosef. ⁴⁶ Múú Yosef lóhə òhráda, òlɔyɔ yésíeí Yesu lé oyí ámusu, kíklí mu wá òhráda ámuto, tsú mu yópulá òbó kóá beda butát, olemináa ibwi yiléyílé kv tin òbó ámu ònó. ⁴⁷ Magdalayintse Maria muv Yosef mu yin Maria bowun Yesu opulákpá.

16

Yesu Kvsó Tsú Afúlitó

(Mateo 28:1-8; Luka 24:1-12; Yohane 20:1-10)

¹ Yudafó òkpónó òdaké ámu ilòtsun a, Magdalayintse Maria muv Yakobo mu yin Maria pó Salome bohə ofobi fánfán kv bee, beyékpa Yesu fúli amu. ² Kwasiada nyanki, bréá owí lopwíe a, bəyɔ Yesu opulákpá unv. ³ Bréá bəna òkpató á, amó wulewule bude aba fité bee, “Ma abénya obémináa ibwi ámu lé òbó ámu ònó há aní?” ⁴ Botsu ansí kí a, bamína ibwi ámu lé òbó ámu ònó dodo. Ibwi ámu léhíe móní. ⁵ Bréá bebitwíe òbó ámuto á, bowun ání òyasubi òkv lówa ligá futútúútú, otsie òbó ámu gyəpísv. Ifú lékitá amó.

⁶ Oyasubi ámu lébláa amó òbée, “Mlumánya ifú. Nawun ání Yesu Nasaretyin amóú beda mántá oyikpalíhesv ámu mlidédunká. Bulu lakósúa mu, òma nfi. Mlúkí òtíné ámóú bopulá mu amu. ⁷ Mliyebláa mu akasípó amu pó Petro mhaa, alagya mlí nkpá òyó Galilea òmátó. Inó mlówun mu fě alí ámóú òlebláa mlí ámu nu.”

⁸ Inu besrí dali òbó ámuto, tsúfě opúni letsii amó, ònó é lobwie amó. Mó sv bréá bəyɔ á, bəmebláa òhaa, tsúfě ifú de amó, budekpinkí kpakpakpakpa.

Yesu Iwəwanle Súná Magdalayintse Maria

(Mateo 28:9-10; Yohane 20:11-18)

⁹ [Kwasieda bəke, bréá Yesu lókvsó tsú afúlitó á, olegyankpá lé iwə wan súná Magdalayintse Maria amóú olegya òhè laláhe asienó lé muto ámu. ¹⁰ Mu é òleyébláa Yesu abúopv amóú bude mu sú, bude awíreho gyí amu. ¹¹ Táme bréá òlebláa amó òbée, Yesu lakósú, mawun mu a, bəmohogyi.

Yesu Iwəwanle Súná Mv Abúopv Abanyó

(Luka 24:13-35)

¹² Iní òma a, Yesu léle iwí òwan òkpa bámbású súná m̀v abúòp̀v abanyó bréá b̀vna b̀yó akuda, táme b̀v̀m̀òkòsí bí m̀v. ¹³ Amó é beyinkí yébláa atráhe am̀v, táme amó é b̀v̀m̀ohogyi.

Yesu Iwíwanle Súná M̀v Akasípó

(Mateo 28:16-20; Luka 24:36-49; Yohane 20:19-23; Gyumagyihe 1:6-8)

¹⁴ Iní f́éé òma a, Yesu léle iwí òwan súná m̀v akasípó dúòk̀v̀n am̀v bréá b̀v̀de ató gyi. Amó kl̀v̀nt̀ò-odwin p̀ó amó máhógyi s̀v ò̀vwa iyn wá amó. Tsífé b̀v̀m̀ohò ahá amóú bowun m̀v m̀v k̀v̀só tsú afúlitò òma am̀v gyi. ¹⁵ M̀vó òlebláa amó òb́éé, “M̀liyò òyító f́éé, am̀liye da Bulu as̀v̀n wankláán am̀v òkan ha ahá f́éé. ¹⁶ Òha aní olohogyi, b̀òbò m̀v asú á, Bulu òb̀hò m̀v nkpa, táme òhá aní omohogyi obégyi p̀ón. ¹⁷ Osúna anfi obóbuo ahá aní bohogyi ǹi. B́égya òhe laláhe mí idátó, b́éblí òblí bámbá, ¹⁸ b́ékítá awò ibitò, b́ónu afá aní it̀m̀s kugyíku, táme im̀sòb̀wé amó t̀tò. B́òp̀v ibi dínká alòp̀v̀s, iwí b́òwa amó ònl̀n.”

Yesu Òsòsú Yò

(Luka 24:50-53; Gyumagyihe 1:9-11)

¹⁹ Bréá aní Wíe Yesu lébláa amó as̀n tá á, Bulu lótsu m̀v ya òsòsú, oleyétsiá m̀v gyòp̀is̀v. ²⁰ M̀v akasípó am̀v befi así b̀v̀de as̀n am̀v òkan da òt́négýiòt́n. Aní Wíe Yesu lélí amó òma b̀yó agyómá. Ò̀lòts̀v̀n osúna aní b̀òb̀wé s̀v, wá as̀n am̀v òwònl̀n.]*

* **16:20** Mótó yée 9-20 uma nwóló dada am̀v akotò.

ASUN WANKLÁAN ANÍ Luka LÓWANLÍN

1 Onumnyampu Tiofilo:

Ahá tsotsotsò babó mbódí wanlín tóá íleba anító tswi. **2** Bòwanlín tóá ahá ámúú búbú inu tsú mó nfiási, bogyi mó asúmpó amú bowun, dá mó òkan amú bebláa aní pépéépé. **3** Onumnyampu Tiofilo, mí é nabó mbódí kwí mótó wankláan tsú mó nfiási. Mó su ndekléá nòwanlín mó pépéépé há fú, **4** ménú fèbíá ató ámúú basúná fú ámu igyi ònòkwali.

Asú Ɖòpò Yohane Kwí Asón

5 Bréá Herode dé iwíe gyí Yudea òmátó á, Bulu igyi òhapó òku létsiá, botetí mu Sakaria. Otsú Bulu igyi ahapó òpasua kwá botetí mó Abiato. Mu ka gyí Elisabet, otsú Bulu igyi òhapó Aaron abí-anátó. **6** Mwa mu ka asón da òkra Bulu ansító. Botegyí aní Wíe Bulu mbíla pú mu nhíhé féesó pépéépé. **7** Boma obí, tsúfè Elisabet mégyí òtsi kwíípó. Mwa mu kulu féesó bahíé dan.

8 Èke òku ìlòtu Sakaria aná òpasua ání amó òbéha Bulu igyi. Sakaria lýo òbu Bulu ansító òde mu agyómá yó. **9** Abi botòtswi pulé òhá ání obébitíwíe Ɖwankíkpá inu yówa òhíén ogyá, igyi ahapó ámu amándíé ònó. Botswi a, ileyi Sakariasu. **10** Bréá òde òhíén ámu ogyá wa á, òdam ání boyo òtswékpa inu féesó bulí kpankpá bode mpáá bò.

11 Bulu-òbòpu òku lébelí afòdúe-asubwi ámu gyòpísu, lé iwí òwan súná Sakaria. **12** Bréá òlowun Bulu-òbòpu amú a, òlwan, ifú lowie mu ayeto. **13** Inu Bulu-òbòpu amú lébláa mu òbéé, “Sakaria, mánya ifú! Bulu lanú fú isú. Fú ká obénya òmé kwí obi yinhé há fú. Dínka mu dá ‘Yohane.’” **14** Obí ání kwí bówa mli òdwe, wá mli ansigyí. Ibówa ahá tsotsotsò é ansigyí. **15** Tsúfè kebi ámu òbóbwe òha kpankpònti Bulu ansító. Nta bwhé koku máda mu ònó ekekeke. Ɖhe Wankíhé òbóbulá mutò tsú bréá òbu mu yin iwíto. **16** Ɖbéha Israelfò tsotsotsò bédamli klòntò ba amó Wíe Bulu wá. **17** Bulu ònósó òtáípóElia túmí pú mu òhé bétsiá mutò. Obégya aní Wíe nkpá bá. Ɖbéha abí así bódwe amó abí, òbédamli ahá ání bótòkósú lí Bulusu agywun, íbwe fè yilé abwepó klé, ménú òbéla ahá yáí wankláan há aní Wíe.”

18 Sakaria léfité Bulu-òbòpu amú òbéé, “Ntò nòpòbí ání asón ání íbéba mótó? Tsúfè mía mí ká anilapòn.”

19 Inu Bulu-òbòpu amú lébláa mu òbéé, “Mí dá gyí Gabriel. Bulu ansító òlípó ngyi. Múláwá mí òbéé, mbébláa fò asun wankláan ání. **20** Tsú nde pòya ekeá asón ání íbéba mótó á, fòto omúmu, tsúfè fòmòhò mí asun blihé anfi íbéba mó brétó anfísu gyí.”

21 Ílòbwe alí á, imòwánkí ahá ámúú bulí bogyo Sakaria amú tóá suá alawá òpá òtswékpa obutótó inu alí. **22** Bréá òledali ba a, alató omúmu. Mó su bowun ání alawun tòku obutótó inu. Iníá òmetáli tóí su á, òbòpu mu íbì mwa mu nwun bláa amó asón.

23 Sakaria létsiá òtswékpa inu yòfun ekeá òleha Bulu igyi tá, oleyinkí yó wóyí.

24 Nke ámu òma a, Elisabet lénya òmé, tsíá nájín iwí alí tsra anu kéké. **25** Elisabet léblí òbéé, “Inu mí Wíe Bulu labwé há mí ní. Alawun mí nwe, dínkí nsópa lé misó ahátó.”

Yesu Kwí Iwí Asón

26 Bréá Elisabet omé lɔhɔ tsra asie á, Bulu lɔwa mu obɔɔɔ Gabriel wúlu kuá ibɔ Galilea omátɔ, butetí mú Nasaret. 27 Bulu lɔwa mu obitebí okuá omakódí oyin wá ki, butetí mu Maria wá. Alí bré ámɔtɔ buɔɔɔ obitebí ámu há oyin okuá butetí mu Yosef, ogyi owíe Dawid mu na beɛ otsía. 28 Bulu-obɔɔɔ amu léba Maria wóyítɔ beha mu itsiá, bláa mu obéɛ, “Bulu lagiyi fɔ buale, alahíe yúlá fɔ!”

29 Asón ánfɔ leha Maria légyigyáa, ɔlefíté mu iwɔ obéɛ, “Ngya ntɔ itsiá odu ɔhá ánfɔ lahá mí alí?” 30 Bulu-obɔɔɔ amu lébláa mu obéɛ, “Maria, mánya ifú. Bulu lahíe yúlá fɔ! 31 Ki, fénya omé kwíí obi yinhé. Dínka mu dá ‘Yesu.’ 32 Ɔbɔbwe ɔha yilé. Bétɔ mu Ɔsúsúsú Bulu mu Bi. Anɔ Wíe Bulu obéyaí mu mu nain Owíe Dawid obíású. 33 Obégyi iwíe Yakob* wóyísú bré fɛé́tɔ. Mu iwíegyi mɔ́mɔ ɔnɔ ekekeke.”

34 Maria léfíté Bulu-obɔɔɔ amu obéɛ, “Nkáli ibɔbwe asa ínɔ ibéba mótɔ, tsúfɛ mmeyín oyin.”

35 Bulu-obɔɔɔ amu léle mú ɔnɔ obéɛ, “Ɔhe Wankíhé obéba fɔsɔ. Ɔsúsúsú Bulu ámu túmɔ bɔbun fɔsɔ. Inɔ sɔ ahá bétɔ Obi wankíhé amú fɔkwíí ámu beɛ, ‘Bulu mu Bi.’ 36 Ki, fɔ obusuanyin Elisabet kóráá ɔbá bɔkwíí obi yinhé mu tsidɛhen anfitɔ. Ahá beɛ, megyi ɔtsi kwííú ogyi, táme mu omé lahɔ tsra asie dodo. 37 Tsúfɛ tɔtɔ mɔ́dón Bulu bwɛ!”

38 Inu Maria lébláa Bulu-obɔɔɔ amu obéɛ, “Bulu osúmɔi ngyi. Ibá mótɔ ha mu fé alá fablí.” Inu á, Bulu-obɔɔɔ amu lénatí sí mu.

Maria Léyɛsɔndá Elisabet

39 Nke ámɔtɔ á, Maria lókulá atɔ, wa ɔsa yó Yudea abusu wúlu kutɔ. 40 Múú olowie Sakaria wóyítɔ há Elisabet itsiá. 41 Elisabet lénya nú itsiá ámu alí kebi ámu lékan iwɔ mu iwɔtɔ, Ɔhe Wankíhé lɔbɔlá mɔtɔ. 42 Inu ɔlakplón blí obéɛ, “Bulu layúlá fɔ atsi fɛé́tɔ. Alayúlá fɔ iwɔtɔ obi ámu é. 43 Iyé! Mí Wíe mu yin onutɔ lába mí wá á? Ntogyi sɔ Bulu lawá mí numnyam anfi odu? 44 Ki, nenyánú fɔ itsiá ámu alí obi ámúú ɔbɔ mí iwɔtɔ ámu lékan iwɔ ansigyísú. 45 Bulu layúlá fɔ, tsúfɛ fahogyi ání tɔá alahíe há fɔ ibéba mótɔ.”

Maria Bulu Kanfɔ Iɔ

46 Inu Maria lɔwa ibɔ obéɛ,
“Mí ɔkláa dé mí Wíe Bulu kanfɔ.

47 Mí Nkpa Ɔhɔɔ Bulu lahá ansí dé mí gyí.

48 Tsúfɛ alakáin mí mu osúmɔi ání ɔma tɔtɔ bwetósú, wun mu nwe.
Tsu séi pɔya a, abí-aná fɛé́ bɛ́blí beɛ, Bulu layúlá mí.

49 Bulu Otúmíɔ amu labwé atɔ kpɔnkɔntɔ há mí.
Ɔlowankí.

50 Otowun lín kugyíkɔtɔ

ahá ání botenyá mu ifú nwe.

51 Alapú mu túmɔ bwé atɔ akpɔnkɔntɔ,
pɔdá iwɔ atsupú nwuntɔ asón sáin.

52 Alakplí awíe mbíású,
tsú ahá ání buma tɔtɔ bwetó fɔá.

53 Alahá ahíánfɔ bamlí iwɔ anyapú,
há iwɔ anyapú banátɔ ibíkpan.

54-55 Alakpá mu asúmpú Israelfɔ.
Ɔmetán ání ɔleblí obéɛ, mówun anɔ anáin Abraham
mua mu abí-aná nwe bré fɛé́,
fé alá ɔlebláa amú.”

* 1:33 Israelfɔ gyí Yakob abí-aná.

Alí Maria lómò mu ìbò ámu onó ní. ⁵⁶ Oletsíá Elisabet wá fẹ́ tsra asa asa oleyinkí yó wóyí.

Asú Ọ̀bọ̀pú Yohane Kwí

⁵⁷ Bréá Elisabet ló̀bàkwíí á, ọ̀lòkwíí obi yinhé. ⁵⁸ Mu abusuanfò pọ̀ mu aba bonu ání aní Wíe Bulu lahié wun mu nwe. Mú sù ansí légyi amó fẹ́é.

⁵⁹ Obí ámu lénya ndawótswíí á, mu iwíswí ahá ẹ̀ba mu obuto ọ̀lekpá, abọtun mu keté, dinka mu dá. Teki ẹ̀e abọ̀pọ̀ mu sí dá Sakaria dinka mu, ⁶⁰ táme mu yin lébláa amó ọ̀bẹ́e, “O-o! Mludinka mu Yohane.”

⁶¹ Ahá ámu ẹ̀ebláa mu ẹ̀e, “Anumókónú abọtí fọ̀ obusuaninyin ọ̀kọ̀kọ̀ alí kí.”

⁶² Inu ọ̀bọ̀pọ̀ mu sí ìbì, fíté mu alíá butí kebi ámu.

⁶³ Sakaria ló̀bwe ìbì ọ̀bẹ́e butsúu tọ̀ko ha mu amowanlun mó dinka mósó, ọ̀lòwanlín ọ̀bẹ́e, “Mu dá gyí ‘Yohane.’ ” Ilofwie amó fẹ́é. ⁶⁴ Inu mu ọ̀dandù ẹ̀sankí, ọ̀lọ́tí kánfó Bulu. ⁶⁵ Ifú lekítá apíó aba ámu fẹ́é. Alí asón ánfí lekí wá Yudea abọ̀sú awúlu amú fẹ́é. ⁶⁶ Ọ̀hagyíọ̀ha ání olonu asón ánfí léfíté mu iwí ọ̀bẹ́e, “Ntọ̀ obí kebi ánfí ọ̀bọ̀pọ̀ ẹ̀kẹ̀kọ̀?” Tsúfẹ́ ọ̀lòwankí amó ání Bulu ìbì dín mu sù.

Sakaria Bulu Kanfó Ilu

⁶⁷ Inu á, Ọ̀je Wankíhé ló̀bolá Sakariatọ̀, ọ̀lòwa asón ání Bulu lapóhà mu blí bì.

⁶⁸ Ọ̀bẹ́e,

“Mliha akanfọ̀ aní Wíe Israel Bulu.

Tsúfẹ́ alabele mu ahá, há anlagyi iwí.

⁶⁹ Alalé Ọ̀họ̀pọ̀ Ọ̀wónlínpọ̀ ọ̀ko

tsú mu osúmpọ̀ Owie Dawid abusuantọ̀ há aní.

⁷⁰ (Fẹ́ alíá ọ̀leblí tson mu onósú ọ̀tọ̀pọ̀ wankíhé amọ̀sú tswí dodoodo.)

⁷¹ Ọ̀bẹ́e, méle aní tsú aní alupọ̀

pọ̀ ahá ání butamafia aní ìbító.

⁷²⁻⁷³ Ọ̀bẹ́e, mówun aní anáin nwe.

Ọ̀mẹ́etan mu ntam wankíhé amóú ọ̀leka há aní náin Abraham amọ̀sú.

⁷⁴ Ọ̀bẹ́e, méle aní tsú aní alupọ̀ ìbító,

méni abétalí sùmu, anuméenya adón ifú.

⁷⁵ Ọ̀bẹ́ha abọ̀pọ̀ mu ahá,

bwé yílé mu ansísó aní nkpatọ̀ fẹ́é.

⁷⁶ Mí bí, fọ̀ mú á, ahá bétí fọ̀ ẹ̀e, ‘Ọ̀sósúsú Bulu ámu onósú ọ̀tọ̀pọ̀.’

Tsúfẹ́ fégya aní Wíe nkpa,

lá ọ̀kpa há mu.

⁷⁷ Fébláa mu ahá fẹ́e, Bulu ọ̀bétalí họ̀ amó nkpa

tsun lakpansikíésú.

⁷⁸ Aní Wíe Bulu nwewúun sù

Kristo amú ọ̀bédalí fẹ́ owí tsú ọ̀sósú ba aní wá.

⁷⁹ Ọ̀bọ̀wankí wólí ahá ámuú butsie oklúntọ̀ pọ̀ lowu ọ̀kpasu ámu fẹ́ésú.

Ọ̀békpa aní tson iwílwíi ọ̀kpasu.”

Iní Sakaria ló̀pómú mu asón onó ní. ⁸⁰ Kebi ámu lédan, nya Ọ̀jẹ́tọ̀ ọ̀wónlín. Oletsíá dimbísú alu yófun ẹ̀kẹ́á ọ̀lele iwí ọ̀wan súná Israelfọ̀.

2

Yesu Kristo Kwí (Mateo 1:18-25)

¹ Alí bré ámu ọ̀tá á, Roma owíe dehen Augusto lówa mbala ọ̀bẹ́e, bukíá ahá ání bubu Romafọ̀ así fẹ́é, abowanlun amó adá. ² Mógyí ahákla gyankpapọ̀ ní. Alí

bré ámotò á, oyin òkòá bütetí mu Kirenio dé Siria òmásó gyí. ³ Inu su òhagyíòha lóyo dá òwanlínkpá mu onutó wúlutò.

⁴ Yosef é lèkúsú tsú Nasaret wúlu ání ibu Galilea òmátó dó yó Yudea òmátó, Owie Dawid wúlutò Betlehem. Tsúfè Owie Dawid mu na ógyi. ⁵ Mba Maria amóu bapóhá mu bée otsía, òna odwinsu ámu nyo lóyo dá ámu òwanlínkpá. ⁶ Bréá bobu Betlehem inu á, ikwí lekan Maria, ⁷ òlèkwí mu bití, ogyi oyin. Òlekiklí mu wá tatidatò, pò mu tswi mbwi atogyihe dákato, tsúfè bumenya otsiákpá afò òswúkpá.

Akúfa Akpapó Pó Bulu-abòpò

⁸ Alí bré ámotò á, akúfa akpapó aku bobu inu fón dimbitò, bude amó akúfa iwi gyo onyé. ⁹ Bulu-òbòpò lèlè iwi òwan súná amó, Bulu numnyam lówankí wólí amósó. Mó su ifú lèhe kítá amó. ¹⁰ Inu á, Bulu-òbòpò amu lèbláa amó òbèe, “Mlímányá ifú! Mlíki, napó asón wankláán ání ibówa mliha óyító ahá fèé ansigyí ba mli. ¹¹ Nde bakwí nkpa Òhòpò, aní Wíe Kristo, (òhá ámóú Bulu ladá mu ofúli amu) há mli Owie Dawid wúlutò! ¹² Tóá mlòpòbí mgyí, mlówun kebi bóbwe òkòá bapó tatida kíkli mu iwi, òda mbwi atogyihe dákato.”

¹³ Òtsáwùlè pé á, Bulu-abòpò tsòtsòòtsò beba betsiá Bulu-òbòpò amotò, bude Bulu kanfó bée,

¹⁴ “Mliha apò numnyam ha Buluá òbu òsòsòsú!

Iwi ilwii ahá ání Bulu ansi tegyi amó iwi òsulòsu.”

¹⁵ Bréá Bulu-abòpò amu beyinkí yó òsòsò á, akúfa akpapó ámu bebláa aba bée, “Mliha ayo Betlehem, ayekí itó ánfí ilaba, Bulu lalé súná aní ánfí.”

¹⁶ Inu su bowa òsa yó. Lèlè á, bowun Maria mba Yosef pò kebi bóbwe amu, òda mbwi atogyihe dákato. ¹⁷ Bréá bowun kebi ámu a, bele mu iwi asón ámóú bonu ámu blí. ¹⁸ Akúfa akpapó asón ánfí lówa ahá ání bonu mgyí wánwan. ¹⁹ Táme Maria mó lèkítá asón ámu fèé wá nwuntò, tsíá gywín mó iwi. ²⁰ Bréá akúfa akpapó ámu beyinkí bòyó á, buba bude Bulu adábi da, kánfó mu, asón ámóú bonu pò itó ámóú bayówun fé alí ámóú Bulu-òbòpò amu lèbláa amó ámu su.

Yesu Idá Dínká

²¹ Kebi ámu obuto òleké á, betin mu keté, dínká mu dá Yesu. Idá ánfí Bulu-òbòpò amu léha mu asa mu yin lénya mu òmé ní.

Yesu Poya Bulu Òtswékpa

²² Bréá mu akwírópò bógýoráa iwi Mose Mbla ònó ləfòn a, bəpò mu dó yó Yerusalem, pò mu yópò wá Bulu ibitò. ²³ (Tsúfè bəwanlín wá Mose Mbla ámotò bée, “Ilehíán ání Israelfò bəpò amó bití okugyíòku há Bulu.”) ²⁴ Mó su bəyóbo afòdie ámu Mbla ámu ònó. Abròduma anyò ntée aklobi anyò bəpòbò alí afòdie ánfí há Bulu.

²⁵ Alí bré ámotò á, oyin dehen òku bu Yerusalem, bütetí mu Simeon. Yilé òbwepò ógyi, otenyá Bulu ifú. Òhe Wankíhé bu musu, otsie ogyo bréá Bulu òbòpò Òlepó ba mu ahá Israelfò. ²⁶ Òhe Wankíhé amu lèlè súná mu ání omóowu, yófon bréá alawun Kristo, (òhá ámóú Bulu ladá mu ofúli amu) asa. ²⁷ Òhe Wankíhé amu léha Simeon lóyo Bulu òtswékpa wunsinésú. Alí bré ámotò á, Yesu akwírópò baba mu amándíé ánfí òbwekpá fé alíá Mose Mbla ámu lèblí.

²⁸ Inu Simeon lóho kebi bóbwe amu, òlekanfó Bulu òbèe,

²⁹ “Mí Wíé! Asón ámóú fèblí tswi amu ilaba mótó.

Séi mó á, mí fò osúmbi ánfí nətálí wú iwílwíiitò ngya.

³⁰ Tsúfè mí onutó napó mí ansíbi wun Òlepó ámu.

³¹ Fò onutó falá mu bwé ahá fèé ansító.

³² Wanki ogyi, obéle fú súná ahá ání bomegyi Israelfo, pó numnyam ba fú ahá Israelfo.”

³³ Asón ánti Simeon lébli tsú kebi babwe anfi iwí leha onó lobwie mu akwíró.

³⁴ Simeon lóyulá amó, zlebláa obí mu yin Maria obé, “Ina kebi ánti su Israelfo ofan bédida, ofan é béli. Osúna ogyi tsú Bulusu, ahá bókusó líi muso. ³⁵ Iní su Bulu obéha ahá tsotsotsó klunsu asón bélin owan. Fú é á, awireho béhie kítá fú klun. Ibóho fú asin fé odayi iya anyo bakpié yi fu.”

³⁶ Otsi dehen okwá ogyi Bulu onósó otáíró é bu inu. Mu dá gyí Hana. Mu sí gyí Fanuel, otsú Asa abusuanto. Otsi dehen anfi muo mu kulu betsiá aba nfinsienó, mu kulu lówu. ³⁷ Olosu isura alu bofun bréá zleho nfi adukwe-na (84). Ojopu Bulu otswékpa wunsinésú inu mlí mu odikpa, ode Bulu súm, klí onó, bó mpáí opa móa onyé. ³⁸ Mu é zledali ba bekanfó Bulu, blí kebi babwe amu iwí asón súná ahá amóó bude Yerusalemfo iwígyí okpa kíi amu.

Yesu Yinkia Ya Nasaret Wúluto

³⁹ Bréá Yesu akwíró babwe amándié ámu tá Bulu mbla ámu onó á, beyinkí kplí yó amó wúluto Nasaret, Galilea zsolósu. ⁴⁰ Kebi ámu lédan, nyá zwonlín, nyá nyánsa, Bulu é lóyulá mu.

Yesu Bu Bulu Otswékpa

⁴¹ Yesu akwíró botetsiá yó Yerusalem yégyi Israelfosu Katsun Nke offiogyiofi. ⁴² Bréá Yesu lóho nfi dúanyo á, muo amónyo boyo nke ámu ogyíkpá fé alíá botáyo yáí. ⁴³ Bréá begyi nke ámu tá beyinkí á, Yesu akwíró bomebi ání alasin inu. ⁴⁴ Buki beo muo mu abanyo ná. Mó su benatí ekewóle owító asa bowa mu dunká apíó abato bi. ⁴⁵ Bréá bodunká mu kásián á, beyinkí yó Yerusalem, yódunká mu. ⁴⁶ Eke saási a, boyówotii muso Bulu otswékpa wunsinésú inu. Otsie Mose mbla asunápo wá, ode asu yáa amó asóntó, ode amó asón fité. ⁴⁷ Onó lobwie ahá ání bobu inu féé, tsú alíá ode asón ámu asi nu pó alíá ode mó onó le. ⁴⁸ Onó lobwie mu akwíró bréá bowun mu. Mu yin léfité mu obé, “Mí bí, ntogyi su fabwé aní alí? Mía fú sínyo ansí lapé anidé fú dunká.”

⁴⁹ Inu Yesu léfité amó obé, “Ntogyi su mlidé mí dunká? Ilehíán ání mlébi ání mí Sí wóyító nétsiá.” ⁵⁰ Táme mu akwíró bomonu asón ání ode amó bláa asi.

⁵¹ Muo amónyo beyinkí yó Nasaret, zleba iwiasí há amó. Maria lékítá asón ámu féé wá kpawunuto, tsíá gywín mó iwí. ⁵² Yesu lédan, wa zwonlín, nyá nyánsa, Bulu móa anyánpósa féé ansí legyi mu iwí.

3

Asú Obópó Yohane Bulu Asón Okanda

(Mateo 3:1-12; Marko 1:1-8; Yohane 1:19-28)

¹⁻² Roma owíe dehen Tiberio iwígyí ofi dúanusitá á, Bulu lébláa mu igyí ohapó Sakaria mu bi Yohane dimbísó obé, odáa mu asón okan. (Alí bré ámuto á, Pontio Pilato dé Yudea omásó gyí. Herode dé Galilea omásó gyí. Herode mu dehen Filipo é dé Iturea pó Trakoniti omásó gyí, Lisania é dé Abilene omásó gyí. Bulu igyí ahapó dehen ání bobu inu alí bré ámuto é gyí Hana muo Kaiafa.)

³ Mó su Yohane léki Yordan bñnkpa onó, ode okan da blí obé, “Mlídamlí klontó, amlisi lakpan bwe. Bulu osikie mlí, ambo mlí asú.”

⁴ Bulu onósó otáíró Yesaia lówanlín Yohane iwí asón wá mu zwolótó obé, “Okó dékplon dimbísó obé,

‘Mlila aní Wíe okpa.

Mlitswii ikpa ha mó!

⁵ Mlitiñ bñnkpa kugyíko,

amlɔbwiebwie abɔ mɔ́a nkúku f́éé.

Mlɔswii ikpa,
amlɔla mɔ́sɔ wankláán.

6 Ahá f́éé bówun Bulu nkpahóó.’ ”

7 Ɔdɔm beba Yohane wá beé, ɔ́bɔ amó asú. Ɔlefíté amɔ ɔ́béé, “Abé abí-aná, ntɔ gyá mli, mliśrɔ Bulu ɔ́bɔbití ámóú íbá ámɔ? 8 Mómó mliświe abí oduá íbósuná ání lélé mliɔdámli klɔntɔ. Mli mákú mliáa, mli náin gyí Abraham. Nde mli bláa mbéé, Bulu ɔ́bétalí há abwi ání íbédámli Abraham abí-aná. 9 Séi á, Bulu lapó efé yi nyí-atsitsitɔ. Oyígyíoyí ání imoswie abí wankláán á, bókun mó dá, wá mó f́éé ogyá.”

10 Ɔdɔm amɔ befité Yohane beé, “Ntɔ mée abwéé?”

11 Yohane lébláa amó ɔ́béé, “Fúá fɔbɔ atadié anyɔ á, pɔ kulé ha ɔ́há ání ɔ́ma kɔkɔ. Fúá fɔbɔ atogyihé é bwe mó alí.”

12 Lampóo ahópu akɔ é beba asú ɔ́bɔkpá. Befíté Yohane beé, “Osunápó, ntɔ ilehián ání abóbwe?”

13 Yohane lébláa amó ɔ́béé, “Mli mátswi dunká ahá. Mli hɔ tɔ́a beé mli hɔó.”

14 Isá akɔpɔ akɔ é befité Yohane beé, “Aní é mé, ntɔ abwéé?”

Yohane lébláa amó ɔ́béé, “Mli mápu ɔ́wɔnlín swíi ɔ́haa kóba, ntéé wá afunu dínká ɔ́haaso. Mli akatua igyí mli ansí.”

15 Iná amó ansí dín Kristo amɔsɔ, bɔde mɔ ɔ́kpa kí sɔ á, umɔwánkí amó ní Yohane gyí Kristo amɔ. 16 Mó sɔ Yohane lébláa amó ɔ́béé, “Ɔkɔá ɔ́dɔn mɔ bu ɔ́ma ɔ́bá. Mmɔfɔn ání nésankí mɔ ntokɔta ɔ́fé kóráá. Mí mó á, ntsu ndepɔbó mli asú. Mɔ ɔ́bɔpu Ɔ́ɣe Wankíhé pɔ ogyá bó mli asú ní. 17 Ɔde mɔ dín, ɔ́bɔpɔfúní ntéte lé ayó ámɔtɔ. Ɔ́békpa ayó ámɔ wá mɔ odudutɔ. Táme ɔ́béféí ofuníkpa mɔ wankláán, kpá ntéte amɔ wá ogyá ání itamaduntɔ.” 18 Yohane léda asun wankláán ámɔ ɔ́kan, bláa ahá ámɔ asón tsɔtsɔtsɔ ɔ́béé, bɔdámli klɔntɔ.

19 Isɔ ogyípu Herode laswí mɔ dehen Filipo mɔ ka Herodia tsía, trá bwe lalahé tsɔtsɔtsɔ tsía mótó. Mó sɔ Yohane lékiná há mɔ. 20 Mɔ́a idɔn kóráá gyí, Herode léha bekítá Yohane wá obu.

Yesu Asúbɔ

(Mateo 3:13-17; Marko 1:9-11)

21 Bréá Yohane dé ahá ámɔ asú bɔ á, Yesu é léba, Yohane lóbo mɔ asú. Bréá Yesu dé mpái bɔ á, nɔwɔlótáa lefinkí, 22 Ɔ́ɣe Wankíhé lédamlí f́é abródoma, kplí bogyonká mɔsɔ. Ɔ́me kɔ lotsu ɔ́sɔsɔ ɔ́béé, “Fúgyí mí bíá ntɔdwé, mɔ ansí t́héí gyí f́ɔ ɔ́wɔ ní.”

Yesu Anɔ́n Ɔ́lɔntɔ

(Mateo 1:1-17)

23 Bréá Yesu lóhɔ f́é nfi adɔasa á, olefi Bulu asón ɔ́kanda así. Ahá mó bɔyin ání Yosef mɔ bi ní. Yosef mɔ sɔ gyí Eli. 24 Eli mɔ sɔ gyí Martat. Martat mɔ sɔ gyí Lewi. Lewi mɔ sɔ gyí Melki. Melki mɔ sɔ gyí Yanai. Yanai mɔ sɔ gyí Yosef. 25 Yosef mɔ sɔ gyí Martatia. Martatia mɔ sɔ gyí Amos. Amos mɔ sɔ gyí Nahum. Nahum mɔ sɔ gyí Hesli. Hesli mɔ sɔ gyí Nagai. 26 Nagai mɔ sɔ gyí Mahat. Mahat mɔ sɔ gyí Martatia. Martatia mɔ sɔ gyí Semein. Semein mɔ sɔ gyí Yosek. Yosek mɔ sɔ gyí Yoda. 27 Yoda mɔ sɔ gyí Yohanan. Yohanan mɔ sɔ gyí Resa. Resa mɔ sɔ gyí Serubabel. Serubabel mɔ sɔ gyí Sealtiel. Sealtiel mɔ sɔ gyí Neri. 28 Neri mɔ sɔ gyí Melki. Melki mɔ sɔ gyí Adi. Adi mɔ sɔ gyí Kosam. Kosam mɔ sɔ gyí Elmadam. Elmadam mɔ sɔ gyí Er. 29 Er mɔ sɔ gyí Yosua. Yosua mɔ sɔ gyí Elieser. Elieser mɔ sɔ gyí Yorim. Yorim mɔ sɔ gyí Martat. Martat mɔ sɔ gyí Lewi. 30 Lewi mɔ sɔ gyí Simeon. Simeon mɔ sɔ gyí Yuda. Yuda mɔ sɔ gyí Yosef. Yosef mɔ sɔ gyí Yonam. Yonam mɔ sɔ gyí Eliakim. 31 Eliakim mɔ sɔ gyí Melea. Melea mɔ

si gyi Mena. Mena mu si gyi Martata. Martata mu si gyi Natan. Natan mu si gyi Owie Dawid. ³² Owie Dawid mu si gyi Yisai. Yisai mu si gyi Obed. Obed mu si gyi Boas. Boas mu si gyi Salmon. Salmon mu si gyi Nahson. ³³ Nahson mu si gyi Aminadab. Aminadab mu si gyi Admin. Admin mu si gyi Arni. Arni mu si gyi Hesron. Hesron mu si gyi Peres. Peres mu si gyi Yuda. ³⁴ Yuda mu si gyi Yakob. Yakob mu si gyi Isak. Isak mu si gyi Abraham. Abraham mu si gyi Tera. Tera mu si gyi Nahor. ³⁵ Nahor mu si gyi Serug. Serug mu si gyi Reu. Reu mu si gyi Peleg. Peleg mu si gyi Eber. Eber mu si gyi Sala. ³⁶ Sala mu si gyi Kainan. Kainan mu si gyi Arfaksad. Arfaksad mu si gyi Sem. Sem mu si gyi Noa, Noa e mu si gyi Lamek. ³⁷ Lamek mu si gyi Metusela. Metusela mu si gyi Enok. Enok mu si gyi Yared. Yared mu si gyi Mehalaleel. Mehalaleel mu si gyi Kenan. ³⁸ Kenan mu si gyi Enos. Enos mu si gyi Set. Set mu si gyi Adam. Adam e mu si gyi Bulu.

4

Yesu Isoki

(Mateo 4:1-11; Marko 1:12-13)

¹ Bréa Yesu léyinki tsú Yordan ntsu onó á, Ɔɛ Wankíhé lɔbulá mɔtɔ, ɔkpa mu ya dimbísó. ² Bréa ɔbu ɔnu á, Ɔbɔnsám létsiá bɔsɔ mu ki nke adwana kéké. Yesu mégyii tɔtɔ nke ámɔtɔ féé. Mú su bréa nke ámu ɔmɔ onó á, akún híé de mu.

³ ɔnu Ɔbɔnsám lébláa mu ɔbéé, “Ní Bulu mu Bi fogyi á, mómó ha ibwi ánfí ɔdamli bodobodo.”

⁴ Yesu lélé mɔ onó ɔbéé, “Bɔwanlín wá Bulu asón ámɔtɔ bée, ‘Megyi atogyihe wole nyankpɔsa ogyii tsia nkpa.’ ”

⁵ Ɔbɔnsám lɔpu mu ya ɔbu fúáhé kɔsu. Olosuná mu ɔyító iwíe ogyíkpa féé ɔtsáwole pé. ⁶ Mú ɔlebláa mu ɔbéé, “Nópu ɔmá ánfí féé túmi pú amó numnyam há fú, tsúfé mí ɔbító bapówá. Ɔhá ání ndeklé a, mu nɔpuhá. ⁷ Mú su ní fosúm mí á, nɔpu mɔ féé há fú.”

⁸ Yesu lébláa mu ɔbéé, “Bɔwanlín wá Bulu asón ámɔtɔ bée, ‘Da akpawunu ha fú Wíe Bulu. Mu nkole fo súm.’ ”

⁹ Ɔbɔnsám lékpa mu ya Yerusalem, ɔɔpu mu yélu Bulu ɔtswékpa obu ámu ɔtantra. ɔnu ɔlebláa Yesu ɔbéé, “Ní Bulu mu Bi fogyi lélé á, tu kpayi. ¹⁰ Tsúfé bɔwanlín wá Bulu asón ámɔtɔ bée, ‘Bulu ɔbéha mu abɔpu békí fusu. ¹¹ Békpatá fú ɔbító, méní fú yabi méeɔa ibwi kɔkɔsu.’ ”

¹² Yesu lélé mɔ onó ɔbéé, “Bétrá wanlín bée, ‘Mákapó fú Wíe Bulu kí.’ ”

¹³ Bréa Ɔbɔnsám lómá isóki ánfí féé onó á, ɔlɔko náti si mu asa.

Yesu Gyumagyihe Asitsud Galilea Ɔmátó

(Mateo 4:12-17; Marko 1:14-15)

¹⁴ Ɔɛ Wankíhé túmi lékpa Yesu, oleyinki yó Galilea ɔmátó. Mu ɔwá asón léklé wa ɔmá ámu féétó. ¹⁵ Oletsíá súná ató Yudafo ofiakpa, ahá ámu féé békánfó mu.

Bumáho Yesu Mu Wíluto

(Mateo 13:53-58; Marko 6:1-6)

¹⁶ ɔnu Yesu léyinki bá Nasaret, ɔtínéá oletsíá dan. Fé alá ɔtetsíá bwé á, ɔlɔyo Yudafo ofiakpa ɔkpónó ɔdaké. Bréa ɔlɔkɔsu yélu amó ansító ɔbékla Bulu asón á, ¹⁷ botsu Bulu ɔnásó ɔɔípó Yesaia ɔwóló há mu. Ɔlesankí mó á, olowun ɔtnekwá bɔwanlín wá bée,

¹⁸ “Aní Wíe Bulu ladá mí ofúli.

ɔnu su mu Ɔɛ bɔ mɔsu.

Alalé mí ɔbéé, ndáa ason wankláán ámu ɔkan suna ahá ání buma tɔtɔ.

Ɔbéé, mbébláa nkpábi mbée, masí amó ɔwá há amó.

Mí ambla ansibi abwiepó mbéé, mabwíí amó ansibi.

Ǫbéé mbébláa ahá ání bode amó ipianto wa é mbéé, malé amó ipianto.

19 Fówun mí ambli mbéé,
aní Wíe ahá nwewúunbi lafón.”

20 Inu olokuntá owóló ámu, yínkía ha mósó okípó, olowóí tíá asi. Ahá amóó bubu ofiakpa unu ámu fée besi bode mu kí díín. 21 Inu Yesu lébláa amó obéé, “Nde, Bulu ason wanlínhé anfi laba mótó. Mó mlilanú á.”

22 Ahá ámu fée bonu ason wankláán amóó iledali mu onó ámu. Onó lobwie amó, befité bee, “Megyí Yosef mu bi ámu ni?”

23 Yesu lébláa amó obéé, “Nyin ání mléha mí yébi anfi mhaa, ‘Ilo otsapó, tsa fú iwí!’ Mlélabláa mí mhaa, ‘Bwe ató amóó anilanú ání fódébwé Kapernaum amu fú wúluto nfi é.’ ” 24 Inu oleyinkí bláa amó obéé, “Ǫnokwali nde mli bláa. Bótamahó Bulu onósó otáípó okoko asón mu wúluto.

25 “Mlinu, Bulu onósó otáípó Elia bisó á, nyankpo mótswie nfinsa móa ifun kéké. Akón lehie ba Israel omátó fée. Ibo mótó ání asorapu tsotsotsó betsiá Israel omátó alí bré amoto, 26 táme Bulu méha Elia oyo amótó okoko wá. Ǫsorapu okwá obu Sarefat wúluto, Sidon omátó nkole wá aleha mu olayo. 27 Ilo pepe alópó tsotsotsó é betsiá Israel omátó Bulu onósó otáípó Elisa bisó. Táme oméha okoko iwí meplí, dun Naaman ání otsú Siria nkole.”

28 Ǫbló lehie kitá ahá amóó bubu ofiakpa unu ámu, bréá bonu Yesu ason blíhé anfi. 29 Bókusó gya mu dáli amó wúluto. Wúlu amu idin busu. Begya mu alu yówie wúlu amu onó, bee abowuta mu wa tsonkolito. 30 Yesu lénatí tsun amótó yó otínéá oyó.

Yesu Ǫhe Laláhe Gyáa (Marko 1:21-28)

31 Inu Yesu lékplí yó Kapernaum, Galilea wúlu koto. Olosuná amó ató amó ofiakpa okpónó odaké. 32 Mu atosunáhé lobwie amó onó, tsúfí olosuná amó ató túmísu. 33 Oyin oko bu ofiakpa unu, ohe laláhe bu musu. Okokplón bí obéé, 34 “Kí mí! Yesu Nasaretyin, amansu bu ania funyo nsuné? Ntéé aní ohkprá febá lóó? Nyin ohá oduá fúgyi. Fúgyí Bulu Ǫha Wankíhé amu ni!”

35 Yesu lókpón wa ohe ámu obéé, “Kpa onó bun, afudali muto.” Inu ohe laláhe amu léfin oyin ámu dá ahá amoto unu, dáli muto. Tóto mabwe mu.

36 Onó lobwie amó fée, befité aba bee, “Amansu ni? Oyin ání bu túmí, okokplón wa ohe laláhe, ide mu bu, dáli ahátó?” 37 Mu iwí asón lekí wá omá ámu féeótó.

Alápu Tsotsotsó Tsa (Mateo 8:14-17; Marko 1:29-34)

38 Yesu lédalí Yudafó ofiakpa unu yó Simon wóyító. Ǫloyó á, owísó lakítá Simon mu sia tsíhé, oda kínkíínkín. Bebláa Yesu bee, ogyíi mu buale. 39 Yesu lókpokpé tó otsi ámu, okokplón wa owísó ámu obéé, ikúsó musu. Inunu ilokúsó musu, otsi ámu lókusó bwé amó afóótó.

40 Bréá owí deta á, ahá bósorá amó ahá ání bode ilo otsan-otsan lo ba, Yesu lópu ibi dínká amósó tsá amótó okugyíokó ilo. 41 Ǫhe laláhe bu amótó akoto. Yesu lókpón wa ohe laláhe amu. Bedali, bode okitikítí bee, “Fúgyí Bulu mu Bi ámu ni.”

Táme Yesu lówa mbla wá ohe laláhe amu ání bómátó, tsúfí buyin ání mugyí Kristo, (ohá amóó Bulu ladá mu ofúli amu) ni.

Bulu Asón Ǫkanda Yudafó Ofiakpa (Marko 1:35-39)

⁴² Mú ɔyi kehe bake a, Yesu léda li wúlu amúto yó itsétó ɔtneko. Ahá bodunká mu alu yótu mu, bokokóli mu beɛ ɔmánatí sí amú. ⁴³ Táme ɔlebláa amú ɔbéɛ, “Ilehián ání nǎda Bulu iwíegyi iwi asún wankláán amú ɔkan awúlu atráhe amú ɛsó. Tsúfɛ mú ɔbwɛkpá Bulu lówa mí ní.”

⁴⁴ Iní su oleki Yudea ɔmátó fɛé, dá Bulu asún wankláán amú ɔkan amú ofiakpa.

5

Yesu Akasípó Gyankpapu Ti (Mateo 4:18-22; Marko 1:16-20)

¹ Eke ɔku Yesu líí Genesaret paati* ɔnó, ahá tsòtsòtsò beba boputá mu ání bónu Bulu asún. ² Olowun nkɔn anyɔ paati amú ɔnó. Aye alepó amú bakplí yó buɛ amú asawutó da. ³ Yesu lódu wíé kuléá igyi Simon kléto. Mú ɔlebláa Simon ɔbéɛ, osún mú kpalobí dinka ntsusu. Inu oletsíá mótó súná ahá amú ató.

⁴ Bréá ɔlɔtáí tá á, ɔlebláa Simon ɔbéɛ, “Mlipla ɔklɔn amú ya okluklúkpa, amliyɔtswi asawu le aye.”

⁵ Mú Simon lébláa mu ɔbéɛ, “Owíé, anilóbwe kásíán ígye onyé fɛé, anuménya tɔto. Táme íniá fɛɛ ayó, su nýɔtswi asawu amú.” ⁶ Bréá bɔyótswi asawu amú a, beɛ aye tsòtsòtsò. Mú su asawu amú lówa títu bí. ⁷ Inu bɔbwe ibi tí amú agyómá ayɔbá amú bɔbɔ ɔklɔn nyɔsɔto amú beɛ bɔbɛtsa amú. Beba bɛtsa amú, beɛ aye amú bólá nkɔn anyɔ amú dédéédé, ideklé ime. ⁸ Bréá Simon Petro lówun mú alí á, ɔlɛda akpawunu Yesu ayabitó, bláa mu ɔbéɛ, “Mí Wíé, mákpokpé mantáa mí! Lakpan ɔbwepó ngyi.”

⁹ Tsúfɛ aye amú balé amú lówa mu abá amú wánwan. ¹⁰ Alí kén lówa Sebedeo abí Yakobo mu Yohane, bɔgyi Simon agyómá ayɔbá amú é wánwan ní.

Mú Yesu lébláa Simon ɔbéɛ, “Mánya ifú! Tsú nde póya a, anyánpósa fɛle.”

¹¹ Simon mu abá amú benya plá nkɔn amú besi ɔsubúno alí, besi tógýtó tswi, kplá buo Yesu.

Ilo Pɛpɛ ɔlɔpó ɔku Tsa (Mateo 8:1-4; Marko 1:40-45)

¹² Eke ɔku Yesu bu wúlu kusu, ilo pɛpɛ ɔlɔpó ɔku lówun mu. Inu ɔlebedá akpawunu, pú ɔɔkpɛ yi ɔsólɔto, kókóli mu ɔbéɛ, “Owíé, ní fòtsulá á, fétalí há mí iwi bépli.”

¹³ Yesu létinkí ibi da mu, bláa mu ɔbéɛ, “Natsulá, fú iwi ipli.” Inonu ilo amú lɛna le mu iwi. ¹⁴ Inu Yesu léda mu ɔlá ɔbéɛ, “Mábla ɔhaa. Natí laa afɔpu fú iwi yosuná Bulu igyi ɔhapó, afɔha mu iwígyɔrátó amú Mose mbla losuná tsú ilo pɛpɛtsa iwi amú. Igyi adánsɛ suna ahá ání fú iwi laplí.”

¹⁵ Táme Yesu iwi asún létrá kleí yó ntíné dínká mósó. ɔɔm beba mu atosunáhé onukpá, ɔtsa amótó ɔlɔpú é ilo. ¹⁶ Táme oletsíá dáli amótó bré ku yó dimbísó ɔtneko mu nkole yóbo mpá.

Tsukole Osínpu Tsa (Mateo 9:1-8; Marko 2:1-12)

¹⁷ Eke ɔku Yesu dé ató suná. Farisifo, Mose mbla asunápó akwá botsú Galilea pú Yudea ɔmátó pú Yerusalem beba bɛtsíá asi inu. Bulu túmí bu Yesuto há ɔlɔtsa. ¹⁸ Inu á, ayin aku bɔsɔrá tsukole osínpu akpasu ba. Bekleá bópu mu wíé wóyító, pú mu tswi Yesu ansító. ¹⁹ ɔɔm amú su bumenya ɔkpa. Iní su bɔyódu obu amú awunso, dá mú ɔtneko tíí, bekpíliá akpa amú tswi ahá amúto Yesu

* 5:1 Genesaret paati: Mú kén gyí Galilea ɔpu ní.

ansító unv. ²⁰ Bréá Yesu lówun ání bahə mu gyi a, əlebláa tsukəle osínpu amu əbée, “Opíó, nasí fú lakpan kíe fú.”

²¹ Mose mbla asunápó pú Farisifə ámu beblí wá nwunto beε, “Ma gyi oyin ánfí əde abususə blí ánfí? Ma əbətali sí lakpan kíe ahá dun Bulu nkəle?”

²² Yesu lébi amú agywun. Mó su əlefíté amú əbée, “Ntogyi só mlidé íni odu gywún? ²³ Məmu ləpən ha blí? ‘Nasí fú lakpan kíe fú.’ lóó, ntée ‘Kusv tsu fú akpa afonati?’ ²⁴ Táme ndekléá mlibú ání mí, Nyankpusa-Mu-Bi ánfí mbu túmi əyí ánfú sí ahá lakpan kíe amú.” Inu əlebláa tsukəle osínpu amu əbée, “Nde fú bláa mbée, kusv. Tsu fú akpa afonati yə wóyí!”

²⁵ Inunəunə tsukəle osínpu amu lókusú líi amú fée ansító, tsú mu akpa, ələpu əkpa əyó wóyí əde Bulu kanfú. ²⁶ Onó lobwie ahá ámu fée. Ifú lowie amú féeətó, bekanfú Bulu beε, “Nde anlawun ofúla!”

*Lewi Ti
(Mateo 9:9-13; Marko 2:13-17)*

²⁷ Mó əma bréá Yesu lédali unv á, olowun lampóo əhəpu əkúvə bətətí mu Lewi, tsie mu lampóo əhəkpa. Yesu lébláa mu əbée, “Bobuo mi.” ²⁸ Inu Lewi lókusú, sí mu tógýító əmagyáa, yóbuo mu.

²⁹ Mó əma a, Lewi lótswi əpúnú mu wóyító há Yesu. Lampóo ahəpu tsətsəətsə pú aha bambá é beba ató ámu ogyíkpa. ³⁰ Farisifə pú Mose mbla asunápó ání bəbə Farisifə ámutə befité Yesu akasípó amu beε, “Ntogyi só mliá lampóo ahəpu pú lakpan abwepú mlidé ibi wa gyi ató, mlidé ntá nú?”

³¹ Yesu léle mó onó əbée, “Aləpu léhián ulə ətsapú, megyí ahá ání iwí bu amú ənlun. ³² Mmeha aha wankláán ətikpá. Mboun lakpan abwepú ətikpá neba, méní bédamli kləntə.”

*Onóklí Iwi Asən Fitéhé
(Mateo 9:14-17; Marko 2:18-22)*

³³ Aha akv bebláa Yesu beε, “Asú Əbəpú Yohane akasípó bətetsiá klí onó bə mpá. Farisifə akasípó é bətəbwé alí, táme fú akasípó mó budegyí, buđenúu.”

³⁴ Yesu léfité amú əbée, “Ətsi əkpaínpu anyawíe békli onó bréá əbv amú wá? Ekekeke! ³⁵ Táme eke əkv beba ání bəkpa mu náti sí amú. Alí nke ámutə békli onó ní.”

³⁶ Inu əleha amú yébi əbée, “Əhaa tamapú tati pəpwe tan tati dada. Ní əbwé mó alí á, alayintá pəpwe amu, pəpwe amu pú dada amu ansí é iméekanáa aba.

³⁷ Alí kén butamapú nta pəpwe wá əwulə-kpákpá kente wuhétó ní. Nta pəpwe amu ibofú fá kente amu tsitsá, yintá kente amu é. ³⁸ Inu su əwulə-kpákpá kente pəpweə bótəpú nta pəpwe wá. ³⁹ Əhaa tamafíté nta pəpweə bréá alanu dánhe. Tsufé ətebli əbée, ‘Idánhe amu bu alé dun.’ ”

6

*Əkpúnú Ədaké Mu Wie
(Mateo 12:1-8; Marko 2:23-28)*

¹ Yesu mva mu akasípó bətsən ayó ndə kutə əkpúnú ədaké. Mu akasípó amu bəpərun ató-abí ámu kv, bəpəśáa mó wí. ² Farisifə ámu akv befité amú beε, “Ntogyi só mlidé tsá aní mbla meha əkpa ání bəbwée əkpúnú ədaké bwε?”

³ Yesu léfité amú əbée, “Mlumókókla nu tsá Owíe Dawid lóbwe bréá akón de mu mu abúəpu kí? ⁴ Olebítiwíé Bulu osúmkpa yótsu bodobodoá bapóhá Bulu igyí ba, mva mu abúəpu amu begyi. Bulu igyí ahapó nkəle bele əkpa bótəgyi alí bodobodo amu.”

5 Múú Yesu ɔ́lɔmɔ mu asón ɔ́nɔ ɔ́bée, “Mí, Nyankpɔsa-Mu-Bi ánfí gyí ɔ́kpónó ɔ́daké mu wie.”

Ilɔtsa Ɔkpónó Ɔdaké

(Mateo 12:9-14; Marko 3:1-6)

6 Yesu lɔ́yɔ ató osunákpá Yudafo ofiakpaɔkpónó ɔ́daké bámbá. Oyin ɔ́kɔá mu gyɔ́ri ibi lawú bu inu. 7 Mose mbla asunáporó pú Farisifo aku bete Yesu kí bée, ɔ́bɛtsa ilo ɔ́kpónó ɔ́daké, méni bénya mu iwí asón, púyénatí musu súná ahande.

8 Yesu yin amó nwuntó asón. Mó su ɔ́lebláa oyin ámúú mu ibi kole lawú ámu ɔ́bée, “Kɔ́su belí amú ansító nfi.” Inu oyin ámu lókusó belí amú ansító. 9 Múú Yesu lébláa amú ɔ́bée, “Nde mli fité, ntɔ mbla ámu léha ɔ́kpa ání abwée ɔ́kpónó ɔ́daké? Yilé lóó, ntée lalahé? Ahóɔ zha nkpa lóó, ntée amóó mu?” 10 Inu ɔ́ledamlí kí amú fée fiá. Múú ɔ́lebláa oyin ámu ɔ́bée, “Tínkí fú ibi amu.” Olenya tínkí ibi amu ali pé, ɔ́hé lowie mótó.

11 Ɔblí lékítá amú, befíté aba bée, “Ntɔ kóún abéhié bwé Yesu anfi?”

Akasípó Amu Adá

(Mateo 10:1-4; Marko 3:13-19)

12 Eke ɔ́ku Yesu lódu yó ibusu yóbo mpáí há Bulu tsú onyé yéha ɔ́yi kehe. 13 Mó ɔ́yi kehe a, ɔ́leti mu akasípú, ɔ́lele amótó dúanyɔ, ɔ́leti amú mu sumbí ayɔ́pú.

14 Amógyí, Simon ání ɔ́ledunká mu Petro mva mu pio Andrea; Yakobo mva Yohane; Filipo, Bartolomeo, 15 Mateo, Toma, Alfeo mu bi Yakobo, Simon ání ogyi iwɔ́sɔtsiá adunkáporó ɔ́pasuato zha; 16 Yakobo ɔ́ku mu bi Yuda pú Yuda Iskariot ání ɔ́lebele Yesu há.

Yesu Atósund Mva Ilo Tsa

(Mateo 4:23-25)

17 Yesu mva sumbí ayɔ́pú ámu bekpíli tsú ibu ámusu ba ɔ́sɔ́lɔ́v tantasu. Mu abúɔ́pɔ tsɔ́tsɔ́tso pú ɔ́dam kponkpɔ́nkpɔ́ntiá botsú Yudea ɔ́mátó, Yerusalem pú ɔ́pɔ ɔ́nɔ awúlu Tiro mva Sidonsu beba inu. 18 Beba bée bebá bonu mu asun blíhé, ɔ́tsa amú ilo. Ahá ání ɔ́he laláhe de amú háan é beba, olegya ɔ́he laláhe lé amótó. 19 Amú fée bekleá bópu ibi da mu, tsúfí ɔ́hé dedali muto, ɔ́letsa amú fée ilo.

Oyúla Asón

(Mateo 5:1-12)

20 Yesu lótsu ansí kí mu akasípú, ɔ́lebláa amú ɔ́bée,

“Bulu layúlá mliá mliamá tɔ́, tsúfí mliá mu iwíegyi amu ni.

21 Bulu layúlá mliá akón de mli séi, tsúfí mléba begyi mwe.

Bulu layúlá mliá mliédésú séi, tsúfí mléba bómási.

22 “Bulu layúlá mliá bude mli lu, bude mli gyáa le amótó, siá mli, tí mli ida laláhe mí, Nyankpɔsa-Mu-Bi ánfí su. 23 Ansi igyi mli eke ámu, amlfuli kpayi ansigyísó, tsúfí mli ikóká tsɔ́ ɔ́sósó. Alí amú anáin bɔ́bwe Bulu ɔ́nósó atóipó amu ni.

24 Táme mli ání mlianyá iwí séi, mligyɔ́wí ní. Tsúfí mli ansigyí fée mlianyá á.

25 Mli ání mliamwé séi, mligyɔ́wí ní. Tsúfí akón béba bekitá mli.

Mli ání mliédémási séi, mligyɔ́wí ní. Tsúfí mléba begyi awírehó, su.

26 “Mli ání ahá fée bode mli kanfó, mli gyowí, tsúfě alí mli anáin bekanfó Bulu onósó atáípo afunupu amó é ní.

Alupódwe

(Mateo 5:38-48; 7:12a)

27 “Táme nde mli ání mlónu bláa mbée, Mli dwe mli alupó, amli bwe yilé ha amó. 28 Mli yula ahá ání butólwí mli, amli bopá ha ahá ání butesiá mli. 29 Ní oha odá fú isutá a, damli nyóosi é ha mu oda. Ní oku óswíí fú tati á, woi fú atadié é ha mu. 30 Ní oku okóli fú ató á, ha mu. Ní oku é otsú fú ató á, máyóho mó. 31 Bwe ha ahá alíá fodeklé fée bóbwée ha fu.

32 “Ní fú adwepó nkole fótódwé á, ipán mamo fénya? Lakpan abwepó kóráá butódwé amó adwepó. 33 Ní oha ání otóbwé yilé há fú nkole fótóbwé yilé há á, ntogyi só Bulu odáa fú ipán? Lakpan abwepó é butóbwé alí. 34 Ní oha ání foyin ání obénya há fú nkole futehá ipán a, ntogyi só Bulu odáa fú ipán? Lakpan abwepó óó butópó ató pan amó aba, yínkí ho mó alí. 35 Mó so mli dwe mli alupó, mli bwe yilé ha amó, mli pan amó ató, mli máti amó akó, méní Bulu obéka mli iko tsotsotsó. Fówun mli labwé Osúsúsú Bulu ámu abí. Tsúfě ob awitále há ahá ání ató tamagyi amó ansí pó aha laláhe fée. 36 Mli bwe nwe awúnpu fé alíá mli Sí Bulu gyí nwe owúnpu.

Ilále

(Mateo 7:1-5)

37 “Mli mále ahá ilá, méní Bulu méele mli ilá. Mli máha ohaa ipón, méní Bulu é oméeha mli pón. Mli si mli aba ilá kie amó, Bulu osi mli klé kie mli. 38 Mli ha ahá t́á de amó hián, Bulu obélahá mli. Obópu ato susúhe wankláán wá mó, wósó mó, silá mó, íbóbulá tsítsá há mli. Tsúfě t́á fópósúsu ha fú bá á, mó kén Bulu obópsúsu ha fu ní.”

39 Yesu létrá ha amó yébi obée, “Nsibi obwiepó obétalí kpá nsibi obwiepó? Amó fée boméekpa wíé obótó? 40 Okasípó tamadon mu wie, támé okasípó okási bí á, otóbwé fě mu wie.

41 “Ntogyi só fúde ipí tükuríibi wúun fú bá nsibisó, támé fomédé ogyakpatín ání idun fú klésu mó wúun? 42 Ntée ntogyi só fúde fú bá bláa fée, ‘Mí písó, ha mí andunkí ipí fú nsibisó’, támé fomédé ogyakpatín ání idun fú klésu mó wun? Apinabwé bí obwepó, gyankpa dunki ogyakpatín ámu fú nsibisó, méní fówun ató wankláán, tálí dínkí ipí ámu fú bá klésu.

Oyi Pó Mó Abi Swiehé

(Mateo 7:6-20; 12:33-35)

43 “Oyi wankláán méetalí swíé abi laláhe. Alí kén oyi laláhe é méetalí swíé abi wankláán ní. 44 Tsúfě oyi-íbi butópóbí mó. Butamakpótí kankaba okplóto oyísó, butamakpótí tsokpon é tonkpa iflasó. 45 Oha wankláán telé tsiátó wankláán owan tsú mu klonto, oha laláhe é telé tsiátó laláhe owan tsú mu klonto. Tsúfě t́á idun oha klón a, mó tédalí tsu mu onó.

Butásó pó Osublító Obuyi

(Mateo 7:24-27)

46 “Ntogyi só mli dé mí tí mli aa, ‘Mí Wíé! Mí Wíé!’ támé mli tamagyi mí ason blíhésó? 47 Nónuná mli alíá oha ání oíba mí wá bonu mí asón, gyi dúnká mósó gyí. 48 Ogyi fě oha ání obá beyi obu á, olegyankpá kwí mó ntswiasí obó yóto butá, oíwa ntswiasí ámu dínká mósó. Bréá ntsu lóbulá kítá mó á, imetalí kpínkí obu ámu, tsúfě oleyi mó wankláán. 49 Táme ohagiyóha ání olonu mí ason blíhé, omegyí mósó gyí fě oha ání oleyi mu obu osolósó keke, omowa mó ntswiasí. Bréá ntsu lóbulá wa mó á, ilobwie dá gbloo unon, yintá fée!”

7

Romafɔ Isá Akɔpɔ ɔhande Osúmpɔ Ɔku Ilo Tsa
(Mateo 8:5-13; Yohane 4:43-54)

¹ Bréá Yesu lébláa ahá ámu asón ánti fée tá á, ɔlɔyɔ Kapernaum wúluto. ² Romafɔ isá akɔpɔ ɔhande ɔku bu unv. Ɖbu osúmpɔ ɔkɔá ɔtehié kle mu asón. Osúmpɔ amu délɔ, odeklé owu. ³ Bréá isá akɔpɔ ɔhande amu lónu Yesu nka á, ɔlɔwa Yudafɔ ahande aku sísi Yesu ɔbée, buyókókóli mu ɔbetsa mu osúmpɔ amu ilo ha mu. ⁴ Ahande amu behiɛ kókóli Yesu bee, “Abwíi ipa, ní ɔku léhián fɔ mbɔa á, múmó oyin ánti ní! ⁵ Tsúfɛ ɔtɔdwé anɛ pi. Móléyi anɛ ofiakpa kóráá há anɛ ní.”

⁶ Mú sv Yesu mɔa amónyɔ bɔpɔ ɔkpa. Bréá beta wóyi ámutɔ wie tá á, isá akɔpɔ ɔhande amu lɔwa mu anyawíe ɔbée buyéfiá Yesu, abubla mu bee, mbée, “Owíé! Máhan fɔ iwɛ, tsúfɛ mmɔfon ání féba mí wóyítɔ. ⁷ Nawun ání mí é mmɔfon ání néba fɔ wá. Fɔ mú bli asɔankv, iwɛ bówa mí osúmpɔ amu ɔnlɔ. ⁸ Tsúfɛ mí é mbɔ ahande aku asi. Isá akɔpɔ aku é bubu mí asi. Nélé ɔnɔ mbée amótɔ ɔku ɔnátɔ á, ɔtenátɔ. Ní mbée ɔbá é á, ɔteba. Tógyítá nebláa mí osúmpɔ mbée ɔbwée á, ɔtɔbwé.”

⁹ Bréá Yesu lónu asón ánti á, ɔnɔ lobwie mu, ɔledamli bláa ɔɔm amúú bɔbuo mu amu ɔbée, “Ɖnɔkwali asón, nde mli bláa, mmákówwun ɔhá ání ɔbu hógyi kpɔnkpɔntɛ ánti odu Israelfɔtɔ kóráá kí!”

¹⁰ Bréá abɔpɔ amúú isá akɔpɔ ɔhande amu lɔwa ámu beyinkí yó wóyítá a, bowun ání osúmpɔ amu iwɛ lawá mu ɔnlɔ.

Ɖsɔrapɔ Ɔku Mu Bi Tsinkɔ

¹¹ Imɔwa ɔpá kuku Yesu lɔyɔ Nain wúluto. Ɖɔm bɔbuo mɔa mu akasípɔ. ¹² Bréá olowie wúlu ɔnɔ á, ɔlotɔ aku, bɔsun fúli akpasu bebá. Obi yinhé ɔkule pe ogyi há ɔsɔrapɔ ɔku. Ɖɔm kpɔnkpɔnkpɔntɛá bɔtsú wúlu amɔtɔ é bɔbuo ɔtsɛ ámu. ¹³ Bréá anɛ Wie lówun ɔtsɛ ámu a, mu asón lɔwa mu nwe, ɔlebláa mu ɔbée, “Másu!” ¹⁴ Múú ɔlɔyɔpɔ ubi da akpa amu, asurápɔ amu besi lí. Inu ɔlebláa fúli amu ɔbée, “Ɖyasubi, nde fɔ bláa mbée, kusu!” ¹⁵ Inu fúli amu lókusɔ tsíá, wá tɔi bi. Yesu lɔpɔ mu wá mu yin ubi.

¹⁶ Ifú lekítá ahá ámu fée, bekanfɔ Bulu bee, “Bulu labɔbɔá mu ahá! Mu ɔnɔsɔ ɔtɔipɔ kpɔnkpɔntɛ ɔku lalin anitɔ!”

¹⁷ Yesu iwɛ asón ánti lekléi wá Yudea ɔmá pɔ awúlu ání ubu nsuné unv féeɔtɔ.

Yesu Mva Asú Ɖbɔpɔ Yohane

(Mateo 11:2-19)

¹⁸ Asú Ɖbɔpɔ Yohane akasípɔ beyébláa mu asón ánti fée. Mú sv ɔlɔwa amótɔ abanyó sísi Yesu ɔbée, ¹⁹ buyéfité mu bee, “Fógyi ɔhá ámuú ɔbéba amu ni, ntée akú ɔha bambá ɔkpa?”

²⁰ Bréá ahá ámu beba bowie Yesu wá á, bebláa mu bee, “Asú Ɖbɔpɔ Yohane ɔbée abéfité fɔ aniaa, Fógyi ɔhá ámuú ɔbéba amu ni, ntée akú ɔha bambá ɔkpa?”

²¹ Yesu létsa ɔlɔpɔ pɔ ahá ání iwɛ dé amó ɔsin tsɔtsɔtsɔ alɛ bré ámutɔ. Olegya ɔɛ laláhe lé ahátɔ, bwíi ansibi abwiepɔ tsɔtsɔtsɔ é ansibi. ²² Inu ɔlele Yohane akasípɔ asón ámu ɔnɔ ɔbée, “Mliyinkí yebláa Yohane táa mlɛlabowun pɔ móa mlɛlabonu. Mlɛlabowun ánti ansibi abwiepɔ bɔde atɔ wúun, abɔ bɔna. Ilo pepe ɔlɔpɔ iwɛ deplí, isv atɔnpɔ bɔde asón nu. Afúli bɔdetsinkí, ahíánfɔ é bɔde asɔn wankláán ámu nu. ²³ Bulu obóyulá ɔhá ání mí bewhé məkusú líi musu.”

²⁴ Bréá abí ámuú Yohane lɔwa sumbí ámu beyinkí bɔyɔ á, Yesu lɔwa tɔi tsú Yohane iwɛ suná ɔɔm amu bi. Ɖbée, “Bréá mlɛledali yɔ dimbísɔ unv á, ntɔ ɔkíkpa mlɛlɔyɔ? Fitáa ánti afú de mú tsún lóó? Ekekeke! ²⁵ Ní megýi mú á, ntɔ kóun

okikpa mliloyo? Jha ani odidi ntsrim. Ekεεεεε! Ahá ani butedidá tati ámu odu gyi odwe á, awie wóyí butetsiá. ²⁶ Mlibla mi! Bulu onós otáipó mliledali yéki? Ee, Yohane ni. Ddon Bulu onós otáipó. ²⁷ Mu iwí asón Bulu lébli bəwanlín mú tswi bεε, ‘Ki, nde obí wa gya fu nkpa. Mu obéla okpa há fú ní.’ ²⁸ Yesu lóyo mu asóns obéε, “Nde mli bláa mbéε, ohagiyícha áni oha tshé laken kwí mófɔn mu, táme mu é oməfɔn Bulu iwígyi ámutə okusə kóráá.”

²⁹ Aha áni bonu Yesu asón áñfi pó lampóo ahəpu kóráá bowun áni Bulu asón da okpa. Botsulá há Asú Obəpó Yohane lóbo amó asú. ³⁰ Táme Farisifə pó Mose mbła asunápó amu mú bumeha Yohane obə amó asú. Bekiná tóá Bulu léhíhíe ha amó bwe.

³¹ Yesu lóyo mu asóns obéε, “Séi áñfi á, amendí nópokápó ndemba-abí áñfi? Nto belian? ³² Bogyi fé nyebíá butsie dɔnsu bude aba kpolí, bli bεε, ‘Anilapléi ansigyísó, mlímétsa. Mú sv andawá awureho ɔb, táme mlímósú.’ ³³ Mligyí fé nyebí áñfi, tsúfé Yohane léba á, oletsíá kí onó, omonu ntá, táme mliaa, ‘Oje laláhe bu mutə!’ ³⁴ Mí, Nyankpusa-Mu-Bi áñfi mú naba nde ató gyí, nde ntá núu. Mú é mliaa, ‘Mlíki opotsuapɔ pó nta obəpó. Lakpan abwεpɔ pó lampóo ahəpu onyawie.’ ³⁵ Táme jhá áni obu Bulu nyánsa á, mu tsíátó telé mú owan.”

Otsi Lakpan Obwεpó Oku

³⁶ Farisiyin oku léti Yesu ató ogyíkpa mu wóyító. Bréá Yesu tsie əpónú ámu asi á, ³⁷ otsi okwá obu wúlu amutə, ogyi lakpan obwεpó lónu Yesu nka áni batswi əpónú há mu Farisiyin amu wóyító. Inu olotsu mu ofobí fánfán áni ɔb bíá prentwa wankláán obə ba inu. ³⁸ Olebɛda akpawunu Yesu ayabiasí, əlekpa isú yi woo. Oɔpɔ mu ntsú fwí Yesu ayabiasí, pó mu nwunso-imi tsítsi mó. Oɔkolá Yesu ayabi pútá, tséi ofobí fánfán ámu wólí mu ayabisu. ³⁹ Bréá Farisiyin amó obéi Yesu amu lówun ɔni á, əleblí wá nwuntə obéε, “Ní Bulu onós otáipó oyin áñfi gyí lélé á, tɛki alawun ohá oduá otsi áñfi gyí asa ədεpɔ ɔb da mu, tsúfé lakpan obwεpó ogyi.”

⁴⁰ Yesu lébláa oyin ámu obéε, “Simon, mbu aswanku bláa fu.”

Simon léfité mu obéε, “Osunápó, amansu igyi? Bla mi.”

⁴¹ Yesu lébláa mu obéε, “Ahá abanyó aku bεpan sika oyin oku wá. Okule lépan blɔba-anu (5,000,000), okule é lépan mpím lafanu (500,000)*. ⁴² Bumenyá kóba amu ká. Mú sv oyin ámu lésikíé amú abanyó féé. Bla mi, amótó oməmu obódwe oyin ámu don?”

⁴³ Simon lébláa mu obéε, “Nahogyiá əmva mú mu ɔkə tso don amu.”

Yesu lébláa mu obéε, “Oɔokwali igyi.” ⁴⁴ Inu Yesu léyinkí kí otsi ámu, əlebláa Simon obéε, “Fawun otsi áñfi? Neba fú wóyító a, fumeha mí ntsu anfwí ayabiasí. Táme otsi áñfi mú lapó mu ntsú fwí mí ayabiasí, pó mu nwunso-imi tsítsi mó. ⁴⁵ Fumelatá mí pútá, táme tsú bréá neba nfi əpá á, otsi áñfi məkósi mí ayabi kolá pútá. ⁴⁶ Fumetsei ofobí wólí mí nwuntə, táme mu mó alatséi ofobí fánfán wólí mí ayabisu. ⁴⁷ Mó sv nde fú bláa mbéε, ədwe tsətsətsə áñfi alalé súná mí áñfi idesuná áni Bulu lasí mu lakpan tsətsətsə ámu féé kíé mu. Táme ohá áni Bulu osii lakpan kpalobí kíé á, ədwe kpalobí otelé súná.”

⁴⁸ Inu Yesu lébláa otsi ámu obéε, “Nasi fú lakpan féé kíé fú.”

⁴⁹ Ahá amó amóa Yesu butsie əpónúasi ámu, beblí wá nwuntə bεε, “Ma gyi oyin áñfi obéε muna mude ahá lakpan sikíé amú.”

⁵⁰ Mú Yesu lébláa otsi ámu obéε, “Fú hógyi lahə fu nkpa. Natí iwílwíitə.”

* **7:41** Sika áñfi igyi sika futútú lafanu (500) móa aduenu (50), igyi oha nkε lafanu (500) móa aduenu (50) ɔkəká.

8

Atsiá Bobuo Yesu

¹⁻² Imowa ɔpá kuku, Yesu léki awúlu móa nkuda asi, ɔde Bulu iwíegyi ámu iwí ason wankláán akan da. Mu akasípó dúanyo ámu pó atsi akwá olegya ɔɛ laláhe lé amótó, tsá amó ilo bobuo mu. Atsi ámu gyi, Magdalayintse Maria ání Yesu légya ɔɛ laláhe asienó lé muto. ³ Owie Herode wóyísó ɔkípu Kusa mu ka Yohana. Ɔtsi ɔkwá boteti mu Susana pó atsi tsɔtsɔtsɔá betsiá pó amó ató ki Yesu mu mu akasípósu.

Ató-abí Owunyápu Iwi Yébi

(Mateo 13:1-9; Marko 4:1-9)

⁴ Bréá ɔɔm kpɔnkpɔnkpɔnti botsu awúlu-awúlusu ba befia Yesu wá á, ɔleha amó yébi ɔbée,

⁵ “Ɔɔɔtɔpu ɔku lóyo ató-abí owunyákpa. Bréá ɔde mú wunyáa a, iku lówóli ɔkpató, ahá betsatsáa mósó, mbubwi é bɔtswetswée mú fée. ⁶ Iku lówóli abotásó, ɔtínéá isi kpalobí din. Ilowa ɔsa kwe, táme bréá owí lelin a, iloɔ mú mó, tsúfée imenya ntsu. ⁷ Abí ámu ku lówóli awuto, awu ámu lobulá kítá mú, umedan. ⁸ Abí ámu ku lówóli ɔsolúw wankláánsó, dan. Iloswie abí tsɔtsɔtsɔ fée mú ámú olodu ámu odu tsé lafa.”

Yesu lómó mu asón ɔnó ɔbée, “Ɔhá ání ɔbu asu onúu.”

Tsá Súd Yesu Lótó Ayébisu

(Mateo 13:10-17; Marko 4:10-12)

⁹ Yesu akasípó befité mu yébi anfi asi. ¹⁰ Ɔlebláa amó ɔbée, “Bulu lahá mli ɔkpa ɔbée, mliɔ́ mu iwíegyi ámu iwí ason ɛáinhé. Táme nde aha bambá asón bláa ayébisu, méní bówun, táme bóméebi. Bónu, táme bómóonu mú asi.

Ató-abí Owunyápu Yébi Amu Asi

(Mateo 13:18-23; Marko 4:13-20)

¹¹ “Yébi amu asi ní. Ató-abí ámu gyi Bulu asón. ¹² Abí ámú lówóli ɔkpató ámu gyi ahá ání butonú asón ámu, táme Ɔbunsám teba bele mú lé amó klunto, méní bómóɔho mósó gyi, fówun bénya nkpa ání itamatá. ¹³ Abí ámú lówóli abotásó amu gyi ahá ámú bonú asón ámu pé, bahó mú ansigyísó, táme boma nlin. Mú su butamahogyi wa ɔpá. Ní isóki ku inyá tó amó pé, badida. ¹⁴ Abí ámú lówóli awuto ámu gyi ahá ání bonú asón ámu a, bahó mú, táme ɔyi ánfito ató hiánhe iwí gywín, pó mótó atonyahé iwí ansigyí tegyi asón ámu su. Inu su butamaswíe abí dan. ¹⁵ Abí ámú lówóli ɔsolúw wankláánsó ámu gyi ahá ámú bonú asón ámu a, butɔho mu wá klɔn wankláán ání itonú asón, gyi mósótó. Inu su butotomi swíe abí tsɔtsɔtsɔ.

Ɔkandí Iwi Yébi

(Marko 4:21-25)

¹⁶ “Ɔhaa tamanywé ɔkandíe pó ató bun mósó, ntée pówá mpá ayasi. Ɔfuákpá ɔtɔpɔbian, méní ibówankí há ahá ání béba wóyí ámuto.

¹⁷ “Tsúfée tó má uná ibéɛnain, uméelin ɔwan. Ason ɛáinhé kuku é ma uná bóméebi mú.

¹⁸ “Mliki wankláán mli asón-nutó. Tsúfée ɔhá ání odekléa obónu mí ato-sunáhé amu asi á, Bulu ɔbópu iku tsía mótó há mu. Táme ɔhá ání omedékléa obónu mú asi á, Bulu ɔbóswí mu kpalobí ámú olosusu áni alabí ámu kóráá.”

Yesu Abusuanfɔ Onuto

(Mateo 12:46-50; Marko 3:31-35)

¹⁹ Yesu mu yin mu mu apíó beba mu wá, táme ɔɔm amu su bometalí wíe ba mu wá. ²⁰ Ahá ámuto ɔku lébláa Yesu ɔbée, “Fú yin mu fú apíó bolí kpankpá, budekléa bówun fu.”

21 Yesu lébláa amó òbée, “Mí yín mva mí apíó gyí ahá ání bótónú Bulu asón ámu, gyí mósó.”

Atsufú Asibá
(Mateo 8:23-27; Marko 4:35-41)

22 Eke òku Yesu lébláa mu akasípó òbée, “Mliha afa Galilea òpu yo mú òbun.” Mú su bõpu òkpa báyó. 23 Bréá báyó á, Yesu lédidi. Inu afú kpõnkpõnkpõnti ku lówa tsóon bi. Ntsu ámu ideða wíe òklun amoto, ideklé ime. Iláto amó ansí pèpè.

24 Mú su betsinkí Yesu, bláa mu bæe, “Aní Wíe! Anidé ntsu wíe!”

Yesu lókusó lé ònó wa afú móa ntsu ámu, inu fée lólóá. 25 Inu òlefíté amó òbée, “Mli hógyi me?”

Ifú lekítá amó, ònó lobwie amó, befíté aba bæe, “Nyankpõsa òmõmu ni, alalé ònó wa afú móa ntsu kóráá, banú mu òme ah?”

Ɔhe Laláhe Gyáa Le Ogbedépótó
(Mateo 8:28-34; Marko 5:1-20)

26 Yesu mva mu akasípó befá òpu tsú Galilea yówie Gerasefó* òsulósu. 27 Bréá Yesu déðali òklun amoto á, oyin òkwá otsú wúlu amoto, òhe laláhe bu mto lébefia mu. Oyin ánfí lékpa ató, tú dáli wóyító, yó otsie afúli opulákpa ilawá òpá. 28 Bréá olowun Yesu a, òlõsurá okítikítí, dá akpawunu Yesu ayabito, kplón blí òbée, “Ɔsúsúsó Bulu mu Bi Yesu, amansu igyi? Kókoli, mápítí mí ató.” 29 Alí bré ámuto á, Yesu lakplón wa òhe laláhe amu òbée, idáli mto dodo. Mú su oyin ámu léblí alí ní. Ɔhé laláhe amu itowíé mto brégyíbré. Mú su bótówá mu ibi pó mu ayabi ikan, gyo mu iwí. Mú óó á, otebíá ikan amu, òhe laláhe amu itehá mu òtesrí wíe aputu.

30 Inu Yesu léfíté mu òbée, “Nkáli bõtetí fú?”

Oyin ámu lélé mú ònó òbée, “Mí dá gyí ‘Ɔðõm.’ ” Tsufé òhe laláhe tsòtsòtsò bu mto. 31 Ɔhe laláhe amu bokokóli Yesu òbée, òmágya amó yówa ilán klúklúklúá ima òkato.†

32 Mprákuo tsòtsòtsò òku bõdegyí okúku kusu inu fón. Mú su òhe laláhe amu bokokóli Yesu bæe, òhá aboyowie mprákuo ámuto. Ɔleha amó òkpa òbée báyó.

33 Inu òu bedali oyin ámuto yówie mprákuo ámuto, amó fée besrí kpákplí okúku amu wíe òputo, wúwu.

34 Bréá mprákuo akpapó ámu bowun tóá ilaba a, besrí yéblí asón ánfí wúluto pú òmá ámuto. 35 Inu ahá beba beki tóá ilaba. Bowun ání oyin ámúó tekí òhe laláhe bõbu mto ámu ansító ladí, alawá atadié otsie Yesu wá. Ilõwa amó ifú.

36 Ahá ámúó bowun itó ámúó ilaba amu bebláa amó alhá oyin ámúó òhe laláhe bõbu mto ámu lénya mu ilatsá. 37 Ɔmá ámuto ahá fée bokokóli Yesu bæe, òdáli amó òmátó, tsufé ifú lehié kítá amó. Mú su Yesu lówie òklun amoto òbée amonati.

38 Oyín ámúó tekí òhe laláhe tsie mto ámu lókokóli mu òbée, “Ha mí ambuo fo yo.” Táme Yesu méha mu òkpa.

39 Mboún òlebláa mu òbée, “Yinki yo wóyí, afõyebláa mli pi toyiléá Bulu labwé há fú.”

Mú su oyin ámu léki wúlu amu fée fiá, òde toyilé ámúó Yesu labwé há mu amu blí wúlu amoto fée.

Ɔhande Ɔku Mu Bi Mva Ɔtsi Ɔku Ilo Tsa
(Mateo 9:18-26; Marko 5:21-43)

40 Bréá Yesu léyinki yówie òpu amu òbun a, òðõm bõho mu atúu, tsufé bõde mu òkpa kí. 41 Inu oyin òkwá bõtetí mu Yairo, ogyi Yudafo ofiakpa òhande léba

* 8:26 Gadarafõ bu nwóló dada amu akoto. † 8:31 Ilán klúklúklúá ima òka gyí òhé laláhe isu òbitíkpa.

beda akpawunu mu ayabito, kókóli mu obéé, obá abuyo mu wóyító. ⁴² Mu bi tsihé okole péá obu, alahó nfi dúanyo da odewu.

Bréá Yesu lópu oyó inu á, odóm amóú bubuo mu amu bekpa buo mu yeé. ⁴³ Otsi okóá obugya de mu wóli nfi dúanyo ní, ohaa mókótálí tsá mu, alayintá mú iwisu ató fée ilo atsapó ibito bu ahá ámuto. ⁴⁴ Otsi ánfí lótsun yo Yesu oma, pó ibi da mu tati osiebí. Inonu obugya amu leka itin. ⁴⁵ Múú Yesu léfité obéé “Ma lapó ibi da mi?”

Bréá ahá ámu fée beé bumakóropú ibi da mu a, Petro léfité Yesu obéé, “Mí Wíé, odóm anfi bupu fú ánfí á, mú fúde asón ánfí fité?”

⁴⁶ Táme Yesu léblí obéé, “Oku lapó ibi da mi. Nawun ání oḡé kv ladáli mito.” ⁴⁷ Bréá oḡi ámu lówun ání itó amóú mabwé ámu lalin owan á, oledali ba. Odekpinkí kpakpakpaka, oleyéda akpawunu Yesu ayabito, bláa mu ahá ámu fée ansító tóá swá mappu ibi da mu, pú alíá manyá ilotsá. ⁴⁸ Inu Yesu lébláa mu obéé, “Mí bí, fú hógyi latsá fú ilo. Natí iwilwiiti.”

⁴⁹ Bréá Yesu bu mu tóí anfisú á, oku lésíí tsú Yairo wóyító ba bebláa Yairo obéé, “Fó bí ámu odikpa mowa alé. Mátepi trá wa osunápú tóí.”

⁵⁰ Bréá Yesu lónu asón ánfí á, oledláa Yairo obéé, “Mánya ifú. Fú mó hogyi wule, obénya nkpa.”

⁵¹ Bréá Yesu lówie wóyító inu á, omeha ohaa obu mu yo obuá kebi ámu da mótó, dun Petro, Yohane, Yakobo pó kebi ámu akwírópú. ⁵² Alí bré ámuto á, ahá ámu fée budesú, bude okitikíí. Yesu lébláa amó obéé, “Mlúsi okitikíí swá. Omakówú, didí ode.”

⁵³ Ahá ámu fée buyin ání otsibi amu lawú. Mó su bómási Yesu. ⁵⁴ Inu Yesu lékitá otsibi amu ibi, kpóli mu obéé, “Obí, kusú!” ⁵⁵ Oḡé lelawíé mu, okukusó líí oḡsáwule pé. Múú Yesu lébláa amó obéé, “Mlídunka tóku ha mu ogyi.” ⁵⁶ Onó lobwie otsibi amu akwírópú, táme Yesu léda amó olá obéé, “Mlímábláa ohaa asón ánfí.”

9

Akasípú Dúanyo Amu Sumbíwa (Mateo 10:5-15; Marko 6:7-13)

¹ Yesu létí akasípú dúanyo ámu fia, oledha amó túmi, há amó okpa obéé, bugyáa oḡe laláhe fée, abutsa ilo. ² Olowa amó obéé, buyéda Bulu iwíegyi ámu okan, abutsa alopu. ³ Oledláa amó obéé, “Ní mlóyó á, mlímátsu tótó. Mlímátsu oyin yíahé, akpánkogyo, atogyihe, kóba ntéé atade nyóssi. ⁴ Wóyigyíwóyítóá bǎhó mlí á, mlútsia inu yófun ekeá mlédali wúlu amuto. ⁵ Ní bumǎhó mlí wúlu kusú, mlídédali mlóyó á, mlíkpa mli ayabito-isi wóli wúlu amuto, isuna ání bumébi bwé.”

⁶ Benatí kí nsiné inu awúlu féesú, bude ason wankláán ámu okan da, tsá ilo.

Herode Légyigyáa (Mateo 14:1-12; Marko 6:14-29)

⁷ Bréá Galilea omásó ogyírópú Herode lónu tóá ide músó yo á, olegyigyáa. Tsúfíé aku budeblí beé, “Asú Oḡopó Yohane lakósú tsú afúlitó.” ⁸ Aku é beé, “Bulu onósó otóipó dada Elia lálé iwi owan.” Aku é beé, “Bulu onósó otóipó dada amuto oku lákósú tsú afúlitó.” ⁹ Herode léblí obéé, “Nahá batin Yohane. Ngya oyin omámu iwi asón ntráa ndenu alí?” Mó su olobó mbódí ání mówun Yesu.

Ahá Mpím-nu Atogyihe Ha (Mateo 14:13-21; Marko 6:30-44; Yohane 6:1-14)

¹⁰ Yesu sumbí ayopó amu beyinkí bá bebláa mu tóá bayóbwé. Okekpa amó buo iwi, amó nkole bǎyo Betsaida wúluto. ¹¹ Bréá odóm amu bebi ání obu inu á,

begya mu okpa yo inu. Yesu lóhó amó atúu, òlèbláa amó Bulu iwíegyi amu iwi asón, òlètsa amóá budele.

¹² Bréá owí depón a, sumbí ayópó dúanyo amu beba bebláa Yesu be, “Ha amó abonati, ménì bétalí yó awúlu ání ibu mantáa nfiṣo yódunká atogyihe móa òdikpa, tsúfè animéenya tótó há amó òimbí ánfító.”

¹³ Táme Yesu léle mó ònó òbée, “Mludunka ató ha amó abugyi.”

Akasípó amu bebláa mu be, “Tóá anubu fèé gyí bodobodo apin anu pò ntsutso iye bwáhé anyo. Nkétí anilayóhó atogyihe ba ahá ánfí fèé.” ¹⁴ (Ayin ání bubu inu bóbwe fè mpím-nu (5,000).)

Yesu lébláa akasípó amu òbée, “Mliha amó abotsia okútó. Iku kole ibwée fé ahá aduenú (50).”

¹⁵ Akasípó amu bóbwe dínká mósó, òhagyíḡha létsiá asi. ¹⁶ Inu olotsu bodobodo anu pò ntsutso iye bwáhé anyo amu. Inu olotsu ansí fúá kí òsósó, òleda Bulu ipán. Múú olebiabíá mútò pùhá akasípó amu òbée, buyée mú ha ahá ámu fèé abugyi. ¹⁷ Amu fèé begyi mwe sian. Bréá akasípó amu botósi isianhe amu a, òbòulá alakpá dúanyo.

Ọhá Aní Yesu Gyi

(Mateo 16:13-19; Marko 8:27-29)

¹⁸ Èke oku Yesu nkole dé mpáí bò, mu akasípó amu bubu inu. Múú òlefíté amó òbée, “Ma ahá beé ngyi?”

¹⁹ Bele mú ònó be, “Aku be, fógýí Asú Ọbópó Yohane. Aku be, Bulu Ọnósó Ọtáípó Elia. Aku é be, Bulu ọnósó ọtáípó dada oku lákósó tsú afúlitó.”

²⁰ Múú òlefíté amó òbée, “Mlì é mē? Mliha mígyí ma?” Petro léle mú ònó òbée, “Fógýí Kristo, (òhá ámuú Bulu ladá mu ofúli amu) nu.”

Yesu Iwiasin Pó Mu Lowu Iwi Asón Bli

(Mateo 16:20-28; Marko 8:30-9:1)

²¹ Inu Yesu léda amó òlá kpákpáákpá òbée, bómábláa òhaa mu iwi asón ánfí. ²² Ọlètrá bláa amó òbée, “Ilehíán ání mí, Nyankpọsa-Mu-Bi ánfí nēhiwun iwiasin tsòtsòtsò Yudafo ahande, Bulu igyi ahapó dehen pò Mose mbla asunápó ibito; amó fèé békíná mí, há bómó mí, táme Bulu òbélakósúa mí tsú afúlitó eke sáásí.”

²³ Inu òlèbláa ahá ámu òbée, “Ní oku dékléá obóbuo mí á, osii tóá otekle bwe, otsu mu oyikpalíhe ekekegyíeke bobuo mí. ²⁴ Tsúfè ní oku léprí mu nkpa á, òbòhulú mú. Ní oku é lési mu nkpa há mí sù é á, Bulu òbóhó mu nkpa. ²⁵ Ní oku onyá oyító ató fèé, táme òhùlì mu òkláa a, labi mómò òlwa há mu? ²⁶ Ní oku onyá mía mí atosunáhé péli a, mí, Nyankpọsa-Mu-Bi ánfí é nénya mu péli bréá nna mía mí Sí pò mu abopu wánkíhé numnyamto nebá. ²⁷ Ọnòkwali nde mli bláa. Aku bubu mlitò nfi bómóowu asa bówun Bulu iwíegyi amu.”

Yesu Iwitsée

(Mateo 17:1-8; Marko 9:2-8)

²⁸ Yesu léblí asón ánfí ndawótswí ọma a, òlekpa Petro móa Yohane pò Yakobo buo iwi, bòdu yó mpáí òbòkpá ibu kusu. ²⁹ Bréá ọde mpáí ámu bò á, mu ansító letse. Mu atadiwun lofulú húnánáná, ide ogyá kpa. ³⁰⁻³¹ Inu á, ahá abanyó ání batsiá kí, bogyi Mose móa Elia bele iwi ọwan òsósó numnyamto. Amóá Yesu botósi tsú mu lowuá Bulu léhiwun tswi mu ání imóowa ọpá obówu Yerusalem iwi.

³² Petro móa mu aba ámu bedidi. Bréá bowan tsinkí á, bowun Yesu numnyam, ahá abanyó ámu é búlú mu wá. ³³ Bréá ahá abanyó ámu bodeñatí á, Petro lébláa Yesu òbée, “Mí Wíé, ibu aláá abétsiá nfi. Ha ada abú asa. Fú klé kole, Mose klé kole, Elia é klé kole.” (Ọmèbí tóá òdeblí).

³⁴ Bréá ɔde asón ánfí blí á, agyinde ku lobobun amó féesó. Inu ifu lekítá amó abasá ámu. ³⁵ Inu á, ɔme ku ledalí tsu agyinde amoto ɔbéε, “Ɔni gyí mí Bía nalé ní. Mliyaa asu amlinu mu ɔme.”

³⁶ Ɔme amu lótsutsúa ibeka tin á, lasí Yesu nkole unu. Akasípó amu bekpá ɔnó bun asón ánfisú nke ámuto. Bomebláa ɔhaa itáá bayówun.

Ino Didahe Ɔlópó Tsa

(Mateo 17:14-18; Marko 9:14-27)

³⁷ Mú ɔyi kehe a, Yesu mu akasípó abasá ámu bekpí tsú ibo ámuvo, ɔdam amu befia mu. ³⁸ Inu amótó ɔku lókplɔn ɔbéε, “Osunápó, kókoli, damli kɪ mí bí ha mi. Obi yinhé ɔkule pé ogyi mí. ³⁹ Ɔhe laláhe ku towíé muɔ, ɔɔkplɔn. Ɔteduda gbha, ɔdekɔ tsikitsiki, mu ɔnó ɔɔwé afu. Ipiantó asa itesí mu, ide mu yintá. ⁴⁰ Nobobwii ipa há fú akasípó amu mbéε, bugyáa mó le muɔ, táme bometalí.”

⁴¹ Yesu léle mú ɔnó ɔbéε, “Ndeмба-ábíá mlumá hógyi, mli tsiátó ma ale. Alí nétsiá mli wá, nyá klɔn há mli ekekegyíεke ní?”

Inu ɔlebláa oyin ámu ɔbéε, “Kpa fú bí ámu ba mi.” ⁴² Bréá ɔlekpa kebi ámu ɔbá á, ɔhe laláhe amu léfin mu dá, ɔdekɔ tsikitsiki. Táme Yesu lókplɔn wa ɔhe laláhe amu, tsá kebi ámu. Inu oleyinkía mu há mu si. ⁴³ Bulu túmí kpankpanɔti ámu leha ɔnó lobwie ahá ámu fée.

Yesu Lowu Iwi Asón Blí Otse Nyɔɔsi

(Mateo 17:22-23; Marko 9:30-32)

Bréá mu bwehé ide ɔhagyíɔha wánwan wa á, Yesu lébláa mu akasípó ɔbéε, ⁴⁴ “Mlihiε yaa asu amlinu. Béle mí, Nyankpɔsa-Mu-Bi ánfí há adón bómo mí.”

⁴⁵ Táme akasípó amu bomonu mó así. Bulu lópu mó asinu nǵáin amó. Mú su muɔwankí amó asón ání ɔdeblí. Ifú é de amó ání béfité mu.

Ma Ɔbóbwe Ɔhande?

(Mateo 18:1-5; Marko 9:33-37)

⁴⁶ Nwéεn ku léba akasípó amu siné, tsú amótó ɔhá ání ɔbóbwe ɔhande iwi. ⁴⁷ Yesu lébi amó agywun. Mú su ɔlekpa kebi ɔku belí mu iwi wá. ⁴⁸ Mú ɔlebláa amó ɔbéε, “Ɔhagyíɔha ání ɔlɔhɔ kebi ánfí mí dátó laho mi. Ɔhagyíɔha ání ɔho mi é laho ɔhá ámu ɔlɔwa mí ámu. Tsúfée ɔhá ání ogyi ɔtráhe mlito fée gyí ɔdéhεn.”

Ani Obiɔpu

(Marko 9:38-40)

⁴⁹ Yohane lébláa Yesu ɔbéε, “Mí Wíé, anulówun oyin ɔku dépu fú dá gya ɔhe laláhe, anuléka mu tin, tsúfée oma anito.”

⁵⁰ Táme Yesu lébláa amó ɔbéε, “Mlumáka mu tin! Tsúfée ɔhá ání ɔmɔkɔsú lí mluvo buo mli.”

Samariafɔ Bumoɔho Yesu

⁵¹ Bréá nkeá Bulu obótsu Yesu ya ɔsósó dekpɔkpé ba a, ɔlɔbwe agywun ání ɔbóyo Yerusalem kokooko. ⁵² Ɔlɔwa abí gyankpá yó Samaria wúlu kuvo ɔbéε, buyéla unu yai ha mu. ⁵³ Táme bumoɔho mu wúlu amoto, tsúfée Yerusalem ɔyó. ⁵⁴ Bréá mu akasípó Yakobo mu Yohane bowun ali á, befité mu beε, “Ani Wíé, fɔdeklé fεε ahá ogyá itsu ɔsósó bɔho amó mó?”

⁵⁵ Táme Yesu lédamli, wá iyun wá amó. * ⁵⁶ Mú ɔbɔpu ɔkpa yó wúlu bámbásó a.

Ahá Aní Bεε Bóbwe Yesu Abiɔpu

(Mateo 8:18-22)

* **9:55** Inu bu nwóló dada amu akoto: Ɔbéε, “Mluméyin ɔhe oduá ide mli kpa. Tsúfée Nyankpɔsa-Mu-Bi ámu méba ahá ɔmɔkpá, nkpa ɔhɔkpa ɔleba.”

57 Bréá buna akpatò bọyó á, oyin okò lébláa Yesu òbée, “Nóbuo fú yó òtínegyíatínéá fọyó.”

58 Yesu lébláa oyin ámu òbée, “Awíá bubu mbó, mbubwi é bubu asia, táme mí, Nyankpusa-Mu-Bi ání mú á, mma otínéá nọpọ mí nwun tswi.”

59 Yesu lébláa oha bambá é òbée, “Bobuo mi.”

Táme oyin ámu lébláa mu òbée “Owíé, ha mí anyopulá mí sí asa ambobuo fu.”

60 Móu Yesu lébláa mu òbée, “Si awupó† abupula amó afúli. Táme fú mó yó afuyeda Bulu iwíegyi ámu akan.”

61 Okò é lébláa mu òbée, “Mí Wíé, nóbuo fu, táme ha mí anyinki yeklá mí wóyító ahá asa.”

62 Yesu lébláa mu òbée, “Ohá ání otésrí dámlí kí oma mófun ha Bulu iwíegyi ámutò agyómá yó.”

10

Akasípú Aduesienó-nyọ Sumbi Wa (Mateo 10:7-16)

1 Iní oma a, Yesu léle mu akasípú aduesienó-nyọ (72)* akú é, olowa amó abanyó-abanyó òbée bogyánkpa yó wúlugyíwúluá mu onutó móyọ mósú.

2 Ojébláa amó òbée, “Atò kpọtíhé amọ itso, táme mó akpọtípú bumòtsó. Mó sọ mlíkòkòli ndọ mu wie, owa akpọtípú tsòtsò abuba òkpọtí mu ató ámu.

3 Mlinati, mlibi ání nde mli wa fẹ akúfabi oyó adúndutò. 4 Mlimátsu sika kente, akpankogyo ntée ntòkuta kitá. Ní mliná akpatò á, mlimáli tónton ahá. 5 Ní mlowíé wóyígyíwóyítóá a, mligyankpa bla amó mliaa, ‘Bulu ohá mli iwilwii.’

6 Ní wóyí mu wie amọ tekle iwilwii a, mli iwilwii bésin wóyí ámu sọ. Táme ní otamakle iwilwii a, ibésanki bá mli wá. 7 Mlitsia wóyí amóú bọhọ mli mútò ámutò. Mligyi ató, amlinu tógyítóá béha mli, tsúfẹ agyómá oyọpọ bọteká ikọ.

Mlimátu láyétsiá wóyí bámbátó. 8 Ní mlowíé wúlu kọsọ, bọhọ mli á, mligyi tóá béha mli. 9 Mlitsa alọpọ ání bubu wúlu amutò, amlibla wúlu amutò ahá mliaa, ‘Bulu iwíegyi lawíé wóyí tá.’ 10 Táme ní mlowíé wúlu kọsọ, bumọhọ mli á, mlidalí yelí brọnsọ, amlibli mliaa, 11 ‘Anidé mli wúlu tó títúu amóú lawólí aní ayabiasí amọ kóráá kpakpáa wólí. Táme mlibi ání Bulu iwíegyi ámu lawíé wóyí tá.’ 12 Nde mli bláa mbéé, Bulu òbébití wúlu amutò ahá isọ dun Sodomfọ mu asún ogyíké amọ.

Ahá Aní Bọmedamli Klontọ Asóngyi (Mateo 11:20-24)

13 “Korasinfọ, mligyọwí. Betsaidafọ, mligyọwí ní. Ní Tiro pọ Sidon awúlu laláhe amutò nọbwe ofúla akpónkpọntí ání nọbwe mlitọ ání á, tekí buda akpekpeto, bakpá nsúó wá nwuntọ pọsúná ání badámli klontọ. 14 Táme mlibi ání Bulu òbébití mli isọ mu asún ogyíké dun Tiro móa Sidonfọ. 15 Mli Kapernaumfọ, mlidéklé mliaa mlótsu iwí fọá alu yówọ osósú? Ekẹkẹkẹ! Bulu òbéha mli asi yówie afúlitọ.”

16 Yesu lébláa mu akasípú amọ òbée, “Ohá ání ohọ mli asún lahọ mi. Ohá ání olekiná mli asún họ lakíná mí asún họ. Ohá ání olekiná mí asún họ é lakíná mí Sí amóú olowa mí ámu asún họ.”

Akasípú Aduesienó-nyọ Amọ Yínki Ba

† 9:60 Awupó gyí ahá ání bawú òhétí. * 10:1 Aduesienó-nyọ (72): Aduesienó (70) bọ nwóló ámu akotọ.

17 Akasípó aduesienó-nyo ámu beyinkí ba ansigyísó. Bebláa Yesu bee, “Ani Wíé, ní akplón wa ηε laláhe kóráá fú dátó a, b̄otobú anu.”

18 Yesu lébláa amó obéé, “Nowun ání Satan lékpa tsú osósó fē alíá nsainto t̄ofwí ibi b̄eda osulótó p̄a. 19 M̄l̄nu! Nahá m̄l̄ túmí ání m̄l̄tsatsa awó p̄ó nyankp̄okp̄iesu tsun, am̄l̄gyi ̄Ob̄onsám túmí f̄éésó. T̄ot̄ot̄o m̄óob̄we m̄l̄. 20 T̄áme ansí mágyi m̄l̄ ání ηε laláhe labú m̄l̄. Mboūn ansí igyi m̄l̄ ání Bulu lawánlín m̄l̄ adá tswi osósó.”

Ansi Legyi Yesu (Mateo 11:25-27; 13:16-17)

21 Alí bré ámw̄t̄o á, ηε Wankíhé léha ansí leh̄e gyi Yesu. M̄óú ōleblí obéé, “Mí Sí, osó mua así Owíé! Nedá fú ipán ání falé t̄óá fop̄ηáín anyansap̄u p̄ó asún ab̄ip̄o owan súná ahá ání b̄umeyín ōlala, b̄ogyi fē nyebí. Ee, Mí Sí! Alí f̄odeklé fēe íbá mótó ní.”

22 M̄óú ōlebláa mu akasípó amu obéé, “Mí Sí lapú t̄ogyító wá mí íb̄t̄o. ̄Ohaa méyín ōhá ání Obí ámu gyí, nk̄éti ̄Osi ámu nk̄ole. ̄Ohaa méyín ̄Osi ámu é, nk̄éti Obí ámu, p̄ó ōhá ání Obí ámu latsúlá ání obéle mu súná mu.”

23 Bréá ōhaa má amó wá á, ōledam̄l̄ k̄i amó, bláa amó obéé, “M̄l̄ m̄ó á, Bulu layúlá m̄l̄, m̄l̄idé ató áñfi w̄úun. 24 Nde m̄l̄ bláa mb̄éé, Bulu onósó at̄oip̄o p̄o awíe tsots̄ot̄so bekle ání b̄owun ató áñfi, abunu asún áñfi m̄l̄id̄enu, t̄áme b̄umenya mó alí.”

Samariayin Awit̄olep̄u ̄Ok̄u

25 Mose m̄bla osunáp̄o ok̄u lókusó líí fité Yesu asún áñfi p̄osó mu k̄i. ̄Ōlefité mu obéé, “Osunáp̄o, nt̄o mb̄wéé asa anya nkpa ání itamatá?”

26 Yesu lébláa mu obéé, “Nkálí Mose Mbla léblí? Nkálí fonu mó asi?”

27 Oyin ámu lébláa mu obéé, “P̄o fú kl̄on, fú ok̄l̄áa, fú owonlín p̄ó fú agywun f̄éé dwe fú Wíe Bulu, af̄odwe fú bá fē fú íw̄l̄.”

28 Yesu lébláa mu obéé, “Mó fablí á. Bwe mó, fénya nkpa ání itamatá.”

29 T̄áme oyin ámu lékléá ob̄osuná ání mó asún da okpa. Mó sv ōlefité Yesu obéé, “Ma gyí mí bá?”

30 Yesu lébláa mu obéé, “Bré kus̄u oyin ok̄u lékplí tsú Yerusalem ōyó Yeriko. Bréá on̄a okpat̄o á, oleyéfia ogyo atswap̄o ak̄u. Ahá áñfi bekpa mu tati, swíí mu ató f̄éé, dá mu sian mu m̄o, náti sí mu tswi. 31 Bulu igyi ōhap̄o ok̄u ná okpa ámu k̄énsó. Bréá olowun mu sísí á, ōlebaí tsun íf̄ont̄ó náti sí mu. 32 Alí k̄én Lewiyin ok̄u é l̄b̄ot̄u mu, báí tsun íf̄ont̄ó náti ní. 33 T̄áme Samariayin ok̄uá oná okpa ámusu mó l̄éba bowotíí musu. Bréá olowun oyin ámu a, ōlwa mu nwe. 34 ̄Ōlenatí ȳt̄o mu. ̄Ōlets̄eí nta kpekplé wólí mu n̄l̄os̄u, yí ofobí wá mó, klí mó, tsú mu d̄ínká mu afrímúsó, p̄ó mu ya af̄oó ōswiúkp̄á yéki musu. 35 Mó ōyi kehe a, Samariayin amu léle sika futútú anyo há af̄oó ōswiúkp̄á inusu ok̄ip̄u obéé, ‘K̄i musu ha mi. Ní feyintá t̄ok̄u tsía a, neyínkí néka f̄o.’ ”

36 Yesu lóm̄o mó onó obéé, “Fú at̄o kih̄et̄o á, ahá abasá áñfito om̄om̄u gyí oyin ámóú olefia ogyo atswap̄o ámu mu ba?”

37 Mose m̄bla osunáp̄o amu lébláa mu obéé, “Oyin ámóú olowun mu nwe ámu.” Yesu lébláa mu obéé, “Mómó yo af̄oyob̄we mó odu.”

Marta M̄ba Maria Wá Ȳo

38 Bréá Yesu mua mu akasípó b̄ona okpat̄o b̄oyó Yerusalem a, bowie w̄ulu kus̄u. ̄Ōtsi ok̄uá b̄ut̄et̄i mu Marta l̄h̄o mu af̄oó, ōlekpa mu ya mu w̄oyító. 39 Mu pio t̄sh̄é gyí Maria. Maria anfi lébetsiá Yesu ayabiasí, ōde mu atosunáhé nu.

40 Marta nk̄ole dédam̄l̄ tsun mótó, alíá íb̄ob̄we ob̄ob̄we amó af̄oó̄t̄o. ̄l̄lod̄un mu.

Móó òlenatí yó Yesu wá, yéfité mu òbée, “Mí Wíé, fawun ání mí píó lasí agyómá ámu fée tswí mī nkolesu? Bla mu òbetsa mí.”

⁴¹ Yesu lébláa mu òbée, “Oo Marta, Marta! Fùde fú iwí háan ntóbí tsòtsòtsò iwí. ⁴² Toku kole pé déhián, Maria lalé móá ibu alé dun. Óhaa méetalí swíí mu.”

11

Mpáibo Iwi Atosundáhe (Mateo 6:9-13; 7:7-11)

¹ Èke òku Yesu bu òtneku òde mpáí bò. Bréá òbòbò mpáí ámu tá á, mu akasípó amutò òkule lébláa mu òbée, “Mí Wíé, suna aní mpáí bò fè alá Asú Óbòpú Yohane lósuná mu akasípó.”

² Yesu lébláa amú òbée, “Ní mlòbò mpáí á, mlibò mú ali.

‘Aní Sí,

ahá búbúu fú dá.

Ba begyi iwíe.

³ Ha aní atogyihéá íbòfon aní ekekegyíeke.

⁴ Si aní lakpan kie aní,

fé alá anutesikíé ahá ání bütápú ílá gyi aní.

Mákpa aní wá ísòkító.’ ”

⁵ Iwu òlebláa amú òbée, “Ní mliṭò òku bu onyawíe a, òbòkusú yó mu wá òyínsiné yébláa mu òbée, ‘Mí nyáwíé, pan mī bodobodo apin asa. ⁶ Mí nyáwíe òku labòswíí mí sésééséí. Mma tótá néha mu obégýí.’

⁷ “Mu nyawíe amu òbèbláa mu sísí òbée, ‘Máwa mí tói. Mía mí abí aniladí. Nafin obu, mméetalí kòsò beha fú tótò.’ ⁸ Nde mli bláa mbéé, fiáli onyawíe òkpasu á, òmòkusú há mu. Táme alá òde mu kokóli kótóó su á, òbòkusú há mu alá odeklé.

⁹ “Mú su nde mli bláa mbéé, mliṭoli Bulu, òbèha mli. Mliṭunka, mlówun. Mliṭa mu klunsu, obéfinkí mú há mli. ¹⁰ Tsúfè óhá ání òtòkóli ató tenyá. Óhá ání otodúnká ató towun. Óhá ání òtedá klunsu bótèfinkí há. ¹¹ Ósí òmòmu bu mu, mu bí òkóli mu iye a, òbékítá iwò wá mu íbító? ¹² Ntée ní òkóli mu bònò a, òbékítá nyankpòkpíe wá mu íbító? ¹³ Mli lakpan abwepò kóráá mliyin alá bütápú ató wankláán há mli abí. Ntogyi sù mli Sí amú òbu òsúsú ámu mú móòpu Óje Wankíhé há ahá ání búde mu kulí?”

Yesu Mva Beelsebul (Mateo 12:22-30; Marko 3:20-27)

¹⁴ Yesu légya òje laláhe lé oyin òkuá alatò omúmutò. Bréá òje laláhe amu lédali a, oyin ámu lówa tó bi. Mú su ònò lobwíe òòm amu. ¹⁵ Táme amótò aku beblí beé, “Óje laláhe owíe Beelsebul túmí òdepugya òje laláhe lé ahátò.”

¹⁶ Amótò aku é bekleá bósò Yesu kí. Mú su bebláa mu beé, òbwéé osúna pòsuna ání lélé otsú Bulu wá. ¹⁷ Táme Yesu lébi amú agywun. Mú su òlebláa amú òbée, “Iwíe ogyíkpa ání òlaye anyò, búde aba kò tédida. Wóyí oduá mótò atsiápò búde aba kò é tobwíe. ¹⁸ Ní Satan iwíe ogyíkpa labóí anyò, búde aba kò á, mu iwíegýí bédida. Táme mliṭéblí mliáa, Beelsebul dátò nde òje laláhe gyáa le ahátò. ¹⁹ Ní Beelsebul túmí ndepugya òje laláhe lé ahátò á, mómú ma túmí mli abí é búdepugya òje laláhe lé ahátò? Mli abí ámu onutò obégýí mli asón. ²⁰ Táme íniá Bulu túmí ndepugya òje laláhe su á, mliṭi ání Bulu iwíegýí ámu laba mli wá dodo.

²¹ “Tsúfè ní òwonlínpú bu akotò, òde mu wóyí gyo a, mu tótò tamafwí. ²² Táme ní óhá ání òbu òwonlín dun mu òbá begyi musu á, òtsòswíí mu mu akotò amú mu ansí dun mósú ámu, yée mu atáá olenya étò.

²³ “Ọhà àní omobuo mī dé mí lu. Ọhà àní ọmẹdẹ mí tsa akpa ahá ba Bulu é dé amó gyáa tẹiá mī.

Ọje Laláhe Yínki Ba Ọhato
(Mateo 12:43-45)

²⁴ “Ní ọje laláhe idáli ọhato á, iteyéki dimbísó dúnká otsiákpá, táme itamanyá. Inu itebli àní ibeyínki yó mó wóyí dadato. ²⁵ Ní isánki yó á, itowun àní baféí mótó, lá mótó wankláán. ²⁶ Iteyínki yékpá mó aba asienó àní butóbwé laláhe dún mu, buteba betsiá unu. Inu ọhà ámu tsiátó teyíntá dún alá igyi yáí.”

Oyúla Onutó

²⁷ Bréá Yesu dé asón ànífí blí á, ọtsi ọku bu ọdọm amọtọ. Ọtsi ámu lótsu ọme fọá blí ọbẹe, “Bulu layúlá opúní amóú fedí mótó pọ nyọpọ amóú fonyọpọ ámu.”

²⁸ Táme Yesu lébláa mu ọbẹe, “Ahá àní butonú Bulu asón, gyí mósó mboun Bulu layúlá!”

Bođunká Ofúla
(Mateo 12:38-42)

²⁹ Bréá ọdọm amu buđemoní tsiá a, Yesu lébli ọbẹe, “Ndeмба-abí laláhe, mlídé osúna dúnká amliwun, táme mlumóowun kokuboku dún Bulu ọnsó ọtọpọ Yona osúna amu. ³⁰ Tsífé alí amóú Yona lóbwe osúna há Niniwefọ ámu a, alí mlí, Nyankpọsa-Mu-Bi ànífí é nóbwe osúna há ndemba-abí ní. ³¹ Seba owíe tsihé ọbókọsú líí Bulu asón ogyíké, há mlí ndemba-abí ànífí ipón. Tsífé olotsu ọsaasí ọmá kọtọ kéín gya ọkpa ba, bonu Salomo nyánsa atosunáhé. Mlíkí, ọhà àní ọdọn Salomo líí nfi á. ³² Niniwefọ é bókọsú líí Bulu asón ogyíké amu, há mlí ndemba-abí ànífí ipón. Tsífé bréá Yona léda Bulu asón ọkan súná amó á, bedamlí kłontọ ba Bulu wá. Mlíkí, ọhà àní ọdọn Yona onutó líí nfi á.

Nyankpọsa-oyí Ọkandíe
(Mateo 5:15; 6:22-23)

³³ “Ọhaa tamanywé ọkandíe pọnjáin, ntée pọ oló bun mósó. Ọfọákpá ọtọpúbian, ménu ibówankí há ahá àní bẹba wóyí ámọtọ. ³⁴ Fọ ansíbi igyi ọkandíe há fọ nyankpọsa-oyí. Ní fọ ansíbi bu alá á, fọ nyankpọsa-oyí ámu fée bówankí. Táme ní fọ ansíbi ma alá a, fọ nyankpọsa-oyí ámu fée ibóklun. ³⁵ Mó su mlíkí àní wankí onutó bó mlítọ, megyí oklún. ³⁶ Ní fọ nyankpọsa-oyí ámu lówankí, oklún ma ọtinetune a, fọ iwí fée bówankí fẹ alá ọkandíe tọwánkí wólí fúsó.”

Mose Mbla Asunápo Pọ Farisifo Tsiátó
(Mateo 23:1-36; Marko 12:38-40)

³⁷ Bréá Yesu lótọtá tá á, Farisiyin ọku létí mu atọ ogyíkpa mu wóyító. Mó su Yesu lóyo yétsiá ọpónó ámu asi. ³⁸ Iłwa Farisiyin amu wánwan àní Yesu mófwi ibi pọgyóra iwí asa ọde atọ ámu gyí. ³⁹ Inu su Yesu lébláa mu ọbẹe, “Mlí Farisifo mlítọfwi mlí nwe pọ mlí ablanwé wankláán, táme ọnsipe móa owuntọlun són lábólá mlí. ⁴⁰ Mlí aha mimláhe, megyí mótó móa mó ọma fée Bulu lóbwe? ⁴¹ Mlipo mlí atonyahé ámu ha ahianfọ, tógyító iwí bétin ha mlí.

⁴² “Farisifo, mligyọwí ní! Mlitye mlí ọtsotsó pọ kpántánkplámá aná féeétó idú, pọ idúsi amu há Bulu. Táme mlímédé Bulu mbla ámóú ihíe dehián, igyi asóngyí ọnkwaltso pọ Buludwe ámu su gyí. Módéhián ni, táme mlímákiná iyétó dúsi amu é ha.

⁴³ “Farisifo, mligyọwí ní! Mlitye otsiákpá yílé tsiá Yudafọ ofiakpa. Mlitye mlaa, ahá búbún ha mlí itsiá dunsu. ⁴⁴ Mligyọwí ní! Mlilabwé fẹ ntsán àní bọmehie mó nso*, ahá butọtsun mósó bọmeyín àní ntsán igyi.”

* **11:44** Yudafọ amándíe ọnsó á, ní fetsá ntsánsó a, ifin lada fọ. Mó su butekpa mó afá futútú, pọhíe mó nso.

⁴⁵ Mose mbla asunápó amòto òkole lébláa Yesu òbée, “Osunápó, ní fèblí alí á, fasiá aní é o.”

⁴⁶ Yesu léblí òbée, “Mose mbla asunápó, mli é mligyòwi ní! Tsúfè mliṭòpò atò dwindwín sùrá ahá, táme mliṭamapó osrebi òkole kóráá tsá amó sùrá.

⁴⁷ Mligyòwi ní! Tsúfè mliṭòpówé Bulu ònósú atòipó amó mli anáin bòmò ámu ntsán wankláán. ⁴⁸ Iní désuná aní mliṭatsúlá dínká mli anáin bwèhé ámu sù ní. Tsúfè mli anáin bòmò amó, mli é mliṭapwé amó ntsán. ⁴⁹ Mú sò Bulu lópu mu nyánsa blí òbée, ‘Nówa mí ònósú atòipó pò mí sumbí ayòpó amótó. Bómò akú, dínká akú ésó.’ ⁵⁰ Bulu òbèfité mli ndemba-abí ánfí mli ònósú atòipó ámu obugya amó òwòlì así tsú bréá òyí lèlun òpá ámu. ⁵¹ Òbèfité tsú Habel obugyasu alu bòfon Sakaria klésò. Mu bòmò afòdìe-asubwi múa Bulu òtswékpa amu nsinè ní. Ee! Nde mli bláa mbée, Bulu òbèfité mú tsú mli ndemba-abí ánfí wá.

⁵² “Mose mbla asunápó, mligyòwi ní! Tsúfè mliṭé asónbì sáafi amu. Mliṭéfinkí wíé, mliṭéhá ahá òkpa é abòwie.”

⁵³ Bréá Yesu lénatí unu òyó á, Mose mbla asunápó pò Farisifó ámu bòpu mu iwí òbló, yó bode mu asón tsòtsòtsò fité pòfínì mu yibi, ⁵⁴ kí bée bénya mu ònótó asòanku pókítá mu.

12

Apinabwèbìwè Iwí Òláda (Mateo 10:26-27)

¹ Igýí alí, bréá ahá mpím-mpím beba befia unu, bode aba ayabiasí tsatsáa a, Yesu légyankpá dá mu akasípó amu òlá òbée, “Mliṭí wankláán Farisifó Bodobodotu-afású,* tsúfè apinabwèbì abwèpò bogyi. ² Tòtò má unuá babun ató mósó aní bumòobwíí mósó. Tógýító é ma unuá ilerjain aní uméelun òwan. ³ Bèda asón aní mliṭéblí nklobító òkan. Kugyíkúá igýí, iplò bóbon.

Òhá Aní Abénya Ifú (Mateo 10:28-31)

⁴ “Apíó aba, nde mli bláa mbée, mliṭánýa nyankpòsa ifú. Òbétalí mó mli òyulú, táme òméesetalí bwé mli tòtò mó òma. ⁵ Nòsúná mli òhá aní mliṭnyá ifú. Múgýí Bulu. Mu òmó mli òma a, òbu túmì tswí mli òkláa é wá isòbití ogyá aní itamadunto. Ee! Mu mliṭnyá ifú ní!

⁶ “Afiní bòtòkòkò fè akénsire anu kéké? Megýí kóba ana? Amó kóráá á, Bulu tamatan òkòkòsù, ⁷ ménì bée mliá Bulu yin mli nwunsu imi kóráá klátò. Mú sò mliṭánýa ifú. Mliṭu ibiá òn akénsire tsòtsòtsò!

Adánsiégýí Pó Asónkiná (Mateo 10:32-33; 12:32; 10:19-20)

⁸ “Nde mli bláa mbée, ní òkò létalí gyi mí iwí adánsiè ahátò á, mí, Nyankpòsa-Mu-Bi ánfí é négyi mu iwí adánsiè Bulu-abòpu ansító. ⁹ Táme ní òkò lékiná mí ahátò á, mí é nékiná mu Bulu-abòpu ansító.

¹⁰ “Òhagyíòha aní òlèblí mí, Nyankpòsa-Mu-Bi ánfí iwí asòn laláhe a, Bulu òbétalí sikié mu. Táme ní òkò léblí Òhe Wankíhé amu iwí abususu a, Bulu méesikié nde, oméesikié mu òke.

¹¹ “Ní bekpá mli ya Yudafo ofiakpa, ntée òmásó agyípó pò awíé ansító á, mliṭagywíun asón aní mliṭéblí póká iwí lé ntée alíá mliṭéle mú ònó. ¹² Tsúfè Òhe Wankíhé amu obòsuná mli alíá mliṭéblí alí bré ámuṭò.”

Osikani Mimláhe Òkú Iwí Yébi

* **12:1** Farisifó Bodobodotu-afá gyi amó afunu atosunáhé. Kí Mateo 16:12.

13 Ɔɔɔm amɔtɔ ɔku lébláa Yesu ɔbée, “Osunápó, bla mí déhen, ɔha mía mɔnyɔ aye atɔ́á aní sí lési yáí anɔtɔ.”

14 Táme Yesu léfité mu ɔbée, “Agya, ma léyaí mí asón ogyípo ntée atótó oyépu há mlí?” 15 Múú ɔlebláa ahá ámu fée ɔbée, “Mlíki wankláán onsíɔwasɔ, tsúfée nyankpɔsa nkpa uma atonyahé tsɔtsɔtsɔtɔ.”

16 Inu ɔleha amú yébi ɔbée, “Osikani ɔku ndɔtɔ ató lehié wá alé ofi ɔku. 17 Múú ɔlefíté mu iwí ɔbée, ‘Nkálí nóbwe mí ató-abí? Mma ɔtínéá nɔpɔyáí.’ 18 Inu ɔleblí ɔbée, ‘Nyin tɔ́á nóbwe. Nóbwie mí idan, láwá akpɔnkpɔnti. Mótó nɔpu mí atíkɔ pú mí ntóbí ámu wá ní. 19 Fówun nabláa mí ɔkláa mbée, ‘Mí ɔkláa, ikɔn idi fú asi. Kí, fubu ató tsɔtsɔtsɔtɔ́á ida ha fú nfi-nfi. Gyi, afonu, ansí igyi fú.’ ” 20 Inu Bulu lébláa mu ɔbée, ‘Ɔha mimláhe! Onyeni nde fú ɔkláa hɔ́o le fú ibɔtɔ. Ma obégyi ató ánfí, fagle yáí ánfí fée?’ ”

21 Yesu lómɔ mú ɔnɔ ɔbée, “Alí bóbwe ɔhá aní olekle ató yáí há mu iwí ɔsɔlúbɔ anfisɔ, táme ɔma tɔtɔ Bulu wá ní.”

Ansí Pɔdínká Bulusɔ (Mateo 6:25-34)

22 Inu Yesu lébláa mu akasípu ɔbée, “Mú su nde mlí bláa mbée, mɔmáhan iwí tɔ́á mlégyi, tɔ́á mlónu pú tɔ́á mlédídá sɔ. 23 Nyankpɔsa nkpa dehián ðun atogyihe. Mu ɔsɔlúbɔ é idun ató didáhé. 24 Mlíki aklankpa. Bɔtamadú, bɔtamasiéti wá idanto. Boma idan ntée ifa, táme Bulu tehá amú atogyihe. Mɔmá labi ðun mbubwi? 25 Mlitɔ ma ɔbétalí han iwí pú bré kpalobí tsía mu nketo? 26 Ní mɔmáétalí bwé itó túkúríibi ánfí kóráá á, ntogyi sɔ mlídé iwí háan tráhe amɔsɔ? 27 Mlíki alá pututɔ-oyí ntswítswí tedan. Itamayó agyómá ntée ló atati. Táme nde mlí bláa mbée, Owíe Salomo, mu inya féétɔ a, ɔmetalí híhié iwí wá akíle fě oyí ntswítswí anfitɔ kòkò. 28 Ní Bulu dé ifá aní nde úí, ɔke dawú, bawá mú ogyá tati didá á, ɔmáétalí didá mlí atati ðun mó? Ntogyi sɔ mlí hógyi mɔtsɔ alí?

29 “Mú su mɔmágywíun tɔ́á mlégyi ntée tɔ́á mlónu iwí, ɔha mlí ansí ipé. 30 Tsúfée iní aná ɔmá-ɔmá bɔtesrí gya ní. Mlí Sí ámu yin aní ide mlí hián. 31 Itáá mlígyánkpa dunka gyí Bulu iwíégyí, Bulu ɔbɔpu iní tsía mótó há mlí.

Atonyahé Pɔyáí Ɔsɔsɔ (Mateo 6:19-21)

32 “Ɔpasua túkúríibi, mɔmánya ifú. Tsúfée ibɔ mlí Sí ámu ɔdwe aní ɔbɔpu iwíe ogyíkpá amu há mlí. 33 Mlífě mlí iwísw ató, amɔlɔpɔ kɔ́ba amu kie ahá aní boma tɔtɔ. Mlíbun akentéá iméeyintá ha mlí iwí. Mógýí, mliyaí mlí siadie ɔsɔsɔ. Inu mú á, kòkò méedalí mótó, tsúfée awikplu boma inu, atéple é bɔtamawí ató inu. 34 Tsúfée ɔtínéá fú siadie bu a, inó fú agywun tetsiá.

Asúmpóá Bɔtogyo

35 “Mlíwa atadie, amɔlɔnywe mlí nkandíe. 36 Mlíbwe iwí fě asúmpóá bɔde amú wíe ɔkpa kí, obótsu ɔká otsiákpá ba. Fěkí ní ɔbá beda klɔnsɔ á, béfinkí há mu. 37 Ansí bégýi asúmpóá oduá amú wíe ɔbéba bɔtu amú bɔtsie bɔgyo mu. Ɔnɔkwali nde mlí bláa. Amú wíe amu ɔbésabáa tati, há amú bésíá ɔpɔnɔasi, mu onutó ɔbókɔnkí atogyihe amu há amú. 38 Ansí bégýi amú, ní ɔbá bɔtu amú bɔtsie bɔgyo mu, ɔyínsiné ntée bake. 39 Táme mɔlɔnu asón ánfí. Ní wóyí mu wie yin bréá owikplu ɔbéba mu wóyítɔ a, tekí omesi wóyí ámu tswi, owikplu móbwie wíe wí mu ató. 40 Mlí é mligyo, tsúfée mí, Nyankpɔsa-Mu-Bi ánfí néba bréá mlí ansí medín misú.”

Osúmpó Wankláán Pó Ɔlaláhe (Mateo 24:45-51)

⁴¹ Petro léfité mu óbée, “Ani nkole fode yébi anfi ha lóó, ntée ania ahá anfi fée?”

⁴² Yesu léblí óbée, “Ma mee gyi osúmpúá oletun ansí, óbu ónókwalí? Mu ibito mu wie tǎpú mu aba atráhe wá, óbée óhá amó atogyihe dinka brésó. ⁴³ Ansí bégyi osúmpú amó ní mu wie amó óbá bowun ání lélé óde mó bwe. ⁴⁴ Ónókwalí nde mli bláa. Mu wie amó óbópu mu ató fée wá mu ibito. ⁴⁵ Táme ní osúmpú amó léblí wá nwuntó óbée, ‘Mí wie íbábi makófún, óbówa ópá.’ Inu sù olefi así óde mu aba asúmpú atsi móa ayin da, óde ató gyi sí amó, óde ntá núu bu á, ⁴⁶ mu wie amó óbéba bofwie mutó ekéá ómedín ansí. Mu wie amó óbéhie títi mutó, trá bití muva ahá ání bómáho mu gyi isu kékée.

⁴⁷ “Osúmpú oduá oyin tóá igyi mu wie apé, táme ómela iwí bwé yáí á, mu wie óbéhie pítí mu ató wankláán. ⁴⁸ Táme osúmpúá omeyin mu wie apé, óbbwé tóá ilehián ha ató pítí á, mu wie óbépítí mu kpalóbí. Bulu tefíté tsòtsò tsú óhá ání óleha mu tsòtsò wá, ótefité tsòtsòtsò é tsú óhá ání óleha tsòtsòtsò wá.

Ipián Yesu Lópoba, Megyi Iwilwii (Mateo 10:34-36)

⁴⁹ “Ogyá ódúdákpa neba ósólóv anfisú. Ní mí nkole sù mó á, tǎki idetsii dodoodo. ⁵⁰ Asúbó kv ida mısá bóbó mí. Mí klun méedi mí así yófun bréá ílamó ónó. ⁵¹ Imábwe mli fé iwilwii nǎpoba ósólóv anfisú. Megyi iwilwii, ahá nsiné yintá nǎpoba. ⁵² Tsúfé tsú séi póya a, wóyí ání ahá abanú búbu mótó á, abasá bókusó líi abanyósú. Abanyó é bókusó líi abasásó. ⁵³ Abi yinhé móa amó así nsiné béyintá. Abí tshé móa amó ayín é nsiné béyintá. Osia tshé móa mu sia tshé nsiné é béyintá.”

Brétó Asón Asnu (Mateo 16:2-3)

⁵⁴ Yesu létrá bláa ahá ámu óbée, “Ní nyankpó obilá búsu á, mliteblí mliaa, nde nyankpó obótswie, lélé ototswie. ⁵⁵ Ní nsantó itsú fóbá á, mliteblí mliaa, nde owí óbélun, lélé itelun. ⁵⁶ Apinabwébí abwepó! Mlyin aláí bvtélé ósólóv pó nwólótáasu ató asi. Ntogyi sù mliumétáli nú itó ání ídehá séi ání mó así?”

Anyabá Nsméla (Mateo 5:25-26)

⁵⁷ “Ntogyi sù mliumamatáli gyi asón wankláán há mli iwí? ⁵⁸ Ní óko ósáma fú á, wa ósa ha amlíblí mó wóyító, méní fú onyabá móopu fú ya asón ogyíkpa. Fówun asón ogyípú méegyí fú asón, pó fú wá prósiyin íbitó, ówa fú obu. ⁵⁹ Ní megyi alí á, mméemlé fú, nkéti faká tógyító tá asa fédalí unu.”

13

Mludamli Klúntó, Méní Mlúmwóu

¹ Ahá ámóú búbu unu alí bré ámutó ako bebláa Yesu bee, Pilato lámó Galileafó ako bréá búde afódie bó há Bulu, Yerusalem Bulu ótswékpa unu, há obugya lada afódie ámu. ² Yesu léfité amó óbée, “Mlíki mliaa, Galileafó ání búgyi lakpan abwepó dún Galileafó atráhe, sù bowun iwíósun ánífu odu? ³ Nde mli bláa mbée, megyi alí igyi! Ní mli é mliumédamli klúntó á, mli fée mlówu fé amó. ⁴ Ntée ahá dúkwe ámóú abansóru lobwie dá mó Siloam ómanti ání íbu Yerusalemto ámu mé, mlíki mliaa, lakpan abwepó búgyi dún aha atráhe ání betsiá Yerusalem alí bré ámutó fée? ⁵ Nde mli bláa mbée, megyi alí igyi. Ní mliumédamli klúntó á, mli é mlówu fé amó.”

Pǎntó Mǎswiéhé

⁶ Múó òlèha amó yébi òbée, “Oyin òku lótswie pòntò mu ndòtò. Èke òku òlòyò yéki bée, abí ku idun mótó. Òlòyò á, kòkò medín mótó. ⁷ Inu su òlebláa mu òpayin òbée, ‘Nfinsa ní, nna oyí ánfí asi. Mmàkòwun kòkòkò mótó. Ntogyi sù ìbétrá lí yíntá òsòlòbù? Kun mú da!’ ⁸ Tàme òpayin amu lébláa mu òbée, ‘Mí wíé, fú mú si mú itra lu ofi òkòle, ampulipuli mú asi, kpa wúna wa mú asi. ⁹ Ní ofiébá iloswie á, ìbù alé, tàme ní imoswie á, nakun mú dá.’ ”

Ọtsi Ọku Ilo Tsa Ọkpónó Ọdaké

¹⁰ Yesu lóyò òde ató suná Yudafò ofiakpa òkpónó òdaké iku. ¹¹ Ọtsi òkuá òje laláhe lówa mu òlò nfi dúkwe ní, òlahá mu alaklo, òmetáí bwií náti bu unu.

¹² Bréá Yesu lówun mu á, òletí mu bláa mu òbée, “Aní yín, iwí iwá fú ònlín!”

¹³ Inu òlòpù ìbù da ọtsi ámu. Inunv olotswíí lí kánfú Bulu.

¹⁴ Ofiakpa òhande amu lénya òblá ání Yesu latsá òha òkpónó òdaké. Mú su òlebláa ahá ámu òbée, “Nkensíe bu unu há agyómá yò. Mlùba nke ámutò, abòtsa mli òlò. Megyí òkpónó òdaké!”

¹⁵ Aní Wíe Yesu léle mú ònó òbée, “Apinabwébi abwepó! Mlùtò okugyíòku tówóí mu nnantswie ntée afrímú lé ìbantò, pò amó ya ntsu onúkpa òkpónó òdaké. ¹⁶ Mú òma aléá mí mú nésankí Abraham mu na ánfí Ọbunsám lakíklí mu nfi dúkwe kéké ánfí òkpónó òdaké?” ¹⁷ Mu ason blihé anfi léha péli lékítá mu alupó ámu, ansí légyi atráhe amu fée, ofúla kpònkpònti ámúú òdebwé ámu su.

Takyí-akpin Ibi Yébi

(Mateo 13:31-32; Marko 4:30-32)

¹⁸ Inu Yesu léfité òbée, “Ntò Bulu iwíegyí ámu lèhan? Ntée ntò nópókápó mu?”

¹⁹ Igyi fè takyí-akpin ibí, oyin òku lódu wá mu ndòtò. Iledan mli oyi yilé, mbubwi botogyónká mú abámbitò.”

Bodobodotu-afá Yébi

(Mateo 13:33)

²⁰ Yesu létrá blí òbée, “Ntò mpókappu Bulu iwíegyí ámu? ²¹ Igyi fè Bodobodotu-afá ání ọtsi òku lópòtsiá bodobodo nfúó kente kòle, òlèha mú ilotu.”

Obu-ònó Kplánhe

(Mateo 7:13-14, 21-23)

²² Bréá Yesu oyó Yerusalem a, òlòtsun nkudasí pò awúlusu. Ọna òde amó ató suná. ²³ Ọha òku léfité mu òbée, “Owíé, ahá kpalobí ku obénnya nkpa?”

Yesu lébláa ahá ámu òbée, ²⁴ “Mlùbò mbódí amlìtsun obu-ònó kplánhe amutò. Tsúfè ahá tsòtsòtsò bóbò mbódí ání bòtsun wie unu, tàme bumétalí. ²⁵ Tàme ní wóyí mu wie òkòsò fin obu ámu, mléba belí klon òma, dá klon amòsu mliaa, ‘Owíé, finki ha aní!’ á, òbéláa mli òbée, ‘Mmeyín mli, mmeyín òtínéá mlòtsú.’ ²⁶ Inú mléblí mliaa, ‘Ania fonyò létsiá gyi ató, nú ntá, fetsiá suná ató aní ònsu!’ ²⁷ Tàme òbèle mú ònó òbée, ‘Mmeyín mli. Mmeyín òtínéá mlòtsú. Mlinatí tètí mísó, mli lalahé abwepó fée!’ ²⁸ Ní mlowun Abraham, Isak, Yakob pò Bulu ònósú atòpí amu fée búbù Bulu iwíe ogyíkpa, tàme bumeha mli mú òkpa amlíwie unu á, inó mlòsu kpisií ni. ²⁹ Ahá bòtsu owí òdalíkpa pò owí òkplíwíékpa, binasu móa gyòpìsu ba betsiá ató ogyíkpa Bulu iwíegyí ámutò. ³⁰ Ọnòkwali, amapù aku bémlí agyankpapu. Agyankpapu aku é bémlí amapù.”

Yesu Lósú Ha Yerusalem

(Mateo 23:37-39)

³¹ Inu Farisifò aku beba Yesu wá bebláa mu bée, “Dalí Galilea òmátò nfi, tsúfè òmásó ogyípó Herode dékléá òbómò fú.”

³² Yesu lébláa amó obée, “Mliyebláa okpataku ámu mliáa, ‘Négya ohe laláhe lé ahátó, tsá ahá ilo nde, gya le oke, mó mó onó kláú.’ ³³ Táme ilehián aní nýo mí onátí amusu nde, oke móa kláú. Tsúfé okpa má inuá bómó Bulu onósó otáipó okoku otinetine, don Yerusalem!

³⁴ “Oo Yerusalemfó, Yerusalemfó! Mlitómó Bulu onósó otáipó, dá abi aní Bulu lawá sísí mli abwi mó ní. Ntekleá nóbun mli abísó brégyíbré, fè ahá bate tobun mu abísó, táme mlitamahá mí okpa. ³⁵ Mlíki, Bulu obési mli otswékpá tswi mli. Nde mli bláa mbée, mliumétrá wun mi ekekekeke, yófun ekeá mléblí mliáa, ‘Bulu oyúla ohá amóú obá mu dátó’ ámu.”

14

Olọpọ Oko Tsa

¹ Farisifo ohande oku létí Yesu ató ogyíkpá mu wóyító okpónú odaké. Ahá bọpu ansí yi Yesusu, bode mu tée. ² Inu oyin okvá alapúnýa léba Yesu wá. ³ Yesu léfité Mose mbla asunápó pọ Farisifo ámu obée, “Ani mbla léha okpa aní bọtsáa ilo okpónú odaké lóó, ntée imeha okpa?”

⁴ Amótó okoku móbwií onó. Múú Yesu lékitá oyin ámu, tsá mu ilo, olesi mu olenatí. ⁵ Inu oífíté ahá ámu obée, “Mlito ma mu bi ntée mu onantswie obékpadá wíé ibúntó okpónú odaké, omóokási lé mu?”

⁶ Bometalí lé mó onó.

Iwiasibá

⁷ Inu Yesu lówun aní ahá amóú beti ató ogyíkpá inu ámutó ako bode otsiákpá yilé dunká bétsiá. Múú oheha amó yébi obée, ⁸ “Ní oku otí fú oká otsiákpá a, máyétsiá ofuákpá. Fíalí oleti ohande okvá odun fu. ⁹ Inu ohá amóú oleti mli ámu ohebláa fu obée, ‘Mí wíé, kusu pu obiá ha ohá anfi.’ Inu péli békítá fú, fèpetí yódunká otneku tsíá. ¹⁰ Mú sv ní oha otí fú ató ogyíkpá a, yetsiá obiá kusubisu mboun, ohá ámu ohebláa fu obée, ‘Mí wíé, betsiá ofuákpá nfi.’ Inu obótsu fú ansító fú ahá ámu fée ansító. ¹¹ Tsúfé ohagyíoha aní ototsú iwí á, Bulu teba mu asi. Ohagyíoha aní oteba iwiasí é á, Bulu totsú mu fúá.”

¹² Yesu lébláa ohá amóú oleti mu ató ogyíkpá amu é obée, “Ní fotswi opónú opa onyé á, máti fú anyawíé, fú apíó, fú abusuanfó ntée iwí anyapóá bọtsie mantáa fú. Ní fobwé mó ali á, amó é bélatí fú amó kle asi ká ikó. ¹³ Mboun ti ahiánfó, tsukole asínpu, abubúpu pọ ansibi abwiepó. ¹⁴ Bulu obóyulá fú, tsúfé boma totá bọpóká fú ikó. Bulu obéka fú ikó ekeá obókusóa aha yilé tsú afúlitó.”

Nke Kpónkpánti Kọ Yébi (Mateo 22:1-10)

¹⁵ Ahá amóú amóá Yesu bọtsie opónúási ámutó okule lónu mu asun blíhé anfi, oheblí obée, “Ansí bégýi ahá aní bégýi ató Bulu opónú otswíke mu iwíegýi ámutó!”

¹⁶ Táme Yesu lébláa mu obée, “Oyin oku lótswi opónú kpónkpónkpánti kọ, oleti ahá tsotsótsó. ¹⁷ Bréá benuná atogyihe amu tá á, olowa mu asúmpú obée bọyébláa ahá amóú oleti ámu bee, ‘Babwé tá!’ ¹⁸ Táme amó fée beblí bee amó ibi de. Ogyankpapu obée, ‘Nahó osulúb kọ. Ilehían aní néyékí mó. Mó sv mlíkita móts ha mi.’ ¹⁹ Onyóási é obée, ‘Nahó nnantswie yínhé idú, bọpulipúli mí ndoto há mí. Neyékapú amó kí. Mó sv mlíkita móts ha mi.’ ²⁰ Obambá é obée, ‘Nwéen kótóó netsiá oká. Mó sv mméetalí ba.’

²¹ “Inu osúmpú amu léyínkí bebláa mu wie. Obls lékitá mu wie amu, ohebláa mu obée, ‘Wa asa sri yeki dunsu pọ brónusu, afokpa ahiánfó, tsukole asínpu, ansibi abwiepó pọ abubúpu ba.’ ²² Imowa opa osúmpú amu léba bebláa mu

oleyintá ató ámu tá á, akón kpɔ̀nkpɔ̀nti ku léba ɔ́má ámutɔ, ɔ́lwa akón di bu. ¹⁵ Mú su ɔ́lɔ̀pɔ̀ iwí yémantá unyɔ̀yin ɔ́kusɔ, oyin ámu lékpa mu yáa mu ibúasi ɔ́béé, ɔ́yékí mu mprákuosɔ ha mu. ¹⁶ Teki olekleá obétsiá gyi mprákuo atogyihe amu ku, táme ɔ́haa méha mu mó iwí ɔ́kpa. ¹⁷ Bréá mu ansí leyinkí ba mu iwísu á, ɔ́lefíté mu iwí ɔ́béé, ‘Apara amomu kóráá má mí sí wóyító, bumedé ató gyi sian ekegyiáke? Mú ntsie nfi, akón de mí mo?’ ¹⁸ Nókusó yínkí yó mí sí wá, yébláa mu mbéé, mí sí, napó ilá gyi Bulu, pógyi fú é. ¹⁹ Mmekanáa ání fétrá tí mí fú bí. Pɔ̀ mí bwéé fú apafa ámutɔ ɔ́kule.’ ²⁰ Mú su ɔ́lɔ́kusó pó ɔ́kpa ɔ́bá mu sí wá.

“Bréá olowotíí, mu sí lówun mu sísí á, ɔ́lwa mu nwe, ɔ́lesrí yéfiá mu, látá mu pútá. ²¹ Inu mu bi ámu lébláa mu ɔ́béé, ‘Mí sí, napó ilá gyi Bulu, pógyi fú é. Mmekanáa ání fétrá tí mí fú bí.’ ²² Táme mu sí létí mu asúmpó, bláa amó ɔ́béé, ‘Mliwa ɔ́sa yotsu atadié wankláán ámu ɔ́wa mu. Mliwa mu ɔ́petia, amlíwa mu ntókota. ²³ Mliyéle ɔ́nantswie yinhé kánáhe amó alawá nfo ámu ba, amlíwamo mu, apogyi nke ha mu. ²⁴ Tsúfíé mí bí ání lawú tsínkí. ɔ́lɔ́fwí, anlawun mu.’ Inu ɔ́wa nke gyi bi.

²⁵ “Alí bré ámutɔ á, obi dehen amu bu ndoto. Bréá olotsu ndó ámutɔ ɔ́bá, alata wóyító wie tá á, olonu ání pléi de wóyító inu. ²⁶ Mú su ɔ́letí mu sí asúmpó amutɔ ɔ́kule, fité ɔ́béé, ‘Amansu lába?’ ²⁷ Osúmpó amu léle mú ɔ́nó ɔ́béé, ‘Fú pió laba. Mú su fú sí lahá bamó ɔ́nantswie kánáhe amu, tsúfíé alayinkí botu mu, ɔ́bu nkpa, ɔ́bu ɔ́nlín.’

²⁸ “ɔ́bló lékítá ɔ́déhén amu. Mú su olesin mmuáa. Mu sí lédali ba bokokóli mu ɔ́béé, ɔ́bá wóyító. ²⁹ Táme ɔ́lele mú ɔ́nó ɔ́béé, ‘Mí sí, kí nfi dódúódúá napótsiá fú wá súm fú. Mmókóbwé mábúla kóku kí. Táme fumókóhá mí ɔ́kpalábi fée mía mí aba apówa iwí ansigyi kí. ³⁰ Táme fú bí ání alayintá fú tógýító, muá akipó bayégýi nkpa ání mú laba a, famó ɔ́nantswie yinhé kánáhe amó alawá nfo ámu há mu!’ ³¹ Inu mu sí lébláa mu ɔ́béé, ‘Mí bí, yéé fú mú fóbú mí wá brégyíbré. Fóbú mí ató féé. ³² Fú pió ání lawú tsínkí. ɔ́lɔ́fwí, anlawun mu. Mú su lehián ání abégýi mú nke, nyá ansigyi.’ ”

16

Agyómásó ɔ́kípu Ansítínpu ɔ́ku

¹ Yesu lébláa mu akasípó ɔ́béé, “Iwí onyapó ɔ́ku létsiá, ɔ́bu agyómásó ɔ́kípu. Ahá bowi tsá mu wie amusu beé ɔ́de mu gyi. ² Inu su ɔ́letí oyin ámu, fité mu ɔ́béé, ‘Nto asún ndenu tsú fú iwí alí? Bobu akúnta ha mi, tsúfíé fuméetrá kí mí agyómásó.’ ³ Agyómásó ɔ́kípu amu léfité mu iwí ɔ́béé, ‘Nkálí nóbwe? Mí wie ɔ́bá begya mi. Mma ɔ́wonlín ání nénatí dɔ́ ha ahá. Ibo mi péli ání nénatí kólí ató é. ⁴ Ibo alé! Nyin tsá nóbwe, ménu ní osí mí á, nénya ahá ání bóho mi wá amó wóyító.’

⁵ “Mú su ɔ́letí ahá ání bude mu wie iko kulekule. ɔ́lefíté ogyankpapu ɔ́béé, ‘Iko afíní fúde mí wie?’ ⁶ Iko ɔ́kitápó amu léle mú ɔ́nó ɔ́béé, ‘Nfo agbɔ̀ngbó lafa-anyo (200).’ Agyómásó ɔ́kípu amu lébláa mu ɔ́béé, ‘Tsan fú adánsie ɔ́wóló ámutɔ, afowanlín lafakule (100).’ ⁷ ɔ́lefíté ɔ́ku é ɔ́béé, ‘Iko afíní fúde?’ Iko ɔ́kitápó amu lébláa mu ɔ́béé, ‘Bodobodo nfúó akente ɔ́pín-ɔ́kule (1,000).’ Agyómásó ɔ́kípu amu lébláa mu ɔ́béé, ‘Tsan fú adánsie ɔ́wóló ámutɔ afowanlín lafakwe (800).’

⁸ “Osikani ámu lékanfó agyómásó ɔ́kípu anfi ɔ́ma ɔ́nɔ́kwali ání ání alatálí tɔ̀n ɔ́nsí alí.” Yesu lómó mú ɔ́nó ɔ́béé, “Ndeмба-ábí ání bubuo ɔ́yító ató ansítín ání bɔ̀pɔ̀ bɔ̀tsie amó abato idun amóá buyin Bulu klé.

⁹ “Nde mli bláa mbéé, mlipu ɔ́yító ató bwe apó, ménu ní itá á, Bulu ɔ́bóho mli wá mu wóyíá ibu inu bré féétó. ¹⁰ ɔ́há ání ɔ́letalí kítá ató túkúríibi, olegyi ɔ́nɔ́kwali músó á, mu kén obégýi ɔ́nɔ́kwali ató kpɔ̀nkpɔ̀nti ésu ni. Táme ɔ́há ání

omowa onakwali ató tükuríibisú omáowa onakwali ató kpònkpòntisú. ¹¹ Mú sù ní mluhá onakwali oyító atósú a, ma mee obóhò mliṣu gyi, pú osósú ató onutó wá mli ubtó? ¹² Ntée ní fuma onakwali oku kléso á, ma mee obópu fú klé há fú?

¹³ “Osúmpú okòku méetalí sùm awie anyò. Obódwe okole, lú okole. Ntée obóbu okole, omóobu okole. Fuméetalí sùm Bulu, sùm Kóba.”

Yesu Aṣon Blihé Kú

(Mateo 11:12-13; 5:31-32; Marko 10:11-12)

¹⁴ Farisifò bótódwé kóba. Mú sù bréá bonu Yesu aṣon blihé anfi á, bəbwe mu ahinlá. ¹⁵ Inu Yesu lébláa amó obée, “Mlitelé iwí súná aní aha yilé mligyí ahá ansító, táme Bulu mó yin mli klontó. Tsufé tóá nyankpúsa tekíá ub labi igyi Bulu akisító.

¹⁶ “Mose Mbla ámu pú Bulu onósú atóipú amu aṣon wanlínhé loyò agyómá alu bəfun Asú Obópó Yohane brésó. Tsú musu bude Bulu iwiegíyí ámu iwí aṣon wankláán okan da, ahá é budeprú wie mótó. ¹⁷ Osú móa así bétalí mó onó, táme itoduáhé ntée asónbi ikule kóráá móowu Mose Mbla ámutó.

¹⁸ “Oyin okíná mu ka láyétsiá otsí bámbá á, alató mbua. Oyingyíoyin aní otsia otsí anfi mu kulu lakíná mu é lató mbua.”

Iwí Onyapó Oku Mva Lasaro

¹⁹ Yesu lébláa amó obée, “Iwí onyapó oku létsiá. Atati wòlúhe otedídá, otegyi nkpa wankláán ekekegyiéke. ²⁰ Ató okólípó okwá mu iwí letsisií nlo é létsiá. Buteí mu Lasaro. Betsiá pú ohiáni anfi yéyáí iwí onyapó ámu okpa onó. ²¹ Okíá obénya atogyihe mpupubiá íbèkpaápáa bun oyin ámu opónúasí gyi. Akíáí létsiá beyintá mu nlo ámu kóráátó.

²² “Bréá ohiáni anfi lówu á, Bulu-abəpu botsu mu ya, oleyétsiá aní náin Abraham wá osósú. Iwí onyapó anfi é lóbowu, bopulá mu. ²³ Oloyò obu isubití ogyá aní itamaduntó, ode iwíasín wúun. Olotsu ansí fóá, olowun aní Lasaro tsie Abraham wá tsútsútsú. ²⁴ Inu oklòklón obée, ‘Aní sí Abraham-ée! Wun mi nwe, afóha Lasaro oyopu mu osrebi da ntsutso pubéda mí odandusu, ilwii kpalobí. Nde iwíasín wúun ogyá ánfító dubi!’

²⁵ “Táme Abraham lébláa mu obée, ‘Obí, kam, fú nkpatiátó a, fegyí odwe, Lasaro é letsiá osintó. Séí á, obu odweto, fú é fóbú osintó. ²⁶ Oma a, ilán kpònkpònkpònti ku da ania fonyo nsiné. Mú sù ohaa méetalí fá tsú nfi ba fú wá un, ohaa é méetalí fá tsú un ba aní wá nfi.’ ²⁷ Oyin ámu lébláa Abraham obée, ‘Mómó nobwíí ipa, aní sí Abraham, wa Lasaro sisi mí sí wóyító. ²⁸ Mbu apio yinhé abanú aku un, oyeda amó olá, méní bowú á, buméeba bowun iwíasín anfi odu.’

²⁹ “Abraham léle mó onó obée, ‘Mose mva Bulu onósú atóipú amu nwló bu amó wá, ide amó olá da. Bunúu mó, abugyi mósó.’ ³⁰ Oyin ámu léle mó onó obée, ‘Aní sí Abraham, asón ámu nu keke mééha amó abudamlí klontó. Mboun ní oku okósú tsú afúlitó yó amó wá á, bédamlí klontó.’ ³¹ Táme Abraham lébláa mu obée, ‘Ní bumegyí Mose mva Bulu onósú atóipú amu nwlótó asón ámu sù á, oku okósú tsú afúlitó yó un kóráá á, bumóonu ohá ámu asón.’”

17

Lakpanbwe

(Mateo 18:6-7, 21-22; Marko 9:42)

¹ Yesu lébláa mu akasípó amu obée, “Ibwébwéébwé á, tókú béha nyankpúsa obóbwe lakpan, táme ohá aní ina musu mu ba lóbwe lakpan ogyówí ní. ² Ní oku léha ahá anfi bumókódan mísú hógýitó ánfító oku lóbwe lakpan á, ní beda

nfúókwebu síán mu òmetò, tswi mu wá òpu okluklúkpá pò á, ibu alá dun. ³ Mò sù mlíkí mlí iwí wankláán.

“Ní fú bá òpó ilá gyi fú á, wa iyin wa mu. Ní òledamílí klòntò á, sikie mu. ⁴ Ní òlòpu ilá gyi fú tse sienò* ekewóle owító, òlèla bobwíí ipa há fú á, sikie mu.”

Hógyi

⁵ Yesu sumbí ayòpó ámu bebláa mu beε, “Ha aní hógyi imoni tsia.”

⁶ Yesu léle mú ònò òbéε, “Ní mlí hógyi lómoní fε takyí-akpin ibí á, mlétalí bláa kelí ánfí mlíaa, ‘Pulí yelí òpòtò.’ Ibóbwe dínká músó.

Osúmpó Gyumagyihε

⁷ “Ní mlítò òku bu osúmpóá òtòyó agyómá mu ndòtò ntée òtekí mu akúfasu, otsú agyómátò ba a, bláa mu wie tebláa mu òbéε, ‘Wa òsa bwe afògyi ató?’ Ekεεεεε!

⁸ Bláa òtebláa mu òbéε, ‘Tsu tati saba, afòbòtswi òpónú ha mi. Belí mí angyi ató. Negyi ta á, fayégyi fú klé.’ ⁹ Òtedá osúmpó amu ipán òbéε, alabwé tóá mowa mu bwε? Ekεεεεε! ¹⁰ Iní sù ní mlí é mlóbwé tóá bowa mlí bwe tá á, mlíblí mlíaa, ‘Asúmpó kεεε angyi. Tóá igyi aní bwéhé anilabwé á.’ ”

Ilò Pεpe Alòpó Dú Tsa

¹¹ Yesu ná Samaria pò Galileafò òkasu òyó Yerusalem. ¹² Bréá òlèta wúlu kusu wie tá á, ilò pεpe alòpó dú akú buña bebá befia mu, besi lí tsútsú. ¹³ Inu bòkplón blí beε, “Yesú! Owíé! Wun aní nwε.”

¹⁴ Yesu lótsu ansí kí amò, òlebláa amò òbéε, “Mlìpu mlí iwí yosuná Bulu igyi òhapó.†”

Bréá bòpu òkpa bòyó á, amò iwí léplí. ¹⁵ Òkole mú lówun ání mu iwí laplí a, oleyinkí òdekplón kanfó Bulu kóklókókó. ¹⁶ Olebemlí bún Yesu ayabito, òde mu ipán da. Samariayin oyin ánfí gyí. ¹⁷ Inu Yesu léfité òbéε, “Megyi ahá idú natsá? Mò kwebá atráhe mé? ¹⁸ Mò sù amótò òkòku méba bekanfó Bulu dun Samariayin òfò ánfí nkole?” ¹⁹ Inu òlebláa oyin ámu òbéε, “Kusu natí. Fú hógyi latsá fú ilò.”

Bulu Iwígyi Amu Ibá

(Mateo 24:23-28, 37-41)

²⁰ Farisifò akú befité Yesu beε, “Òmenke Bulu iwígyi ámu ibéba?” Yesu lébláa amò òbéε, “Megyi tóá òha òbòpu ansíbi wun Bulu iwígyi ámu igyi. ²¹ Òhaa mlétalí blí òbéε, ‘Kí, múbu nfi.’ Ntée ‘Móbu nána á.’ Tsúfé mlí klòntò Bulu iwígyi amu bu.”

²² Inu Yesu lébláa mu akasípó òbéε, “Ekε òku ibá, mlódunká ání mlówun mí, Nyankpusa-Mu-Bi ánfí ekewóle pé, táme mlímóowun mó. ²³ Ahá bébláa mlí beε, ‘Òbu nfi.’ ntée ‘Òbu nána,’ táme mlímásrí buo amò yéku. ²⁴ Tsúfé mí, Nyankpusa-Mu-Bi ánfí òbáke bóbwe fε alí ámúsó nyankpu tófwi ibí, bótowun mú nsaintò fεé ámu. ²⁵ Táme négyankpá wun iwíwsin tsòtsòtsò, ndemba-abí ánfí é békiná mí. ²⁶ Alí ámúsó ilegyi Noa brésú amu a, alí ibégyi mí, Nyankpusa-Mu-Bi ánfí é ibábí ní. ²⁷ Ahá betsiá, bode ató gyí, bode ntá núu; bode aká tsiá, bode atsi kítá há akúlu alí yòfun ekéá Noa lówie mu dáka kpankpanntí ámòtò, ntsu lóbulá bómò amò fεé. ²⁸ Alí kén ileba Lot é brésú ní. Ahá betsiá, bode ató gyí, bode ntá núu, bode ató hósó, bode ató fe; bode ató du, bode ibu yíi, ²⁹ yòfun ekéá Lot lédalí Sodom wúlu, ogyá móa atonkodu lotswie tsu òsósó behi amò fεé. ³⁰ Alí kén mí, Nyankpusa-Mu-Bi ánfí iwíwanléké bófwie ahátò ní.

* 17:4 Idesuná ání tsé dódóá òlòpu ilá gyi fú. † 17:14 Abobí ání mlí iwí laplí Mose mbla òkpasu.

31 “Eke ámu a, óhá ání ódin obusu, mu ató ibu obuto ómákpí botsu tótó. Alí kén óhá ání óbu ndótó é máyínkí botsu tótó ní. 32 Mlíkaín Lot mu ka asónsó!† 33 Tsúfẹ ní óku lódunká ání óbéprí mu nkpa á, óbóhulí mu. Táme ní óku lóhulí mu nkpa á, óbélanya mú. 34 Nde mli bláa mbéé, alí eke ámu onyé á, ní ahá abanyó buda oklan kólesu á, Bulu obótsu ókole sí ókole.”

35-36 “Ní atsi abanyó bude nfúó kwe á, Bulu obótsu ókole sí ókole. S” 37 Yesu akasípó amu befíté mu beé, “Aní Wíe, nkónú íbèba?”

Yesu lébláa amú óbéé, “Ótínéá íto wuhé da a, unó alása butefia ní.”

18

Ɔsɔrapu Mva Asón Ogyípó Ɔku

1 Inu Yesu léha yébi ku púsúná ání bóbóó mpáí brégyíbré, umákpɔn amó. 2 Ɖlebláa amó óbéé, “Asón ogyípó óku létsiá wúlu kusu. Ɖtamanyá Bulu ifú, ɔtamanyá óhaa é péli. 3 Ɖsɔrapu óku é létsiá wúlu amoto. Oletsíá bokokóli mu óbéé, ogyii mu asón ɔnokwalisu ha mu, ɔle mu tsu mu olupú íbito! 4 Teki olekle okina, táme ɔma-ɔma a, ɔlebláa mu iwí óbéé, ‘Ibu mótóá ntamanyá Bulu ifú, ntamanyá óhaa é péli. 5 Táme alí ání ɔsɔrapu anfi ná ɔde mí háan anfi su á, négyi mu asón ɔnokwalisu. Ní megyí alí á, oméesi mí tóí wa. Ɖmééha mméenyá ɔkpa bwé tótó.’ ”

6 Yesu lóyo mósó óbéé, “Mlíki alá asón ogyípó anfi ɔtamagyi asón ɔnokwalisu anfi lablí. 7 Mómó nkálí Bulu mú méegyí mu ahá ámúó alalé, bodesú kpólí mu ɔpa-onyé ámu asón ɔnokwalisu? Obési amó asón wá obíátó? Ekekeke! 8 Nde mli bláa mbéé, obégyi mú ɔnokwalisu há amó ɔsas. Táme ndefíté mbéé, ní mí, Nyankpɔsa-Mu-Bi ání neyínkí bá a, nówun ahógyipu aku ɔsólóv anfisú?”

Lampóo Ɖhópu Mva Farisiyin

9 Yesu létrá ha yébi ku púsúná amó ató tsú ahá ání buteki amó iwí yilé abwepó dɔn amó aba. 10 Ɖleha yébi amu óbéé, “Ayin abanyó aku bɔdu yó mpáí ɔbɔkpa Bulu ɔtswékpa. Amótó ɔkole gyí Farisiyin, ɔkole é gyí lampóo ɔhópu.”

11 “Farisiyin amu lókusó lí, bó mpáí wá nwuntó óbéé, ‘Bulu, nedá fú ipán ání mmegyí fẹ aku. Mí mú mma ɔnsípe, ntamasísi óha, ntamató mbɔa, mmegyí fẹ Lampóo ɔhópu aní é. 12 Nteklí ɔnó tse nyɔ ndawótswí ikoleto. Nteye mí ató fẹfétó dú, lé ídúsí há fú.’

13 “Táme lampóo ɔhópu amu mú léyelí tsútsú, oloko nwuntó wá. Omotsulá tsú ansí kóráá fóá kí ɔsósó. Ɖlɔpu ɔbimáa dá íbitó, kókóli Bulu óbéé, ‘Oo Bulu, wun mí nwe, lakpan ɔbwepó ngyi.’ ” 14 Yesu lómó mú ɔnó óbéé, “Nde mli bláa mbéé, asa beyínkí yó wóyí á, Bulu ansí légyi lampóo ɔhópu amu iwí dɔn Farisiyin amu. Tsúfẹ óhá ání ototsú iwí á, Bulu óbéba mu asi. Óhá ání ɔteba iwiasí é á, Bulu obótsu mu fóá.”

Nyebi Yulá

(Mateo 19:13-15; Marko 10:13-16)

15 Aha aku bɔpu amó abí ba Yesu beé, ɔpón íbi dínka amósó, oyula amó. Mu akasípó bowun amó. Mú su bɔwa iyn wá amó. 16 Táme Yesu létí nyebí ámu ba mu iwí wá, ɔlebláa akasípó amu óbéé, “Mlíha nyebí ámu abɔba mí wá. Mlímatín amó ɔkpa, tsúfẹ ahá ání odu bó Bulu iwíegyi amu ní. 17 Ɖnokwali nde mli bláa. Óhá ání ɔmáho Bulu iwíegyi ámu fẹ kebi á, omóowie mótó.”

† 17:32 Bréá omobu Bulu, ɔledamli kí ɔma a, olemlí nfóhsín. Kí Genesis 19:26. § 17:35-36 Mótó yéé 36 bɔ nwóló dada amu akoto: Ní ayin abanyó bude agyómá yo ndo koleto á, Bulu obótsu ókole sí ókole.

Atonyahé Iwɪ Atosundhé
(Mateo 19:16-30; Marko 10:17-31)

¹⁸ Eke oku Yudafo zhande oku lebefite Yesu obee, "Osunapó yilé, ntó nóbwe asa nýena nkpa ání itamatá?"

¹⁹ Yesu léfité mu obee, "Ntogyi só fude mí ti zha yilé? Zhaa mégyi zha yilé, nkéti Bulu nkole. ²⁰ Yéé fuyin Bulu mbla ámu o. Mógyi, máto mbua, mámá zha, máwí ató, máka asón dínká fú básó, bu fú sí muá fú yín."

²¹ Zhande amu lébláa mu obee, "Tsu mí nyebito opá nde mú féesú gyí."

²² Yesu lónu mu ason blíhé anfi á, zlebláa mu obee, "Toku kole ilasí ání fóbwe. Yefe fú iwísu ató fée, afoye kóba amu ha ahíánfó, méní fénya siadié osósó. Fóbwé mó tó á, ba afóbobuo mi." ²³ Bréá oyin ámu lónu asón anfi á, idato mu klón, tsúfé chíé zbu ató.

²⁴ Yesu lówun ání ilahan mu. Mú su zleblí obee, "Ibu onlin asa iwí onyapó obówie Bulu iwíegyi ámutó. ²⁵ Léle mú á, idapón ha kpósó ání zóbtson zbu-ató zóbtó, dón ání iwí onyapó obówie Bulu iwíegyi ámutó."

²⁶ Ahá ání bonu asón anfi befité beé, "Mómó ma mee Bulu zóhó nkpa?"

²⁷ Táme Yesu lébláa amó obee, "Tóá nyankpósa méetalí bwé madón Bulu bwé."

²⁸ Inu Petro lébláa Yesu obee, "Mí Wíe, kí, anlasí aní wóyí tswí bobuo fu."

²⁹ Yesu lébláa amó obee, "Znokwalí nde mlí bláa. Zhaa má iwá obési mu wóyí, mu ka, mu apíó, mu akwíró ntéé mu abí tswí Bulu iwíegyi ámu su, ³⁰ Bulu méelawá mú otsiákpá há mu tsé dú tsé lafa séi, láha mu nkpa ání itamatá bré ámúó ibá ámutó."

Yesu Lowu Iwɪ Asón Bli Otse Saasi
(Mateo 20:17-19; Marko 10:32-34)

³¹ Yesu léti akasípó dúanyó ámu ya itsétó, zlebláa amó obee, "Ayó Yerusalem. Inó asón ámúó Bulu zónsú atóipó amu bowanlín tsú mí, Nyankpósa-Mu-Bi ání iwí ámu fée béba mótó ní. ³² Béle mí há ahá ání bomegyi Yudafo. Bóbwe mí ahinlá, síá mí, tú atsonó wólí mí. ³³ Bépití mí ató, mó mí. Mú eke sáásí a, nókusó tsú afúlita."

³⁴ Akasípó amu bomonu iní asi, tsúfé Bulu lóponhín amó. Bumebi tóá zleblí é.

Ansibi Obwiepó Oku Ilo Tsa
(Mateo 20:29-34; Marko 10:46-52)

³⁵ Yesu léta Yeriko wúluto wie tá á, ansibi obwiepó oku tsie okpa zón, zde ató kolí. ³⁶ Ansibi obwiepó ámu lónu ání odám budetsóun. Múó zlefité obee, "Amansu igyi?"

³⁷ Ahá bebláa mu beé, "Yesu Nasaretyin amu détsóun."

³⁸ Inu ansibi obwiepó ámu lóklón blí obee, "Aní wíe Dawid mu na Yesu, wun mi nwe!"

³⁹ Ahá ámúó bogya Yesu nkpa ámu bakplón wa ansibi obwiepó ámu beé, zówá zsa kpa zón bun. Zlelakplón dón alí obee, "Aní wíe Dawid mu na, wun mi nwe!"

⁴⁰ Yesu lési líí, zleha obee bukpa mu ba mu. Bréá bekpa mu ba a, Yesu léfité mu obee, ⁴¹ "Ntó fudeklé fee mbwéé ha fu?"

Zlele mú zón obee, "Owíe, ha mí anwun ató!"

⁴² Yesu lébláa mu obee, "Fú hógyi latsá fú ilo. Wun ató."

⁴³ Inonon mu ansibi lobwíí, zlekplá buo Yesu, zde Bulu kanfú. Zdam amu fée bowun iní, amó é bekanfú Bulu.

19

Yesu Mva Sakeo

1 Yesu déka tsɔn Yeriko wúluto. 2 Lampóo ahópu zhande okúá ɔbu kóba bu wúlu amotá, ɔuteti mu Sakeo. 3 Oyin ánfí dékléá ɔbópu ansíbi wun Yesu, táme ɔma iswí, ahá é ɔadɔbi. 4 Mú su ɔlesrí yódu pɔntɔ-oyí kúá Yesu ɔbótsɔn mú asi, méní obówun mu. 5 Bréá Yesu lówie oyí ámu asi á, olotsu ansí fúá, wun Sakeo, ɔlebláa mu ɔbéé, “Sakeo, wa ɔsa kplí ba. Nde, fú wóyí nóswí ní.”

6 Sakeo lówa ɔsa kplí, pú ansíyí kpá mu ya wóyító. 7 Ahá ání bowun mó féeé bowuntí bee, “Oyin ánfí layóswí lakpan ɔbwepú wóyító.”

8 Sakeo lókusó lí wóyító inu, bláa aní Wíe Yesu ɔbéé, “Mí Wíé, kí, néye mí atótó anyo, pú ifun kíé ahíánfó. Ní nasísí ɔku é á, nélahá mu mó aku ana.”

9 Yesu lébláa mu ɔbéé, “Nde Bulu laho wóyí ánfí nkpa, tsúfée Abraham mu na ɔni ánfí é gyí. 10 Ahá ání bafwí odunkákpa mí, Nyankpusa-Mu-Bi ánfí neba, anhó amó nkpa.”

*Asúmpó Kóba Ha
(Mateo 25:14-30)*

11 Ahá ámu ɔbude asón ámúú Yesu déblí ámu nu. Alí bré ámutá á, Yesu latá Yerusalem wie tá. Mú su ɔleha amó yébi pótswíí amó, tsúfée ɔbudesusúu bee Bulu iwíegyi béfi asi inonɔ. 12 Leha yébi amú ɔbéé, “Iwí onyapú ɔku lóbwe agywuun ɔbéé, mótu ɔkpa yó amó owíe dehen wá, ɔyai mu owíe, oyínki begyi iwíe mu ɔmátó. 13 Asa ɔbóyo á, ɔleti mu asúmpú idú, oleye póɔnu kolekole há amó féeé. 14 Táme mu wúluto ahá bulu mu, wá abí buo mu bee, ɔmedékléá ɔbwée amó owíe.

15 “Táme mu óó á, owíe dehen amú léyai mu iwíe amú, ɔlesankí ba wóyí. Olenya wíé pé ɔleha beti mu asúmpú amú, ɔkí tóá banyá dínká kóba amusu.

16 Ogyankpapo léba bebláa mu ɔbéé, ‘Mí wíé, nanyá póɔnu dú tsía fú klé amotá.’

17 Múú ɔlebláa osúmpú amú ɔbéé, ‘Fabwé ató. Osúmpú wankláán fúgyi. Iníá fawá ɔnɔkwali itó tükúrííbi ánfí iwí su á, nópu awúlu idú wá fú ɔbitá, fée kí mósó.’

18 Onyɔɔsi léba bebláa mu ɔbéé, ‘Mí wíé, nanyá póɔnu anu tsía fú klé amotá.’

19 Owíe amú lébláa mu ɔbéé, ‘Fú é fée kí awúlu anusu.’

20 “ɔbambá é léba bebláa mu ɔbéé, ‘Mí wíé, fú sika ámu ní. Neda mú wá dúkubi ɔnó yáí. 21 Nyin fu. Nde fú ifú nya, tsúfée fú asón bu ɔnlín. Fútotsú ató ɔtínéá fumɔpu tótó yáí, fútkpótí ató é ɔtínéá fumodu tótó.’ 22 Mu wie amú lébláa mu ɔbéé, ‘Osúmpú laláhe. Fú ɔnótó asón nópugyi fu asón. Yéé fuyin ání mí asón ihíe bu ɔnlín, ntotsú ató ɔtínéá mmɔpu tótó tswi, kpótí ató ɔtínéá mmodu tótó a?

23 Mú ntogya só fumɔpu mí kóba amú yótswi sika ɔyaikpá. Fée kí ní neyínká ba a, nýɔɔho mva mósó abí?’

24 “Inu owíe amú lébláa ahá ání ɔbubu inu ɔbéé, ‘Míswi osúmpú anfi kóba amú ha ɔmɔamú olenya idú ámu.’ 25 Táme ahá ámu bebláa mu bee, ‘Nanáin, ɔbu póɔnu dú dodo o!’ 26 Owíe amú lébláa amú ɔbéé, ‘Nde mli bláa mbée, ɔhá ání ɔdekléá obónu mí atosunáhé amú asi á, Bulu ɔbópu iku tsía móto há mu. Táme ɔhá ání ɔmedékléá obónu mí atosunáhé amú asi á, Bulu ɔbóswí mu kpalobí ámúú alabí ámu kóráá. 27 Séi á, mlikpa ahá ámúú ɔbokusó líí mísó bee mmágyi iwíe amú ba, amlibɔmɔmó amú mí ansító nfi!’ ”

Bəho Yesu Fé Owíe Yerusalem

(Mateo 21:1-11; Marko 11:1-11; Yohane 12:12-19)

28 Yesu léha amó yébi anfi tá á, ɔlɔtsɔn gyankpá pú ɔyó Yerusalem. 29 ɔleta Betfage móa Betania awúluá idín Nfɔ-nyíbu* ámusu wie tá á, ɔlɔwa mu akasípú

* 19:29 Nfɔ-nyíbu igyi obubwí kúá ibu mantáa Yerusalem, ɔuteti mó Olifbu.

abanyó gyankpá, ³⁰ bláa amó obéé, “Mliyo wúlu anfi ida mli ansító ánfisv. Ní mlowié wúlu onó á, mlówun afrímú kanáhe oku da ofétó, ohaa mókótsiá musv ki. Mlisanki mu ba mi. ³¹ Ní oku ofité mli obéé, ‘Ntogyi só mldé mu sanki?’ á, mlibla mu mliaa, ‘Ani Wie dé mu hián.’”

³² Akasípó abanyó amú boyówun afrímú kánáhe amú fé aliá Yesu lébláa amú. ³³ Bréá bode mu sanki á, mu awié befíté amú bee, “Ntogyi só mldé mu sanki?”

³⁴ Bele mú onó bee, “Ani Wie dé mu hián.” ³⁵ Besi bekpa afrímú kánáhe amu ba Yesu, beyai amú atati dínká musv, tsú Yesu bian musv. ³⁶ Bréá Yesu tsie musv oyó á, ahá amú bekpa amú atati yái tswi okpató, olenatí mósó tson.

³⁷ Bréá Yesu lówa Nfo-nyíbu amú kplí oyó Yerusalem wúluto bi a, mu abútopu amú féé bətswi opé kánfú Bulu kóklókóó, ofúla amú obbwe, bowun amú féé sv. ³⁸ Bee, “Bulu oyúla owié anfi obá mu dátó anfi! Iwilwii bu osósó. Numnyam ibwée Bulu klé osósósó mu.”

³⁹ Farisifo aku bobu odom amoto. Inu bebláa Yesu bee, “Osunápó, ka fó abútopu anfi itin!”

⁴⁰ Yesu lébláa amú obéé, “Nde mli bláa mbéé, ní ahá anfi behié kpá onó bun kórará á, abwi anfi bókplon kanfú Bulu.”

Yesu Lósú Yerusalem Sv

⁴¹ Bréá Yesu léta Yerusalem wie tá, olowun wúlu amú sísí á, olosu ha mú. ⁴² Obéé, “Yerusalemfo, tekí ilehián aní mlébi tśá itopú iwilwii ba nde, táme mlimétáli bí mú. ⁴³ Bré kv íbá, mli alupó békafia mli abuntii, pwé okpó wá mli, sá mli tin okpagyíokpasv. ⁴⁴ Béhi wúlu anfi pú mótó atsiápó. Boméesi ibwi kole dínká mú básó, tsúfé mlimébi bréá Bulu léba mli nkpa ohókpa!”

Ibíá Agyípo Gyáa Le Bulu Otswékpa Wunsínésó

(Mateo 21:12-17; Marko 11:15-19; Yohane 2:13-22)

⁴⁵ Bréá Yesu lówie Yerusalem a, oloyo Bulu otswékpa wunsínésó. Olenya wíe unu ali, olowa íbíá agyípo gyáa bi. ⁴⁶ Olebláa amú obéé, “Bəwanlín wá Bulu asón amuto bee, ‘Béti mí otswékpa bee, mpái obokpá.’ Táme mliapó unu mli awikplu ohaínkpá.”

⁴⁷ Oletsíá suná ató Bulu otswékpa unu ekekegyíeke. Bulu igyí ahapó dehen, Mose mbla asunápó pú Yudafo ahande beba botu mu. ² Befíté mu bee, “Ma léha fó okpa fúde ntobí anfi bwé? Ma léha fó túmi?”

³ Yesu léle mú onó obéé, “Mí é nfité mli ason kua kole. ⁴ Bulu wá Asú Obopó Yohane lénya túmi póbó ahá asú lóó, ntéé nyankpósa? Mlibla mi.”

⁵ Amú wolewole boyo asón ánfito bee, “Ní abli aníaa itsú Bulu wá á, obéfíté aní obéé, mú ntogyi só anumóho mu gyi? ⁶ Ní abli aníaa nyankpósa wá é á, odom anfi béda anu abwi mó, tsúfé bohogyi aní Bulu onósó otáípo Yohane gyí.” ⁷ Mú sv bele mú onó bee, “Ohwée! Anuméyín otínéá olenya mu túmi tsú.”

⁸ Yesu lébláa amú obéé, “Mómó mí é mméeblláa mli túmi odúa ndepobwé ntobí anfi.”

20

Yesu Túmi Iwí Asvñ Fitéhé

(Mateo 21:23-27; Marko 11:27-33)

¹ Eke oku Yesu bu Bulu otswékpa wunsínésó unu ode Bulu asón wankláán amú okan da, ode ató suná. Inu Bulu igyí ahapó dehen, Mose mbla asunápó pú Yudafo ahande beba botu mu. ² Befíté mu bee, “Ma léha fó okpa fúde ntobí anfi bwé? Ma léha fó túmi?”

³ Yesu léle mú onó obéé, “Mí é nfité mli ason kua kole. ⁴ Bulu wá Asú Obopó Yohane lénya túmi póbó ahá asú lóó, ntéé nyankpósa? Mlibla mi.”

⁵ Amú wolewole boyo asón ánfito bee, “Ní abli aníaa itsú Bulu wá á, obéfíté aní obéé, mú ntogyi só anumóho mu gyi? ⁶ Ní abli aníaa nyankpósa wá é á, odom anfi béda anu abwi mó, tsúfé bohogyi aní Bulu onósó otáípo Yohane gyí.” ⁷ Mú sv bele mú onó bee, “Ohwée! Anuméyín otínéá olenya mu túmi tsú.”

⁸ Yesu lébláa amú obéé, “Mómó mí é mméeblláa mli túmi odúa ndepobwé ntobí anfi.”

Apafɔ Laláhe Aƙu*(Mateo 21:33-46; Marko 12:1-12)*

⁹ Inu Yesu létrá ha amú yébi ɔbée, “Ɖɔɔtɔpɔ ɔku lódo wáin ndo, ɔɔpɔ ndo ámu wá apafɔ ibito, tú ɔkpa yó ɔmá koto yétsiá inu nfi-nfi. ¹⁰ Bréá wáin-abí ámu kpatíbi lɔfun a, ɔlowa mu osúmpɔ apafɔ ámu wá ɔbée, ɔyóho mu ogyíkpa ba mu. Táme apafɔ ámu beda obi ámu, gya mu sísi ibikpan. ¹¹ Ɖɔɔtɔpɔ amu lélawá mu osúmpɔ nyɔɔsi amú wá. Apafɔ ámu beda mu, sópa mu, gya mu é sísi ibikpan. ¹² Ɖletrá lawá ɔba saási. Apafɔ ámu bepilán mu, gya mu lé ndo ámutɔ. ¹³ Múú ndo mu wie amu lébli ɔbée, ‘Nkáli kóráá nóbwe? Nɔwa mí onutó mí bí ɔdwepú amú wá. Fíali bóbu mu mú.’ ¹⁴ Táme bréá apafɔ ámu bowun mu bi ámu sísi á, bebláa aba bée, ‘Ɖni obégyi mu si ató ní. Mliha amu mu, méní ndo ámu ibémli aní klé.’ ¹⁵ Inu bekítá mu, bitía mu dáli ndo ámutɔ yómɔ mu.

“Nto mlilahogyi mliha ndo mu wie amu ɔbóbwe apafɔ ánti? ¹⁶ Ɖbéba bɔmo amú, pú ndo ámu wá apafɔ bámbá ibito.”

Bréá ahá ámu bonu asón ánti á, bebli bée, “Iní mú itsúon anisú!”

¹⁷ Yesu léki amú ansító díin, ɔlefíté amú ɔbée, “Bulu asón ánti asi mé? ‘Ibwi ámúú obu ayípu bekiná ámu lébemli okonkísóbwi ní.’

¹⁸ Ɖhagyíoha aní ɔledida ibwi ámúsu obébiabía blúblúblúblú. Ní ibwi ámu isúnkí dá ɔkúsu é á, ibókwe mu fikófikófikó fě nfúó.”

Lampóoka*(Mateo 22:15-22; Marko 12:13-17)*

¹⁹ Ilowankí Mose mbla asunápó pú Bulu igyi ahapó amu ání amú iwí yébi alahá. Inu bekleá békítá mu, táme benya ahá ámu ifú. ²⁰ Mú su bodunká ɔkpa aní bótsun músó kítá Yesu. Inu bele ahá bée bopína bwe iwí fě aha wankláán, abute mu ki bée bónu aswanku tsú mu ɔnó, méní béli músó kítá mu ya ɔmáso ogyípu. Mubóu túmi gyi mu asón. ²¹ Yesu atépu amu befité mu bée, “Osunápó, aniyin aní ɔnɔkwali pu fuyi, fútosúná mú é. Futamakí ohaa ansító. Mbóun fútosúná Bulu ɔkpa ámu ɔnɔkwali su. ²² Afite fú! Aní mbla leha ɔkpa aní akáa lampóo ha Roma owíe dehen Kaesare, ntée anumáka?”

²³ Táme Yesu lówun amú agywu. Mú su ɔlebláa amú ɔbée, ²⁴ “Mli pu kóba amu ku ba mí anki.” Bɔpu ba mu. Múú ɔlefíté amú ɔbée, “Ma nwun pú mu idá dín músó?”

Bele mú ɔnó bée, “Kaesare.”

²⁵ Múú ɔlebláa amú ɔbée, “Mómó mli pu tóá igyi Kaesare klé ha Kaesare, amli pu móá igyi Bulu klé é ha Bulu.”

²⁶ Mú su bumetalí líi Yesu asun blíhé anfisú kítá mu ahá ámu ansító. Ɖnó é lobwie amú, bumetalí trá bwii ɔnó.

Kusó Tsú Afúlitó Iwí Asun Fitéhé*(Mateo 22:23-33; Marko 12:18-27)*

²⁷ Sadukifo ɔpasua botebli bée, kusó tsú afúlitó ma inu. Amótó aku beba Yesu wá, ²⁸ befité mu bée, “Osunápó, Mose lówanlín tswi aní ɔbée, ‘Ní ɔku mu ba mu ka bumákwí asa olowu sí mu ka ámu a, mu pio otsú mu ka ámu tsia, fěki ɔkwí ha owupú ámu.’ ²⁹ Oyin ɔkole abí abasiénó aku betsiá. Amótó ogyankpawu létsiá ɔká, táme ɔmákwí asa olowu. ³⁰ Mu gyama lótsu ɔsɔrapuka amú tsia, táme mu é ɔmákwí. ³¹ Ɖsaasi é lótsu ɔtsi ámu tsia. Mu é ɔmákwí. Alu yótu osienási amu. Amótó ɔkoku mákwi asa olowu. ³² Ɖma-ɔma a, ɔsɔrapu amu é lóbowu. ³³ Afúli ɔkúsoké a, amótó ɔmɔmu ɔbóbwe mu kulu? Tsúfě amú abasiénó ámu fěé betsiá mu.”

³⁴ Múú Yesu léle mú ónó òbée, “Óyí ánfító ahá tétsia aká móa akúlu. ³⁵ Táme uméeba alí bré ámóú íbá ámúto. Ahá ámóú bọfọn ání bókọsọ tsú afúlitọ, tsíá nkpa óyí ámóú íbéba amúto ámu mú bóméetsiá akúlu, bóméetsiá aká. ³⁶ Bóméetrá wu, tsúfẹ bóbwe fẹ Bulu-abapọ. Bulu ahá bọgyi, tsúfẹ bakọsọ tsú afúlitọ. ³⁷ Aní náin Mose kóráá lówanlín atọ tsú afúlikọsọ iwí. Tsúfẹ olówanlín òbée, eke ámóú olowun oyíbi kọ de ogyá tsíí, táme umédéhóo amu a, óletí Bulu òbée, ‘Abraham mba Isak pọ Yakob Bulu.’ ³⁸ Megyí awupọ Bulu ógyi, akiankpapọ Bulu ógyi, tsúfẹ mu ansító mú á, amú fẹé bọbọ nkpa.”

³⁹ Inu Mose mbla asunápọ amu aku beblí bee, “Osunápọ, fabí lé mú ónó!”

⁴⁰ Mú sọ amótọ òkọkọkọ métrá wa klọn fité mu asọansọ.

Ma Gyí Kristo Amu?

(Mateo 22:41-46; Marko 12:35-37)

⁴¹ Inu Yesu léfité mbla asunápọ amu òbée, “Nkálí ulọbwe asa ahá bee, Owíe Dawid mu na gyí Kristo amu? ⁴² Tsúfẹ owíe Dawid onutọ léblí Israelfọ ulọ ámúto òbée,

‘Aní Wíe Bulu lébláa mí Wíe òbée,

Tsia mí gyọpọs,

⁴³ yófọn bréá nọpọ fọ alupọ bwé fọ ayabi oyíkpa.’

⁴⁴ Owíe Dawid létí Kristo amu òbée, mu wie. Mú nkálí sọ ótráa ogyi mu na?”

Mose Mbla Asunápọ Tsiátí

(Mateo 23:1-36; Marko 12:38-40)

⁴⁵ Inu olébláa mu akasípọ ahá ámu ansító òbée, ⁴⁶ “Mlíki Mose mbla asunápọ anfi wankláán. Butekle ligá wa náti kí. Butekle bee ahá bọbún ha amú itsiá dọnsọ. Otsiákpá yilé butekle tsíá Yudafo ofiakpa pọ nke ogyíkpa. ⁴⁷ Butọswíí asọrapọ amú wóyí, bọtepina bọ mpáí tíntíntín ahátọ pọbun amú lalahesọ. Bulu òbébití amú isọ kínkínkín!”

21

Ọsọrapọ Ọkọ Tswitswí

(Marko 12:41-44)

¹ Bréá Yesu tsie mantáa tswitswí dáka ámu Bulu ọtswékpa inu á, olowun alíá ahá ání amú íbító bọ odwín bọdepu kọba akpọnkpọntí bọwa dáka ámúto.

² Inu ọsọrapọ ohiáni ọkọ é lópu mu kọba ana bọwa mótó. ³ Múú Yesu léblí òbée, “Ọnọkwálí nde mlí bláa, tswitswíá ọsọrapọ anfi, ọma tọto anfi lawá á, idun ọhagyíọha klé. ⁴ Tsúfẹ atráhe amu fẹé á, amú kọba tsọtsọtsọto balé kpalóbí tsú bọwa. Táme ọsọrapọ anfi mú íniá ọma tọto sọ t́á ọbọ fẹé alapọ bọwa á.”

Bulu Ọtswékpa Amu Bwíe

(Mateo 24:1-2; Marko 13:1-2)

⁵ Yesu akasípọ aku bọdétí tsú alíá bọpu abwí ání íbọ bíá yi Bulu ọtswékpa amu, pọ atokiehé wankláán lá mótó. Táme Yesu lébláa amú òbée, ⁶ “Bré kọ íbá, bóbwie mú fẹé bun. Ibwí kọle kóráá méesian dúnká mú básó.”

Iwọsín Móa Ikpán

(Mateo 24:3-14; Marko 13:3-13)

⁷ Múú mu akasípọ amu befíté mu bee, “Osunápọ, bré mọmúto ínı fẹé béba? Osúna mọmu abọpọbíá bré ámu ilafon?”

⁸ Inu Yesu lébláa amú òbée, “Mlíki wankláán, ménı ọhaa méemlé mlı. Tsúfẹ ahá tsọtsọtsọ bọpọ mí dá ba bee, amúgyí Kristo amu ní. Mú bré lafon ta, táme mlunábuo amú. ⁹ Ní mlonúá isá móa kpokiti ladá á, opúnı mátsií mlı. Tsúfẹ ilehián ání ínı aná bégıankpá bá, táme óyí ónómaké uméeba inonv.”

¹⁰ Inu ɔlebláa amó ɔbée, “Ŋmá bókɔ aba. Awíe bókɔsɔ líí abasu. ¹¹ Ɔsɔlɔ́v ɔbékɔpɔnkí ntíné-ntíné. Akón móa ɔlɔ tsánkíhɛ é bɛba ntíné-ntíné. Ntobíá ihíe bu ifú pɔ osúna akpɔnkɔpɔnti bɛba tsú ɔsɔsɔ. ¹² Táme asa mó fée bɛba a, békítá mli, bɛ́hɛ dínká mli, pɔ mli ya Yudafo ofiakpa yégyi mli asón, wá mli obu. Mí sɔ békpa mli ya awíe pɔ ɔmáso agyípɔ ansító. ¹³ Inu ɔbɛha mli ɔkpa mlétáli gyi mí iwi adánsiɛ súná amó ní. ¹⁴ Táme mli máhan mli iwi susúu alá mléle iwi ɔnó. ¹⁵ Tsúfɛ néha mli nyánsa móa ɔnɔwanki, mli anyabá ámɔtɔ ɔkɔkɔ méɛtali gyi mli nwéɛn. ¹⁶ Mli akwípɔ, mli apíó, mli wóyítɔ ahá pɔ mli anyawíe kóráá bɛle mli há, bómɔ mlítɔ akɔ. ¹⁷ Mí sɔ ahá fée bólu mli. ¹⁸ Táme mli nwunso-imi kole kóráá móɔfwɔ. ¹⁹ Ní mlétáli líí kínkín á, mlénya nkpa ání itamatá.

Yerusalem Bwie Iwi Asón Bli
(Mateo 24:15-21; Marko 13:14-19)

²⁰ “Ní mlowun ání isá akɔpɔ bakáfia Yerusalem wúlu a, mli bíá wúlu amó ɔbá obwiekpá. ²¹ Mó mó ahá ání bɔbɔ Yudea ɔmátɔ bɔsríi yɔ abusu. Ahá ání bɔbɔ Yerusalem wúlutɔ bɔdáli. Amóá bɔma wúlu amɔtɔ é bɔmáiyinkí ba. ²² Tsúfɛ alí nke ámɔ ɔbɔwɛ Israelfɔ ɔbɔbití nke fé alá Bulu ɔnósɔ atɔípɔ amó bɔwanlín tswi. ²³ Amenypá pɔ abí ayín ání bɔpia abí bɔbɔwɛ alí bré ámɔtɔ, bɔgyówɔ ní. Tsúfɛ asɔn wunhɛ amó ɔnó bówa ɔnlun. Ikplán kpɔnkɔpɔnti bɛba ɔsɔlɔ́sɔ, ɔbɔbití kpɔnkɔpɔnti é ɔbɛba mósɔ atsiápɔsɔ. ²⁴ Amótɔ akɔ bésin ɔdayí ɔnó. Békítá amó akɔ é ndoun ya ɔmá ɔmátɔ. Yerusalem wúlu bétsiá ɔmá bámbásɔfɔ asi, alu yófon bréá amó ɔmá amó asitsiábí lámó ɔnó.

Nyankɔsa-Mɔ-Bi Amó Ibábi
(Mateo 24:29-31; Marko 13:24-27)

²⁵ “Bówun osúna owí, ɔtsra pɔ ntsrakpabisɔ. Ɔpɔ bɛda ifúsɔ. Ɔsɔlɔ́sɔ atsiápɔ bénya ifú, bɔmɛɛbi tɔá bɔbɔwɛ. ²⁶ Nwólótáa móa móttɔ atɔ fée békɔpɔnkí. Mó sɔ ahá bénya ifú, tɔn nɛ tɔá ɔdeba sɔ. ²⁷ Alí bré ámɔtɔ á, ɔhagyíɔha obówun ání mí, Nyankɔsa-Mɔ-Bi ánfɔ napú túmi móa numnyam kpɔnkɔpɔnti mbɔ nwólótáatɔ tsú ɔsɔsɔ nebá. ²⁸ Ní ntobí ánfɔ ɔde mósɔ yɔ á, mli kɔsɔ lu, amlitsɔ ansí fɔa kí, tsúfɛ mli nkpa hɔbi lafɔn.”

Ɔyí Ɔnómɔ Iwi Osúna
(Mateo 24:32-35; Marko 13:28-31)

²⁹ Yesu léha amó yébi ɔbée, “Mli pɔkɔ pɔntɔ móa nyí atráhe. ³⁰ Ní ɔde atɛ pɔpɔwɛ le á, mlítowun mó, bí ání awikpan bré lafɔn ta. ³¹ Alí kén, ní mlowun ání ntobí ánfɔ fée ɔde móttɔ bá a, mli bí ání Bulu iwíegyi ámɔ ɔlawayí wóyí tá.

³² “Ɔnɔkwali nde mli bláa. Ndɛmba-abí ánfɔ fée bɔmóowu tá, asa iní fée bɛba móttɔ. ³³ Ɔsɔ móa asi fée bótɔn, táme mí asɔn blihé móɔtsɔn ɛkɛkɛkɛkɛ.

Iwisɔda

³⁴ “Mli kɔ wankláán, ménɔ opotsuawa, ntábu pɔ ɔyítɔ atɔ ɔmagyáa méegyi mli agywunso, ménɔ mí, Nyankɔsa-Mɔ-Bi ánfɔ ɔbáke amó méɛbekítá mli fé yibi. ³⁵ Tsúfɛ ɔbɛba ɔyítɔ ahá féesɔ. ³⁶ Inu sɔ mli gyo, amlibɔ mpá, ménɔ mlénya ɔwɔnlín tálí tsɔn ofúla amó fɛétɔ, belí mí, Nyankɔsa-Mɔ-Bi ánfɔ ansító.”

³⁷ Nke ámɔtɔ á, Yesu létsiá yósuná atɔ Bulu ɔtswékpa inu ɔpa. Onyé á, alanátí yó Nfɔ-nyíbu ámɔsɔ. ³⁸ Ahá tsɔtsɔtsɔ bɔtɔkósɔ ba Ɔtswékpa inu bake, bonu mɔ asɔn blihé.

¹ Israelfo Bodobodo Mátúhénke, igyi amósó Katsun Nke ámu gyí íbá bafun.

² Bulu igyi ahapó dehen pò Mose mbla asunápó amu bodunká okpa ání bótsun mósó kitá Yesu njainto, mó mu, tsúfè bode ahá ámu ifú nya.

Yuda Iskariot Lótsulá Aní Obéle Yesu Há
(Mateo 26:14-16; Marko 14:10-11)

³ Inu Obunsám lówie Yuda Iskariot, ogyi Yesu akasípó dúanyo ámutò okuletò.

⁴ Mó su òlòyò Bulu igyi ahapó dehen pò Bulu òtswékpá agyópo dehen wá, bekítá agywun alá obéle Yesu há amó. ⁵ Ansí légyi amó. Mó su bòtsulá ání béka mu ikò. ⁶ Yuda lótsulá. Mó su olodunká okpa ání obótsun mósó híéé lé Yesu há amó, bréá ahá tsòtsòtsò ámu buma inu.

Katsun Atogyihe Gyl

(Mateo 26:17-19; Marko 14:12-21; Yohane 13:21-30)

⁷ Bodobodo Mátúhénke ámutò ekeá bótómó Israelfosu Katsun Nke akúfa lófon. ⁸ Yesu lówa Petro mva Yohane obéé, boyóbwe Israelfosu Katsun atogyihe amu yai ha amó.

⁹ Petro mva Yohane befité mu beé, “Aní Wíé, nkónu ayóbwe mó yai?”

¹⁰ Mósó òlebláa amó obéé, “Ní mlowíé wúlu onò á, mléfia oyin okuá osu ntsu-òlò. Mlbuo mu yo wóyító. ¹¹ Mlowíé á, mlifite wóyí mu wie amu mlaa, ‘Osunápó obéé, afite fò, nkónu afòs óswiúkpá bu, ání mía mí akasípó abéba begyi Katsun atogyihe amu?’ ¹² Obósuná mli abansóru yilé kuá balá mótó yái. Mlbuwe ató ámu yai inu.”

¹³ Petro mva Yohane bopo okpa. Boyówun tógyító alí ámóú Yesu lébláa amó ámu pépéépé, bóbwe Katsun atogyihe amu yai inu.

Yesu Ntópwe Atogyihe Tráhe

(Mateo 26:26-30; Marko 14:22-26; 1 Korintofò 11:23-25)

¹⁴ Ató ámu gyíbi lófon, Yesu mva mu sumbí ayapó beba betsiá opónú ámu asi.

¹⁵ Yesu lébláa amó obéé, “Nhíé ndeklé mbéé, mía mlunyò abégyi Katsun Nketo atogyihe anfi asa mí anwun iwòsun. ¹⁶ Tsúfè nde mli bláa mbéé, mmétrá gyí mó ekekekeke yófon ekeá itó ámóú atogyihe anfi ilí há ámu laba mótó Bulu iwíegyi ámutò.”

¹⁷ Inu olotsu ntá-ewe, dá Bulu ipán, òlebláa amó obéé, “Mlìhò amlinu ha aba.

¹⁸ Tsúfè nde mli bláa mbéé, mmétrá nu wán-abí ntá anfi ekekekeke yófon bréá Bulu iwíegyi ámu íbéba.”

¹⁹ Inu òlele bodobodo ipín, òleda Bulu ipán, bíábía mótó póhá amó, blí obéé, “Mí òyulá mli su nasí há ní. Mlitsia bwe íni pòkan misú.” ²⁰ Alí kén, bréá begyi ató ámu tá á, olotsu ntá-ewe ámu há amó, blí obéé, “Ntá-ewe anfi gyí Bulu ntam pópwe ání nètsei mí obugya wólí pòsí mósó há mli ní.

²¹ “Iná ndeblí á, mía ohá ámóú obéle mí há ámu íbi da òlepe okuletò. ²² Mí, Nyankpòsa-Mu-Bi anfi nówu fé alá Bulu léhie yái, táme ohá ámóú obéle mí há ámu agyówi.”

²³ Inu befi asi bode aba fité beé, “Ngya anito ma obóbwe íni?”

Ma Obóbwe Ohande?

²⁴ Nwéngyi léba sumbí ayapó ámutò, amótó omuá obóbwe ohande su. ²⁵ Yesu lébláa amó obéé, “Omátòfò awíe bubu túmi amó ahásu. Ahá ámu bóteti amó ahande beé, ‘Buale agyípo.’ ²⁶ Táme mlitò mó á, umába alí. Ohá ání odekléá obóbwe mlitò ohande obwéé mu iwí ótráhe. Ohá ání odeklé obéé, móbwe mli nkpa ogyápo é obwéé mu iwí fé osúmpò. ²⁷ Ma dón mu ba? Ohá ání otsie opónúasi lóò, ntée ohá ání odesúm opónú ámu asi? Megyi ohá ámóú otsie mó asi ámu dòn? Táme mbu mlitò fé osúmpò.

28 “Mlílŵa klɔn buo mɪ mí isókí fěéṣó nɪ. 29 Alí ámuó mí Sí layáí mí owíe amu a, alí mí é nde mli yáí ní, 30 méní mlétsiá mí ɔpónɔasi, gyi ató, nú ntá mí iwíe ogyíkpa unu. Mlétsiá awíe mbíású, gyi Israel abusuan dúanyo ámu asón.”

Petro Ɔbóswí Ɔbée Momeyin Yesu

(Mateo 26:31-35; Marko 14:27-31; Yohane 13:36-38)

31 Yesu lébláa Simon Petro ɔbée, “Simon, Simon! Kɪ, Ɔbunsám dé ɔkpa kulí ɔbée, obófuní mli fě ayó. 32 Táme nakókólí Bulu há fú mbée, fómádida hógyito. Ní feyínkí ba mí wá á, wa fú aba ámu é ɔwɔnlín.”

33 Petro lébláa mu ɔbée, “Mí Wíe natsúlá, ní obu igyi kóráá mía fonyo abédu. Ní lowu igyi é á, mía fonyo abówu.”

34 Yesu lébláa mu ɔbée, “Petro, nde fú bláa mbée, nde, asa bate ɔbée ɔnó á, fósɔwú pɔ ibi wá ogyá tse sa fée fómeyín mí.”

Iwíklí Aní Ibéba Ekekó

35 Inu Yesu léfíté akasípó amu ɔbée, “Bréá nɔwa mli sumbí, mlimédé sika akente, mlimédé akpankogyo ntée ntukɔta nyɔɔsi a, tɔku lehián mli?”

Bele mú ɔnó bée, “Ekekékeké! Tóto mehián anu.”

36 Mú ɔlebláa amú ɔbée, “Táme séi mú á, fúá fúbɔ sika kente, ntée akpankogyo a, tsu kíta. Ní mlítɔ ɔku má ɔdayí iya anyo á, ɔfé mu tati pɔhɔ ku! 37 Tsúfě ilehián aní mí iwí asón ámuó ibu Bulu ason wanlínhéto ámu íbéba mótó. Bɔwanlín bée, ‘Bekla mu wá lakpan abwepótó.’ Tsúfě asón ámuó bɔwanlín tsú mí iwí ámu íbá lafun ta.”

38 Akasípó amu bebláa mu bée, “Aní Wíe, kɪ, ndayí anyo ní.”

Mú Yesu lébláa amú ɔbée, “Itso.”

Mpáíbo Nfɔ-nyíbu su

(Mateo 26:36-46; Marko 14:32-42)

39 Yesu lédalí wúluto yó Nfɔ-nyíbu ámu su, fě alíá otetsiá yó unu yáí. Mu akasípó é bobuo mu. 40 Bréá bowie unu á, ɔlebláa amú ɔbée, “Mlikokoli Bulu, méní mlimóowie isókíta.”

41 Mú ɔledalí amótó yó nkpa kpalobí fě nfi múa nfi, yéda akpawunu bó mpáí ɔbée, 42 “Mí Sí, ní fótusúlá á, ha ntá-ewe ánfí* itsun misu. Táme megýí tóá ndeklé, múa fudeklé íbá mótó.” 43 Inu Bulu-ɔbɔpɔ lótsu ɔsúsú bá bele iwí ɔwan súná mu, wá mu ɔwɔnlín. 44 Asón ihíe de mu háan. Mú su ɔlɔbɔ mpáí kínkíínkín. Ueha mu apípi lemlí fě obugya, idetín da ɔsulótɔ ta-ta-ta.

45 Bréá ɔlɔkúsú tsú mpáí ámu ɔbɔkpa, yínkí ba akasípó amu wá á, olowun aní bɔdédidi. Awírehɔ de amó. Mú su iwí lawú amó. 46 Mú ɔlefíté amú ɔbée, “Ntogyi sɔ mlíédídi? Mlikɔsu amlikokoli Bulu, méní mlimóowie isókíta.”

Yesu Kítá

(Mateo 26:47-56; Marko 14:43-50; Yohane 18:1-11)

47 Yesu ɔnó mesi, ɔdɔm bowotíí amúsú. Akasípó dúanyo ámu ɔkuleá botetí mu Yuda gyá amú nkpa. Inu ɔlenatí tó Yesu ɔbée, amulata mu puta, 48 táme Yesu léfíté mu ɔbée, “Yuda, latá fělatá mí, Nyankpɔsa-Mu-Bi ánfí pútá, pólé mí há?”

49 Akasípó amú bobu Yesu wá ámu bowun tóá íbá. Mú su befité Yesu bée, “Akó amó? Aníbu ndayí.” 50 Inu amótó ɔkule lótsɔwí mu ɔdayí kpá Bulu igyi ahapó dehen osúmpó ɔku gyɔpɪ-ɪsu lé.

51 Yesu lébláa ɔkasípó amu ɔbée, “Mábwe! Isíi mli ɔka!” Inu ɔlɔpɔ ibi da osúmpó amu ɪsu ámu, íleyínkí tsá.

52 Mú Yesu léfíté Bulu igyi ahapó dehen, Bulu ɔswékpa agyópɔ ahande pɔ Yudafɔ ahande amú beba mu ɔkitákpá amu ɔbée, “Ogyo otswapó ngýi, sɔ

* 22:42 Ntá-ewe ánfí igyi iwɔɔsin aní Yesu obówun.

mildatsú nkpotí pò ndayí mlebá mí òkítákpá? ⁵³ Ntsie mli wá Bulu òtswékpá wunsinésò ekekegyíeke, mlimópò ibi da mi ekekeeke. Táme mli bré ní, oklún túmi dé iwíe gyí.”

Petro Láswí Òbée Mmeyín Yesu

(*Mateo 26:57-58, 69-75; Marko 14:53-54, 66-72; Yohane 18:12-18, 25-27*)

⁵⁴ Inu ahá ámu bekítá Yesu, kpá mu ya Bulu igyí ahapó dehen wóyítò. Petro lépetí obuò amó òma tsútsúútsú. ⁵⁵ Táme bréá bosun agyabi wunsinésò inu, bòtsie mú así á, Petro léyétsiá amó wá. ⁵⁶ Otsibi òkòá ogyi osúmpò inu lówun ání Petro tsie ogyá ámu así, òleki mu dífín, bí òbée, “Oyin ánfí é buò Yesu!”

⁵⁷ Táme Petro lópu ònàlí bí òbée, “Òtsi, mmeyín mu òtunetune!”

⁵⁸ Inu òbwe kpalobí á, òha òkò é lówun Petro, òlebláa Petro òbée, “Fó é fòbu amótò.”

Táme Petro lébláa mu òbée, “Owíé, megýí mí ní!”

⁵⁹ Fé ònhwírí kule òma a, òha bambá é léba bòtsulá mósú òbée, “Lélé, oyin ánfí é létsiá mu wá, tsúfè Galileayin ogyi.”

⁶⁰ Táme Petro léle mú ònó òbée, “Agya! Kí, mmeyín asón ánfí iwí kòkò.”

Petro ònó mesi, bate lóbàn. ⁶¹ Aní Wíe Yesu lédamli kí Petro. Inu Petro lékaín asón ámúò aní Wíe lébláa mu òbée, “Fòswí tse sa fèe fumeýín mí asa bate òbèle ònó onyeni.” ámuò. ⁶² Inu òledahí yó kpankpá híé yòsu.

Yesu Ahinlá Bwe

(*Mateo 26:67-68; Marko 14:65*)

⁶³ Yesusu akípò befi así bode mu ahinlá bwe, bode mu da. ⁶⁴ Bòpu ató kí mu ansibi, fité mu bee, “Bulu ònósú òtópò, maládá fò? Bla aní.” ⁶⁵ Bekpa mu asiabí, bláa mu nyányála.

Yudafò Asón Agyipó Ansító Lí

(*Mateo 26:59-66; Marko 14:55-64; Yohane 18:19-24*)

⁶⁶ Yudafò ahande, Bulu igyí ahapó dehen pò Mose mbala asunápò amò befia oyi kehe nyanku-nyanku, bebutiá Yesu belí amó ansító. ⁶⁷ Bebláa Yesu bee, “Ní fógýí Kristo, (òhá ámúò Bulu ladá mu ofúli amò) a, bla aní.”

Yesu lébláa amó òbée, “Ní nebláa mli kóráá, mlimóohogyi. ⁶⁸ Ní nefité mli asòanku é á, mliméele mú ònó. ⁶⁹ Táme tsú séi pòya a, mí, Nyankpusa-Mu-Bi ánfí nétsiá Bulu Otúmípu amò gyòpípu.”

⁷⁰ Amó fèé befité Yesu bee, “Mó sù fógýí Bulu mu Bi ámu ní?”

Yesu lébláa amó òbée, “Ee, ònòkwali amò mlilablí á.”

⁷¹ Inu befité aba bee, “Ntogyi sù abétrá dunká adansífo bámbá? Mú anlanú tsú mu onutó ònó á.”

23

Yesu Kpa Ya Pilato

(*Mateo 27:1-2, 11-14; Marko 15:1-5; Yohane 18:28-38*)

¹ Inu ahá ámúò befia inu ámu bòkòsú kpá Yesu ya òmáso ogyipó Pilato. ² Beka asón ònká muò bee, “Anilawun ání oyin ánfí dé òmá ánfíto ahá yintá. Òde amó bláa òbée, bómátra ka lampòò há Roma owíe dehen. Òdeblí é òbée, muýí Kristo, (òhá ání Bulu ladá mu ofúli amò), idesuná ání owíe ogyi.”

³ Pilato léfité Yesu òbée, “Fógýí Yudafò owíe amò ní?”

Yesu léle mú ònó òbée, “Ee, mú fablí á.”

⁴ Pilato lébláa Bulu igyí ahapó dehen pò òdòm amò òbée, “Mmòkòwun tsitsa kòkòá oyin ánfí labwé.”

⁵ Táme amó mó búde móts kótóó bée, “Ɔdepu mu atosunáhé tí ɔtré móa ikó wá Yudea omá ánfito. Olefi mó así tsú Galilea, alapó bowie nfi.”

Yesu Lú Herode Ansító

⁶ Bréá Pilato lónu asón ánfí á, ɔlefíté ɔbée, “Galileayin oyin ánfí gyí?” ⁷ Bréá ɔlebi ání Yesu otsú Galilea, ɔtinéá owíe Herode dé iwíe gyí a, ɔleha bekpá mu ya Herode. Alí bré ámuto á, Herode bu Yerusalem wúluto ɔbu. ⁸ Bréá owíe Herode lówun Yesu a, ansí lehie gyi mu. Tsúfé olodunká ání obówun mu dodoodo, mu ɔwí asón ání alanú sv. Odeklé ání Yesu ɔbwée osúna ku suna mu. ⁹ Mú sv ɔlefíté Yesu asón tsɔtsɔɔtsɔ, táme Yesu méle kuku ɔnó. ¹⁰ Bulu igyí ahapó dehen amu pú Mose mbíla asunápó amu búlí unu, búdekplón ka asón dínká musu. ¹¹ Owíe Herode mba mu isá akápó ámu é ɔsɔpáa mu, bwé mu ahinlá. Bɔpu sríkí ligá ku wá mu, beyinkía mu ya Pilato. ¹² Owíe Herode mba Pilato bemlí anyawíe tsú eke ámu. Teki amó nsié ima ale yái.

Yesu Lowu Ipón Ha

(Mateo 27:15-26; Marko 15:6-15; Yohane 18:39–19:16)

¹³ Pilato létí Bulu igyí ahapó dehen, Yudafo ahande pú omá ámu fée befia. ¹⁴ Mú ɔlebláa amó ɔbée, “Mlilékpá oyin ánfí ba mi mlíaa, ɔde omá ámu agywuun yintá. Nafité mu ɔnótó asón mli ansító, nawun ání asón ámúó mliléka dínká musu ámu ima móts. ¹⁵ Owíe Herode é lawun mó alí. Mú sɔ alayinkía mu sísí aní ní. Oyin ánfí mókóbwé tɔtɔá bómó mu. ¹⁶ Iní sv néha béptí mu ató, mí ansi mu ɔnati.”

¹⁷⁻¹⁸ Inu ɔdam amu fée bókplón blí bée, “Le mu unu, afusi Baraba ha aní!”*

¹⁹ (Baraba anfi da obu, tsúfé ɔlakusó líí wúlú amusu, ɔlamó zha é móts.)

²⁰ Pilato lékléá obési Yesu. Mú sv ɔletrá tóí kplá ɔdam amu. ²¹ Táme bókplón kóklókóú bláa mu bée, “Da mu manta oyikpalíhesu! Da mu manta oyikpalíhesu!”

²² Pilato lébláa amó otse saasi ɔbée, “Tsitsa mɔmu alabwé? Mmókówun tóá alabwé, sɔ néha bómó mu. Néha abupiti mu ató, ɔnati.”

²³ Táme bubu mósú búdekplón kóklókóú bée, zháa abuda mu manta oyikpalíhesu. Inu bɔdun mu ɔnolí. ²⁴ Mú sv Pilato lóbwe dínká tó ámúó bodedunká ámusu. ²⁵ Olesi oyin ámúó ɔlakusó líí omá ámusu, mó zha móts sɔ ada obu ámu, olesi Yesu há mu isá akápó ɔbée bubwée mu alá ahá ámu búdeklé.

Yesu Da Mántá Oyikpalíhesu

(Mateo 27:32-44; Marko 15:21-32; Yohane 19:17-27)

²⁶ Bréá bekpá Yesu bɔyó á, befia Kireneyin ɔkuá butetí mu Simon. Otsú abúasi. Isá akápó ámu beka mu híe bée ɔsóra oyikpalíhe amu buo Yesu.

²⁷ Ɔdam bobuo Yesu. Atsía bubu amótó bɔpu amó anyɔpu, bɔhíe bodesú ha Yesu. ²⁸ Yesu lédamli, ɔlebláa amó ɔbée, “Yerusalemfo atsi, mlímásu mi. Mísu mli ɔwí pú mli abí. ²⁹ Tsúfé nke ku íbá mlébli mlíaa, ‘Bulu layúlá atsía bómókókwií ki, obí mókódí amó opúnító ki, obí mókónyópó amó é ki.’ ³⁰ Alí bré ámuto á, ahá bébláa abu bée, ‘Mlúbwie bun anísv. Nkúku, mlípula aní.’ ³¹ Tsúfé ní búde oyi bɔbwé ogyá wa alí á, nkálí bóbwe oyi wólíhe?”†

³² Isá akápó ámu bekpá lalahé abwepó abanyó é mántá Yesusu, bɔyómó amó. ³³ Bréá bowie ɔtinekuá butetí unu “Nwun Okokobi” a, beda Yesu mántá oyikpalíhesu. Beda amó abanyó ámu é mántá nyikpalíhesu. Ɔkole bu Yesu

* **23:17-18** Móts yée 17 bu nwołó dada amu akoto: Katsun Nke kugyikoto á, lehián ání Pilato obési obu ɔdipó ɔkole ání Yudafo ámu búdeklé há amó. † **23:31** Ní mí ánfí mí asón da ɔkpa ánfí kóráá búdebwe alí á, nkálí Bulu ɔbóbwe ahá ání bégíyí pón mu ansító?

gyapiso, akole é bu mu binaso. ³⁴ Inu Yesu lébli obée, “Mí Sí, sikie amó, tsúfè bomeyin tóá budebwe.”[†]

Isá akópú ámu bətswi abi ye Yesu atadieto. ³⁵ Ahá tsətsətsə amóú bobuo amó yó inu ámu besi bulí inu bode mu kí. Yudafə ahande amu babwe mu ahinlá bée, “Ọlḡḡ ahá nkpa. Ní lélé mgyí Kristo, (ohá amóú Bulu ladá mu ofúli), mu Bulu lalé ní á, ohó mu iwí nkpa!”

³⁶⁻³⁷ Isá akópú ámu é bəpu ntá odáí tin mu onó, bwé mu ahinlá bée, “Ní fúgyí Yudafə owíe amu ní á, le fú iwí!”

³⁸ Bəwanlín ató mántá oyikpalíhe amu awunso bée, “YUDAFƏ OWÍE AMU NÍ.”

³⁹ Lalahé abwepú amóú bəda mántá oyikpalíhe amu akole lébli Yesu iwí abusus obée, “Megyí fúgyí Kristo amu ní? Le fú iwí, afule aní mee!”

⁴⁰ Táme onyosú amu lówa iyin wá mu obée, “Fumedé Bulu ifú nya! Fúa munyo fée dé isubití kule hō. ⁴¹ Aní m á, aní isubití ida okpa, aní lakpan aní anilóbwe so. Táme oyin anfi mó mókóbwé laláhe koku.” ⁴² Múú ọlebláa Yesu obée, “Yesu, ní fəbá fú iwíe ogyíkpa a, kaun mísó!”

⁴³ Yesu lébláa mu obée, “Ọnəkwali nde fú bláa. Nde, mía funyo abétsiá Paradiso.”

Yesu Lowu

(Mateo 27:45-56; Marko 15:33-41; Yohane 19:28-30)

⁴⁴⁻⁴⁵ Alí bré anfi ibóbwe fə ọpa dódúanyo. Owí leta osolúu amusu fée alu yofun ntópwe dasato. Owí metrá lūn ε. Inu á, tati amóú bəpuká Bulu Ọtswékpa obu amu ọlebalí anyo. ⁴⁶ Yesu lókplobn kóklókúú bli obée, “Mí Sí, napó mí ọḡé wá fú ibito.” Olenya bíli alá tá pé, ọlele ọḡé.

⁴⁷ Bréá isá akópú ohande amu lówun tóá ilaba a, ọlekanfú Bulu obée, “Lélé, oha yilé oyin anfi gyí.”

⁴⁸ Ahá amóú bulí inu ámu fée bowun tóá ilaba, bəpu awireho náti bəyó wóyí.

⁴⁹ Táme amúá bəyin Yesu pú atsi amóú bobuo mu tsú Galilea ọmátó ámu besi bulí tsútsútsú bode itáá ide mósó yo kí.

Yesu Pulá

(Mateo 27:57-61; Marko 15:42-47; Yohane 19:38-42)

⁵⁰⁻⁵¹ Oyin ọku létsiá, bətətí mu Yosef. Otsú Yuda wúlu kuá bətətí mó Arimateato. Oha yilé ogyi, obú é bu muso. Ibo mótáá ọb ọmá ámu asón agyípóto, táme omotsulá dínká amú agywun pú amú bwéhé anfisó. Otsie ogyo Bulu iwíegyi ámu. ⁵² Oyin anfi lóyo Pilato wá, yókulí mu okpa obée, osii Yesu fúli amu ha mu. Pilato léha mu okpa. ⁵³ Inu Yosef léyeyesíé Yesu fúli, ọlọp ọhráda kíkí mu iwí, pú mu yówa obó kuá mu onutó ọleha bəda bətátó há mu iwí, bəmókópulá ohaa mótó ki. ⁵⁴ Eke ámu igyi Fieda. Eke ámu igyi ogyá ọdodáké. Owí inyá tá pé, ọkpónú ọdaké ámu lafi asi.

⁵⁵ Atsi amóú bobuo mu tsú Galilea amu bobuo Yosef yéki Yesu opulákpá pú alá ọlọp fúli amu tswi obó amu. ⁵⁶ Beyinkí yó wóyí yókwe ohuam, ọhíén pú ofobí fánfán aní bəpu yékpa Yesu. Botsutsúa abubwe ta á, owí latá, bəda ọkpónú ọkpónú ọdaké ámu fé alá Mose Mbla lébli.

24

Yesu Kvsó Tsú Afúlitó

(Mateo 28:1-10; Marko 16:1-8; Yohane 20:1-10)

¹ Kwasiada, igyi ndawótswító eke gyankpapu baké a, atsi ámu bəkusó tsú afá amóú bəkwe yáí ámu yó Yesu ntsán ámu asi. ² Bowun aní bamína ibwi amóú

[†] 23:34 Mótó yée 34 uma nwóló dada amu akoto.

bəpʊtɪn ɔbɔ́ ámu ɔnɔ́ ámu lé inu. ³ Mú sʊ bebitíwíé ɔbɔ́ ámuɔ, táme bʊmowun Yesu fúli ámu. ⁴ Besi bʊlí, bʊde nwuntɔ bu. Beki a, ayin abanyɔ́ akɔ́ líí amó wá inu á. Amó atadié de ogyá kpa. ⁵ Ifú lekítá atsi ámu, beɔa akpawunu pɔ́ ansító bun ɔsólɔ́tɔ. Táme ayin ámu befité amó beɛ, “Ntogyi só mlídé ɔkiankpaɔ́ dunká afúlító? ⁶ Ɔma nfi, alakúsó! Mlikam asón amóú ɔlebláa mli bréá mlia mnyɔ́ mliɔ Galilea ɔmátɔ́ ámuɔs. ⁷ Ɔbée, ‘Ilehián ání béle mí, Nyankpɔsa-Mu-Bi ání há lakpan abwepó. Béda mí mántá oyikpalíhesu. Mú eke sáásí a, nókɔsɔ́ tsú afúlító.’ ” ⁸ Inu atsi ámu bekaín Yesu asón ánfisʊ. ⁹ Beyinkí tsú ntsán ámu así bebláa sumbí ayɔpó dúɔkon ámu pú aha atráhe amóú bʊbʊ inu ámu féé tɔ́á bayɔwun.

¹⁰ Atsiá bɔyɔ ntsán ámu así gyí, Magdalayintse Maria, Yohana pó Yakobo mu yin Maria. Amóa atsi akvá́ bʊbʊ amótɔ́ lékla asón ání suná sumbí ayɔpó ámu. ¹¹ Asón ámu ɔbʊwe sumbí ayɔpó ámu fé mimlála. Mú sʊ bʊmɔhɔ́ mósó gyi. ¹² Táme Petro mú lókɔsɔ́, tsíí ɔsri yó ntsán ámu así. Olobun kpéléki ɔbɔ́ ámuɔ. Tati amóú bəpʊpúlá Yesu nkɔle olowun ání ida ifóntɔ. Oleyinkí yó wóyítɔ, ɔde nwuntɔ bu tsú asón ání ilaba anfi iwí.*

Emaus Wúlutɔ Yɔ (Marko 16:12-13)

¹³ Eke ámu kén á, abúopu amu abanyɔ́ benatí bɔyɔ́ wúlu kvá bʊteti mú Emaustɔ. Tsú Yerusalem ya inu bɔbʊwe fé máli asienó. ¹⁴ Amó nkɔle bʊna bʊde nkɔmbɔ gyí tsu asón amóú ilaba amu iwí. ¹⁵ Bréá bʊde mótɔ́ yɔ́ á, Yesu onutó é lɔ́bɔtʊ amó, mʊa amónyɔ́ bʊna. ¹⁶ Bulu létin amó ansí. Mú sʊ bʊmeɔbí mu. ¹⁷ Yesu léfité amó ɔbéɛ, “Amansʊ iwí nkɔmbɔ mliná mlídégýí alí?”

Besi líí tikpa, awiɛhɔ́ lekítá amó. ¹⁸ Amótɔ́ ɔkɔléá bʊteti mú Kleopa léfité ɔbéɛ, “Fó nkɔle gyí ɔfɔ́ Yerusalem wúlutɔ, fómeyín asón ání ilaba inu nke ánfítɔ?”

¹⁹ Yesu léfité mu ɔbéɛ, “Amansʊ igyi?”

Bébláa mu beɛ, “Yesu, Nasaretyín amu iwí asón igyi. Bulu ɔnɔ́sɔ́ ɔtɔ́ipó ogyi. Ɔbʊwe ofúla akpɔnkpɔnti, blí Bulu asón túmisʊ, Bulu mʊa anyánkɔpɔsa féé ansító. ²⁰ Aní Bulu igyi ahapó dehen pú wúlu ahande bapú mu há ahá, bahá mu lowu ipón, dá mu mántá oyikpalíhesu. ²¹ Teki mʊgyí ɔhá ání aniléki ɔkpa aniaa, ɔbéha aní Israelfɔ́ abégýi iwí ní. Nde eke sáásí ɔpá asón ání lébá. ²²⁻²³ Múá idɔn kóráá á, anitɔ atsi áku bayó mu ntsán ámu así bakieɛni, táme bʊmowun mu fúli amu. Beɛ, bayówun Bulu-abɔpɔ akɔ́ babláa amó beɛ, ɔbʊ nkpa. Tɔ́á beyinkí bebláa aní lawá aní wánwan. ²⁴ Inu sʊ anitɔ akɔ́ é basrí yó ntsán ámu así, bayówun mú fé alíá atsi ámu beba beblí. Amó é bʊmowun fúli amu.”

²⁵ Yesu lébláa amó ɔbéɛ, “Mlilémimlá o! Mli agywiɛn tamayɔ́ agyómá ɔsasʊ. Nkálí igyi só mli mɔ́hɔ́ asón amóú Bulu ɔnɔ́sɔ́ ɔtɔ́ipó amu beblí tswi amu féésó gyi? ²⁶ Mli méyín mliaa, ilehián ání Kristo, (ɔhá ání Bulu ladá mu ofúli amu) ɔbʊwun iwí ɔsɔ́n, asa ɔbénya mu numnyam?” ²⁷ Inu Yesu léle mu iwí asón ání bɔwanlín wá Bulu asón wanlínhé amɔtɔ, tsú Mosesu bʊtʊ Bulu ɔnɔ́sɔ́ ɔtɔ́ipó amu féésó así súná amó.

²⁸ Bréá bowie wúlu amɔtɔ́ bɔyɔ́ á, Yesu lɔ́bʊwe fé ɔdeɔtsʊɔn ɔyɔ́ ɔtɔne bambá.

²⁹ Táme abúopu amu bebláa mu beɛ, “Aní sí, owí lapɔn, di aní wá nde.” Mú sʊ Yesu lébaí yó amó wá. ³⁰ Bréá bʊde ató gyí a, Yesu léle bodobodo ipín, dá Bulu ipán. Múó olebiabia mótɔ́ púhá amó. ³¹ Inu amó ansísó letití amó, beɔbí mu, táme ɔbʊfwí sí amó. ³² Inu befité aba beɛ, “Ansí mehiɛ gyí aní bré amóú ania mnyɔ́ aniná, ɔde aní asón bláa, ɔde Bulu asón wanlínhé amu así le súná aní ámu?”

* **24:12** Mótɔ́ yée 12 ima nwóló dada amu akotɔ.

³³ Bókusú ununv yínkí ba Yerusalem. Beba a, sumbí ayọpó dúàkòn ámu pọ́ aha tráhe bafia, ³⁴ bódéblí bée, “Lélé, aní Wíe lakúsó. Alalé iwí ọwan súná Simon!”

³⁵ Mọ́ sọ́ ahá abanyó ámu é beblí t́sá bayówun okpató. T́sá bọpọbí mu gyí bodobodo amóú oleye ha amó ámu.

Yesu Iwíwanlé Súná Mv Akasípó

(Mateo 28:16-20; Marko 16:14-18; Yohane 20:19-23; Gyumagyihe 1:6-8)

³⁶ Ahá abanyó ámu bọbọ́ mósó budetóí alí á, Yesu onutó léba belí amó nsiné.

Ọ́leblí ọ́bée, “Iwí ilwíí mli.”†

³⁷ Opúní letsíí amó, bọwan. Iḃbwe amó f́é f́úli bọdewúun. ³⁸ Inu Yesu léfité amó ọ́bée, “Ntogyi sọ́ mlidé ifú nya, mlidé nwéen gyí mli klontó alí? ³⁹ Mlúkí mí ẹ́bí, amlúkí mí ayabiasí. Megyí mí onutó ní? Mlúkita mí amlúkí. F́úli má ọ́yọ́lọ́ mọ́a awú f́é alá mbu.”

⁴⁰ Bréá ọ́leblí asón ánfí tá á, ọ́lọpọ́ mu ẹ́bí pọ́ mu ayabí súná amó. ⁴¹ Ansí lehie gyi amó, asón ámu é lówa amó wánwan. Mọ́ sọ́ bọmohogyi aní lélé mu ní. Inu ọ́lefíté amó ọ́bée, “Mlību atogyihe kv nfi?” ⁴² Beha mu iye t́ohé itin kv, ⁴³ ọ́lọhọ́ mọ́, wí mọ́ amó ansító unu.

⁴⁴ Inu ọ́lebláa amó ọ́bée, “Inu gyí asón aní nebláa mli bréá mbu mli wá ní. Nebláa mli mbée, ilehián aní mí iwí asón kugyíkúá bọwanlín wá Mose Mbla, Bulu ọ́nósú atóipó nwołó pọ́ Israelfó ẹ́bí ọ́wọ́lótó́ f́éé b́eba mótó.”

⁴⁵ Inu olobwíí amó agywun, méní bónu Bulu asun wanlínhé amu así.

⁴⁶ Ọ́lebláa amó ọ́bée, “Bọwanlín tswí bée, Kristo, (ohá amóú Bulu ladá mu ofúli amu) amu obówun iwíọ́sun, wú. Bulu ọ́bókúsóa mu mọ́ eke sáásí tsú afúlitó.

⁴⁷ Mọ́ ọ́ma a, ahá b́eda Bulu asun wankláán ámu ọ́kan mí idátó há ọ́má f́éé bée bọdámli klontó, f́ékí Bulu obési amó lakpan kíé amó. B́efi mọ́ así tsú Yerusalem. ⁴⁸ Mlgyí mí adansífo há asón ánfí ní. ⁴⁹ Nọpọ́ Ọ́he Wankíhé amóú mí Sí ĺehie yáí há mli ámu sísí mli. Mọ́ sọ́ mlitsia wúlu anfitó alí ýfón ekeá Ọ́he Wankíhé amu obótsu ọ́sósú bá beha mli túmi.”

Yesu Ọ́sósú Yó

(Marko 16:19-20; Gyumagyihe 1:9-11)

⁵⁰ Bréá Yesu léblí asón ánfí tá á, ọ́lekpa amó dál, bọyọ́ Betania wúlutó. Inu olotsu ẹ́bí f́óá, yúlá amó. ⁵¹ Bréá ọ́de amó yulá á, mọ́a amónyọ́ nsiné lówa ifó wa b́i, Bulu lótsu mu ya ọ́sósú. ⁵² Inu b́eda akpawunu sún mu, bọpọ́ ansigyí kpónkpóntí yínkí yétsiá Yerusalem. ⁵³ Betsiá yó Bulu ọ́swélekpa unu brégyíbré, yékanfú Bulu.

† 24:36 Ọ́leblí ọ́bée, “Iwí ilwíí mli.” uma nwołó dada amu akoto.

Asun Wanklaán Aní Yohane Lówanlín

1 Asa oyi lebelun a, Asón ámu bu inu. Asón ámu mua Bulu bu inu. Asón ámu gyi Bulu.

Asón Aní Itehá Nkpa

2 Asón ámu mua Bulu bu inu asa oyi lebelun. 3 Musó Bulu lótsun bwe tógyító. Tótóto má inová Bulu lóbwε tsun mu oma. 4 Muto nkpa itsú. Nkpa ámu tópu wanki ba ahá féé ní. 5 Wanki anfi tówánki oklúnto, táme oklún mókógyi mósú ki.

6 Bulu lówa oyin okuá buteti mu Yohane* sísi. 7 Ojεba bebláa ahá wanki amu iwi asón, méni ahá féé bóho asón ámu bu gyi. 8 Megyi Yohane onutó gyi wanki amu. Mu mó wanki amu iwi asón ojeba bebláa ahá. 9 Ohá ámu ógyi wanki onutó, otówánki há ohagyíoha amu obá oiyító.

10 Oju oyi ánfito. Musó Bulu lótsun bwe oyi, táme oyi ánfito atsiápu bumebi mu. 11 Ojeba mu onutó omátó, táme mu pi bumoho mu. 12 Táme ojeha ahá aní bōho mu, ho mu gyi féé okpa aní bubwεε Bulu abí. 13 Amó Bulu abí bwe motsú úlnto, ntée nyankpusa apébwεto, ntée oyin owóli okpasu. Mboúin Bulu onutó lóbwε amó mu abí.

14 Asón ámu lébemli nyankpusa, oletsia anito. Awitole pu onakwali sóon létsia muto. Anúlowun mu numnyam. Mu Si lówa mu numnyam amu, tsúfé Obí okokónó okole pé ogyi há mu.

15 Yohane léle mu suná, tói tsú mu iwi obée, “Oju iwi asón nebli mbée, ‘Ohá amó obuo mu obá ámu dun mi, tsúfé oju inu asa bokwí mí’ ” ní.

16 Mu awitole itso. Iní só oje awitole tsotsotsoto anfi wa há aní féé ní. 17 Mosesu Bulu mbla ámu ná ojeba, táme onakwali móa awitole mó ina aní Wie Yesu Kristosu ojeba. 18 Ohaa mókówwun Bulu ki. Obí okokónó okole pé, mu onutó ogyi Bulu, otie Osi ámu gyapisu, Osi ámu tehié kle mu asón ámu, nkole labláa aní alía Bulu gyi.

Asú Obopó Yohane Bulu Asón Okanda (Mateo 3:1-12; Marko 1:1-8; Luka 3:1-18)

19-20 Yudafó ahande aní bubu Yerusalem bowa Bulu igyi ahapó pu Lewifo Yohane wá beε buyéfité mu beε, ma ogyi? Yohane mési asvansu nján amó. Ojele bláa amó obée, “Megyi mígyi Kristo, (ohá ámu ó Bulu ladá mu ofúli amu).”

21 Befité mu beε, “Mómó fógýi ma? Fógýi Elia?”

Ojele mó onó obée, “Megyi mígyi Elia.”

Betrá fité mu beε, “Fógýi Bulu onósó otáipó amó obéba amu?”

Ojele mó onó obée, “O-o.”

22 Móbó befité mu beε, “Ma fuhíé fógýi? Bla aní, méni abéyébláa ahá ámu ó bowa aní ámu. Nkálí fúdeblí tsú fú onutó iwi?”

23 Yohane lópu asón aní Bulu onósó otáipó Yesaia lébli tswi lé mó onó obée, “Mígyi ohá ámu ó adekplón dimbísú obée,

‘Mlitswii aní Wie ikpa ámu ha mu’ amu ní.”

24-25 Inu Farisifo akwá bowa Yohane wá é befité mu beε, “Ní megyi fógýi Kristo amu, megyi fógýi Elia ntée Bulu Onósó Otáipó amó obéba amu é á, ntogyi só fude ahá asú bō?” 26 Yohane léle mó onó obée, “Ntsu ndepobó ahá asú, táme oha

* 1:6 Asú Obopó Yohane

ɔku bu mlito nfi, mlimeyin mu. ²⁷ Mogyi oha ani obuo mi oba ni. Mmofun ani nesanki mu ntokota ofe kpan.”

²⁸ Ason anfi fee leba Yordan ntsu obun Betania wuluto. Ino Yohane letsia bo oha asu ni.

Bulu Okufabi

²⁹ Oyi kehe a, Yohane lowun ani Yesu na oba mu wa. Mbu oleblaa oha amu obee, “Mliki, Bulu Okufabi amu oba a. Muso Bulu tatsun si oyito oha lakpan kie amu ni! ³⁰ Mu iwi ason nebli mbee, ‘Oko buo mi oba. Odun mi, tsufe obu mu asa bokwi mi’ ni. ³¹ Mi onuto mmeyin mu, tame neba nde oha asu bo, menu Israelfo bebi oha ani ogyi.”

³² Yohane lebli obee, “Nowun Oye Wankihe amu, olekpli tsu ososo fe abroduma bogyonka muso. ³³ Mi onuto mmeyin mu, tame Bulu lwa mi obee mba bopu ntsu bo oha asu. Muleblaa mi obee, ‘Oha amu fowun Oye Wankihe amu obekpli tsu ososo bogyonka muso amu obopo Oye Wankihe amu bo oha asu ni.’ ³⁴ Nawun ani ilaba moto. Mu so nde mu iwi adansiye gyi mbee, mogyi Bulu mu Bi amu ni.”

Yesu Akasipo Agyankpaw

³⁵ Mu oyi kehe a, Yohane mu a akasipo abanyo besanki ba mu. ³⁶ Bre a Yohane lowun Yesu detson a, olebli obee, “Mliki, Bulu Okufabi amu na mu a.” ³⁷ Akasipo abanyo amu bonu ason anfi. Mu so beklpa buo Yesu. ³⁸ Yesu ledamli ki wun ani bobuo mu. Mu olefite amu obee, “Nto mlidedunka?”

Bebite mu bee, “Osunapo, nkono fotsie?”

³⁹ Yesu lele mu ono obee, “Mlika beki.” Mu so ayin abanyo amu bobuo Yesu yeki mu otsiakpa. Ibobwe fe ntowe donato. Betsia mu wa ta owi.

⁴⁰ Ayin amu bonu ason ani Yohane lebli tsu Yesu iwi, beklpa buo Yesu amuto okole gyi Simon Petro mu pio Andrea. ⁴¹ Mu o a a, ito gyankpawa Andrea lobe gyi, oloyodunka mu pio Simon, blaa mu obee, “Anlawun Mesia.” (Mu asi gyi, “Kristo”, oha amu Bulu lad a mu ofuli amu.)[†] ⁴² Ino olekpa Simon ba Yesu wa.

Yesu leki mu din, olebli obee, “Fogyi Yohane mu bi Simon ni. Tsu nde poya a, beti fo Kefa.” (Griiki obli to “Petro.” Mu asi gyi, “Bot a.”)

Filipo Mva Nataniel Ti

⁴³ Oyi kehe a, Yesu lobe obee moyo Galilea amat o, olowun Filipo. Mu oleblaa Filipo obee, “Buo mu.” ⁴⁴ Filipo otsu Betsaida, Andrea mu Petro wuluto. ⁴⁵ Filipo lowun Nataniel, oleblaa mu obee, “Anlawun oyin amu Mose lowanlin mu iwi ason wa Bulu mbla amuto, Bulu onoso atapo amu e bowanlin mu iwi ason amu. Mu da gyi Yesu. Mu si gyi Yosef, otsu Nasaret wuluto.”

⁴⁶ Nataniel lefite mu obee, “Ita yile ko betali dal tsu Nasaret wuluto?”

Filipo leblaa mu obee, “Ba afobe ki.”

⁴⁷ Bre a Yesu lowun Nataniel oba mu wa a, olebli obee, “Israeyin onutonuto ni. Afunu koku ma moto.”

⁴⁸ Nataniel lefite Yesu obee, “Nkali lobe fe bi mi?”

Yesu lele mu ono obee, “Nowun fu bre a fubu panto-oyi amu asi mu, asa Filipo lebeti fo.”

⁴⁹ Nataniel leblaa mu obee, “Osunapo, fogyi Bulu mu Bi Israel Owie amu ni.”

⁵⁰ Yesu leblaa mu obee, “Ali amu nablaa fu mbee, nowun fu panto-oyi amu asi amu so fahogyi? Fowun ofula ani idun inu.” ⁵¹ Yesu letra blaa mu obee,

[†] 1:41 Kristo igyi Griiki obli, Mesia e igyi Hebrai obli.

“Ɖnɔkwali nde mli bláa, mlówun ání ɔsósó lafinkí, Bulu-abɔpu buɔe ɔsósó yó yínkí bá Nyankpusa-Mu-Bi ámuɔɔ.”

2

Jkátsiá Kana Wúluto

¹ Eke sáási a, betsiá ɔká Kana wúlu ání ibu Galilea ɔmátó. Yesu mu yin bu ibu. ² Beti Yesu muɔa mu akasípó é mú asu. ³ Bréá amó ntá leta á, Yesu mu yin lébláa mu ɔbéɛ, “Bu tráa bu ma ntá.”

⁴ Yesu lébláa mu ɔbéɛ, “Amó yín, yéɛ megyí mí asón igyi o! Mí bré mɔkónyá fun.”

⁵ Mu yin lébláa wóyí ámutó asúmpó ɔbéɛ, “Mlibwe dunka asóngyiasón ání ɔbébláa mliɔɔ.”

⁶ Yudafɔ butɔfwí iwí amó amándié ɔkpasu. Mú su bɔpu awonɔi akpɔnkpɔnkpɔnti asie yáí wóyí ámutó. ⁷ Yesu lébláa ibu asúmpó amu ɔbéɛ, “Mliɔa ntsu bula awonɔi ámu féé.” Lélé besa. ⁸ Ibu ɔlebláa amó ɔbéɛ, “Mliɔa iku ya nkesu ɔkípɔ amu.” Besa ya mu. ⁹ Ɖleɔa mú ɔnó á, ɔladámli bwé ntá. Omeyín ɔtínéá benya ntá ámu tsú. (Táme asúmpó amu mú buyin.) Ibu ɔleti ɔká ɔtsiápu amu ya itsétó, ¹⁰ ɔlebláa mu ɔbéɛ, “Nta wankláán ɔhagyíɔha tegyankpá yáí. Ní bonu mú tá asa butɔpó múá ima ale ba. Táme fú mú fapó wankláán ámu yáí bɔfon séi.”

¹¹ Ibu gyí osúna gyankpapu ání Yesu lɔbwe ní. Ɖɔbwe mú Kana ání ibu Galilea ɔmátó, pólé mu numnyam ɔwan. Ileha mu akasípó bɔhɔ mu gyi.

¹² Ibu ɔma a, Yesu muɔa mu yin, mu apíó pó mu akasípó bɔyɔ Kapernaum wúluto, yétsiá ibu nke kpalobí.

Yesu Bulu Ɖtswékpa Yɔ

(Mateo 21:12-13; Marko 11:15-17; Luka 19:45-46)

¹³ Bréá nkeá Yudafɔ bɔpu gyi Israelfɔsu Katsun Nke lowie wóyí tá á, Yesu lóɔu yó Yerusalem. ¹⁴ Ɖɔyɔ Bulu ɔtswékpa amu wunsinésó yówun ání ahá buɔe nnantswie, akúfa pó abrɔɔuma fé. Olowun aku é butsie mpónúbasí buɔe kóba tséɛ. ¹⁵ Ibu ɔɔbwe mpli, wíɛ amótó, gyáa amóa mbwí ámu féé dáli. Olowutá kóba atsépu amu mpónú dá, dá amó kóba sáín. ¹⁶ Mú ɔlebláa abrɔɔuma afepú ámu ɔbéɛ, “Mliɛ amó nfi! Mli mápu mí Sí wóyító bwé mli ibiá ogyíkpa.” ¹⁷ Iná ɔleba ali su á, mu akasípó amu bekaín Bulu ason wanlínhé anfiɔ. “Fú osúm kpa amu asón ihíé igyi mí ason bogya.”

¹⁸ Yudafɔ ahande amu beba Yesu wá befité mu beɛ, “Osúna mɔmu fɔbwe pòsúná aní ání Bulu túmitó fúɔɔe iní bwe?”

¹⁹ Yesu lébláa amó ɔbéɛ, “Mlibwie Bulu ɔtswékpa anfi, nɔpu nkensá yí mú.”

²⁰ Yudafɔ ahande amu bebláa mu beɛ, “Nfi advana-sie kéké bɔpu yi obu anfi. Mú fú mú féɛ, fɔpu nkensá yí mú?”

²¹ Táme mu nyankpusa-oyí iwí asón ɔdeblí, megyí Bulu ɔtswékpa amu.

²² Bréá Bulu lókusúá mu tsú afúlitó ɔma a, mu akasípó amu bekaín ání ɔdeblí asón anfi. Mú su bɔhɔ Bulu asón pó Yesu ason blíhé amuɔɔ gyi.

Yesu Yin Nyankpusa Klɔntɔ

²³ Yesu lɔbwe osúna tsɔtsɔɔtsɔ Israelfɔsu Katsun Nke ámutó bréá ɔbu Yerusalem, ahá tsɔtsɔɔtsɔ bowun. Mú su bɔhɔ mu gyi. ²⁴ Táme Yesu mɔpu ansí dínká amósú, tsúfé oyin aliá amó féé bugyi. ²⁵ Mehián ání ɔhaa ɔbébláa mu ɔha iwí asón, tsúfé mu onutó oyin asón ání ibu nyankpusa klɔntɔ.

3

Yesu Mba Nikodemo

1 Yudafá òhande òku létsiá, botetí mu Nikodemo. Farisiyin ogyi. 2 Ọlẹba Yesu wá eke òku onyé bebláa mu òbée, “Osunápó, aniyin ání Bulu lówa fú sísí fẹ́ ató osunápó. Tsúfẹ́ òhaa méetalí bwé osúna anfi fódèbwe anfi, ní Bulu móbúo mu.”

3 Yesu léle mú ònó òbée, “Ọ̀nàkwálí nde fú bláa, òhaa méetalí nyá Bulu ogyi iwíe mọ̀sọ, nkétí balákwíí mu.”

4 Nikodemo léfité mu òbée, “Nkálí bẹ̀lakwíí òhá ání aladan? Ọ̀bétalí sánkí wíe mu yin iputá, òbẹ̀lakwíí mu?”

5 Yesu léle mú ònó òbée, “Ọ̀nàkwálí nde fú bláa. Ní bọ̀melakwíí òku tsoṅ ntsu móa Ọ̀je Wankíhétó á, óméetalí wíe Bulu iwíegyi ámutá. 6 Ọ̀yolúbọ̀ nkpa itsú nyankpọ̀sata, ọ̀jẹ́tọ̀ klé é itsú Bulu Ọ̀jẹ́tọ̀. 7 Mú sọ́ máha mú iwa fú wánwan ání nabláa fú mbéé, ilehián ání bẹ̀lakwíí mli. 8 Afú tọtsoṅ yá ọ̀tínéá ideklé. Fútonú mú nka, táme fọ̀meyín ọ̀tínéá itsú pọ́ ọ̀tínéá iyó. Alí kén igyi há ọ̀hagyíọ̀ha ání bakwíí mu tsú Ọ̀jẹ́ ámutá ní.”*

9 Nikodemo léfité mu òbée, “Ngya ntọ́ asón ní?”

10 Yesu léle mú ònó òbée, “Israelfọ́ osunápó yílẹ́ fúgyi, mú fẹ́e fọ̀mọ̀kónú asón anfi asi? 11 Ọ̀nàkwálí nde fú bláa. Tóá aniyin iwí anidétọ́ tsú, tóá anilawun é iwí anidé adánsiẹ gyi, táme mli tamahọ́ aní asón ámu. 12 Ní nẹ̀bláa mli tóá ide múso yá ọ̀yí ánfító, mli mọ̀hogyi a, nkálí ibáóbwe nẹ̀bláa mli tóá ide múso yá ọ̀sọ́sọ́ mboún mli mọ̀hogyi? 13 Ọ̀haa mókódó yá ọ̀sọ́sọ́ inu kí, nkétí Nyankpọ̀sa-Mu-Bi ámuó olotsu inu ba ámu.

14 “Alí ámuó Mose lẹ̀pọ́ kọ̀bri iwá síán oyísó, tsú mú líí dimbísó inu ámu a, alí kén ilehián ání bẹ̀da Nyankpọ̀sa-Mu-Bi ámu mántá oyísó, tsú mú líí,† 15 méni ọ̀hagyíọ̀ha ání ọ̀lọ́họ́ mu gyi obénya nkpa ání itamatá ní. 16 Tsúfẹ́ dwé Bulu léhie dwé anyánkpọ̀sa. Mú sọ́ ọ̀lọ́pọ́ mu Bi ọ̀kukónú ọ̀kule pé ámu há, méni ọ̀hagyíọ̀ha ání ọ̀lọ́họ́ mu gyi omóowu, mboún obénya nkpa ání itamatá. 17 Bulu mópọ́ mu Bi ámu sísí ọ̀yí ánfító òbée, ọ̀bá begyi ahá asón, ọ̀ha ahá ipón, mboún òbée, ọ̀bá ọ̀lọ́họ́ ahá nkpa.

18 “Ọ̀há ání ọ̀lọ́họ́ mu Bi ámu gyi lagyi asọ́. Ọ̀há ání ọ̀mọ́họ́ mu Bi ámu gyi a, Bulu lahá mu ipón dodo, tsúfẹ́ ọ̀mọ́họ́ mu Bi ọ̀kule pé ámu gyi. 19 Alíá ọ̀bẹ́ha ipón ámu gyi, wanki amu laba ọ̀yítọ́, táme ahá bọ̀dwe oklún don wanki amu, tsúfẹ́ lalaha abwepọ́ bọgyi. 20 Ọ̀hagyíọ̀ha ání ọ̀tọ̀bwe lalaha tolu wanki amu. Ọ̀tamakpọ̀kpé mántáa mú, tsúfẹ́ ọ̀de ifú nya ání mu bwehé bẹ̀lun ọ̀wan. 21 Táme ọ̀há ání ọ̀tọ̀bwe yílẹ́ tẹ́há wanki amu tọ̀wánkí wólí mọ̀sọ, méni ahá bówwun áni Bulu apé ọ̀debwé.”

Yesu Mba Asú Ọ̀bọ́pọ́ Yohane

22 Inu ọ̀ma a, Yesu mba mu akasípọ́ bẹ̀dalí Yerusalem yá Yudea ọ̀mátọ́. Betsiá inu kpalóbí, oletsíá bọ́ ahá asú. 23 Alí bré ámutá á, Yohane é dé ahá asú bọ́ Aenon nsáuntu, mántáa Salim wúlu. Tsúfẹ́ ntsu dada nsiné inu. Ahá betsíá yá mu wá, oletsíá bó amú asú. 24 (Bọ̀mọ̀kónyá kítá Yohane tswi obu alí bré ámutá.)

25 Iwígyọ̀ráa iwí nwéengyi ku lẹ́ba Yohane akasípọ́ pọ́ Yudayin òku nsiné. 26 Inu Yohane akasípọ́ bọ́yọ́ mu wá yébláa mu bẹe, “Osunápó, yéé fakáín oyin ámuó fúa mọ̀nyọ́ mli létsiá Yordan bọ̀nkpa ọ̀bin, fegyi mu iwí adánsiẹ wankláán ámuó? Ọ̀de ahá asú bọ́, ahá fẹ́é bọ̀de mu wá yá.”

27 Yohane léle mú ònó òbée, “Ọ̀haa méetalí bwé tọ́tọ́, nkétí Bulu lahá mu ọ̀kpa. 28 Mli onutọ́ mli létalí gyi mi adánsiẹ ání nẹ̀bláa mli mbéé, ‘Megyi mígyi Kristo

* 3:8 Ọ̀jẹ́ móa afú lehan aba Griiki ọ̀blító. † 3:14 Mọ́ oyikpaliheso síán iwí asón ọ̀deblí.

amu, táme Bulu lówa mí gya mu nkpa.’ ” ²⁹ Inu òleha amó yébi òbée, “Óká otsiápu bó mu ka. Óká otsiápu amu mu nyawie é tetsiá óká otsiákpá mu, méni ansí bégyi mu ní onú mu nyawie amu òme. Alí kén ansí de mí gyí séi ní. ³⁰ Mí atómabi béta wíe mu kletó.”

Jhá Aní Olotsu Osósó Ba

³¹ Jhá ámóú otsú osósó ámu òn òhagyíòha. Jhá aní otsú osólósu é gyí osólósu òha. Osólósu asón òteblí, táme óhá aní otsú osósó òn òhagyíòha. ³² Otegyi tóá alawun pú tóá alanú iwí adánsie, óhaa tamahó mu asón blíhé. ³³ Táme òhagyíòha aní òlòhó mu asón blíhésu gyi dé mósú si aní Bulu asón igyi ònòkwali. ³⁴ Jhá ámóú Bulu lówa ámu telé Bulu asón blí, tsúfè Bulu tópu Òhè ámu bólá mutó. ³⁵ Ósí ámu tódwé mu Bi ámu, alapó túmi fèé wá mu ibúto. ³⁶ Òhagyíòha aní òlòhó mu Bi ámu gyi bu nkpa aní itamatá. Òhagyíòha aní òmòhó mu gyi má nkpa aní itamatá. Bulu isubití é idin musu.

4

Yesu Mva Samariayintse Oku

¹ Farisifó bonu aní Yesu dé abúopu nya, bó amó asú òn Yohane. ² (Táme megyi Yesu onutó dé amó bó. Mu akasípó dé amó bó.) ³ Bréá Yesu lébi aní Farisifó ámu banú asón ánfí á, òledali Yudea òmátó yínkí yó Galilea òmátó.

⁴ Táme lehián aní òbótsun Samariafó osólósu.

⁵ Yesu lóyówie Sikar aní igyi Samaria wúlu koto. Wúlu anfi bu mantáa osólósu kvá Yakob lópohá mu bi Yosef bímbí ámu. ⁶ Inó Yakob ibún bu ni. Okpa ámu bu ifó. Mú su Yesu lótsutsúa obowie mu á, ilapíán mu. Mó su oletsíá ibún ámu así. Alí bré ámòto á, ilabwé fè ópawísó.

⁷ Inu á, Samariayintse óku léba ntsu osakpá. Yesu lókolí mu òbée, “Nobwíí ipa, ha mí ntsu annu.” ⁸ Alí bré ámòto á, Yesu akasípó báyó wúluto yóhó atogyihe.

⁹ Yudafó bótamapó ibi da Samariafó nwe núu ntsu. Mú su otsi ámu léfité Yesu òbée, “Yudayin fogyi, mí é Samariayintse ngyi. Nkálí igyi só fode mí ntsu kolí?”

¹⁰ Yesu léle mú ònò òbée, “Ní foyin Bulu atokiehé pú óhá aní òde fú ntsu kolí á, tekí fókulí mu, òbéha fú ntsu aní itehá nkpa.”

¹¹ Ótsi ámu lébláa mu òbée, “Aní sí, fómédé ofé, ibún ánfito é bu oklú. Nkónu fénya ntsu aní itehá nkpa? ¹² Fódun aní náin Yakob aní olokwi ibún ánfí há aní, mva mu abí pú amó mbwi bonu ntsu mótó?”

¹³ Yesu léle mú ònò òbée, “Ómewólí bélakítá òhagyíòha aní otonu ibún ánfito ntsu. ¹⁴ Táme òhagyíòha aní obónu ntsuá néha mu a, ómewólí méétrá kitá mu ekekéke. Ntsu ámóú néha mu amu íbédamlí ntsu ówíkpa mutó aní íbélun ha nkpa aní itamatá.”

¹⁵ Ótsi ámu lébláa mu òbée, “Aní sí, ha mí ntsu ánfí ku, méni ómewólí méétrá kitá mí, mméétrá ba nfi é besa ntsu.”

¹⁶ Yesu lébláa mu òbée, “Yeti fú kúlu amliba.”

¹⁷ Ótsi ámu léle mú ònò òbée, “Mma okúlu.”

¹⁸ Yesu lébláa mu òbée, “Ónòkwali igyi fablí aní foma okúlu. ¹⁸ Tsúfè fatsíá akúlu tse nu ki. Mégyí fú kúlu gyí oyin ámóú fóa múnnyo mlíná séi ámu é. Fawá ònòkwali.”

¹⁹ Múú otsi ámu lébláa mu òbée, “Aní sí, nawun aní Bulu ònósó òtópó fogyi. ²⁰ Aní anáin Samariafó bosúm Bulu íbu ánfisu, táme mli Yudafó mú mliáa Yerusalem kóun lehián aní òhagyíòha obósum Bulu.”

²¹ Yesu lébláa mu òbée, “Ótsi, hó mí asón ánfisu gyi. Bré kv béba aní ahá bóméétrá súm Ósí ámu íbu ánfisu ntée Yerusalem. ²² Mli Samariafó mímeyín óhá aní mlidésu. Aní Yudafó mú anyin óhá aní anidésu, tsúfè Yudafósu ina

nkpahóo leba oyító. ²³ Bré íbá, ìdàfòn tà ání Bulu asúmpò anàkwàlìpò bósúm Òsì ámu òhétó pò anàkwàlìsù. Tsúfè ahá ànfi odu Òsì ámu dédunká òbèe búsúm mu nì. ²⁴ Òhè Bulu gyí. Mú sù ìlehíán àní ahá àní bütosúm mu bósúm mu òhétó pò anàkwàlìsù.”

²⁵ Òtsì ámu lébláa mu òbèe, “Nyìn àní Mesia* , (òhá ámuú Bulu ladá mu ofúli amu) òbèba. Ní òbá á, òbèe asóngyíasón asì súná anì.”

²⁶ Múu Yesu lébláa mu òbèe, “Mí ànfi nde fú asón bláa anfi gyí Kristo amu nì.”

²⁷ Inu akasípò amu besankí tsú wúlutò ba bòtu amú. Ìlòwa amú wánwan àní bawun Yesu muà òtsì bulí bòdetáí. Táme amótó òkòkò metálí fité òbèe, “Ntò fòdedunká tsú mu wá, ntéé ntogyi sò fúá òtsì ámu mlídetáí?”

²⁸ Òtsì ámu lési mu ólò yáí unu, yínkí yó wúlutò yébláa ahá òbèe, ²⁹ “Mlìba amlìbeki oyin òkúá alabláa mì tóá nabwé kí fèé. Mlìlahogyi mlíaa, megyí Kristo amu nì?” ³⁰ Mú sù ahá bedalí tsu wúlu amotò beki Yesu.

³¹ Alì bré ámuòá á, mu akasípò ámu bode mu kòkòlí be, ogyií ató.

³² Táme òlebláa amú òbèe, “Mbu tóá négyi, mlíméyín mú iwí kòkòkòkò.”

³³ Mú sù akasípò amu befíté aba bee, “Ntéé òkò labeha mu tòkò alagyi?”

³⁴ Yesu lébláa amú òbèe, “Mí atogyihe gyí àní nóbwe tóá òhá ámuú òlòwa mí sísi ámu òbèe mbwéé, ammò mú òhó. ³⁵ Yéé mlìteblí mlíaa, ‘Tsra ana pé lasí ayó tìnbì bòfòn?’ Táme nde mlì bláa mbéé, mlìtsu ansí kí adòbùb amotò, ayó ámu ìdablí fòn tìn. ³⁶ Bòde mu atínpu akò ka dodo. Bòde mú tìn yáí há nkpa àní itamatá. Mú sù ansí bégyi adupò móa atínpu amu fèé ekewòle. ³⁷ Mú sù anàkwàlì igyí boteblí beé, ‘Òkò todú, òkò é tetin.’ ³⁸ Nòwa mlì mbéé mlìyétin ayóá mlímóyo mú òdukpá. Aha bambá lóyo mú iwí agyómá, ìlawá labi há mlì.”

³⁹ Samariafáà bòbù wúlu amotò tsòtsòotò bòhò Yesu gyi, adánsie ámuú òtsì ámu légyi suná amú òbèe, “Alabláa mì tógyítóá nabwé mí nkpatò fèé” ámu sù. ⁴⁰ Inì sù bréá beba Yesu wá á, bokokòlí mu bee, otsiá amú wá. Yesu létisiá unu nkenyó.

⁴¹ Yesu asun blìhé sù Samariafá àmu tsòtsòotò é belahò mu gyi. ⁴² Bebláa òtsì ámu bée, “Megyí fú asón ámu sù anilétrá hò mu gyi nya o. Anì onutó anilánú, anilawun àní lélé oyin ànfi gyí oyító Nkpa Òhòpò amu nì.”

Òhande Òkò Mu Bi Ilò Tsa

⁴³ Nkenyó ámu òma a, Yesu lénatí yó Galilea òmátó. ⁴⁴ (Tsúfè mu onutó olowun blì òbèe, “Bütamabú Bulu òhósú òtáipò mu onutó òmátó.”) ⁴⁵ Bréá olowie Galilea a, unfo bòhò mu atíú, tsúfè amú onutó bòyo Yerusalem Yudafoso Katsòn Nke ámu ogyíkpa. Mú sù bowun tóá òlòbwe unu fèé.

⁴⁶ Yesu létrá yínkí yó Galilea òmátó, Kana wúlutò, òtíné ámuú òledamlí ntsu bwé ntá ámu. Òmá òhande òkò tsie Kapernaum wúlutò. Òbù òbì yìnhé òkúá òdà òdèlò. ⁴⁷ Bréá òhande amu lónu àní Yesu latsú Yudea ba Galilea a, olegya mu òkpa yókokòlí mu òbèe, mu bi yínhé lawú tá, òkplíí ba Kapernaum, òbetsa mu òhò ha mu. ⁴⁸ Yesu lébláa mu òbèe, “Mú sù ní mlímòkòwun osúna a, mlímóòhò mì gyi ekèkèkè?”

⁴⁹ Òmá òhande amu lébláa mu òbèe, “Owíé! Ní anì ayabi mòwa òsa á, kebi ámu obòwu.”

⁵⁰ Yesu lébláa mu òbèe, “Yò! Fò bí ámu obénya nkpa!”

Oyin ámu lóhò asón ámuú Yesu lébláa mu amusò gyi, oleyínkí oyó wóyí. ⁵¹ Bréá oyó á, mu asúmpò beba befia mu, bláa mu bee, “Fú bí ámu lanyá nkpa.”

* 4:25 Griikifò tétí Mesia beé Kristo.

⁵² Inu ɔlefíté amó bréá iwí lówa mu bi ámu ɔnlɩ. Bebláa mu beɛ, “Owísó ámu lési mu ígye ɔpa ɔɔ-koletó.” ⁵³ Inu á, ɔlekaín aní alí bré ámuɔ kén Yesu lébláa mu ɔbéɛ, mu bi ámu obénya nkpa ní. Iní sɔ muɔa mu wóyítáfó fée bɔho Yesu gyi.

⁵⁴ Iní gyí osúna nyɔɔsiá Yesu lóbwɛ bréá olotsu Yudea ba Galilea ni.

5

Tsukole Osɩnpɩ Ɔku Ilo Tsa

¹ Asón ánfí ɔma a, Yesu lódu yó Yerusalem Yudafo Bulusúm nke ku ogyíkpa. ² Bɔpwe buntii wá wúlu amɔ. Bokwi ibún ku mantáa buntii amɔ ɔkpa ɔnó kvá butetí mó Akúfa Ɔtsónkpa. Butetí ibún ámu Betesda Hebri ɔblítɔ. Beyi mbu anu bómlí mó. ³⁻⁴ Alɔpɩ tsɔtsɔɔtsɔ bɔbun ibún ámu así mbu ánfíto. Amótó aku bogyi ansibi abwiepó, abɔ pó tsukole asɩnpɩ.* ⁵ Oyin ɔkuá alasin tsukole nfi advasa-kwe (38) kéké da mu. ⁶ Bréá Yesu lówun mu a, olowun aní alaló, dí mu wá ɔpá. Mó sɔ ɔlefíté mu ɔbéɛ, “Fudeklé fée iwí iwá fú ɔnlɩ?”

⁷ Tsukole osɩnpɩ amu léle mó ɔnó ɔbéɛ, “Owíé, ní bowúli ntsu ámuɔ á, mma ɔhá aní obótsu mí wá mótó. Nótutsúá ambɔbwe á, ɔku lagyankpá wíé mótó dodo.”

⁸ Yesu lébláa mu ɔbéɛ, “Kusɩ! Tsu fú ɔklan, afɔnati!” ⁹ Inuɔnuɔnu oyin ámu iwí lówa mu ɔnlɩ, ɔɔkusó tsú mu ɔklan, wá natí bi.

Alí eke ámu igyi Yudafo Ɔkpónú Ɔɔaké. ¹⁰ Mó sɔ Yudafo ahande beka oyin ámuó Yesu latsá mu ilo ámu ansító, blí beɛ, “Nde igyi Ɔkpónú Ɔɔaké. Aní mbla meha ɔkpa aní fásorá fú ɔklan.”

¹¹ Ɔlebláa amó ɔbéɛ, “Ɔhá ámuó ɔletsa mí ilo ámu lébláa mí ɔbéɛ, ‘Tsu fú ɔklan, afɔnati.’”

¹² Mó sɔ befité mu beɛ, “Ma lébláa fu ɔbéɛ, fɔtsúu fú ɔklan afɔnati?”

¹³ Oyin ámu mébi ɔhá aní ɔletsa mu ilo, tsúfé ahá bohíé bɔtsɔ mu, Yesu lófwi wá amótó.

¹⁴ Ɔma a, Yesu lóyówun mu Bulu ɔtswékpa mu. Múú ɔlebláa mu ɔbéɛ, “Yéɛ fawun aní iwí lawá fú ɔnlɩ. Mátrá bwe lakpan, méní múá idun iní méɛba fɔsɩ.”

¹⁵ Oyin ámu léyébláa Yudafo ahande amu ɔbéɛ, Yesu létsa mu ilo. ¹⁶ Iníá Yesu dé ntobí ánfí odu bwe ɔkpónú ɔɔaké sɩ á, Yudafo ahande amu bɔwa mu kpekpee bi. ¹⁷ Táme Yesu lébláa amó ɔbéɛ, “Mí Sí mókósi agyómá yɔ. Mó sɔ mí é mmókósi.”

¹⁸ Mu asɔn blíhé anfi sɩ á, Yudafo ahande amu bekle aní bómo mu ɔkpagyíɔkpasɩ. Tsúfé megyí ɔkpónú ɔɔaké mbla ámu nkule tɔun sɩ, mbóun ɔleblí ɔbéɛ, mu sɩ gyí Bulu, ilosuná aní muɔa Bulunyɔ bogyi kékéɛ.

Bulu Téhá Mu Bi Amu Túmi

¹⁹ Yesu léle mó ɔnó ɔbéɛ, “Ɔnɔkwali nde mli bláa. Mí Bulu mu Bi ánfí onutó mméɛtali bwé tɔto mí iwisɩ. Tíá nowun aní mí Sí débwe á, mó ntɔbwé. ²⁰ Tsúfé mí Sí tɔdwé mí, otosúná mí itá mu onutó ɔɔɔbwe fée. Inn! Ibówa mli wánwan aní obósuná mí múá idun alí. ²¹ Alí ámuó mí Sí tɔkósvá ahá tsú afúlitɔ, há amó nkpa ámu a, alí mí é ntehá ahá aní ndeklé nkpa ní. ²² Mí Sí tamagyi asón há ipón, táme alapó asóngyí fée wá mí ibi, ²³ méní ɔhagyiɔha obóbu mí fée alá otobú mí Sí ámu. Ɔhá aní ɔtamabú mí tamabú mí Sí ámuó ɔɔpɩ mí sísí ámu é.

²⁴ “Ɔnɔkwali nde mli bláa mbéɛ, ɔhagyiɔha aní otonú mí asón, ɔtɔho ɔhá ámuó ɔlɔwa mí sísí ámu gyí, bu nkpa aní itamatá. Bulu méegyí mu asón, há mu pón, tsúfé aladáli lowuto ba nkpatɔ dodo. ²⁵ Ɔnɔkwali nde mli bláa. Bré ku íbá. Bré ámu ilawúna fun aní ahá aní bogyi fée aha wuhé† bónu Bulu mu Bi

* **5:3-4** Móts yée 4 bu nwóló dada amu akoto: Ibo nu bu inu á, Bulu-ɔbɔpɔ tobowulii ntsu ámuɔ. Iní sɩ bɔtsie mu bogyo mu. Tsúfé ní ɔbá bowulii mó á, fɔá fegyankpá wíé móts á, fɔtenyá ilotsá. † **5:25** Ahá aní bawí ɔɔtótó.

ámu ɔme. Amóá bonu mó bénya nkpa. ²⁶ Tsúfě mí Sí bów túmi, ɔtéhá nkpa. Alí kén alahá mí ánfí ngýi mu Bi ánfí túmi, ɔbée nháa ahá nkpa ní. ²⁷ Alahá mí túmi ɔbée, ngýí ahá asón, tsúfě mígyí Nyankpósa-Mu-Bi ámu ní. ²⁸ Asón ánfí umáwa mli wánwan. Bré kv íbá, afúli fěé bónu mí ɔme, ²⁹ kósó. Amóá bábwe yilé bélakósó, nýá nkpa ání itamatá. Amóá bábwe laláhe a, négyi amó asón, há amó ipón.”

³⁰ “Mméesetalí bwé tɔtɔtɔ mí iwísw. Asón ání nonú tsú mí Sí wá á, mó ntɔpógyí asón. Mó só ntegyi asón ɔnkwalisu ní. Tsúfě ntamabwé tóá mí onutó ndeklé, mbóun tóá ɔhá ámbú ɔlwa mí sísí ámu tekle.”

Yesu Iwí Adánsie Wankláán Agyípó

³¹ Yesu lóyo mó só blí ɔbée, “Ní mí onutó negyi mí iwí adánsie á, mliumóhɔ mó ání ɔnkwali igyi.† ³² Bulu é tegyi mí iwí adánsie. Nyin ání mí iwí adánsie ámbú odegyí amu igyi ɔnkwali. ³³ Mliawá abí sísí Yohane. Alabláa mli ɔnkwali amu. ³⁴ Mí mó á, mmehián anyánkpósa adánsie. Mbóun nde mli asón ánfí bláa, méni Bulu ɔbóhɔ mli nkpa. ³⁵ Yohane ason blíhé lóbwe fě ɔkandíe ání idewankí. Mó sw mlióltsulá gyi mó ɔdwe kpalobí. ³⁶ Mbú tóá itegyí mí iwí adánsie, idun Yohane klé amu. Agyómá ámbú mí Sí lawá ɔbée mbwée mɔ mó ɔnɔ, nde mó bwe ámu dé adánsie gyí ání mólówa mí sísí. ³⁷ Mí Sí ámbú ɔlwa mí ámu onutó lagyi mí iwí adánsie. Mliumókónu mu ɔme, mliumókówun mu é ki. ³⁸ Mliumóhɔ mu asón wá mli klontɔ, tsúfě mliumóhɔ mí ámbú ɔlwa sísí ámu gyi. ³⁹ Mlikiá mlénýa nkpa ání itamatá tsú Bulu ason wanlínhé amoto. Mó só mli ansí lapé, mli dé mó kasí ní. Mí iwí adánsie Bulu ason wanlínhé amu idegyí. ⁴⁰ Táme mliakíná mí wá bá, méni mlénýa nkpa ámu.

⁴¹ “Mmedédunká mbée, ahá bokánfu mí, ⁴² tsúfě nyin mli dodo. Nyin ání mli tamadwé Bulu tsú mli klontɔ. ⁴³ Naba mí Sí dátó, mliumóhɔ mi. Táme ní ɔha bambá ɔbá mu onutó iwísw á, mlóhɔ mu. ⁴⁴ Mli tekleá mlékanfó aba, táme mli tamabó mbódí ání Bulu ɔkole pé ámu ɔkánfu mli. Nkálí íbóbwe mlóhɔ mu gyi? ⁴⁵ Mli máki mli aa, néle mli ílá mí Sí ansító. Mose ámbú mli ansí idun musu mli aa ɔbóhɔ mli nkpa ámu mbóun ɔbée mli ílá Bulu ansító ní. ⁴⁶ Ní lélé mliumóhɔ Mose asónsú gyi a, teki mlóhɔ mí asónsú gyi, tsúfě mí iwí asón ɔlwanlín tswi. ⁴⁷ Táme íniá mliumóhɔ tóá ɔlwanlín tswísw gyi a, nkálí íbóbwe mlóhɔ mí ason blíhésú gyi?”

6

Ahá Mpim-nu Atogyihe Ha

(Mateo 14:13-21; Marko 6:30-44; Luka 9:10-17)

¹ Iní ɔma a, Yesu mu a akasípó befa Galilea ɔpóá botetí mó Tiberia amu yó mó ɔbun. ² ɔdam betsiá buo mu, tsúfě ɔde alɔpu tsa wánwansu. ³ Mba mu akasípó bɔdu yó okúku kusu, yétsiá así mu. ⁴ (Alí bré ámutɔ á, Yudafɔ nkeá bɔpógyi Israelfɔsu Katsɔn Nke ámu ílafun ta.) ⁵ Inu Yesu lótsu ansí fúá wun ání ɔdam kpɔnkpɔnkpɔnti bebá mu wá. Móú ɔlefíté Filipo ɔbée, “Nkónú abénya atogyihe hɔ ha ahá ánfí bégyi?” ⁶ (Yesu léblí asón ánfí pósɔ Filipo ki, tsúfě oyin tóá ɔbóbwe dodo.)

⁷ Filipo lélé mó ɔnɔ ɔbée, “Ní apó tsra kwe íkáká hɔ atogyihe kóráá á, umófon ání okugyíakv obénya kpalobí gyí!”

⁸ Simon Petro mu pio Andrea, ogyi akasípó amuto ɔkole lébláa Yesu ɔbée,

⁹ “Oyimbi ɔkv dé bodobodo apín pútúpútú anu pú ntsutso iye bwáhé anyɔ. Táme ntɔ íni bóbwe ahá tsɔtsɔtsɔ ánfí?”

† **5:31** Mose mbla lósuná ání ahá abanyó ogyí adánsie.

¹⁰ Yesu lébláa mu akasípó amu óbée, “Mliha amú abútsiatsia asú.” Ahá ámu féeé betsiá ífású. Ayin ání búbu amótó bóbwe fée mpím-nu (5,000). ¹¹ Múó Yesu lóho bodobodo amu, dá Bulu ipán, óleha beye mó há ahá amúó bótisíe unu ámu. Alí kén óóbwe ntsabi búáhé amu é ní. Amótó okugyíókú lénya ahá odeklé. ¹² Begyi mwe sian. Yesu lébláa akasípó amu óbée, “Mlíkola sianhe amu, méní unóóbwe ató yintáhé.” ¹³ Lélé, bótisí sianhe amúó benya tsú bodobodo anu amúó ámu. Ilóbulá alakpá dúanyó kéké.

¹⁴ Ahá ámu bowun osúna anfi Yesu labwé ánfí. Mú sù beblí bée, “Lélé, oyin ánfí gyí Bulu ónósó ótópó amúó bówanlín mu iwí asón wá Bulu asóntó bée, óbéba óyító ámu ní.” ¹⁵ Yesu lówun ání ahá ámu babwé agywun bée, béba bekitá mu ówonlínntó yáí mu iwíe. Mú sù mu nkole óleladó yó nkpá sí amú.

Ọpọv Nátí

(Mateo 14:22-33; Marko 6:45-52)

¹⁶ Bréá owí lópón a, Yesu akasípó bekpí ba Galilea ọpọ onó. ¹⁷ Owí latá, táme Yesu mókóyínkí bọtu amú. Mú sù bọtu wíé ókluntó, bodefa bọyó Kapernaum. ¹⁸ Afú kpónkpónntí kú léba idetsoun, ọpọ amu lówa dabi. ¹⁹ Alí bré ámuó á, akasípó amu baplá óklun amu yó fée máílí asa ntée ana. Inu bowun ání Yesu ná ọpọ amúsu óbá amú wá. Mú sù ifú lekítá amú. ²⁰ Táme Yesu lébláa amú óbée, “Mí ní, mlumánya ifú!” ²¹ Inu bótisí mu wá óklun amúó ansigyísú. Ilotsutsúa iwankú amú á, óklun amu lawíé otsubúna, ótíné amúó bọyó ámu.

Yesu Dunká

²² Ọyí kẹhe a, ódọm amúó besi búbu ọpọ amu óbun unu ámu bowun ání óklun kókú itráa melí unu. Múá tekí ilí unúto akasípó amu bowie náti ní. Bowun ání Yesu mówíe mótó asa benatí. ²³ Mú óma a, nkłun aku lótsu Tiberia wúlúto belí mantáa ótíné amúó begyi bodobodo amúó Yesu léda Bulu ipán póhá amú ámu. ²⁴ Ódọm amu bowun ání Yesu lanatí unu, mu akasípó amu é buma unu. Mú sù bọtu wíé nkłun amúó yó Kapernaum, bode Yesu dunká.

Bodobodó Itẹhá Nkpá

²⁵ Bréá ódọm amu bọyówun Yesu ntsu óbun unu á, befité mu bée, “Osunápó, bré mọmu fobowie nfi?”

²⁶ Yesu lébláa amú óbée, “Ọnókwalí nde mli bláa. Megyí osúna amúó ndebwe mlidéwúun amu sù mligyá mí ókpa. Mboún bodobodo amúó neha mli, mlilégyí mwe ámu sù. ²⁷ Mlumáwun ipian atogyihe ání iteyíntá sù. Mboún mlwun ipian móá íbetsiá yó, íbéha nkpa ání itamatá, ání mí, Nyankpọsa-Mu-Bi ánfí néha mli sù. Tsúfée mí mí Sí Bulu lahíe nsu ání mbu ókpa há mó.”

²⁸ Befité Yesu bée, “Gyọma mọmu abwée isuna ání anidé tóá Bulu tekle bwe?”

²⁹ Yesu léle mó onó óbée, “Tóá Bulu déklé óbée mliwbwée gyí, mliho mí ánfí ólọwa sísí ánfí gyí.”

³⁰ Inu befité Yesu bée, “Osúna mọmu fóbwe abówun, méní abóho fu gyí? Nto fóbwe? ³¹ Aní anáin begyi mana dimbí ámu. Bówanlín mó wá Bulu asón ámuó bée, ‘Mose léha amú atáá ilotsu ósúsó há begyi.’ ”

³² Múó Yesu lébláa amú óbée, “Ọnókwalí nde mli bláa. Megyí Mose léha mli atogyihe amu tsú ósúsó. Mí Sí léha mli bodobodo onutónutó ámu tsú ósúsó. ³³ Tsúfée bodobodo ání Bulu tẹhá gyí mí ánfí natsú ósúsó há, nebá beha óyító ahá nkpa ánfí.”

³⁴ Ahá ámu bebláa mu bée, “Owíé, tsia ha aní bodobodo anfi brégyíbré, tsú séi pọya.”

³⁵ Yesu lébláa amú óbée, “Mígyí bodobodo amúó itẹhá nkpa ámu ní. Akón méekítá óhá ání óleba mí wá ekekẹke. Ọmewólí méekítá óhá ání ólọho mu gyí é

εκεκεεκε. ³⁶ Fέ alía νεbláa mlí á, mlíláwun mί, táme mlímókóhó mί gyi bəfən séi. ³⁷ ǾhagyíǾha ání Ǿsí ámu léha mí Ǿbéba mí wá. Mméegya ǾhagyíǾha ání Ǿléba mí wá. ³⁸ Tsúfě mmotsu Ǿsósú ba mbéε, nebá bəbwε tśá ndeklé. Mbouín tśá Ǿhá ámuó Ǿlwa mí sísí ámu déklé Ǿbwεkpá neba. ³⁹ Tśá Ǿhá ámuó Ǿlwa mí sísí ámu déklé gyi, ahá ámuó Ǿlphá mí ámuó Ǿkuko mádali mí ɔbi. Mbouín nkósua amó fěé tsú afúlitó eke tráhe amu. ⁴⁰ Tśá mí Sí ámu tekle gyi, ǾhagyíǾha ání olowun mí, mu Bi ánfí, hó mί gyi obénya nkpa ání itamatá. Nókúsúa mu tsú afúlitó eke tráhe amu.”

⁴¹⁻⁴² Iná Yesu léblí Ǿbéε, “Mígyí bodobodo amóú notsu Ǿsósú ba amu ní?” su á, Yudafo ámu bəwa mu wuntí bi. Bεε, “Megyí Yosef mu bi Yesu amu ní? Anuméyín mu sí muá mu yin? Ǿkpa məmú só Ǿdeblí Ǿbéε, ‘Ǿsósú notsu neba?’”

⁴³ Yesu lébláa amó Ǿbéε, “Mlísí wuntí mlí woléwolé. ⁴⁴ Ǿhaa méetalí ba mí wá, nkéti mí Sí ámuó Ǿlwa mí sísí ámu lakpá mu ba mί. Mí é nókúsúa mu tsú afúlitó eke tráhe amu. ⁴⁵ Bulu Ǿnósú atáípú amuó Ǿku lówanlín tswí Ǿbéε, ‘Bulu obósuná ahá fěé ató.’ ǾhagyíǾha ání alanú mí Sí asón, kásí mó tsú mu wá teba mí wá. ⁴⁶ Ǿhaa mókówun Ǿsí ámu kí. Mí ánfí notsu Bulu wá bá anfi nkole láwun mu kí. ⁴⁷ Ǿnəkwali nde mlí bláa. ǾhagyíǾha ání Ǿlho mί gyi bu nkpa ání itamatá. ⁴⁸ Mígyí bodobodo itéhá nkpa ní. ⁴⁹ Iná mlí anáín begyi mana dimbísú óó á, amó fěé bowu. ⁵⁰ Táme bodobodo anfi gyi mó alatsú Ǿsósú bá, méní ǾhagyíǾha ání obégyi mó móowu ní. ⁵¹ Mígyí bodobodo amóú ntehá nkpa, natsú Ǿsósú ba amu ní. ǾhagyíǾha ání ogyi bodobodo anfi obétsiá nkpa, omóowu ekekeεεεε. Mí Ǿylóv gyi bodobodo amu. Mó nési há, méní Ǿyítəfə bénya nkpa ní.”

⁵² Inu Yudafo ámu benya asón anfi Yesu lablí ánfí iwí Ǿbló. Amó woléwolé begyi aba nwéεn bεε, “Nkálí oyin ánfí Ǿbétalí pú mu Ǿylóv há aní Ǿbéε agyíi?”

⁵³ Yesu lébláa amó Ǿbéε, “Ǿnəkwali nde mlí bláa. Ní mlímégyi mí, Nyankpəsa-Mu-Bi ánfí Ǿylóv, nu mí obugya a, mlímá nkpa ání itamatá kəkəkə mlitə. ⁵⁴ Ǿhá ání olegyi mí Ǿylóv, nu mí obugya bu nkpa ání itamatá. Nókúsúa mu tsú afúlitó eke tráhe amu. ⁵⁵ Tsúfě mí Ǿylóv igyi atogyihe onutó, mí obugya é igyi atonuhe onutó. ⁵⁶ Ǿhá ání ogyi mí Ǿylóv, nu mí obugya tsie mlitə, mí é ntsie mutə. ⁵⁷ Mí Sí Ǿkiankpapv amu lówa mí sísí. Mu só mbu nkpa. Mó su fúá fegyí mί a, mí su fú é fubv nkpa. ⁵⁸ Mígyí bodobodo onutóá notsu Ǿsósú ba ní. Mlí anáín begyi mána, táme bowu. Ǿhá ání ogyi bodobodo anfi mó obétsiá nkpa ání itamatá.”

⁵⁹ Yesu léblí asón ánfí bréá Ǿde ató suná Kapernaum, Yudafo ofiakpa.

Nkpa Aní Itamatá Asón

⁶⁰ Yesu abúopv tsətsətsə ámuó akv bonu asón ánfí á, beblí bεε, “Atosanáhé ánfí mó bu Ǿnlín o! Ma Ǿbétalí hó mó?”

⁶¹ Yesu lówun ání mu abúopv amuó akv buɔde wuntí ání alablí alí su á, Ǿlefíté amó Ǿbéε, “Asón ánfí ilahan mlí? ⁶² Mó mó ní mlowun Nyankpəsa-Mu-Bi ámu Ǿyó Ǿtínéá olotsu ba mε, nkálí mlóbwe? ⁶³ Bulu Ǿhé ámu téhá nkpa. Nyankpəsa Ǿwənlín mó á, kpaalí igyi. Asón ánfí nde mlí bláa anfi itsú Ǿhé ámuó Ǿtehá nkpa ámu wá, ⁶⁴ táme mlitə akv bu məhə mósú gyi.” Yesu lówun amóá bu məhə mósú gyi pú Ǿhá ání Ǿbéε mu há yáí dododo. ⁶⁵ Ǿlεtrá bláa amó Ǿbéε, “Iní só nebláa mlí mbéε, Ǿhaa méetalí ba mí wá, nkéti mí Sí lakpá mu ba mί” ní.

⁶⁶ Tsú eke ámu a, Yesu abúopv amu tsətsətsə beyinkí mu Ǿma, bu mεtrá buo mu. ⁶⁷ Mó su Yesu léfíté mu akasípú dúanyə ámu Ǿbéε, “Mlí é mlídékléá mléyinkí mí Ǿma lóó?”

⁶⁸ Simon Petro lébláa mu obée, “Owíé, ma wá abóyo? Fó wá asón ání itehá nkpá ání itamatá bu. ⁶⁹ Anlahogyi, anlabí ání fúgyí Jha Wankihé amóú fotsú Bulu wá ámu ni.”

⁷⁰ Inu Yesu lébláa amó obée, “Mli ahá dúanyo nele, táme mlito oku gyi obunsámi!” ⁷¹ (Simon Iskariot mu bi Yuda ode á. Tsúfée ogyi akasípú dúanyo ámuto okule. Mu obéle mu há ní.)

7

Yesu Mva Mu Apio Yinhé

¹ Mú oma a, Yesu létsiá kí Galilea omátó. Omekleá obóyo Yudea omátó, tsúfée Yudafó ahande amu bode mu téee abomó mu. ² Táme Yudafó Kantankpatótsiá Nkegyí lafon. ³ Mú su mu apio yinhé bebláa mu bee, “Nati yo Yudea nke ámu ogyíkpá, méní fó abúopu amóú bobu inu ámu é bówun ofúla ání fudebwe. ⁴ Jhá ání odekléá ahá bobú mu gyumagyihe tamanáin iwi. Iná fódé ntobíá igyi ali bwe á, wuna le mú suna, oyi fée abowun.” ⁵ (Mu apíó ámu kóráá bomohó mu gyi. Mú su bebláa mu ali ní.)

⁶ Inu su Yesu lébláa amó obée, “Bréá nýo inu makónyá fon. Mli mú mlétali yó inu brégyibré. ⁷ Oyítófo buméetali lú mli, táme mí mú bode mí lu, tsúfée nde amó ulá le. ⁸ Mlyo nke ámuto. Mí mú mmakónyá yó, tsúfée mí bré makófon.” ⁹ Yesu lébli asón ání tá á, olesi tsíá Galilea omátó.

Yesu Kantankpatótsiá Nke Amu Ogyíkpá Yo

¹⁰ Táme bréá Yesu apíó ámu benatí yó nke ámu ogyíkpá a, mu é olenáin iwi yó inu. ¹¹ Yudafó ahande amu bodunká mu nke ámu ogyíkpá, bode ahá fité bee, “Oyin ámu me?”

¹² Odam amu beblí asón tsotsotsó nklóbító tsú Yesu iwi. Aku bee, “Jha wankláan ogyi.” Aku é bee, “Ekéekéke, ode ahá mlé.” ¹³ Táme amótó ohaa métalí blí mu iwi asón kókló ahá abonu, tsúfée bode Yudafó ahande amu ifú nya.

¹⁴ Bréá bowie nke ámu nsiné á, Yesu lódu wíe Bulu ótswékpa wunsinésó inu yéfi ató suná asi. ¹⁵ Mu atosunáhé lobwie Yudafó ahande amu onó. Mú su befíté aba bee, “Oyin ání mókókásí owuló yó nkpá. Nkálí dóbwe asa dlebi owuló ali?”

¹⁶ Yesu léle mú onó obée, “Megyí mí wá atosunáhé anfi itsú. Itsú Bulu wá. Mólówa mí sísí. ¹⁷ Ní oku dékléá obóbwe Bulu apé á, obowun ní atosunáhé anfi itsú mí wá ntée Bulu wá. ¹⁸ Jhá ání ode mu onutó asón blí dé mu numnyam dunká. Táme ní oku todúnká numnyam há oha ání olówa mu sísí á, onakwalipu oha ámu gyi. Otamawá afunu. ¹⁹ Yée Mose lópu mbla ámu ba mli a? Táme mlito okoko méde músó gyi. Ntogyi su mlidékléá mlómó mí?”

²⁰ Inu odam amu bebláa mu bee, “Oje laláhe bu futó! Ma dékléá obómó fú?”

²¹ Yesu lébláa amó obée, “Ofúla kule pé nobwe okpónú odaké, mli fée onó lobwie mli. ²² Mose lówa mbla há mli obée, mlitín keté. (Ibu mótó ání megyí Mose lótsó keté tìn, mli anáin léfi mú asi.) Yée mú só mlitétin ahá keté okpónú odaké ní a? ²³ Ní mlidé keté tìn okpónú odaké, méní mli mókósú líí Mose mbla ámu su á, ntogyi só mlidanyá obló mísó mliáa, natsá nyankpusa kéin okpónú odaké? ²⁴ Mlyo asóntó wankláán, asa amlíha ipón. Mlyo onakwalí gyi asón.”

Yesu Iwi Nwéngyi

²⁵ Yerusalemfo aku befíté amó iwi bee, “Megyí oyin ání Yudafó ahande bodedunká abomó ní? ²⁶ Megyí mu líí ahátó odetóí, amótó okoko mékpla mu a? Ntée ilawánki amó ání mugyí Kristo, (ohá ámóú Bulu ladá mu ofúli amu) ní? ²⁷ Oyin ání mú a, aní fée anyin otínéá otsú, táme ní Kristo ámu obá á, ohaa méebi otínéá otsú.”

28 Bréá Yesu bu mósó òde ató ámu suná Bulu òtswékpá wunsínésó inu á, olotsu onó fòá blí òbéé, “Mhíyin mí, mhíyin òtínéá notsú, táme megyí mí onutó túmisu nēba. Ɖnòkwalıpw óhá ámúó òlwa mí sísí ámu gyí. Mluméyín mu. 29 Táme mí mó nyin mu, tsúfē mólówa mí sísí. Mu wá notsu ba.”

30 Inu bekle abókita mu, táme buməpə ibi da mu, tsúfē mu bré məkófon. 31 Táme amótó ahá tsòtsòtsò bəhə mu gyí. Mó su befíté bēe “Ní Kristo amu óbá á, óbétalí bwé osúna òn mu ánfí oyin ánfí débwé?”

Bəwa Bēe Bv́kíta Yesu

32 Bréá Farisifó ámu bonu ání òðəm amu buðe Yesu iwí asón blí nklobító á, amóba Bulu igyí ahapú ðehen amu bəwa Bulu òtswékpá agyópw bēe bv́kíta Yesu.

33 Iní su Yesu lébláa amú òbéé, “Ulasí nke kpalobí pé nétsiá mlí wá. Mó oma a, néyinkí yó óhá ámúó òlwa mí sísí ámu wá. 34 Mlódunká mí, táme mlumóowun mí. Mluméetalí ba ótínéá mbu é ekekekeke.”

35 Yudafo ahande amu befíté aba bēe, “Nkónú oyin ánfí obótu okpa yó, su abódunká mu anumóowun mu? Ntée odekléá óbýo Griikifó awúlu amóú aní pi badásáin yó mósó ámu su, ntée obóyósuná Griikifó ámu ató? 36 Asón ánfí òdeblí é así mé? Ɖbéé, ‘Mlódunká mí, táme mlumóowun mí. Mluméetalí ba ótínéá mbu é.’”

Nkpa Ntsu

37 Nke ámu eke tráheá igyí eke títriu á, Yesu lókusó líí kplun blí òbéé, “Ní omewóli ðe oku á, óbá mí wá obonu ntsu. 38 Ɖhagyíóha ání òlho mí gyí a, ‘Nkpa ntsu bówí dalí mótə.’ Alí bəwanlín wá Bulu asón ámótə ní.” 39 (Ɖhe Wankíhé amóú Bulu óbéha ahá ání bəhə mu gyí amu iwí asón òdeblí. Alí bré ámótə á, Ɖhe Wankíhé amu mókónyá ba, tsúfē Bulu mókónyá wá Yesu numnyam.)

Ahá Amótə Leye

40 Bréá òðəm amu bonu Yesu ason blíhé anfi á, amótó aku beblí bēe, “Lélé, Bulu onósó òtáipú amóú anidé mu okpa kí amu ní.”

41 Aku é bēe, “Kristo amu ní!” Táme amótó aku é beblí bēe, “Yéé megyí Galilea omátó Kristo amu obótsu o. 42 Bəwanlín wá Bulu asón ámótə bēe, Owíe Dawid abusuantə Kristo amu óbédalí tsu. Bókwií mu Bethlehem, Dawid wúluto.” 43 Ina Yesu iwí asón ánfí su ikolebwe metsiá amótó. 44 Amótó aku bekle abókita Yesu, táme óhaa mópə ibi da mu.

Yesu Máhogyi

45 Ɖma-oma a, Bulu òtswékpá agyópw amóú bəwa sumbí ámu besankí ba Bulu igyí ahapú ðehen pú Farisifó ámu wá. Befíté agyópw amu bēe, “Ntogyi su mlumékítá mu ba?”

46 Bele mó onó bēe, “Óhaa mókótóí fē oyin ánfí kí!”

47 Farisifó ámu befíté amú bēe, “Mó su oyin ámu lamlé mlí é. 48 Mlilawun óhande ntée Farisiyin oku laho mu gyí kí? 49 Ekekekeke! Ɖðəm anfi bumeyín Mose mbla ámu iwí tətə. Mó su Bulu ólwí amú.”

50 Inu Farisifó ámótə okole, ogyi Nikodemo amóú òlwo Yesu wá onyé ámu léfíté amú òbéé, 51 “Aní mbla leha okpa ání abéha oku ipón asa abéfíté mu onótó asón ní?”

52 Befíté mu bēe, “Galileayin fú é fúgyi? Kí Bulu asón ámótə wankláán. Fówun ání Bulu onósó òtáipú okokukko móotsu Galilea omátó.” 53 [Inu amú fēé benatí yó wóyító.

¹ Bréá ahá amu bedasáin á, Yesu lódu yó Nfo-nyíbu ámuṣu* . ² Mú ɔyi kehe bake a, oleyinkí ba Bulu ɔswékpa wunsínésú inu. Ahá ámu fée beba mu wá. Mú su oletsíá así, olefi así ɔde amú ató suná. ³ Bréá ɔdetóí á, Farisifó pú Mose mbla asunápó amu bekpa ɔtsi ɔkuá bakítá mu, ɔde mbuato ba belí amú ansító. ⁴ Múú bebláa Yesu bee, “Osunápó, bakítá ɔtsi ánfí mbua ɔtokpá. ⁵ Mose Mbla ámu léblí ɔbée, adáa atsi ánfí odu abwi má. Nkálí fudeblí tsú asun ánfí iwí?” ⁶ Asónklé sù befité mu asón ánfí, abuyɔto mu ha ahande. Inu Yesu lóbun, pú osrebi ɔde ató wanlín ɔsólóto.

⁷ Bréá butráa buɔde asón ámu fité plá á, olobwii tsíá, bláa amú ɔbée, “Mlito ɔhá ání ɔmakóbwé lakpan kí ogyánkpa da ɔtsi ánfí ibwi.” ⁸ Ɔleblí mú alí á, oleyinkí bun ɔde mu ató wanlín ɔsólóto. ⁹ Bréá ahá ámu bonu mu asón ánfí á, bɔwa natí ukole-kole bi, tsú ahandesu botu nyebísó. Ilebese Yesu muva ɔtsi ámu nkole ɔbun nsiné inu. ¹⁰ Yesu lóbwii tsíá, ɔlefíté ɔtsi ámu ɔbée, “Ɔtsi, nkú ahá ámu me? Ɔkoku méšian ání ɔbéha fú ipón?”

¹¹ Ɔtsi ámu lélé mú ɔnó ɔbée, “Owíé! Ɔkoku méha mí pón ol!” Múú Yesu lébláa mu ɔbée, “Ibu alé! Mí é mméha fú ipón! Nati, mátrá bwé lakpan.”†

Ɔyító Wanki

¹² Inu ɔma a, Yesu léyinkí bláa Farisifó ámu ɔbée, “Mígyí ɔyító wanki ní. Ɔhagyíɔha ání obuwo mí obénya wanki ání íbéha mu nkpa, oméésin oklúntó ekekéke.”

¹³ Inu á, Farisifó ámu bebláa mu bee, “Nfóli tamakánfó mu iwí. Fumakóblí tóto.”

¹⁴ Yesu lébláa amú ɔbée, “Ní mí onutó nde mí iwí adánsie gyí ó á, ɔnokwali igyi. Tsúfé mí mó nyin ɔtínéá notsú pú ɔtínéá nɔyó. Táme mluméyín ɔtínéá notsú pú ɔtínéá nɔyó. ¹⁵ Anyánkpoša asóngyí ɔkpasu mlitegyi asón tson, táme mí mó ntamagyi ɔhaa asón. ¹⁶ Ní negyi asón ó á, ɔnokwali ɔkpasu negyi mú tson. Tsúfé megyi mí nkole tegyi mú. Mía mí Sí ámuú ɔlwa mí sísí ámu nyo tegyi mú. ¹⁷ Bowanlín wá mli onutó Mbla ámuɔto bee, ‘Ní adansifó abanyó beblí asón kua kole a, amú asón ibu móto.’ ¹⁸ Mí onutó ntegyi mí iwí adánsie. Mí Sí lówa mí sísí. Mu é otegyi mí iwí adánsie.”

¹⁹ Befité mu bee, “Nkónó fú sí bu?”

Yesu lélé mú ɔnó ɔbée, “Mluméyín mí wankláán, mluméyín mí Sí ámu é. Ní mlyin mí wankláán á, teki mlébi mí Sí ámu é.”

²⁰ Yesu léblí asón ánfí bréá ɔde ató suná Bulu ɔswékpa tswitswi adáka ɔtsiákpá. Táme ɔhaa mékítá mu, tsúfé mu bré makónyá fun.

Yesu Ɔsósóyo

²¹ Yesu létrá bláa amú ɔbée, “Mí mó nɔyó. Mlódunká mí. Mlówu wá mli lakpanto. Mluméetalí ba ɔtínéá nɔyó.”

²² Yudafo ahande amu befité bee, “Mó ɔbómó mu iwí, sù ɔdeblí ɔbée, mluméetalí ba ɔtínéá nɔyó?”

²³ Yesu lélé mú ɔnó ɔbée, “Mli mú mlotsú ɔyí ánfito, táme mí mó notsú ɔsósó. Ɔyí ánfítófo mligyi. Mmegyi ɔyí ánfitoyin mí mó ngyi. ²⁴ Mú sù nde mli bláa mbée, mlówu wá mli lakpanto ní. Mlówu wá mli lakpanto, ní mlumóhógyi ání ‘Mígyí ɔhá ámuú mbée ngyi ámu.’ ”

²⁵ Befité mu bee, “Fógyí ma?”

Yesu lébláa amú ɔbée, “Ɔhá ámuú ntebláa mli yáí mbée, ngyi ámu kén ntráa nde mli bláa a. ²⁶ Mbu asón tsotsótsóá néblí tsú mli iwí póhá mli pón. Táme

* **8:1** Nfo-nyíbu igyi obuwí kóá íbu mantáa Yerusalem, botetí mó Olifbu. † **8:11** Ima Griikífo nwóló dada amu akoto.

ɔnɔkwaliƣu ɔhá ámuú ɔlɔwa mí sísí ámu gyí. Asón ání nonu tsú mu wá nde mli ɔyítɔfɔ bláa.”

27 Imɔwankí amó ání mu Si ámuú ɔbu ɔsúsó ámu iwí asón ɔde amó bláa. 28 Mú su Yesu lébláa amó ɔbéɛ, “Ní mledá Nyankpɔsa-Mu-Bi ámu mántá oyikpalihesu, tsú mólú á, mlówun ání ‘Mígyí ɔhá ámuú mbéɛ ngyi’ ámu. Mlébi ání ntamabwé tɔtɔtɔ mí onutó túmito. Mɔá mí Sí lɔpɔwá mu ɔnɔ á, mó ntebli. 29 ɔhá ámuú ɔlɔwa mí sísí ámu buo m. ɔmɔkóyínkí mí ɔma, tsúfé tɔá itegyí mu ansí ntɔbwé brégyíbré.”

30 Ibo ahá ámuú bonu mu asón ánfito tsɔtsɔtsɔ bɔhɔ mu gyi.

Abraham Abi-aná

31 Yesu lébláa Yudafo ámuú bɔhɔ mu gyi amu ɔbéɛ, “Ní mlobuo mí atosunáhé a, mli gyí mí akasípó lélé. 32 Mlébi ɔnɔkwali amu. ɔnɔkwali amu ɔbéha mlégyi iwí.”

33 Bebli beɛ, “Abraham abi-aná angyí. Anumókóbwé ɔhaa nkɔpábi kɪ. Mú ntogyi só fúde aní bláa fɛɛ, ‘Mlégyi iwí?’ ”

34 Yesu lélé mú ɔnɔ ɔbéɛ, “ɔnɔkwali nde mli bláa. ɔhagyíɔha ání ɔtɔbwé lakpan á, ogyi lakpan ɔkpábi. 35 ɔkpábi tamatsiá mu wie wóyí yó, obí tetsiá mu su wóyí yó. 36 Mú su ní Bulu mu Bi ámu ɔhá mlegyi iwí á, múmú mllagyi iwí fɛé. 37 Nyin ání Abraham abi-aná mli gyí, táme mli dékléá mlómó mí, tsúfé mli mɔhɔ mí atosunáhé. 38 Tɔá nowun tsu mí Sí wá ndeblí. Mli é asón ání mli lónu tsú mli sí wásó mli dégyí.”

39 Bebláa mu beɛ, “Aní sí gyí Abraham.”

Yesu lébláa amó ɔbéɛ, “Ní Abraham abi mli gyí á, tekɪ mli bwehé lehan Abraham. 40 Mli dékléá mlómó mí, tsúfé nde mli ɔnɔkwali á nonu tsú Bulu wá bláa. Abraham mɔbwe alí! 41 Mli sí bwehé mli débwe.”

Bebláa Yesu beɛ, “Megyi mbua bɔtɔ kwíí aní. Bulu onutó gyí aní Sí. Anumá ɔsí ɔkɔkɔ tsia muto.”

42 Yesu lébláa amó ɔbéɛ, “Ní mli Sí gyí Bulu á, tekɪ mli tɔdwé mí, tsúfé mu wá notsu ba. Mólwa mí sísí. Megyi mí onutó túmito neba. 43 Ntogyi só mli mɛdé mí ason blihé así nu? Mli mɛdé mú así nu, tsúfé mí asón de mli asɔtɔ wɔɔ.

44 ɔbunsám gyí mli sí. Mú su mli tekleá mɔbwe tɔá mli sí tekle. Ahá ɔmɔpó ogyi tsú nfiasí. ɔtamabuo ɔnɔkwali. Mú su ɔnɔkwali kɔkɔ ima muto. Ní ɔwá afunu a, mu tsíátɔ ɔwan ɔdele, tsúfé ofunupɔ ogyi. Mogyi afunupɔ fɛé ɔsí ní. 45 Táme ntebli ɔnɔkwali. Mú su mli tamahɔ mí asónsú gyi ní. 46 Mli tɔ ma ɔbétalí súná ání lakpan ɔbwepó ngyi? Ní nde ɔnɔkwali bli á, mú ntogyi mli mɔhɔ mu gyi?

47 ɔhá ání ɔtsú Bulu wá teyáá asu nú mu asón. Mli mú mli mɔtsú mu wá. Mú su mli tamayáá asu nú mu asón ní.”

Yesu Mva Nandin Abraham

48 Yudafo ámu bebláa mu beɛ, “Ní abli aníaa Samariayin fɔgyi, ɔhe laláhe bu fɔtɔ á, anlawá afunu?”

49 Yesu lébláa amó ɔbéɛ, “ɔhe laláhe ma mító. Ntobú mí Sí, táme mli mú mli tamabú mí. 50 Mmédé mí iwí numnyam wa. ɔha ɔkɔ bu unvá ɔde mú dunká há mí. Mogyi asón ogyípó wankláán ámu ní. 51 ɔnɔkwali nde mli bláa. ɔhagyíɔha ání otegyi mí atosunáhésu omóowu ekekekeke.”

52 Ibo Yudafo ámu bebláa mu beɛ, “Séi ánfí mú á, anlawun ání lélé ɔhe laláhe bu fɔtɔ! Abraham mva Bulu ɔnɔsú atóipó amu bawú. Táme fú mó fudebli fɛɛ, ɔhagyíɔha ání otegyi fú atosunáhésu omóowu ekekekeke. 53 Aní nán Abraham lówu. Fɔkɪ fɛɛ fudɔn mu? Bulu ɔnɔsú atóipó amu é bowu. Nkálí fúde fú iwí kí?”

54 Yesu lélé mú ɔnɔ ɔbéɛ, “Ní nɔwá mí iwí numnyam a, kpaali ígyi. Mí Sí gyí ɔhá ání ɔtɔwá mí numnyam. Mu mli débli mli aa ogyi mli Bulu ní. 55 Ibo mótɔ

ání mlíméyín mu, táme mí mó nyin mu. Ní neblí mbéé mmeyín mu a, nabwé ofunupo fẹ̀ mli. Mí mó nyin mu, ntegyi mu asónsú. ⁵⁶ Mli náin Abraham lénya ansigyi áni mówun mí bábi. Olowun mó é, ansi legyi mu.”

⁵⁷ Yudafó ámu bebláa mu beé, “Fυmαkóhα nfi aduenu (50) kóráá, mó fεε fαtu Abraham?”

⁵⁸ Yesu lébláa amú óbéé, “Ɔnαkwali nde mli bláa. Mbu inu asa bαkwá Abraham.”

⁵⁹ Yesu lénya blí alí pé, ahá ámu bαkulá abwi beé abotswi da mu mα. Táme Yesu lóbwe híéé, dáli Bulu αtswékpα wunsínésú inu.

9

Ansibi Obwiepó Ɔku Tsa

¹ Ɛke ɔku Yesu muα mu akasípú buαa ɔkpαtα, bowun oyin ɔkuá bαkwá mu ansibi obwiepó. ² Yesu akasípú amu befíté mu beé, “Osunápú, ma lakpan sú bαkwá oyin áñfi ansibi obwiepó? Mu onutó lakpan su lóó, ntéε mu akwípú?”

³ Yesu léle mó ɔnó óbéé, “Megyi mu ntéε mu akwípú lakpan su bαkwá mu ansibi obwiepó. Mboun alíá Bulu óbéle mu túmí súná tsoñ mu ilo ámutα su.

⁴ Ilási kpalobí owí óbéta. Ɔhaα méetalí trá yα agyómá. Mó su ilehián áni abóyα agyómá ámutó ohá ámutó ɔlwa mí sísí ámu lówa mí óbéé nyóó amu. ⁵ Iná nenia mbu óyí áñfito á, mígyí óyí áñfito wanki.”

⁶ Bréá Yesu lébláa amú asón áñfi tá á, olotu atsoñó tswi ɔsolóto, ɔlpu osrebi tsíá isi, títi mó tan ansibi obwiepó ámu ansibisu. ⁷ Múú ɔlebláa ansibi obwiepó ámu óbéé, “Nati yαfwi ansító Siloam paatito.” (Siloam asi gyí, “Bowa mu sísí.”) Oyín ámu lóyófwi ansító yínkí ɔbá wóyí á, ɔde ató wúun.

⁸ Mu aba pú ahá áni butowun mu ɔde ató kulí befíté beé, “Megyi oyin áñfi tetsiá kulí ató bré ámu ni?”

⁹ Amútó aku beé, “Mu ni!” Aku é beé, “O-o, lían ɔlelian mu.”

Inu oyin ámu onutó léblí óbéé, “Mí ní.”

¹⁰ Befíté mu beé, “Nkálí ilobwe asa fude ató wúun nya?”

¹¹ Ɔlele mó ɔnó óbéé, “Oyin ámutó butetí mu Yesu amu lóbwe ɔdiba tan mí ansibisu. Múú ɔlebláa mi óbéé, nnátí yαfwi ansító Siloam paatito. Náyófwi, múú nde ató wúun a.”

¹² Befíté mu beé, “Nkónú ɔbu?” Múú ɔlele mó ɔnó óbéé, “Ohwée.”

Farisifó Ansibi Obwiepó Amu Asón Fité

¹³ Inu bekpα oyin ámutó tekí ogyí ansibi obwiepó ámu yáα Farisifó wá. ¹⁴ Ɛke ámutó Yesu lóbwe ɔdiba póbwií mu ansibi amu igyi ɔkpónú ɔdaké. ¹⁵ Mú su Farisifó ámu belafíté oyin ámu alíá ilobwe asa ɔde ató wúun. Ɔlebláa amú óbéé, “Ɔdiba ɔlputan mí ansibisu, náyófwi ansító. Múú nde ató wúun nya a.”

¹⁶ Farisifó ámu aku beblí beé, “Megyi Bulu ɔha oyin ámutó olobwií mu ansibi amu gyí, tsúfé ɔtamagyi ɔkpónú ɔdaké mbla ámusu.”

Táme aku é befíté beé, “Nkálí lakpan ɔwepó ɔbétalí bwé osúna anfi odu? Asón áñfi su bumetrá bwe kule.”

¹⁷ Mú su belafíté oyin ámu beé, “Fεε mulóbwií fú ansibi. Amansu fubu blí tsú mu iwí?”

Oyin ámu léle mó ɔnó óbéé, “Bulu ɔnósú ɔtáípú ogyi.”

¹⁸ Yudafó ahande amu buñhogyi áni lélé, bαkwá mu ansibi obwiepó asa séi ɔde ató wúun, kpéfun bréá beti mu akwípú ba. ¹⁹ Befíté amú beé, “Mli bí ámutó mliα, mu ansibi lobwie asa mlilókwá mu amu ni? Nkálí ilobwe asa ɔde ató wúun nya?”

²⁰ Mu akwíró amu bele mú ònó bée, “Aniyin ání aní bí ní. Aniyin ání anilákwí mú ansibi obwiepó. ²¹ Táme alá ìbówé asa òde ató wúun pò óhá ání olobwíí mú ansibi mú á, anuméyín. Kókoli mlí, mlífite mú onutó. Megyí kebi ógyi, aladan. Òbétalí lé mú ònó.” ²² Mu akwíró amu bode Yudafo ahande amu ifú nya. Mú sù beblí alí ní. Tsúfè ahande amu bablí tswí bée, òhagyíoha ání òbèblí òbèé, Yesu gyí Kristo, (òhá ámú Bulu ladá mú ofúli amu) a, bégya mú lé Yudafo ofiakpa mu. ²³ Mú sù mú akwíró amu bée, “Megyí kebi ógyi, aladan, mlífite mú onutó!” ní.

²⁴ Belatí oyin ámú bákwi mú ansibi obwiepó ámu otse nyòsì, bláa mú bée, “Ka ntam Bulu ansító ání fèblí ònòkwali. Aniyin ání lakpan òbwepó oyin ámú olobwíí fò ansibi amu gyí.”

²⁵ Múó oyin ámu léle mú ònó òbèé, “Ní lakpan òbwepó ogyi o, yilé òbwepó ogyi o, mí mú mmeyín. Toku kole pé nyin. Múgyí, tekí bré ámu ntamawun ató, táme séi mú ndewúun.”

²⁶ Múó befíté mú bée, “Nkálí òbówé fú? Nkálí olobwíí fò ansibi amu?”

²⁷ Múó òlèlé mú ònó òbèé, “Nabláa mlí dodoodo, táme mlímónu. Ntogyi só ntráa bla mlí? Mlí é mlidékéléá mlóówé mú akasípó lóó?”

²⁸ Besia mú, bláa mú bée, “Fúgyí mú òkasípó. Aní náin Mose akasípó aní mú angyí. ²⁹ Aniyin ání Bulu lótoí bláa Mose asón, táme anuméyín òtínéá oyin ání mú òtsú.”

³⁰ Oyin ámu lébláa amú òbèé, “Nya nto asón ní? Mluméyín òtínéá òtsú, táme molábwíí mí ansibi ní o. ³¹ Aní fèé aniyin ání Bulu tamanú lakpan abwepó isu. Óhá ání otobú mú, otegyi mú mblasu isu otónú. ³² Tsú bréá Bulu lóówé oyi òpá á, óhaa mòkónú ání òku labwíí óhá ání bákwi mú ansibi obwiepó ansíbi kí. ³³ Ní megyí Bulu óha oyin ání gyí á, tekí òméetalí bwé tótòto.”

³⁴ Ahande amu bele mú ònó bée, “Fú ání fúgyi lakpan òbwepó tsú bréá bákwi fú ání dékléá fósuná aní asón?” Inuṣu begya mú lé ofiakpa mu.

Ọ̀jẹ́tọ́ Ansibi Bwie

³⁵ Yesu lónu ání bagya oyin ámu lé ofiakpa mu. Mú sù bréá olowun mú a, òlèfíté mú òbèé, “Fòho Nyankpòsa-Mu-Bi ámu gyi?”

³⁶ Oyin ámu lébláa mú òbèé, “Owíé, suna mí óhá ání ogyi, mí anho mú gyi!”

³⁷ Yesu lébláa mú òbèé, “Fawun mú dodo. Múgyí óhá ání òde fò asón bláa séi ání á.”

³⁸ Múó oyin ámu lébláa mú òbèé, “Mí Wíé, nahò fò gyi.” Inu olosúm Yesu.

³⁹ Yesu léblí òbèé, “Asón ogyíkpa neba oyi ání fò, méní ahá ání bumedé ató wúun bówwun ató. Ahá ání budewúun é ansibi ibwie.”

⁴⁰ Farisifò akoá búbu Yesu wá mu bonu asón ání. Múó befíté mú bée, “Mú sù fòdeblí fèe aní é angyí ansibi abwiepó?”

⁴¹ Yesu léle mú ònó òbèé, “Ní ansibi abwiepó mlígyí á, tekí Bulu méeha mlí pòn. Táme íniá mlíaa mlidé ató wúun sù á, mlí lakpan lasin mlísu.”

10

Akúfa Ọ̀kpapọ́ Mva Mu Akúfa

¹ Yesu léblí òbèé, “Ọ̀nòkwali nde mlí bláa. Óhá ání òdú tsun akúfa íbansu wíé mótó, òmòtsun òkpa ònó á, owíkplu pò ogyo otswapó ogyi. ² Tsúfè íban ònó akúfa ọ̀kpapọ́ tòtsun wie mótó. ³ Íban ámuṣu òkípu tefinkí mó há akúfa ọ̀kpapọ́ ámu tebitíwíé. Ọ̀tópó akúfa ámu dá tí amó, bútonú mú òme, òtekpá amó dálú.

⁴ Ní ọ̀kpá akúfa amu fèé dálú a, otegya amó nkpa, bútoṣuo mú, tsúfè búyin mú òme. ⁵ Bútamabuo òfó. Srí bútesrí sí mú, tsúfè búmeyín mú òme.”

⁶ Yesu léha amó yébi ání, táme búmonu mú asi.

Akúfa Ɔkparó Wankláán Amu

⁷ Yesu létrá bláa amó ɔbée, “Ɖnɔkwali nde mli bláa. Mígyí akúfa iban ámu onó ní. ⁸ Awikplu pò ogyo atswapó ahá ání begyankpá ba fée bugyi. Akúfa amu bumeɓi amó ɔme. ⁹ Mígyí akúfa iban ámu onó ní. Ní ɔku ɔtsun mito wíé dáli a, toto mɔɔbwe mó. Obéyénya ató gyí mwe. ¹⁰ Owikplu agywuɔn gyí, ɔbá bowi, ɔmɔ, oyinta ató. Mí mó neba, méní ahá bénya nkpa ání ɔlɔn.

¹¹ “Mígyí akúfa ɔkparó wankláán ámu ni. Akúfa ɔkparó wankláán totsúlá hólí mu nkpa há mu akúfa. ¹² Táme akúfa ɔkparó ání ɔde ipa gyí, megyí mu onutó bó akúfa amu tesrí ní owun ɔkpataku ɔbá bekitá amó. Ɖkpataku ámu tekítá akúfa amoto ɔku, atráhe ɔutedásáín. ¹³ Oyin ámu tesrí, tsúfé ipa keke odegí. Akúfa amu nkpa tamahían mu. ¹⁴ Mígyí akúfa ɔkparó wankláán ámu ni. Nyin mí akúfa, mí akúfa é ɔyoin mi, ¹⁵ fé alá mí Sí ámu yin mi á, alí mí é nyin mu ni. Ntɔhólí mí nkpa há mí akúfa. ¹⁶ Mbu akúfa bámbá aku é. Boma akúfa iban ánfito. Ilehían ání nékpa amó é ba. Amó é bónu mí ɔme. Amó fée bóɔbwe akúfa iku kole pò ɔkparó ɔkole.

¹⁷ “Iní só mí Sí tekde mi asón ní. Tsúfé natsúlá ání nɔhólí mí nkpa há ahá, méní nɛlanyá mó. ¹⁸ Ɖhaa méetalí swíí mí. Mí onutó latsúlá ání nɔhólí mó. Mbu ɔkpa hólí mí nkpa, mbu ɔkpa lányá mó é. Iní mí Sí lébláa mi ɔbée mbwée ní.”

¹⁹ Mu ason blíhé anfi sɔ Yudafo ahande amu bumeɓtrá bwe kole. ²⁰ Amótó aku beɓlí beɓe, “Ɖhe laláhe bu mutó. Mu nwun ideyintá. Ɖhaa mátrá nu mu ason blíhé.”

²¹ Aku é beɓe, “Ɖhá ání ɔhe laláhe bu mutó méetalí blí asón anfi odu. Ɖhe laláhe ɔbetali bwíí ansibi obwiepó ansibi?”

Yesu Kínd

²² Ekeá ɔtɔpókáín Bulu ɔtswékpá gyɔrásɔ Yerusalem loɓon. Alí bré ámu igyi lɔtɔ. ²³ Yesu lóyo odeki Bulu ɔtswékpato ɔtnekuá ɔtetí inu “Salomo Abrándaásó.” ²⁴ Yudafo ahande amu aku beɓia bomlí mu. Beɓité mu beɓe, “Ɖmenke kéín asa fébláa aní ɔnɔkwali amu? Ní fúgyí Kristo, (ɔhá amóú Bulu ladá mu ofúli amu) a, wuna le mó tii aní.”

²⁵ Yesu lébláa amó ɔbée, “Nébláa mli ɔtsun, táme mli médehogyi. Ofúla amóú ndeɔbwe mí Sí dátó ámu dé mí iwí adánsie gyí. ²⁶ Táme mli médehogyi, tsúfé mli má mí akúfato. ²⁷ Mí akúfa ɔtonú mí ɔme. Nyin amó, ɔtobuo mi. ²⁸ Ntehá amó nkpa ání itamatá. Bumoóowu ekekeke. Ɖhaa méetalí swíí mí amó. ²⁹ Mí Sí amóú ɔlɔpu amó há mí ámu ɔn tógyító. Ɖhaa méetalí swíí amó lé mí Sí ɔtɔ. ³⁰ Mía mí Sí angyí kole.”

³¹ Inu á, Yudafo ahande amu beɓtrá kulá abwi beɓe abɔtswi da Yesu mó. ³² Táme Yesu léfité amó ɔbée, “Nabwé ofúla tsɔtsɔtsɔá itsú mí Sí wá súná mli. Mótó mɔmu só mli dékléá mléda mí abwi?”

³³ Bebláa mu beɓe, “Megyí ofúla ání fabwé kɔkɔɔku só aniaa abéda fú abwi. Alí amóú fablí abususu pókósó líí Bulusɔ ámu sɔ. Nyankpɔsa fúgyi, táme fée Bulu fúgyi.”

³⁴ Yesu léfité amó ɔbée, “Bumɔwanlín wá mli Mbla ɔwɔlú ámutó beɓe, Bulu ɔbée, ‘Mígyí fé Bulu?’ ³⁵ Anyyin ání ɔnɔkwali Bulu asón igyi. Mó sɔ ní Bulu léti ahá amóú ɔlɔpu mu asón há ámu ɔbée, bugyi fé mu a, ntogyi só mli dé ɔblá nya? ³⁶ Mí mó á, mí Sí léle mí yáí, ngyi mu kle, ɔlɔwa mí sísí ɔyí ánfito. Ntogyi só mli déblí mlíaa nablí mbée, ‘Bulu mu Bi ngyi’ sɔ nablí abususu pókósó líí muɔsɔ? ³⁷ Ní megyí mí Sí agyómá ndeɔbwe mó á, mli máhɔ mí gyi. ³⁸ Táme ní mí Sí agyómá ndeɔbwe, asa mli máhɔ mi gyi kóráá á, mómó mli hɔ ofúla amóú ndeɔbwe ámu mó gyi, amlíbi ání Mí Sí ámu bu mitó, mí é mbu mutó.”

³⁹ Betrá bwe ání békítá mu, táme ɔledali amó ibi, náti sí amó.

⁴⁰ Yesu léyinki fá Yordan ɔbón ba ɔtíne ámóu Yohane létsiá bó ahá asú ámu, olesi tsiá nu. ⁴¹ Ahá tsɔtsɔtsɔ beba mu wá, bɔde aba bláa be, “Yohane móbwe osúna kókukú, táme asón ání Yohane lébli tsú oyin ání iwí fée laba mótó pépépe.” ⁴² Ahá tsɔtsɔtsɔ bəhə mu gyi nu.

11

Lasaro Lowu

¹ Oyin ɔkúá bɔteti mu Lasaro mua mu apio tsihé Maria pó Marta betsiá Betania wúluto. Oyin ámu lóló. ² Maria anfi létséi mu ofobí fánfáánfán wólí aní Wíe Yesu ayabisu, pó mu imi tsitsi mó ni. Mu pio yínhé gyi Lasaro anfi ɔda ɔdele á.* ³ Mú su mu apio tsihé ání bəwa abí sísí Yesu be, “Owíe, fú ɔdwepó déló.”

⁴ Yesu lónu asón ámu a, ɔleblí ɔbé, “Megyí ilo ání ɔbómó mu, mbóun ibéle Bulu numnyam ɔwan. Ibówa mí Bulu mu Bi ání é numnyam.”

⁵ Yesu tekle Marta mua Maria pó Lasaro fée asón. ⁶ Táme bréá olonu ání Lasaro déló á, ɔletrá si tsiá ɔtíneá ɔbu nkenyó kéké. ⁷ Mú ɔma a, ɔlebláa mu akasípó ɔbé, “Mliha ayinki yə Yudea.”

⁸ Mu akasípó amu befité mu be, “Osunápó, nwén nfi Yudafə ahande bakle abuda fú abwi mə. Mó fəe fətrá yinki yó nu?”

⁹ Yesu lópu yébi lé mó ɔnó ɔbé, “Megyí dənhwiri dúanyə bu ekewóleto? Ní ɔha ná ɔyi kehetó á, ɔtamasúti, tsúfə nsaunto lówankí, su odewúun. ¹⁰ Táme ní ɔku ná oklúntó á, otosúti, tsúfə ɔmedé ató wúun.” ¹¹ Asón ání ɔma a, ɔletrá blí ɔbé, “Aní nyáwíe Lasaro ladidi, táme nɔyó anyetsinkí mu.”

¹² Akasípó amu bebláa mu be, “Aní Wíe, ní ɔdedidi mó á, iwí bówa mu ɔnlin!”

¹³ Lasaro lowu iwí asón Yesu déblí, táme akasípó amu mó bókí be mu didí kéké iwí asón ɔdeblí. ¹⁴ Inu Yesu lówunáa kpa mó opulu ɔbé, “Lasaro lawú.

¹⁵ Mli su idawá mí ansigyí ání mma unu asa olowu, méní mlóhə mi gyi. Mliha ayeki mu.”

¹⁶ Inu Toma ání ogyi Tabí† lébláa mu aba ámu ɔbé, “Mliha ania mɔnyə fée ayo, méní ní lowu ígyi kóráá á, ania mɔnyə awu!”

Ọhá Ání Ọ̀təkósóá Ahá Tsú Afúlitó, Há Amó Nkpa

¹⁷ Yesu lówie Betania wúluto á, bebláa mu be bopulá Lasaro idagyi nkená.

¹⁸ Tsú Betania ya Jerusalem mɔfun máli anyə. ¹⁹ Mó su Yudafə tsɔtsɔtsɔ beba Maria mua Marta gyəwí ɔhakpá, amó pío lowu su.

²⁰ Benya bláa Marta ání Yesu ɔbá alí, ɔɔkúsú yéfiá mu ɔkpa. Maria mó lésin wóyító. ²¹ Mú Marta lébláa Yesu ɔbé, “Mí Wíe, təkí ní fubw nfi á, təkí mí pío mówu sí mí. ²² Táme séi kóráá nyin ání tógýítá fókólí Bulu á, ɔbéha fú.”

²³ Yesu lébláa mu ɔbé, “Fú pío ámu ɔbélakúsú.”

²⁴ Marta lébláa mu ɔbé, “Nyin ání ɔbókúsú eke tráhe amóu afúli bókúsú ámu.”

²⁵ Yesu lébláa mu ɔbé, “Mígyí ɔhá ání ntəkósóá ahá tsú afúlitó, há amó nkpa. Ọhá ání ɔlɔhə mi gyi owú kóráá á, ɔbétrá tsiá nkpa. ²⁶ Ọhá ání otsie nkpa, ɔlɔhə mi gyi é móowu ekekeke. Fahə mósó gyi?”

²⁷ Marta lótsulá mósó ɔbé, “Ee! Mí Wíe, nahogyi ání fúgyí Kristo, (ɔhá amóu Bulu ladá mu ofúli), Bulu mu Bi amóu be ɔbéba ɔyító ámu ni.”

Yesu Lósú

* **11:2** Iní kén bu 12:1-8to. † **11:16** Didimus móa Toma así gyi Tabí Griiki móa Hebri ɔbliti.

28 Bréá Marta léblí alí tǎ á, oleyinkí ba wóyítǎ betí Maria ya itsétǎ, bláa mu óbée, “Osunápó laba, óde fú tí.” 29 Maria lénya nú mú alí, ólókúso yó Yesu wá. 30 (Alí bré ámuto á, Yesu mákónyá wíé wúluto. Olí ótíné ámú Marta lóyóto mu amu.) 31 Bréá ahá ámú botsie Maria wá wóyítǎ, bode mu klon yíá ámu bowun aní alakósú ótsáwule pé óy á, bókúso buo mu. Bókí bée óy opulákpá unu yósu.

32 Bréá Maria lówíe Yesu wá á, óleda akpawunu, bláa Yesu óbée, “Mí Wíé, ní fobu nfi á, tekí mí pió mówu sí mí!”

33 Bréá Yesu lówun aní Maria mu ahá ámú bóbúo mu amu fée bodesú a, ilehie han mu. Mú su mu ansí lepe. 34 Ólefíté amú óbée, “Nkónú mlidópulá mu.”

Inu bebláa mu bée, “Aní Wíe, beki.”

35 Inu Yesu lóstú. 36 Mú su Yudafo ámu beblí bée, “Kí alíá ótehié dwé Lasaro!”

37 Táme amótó akú beblí bée, “Megyí oyin ánfí lóbwií ansibi obwiepó ámu ansibi ní. Ntogyi só ómetalí kítá Lasaro yáí, alawú?”

Lasaro Kusóá

38 Yesu ansí létrá pé, ólenatí yó opulákpá unu. Ibwi alatǎ bopulá mu, bemináa ibwi tin mú ónó. 39 Inu ólebláa amú óbée, “Mlumina ibwi ámu le óbó ámu ónó.”

Táme owupú ámu mu pio tsíhé Marta lébláa mu óbée, “Mí Wíé, nde aná mú á, alayíntá. Nde eke náási ópá bopulá mu.”

40 Yesu lébláa mu óbée, “Mmebláa fu mbée ní fohogyi a, fówun alíá Bulu iwí bu ifú?” 41 Inu bemináa ibwi ámu lé óbó ámu ónó. Yesu lótsu ansí fúá kí ósúsú, blí óbée, “Mí Sí, nedá fú ipán aní fanú mí óme. 42 Nyin aní fotonú mí mpái ekekegyíeke. Táme ahá ánfí bolú nfi ánfí só nablí alí, méní bóhogyi aní fúlówa mí.” 43 Bréá óbó mpái ánfí tǎ á, ólókplón blí óbée, “Lasaro, dalí ba!” 44 Lasaro lédalí a, tati klí mu íbí pú mu ayabi. Dúku é klí mu ansító. Yesu lébláa amú óbée, “Mlísankí mu ónati.”

Bekikí Yesu Nwunso

45 Yudafo ámú bóbúo Maria ba unu ámu bowun tǎá Yesu labwé. Mú su amú tsótsótsó bóhó mu gyi. 46 Táme amótó akú bóyo yébláa Farisifo ámu tǎá Yesu labwé. 47 Inunú Bulu igyi ahapó dehen pó Farisifo ámu betí aba asón agyípó fia. Múó befíté aba bée, “Nkálí abóbwe? Lélé mú á, oyin ánfí dé osúna tsótsótsó bwe. 48 Ní anuméka mu itin á, óhagyíóha óbóhó mu gyi. Ibéha Romafó béba bobwie aní Bulu ótswékpá amu, yíntá aní ómá!”

49 Táme amótó ókoleá butetí mu Kaiafa, ogyi Bulu igyi óhapó dehen ofi ámuto lébláa amú óbée, “Mlí mú mluméyín ólala! 50 Mlumókóbí aní íbu aléá óbakóle obówu ahá fée nwunso, don aní ómá ámuto ahá fée béhí?” 51 Megyí Kaiafa onutó agywun ólópblí asón ánfí. Táme íniá ofi ámuto mugyí Bulu igyi óhapó dehen su á, igyi asón aní óleblí tswí aní ilehián aní Yesu obówu há Yudafo ómá. 52 Megyí bée ómá ámu nkole pé su obówu, mboun alí óbékpa Bulu ahá aní badásáín fée bówa abato, bóbwe ikole su.

53 Tsú eke ámu bówa agywun bwe aní bómu Yesu bí. 54 Iní su Yesu métrá tsia lé iwí ówan Yudafo. Mboun ólenatí yó wúlu kúá butetí mú Efraim, aní íbu dímbísó. Mba mu akasípó amu betsiá unu.

55 Bré ámuto á, Yudafo nkeá bópygyi Israelfósu Katsun Nke ámu lawíé wóyí tǎ. Ahá tsótsótsó botsu awúlusu dó yó Yerusalem aní bóyógyoráa iwí asa nke ámu ífon. 56 Bréá bóyo Bulu ótswékpá wunsínésú unu á, bodunká aní bówun Yesu. Mú su befíté aba bée, “Nkálí mlidékú? Mlilahogyí mlíaa, óbéba nke ánfító lóó?” 57 Táme bré ámuto á, Bulu igyi ahapó dehen pó Farisifo ámu babláa ahá bée, ní óku owun ótínéá Yesu bu a, óhá amú íbí, méní beyékítá mu.

12

*Ofobi Fánfáanfán Pwólí Yesu
(Mateo 26:6-13; Marko 14:3-9)*

¹ Ilesi nkensíe abugyi Israelfoṣu Katsun Nke a, Yesu lóyo Lasaro amóú òkòsòsá tsu afúlitò ámu wuluto Betania. ² Mú ntópwesu bòtswi òpónú há mu. Marta léye atogiyi òpónú ámu asi. Lasaro mua ahá amúú beti ámu bowa ibi gyi ató Yesu wá. ³ Inu Maria lópu ofobi fánfáanfán áni ibu ibiá préntua yilé òbo betsei wólí Yesu ayabisu, òlpu mu nwunso-imi tsitsi mó. Ofobi ámu ofan loho wóyí ámutò fée.* ⁴ Táme Yuda Iskariot, ogyi Yesu akasípú amuto òkole, òbéle Yesu há ámu mó léblí òbéé, ⁵ “Ofobi áni bu bíá. Ntogyi só bumefe mó, pú kóba amu há ahíánfò? Mú bíá bóbwe òbakóle ofi òkole akatua.” ⁶ Megyi ahíánfò nwewúun su Yuda dé asón áni blí. Owikplu ógyi su. Mu wá sika okentebi bu, otetsiá wí ku lé móú.

⁷ Yesu léblí òbéé, “Mlisi mu opu ofobi áni wòli mí ha mí opuláké. ⁸ Ahíánfò mó bétsiá mli wá ekekegyíeke, táme mí mó mméetsiá mli wá yó.”

Bekiklí Lasaro Nwunso

⁹ Yudafò tsòtsòtsò bonu áni Yesu laba Betania. Mó su begya òkpa yó mu òkíkpa. Megyi mu nkole su boyó unu. Beyéki Lasaro amóú Yesu lókusá tsu afúlitò ámu é. ¹⁰ Mú su Bulu igyi ahapú dehen amu bóbwe agywun bee bómo Lasaro é. ¹¹ Tsúfè mu kusá tsu afúlitò su Yudafò tsòtsòtsò bude oma yinkí bòho Yesu gyi.

Bòho Yesu Fè Owie Yerusalem

(Mateo 21:1-11; Marko 11:1-11; Luka 19:28-40)

¹² Oyi kehe a, òdòm amóú baba nke ogyíkpa amu bonu áni Yesu òbá Yerusalem. ¹³ Mú su beka mbláa, bopu òkpa beyéfia mu. Bude okitikiti bee, “Hosiána! Bulu oyúla òhá anfi òna aní Wíe Bulu dátò òbá áni! Bulu oyúla Israel Owie amú!”

¹⁴ Yesu lénya afrímú òku, òlodu bian musu, fé alá bòwanlín wá Bulu asóntò bee,

¹⁵ “Sionfò, mlamánya ifú!

Mli Wíe dín afrímú ibísò òbá á!”

¹⁶ Yesu akasípú amu bumakòsi nú asón áni asi. Táme bréá Bulu lókusá Yesu tsú afúlitò, wá mu numnyam oma a, bekaín áni bòwanlín asón áni tsú mu iwi. Mó bóbwe há mu a.

¹⁷ Aha áni bobuo Yesu bréá òleti Lasaro fúli-òbótò, kúsá mu tsú afúlitò boyo mósú dá asón áni òkan. ¹⁸ Inu su òdòm amu beyéfia mu ni. Bonu áni alabwé osúna anfi. ¹⁹ Farisifo amu bebláa aba bee, “Mlulawun áni anlabwé kásián. Mliki, ahá fée bayó bobuo mu o!”

Griikifò Aku Bodunká Yesu

²⁰ Griikifò aku bobu ahá amóú beba Bulu osúmkipá Yerusalem Israelfoṣu Katsun Nke ámutò. ²¹ Boyo Filipino áni otsu Betsaida áni ibu Galilea òmátò wá yébláa mu bee, “Owíé, anidékilé abówun Yesu.”

²² Filipino lébláa Andrea, mua monyo beyébláa Yesu. ²³ Yesu lébláa amú òbéé, “Bré lafun áni bówa Nyankpòsa-Mu-Bi ámu numnyam. ²⁴ Onokwali nde mli bláa. Ní kpolibí makówíé òbótò, ikwe, pló á, kpoli ibi-kole amu kén igyi. Táme ní ikwe, pló á, itóbwé abí tsòtsòtsò. ²⁵ Ní òku tódwé mu nkpa óyí ánfíto á, òbòhulí mó. Ní òku é tamadwé mu nkpa á, obénya nkpa áni itamatá. ²⁶ Ní mlitò òku

* 12:3 Oyi kuá boteti Naadi nlin botópóbwé ofobi ámu.

ḡḡe mósúm mí á, ilehián ání obóbúo mí, méní obétsiá ótínéá mbú. Ní òkú dé mí sum á, mí Sí ḡbówa mú numnyam.”

Yesu Lowu Iwí Asón Bli

²⁷ Yesu lǎyḡ mósú ḡḡe, “Séi á, asón dé mí klún háan! Amansú néblí? Bli ntebli mbéé, Mí Sí, lé mí tsu asón wunhe anfito lóó? O-o, mó sú neba ní. ²⁸ Mí Sí, wa fú iwí numnyam!”

Ínú á, ḡme òkú lótsu ḡsósú ba ḡḡe, “Nawá mí iwí numnyam dodo. Nétrá wa mbú.”

²⁹ Bréá ḡḡm amóú bolú ínú ámú bonu ḡme amú a, bebli beé “Ḳpráda lapótí.” Akú é beé, “Bulu-ḡḡḡu láláa mú asón!”

³⁰ Ínú Yesu lébláa amó ḡḡe, “Mlí sú ḡme anfi lalún, megyí mí. ³¹ Bréá Bulu obégyi ḡyítóḡ asón ní. Bréá Bulu ḡbékplí Ḳḡḡnsám, ḡyísú ogyípó amú obíású ní. ³² Táme mí mó á, ní bedá mí mántá oyikpalíhesú, tsú mó líí á, nékpa ahá fée ba mí iwí wá.” ³³ (Yesu lébli asón ání pósúná lowu oduá mówu.)

³⁴ Ínú ḡḡm amú befité mú beé, “Aní mó anlónu tsú aní Mbla ḡwóló ámḡḡo ání Kristo, (ḡhá ámóú Bulu ladá mú ofúli amú) obétsiá bré fée. Mó ntogyi sú fúdebli fée, ilehián ání bedá Nyankḡḡsa-Mú-Bi ámú mántá oyísú, tsú mó líí? Ma gyí Nyankḡḡsa-Mú-Bi ámú?”

³⁵ Yesu lébláa amó ḡḡe, “Bré kpalobí kú pé lasí ání Wankí amú ḡbétrá tsíá mlí wá. Íniá Wankí amú trá ḡḡu mlí wá á, mlinatí wankí amḡḡo, méní owí méeta wá mlí. Tsúfé ḡhá ání ḡna oklúntḡ tamabí ḡtúnéá ḡyó. ³⁶ Bré ání wankí† amú trá ḡḡu mlí wá á, mliho mú gyi, méní mlóbwe wankí amú abí.”

Yudafḡ Yesu Máhogyi

Bréá Yesu lébláa amó asón anfi tá á, ḡlenatí yéḡaín. ³⁷ Íniá ḡḡḡwe osúna tsḡtsḡtsḡ amó ansító ó á, bḡmḡḡḡ mú gyi. ³⁸ Íni léha Bulu ḡḡsḡ ḡḡáípú Yesaia asón ámóú ḡlebli tswí dodo amú léba mḡtḡ. Ḳḡḡe, “Aní Wíe, ma láḡḡ asón ámóú anilébli ámḡḡu gyi?”

Ma aní Wíe lalé mú túmi súná?”

³⁹ Mó sú bḡmetálí ḡḡ Yesu gyi, tsúfé Yesaia létrá bli ḡḡe,

⁴⁰ “Aní Wíe Bulu lahá bḡmedéwúun,

bḡmedé asón nu,

Mó sú bḡmóowun ató,

bḡmóonu asón, méní bédamlí ba mí wá,

nétsa amó ilo.”

⁴¹ Yesaia lówun Yesu numnyam. Mó sú ḡlebli asón ání tsú mú iwí ní.

⁴² Mó ó á, Yudafḡ ahande amú tsḡtsḡtsḡ bḡḡḡ mú gyi, táme bḡmele amó ḡḡgyi ḡwan. Tsúfé benya ifú ání Farisíḡ ámú bébí amó, gya amó lé amó ofiakpa.

⁴³ Tsúfé bḡtekle beé ahá bḡkánfú amó ḡḡn ání Bulu ḡbékanfú amó.

Yesu Asón Bulu Ḳḡḡḡgyi Ahá Asón

⁴⁴ Yesu lǎkplún bli ḡḡe, “Megyí mí nkule ḡhagyíḡḡa ání ḡḡḡḡ mú gyi déḡḡgyi. Ḳhá ámóú ḡḡwa mí sísí ámú é. ⁴⁵ Ḳhagyíḡḡa ání ḡḡe mí wúun dé ḡhá ámóú ḡḡwa mí sísí ámú é wúun. ⁴⁶ Naba ḡyí anfito fé wankí, fée kí ḡsolúbú anfisú iwankí, méní ḡhagyíḡḡa ání ḡḡḡḡ mú gyi méesin oklúntḡ. ⁴⁷ Ní òkú onú mí asón, táme omegyí mósú á, megyí mí ḡbéha mú ipón. Tsúfé mméba asón ogyíkpa. Ahá nkpa ḡḡkpa neba. ⁴⁸ Ḳḡa ání okíná mí, ḡmḡḡḡ mí asón é bú asón ání bḡpḡhá mú ipón. Mí asón blihé amú íbeha mú ipón eke tráhe amú. ⁴⁹ Tsúfé megyí mí onutó túmi nḡḡtótí. Mí Sí lówa mí sísí. Móléha mí asón ání mbli, pú alá mbli mó. ⁵⁰ Nyin ání mú asón ámú itehá nkpa ání itamatá. Mó sú asón ání ḡḡwá mí bli kóún ntebli.”

† 12:36 Yesu gyí Wankí amú.

13

Akasípó Amu Ayabiasí Fwí

¹ Asa béfi Israelfɔsu Katsun Nke ámu gyí así á, Yesu lébi ání mu bré lafon ání médali ɔyí ánfító yó mu Si wá. Ɔlɔdwe ahá ámóú bɔgyi mu kle ɔsolɔsu nfi ámu alu yɔfon mu owuké.

² Mba mu akasípó amu befia ntópwe ató ogyíkpa. Alí bré ámúto á, ɔbunsám lawúna wie Simon Iskariot mu bi Yuda klɔnto ání ɔyéle Yesu ha. ³ Yesu yin ání mu Si lɔpu tógyító wá mu ibito. Oyin ání Bulu wá motsu ba, mu wá méyinkí yó ní. ⁴ Mú su ɔlele ibi ɔlepe ámúto, ɔlokúsó wóí mu atadie tswi, tsú ɔsan sába.

⁵ Ɔletseí ntsu wá onuwétó, olefi así ɔde mu akasípó amu ayabiasí fwí. Ɔfwí ɔmáýín a, alapó mu ɔsíétó ɔsan ámu tsitsi mu ayabiasí. ⁶ Bréá ɔlɔto Simon Petro a, ɔlefíté Yesu ɔbéé, “Mí Wíé, fú ɔbɔfwí mí ayabiasí?”

⁷ Yesu léle mú ɔnɔ ɔbéé, “Fúmóonu tó ánfí ndɛbwe ánfí así séí. Ɔma asa fóbónu mú asi.”

⁸ Múú Petro lébláa mu ɔbéé, “O-o! Mméesi, afɔfwí mí ayabiasí ekekekeke.”

Yesu lébláa mu ɔbéé, “Ní mmɔfwí fú ayabiasí á, fúméenya ogyíkpa mí wá.”

⁹ Simon Petro lébláa mu ɔbéé, “Mí Wíé, megyí mí ayabi nkole. Wuna fwí mí ibi pú mí nwuntó é.”

¹⁰ Yesu lébláa mu ɔbéé, “Ɔhá ání alabie ntsu métrá hián ntsubíe. Mboún mu ayabiasí fwí pé, tsúfé alalun dodo. Mli wí lalun, táme megyí mli féé.” ¹¹ (Yesu lébláa mu alí, tsúfé oyin ɔhá ání ɔbéle mu há. Mú su ɔleblí ɔbéé, “Megyí mli féé lálun” ní.)

¹² Bréá ɔlɔfwí amú ayabiasí tá á, ɔlelatsú mu atadie wá, yínkí yétsiá ɔpónú ámu asi. Múú ɔlefíté amú ɔbéé, “Mlilanú itó ánfí nabwé há mli ánfí asi? ¹³ Mlitetí mí ‘Osunápó,’ mlitetí mí ‘Owíé.’ Mú ɔkpa ní, tsúfé mú ngyi ní. ¹⁴ Ní mí ání ngyi mli osunápó pú mli Wíe, nafwí mli ayabiasí á, mómó ilehián ání mli é mlɔfwí mli aba ayabiasí. ¹⁵ Nabwé súná mli, méní mlóɔbwe mú alí ámóú nabwé mú há mli ámu. ¹⁶ Ɔnɔkwali nde mli bláa. Osúmpú ɔkoku módɔn mu wie. Alí kén sumbí ɔyɔpú módɔn ɔhá ání ɔlɔwa mu ní. ¹⁷ Iná mlilabí ɔnɔkwali ánfí á, Bulu ɔbóyulá mli ní mlegyi músó.

¹⁸ “Megyí mli féé wí asón ndeblí. Tsúfé nyin ahá ání nalé. Táme lehián ání Bulu asón ánfí íbɛba mótó. Asón ámu ɔbéé, ‘Ɔhá ámóú mía mɔnyɔ anudé ibi wa ɔlepɛto ámu lakósú lí mí sú.’ ¹⁹ Nde mli bláa séí asa íba, méní ní íbá á, mlóho mu gyí ání mígyí ɔhá ámóú mbéé ngyi ámu ní. ²⁰ Ɔnɔkwali nde mli bláa. Ɔhagyíɔha ání ɔlɔho ɔhá ání nɔwa sumbí laho mu. Alí kén ɔhagyíɔha ání ɔlɔho mu laho mí Sí ámu ɔlɔwa mí sísí ámu é ní.”

Yesu Le Há

(Mateo 26:20-25; Marko 14:17-21; Luka 22:21-23)

²¹ Bréá Yesu léblí asón ánfí tá á, asón ihíe de mu háan mu klɔnto. Mú su olowunáa kpa mú tati ɔbéé, “Ɔnɔkwali nde mli bláa, mli to ɔkole ɔbéle mí há.”

²² Akasípó amu bekpelé kí aba ansító, tsúfé bɔmeyín amótó ɔmúvá ɔde. ²³ Akasípó amúto ɔkuleá otsie mantáa Yesu, gyí ɔmúvá Yesu tehié dwé ní. ²⁴ Mú su Simon Petro lóɔn mu ansíbi ɔbéé, ɔfite mu ɔhá ání ɔbéle mu há.

²⁵ Múú ɔkasípó amu léyinkí kpísá Yesusu, fité mu ɔbéé, “Mí Wíé, ma ɔbéle fú há?”

²⁶ Yesu lébláa mu ɔbéé, “Ɔhá ámóú nébia bodobodo, pódá ɔpútsútó há ámu gyí mu ní.” Inu olebia bodobodo pódá ɔpútsútó há Yuda, ogyí Simon Iskariot mu bi. ²⁷ Olenya ho mú alí, Ɔbunsám lówie muto. Mú su Yesu lébláa mu ɔbéé, “Bwe tásá fúdekléa fɔbwe sasa!” ²⁸ Ahá ámóú bɔtsie ɔpónú ámu así ámúto ɔkoku mébi tásá súvá Yesu lébláa mu asón ánfí. ²⁹ Amótó aku bɔkí beé, Yuda gyí amú

sikasɔ ɔkɪpu. Fiaɪi Yesu dɛ mu blaa ɔbɛɛ, ɔyɔhɔ atɔ́á bɔ́puɔgyi nke ámu, ntée ɔpuɔ tɔku ya ahiánfɔ.

³⁰ Yuda lénya hɔ bodobodo amu alí, ɔledali. Owí latá alí bré ámu.

Mbla Pɔpwe

³¹ Yuda lénya dáli obuto inu aɪi Yesu lébli ɔbɛɛ, “Bréá Mí, Nyankpɔsa-Mu-Bi ánfɪ numnyam béɪn ɔwan ní. Bulu ɔbɔ́tsɔn misu lé mu numnyam ɔwan. ³² Ní ɔtsɔn misu lé mu numnyam ɔwan á, alí kén ɔbɔ́tsɔn mu iwɪsu lé mí numnyam ɔwan ní. Ɔbɔ́wa mí numnyam inɔnu. ³³ Mí abí, mméetrá tsiá mli wá, wá ɔpá. Mlódunká mí. Alí ámuɔ nebláa Yudaɔ ahandɛ amu mbéɛ, ‘Mluméetalí ba ɔ́tínéá nɔyɔ ámu’ a, alí kén ndɛ mli bláa mli é ní. ³⁴ Mbla pɔpwe ndewa há mli mbéɛ, mlɪdwɛ aba. Alí ámuɔ nɔdwɛ mli ámu a, alí kén mlɪpɔ ɔdwɛ ámu dwɛ mli aba ní. ³⁵ Ní mlɪdé aba dwɛ á, ibɔ́suná ahá féé ání mí akasípɔ mlɪgyí.”

Petro Ɔbɔ́swí Ɔbɛɛ Mɔmeyín Yesu

(Mateo 26:31-35; Markó 14:27-31; Luka 22:31-34)

³⁶ Simon Petro léfité Yesu ɔbɛɛ, “Mí Wíé, nkónu foyɔ?”

Yesu léle mú ɔ́nɔ ɔbɛɛ, “Ɔ́tíné ámuɔ nɔyɔ ámu a, fuméetalí buo mɪ yó inu séi. Táme ɔma a, fóbobuo mɪ.”

³⁷ Petro léfité mu ɔbɛɛ, “Mí Wíé, ntogyi só mméetalí buo fu séi. Nówu fú su!”

³⁸ Yesu léfité mu ɔbɛɛ, “Fówu mí su? Ɔ́nɔkwali ndɛ fú bláa. Fɔ́swí pɔ́ ibi wá ogyá tse sa féɛ fumeyín mí asa batɛ ɔbɛ́le ɔ́nɔ.”

14

Ɔ́sɪ Amu Wá Ɔkpa

¹ Yesu lébláa mu akasípɔ amu ɔbɛɛ, “Opúni mátsií mli. Mliho Bulu gyi, amlího mɪ gyi. ² Otsiákpá tsatsɔtsɔ bu mí Sí wóyítɔ. Ní otsiákpá ma inu á, tekɪ mmébláa mli mbéɛ neyéla inu yáí mli. ³ Ní nɔyɔ yéla otsiákpá amu yáí mli tá á, néyinkí bá bekpa mli yáa mí iwɪ wá, ménɪ mlétsiá ɔ́tínéá mbu. ⁴ Mliyin ɔkpa ání ida yɔ ɔ́tíné ámuɔ nɔyɔ.”

⁵ Inu Toma léfité mu ɔbɛɛ, “Mí Wíé, anumeyín ɔ́tínéá foyɔ, nkáli abɔ́bwe abébi ɔkpa ámu?”

⁶ Yesu léle mú ɔ́nɔ ɔbɛɛ, “Mígyí ɔkpa ámu, ɔ́nɔkwali amu pɔ́ nkpa ámu. Ɔhaa méetalí yó mí Sí ámu wá, nkétɪ alatsɔn misu. ⁷ Ní mliyin mli lélé á, tekɪ mlɪlabí mí Sí ámu é. Táme séi mú mlɪlawun mu, mlɪlabí mu é.”

⁸ Filipino lébláa mu ɔbɛɛ, “Anɪ Wíé, suna anɪ fú Sí ámu. Mú kpán tso anɪ.”

⁹ Yesu léfité mu ɔbɛɛ, “Filipo! Mbu mli wá dododo. Mú su fumɔkóbí mí? Ɔhagyíɔha ání alawun mɪ kɪ lawun mí Sí ámu. Ntogyi só fúdebli féɛ, nsúna mli Ɔ́sɪ ámu? ¹⁰ Fomohogyi ání mbu mí Sí ámuɔ, mu é ɔbu mitɔ? Asón ánfɪ ndɛ mli bláa anfi motsú mí onutɔ wá. Mbouín mí Sí ámuɔ ɔbu mitɔ ámu dɛ mu agyómá yɔ. ¹¹ Ní ndɛ mli bláa mbéɛ, mbu mí Sí ámuɔ, mu é ɔbu mitɔ á, mliho mɪ gyi. Ní mliwáɔhɔ asón ámuɔ gyi óó á, ofúla amúɔ ndɛbwe ámu su mliho mɪ gyi. ¹² Ɔ́nɔkwali ndɛ mli bláa. Ɔhagyíɔha ání ɔ́lɔhɔ mɪ gyi a, ɔ́bɔ́bwe itá ndɛbwe. Ɔ́bɔ́bwe mú dun mí klé, tsúfé mí mú nɔyɔ mí Sí ámu wá. ¹³ Nóbwe tógyítá mlɔ́kolí mí idátɔ há mli, ménɪ nówa mí Sí ámu numnyam. ¹⁴ Ní mlɔ́kolí tógyítɔ mí idátɔ á, nóbwe mú.”

Ɔ́he Wankihé Amu Ibá

¹⁵ “Ní mlɪtɔdwé mí á, mlégyi mí mblasu. ¹⁶ Nɔ́kolí mí Sí, ɔ́bɔ́pu Ɔma Ɔ́lɪpɔ bambá sísi mli, ɔ́bɛ́ba betsiá mli wá bré féé. ¹⁷ Mogyí Ɔ́he Wankihé. Mutósúná ɔ́nɔkwali ání ibu Bulutɔ. Ɔ́yítɔ ahá buméetalí hɔ mu, tsúfé bumédé mu dunká. Buméebi mu é, táme mli mú mliyin mu, tsúfé ɔbu mli wá, obétsiá mlɪtɔ.”

18 “Mméesi mli tswi fê awumbi. Nényinkí bá mli wá. 19 Ilaasi kpalobí oyító ahá bómétrá wun mi, táme mli mó mlówun mi. Inúá mbu nkpa sv á, mli é mlétsiá nkpa. 20 Ní eke ámu ifon a, mlébi ání mbu mí Sí ámutó. Mli é mliḅu mitó fê alí ámú mí é mbu mlito ámu.

21 “Ahá ání bode mí mblasu gyí a, amógyi mí adwepó ní. Ohagýioha ání otodwé mí á, mí Sí obódwe mu. Mí é nódwe mu, lé mí iwi owan súná mu.”

22 Mób Yuda (megyí Yuda Iskariot) léfité mu obée, “Mí Wie, ntogyi só anu nkole pé fêle iwi owan súná, megyí oyító ahá fée?”

23 Yesu léle mó onó obée, “Ní oko dé mí dwe á, obóbwe dínká mí atosunáhésu. Mí Sí obódwe mu. Mía mí Sí ámu nyo abéba betsiá mu wá. 24 Ohá ání otamadwé mí amóobwe dínká mí atosunáhésu. Asón ánfí ndéblí mlidénu ánfí motsú mí onutó wá. Mí Sí lówa mí, mu wá itsú.

25 “Nde mli asón ánfí bláa, séi ánfí mbu mli wá. 26 Táme Oma Olúpó, ogyi Ohe Wankihé amóu mí Sí obóposisi mí idátó ámu obósuná mli tógyító. Obékaín mli asónyiasón ání nebláa mli.

27 “Iwilwii nde mli ha! Napó mí iwilwii há mli. Megyí mó amóu oyítófo botehá ámu odu. Mlimáha opúni itsii mli. Ifú é mákitá mli. 28 Nabláa mli bətsun mbée, ndenati, táme néyinkí bá mli wá. Ní mlutodwé mí á, teki mlénya ansigyí ání nɔyó mí Sí wá, tsúfē odun mi. 29 Nde mli iní fée bláa yai, ménú ní íbá mótó á, mlóhogyi. 30 Mmétrá tóí yó nkpa, tsúfē oyísó ogyípó ámu obá. Oma tūmí mísó. 31 Ntonú mí Sí ome, ménú oyítófo bēbi ání ntodwé mu. “Mlikusu anati.”

15

Wán Oyi Onuto

1 Yesu léblí obée, “Mígyí wán ifla onutó. Mí Sí gyí mó odópu. 2 Bámbigyíbámbiá íbu mí iwi, itamaswíé á, tekpálí mó tsítsá. Táme kugyíkúá itoswíé á, otelá mó wankláán, ménú íbóswie tsətsətsə dun. 3 Mí atosunáhé ánfí mldanú ánfí sv mli iwi latin dodo. 4 Mlitsia mító, mí é antsia mlitə. Bámbi kəkəkəkə méetalí swíé abí, nkéti itsa mó oyísó brégyíbré. Alí kén mli é mli méetalí swíé abí, nkéti mliḅu mitó ní.

5 “Mígyí wán ifla ámu. Mligyí mó abámbi. Ohá ání obu mitó, mí é mbu mitó obóswie abí tsətsətsə, tsúfē mli méetalí bwé totətsə tsun mí oma. 6 Ohagýioha ání ometsie mitó gyí fê bámbiá bakpálí mó bun, íbówu, békpa mó wá ogyá. 7 Ní mlitsie mitó, mí asón é íbu mlitə á, mléfité mí Sí tógyítóá mlidéklé, obéha mli. 8 Ní mloswíé abí tsətsətsə á, íbówa mí Sí numnyam. Mó obósuná ání mí akasípó mligyí ní. 9 Alí amóu mí Sí todwé mí ámu a, alí kén mí é ntodwé mli ní. Mlitsia mító, ménú nódwe mí yó. 10 Ní mlegyí mí mblasu á, nódwe mli yó, fê alí ámú mí é ntegyi mí Sí mblasu, otodwé mí yó ámu.

11 “Nabláa mli asón ánfí fée, ménú ansigyí amóu íbu mitó ámu bətsiá mlitə. Fówun ansí bégyi mli wankláán. 12 Mbla ání ndepuhá mli gyí; mlidwe aba fê alí ntodwé mli. 13 Odwe koku madón ání oko obówu mu nyawie nwunsu. 14 Ní mlegyí mí mblasu á, mí anyawíe mligyí. 15 Mmétrá tı mli mí asúmpó. Tsúfē osúmpó méyín tóá mu wie débwe. Nde mliti mí anyawíe, tsúfē nabláa mli tógyítóá nonu tsú mí Sí wá. 16 Megyí mli léle mí. Míléle mli yáí mbée, mliyóo amlyoswie abíá íbetsiá bré fée, ménú mí Sí obéha mli tógyítóá mlókolí mu mí idátó. 17 Mbla ání ndewa há mli gyí, ‘Mlidwe aba.’

Ahá Bólu Mli

18 “Ní oyító ahá bode mli lu á, mlikaín ání mí begyankpá lú. 19 Ní oyító ahá mligyí a, teki oyító ahá bódwe mli fê amó abí. Táme nalé mli tsú oyítófo,

su mlamá amótó. Iní su oyítófo bɔtolú mli ní. ²⁰ Mlikaun asón amóú nebláa mli mbéé, ‘Osúmpó okoko módon mu wie’ amusu. Ní ahá budun mísó a, mli é bédinká mli. Ní begyi mí asónsú á, mli é bégyi mli asónsú. ²¹ Táme mibú mli, su bópu iní fée gyi mli, tsúfē bomeyín ohá amóú olowa mí ámu. ²² Ní mmakóbláa amó asuansú á, teki boma ipón koku gyi. Táme séi ánfí mó boma onó lé. ²³ Ohagyíoha ání otolú mí tolú mí Sí é. ²⁴ Nabobwe agyómá ání ohaa mókóbwé mó odu kí amótó. Ní bumapu amó ansibi wun mó á, teki Bulu méeha amó ipón. Bowun tóá nóbwe asa bude mía mí Sí lu. ²⁵ Ilehían ání íbéba alí, méní asón amóú bəwanlín wá amó Mblatə beé, ‘Bolu mí kpaali’ ámu íbéba mótó.

²⁶ “Nówa Oma Ohiúpó obótso mí Sí wá bá. Mogyí Oje Wankihé amu. Mutósúná onəkwalí ání íbu Bulutə. Obégyi mí íwí adánsie. ²⁷ Mli é mlégyi mí íwí adánsie, tsúfē mlilatsiá mí wá tsú bréá nefi ató suná así.

16

¹ “Nabláa mli asón anfi fée, méní mli méedida hógyito. ² Yudafo ahande bégya mli lé amó ofiakpa. Bré ku kóráá íbéba ání ahá bómə mli, súsú beé Bulu agyómá budeyo. ³ Bópu iní gyi mli, tsúfē bumakóbi mí ntée mí Sí ámu. ⁴ Táme nabláa mli asón ánfí, méní ní íbá á, mlékaín ání nebláa mli yáí.

Oje Wankihé Gyumagyihé

“Mmakósi bláa mli asón ánfí, tsúfē mbu mli wá. ⁵ Táme séi nde mli bláa, tsúfē nɔyó ohá amóú olowa mí sísí ámu wá. Táme mlitə okoko méfité mí obéé, ‘Nkónó foyó.’ ⁶ Iníá nabláa mli asón ánfí su á, awireho lahié kitá mli. ⁷ Táme nde mli onəkwalí bláa. Oklāa lawá mli ogyá ání nɔyó. Tsúfē ní mmayo á, Oma Ohiúpó amu oméeba mli wá. Táme ní nɔyó á, nópu mu sísí mli. ⁸ Ní obá á, obéle súná oyító ahá ání lakpanbwe su bafwí, obéle tóá igyi Bulu yilébwe pú mu asóngyí é súná amó. ⁹ Bébi ání mísó máhogyi igyi lakpan. ¹⁰ Bébi tóá igyi Bulu yilébwe, tsúfē nɔyó mí Sí wá, mli méetrá wun mí ekekeke. ¹¹ Bébi tóá igyi Bulu asóngyí, tsúfē Bulu lahá obunsám, ogyi oyísó ogyípó amu ipón dodo.

¹² “Mbu asón tsotsotso ání nébláa mli, táme mli méetalí nú mó fée así séi. ¹³ Oje Wankihé amu tósúná onəkwalí ání íbu Bulutə. Ní obá á, obéle asón ání igyi onəkwalí fée súná mli. Tsúfē megyi mu onutó túmitə obótóí, mboun obéblí asón kugyíkwa olonu. Obébláa mli móú íbéba é. ¹⁴ Oje ámu obówa mí numnyam, tsúfē obébláa mli asón ání nteblí. ¹⁵ Tógyítóá mí Sí bów a, mí bú. Mó su nabláa mli mbéé, Oje ámu obébláa mli asón ání nteblí ní.

Akasípó Amu Awireho Pó Ansigyí

¹⁶ “Ílasí kpalobí mli méetrá wun mi, táme imóowa opa koku mlélawun mi.”

¹⁷ Akasípó amotə akú befité aba beé, “Ngya ntə asón ní? Obéé, Ílasí kpalobí, anuméetrá wun mu, táme imóowa opa koku, mlélawun mu. Odeblí é obéé, ‘Noyó mí Sí wá?’ ¹⁸ ‘Ílasí kpalobí’ ánfí así mé? Anumédé asón ánfí odeblí ánfí así nu.”

¹⁹ Yesu lébi ání akasípó amu budeklé abofite mu asón amotə. Mó su olebláa amó obéé, “Blí ndeblí mbéé, ílasí kpalobí mli méetrá wun mi. Táme imóowa opa koku mlélawun mi. Iní mlidé aba fité ní? ²⁰ Onəkwalí nde mli bláa. Mlósu kpisi, táme oyító ahá mó bénya ansigyí. Mlégyi awireho, táme mli awirehogyí amu íbéba bemli ansigyí. ²¹ Ní ikwí de otsi dwiin á, ahomiti tekitá mu, tsúfē mu íwəsun wunubi lafon. Táme onyákwí tá pé otetan mu íwəsun ámu, tsúfē ansí de mu gyí ání makwí obí wá oyító. ²² Alí kén igyi há mli ní. Ahomiti de mli séi, táme nélawun mli. Mó su mléhué nyá ansigyí ání ohaa méetalí ká mli itin.

23 “Alí eke ámu a, mluméetrá kólí mí tótóoto. Onokwalí nde mlí bláa. Tógyítá mlókolí mí Sí mí idátó a, obéha mlí. 24 Boto nde mlumókófité tótóoto mí idátó. Mlifite, obéha mlí, méní ubéhe wá mlí ansigýí.

Yesu Oýisó Gyl

25 “Nde mlí asón ánfí bláa ayébisu, táme bré ku béba, mméetrá toí ayébisu. Nówuná kpa mí Sí asón tati súná mlí. 26 Tsú bré ámuṣu póya a, mlókolí mí Sí ámu ató mí idátó. Mmedéblí mbée, mí obókolí mu ató há mlí. 27 Tsúfé mí Sí ámu onutó tódwé mlí. Otódwé mlí, tsúfé mlitódwé mí, mlilahogyí ání notsú mu wá. 28 Mí Sí wá notsu ba oýító. Séi á, ndeyinkí tsú oýító nọyó mí Sí ámu wá.”

29 Inu akasípó amu bebláa mu bee, “Ehéen! Séi mó á, fotráa fomédétóí ayébisu. 30 Séi mó anlabí ání fuyin tógyító. Mó su mehián ání ohaa obétrá fité fó asuansu. Iní lahá anilahogyí ání lélé fotsú Bulu wá.”

31 Yesu léfité amó obée, “Séi mú mlilahogyí? 32 Bré ku íbá. Ifafon ta, mlédasáin. Mlító okugyíoku obóyo mu otsukpá sí mí. Táme iméesi mí nkole, tsúfé mí Sí ámu bu mí wá. 33 Nabláa mlí asón ánfí fée, méní mlótsun muso nya iwílwí. Mlówun iwíwsin oýí ánfíto, táme mlíwa klón, tsúfé nagyí oýisó dodo!”

17

Yesu Lábó Mpáí Mu Akasípó Nwunsv

1 Yesu léblí asón ánfí tá, olotsu ansí fóá kí osósó bó mpáí obée, “Oo mí Sí, bré lafón. Wa mí numnyam, méní mí é nówá fó numnyam. 2 Tsúfé feha mí túmí ahá féesó, ání nháa ahá ání feha mí fée nkpa ání itamatá. 3 Nkpa ání itamatá ámu gyí, bubú fó Bulu Onokwalípu okokónú okole pé ánfí, abubí mí Yesu Kristo anfi fapúsí oýító ánfí. 4 Nawá fó numnyam osólóv anfisú, tsúfé namó agyómá ámuó fapuhá mí ámu fée onó. 5 Mí Sí! Wa mí numnyam fó ansító nya, fē alí ámuó mbu mó fó wá yáí asa fobwe oýí ámu.

6 “Nalé fó súná ahá ámuó fele oýító há mí ámu. Fóbú amó, fapv amó há mí, bagyí fó asónsú. 7 Séi babí ání tógyítá mbu itsú fó wá. 8 Tsúfé nabláa amó asón ání fapuhá mí fée, banú. Babí ání lélé fó wá notsú, bahogyí ání fólówa mí.

9 “Nde fó kokólí ha amó. Megyí oýító ahá fée nde mpáí bó há. Mboun ahá ámuó fapuhá mí ámu, tsúfé fóbú amó. 10 Mí klé igyí fó klé, fó klé é igyí mí klé. Fatsun amósú lé mí numnyam owan. 11 Nebá fó wá séi. Mméetrá tsíá oýító, táme amó mó bubu oýító. Mí Sí Wankíhé, pu fó idá ámuó fapuhá mí ámu túmí kí amósú, méní bóbwe kole fē alí ámuó mía fonyo anigyí kole amó. 12 Bréá mbu amó wá á, nekitá amó wankláán, idá ámuó fapuhá mí ámu túmító. Nele ansi kítá amó wankláán. Mmeha amótó okoku mófwi, dun omamóú ida yáí ání obéhu ámu, fēkí Bulu asun wanlínhé amu íbéba mótó. 13 Nebá fó wá séi. Táme bré ánfí ntráa mbu oýító nfí nde asón ánfí blí, méní bénya ansigýí fē alí ámuó mí é mbu ansigýító amó. 14 Nabláa amó asón ámuó febláa mí ámu. Mó su oýító ahá bude amó lu, tsúfé botráa bomegyí oýítófó, fē alí ámuó mí é mmegyí oýítóyin amó. 15 Mmedéblí mbée, foléé amó le oýító. Mboun mbée fokú amósú wankláán, méní bomóowie lalaha obwepv* ámu íbitó. 16 Alí ámuó mmegyí oýítóyin ngýí ámu a, alí amó é bomegyí oýítófó ní. 17 Fó asón ámu gyí onokwalí. Tsun móso afopv amó bwe fó klé. 18 Alí ámuó fowa mí sísí oýító ámu a, alí mí é nawá amó sísí ní. 19 Amó su nọpu iwí há fó, méní amó é bótsun onokwalí amóṣu mlí fó klé.

20 “Megyí mí akasípó amu nkole nde mpáí bó há. Mboun ahá ání bótsun amó atosunáhésu hó mí gyí fée ndebó há. 21 Nde mpáí bó mbée, amó fée bubwée kole.

* 17:15 Obonsám gyí lalaha obwepó.

Mí Sí, alí á múú fubú mítò, mí é mbú fútò ámu a, ha amú é abútsia anitò alí kén, fówun oyítò ahá bóhogyí aní fólówa mí sísí oyítò. ²² Nawá ahá ánfí numnyam amóú fowa mí ámu, méní bóbwe kule fè alíá ntsu tamatsun miá fonyo nsuné. ²³ Mbu amótò fè alíá fubú mítò, méní bóbwe kule, ntsu móòtsun amóú nsuné. Ní íbá alí á, oyítò ahá bēbi aní fólówa mí, fútòdwé amóú fè alí amóú fútòdwé mí ámu. ²⁴ “Mí Sí! Ndeklé mbéé ahá amóú fəpohá mí ámu bétsiá mí wá ɔtíné amóú mbu amu. Fówun bówun numnyam amóú fowa mí ámu. Tsúfè fútòdwé mí asa fəbwe oyí. ²⁵ Mí Sí Yilé ɔbwepó! ɔyítòfò bumebi fò, táme mí mu nyin fu. Ahá ánfí é buyin aní fólówa mí sísí oyítò. ²⁶ Nele fò súná amó. Nétrá le fò súná amó. Fówun ɔdwe amóú fútòdwé mí ámu itsia amótò, méní mí é nétsiá amótò.”

18

Yesu Kitá

(Mateo 26:47-56; Marko 14:43-50; Luka 22:47-53)

¹ Yesu lóbò mpái ánfí tá á, mva mu akasípó amu benatí yótsun Kidron tsonkolitò wíé ndobíi kuto. ² Yuda amóú ɔlele Yesu há ámu é yin ndobii amuto, tsúfè Yesu mva mu akasípó bütetsiá yéfia un. ³ Mó su Yuda lékpa Romafò isá akápó pú Bulu ɔtswékpa agyópo akóá Bulu igyí ahapó dehen pú Farisifò bəwa, bayo un. Bude mbia, nkandíe pú akotò. ⁴ Iníá Yesu yin tóá íbá mu su á, ɔledali fia amó, fité amó ɔbéé, “Ma mlidédunká?”

⁵ Bele mú ɔnó beé, “Yesu Nasaretyin amu.”

Yesu lébláa amó ɔbéé, “Mí ní.”

(Yuda amóú ɔde mu le há ámu é líí amó wá un.) ⁶ Bréá Yesu lébláa amó ɔbéé, “Mí ní!” á, besankí yédida lalá kpla. ⁷ Yesu lélafité amó ɔbéé, “Mbéé, ma mlidédunká?”

Bebláa mu beé, “Yesu Nasaretyin amu.”

⁸ Yesu lébláa amó ɔbéé, “Nakò bláa mli mbéé, mí ní. Mó su ní mí mlidédunká mú á, mliha ahá ánfí abunati.” ⁹ (Olebláa amó alí, méní asón amóú ɔleblí ámu íbēba mótò. ɔbéé, “Ahá amóú fəpohá mí ámuto ɔkoku mófwi.”)

¹⁰ Inu á, Simon Petro dé ɔdayí iya anyo, ɔlebití mú lé, kpá Bulu igyí ɔhapó dehen osúmpó gyopu isu. Osúmpó amu idá gyí Malkus. ¹¹ Yesu lébláa Petro ɔbéé, “Sankia fò ɔdayí wa mú ɔfletò! Imehián aní nówun iwɔsun aní mí Sí lahá mí ɔbéé nwúun lóó?”

Yesu Kpa Ya Hana

(Mateo 26:57-58; Marko 14:53-54; Luka 22:54)

¹² Inu isá akápó ámu, amó ɔhande pú Bulu ɔtswékpa agyópo amu bekítá Yesu, klí mu íb. ¹³ Begyankpá kpá mu ya Kaiafa mu sia Hana. Kaiafa gyí Bulu igyí ɔhapó dehen offí ámuto ní. ¹⁴ Mólébláa Yudafò ahande amu ɔbéé, íbu aléá ɔbakóle obówu ahá fèé nwun su ní.

Petro Lékiná Yesu

(Mateo 26:69-70; Marko 14:66-68; Luka 22:55-57)

¹⁵ Simon Petro mva ɔkasípó bambá bobuo Yesu. Bulu igyí ɔhapó dehen amu yin ɔkasípó bambá ánfí wankláán. Mó su olobuo Yesu bítiwíé Bulu igyí ɔhapó dehen amu wóyítò. ¹⁶ Táme Petro mú lési ɔlí wóyí ámu ɔnó. ɔkasípó bambá ánfí óyin Bulu igyí ɔhapó dehen anfi lédalí yébláa ɔtsibi ɔkóá ɔde wóyí ámu ɔnó gyo, ɔlekpa Petro ba wóyí ámuto. ¹⁷ ɔtsibi amu léfité Petro ɔbéé, “Megyí oyin ámu akasípó amuto ɔku fúgyi?”

Petro léle mú ɔnó ɔbéé, “Ekekekeke. Mma amótò.”

¹⁸ Atsali bu un. Mó su asúmpó pú agyópo amu bəduhá ogyá, bulí mú asi. Petro é léyelí amó wá, ɔde ogyá ámu núu.

Bulu Igyí ɔhapó Dehen Léfité Yesu Asón

(Mateo 26:59-66; Marko 14:55-64; Luka 22:66-71)

¹⁹ Bulu igyí ɔhapó dehen amu léfité Yesu asón, tsú mu akasípó pú mó atosunáhé iwí. ²⁰ Yesu léle mó ɔnó ɔbéé, “Ahá ansító neli bí mí asón fée. Netsiá súná ató Yudafo ofiakpa pú Bulu ɔtswékpa, ɔtínéá ahá fée butefia. Mmēblí asuansu nǎinto. ²¹ Ntogyi só fóde mí asón ánfí fité. Fite ahá ání bonu asón ání nēblí. Amó yín asón ání nēblí.”

²² Bréá Yesu léblí asón ánfí á, mu agyópu amoto ɔkoleá ɔlí mantáa mu léda mu usoto, fité mu ɔbéé, “Alí fēle Bulu igyí ɔhapó dehen asón ɔnó ní?”

²³ Yesu lébláa mu ɔbéé, “Ní nablí asokpan á, le mó blí ahagyíɔha onu. Táme ní ɔnɔkwali nablí á, ntogyi su fóde mí da?”

²⁴ Yesu trá ɔda ɔfétó ɔhande Hana lópu mu sísi Bulu igyí ɔhapó dehen Kaiafa.

Petro Létrá Kind Yesu

(Mateo 26:71-75; Marko 14:69-72; Luka 22:58-62)

²⁵ Simon Petro trá ɔlí ogyá ámu asi, ɔku léfité mu ɔbéé, “Megyí oyin ánfí akasípó amoto ɔkole fugyi?”

Petro lóswí ɔbéé, “Èkēkēkē. Mma amótó!”

²⁶ Bulu igyí ɔhapó dehen amu osúmpó ɔku, ogyi ɔhá ámuó Petro lékpa mu usokle amu mu pio léfité Petro ɔbéé, “Megyí fóa muonyo nowun ndobii amoto ní?”

²⁷ Petro létrá swí pú ibi wá ogyá. Inuwo bate lóbon.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

²⁸ ɔyi kehe bake-bake a, bekpa Yesu tsú Kaiafa wóyító ya Roma ɔhande ání ɔde Yudea ɔmáso gyí wóyító. Yudafo ahande amu bumedékléá bópu ifin da iwí. Mó su bomebiwíé wóyító mu. Tsufé budekléá béki ání amó iwí letu, ménu bétali gyi Israelfosu Katsun Nke ámu.* ²⁹ Mó alí su Pilato lédalí ba kpankpa befite amó ɔbéé, “Amansu mlibu bí tsú oyin ánfí iwí?”

³⁰ Bebláa mu beé, “Ní ɔhá ánfí mókóbwé lakpan á, teki anumékpa mu ba fu.”

³¹ Pilato lébláa amó ɔbéé, “Mómó mlíkpa mu ya, amliyegyí mu asón mli mbla ɔnó.”

Yudafo ahande amu bele mó ɔnó beé, “Animá ɔkpa mó ɔha.” ³² (Asón ánfí léba móto, ménu asón ámuó Yesu léblí tsú mu lowu ání obówu iwí ámu íbéba móto.)

³³ Inu Pilato léyinkí wíé wóyító. Móó ɔleti Yesu, fité mu ɔbéé, “Fógýí Yudafo owie amu ní?”

³⁴ Yesu léle mó ɔnó ɔbéé, “Fú onutó asun fitéhé igyi, ntée aku lábláa fu mí iwí asón?”

³⁵ Pilato léle mó ɔnó ɔbéé, “Yudayin ngyi? Fú onutó ahá pú Bulu igyí ahapó dehen lékpa fú ba mi. Nto fabwé?”

³⁶ Yesu lébláa mu ɔbéé, “Megyí ɔyi ánfito nde iwíe gyí. Ní ɔyi ánfito á, teki mí abúopu bóko ho mi. Bómécha bómópu mí wá Yudafo ahande íbitó, táme megyí ɔyi ánfito nde iwíe gyí!”

³⁷ Pilato léfité mu ɔbéé, “Mómó yéé owie fugyi á?”

Yesu léle mó ɔnó ɔbéé, “ɔnɔkwali fablí fēe Owie ngyi. Mí á, bɔkwí mí neba ɔyi ánfito ání mbá ambegyí ɔnɔkwali amu iwí adánsi. ɔhagyíɔha ání ogyi ɔnɔkwali amu klé teyaa asu nú mí ɔme.”

³⁸ Pilato léfité mu ɔbéé, “Nto gyí ɔnɔkwali amu?”

Pilato Léha ɔkpa ɔbéé Bwódo Yesu

(Mateo 27:15-31; Marko 15:6-20; Luka 23:13-25)

* **18:28** Ní fowíé ɔhá ání omegyí Yudayin wóyító a, ifin lada fu.

Pilato léblí asón ánfí tǎ á, ɔletrǎ dali yɔ Yudafɔ ámu wá wóyí ɔnɔ unu. Ɖlebláa amó ɔbée, “Mmɔkɔwun lalaha kɔkɔkɔvá nɔpɔhá oyin ánfí ipɔn. ³⁹ Táme mli amándíe ɔnɔ á, ntesí obu ɔɔipó ɔkɔle há mli Katsun Nke kugyíkɔtɔ. Mludéklé mlíaa, nsíi Yudafɔ Owíe anfi há mli?”

⁴⁰ Bɔkplón le mó ɔnɔ bée, “Ekekeke! Megyí mu. Si Baraba ha aní.” (Ogyo otswapó Baraba é gyí).

19

¹ Inu Pilato léha bekpa Yesu ya, yépití mu ató wankláán. ² Isá akɔpó ámu bɔlu obungyo-awu, bwé mó owiepa bun mu nwun, bɔwa ligá pɛpɛ ku. ³ Inu benatí bwé mu ahinlá bée, “Yudafɔ Owíe, fú nkpasu ɔnlɔnɔ!” Fówun badá mu isɔtɔ kpa.

⁴ Pilato létrǎ dali yɔ wóyí ɔnɔ unu yébláa amó ɔbée, “Nakpá mu neba mli, amliwun ání mmɔkɔwun lalaha kɔkɔ mu iwí.” ⁵ Bréá Yesu lédali ba a, obungyo-awu ipa ámu bun mu nwun, ɔlɔwa ligá pɛpɛ amu. Pilato lébláa amó ɔbée, “Mu ni!”

⁶ Bulu igyí ahapó dehen pó Bulu ɔtswékpa agyópu amu benya wun mu pé, bɔsɔrá okitikítí blí bée, “Da mu manta oyikpalíhesu! Da mu manta oyikpalíhesu!”

Pilato lébláa amó ɔbée, “Mli onutó mlíkpa mu ya, amliyeda mu manta oyikpalíhesu. Mí mó mmɔkɔwun lalaha kɔkɔ mu iwíá nɔpɔhá mu ipɔn.”

⁷ Yudafɔ ámu bebláa mu bée, “Aní mbla ɔnɔ á, ilehián ání obówu. Tsúfɛ ɔleblí ɔbée, Bulu mu Bi mugyi.”

⁸ Bréá Pilato lónu asón ánfí á, ifú létrǎ kitá mu tsíaa mótó. ⁹ Oleyinkí yó mu wóyító yéfité Yesu ɔbée, “Nkónú fotsú?”

Táme Yesu mékpla mu. ¹⁰ Mó su Pilato léfité mu ɔbée, “Fuméekplá mí? Fumeyín ání mbu túmiá nétalí sí fú ntée nétalí há beda fú mántá oyikpalíhesu mó fú?”

¹¹ Yesu léle mó ɔnɔ ɔbée, “Ní megyí Bulu léha fú ɔkpa á, tekí fuma túmi kɔkɔ mísú. Iní su ɔhá ámóú ɔlɔpu mí wá fú ibitɔ ámu lakpan dun fú klé.”

¹² Pilato lónu asón ánfí á, ɔlekle osi Yesu. Táme Yudafɔ ámu bɔsɔrá okitikítí kóklókóú blí bée, “Ní fesi ɔhá ánfí á, mómú megyí Roma owíe dehen* mu nyawie fugyi. Tsúfɛ ɔhagyíɔha ání ɔblí ɔbée owíe mugyi á, alakósú lí Roma owíe dehenɔ!”

¹³ Bréá Pilato lónu asón ánfí á, ɔlekpa Yesu dáli ba kpankpá, tsíaa mu asóngyí obíá ání itsie ɔtnekɔvá bɔpu abwi bwé unu, bɔtetí unu “Abwito” su. (Bɔtetí unu “Gabata” Hebrí ɔblító.) ¹⁴ Eke ámu igyi ogyá ɔɔɔɔdáké há Israelfɔsu Katsun Nke. Ibóɔwe fɛ ɔpa dóduányɔtɔ á, Pilato lébláa Yudafɔ ámu ɔbée, “Mli Owíe amu ni!”

¹⁵ Bɔsɔrá okitikítí bée, “Kpa mu ya, kpa mu ya, afɔyeda mu manta oyikpalíhesu.”

Pilato léfité amó ɔbée, “Ndáa mli owíe manta oyikpalíhesu?”

Bulu igyí ahapó dehen amu bebláa mu bée, “Anímá owíe ɔkɔkɔ dun Roma owíe dehen!”

¹⁶ Inu Pilato lési Yesu há amó ɔbée bɔyédá mu manta oyikpalíhesu.

Yesu Da Mántá Oyikpalíhesu

(Mateo 27:32-44; Mǎrko 15:21-32; Luka 23:26-43)

Isá akɔpó ámu bekpa Yesu náti. ¹⁷ Mu onutó olotsu mu oyikpalíhe dínká mu nkanta alí yéwíe ɔtnekɔvá bɔtetí unu “Nwun Okokobi Otsiákpá.” (Bɔtetí unu “Golgota” Hebrí ɔblító.) ¹⁸ Beda Yesu mántá oyikpalíhesu unu, beda ayin abanyó aku é mántá nyikpalíhesu mu wá unu. Ɖkɔle bu Yesu binasu, ɔkɔle é bu

* 19:12 Roma Owíe dehen gyí Kaesare.

mu gyoṛisu, Yesu bu amó nsiné. ¹⁹ Pilato lówanlín asón mántá oyikpalíhe amu awunso. Asón ámu gyí, “YESU NASARETYIN, YUDAFɔ OWÍE.” ²⁰ Yudafɔ tsɔtsɔtsɔ bekla ason wanlínhé anfi. Tsúfɛ ɔtíné ámóú bɛda Yesu mántá oyikpalíhesu ámu íbu mantáa Yerusalem. Ɖɛha bɔwanlín asón ámu Hebri ɔblí, Roma ɔblí pɔ Griiki ɔblí. ²¹ Bulu igyi ahapú dehen amu bebláa Pilato bɛɛ, “Máwanlín fɛɛ, ‘Yudafɔ Owíe.’ Mboún wanlín fɛɛ, ‘Oyin ánfɛ ɔbɛɛ, mígyí Yudafɔ Owíe.’ ”

²² Pilato lébláa amú ɔbɛɛ, “Móá nawánlín á, nawánlín mú dodo.”

²³ Isá akɔpú ámu bɛda Yesu mántá oyikpalíhe amusu tá á, botsu mu atadiɛ, beye mótó aku ana. Okugyiáku klé kule. Botsu mu ligá ání bɔlu mú tsú ɔsósú beyi asi. ²⁴ Inu bebláa aba bɛɛ, “Mlímáha abali atadiɛ ánfɛ mótó. Mliha atswi abi ki bɛɛ, ma obénya mú.” Asón ánfɛ léba, ménɛ Bulu asón ámóú bɔwanlín tswi bɛɛ,

“Beye mí atadiɛto,
bɔtswi abi mí ligású” amu íbɛba mótó.
Isá akɔpú ámu bɔbwe dínká mósú.

²⁵ Yesu mu yin, mu yin mu pio tsihé Maria, ogyi Klopa mu ka pɔ Magdalayintse Maria bulí oyikpalíhe amu asi. ²⁶ Bréá Yesu lówun mu yin pɔ mu ɔkasípú ámóú ɔtɛhíé dwé ámu, bulí mantáa inu á, ɔlebláa mu yin ɔbɛɛ, “Amó yín, fú bí ní.”

²⁷ Móú ɔlebláa ɔkasípú amu é ɔbɛɛ, “Fú yín ní.” Tsú eke ámu a, ɔkasípú amu lékpa mu ya mu wóyító.

Yesu Lowu

(Mateo 27:45-56; Marko 15:33-41; Luka 23:44-49)

²⁸ Inu ɔma a, Yesu lówun ání mu agyómá lamó ɔnó. Móú ɔleblí ɔbɛɛ, “Ɖmewólɛ de mí.” Inu léha Bulu asón ámóú bɔwanlín tswi amu íbɛba mótó.

²⁹ Onuwé ku tsie inu, ntá ɔdáí íbɔ mú. Isá akɔpú ámu bɔpu ɔsapa dá ntá ámuto púsían oyisú, tsú mú fúá yétin mu ɔnó. ³⁰ Yesu lékpikpí mú mɛ. Inu ɔleblí ɔbɛɛ, “Ílatá!”

Móú oloko nwuntɔ wá, ɔlele ɔnjé á.

Yesu Abinto Ató Wɔ

³¹ Eke ámu igyi Fieda. Mú ɔyi kehe igyi ɔkpónú ɔdaké kpɔnkpɔntɛ há Yudafɔ. Mú su bumekle ání ahá ámu bɔsían nyikpalíhe amusu yófun owi tahé.† Mú su bɔkolí Pilato ɔkpa bɛɛ ɔháa mu isá akɔpú abuyebiabía amú ayabi, ménɛ bókásí wú, fówun béle amú tsu nyikpalíhe amusu asa owi ɔta. ³² Mú su bɔɔyɛ yébiabía ayin abanyó ámu ayabi. ³³ Táme bréá bowie Yesu wá á, bowun ání alawú dodo. Mú su bumebia mu ayabi. ³⁴ Táme isá akɔpú ámuto ɔkule lópu mu pia wɔ Yesu abunto, ntsu múa obugya léfen dal. ³⁵ (Ɖhá ámóú olowun mú ámu légyi mú iwɛ adánsɛ, fówun mli é mlóhogyi. Megyi afunu igyi. Oyin ání ɔnkwalɛ asón muɔdeblí.) ³⁶ Inu fɛé léba mótó, ménɛ Bulu asón ámóú bɔwanlín tswi bɛɛ, “Bóméebia mu iwú kokooku” ámu íbɛba mótó. ³⁷ Bulu ason wanlínhé amu kén leblí ɔbɛɛ, “Béki ɔhá ámóú bɔwɔ mu abinto pia ámu.”

Yesu Pulá

(Mateo 27:57-61; Marko 15:42-47; Luka 23:50-56)

³⁸ Inu fɛé ɔma a, Arimateayin Yosef léba bokokólí Pilato ɔbɛɛ, ɔpón Yesu fúli amu ha mu. (Yosef anfi buo Yesu njainto, tsúfɛ ɔde Yudafɔ ahande amu ifú nya.) Pilato léha mu ɔkpa. Mú su Yosef léyɛle Yesu fúli amu oyópulá. ³⁹ Nikodemó amóú ɔleba Yesu wá eke ɔku onyé ámu é léba. Ɖlɔpu afá fánfáanfán aku anyo‡ ání bɔkwe mú wá abato tsɔtsɔtsɔ ba. Mú odwin bɔbwe kilo adɔasa (30). ⁴⁰ Ayin

† 19:31 Yudafɔ ɔkpónú ɔdaké tefi asi tsú owi tahé. ‡ 19:39 Afá aku anyo ámu adá gyí mire móa aloe.

ánfi bapó òhráda kíklí afá ámu mántá fúli ámu iwí fè alíá Yudafá bótábwé amó afúli asa bótópúlá amó. ⁴¹ Ndobii kó íbu mantáa ótíné ámóú bēda Yesu mántá oyikpalihēsó ámu. Bolotí bótátó bhwé mó fúli-òbó ínu. Bómakópúlá óhaa mótó kí. ⁴² Ínà éke ámu igyi ogyá òdudáké, fúli òbó ámu é íbu mantáa ínu sù á, bopulá Yesu mótó.

20

Yesu Kósó Tsú Afúlitó

(Mateo 28:1-8; Marko 16:1-8; Luka 24:1-12)

¹ Ndawótswító éke gyankpapó, igyi Kwasiēda bake-bake, bréá nsaunto mókótítí a, Magdalayintse Maria lóyó Yesu opulákpá ínu. Olenya wíe ínu alí olowun ání bamína íbwi ámu lé òbó ámu ònó. ² Mó sù oleyinkí srí ba ókasípó ámóú Yesu tēhíe dwé m̀u am̀u m̀wa Simon Petro wá, bebláa amó òbēe, “Balé Yesu òbó ám̀u. Anuméyín ótínéá bapó m̀u yówa!”

³ Móú Petro m̀wa m̀onyó bapó òkpa bapó opulákpá ínu. ⁴ Amó abanyó ámu fēé betsií ósrí, táme òlesrí sí Petro gyankpá yówie opulákpá ínu. ⁵ Bréá olobun kí ntsán ám̀u, olowun ání òhráda ámu kpán dá, táme omēbitíwíe mótó. ⁶ Simon Petro lóbato m̀u, òlòtsòn bítíwíe ntsán ám̀u, olowun òhráda am̀u da. ⁷ Olowun òhráda ám̀u baputó m̀u nwun ámu é, ilokuntá ida ífóntó. ⁸ Ókasípó amóú olegyankpá wíe ínu ámu é lébitíwíe mótó, wun òhráda ámu pó mó ám̀u baputó m̀u nwun ámu alí olohogyi. ⁹ Bré ám̀u, Bulu ason wanlíné amóú òlèblí òbēe, ilehián ání Yesu òbókusó tsú afúlitó ámu m̀akónyá wánkí amó. ¹⁰ Beyinkí yó wóyí.

Yesu Iwáwanlé Súná Magdalayintse Maria

(Mateo 28:9-10; Marko 16:9-11)

¹¹ Táme Maria lési òlú opulákpá ínu odesú. Bréá odesú a, olobun kí òbó ám̀u. ¹² Ínu olowun Bulu-abapó abanyó ání bowa atadiē futútúútú, butsie ótíné ám̀u bapó Yesu fúli tswí am̀u. Ókòlè tsie m̀u adianwun, ókòlè tsie ayabiasí.

¹³ Bēfité m̀u bēe, “Amó yín, nkálí igyi sù fudesú?”

Ólèlè mó ònó òbēe, “Balé mí Wíe náti. Mmēyín ótínéá bapó m̀u yótswi!”

¹⁴ Ólèblí tá á, òlèdamlí kí óma. Ókí a, Yesu líí m̀u óma, táme ómēbiá Yesu ní.

¹⁵ Yesu léfité m̀u òbēe, “Amó yín, nkálí ígyi sù fudesú? Ma fodedunká?”

M̀u mó ókí ání ndobii amóú agyómá óyapó ní. Mó sù òlèbláa Yesu òbēe, “Aní sí, ní fólatsú m̀u yótswi ótínéko á, suna mí, anyetsu m̀u natí.”

¹⁶ Yesu lókpólí m̀u òbēe, “Maria.”

Ólèdamlí kí, kpólí Yesu Hebri òblító òbēe, “Rabuni!” (Mó así gyí, “Osunápó.”)

¹⁷ Yesu lébláa m̀u òbēe, “Mápu íbì da m̀i, tsúfē mm̀akónyá yó ósúsó mí Sí wá. Mboun natí yebláa mí apíó ámu fēe, nòyó mí Sí ání ogyi m̀lì Sí wá. Nòyó mí Bulu ání ogyi m̀lì Bulu wá.”

¹⁸ Magdalayintse Maria léyebláa akasípó amó òbēe, “Nawun aní Wíe!” Ólèbláa amó asón ání Yesu lébláa m̀u.

Yesu Iwáwanlé Súná M̀u Akasípó

(Mateo 28:16-20; Marko 16:14-18; Luka 24:36-49)

¹⁹ Kwasiēda ámu ntópwe sù á, akasípó amó befiá. Befin obu wá iwí, tsúfē bode Yudafá ahande amó ifú nya. Ínu á, Yesu lébelí amó nsiné, òlèbláa amó òbēe, “Iwí ilwíí m̀lì.” ²⁰ Ólèbláa amó alí tá á, òbapó m̀u íbító pó m̀u abntó súná amó. Aní légyi amó, tsúfē bawun amó Wíe. ²¹ Yesu létrá bláa amó òbēe, “Iwí ilwíí m̀lì. Alí ám̀u mí Sí lawá mí ámu a, alí nde m̀lì wa ní.” ²² Ínu òlòlòn òhē fú wólí amóú, bláa amó òbēe, “M̀lìho òhē Wankíhé amó. ²³ Ní m̀lesí ahá lakpan kíe amó á, Bulu lasíkíe amó. Táme ní m̀l̀m̀ésíkíe amó á, Bulu m̀ésíkíe amó.”

Yesu Iwɔwanle Sɔnɔ Toma

²⁴ Brɛ́á Yesu léba a, amótó ɔkuleá botetí mu Toma, buteláti mu Tabí má nu. ²⁵ Mú su akasípó atráhe amu bebláa mu be, “Anlawun aní Wíe!”

Táme Toma lébláa amó ɔbé, “Ní mmakówun mu ibitɔ ndatobi nlo ámu, kpíe osrebi wá mótó, kpíe ibi wá mu abuntɔ ɔlo ámutɔ á, mmóhogyi ekekeke.”

²⁶ Nkekwe ɔma a, akasípó amu betrá fia obu ámutɔ. Alí eke ámu mó á, Toma bú amótó. Befin obu ámu, táme Yesu lébelí amó nsné, bláa amó ɔbé, “Iwí ilwíi mli.” ²⁷ Mú ɔlebláa Toma ɔbé, “Kí mí ibitɔ, kpíe osrebi wa nfi. Kpíe fú ibi wa mí abuntɔ. Si nwéen gyí, afuhogyi!”

²⁸ Toma léle mó ɔnó ɔbé, “Mí Wíe pó mí Bulu!”

²⁹ Yesu lébláa mu ɔbé, “Alí ámutó fawun mí ámu su fahogyi lóó? Ansí bégyi ahá ámutó bumɔpu amó ansibi wun, asa bohogyi amó!”

Tɔ́á Sɔ́á Bɔ́wanlín Ɔwɔlɔ Anfí

³⁰ Yesu létrá bwe osúna tsɔtsɔtsɔ mu akasípó amu ansító aní bumɔwanlín wá ɔwɔlɔ ánfítɔ. ³¹ Táme bawánlín íni, méni mlóhogyi aní Yesu gyí Bulu mu Bi Kristo amu. Asón ánfísu hógyi ɔbéha mlénya nkpa aní itamatá mu idátó ní.

21

Yesu Iwɔwanle Sɔnɔ Akasípó Abasiéno

¹ Iní ɔma a, Yesu létrá le iwɔ wan súná mu akasípó Tiberia ɔpu* ɔnó tsun ɔkpa ánfísu. ² Simon Petro mu a Toma aní buteláti mu Tabí, Nataniel, ɔtsú Kana wúluá ibi Galilea ɔmátó, Sebedeo abí ámu pó akasípó abanyó é befia. ³ Simon Petro lékla amó ɔbé, “Nɔyó ɔpusu yéle aye.”

Bebláa mu be, “Aní é abóbuo fu yó.” Iní su boyówie ɔkluntɔ náti. Táme betsiá ntsusu onyé ámu féé, bumanya tɔtɔ. ⁴ Brɛ́á ɔyí íbá beke a, bowun ɔku líi ɔpu amu ɔnó. Bumebi aní Yesu ní. ⁵ Mú Yesu léfité amó ɔbé, “Mí anyawíe, mlíménya tɔtɔ?”

Bele mó ɔnó be, “Ee!”

⁶ Yesu lébláa amó ɔbé, “Mlitswi asawu amu wa gyɔpɔsu fón, mléle aye.” Mó su ɔtswi wa nu. Aye labulá asawu amu, bumetalí bití mó lé.

⁷ Mú ɔkasípó amó Yesu tɛhié dwé ámu lébláa Petro ɔbé, “Aní Wíe Yesu ní!” Brɛ́á Petro lónu aní aní Wíe Yesu ní á, olotsu mu atadie mla iwí. (Tsúfé ɔlɔwɔi mu atadie tswi), olotu wíe ntsu ámutɔ gyuaa, ɔdepiti ɔyó Yesu wá. ⁸ Táme akasípó atráhe amó búbu ɔkluntɔ ámu bebítia asawu amó aklemeti búbu mó ámu ba ɔtsubúno, tsúfé buma ífɔ ɔpu ɔnó nu. Mó ífótó bóbwé fé ayabi lafasa (300). ⁹ Brɛ́á bowie ɔpu ɔnó á, bowun aní bawá agyawunu ogyá, bɔde iye tɔ mósú, bodobodo é da mó asi. ¹⁰ Mú Yesu lébláa amó ɔbé, “Mlile aklemeti amó mlilalé ámu ku ba.”

¹¹ Mó su Simon Petro léyinkí dú wíe ɔklon amotɔ, ɔleyébitia asawu amó aklemeti akpɔnkpɔnti búbu mó ámu ɔtswi ɔpu ɔnó. Aklemeti ámu bugyi lafakule aduenu-sa (153). Iníá butɔ ɔ á, asawu amu metiti. ¹² Yesu létí amó ɔbé, “Mlibegyi ató.” Amótó ɔkuku métalí wá klɔn fité mu ɔbé, “Ma fɔgyi?” Tsúfé bebi aní amó Wíe ní. ¹³ Yesu lótsu bodobodo amu há amó, olotsu aye amu é há amó.

¹⁴ Bulu lókúnsá Yesu tsú afúlitɔ ɔma a, íni gyí otse saasi aní ɔlele iwí ɔwan súná mu akasípó amu ní.

Yesu Mba Petro

¹⁵ Brɛ́á begyi nyanki atogyihe amu tá á, Yesu léfité Simon Petro ɔbé, “Yohane mu bi Simon, futɔdwé mí dun fú aba ánfí lóó?”

* 21:1 Botetráa ti mó Galilea ɔpu.

Petro léle mú onó obéé, “Ee, mí Wíé, foyin ání ntòdwé fú.”

Yesu lébláa mú obéé, “Kí mí akúfabi amúsu.” ¹⁶ Ọlètrá fité Petro otse nyọọsi obéé, “Yohane mú bi Simon, fọtòdwé mí?”

Petro léle mú onó obéé, “Ee, mí Wíé, foyin ání ntòdwé fú.”

Yesu lébláa mú obéé, “Kpa mí akúfa amú.” ¹⁷ Yesu léfité mú otse saasi obéé, “Yohane mú bi Simon, fọtòdwé mí lélé?”

Ilẹhan Petro, tsúfẹ otse saasi Yesu lafité mú obéé, “Fọtòdwé mí?” á. Mú su ọlẹle mú onó obéé, “Mí Wíé, fú onutó foyin tógyító. Yéé foyin ání ntehíé dwé fú!”

Yesu lébláa mú obéé, “Kí mí akúfa amúsu. ¹⁸ Ọnàkwálí nde mlí bláa. Bréá fúgyi ọyasubi á, fú onutó fọtetálí tsú fú atadiẹ híhíe iwí, kúsú yó ọtínegyíọtínéá fodeklé. Táme ní fòbwé oyin dehen a, fétinkí ibi, há ọkú obédídá fú ató, kpa fú ya ọtínéá fomedékle.” ¹⁹ (Yesu léblí asón ánfí, pòsúná ọkpa ání Petro ọbótson mú só wú pówá Bulu numnyam.) Inu ọlẹbláa Petro obéé, “Buo mí!”

Yesu Mva Ọkasípó Ọtehíé Dwé

²⁰ Petro lédamlí kí a, Yesu ọkasípó amóú ọtehíé dwé ámu buo amú. (Múgyí ọhá amóú oleyinkí kpísá Yesusu ntópwe ató ogyíkpa, fité mú obéé, “Owíé, ma obéle fú há?” ámu ní.) ²¹ Bréá Petro lówun mú a, ọlẹfité Yesu obéé, “Mí Wíé, nto obéba oyin ánfí ẹsú?”

²² Yesu léle mú onó obéé, “Ní ndeklé mbéé otsia nkpa yófún bréá néyinkí ba a, fú asón igyi? Fú mú buo mí wọle!”

²³ Asón ánfí ọlẹkléí wá Yesu abúọpọ amúto, ání alí ọkasípó amú mó móowu. Táme Yesu méblí obéé, omóowu. Blí ọlẹblí obéé, “Ní ndeklé mbéé, otsia nkpa yófún bréá néyinkí ba a, fú asón igyi?”

²⁴ Múgyí ọkasípóá olowun íni fẹé, ọbwanlín mó tswí ní. Aniyin ání mú asun blíhíé anfi igyi ọnàkwálí.

Ọnómọ

²⁵ Ató tsotsọtsọ itráa bu inuá Yesu lóbwe tsía ínító. Ní bọwanlín mó fẹé wá nwolótó ikule-kule a, teki bóméenya nwoló ámu ọyaíkpa ọsólúv anfisú. Natíí tá.

Sumbi Ayapó Amu Gyumagyihe

¹ Mí wíé Tiofilo,

Mí Luka dé ɔwóló ánfí wanlín sísí fú. Mí ɔwóló gyankpapu amoto á, nɔwanlín Yesu ato bwehé pú mu atosunáhé fée; tsú bréá olefi mu agyómá así, ² bɔfon ekeá Bulu lótsu mu ya ɔsósú. Asa Bulu lótsu mu náti á, ɔlɔtsun Ɔhe Wankíhé túmito bláa ahá ámóú ɔlele ɔbéé, bɔbwéé mu sumbí ayapó amu tóá bɔbwéé. ³ Mu iwɔtsun wúun pú mu lowu ɔma a, oletsíá lé iwɔ ɔwan ɔkpa ɔtsan-ɔtsansu súná amó, pósúná ání lélé ɔtsie nkpa nke adwana ání ɔlɔlatsíá ɔsólóú fée; ɔde Bulu iwíegýí iwɔ asón blí. ⁴ Bré ková mua amónyɔ befia a, ɔleda amó ɔlá ɔbéé, “Mlímánatí Yerusalem. Mlitsia inu gyo mí Sí atokiehé ámóú ɔlehie yáí ɔbéé méha mli, nɛbláa mli mó iwɔ asón amu. ⁵ Asú Ɔbapó Yohane lópu ntsu bó ahá asú, táme nke kútúklú ku ɔma a, Bulu ɔbópu Ɔhe Wankíhé amu bó mli asú.”

Yesu Ɔsósú Yɔ

⁶ Mú su bréá mua amónyɔ belafia a, befité mu beé, “Aní Wíé, bré ánfito féyinkía iwíegýí amu há Israelfo ní?”

⁷ Yesu lébláa amó ɔbéé, “Imehían ání mlébi nke ntée bréá mí Sí nkole lahié mu onutó túmito. ⁸ Mbóun ní Ɔhe Wankíhé amu owíe mlito á, mlénya túmi tálí gyi mí iwɔ adánsie tsú Yerusalem wúluto, Yudea pú Samaria ɔmátó fée yófon ɔyi ɔka.” ⁹ Bréá ɔleblí asón ánfí tá á, amó ansító inu Bulu lótsu mu ya ɔsósú, ɔɔfwí wíé nwlólótáato.

¹⁰ Besi bode nwlólótáa kí alu. Belákí a, ayin abanyó aková bowa atadie futútú lí amó wá á. ¹¹ Ayin ámu befité amó beé, “Oo Galileafó ayin, ntɔ mlidékú nwlólótáasú alí? Alí ánfí mlawun Bulu latsú Yesu ɔya ɔsósú ánfí á, alí kén obéyinkía mu ba ní.”

Matias Yuda Otsiákpá Tsia (Mateo 27:3-10)

¹² Inu beyinkí kplí tsú Nfɔ-nyíbu ámuvsu* ba Yerusalem. Ɔkpa ámu ibóbwe máli fon. ¹³ Bowie wúluto á, bodu yó abansórotɔ, ɔtíné ámóú butsie yáí ámu. Sumbí ayapóá bɔyɔ inu gyí: Petro, Yohane, Yakobo mua Andrea, Filipo mua Toma, Bartolomeo mua Mateo, Alfeo mu bi Yakobo, Simon ání ogyi iwɔtsíá adunkápó ɔpasuato ɔha pú oyin ɔková botetí mu Yakobo mu bi Yuda. ¹⁴ Ahá ání betrá du yó inu gyí, atsi ako, Yesu mu yin Maria pú Yesu apió. Ahá ánfí fée létsíá bwé ikole bó mpái.

¹⁵ Nke ámóú á, ahógyipu bóbwe fé lafakole-adwanyɔ (120) befia. Inu Petro lókusó lí amó nsiné bláa amó ɔbéé, ¹⁶ “Mí apió ahógyipu, Ɔhe Wankíhé asón ámóú ɔleblí tsun Owíe Dawidsu, ibu Bulu asun wanlínhé amoto, tsú Yuda Iskariot ámóú ɔlekpa ahá beyékítá Yesu iwɔ ámu ilaba móú. ¹⁷ Yuda Iskariot ánfí létsíá anito. Ania mɔnyɔ lóyɔ osum agyómá ánfí.”

¹⁸ Yuda lópu mu lalaha ání ɔlbwe iká beka mu yóhɔ ɔsólóú ku. Ɔlekpa tsú ɔsósú beda ɔsólóú amovsu po, mu ipu lefa po, mu mpúni é lefen dalí wɔrɔdɔ. ¹⁹ Ɔhagyíɔha ání ɔbu Yerusalem lónu asón ánfí. Bedunká ɔsólóú amu dá amó ɔblító beé, “Hakeldama.” Mú así gyí, “Ɔsólóúá obugya lawólí móú.”

²⁰ Petro lóyɔ mu asónsú ɔbéé, “Tsúfé bɔwanlín wá Israelfo ibu ɔwóló ámóú beé, ‘Mu wóyí idí kpan.

* **1:12** Nfɔ-nyíbu igyi obubwí ková ibo mantáa Yerusalem, botetí mó Olifbu.

Ḑhaa mátsiá mótó.’
 Betrá wanlín tswi bæe,
 ‘Ḑha bambá otsia mu otsiákpá.’

²¹⁻²² “Mú sɔ ilehian áni ɔku ɔbɛtsa anɪ Yesu afúlitokosú áni iwa adánsɛ gyí. Ilehian áni ɔhá ámu obótsu ayin ámuú betsia anito bré ámuú anulóbuo anɪ Wie Yesu, náti kí ntíné-ntíné amuto. Ḑhá áni olobuo anɪ tsú bréá Asú Ḑbɔpú Yohane lébli asubɔ asón alu bɔfɔn eke ámuú Bulu lótsu Yesu ya ɔsósú sí anɪ ámu.”

²³ Inɪ sɔ bele ahá abanyó, bugyi Yosef áni butetí mu Barsaba, butetráa tɪ mu Yustus muá Matia. ²⁴ Múú bɔbɔ mpái bæe, “Anɪ Wie, fuyin dhagyísha klɔntɔ asón. Suna anɪ ahá ánfito ɔmuá falé, ²⁵ otsia Yuda ámuú alakíná agyómá áni, nyá mu isubúti ámu otsiákpá, ɔyɔ fú osum agyómá ámu.” ²⁶ Múú bɛkapó ató ámu abanyó nwunschɔ. Ileyi Matiasɔ. Mú sɔ bɔpɔ mu wá sumbí ayɔpɔ dúakɔn ámu, belabwé dúanyɔ.

2

Ḑhe Wankíhé Ibáto

¹ Pentekoste Eke, igyi Israelfɔ atɔ pɔpwe ɔnɔ ɔdaké ámu lɔfɔn a, ahógyipu amɔ fɛé beba befia amó ofiakpa. ² Ḑtsáwule pé á, olú koá igyi fɛ afú kpɔnkpɔntɪ ilotsu ɔsósú bɔbulá wóyí ámuú bɔbɔ mótó ámu. ³ Inɔ bowun tɔkúá igyi fɛ ogya plenplen, ilehian ɔdandɔ. Uedasáin dínká amótó okugyíakɔsɔ. ⁴ Ḑhe Wankíhé lɔbulá okugyíakɔtɔ, ileha okugyíakɔ léfi asɪ ɔde ɔbli bámbá bli.

⁵ Bré ámuɔ á, Yudafɔá bɔtenyá Bulu ifú, bɔbɔ ndító fɛé baba bɔtsie Yerusalem. ⁶ Bréá ɔdom anfi bonu okitikiti amɔ a, bæsi befia mu. Amótó okugyíakɔ lónu mu wúluto ɔbli. Mú sɔ ɔnɔ lobwie amó. ⁷ Ilɔwa amó ifú, wá amó wánwan. Mú sɔ befité bæe, “Ahá áni bɔdetɔ á, megyí Galileafɔ són bɔgyi? ⁸ Mú nkáli ilɔbwe asa anidenuá bɔde anito okugyíakɔ wúluto ɔbli bli? ⁹ Anito aku atsú Partia, Media, Elam, Mesopotamia, Yudea, Kapadokia, Ponto, Asia, ¹⁰ Frigia, Pamfilia, Egipte ɔmátó pú Libia awúlu áni ibɔ mantáa Kirene wúluto. Aku é bɔtsú Roma wúluto, ¹¹ bɔgyi Yudafɔ pú amóá bomegyí Yudafɔ bawíe Yudafɔ Bulusúmltɔ aná fɛé bɔbɔ anito. Kretafɔ pú Arabifɔ é bɔbɔ anito. Táme anidenuá bɔde Bulu atɔ kpɔnkpɔntɪ áni alabwé bli anito okugyíakɔ ɔblitɔ.” ¹² Ah ámuú asón ámu ilobwie amó ɔnɔ ámu sɔ bɔbwe yɔɔ, sí bɔde amó aba fité bæe, “Ngya amansɔ é ní?”

¹³ Táme amótó aku bɔbwe ahógyipu amɔ ahinlá bæe, “Ntá banu bɔ.”

Petro Asóntóle Súná Ahá Ámu

¹⁴ Inɔ Petro muá mu aba dúakɔn ámu bɔkɔsú lí. Múú Petro lótsu ɔme fúá bláa ɔdom amɔ ɔbɛ, “Apíó aba Yudafɔ pú mlɪ fɛéá mlɪbɔ Yerusalem, mlɪhe yaa asɔ, anle asóntó suna mlɪ. ¹⁵ Mlɪmáki mlɪaa ahá áni babó, tsúfɛ ɔyí mɔkóke. Bréá dokwebá ladá ní. ¹⁶ Mboún asón áni laba nde áni Bulu ɔnɔsú ɔtɔipú Yoel lébli yáí ní. Ḑbɛ,

¹⁷ ‘Bulu ɔbɛ, “Nke tráhe amuto á,
 nɔpɔ mí Ḑhé wá anyánpósa fɛétó.

Mlɪ abɪ yinhé pú mlɪ abɪ tshé bébli asón áni nɔpɔwá amó ɔnɔ.

Mlɪ nyasubi bówun ató.

Mlɪ ayin dehen bókun nkude.

¹⁸ Nke ámuɔ á, nɔpɔ mí Ḑhé wá mí asúmpó
 atɪ móa ayin fɛétó.

Mú sɔ bébli asón áni nɔpɔwá amó ɔnɔ.

¹⁹ Nɔbwe ofúla nwulótáasɔ,
 bwé osúna ɔsulósɔ.

Ogyá, obugya pú ogyási tuun béba oyító.

20 Owí obéta apá.

Otsra é obépe koo fé obugya,

asa aní Wíe numnyam eke kpɔ̀nkpɔ̀nti ámu ibòfon.

21 Ibéba aní ohagyioha aní okpóli aní Wíe a, obéha mu obénya nkpa.” ’ ’

22 Petro lýo mósú obéé, “Mí apíó Israelfo, mliyaa asu amlinu asón anfi. Bulu lóbwe ofúla móa ató kpɔ̀nkpɔ̀nti pú osúna tsotsòtsò tson Yesu Nasaretyin amosu, pòsúná aní mlówa mu. Mli féé mlíwun mó, tsúfé mli ansísú iní féé leba. 23 Igyi tóá Bulu yin yáí dodo, igyi mu apé aní béle Yesu há mli. Mlíléha ahá aní botamagyi mblasso beda mu mántá oyikpalihesu, mó mu. 24 Táme Bulu léle mu lowu sínsínsintó, kósóa mu tsú afúlitó. Tsúfé lowu méetalí gyi musu, osin afúlitó. 25 Iní só Owíe Dawid lébli mu iwí asón obéé, ‘Brégyibré á, ntowun aní Wíe mí ansísó.

Tsúfé olí mí gyopisu, su tótó móowa mí ifú.

26 Mó su ansí tegyi mí,
ntótóí ansigyísó.

Nyankpɔ̀sa ngyi. Lowu da gyo mí,
táme nde Bulu okpa kí.

27 Tsúfé fuméesi mí okláa wá afúlitó.

Fumécha mí fò osúmpó wankíhé mmóopló.

28 Fólósuná mí okpa aní ntsòun mósó, mí anya nkpa aní itamatá.

Ní fóbó mí wá á, ansí bégyi mí ekekegyíeke.”

29 Petro létra bláa amó obéé, “Mí apíó Israelfo, mbóa hie bla mli amlinu. Aní náin Owíe Dawid lówu, bopolá mu. Bótu nde mu ntsán da aní wá nfi. 30 Bulu ósós ótápó ogyi, oyin aní ntam aní Bulu léka há mu béba mótó. Bulu léka ntam há mu obéé, méha mu natina oku obétsiá mu obiásó eke kó. 31 Iníá aní náin Owíe Dawid lówuun mó yáí su á, olótóí tsú Kristo, (ohá amóú Bulu ladá mu ofúli amu) kusó tsú afúlitó iwí obéé,
‘Bulu méesi mu wá afúlitó.

Mó su mu oyulóu móopló.’ ”

32 Petro lýo mósú obéé, “Yesu gyi ohá aní Bulu lókusóa tsu afúlitó, aní féé angyi mó adansífo. 33 Bulu lótsu Yesu ya ósós, há mu otsiákpá yilé mu gyopisu. Aní Sí Bulu lópo Oye Wankíhé aní ólehie yáí obéé, mópohá mu ahógyipu há mu. Oyé ámu Yesu lapóhá aní á. Mó gyumagyihe mlidéwúun, mlidénu á. 34 Megyi Owíe Dawid Bulu lótsu ya ósós, táme mulébli yáí obéé,

‘Aní Wíe Bulu lébláa mí Wíe obéé,

Tsia mí gyopisu,

35 yòfon bréá nòpo fò alupó bwé fò ayabi oyíkpa.’ ”

36 “Mó su mli Israelfo féé mlinu. Ibo mótóá mliléda Yesu mántá oyikpalihesu. Táme mlihe bi aní Bulu ladá mu ofúli, bwé mu Kristo pú aní Wíe.”

37 Bréá Israelfo ámu bonu asón anfi á, ílehie han amó. Mó su befité Petro mua mu aba sumbí ayopó atráhe amu bee, “Apíó, ntó abwéé?”

38 Móú Petro léle mó ónó obéé, “Mlító okugyíokú ódámli kluntó, abo mli asú Yesu Kristo dátó, méni Bulu obési mli lakpan kíé mli, há mli Oye Wankíhé amu.

39 Tsúfé mliha mli abí-aná pú ahá aní bóbó tsútsúútsú aní Bulu obéti féé ólehie Oye Wankíhé anfi há.”

40 Petro lébli asón tsotsòtsò, pótóí kplá amó obéé, “Mlihe mli iwí tsu ndemba-abí laláhe anfitó.” 41 Amótó ahá tsotsòtsò bòho Petro asón ámu. Mó su bóbó amó asú. Eke ámu a, ahá bóbwe fé mpim-sa (3,000) betsiá ahógyipu amoto.

42 Ahógyipw amw bele ansi kítá sumbí ayəpó ámw atosunáhé, amó ikolebwe tógyítótó, əpasua ámwəto atogyihəto yéé pó mpáibətó.

Ahógyipw Amw Tsidtó

43 Sumbi ayəpó ámw bəbwe ofúla pó osúna tsətsətsə, ənó lobwie əhagyíəha.

44 Ahógyipw amw fée bəbwe tógyító kwə. Betsiá ye amó ató há aba. 45 Betsiá fē amó ató, ye kóba áni benyato há amótó okugyiákwá əma. 46 Amó fée betsiá fia Bulu ətswékpa wunsínésú ekekegyíeke. Bəpə amó kləntə-ədwə tsiá gyi ató əpasuato amó aba wóyító. 47 Betsiá kánfú Bulu, ahá fée bekle amó asón, aní Wíe Bulu létsiá pó ahá áni ədele betsiá amótó ekekegyíeke.

3

Petro Mwa Yohane Ibo Əkw Tsə

1 Eke əkw ntópwe dəsato mpáibə bré á, Petro mwa Yohane bəyə Bulu ətswékpa amw wunsínésú. 2 Oyin əkwá bəkwíi mw ɪbo tetsiá Bulu ətswékpa amw əkpa ənó kwá bətətí mó “Əkpa ənó Wankláán.” Ahá bətotsú mw ba bəyai ɪwə ekekegyíeke, ətokóli ahá áni bówie Ətswékpa ɪwə kóba. 3 Bréá ɪbo amw lówun áni Petro mwa Yohane bədebitíwíe Ətswékpa ɪwə á, əkwəli amó kóba. 4 Petro mwa Yohane besi líi bəde mw kí díin. Mú Petro lébláa mw əbée, “Fú mó ki aní wəle.” 5 ɪbo amw ki əbée, bəhá mw təkə. Mú sw olotsu ansi fúá əde amó kí. 6 Táme Petro lébláa mw əbée, “Mma sika futútú ntée pépe, táme néha fú tóá mw. Kəsw ɪi, afənatí Yesu Kristo Nasaretyin amw dátó!” 7 ɪwə Petro lékitá mw gyəpí bi, tsú mw líi, ɪwəw əwənlín lowie mw ayabi pó mw ntsəkpátó. 8 Olofulí kpáyí ətsáwəle pé, wá natí bi. Mú sw əlekplá buo Petro aná wíe Bulu ətswékpa wunsínésú ɪwə; əna odefulí kpáyí; əde Bulu kánfú. 9 Ahá áni bəbə ɪwə fée bowun mw áni əna əde Bulu kánfú. 10 Mú sw bréá ɪbəwankí amó áni ɪbo amó otetsiá Əkpa Ənó Wankláán ɪwə kóli ató ámw nɪ á, ɪəwa amó wánwan, bwié amó ənó.

Petro Tsi Bulu Ətswékpa Wunsínésú

11 Oyin ámw pú Petro mwa Yohane kinkíinkín Bulu ətswékpa wunsínésú, ətnekwá bətətí ɪwə Salomo Abrándaaśú. Mw ɪətsa ləwa amó wánwan. Mú sw besrí ba amó wá ɪwə. 12 Bréá Petro lówun amó á, əlefíté amó əbée, “Mí apíó Israelfə, ntogyi só asón ənfi lawá mli wánwan alí? Ntogyi só mliłaba mliłé aní kí alí? Mlíki mliəa, aní onutó túmi ntée aní Bulusúm wankláán láhá sw oyin ənfi lakósú əna? 13 Bulu ámwó aní anáin Abraham, Isak pó Yakob bosúm ámw ləwa mw osúmpó Yesu numnyam. Táme mliłəpə mw há mliəa bəmó mw. Mliłékiná əhá ənfi təkí Pilato ləbwe agywun áni mési mw ənatí ənfi. 14 Mliłékiná Əha Wankihé pó Yilé Əwəpó ənfiá bəwanlín mw ɪwə asón wá Bulu asón əwolótó anfi, bláa Pilato mliəa, osii ahá əmpəpó ámw mboún ha mli. 15 Mliłéha bəmə nkpa əhapú ənfi, táme Bulu ləkwsəba mw tsú afúlitə. Anugyi mó ɪwə adansífə ní. 16 Yesu túmi láhá ɪbo ənfi mlyin yáí, mliłéki anfi ɪwə lawá mw ənlín. Aní Yesu hógyi látsá mw, mli fée mliłéwúun a.

17 “ɪni sw mí apíó, nyin áni mábí léha mliəa mli əhande mliłəpə ɪni fée gyi Yesu. 18 Táme a, Bulu lébli tsəw mw ənósú atəipó amw féesú yáí əbée, ‘Kristo, (əhá ámwó neda mw ofúli amó) obówun ɪwəwsin.’ Mú sw əleha ɪleba alí ní. 19 Mú sw mliłəmlí kləntə, əmlyinkí ba Bulu wá, məní obəsi mli lakpan fée kíe mli, wá mli əwənlín pəpwe, 20 lápó Yesu sísi mli. Mw Bulu léda ofúli yáí há mli ní. 21 ɪlehián áni Yesu obetsiá əsósú ɪwə yəfəw bréá Bulu əbəla tógyító bwe, fē alíə əleha mw ənósú atəipó wankihé amw bebli tsəw. 22 Aní náin Mose lébli əbée, ‘Mli Wíe Bulu əbəha mw ənósú atəipó əkwá ogyi fē mí əbədəli tsú mliłə há mli. Mli gyi

mu ason blihé féesó. ²³ Ohagyióha áni omobu onósó otóipó anfi á, Bulu obéle mu lé mu ahátó, mó mu.’

²⁴ “Tsú Samuelso á, Bulu onósó atóipóá beba fée bótói tsú asón ánfí idebá nke ánfító iwí. ²⁵ Mligyí Bulu onósó atóipó amu abí-aná. Mlibó itó ámóó Bulu léhie yáí há aní anáin amu. Tsúfée Bulu lébláa Abraham obéé, ‘Nótson fú abí-anásó yúlá oyító ahá fée.’ ²⁶ Iní só bréá Bulu léle mu osúmpó Yesu a, olegyankpá pó mu sísí mli Israelfo, obéé obóyulá mli, amlisi lakpan bwe ní.”

4

Petro Mva Yohane Onóle Yudafó Asón Ogyikpá

¹ Bréá Petro mva Yohane bubu mósó budetóí kplá ahá ámu a, Bulu igyí ahapó móa Bulu otswékpa agyópu ohande pú Sadukifó akú beba bətu amó. ² Obłs lekítá ahande anfi. Tsúfée sumbí ayópó ámu bude ahá ámu ató suná beé, Yesu lawú kósó tsú afúlitó. Mó su wukósó bu inu há ohagyióha. ³ Ahande amu bekítá Petro mva Yohane. Owí deta su bəpu amó yówa obu yéha oyi kehe. ⁴ Táme ahá ámóó bonu amó atosunáhé amoto ahá tsətsəotso bohogyi, bətsiá ahógyipu amoto. Mó su ahógyipu amoto ayin bəbwe fé mpím-nu (5,000).

⁵ Oyi kehe nyanki a, Yudafó awíe, amó ahande pú Mose mbla asunápó beba befia Yerusalem. ⁶ Ahá ánfí pú ahande áni befia asón ámu asi gyí; Bulu igyí ahapó dehen Hana, mu wóyító ahande Kaiafa, Yohane, Aleksandro pú wóyí ámuto ahá fée. ⁷ Beha bəpu Petro mva Yohane belí amó ansító, befíté amó beé, “Ma túmitó ntée ma dátó mlilétsa oyin ánfí?”

⁸ Inu á, Oje Wankíhé ləbulá Petroto. Mó su ileha mu túmi əlebláa Yudafó awíe pú amó ahande amu obéé, ⁹ “Nde mó mliđe aní fité tóá swá anlawá awítóle há ibo anfi, tsá mu ɔ? ¹⁰ Mómó tsú nde mliha Israelfo fée mlibí áni Yesu Kristo, Nasaretyin amu túmi pú mó dátó oyin ánfí ólú mli ansító ánfí lanyá ɔtsá. Mugyí ohá ámóó mliđe mántá oyikpalíhesu mó mu asa Bulu ləkwósa mu tsú afúlitó ámu ní. ¹¹ Yesu anfi iwí asón bəwanlín wá Bulu asón ámuto beé, ‘Ibwi ámóó mli obu ayípu mlilékiná ámu ləbəbwe okonkísəbwi ní.’

¹² Yesu anfi nkole pé gyí ohá áni Bulu ləpohá aní oyi ánfító obéé, atsóun musu nya nkpa. Ohaa trá əma inwá ədon mu.”

¹³ Inwá Yudafó ahande amu buyin áni Petro mva Yohane bəməkókási əwóló kí, táme ifú medé amó su á, onó lobwie amó. Iəwankí amó áni babuo Yesu kí. ¹⁴ Ahande amu bumenya aswansu blí. Tsúfée bowun áni ibo amóó alanyá ɔtsá ámu lí Petro mva Yohane wá. ¹⁵ Mó su bebláa Petro aná beé, budáli asón ogyikpá inu kpalobí, abukita agywun. Móó ahande amu befíté aba beé, ¹⁶ “Nkálí abəbwe ahá ánfí? Ohagyióha labí Yerusalem wúluto áni amó labwé osúna kpənkpəntí ánfí. Anuméetalí gyi mó nwéen. ¹⁷ Táme alíá ibəbwe asón ánfí méeetrá klei á, mliha ada amó olá kinkíinkín aníaa bəmátra bláa ohaa aswansu Yesu dátó ɛ.”

¹⁸ Inu belatí Petro mva Yohane ba obuto inu, beba amó olá beé, bəmátra bláa ohaa asongyiasón ntée suná ató Yesu dátó ekekekeke. ¹⁹ Móó Petro mva Yohane bebláa amó beé, “Mli onutó mliki. Məmnu bu alé Bulu ansító, áni abónu mli asón lóó, ntée Bulu klé? ²⁰ Tsúfée aní mó anuméetalí sí tsá anlawun pú asón áni anlanú blí.” ²¹ Bəmetalí bíti amó isu, tsúfée ahá ámu fée bude Bulu kanfó ofúla kpənkpəntí ámóó alabwé ámu su. Mó su ahande amu bətrá da amó olá kinkíinkín, besi amó benatí. ²² Oyin ámu ɔtsá lówa ifú, tsúfée alahə don nfi adəana (40) alí bré ámuto.

Ahógyipu Amu Ató Kulíhé

²³ Yudafó ahande amu benya sí amó alí, Petro mva Yohane beyinkí ba amó aba ahógyipu amu wá. Bebláa amó asón ání Bulu igyi ahapó dehen pó Yudafó ahande amu beblí fée. ²⁴ Bréá ahógyipu amu bonu asón ámu a, amó fée bapweme kole kóli Bulu bee, “Aní Wíe Bulu Otúmípu, fólóbwe osó fóbwe asi, opu móa ntsu pó mótó ató fée. ²⁵ Fótson Ōhe Wankíhésu há aní náin Dawid, ogyi fú osúmpó lébli obée,

‘Ntogyi só omá-omá banyá oblé?

Ntogyi só ahá fée babwé agywun kuku kpaali?

²⁶ Ōsulósu awíe badídá ató.

Wúlu ahande batí aba fia,

kítá agywun laláhe aní Wíe Bulu mva Kristo, (ohá amóú oleda mu ofúli amusu.’”

²⁷ Petro lýo mu asónsú obée, “Lélé á, asón ání laba mótó. Owíe Herode mva Pontio Pilatoá bomegyi Yudafó pó Israelfó babwé kole wúlu anfitó, kósú líí Yesusu. Mogyí fú osúmpó wankíhéá feda mu ofúli ní. ²⁸ Táme bomebí aní tsá felihié yaí fee íbéba mótó fú apé pó fú túmitó dodo babwé á. ²⁹ Aní Wíe Bulu, kí alá baká anusu, afokpa fú asúmpó, méní abétalí blí fú asón ámu, anuménya ifú. ³⁰ Tsa ahá íbó fú túmitó, afóha abwe ofúla pó osúna fú osúmpó wankíhé Yesu dátó.”

³¹ Bréá bóbó mpái ání tá á, amó ofiakpa inu fée ílókpinkí. Ōhe Wankíhé lóbulá amótó. Mú su bowa klón dá Bulu asón ámu okan.

Ahógyipu Amu Atótó Yée

³² Ahógyipu amu fée bapu klón kole móa agywun kole tsía. Ōkoku mébli obée tsá mbu igyi mu ní kole klé. Mbouín okugyíókó ató lóbwe amó fée klé. ³³ Sumbí ayópó ámu bapu túmí kpónkpónkpónntí gyi aní Wíe Yesu íwí adánsíe bee, Bulu lakósóa mu tsú afúlitó. Bulu léhie wá awítale há ahógyipu amu fée. ³⁴ Amótó okoku mégyi ohian, tsúfé amóá bubu osulósu pó wóyí betsiá fē mú, pó mú onó kóba ba ³⁵ sumbí ayópó ámu, betsiá ye mó há ohagyíoha alá ílehián mu.

³⁶⁻³⁷ Mú su alí kén Lewiyin okwá butetí mu Yosef léfe osulósu, oapu kóba amu ba sumbí ayópó ámu ní. Yosef ání otsú Kipro omátó, sumbí ayópó beha mu ídá Barnaba, (mú asi gyí, “Ahá ateto-onlín owapó.”)

5

Anania Mva Safira

¹ Inu oyin okwá butetí mu Anania mva mu ka Safira é befe amó siadie ku.

² Táme Anania léle kóba amu ku njáin, mu ka é yin mó íwí. Ōapu kóba amu tráhe ba sumbí ayópó ámu. ³ Mú Petro léfité mu obée, “Anania, ntogyi só fahá Ōbunsám lagyi fusu, fapó kóba amóú fenyá ámu ku njáin, bowa afunu suná Ōhe Wankíhé? ⁴ Fóbó fú osulósu asa fefe mó. Iníá fefe mó é á, fóbó fú kóba. Ntó láhan fu só fabwé itáá igyi alí? Bulu fawá afunu súná o, megyi anyánkpósa.” ⁵ Anania lénya nú asón ání alí á, oletin da wú. Mú su ifú lehie kítá ahá ání bonu asón ání fée. ⁶ Inu nyasubi aku bókósó tsú tati kíklí mu íwí, tsú mu yópulá.

⁷ Ilegyi fē donhwírí asa oma asa mu ka Safira é lóbowie inu. Alí bré ámu to á, omeyín tsá ílaba mu kulusu. ⁸ Petro léfité mu obée, “Safira, bla mi. Kóba ání gyí tsá fúa fú kulu mlilénya bréá mliléfe osulósu amu ní?”

Safira léle mó onó obée, “Ee, alí anilénya ní.”

⁹ Mú su Petro léfité mu obée, “Ntogyi so fúa fú kulu mlílabwé onó-ókole mlíaa mlósó Aní Wíe Ōhe kí? Kí, nyasubi ání bayópulá fú kulu yínkí lawíé obu-onó inu á. Bósorá fú é ya.” ¹⁰ Inu su otsí ámu é létin da Petro ayabitó inu wú. Bréá

nyasubi ámu bobowie inu á, bowun áni Safira é lawú, su botsu mu yópulá mu mantáa mu kulu. ¹¹ Ifú lehie wíe ɔpasua ámu pú ahá áni bonu asón áni féeótó.

Sumbi Ayɔpó Amu Ofúla Pó Osúna Bwe

¹² Bulu lótsɔn sumbí ayɔpó ámu su bwe ofúla pó osúna tsɔtsɔtsɔ wúlu amúto. Ahógyipu amu fée bɔbwe kole tsíá fia ɔtnekvá botetí inu Salomo Abrándaásó. ¹³ Ahá áni bomegyí ahógyipu kóráá beti ahógyipu amu idayilé. Táme ɔkoku mɔbwe agywun ɔbée, mébetsiá ahógyipu amúto. ¹⁴ Igyi alí óó á, atsi múa ayin tsɔtsɔtsɔ bɔhɔ aní Wíe Yesu gyi. Bulu létsiá pú amó tsia ahógyipu amúto. ¹⁵ Sumbi ayɔpó ámu ofúlábwe su wúlu amúto ahá betsiá tsú amó alɔpu ba brɔnusu, beyai nklan tswi pú amó tswi mósú. Fówun ní Petro ɔbá bɔtsɔn inu á, mu yiýi bówulí amósú. ¹⁶ Ɔɔm áni botsú awúluá ibu bomlí Yerusalemtɔ é bɔpu amó alɔpu pú ahá áni ɔhe laláhe dé amó háan ba, sumbí ayɔpó ámu betsa amó ɔ.

Sumbi Ayɔpó Amu Lu

¹⁷ Sumbi ayɔpó ámu inu lówa Bulu igyí ɔhapó dehen amu mva mu aba áni bɔbu Saduki ɔpasuato olu. ¹⁸ Inu su bekítá sumbí ayɔpó ámu wá obu. ¹⁹ Táme onyé, Bulu-ɔbɔpu ɔku léba befinkí obu ámu, kpá sumbí ayɔpó ámu dáli. ²⁰ Bulu-ɔbɔpu amu lébláa amó ɔbée, “Mliyo amliyelí Bulu ɔswékpa wunsinésú inu, amlibla ahá nkpa pɔpwe amu inu asón fée.” ²¹ Sumbi ayɔpó ámu begyi Bulu-ɔbɔpu amu asónsú. Mú su benatí yó wunsinésú inu bake, bude ahá ató suná.

Ɔma-ɔma a, Bulu igyí ɔhapó dehen amu létí Yudafɔ asón agyípu amu fée fia. Mú bowa abí bee buyéle sumbí ayɔpó ámu ba. ²² Táme bɔyo á, sumbí ayɔpó ámu buma inu. Inu su beyinkí bebláa ahande amu bee, ²³ “Anlɔyo inu á, anlówun áni aklɔn amu fin wankláán. Obu adípósú akípu amu bulí bude aklɔn amu ɔnó gyo. Táme bréá aniléfinkí aklɔn amu a, animówun ɔhaa obu ámu.” ²⁴ Bulu ɔswékpa agyópu ɔhande mva Bulu igyí ahapó dehen amu bonu asón áni a, bɔbwe yɔɔ, sí bude asón áni íbéba mú ɔma gywín. ²⁵ Inu ɔha ɔku lébebláa amó ɔbée, “Mliki, ahá amó mliłwa obu ámu bulí Bulu ɔswékpa wunsinésú inu, bude ahá ató suná.” ²⁶ Mú su Bulu ɔswékpa agyópu ɔhande amu mva mu aba bɔyo yékpa sumbí ayɔpó ámu ba. Bekpa amó díin pú amó ba, tsúfé benya ifú áni ní bɔpú ibi da amó á, ahá bédá amó abwi.

²⁷ Bɔpu amó ba belí Yudafɔ asón agyípu amu ansító. Mú Bulu igyí ɔhapó dehen amu léfité amó ɔbée, ²⁸ “Anuméda mli ɔlá aniaa, mli mátrá ti oyin áni dá súná ató? Táme mliki t́á mliłabwé. Mliłahá mli atosunáhé labólá Yerusalemu wúluto fée. Mli dékléá młɔpu mu lowu sórá aní.”

²⁹ Petro mva sumbí ayɔpó atráhe amu bele mú ɔnó bee, “Bulu asónsú lehían áni abégyi, megyí anyánkpósa. ³⁰ Mliłéda Yesu mántá oyikpalíhesu mú mu. Táme aní anáin Bulu lókusóa mu tsú afúlitó. ³¹ Olotsu mu ya ɔsósó, pú mu yéyái mu gyɔpɔsu, bwe mu ahá Ɔkpapó pú Nkpa Ɔhɔpu. Fówun ɔkpa idi ha Israelfɔ abudamli klontɔ, Bulu osi amó lakpan kie amó. ³² Anigyí alí asón áni inu adansífo ní. Ɔhe Wankíhé amó Bulu lópu kíé ahá áni btegyi mu asónsú amu é dé mú inu adansie gyí.”

³³ Bréá Yudafɔ ahande amu bonu asón áni á, ɔłwa amó ɔbló. Mú su bɔbwe agywun bee, bómɔ sumbí ayɔpó ámu. ³⁴ Táme Yudafɔ ahande amúto ɔkúá gyi Farisiyin, mu dá gyí Gamaliel, gyi Mose mbla osunápó áni ahá fée bɔtobú mu lókusó lí, bí ɔbée bɔkpá sumbí ayɔpó ámu dáli kpalobí. ³⁵ Inu ɔlebláa Yudafɔ ahande amu ɔbée, “Israelfɔ ayin, mliki wankláán itó áni mliáa młɔpu gyi ahá áni inu. ³⁶ Mlikaun áni bré kutɔ á, oyin ɔkúá botetí mu Teuda létsiá. Ɔłbwe mu inu fé ɔha kpɔnkpɔnti ɔku. Mú su ahá bɔbwe fé lafana (400) són bobuo mu.

Táme bəmə mu, mu abúopu fée bedasáin, mu bwəhé é fée lowie ntsu. ³⁷ Mu əma a, Yuda ání ogyi Galileayin é léba aháklábi. Mu é əlekpa ədəm buo iwı. Táme bəmə mu, mu abúopu amu fée bedasáin. ³⁸ Mú su nde mli bláa mbée, mlısi ahá ánfı. Mlumápu ibı da amó. Tsúfə ní itsú anyánkpośa wá á, mó fée íbēba bətsən. ³⁹ Táme ní itsú Bulu wá á, mlıméetalı ká amó itin. Mú su mlımábwe amó tətə, méni mśəbwe fə mliha Bulunyo mlıdēka.”

Yudafə ahande amu bətsulá dínká Gamaliel asón ánfısu. ⁴⁰ Inu beha beı sumbí ayəpú ámu ba obuto inu. Beha bənwen amó atə, bēda amó əlá bēe, bumátra tı Yesu dá súná atə ekekekeke, besi amó benatı. ⁴¹ Bréa sumbí ayəpú ámu bēdali Yudafə asón ogyıkpa inu bəyó á, ansı de amó gyı. Tsúfə Bulu lahá amó é bawun iwıəsun su. ⁴² Sumbı ayəpú ámu bətsıá súná atə ekekegyıkeke, dá Bulu asən wankláán ámu əkan Bulu ətswékpa inu pú wóyıgyıwóyıtə bēe, Yesu gyı Kristo, (əhá amóú Bulu ladá mu ofúli amu).

6

Ɔnó Alı́pú Abasténó Le

¹ Bréa akasıpú amu bēba bədekleı á, itré leda Yudafə Griiki ablıpú amóú bətebli Hebrı əbli amu nsuné. Griiki ablıpú amu bēe, ekekegyıkeke, ní bəde atə yée a, bətamahá Griikifə asrapu amu. ² Mú su sumbí ayəpú dúanyo ámu beı ahógyıpu amu fée fia, bláa amó bēe, “Ima aléá abəsi Bulu asón əkanda bətsıá ye atə. ³ Inı su apıó, mlıkı mlıtə amlıle ahá abasıénó ání obú bu amóśú, Ɔge Wankıhé mba nyansa itsə amótə. Fówun apu amó lu atótə yée ənś, ⁴ méni anı é abéle ansı kı mpáibə pú Bulu asón ámu əkanda.”

⁵ Ansı legı ahógyıpu amu fée asón ánfı iwı. Mú su beıe oyin əkwá mu hógyı ənś bu ənlun, Ɔge Wankıhé é itsə mətə, bətetı mu Stefano muə Filipo, Prokoro, Nikanor, Timon, Parmena pú Nikolao, ogyi Griikiyin əkwá otsú Antiokia asa alawıé Yudafə osúmtə. ⁶ Bəpu ahá ánfı bosuná sumbí ayəpú ámu, sumbí ayəpú ámu é bəpu ibı dínká amóśú, bə mpáı há amó.

⁷ Inı su Bulu asón ámu lekłéı, akasıpú amu bomonı Yerusalem. Bulu igyı əhapú ámu óó tsətsəətsə bəhə Yesu asón ámu.

Stefano Kıtá

⁸ Bulu lówa awıtəle há Stefano túmi kənkəənkəntı. Mú su ələbwe ofúla pú osúna akənkəntı əmá ámətə. ⁹ Táme aku bəkusó líı muśu. Ahá ánfı bətsú ofıakpa kwá bətetı mú “Nkpábiá Bahə Iwıətsıá.” Amó aku bəgyı Yudafəá bətsú Kirene pú Aleksandria awúlusu. Aku é bətsú Kilikia pú Asia əmátə. ¹⁰ Táme Ɔge Wankıhé léha Stefano nyansa ələpətəı. Mú su bəmetalı gyı mu nwéen. ¹¹ Inı su beha aku ənś bēe bəbli bēe, bonu ání Stefano dətəı wə Mose muə Bulu. ¹² Inı léha ahá ání bəbu inu pú Yudafə ahande pú Mose mbla asunápú amu benya əblə Stefanosu. Inu benatı yótə mu, kıtá mu, kpá mu ya Yudafə Asón Agyıpú amu ansıtə. ¹³ Belahá aku bəwa afunu dínká muśu bēe, “Oyin ánfı tətəı wə Bulu ətswékpa wankıhé pú Mose mbla ámu ekekegyıkeke. ¹⁴ Anılónu ání ədebli əbēe, ‘Yesu Nasaretyin amu obóbwie Bulu ətswékpa amu, tsə amándıé ání Mose lósuná anı fée.’ ” ¹⁵ Yudafə Asón Agyıpú amu fée besi bəde Stefano kı dıın. Inu bekı a, mu ansıtə de ogyá kpa fé Bulu-əbəpu ansıtə.

7

Stefano Iwı Ɔnóle

¹ Bulu igyı əhapú dehen amu léfıté Stefano əbēe, “Asón ánfı bablı tsú fı iwı ánfı fée bu mótə?”

² Stefano léle mú ònò òbée, “Mí apíó pú mí así, mliyaa asu amlinu! Bulu Onumnyampw amu léle iwí òwan súná aní náin Abraham bréá otsie Mesopotamia òmátó, Kaldeafòtò asa olotu yétsiá Haran wúluto. ³⁻⁴ Inu Bulu lébláa mú òbée, ‘Tu dalí fú òmátó si fú abusuan, afuyò òsólúw ková nòsuná fòsò.’ Mú sù Abraham lótu tsú Kaldeafò òsólúw yétsiá Haran wúluto. Mú sí lowu òma a, Bulu léha mú olotu ba òtíné ánfí mlitsie ndé ánfí. ⁵ Bré ámùtò á, Bulu mókónyá há Abraham òsólúw anfi yabi oyíkpa kulé kóráá. Táme Bulu léhie mú así yaí òbée, mva mú abí-aná òbégyi òsólúw anfi ekekó. Alí bré ámùtò á, Abraham mókókwií obí. ⁶ Asón ání Bulu lébláa mú gyí, ‘Fó abí-aná bóbwe afò òsólúw kusù. Bòpw amú bwé nkpábi, wá amú amòmuyò nfi lafana (400). ⁷ Táme négyi òmá ámúú fó abí-aná béyetsiá amú así ámò asón, bití amú ísù. Mú òma a, néle amú lé amú íbutò, fówun béba bosúm mí nfi.’ ⁸ Bulu léka ntam há Abraham. Ntam amu ònò á, Abraham òbétin mú abí-aná keté. Mú sù mú bi Isak lóhò nkekwe á, Abraham létin mú keté. Isak é létin mú bi Yakob keté. Yakob é létin mú abí, bogyi aní anáin dúanyò ámú keté amú nyebitò.

⁹ “Aní anáin anfi befè amú gyama Yosef, mú iwí olu sù. Mú sù òlòyò yébwé òkpábi Egypte òmátó. Táme Bulu lélí mú òma, ¹⁰ lé mú lé mú asun wunhe fèéttó. Bulu léha mú nyánsa, há Egypte owíe lénya mú iwí ansigyí. Mú sù òlòbwé Yosef mú òmá pú mú wóyí fèéssó òkípw. ¹¹ Akón ku lébá Egypte pú Kanaan òsólúw fèé. Ilòpw ikplán ba òmá ámùtò. Aní anáin amu bumenyá ató gyi. ¹² Mú sù bréá Yakob lónu ání atogyihe bù Egypte a, òlòwa aní anáin anfi sísí. Bòyò inu eke gyankpapu yénya atogyihe ba. ¹³ Beyinkí yó otse nyòssí a, Yosef léle iwí òwan súná amú òbée, mogyí amú gyama Yosef ní. Inu sí Egypte owíe é lébi Yosef abusuan. ¹⁴ Mú òma a, Yosef lówa mú apíó sísí òbée, bùyékpá mú sí Yakob pú mú abusuanfò, bóbwe fé ahá aduesienó-nu (75) ba, abòbetsiá Egypte òmátó. ¹⁵ Inu Yakob lóyò Egypte. Inú mva aní anáin amu bowu ní. ¹⁶ Nfi tsòtsòtsò òma a, bòpw amótò akú afúli ya Sekem. Wúlu anfitò Abraham légyankpá tsíá ní. Bopolá amú ulán ková Abraham lópw kóba hò tsu oyin òkóá bütetí mú Hamor abí wátò.

¹⁷ “Nke ámúú Bulu léhie Abraham amu lotsutsúa íbòfòn a, aní anáin amu bakléí wá Egypte òmátó. ¹⁸ Òma a, Egypte owíe òkóá òmèbi Yosef lébetsiá obíá ámùsù. ¹⁹ Owíe anfi lówa owuntòlun aní anáin amusù. Òleka amú híé òbée, bütswí amú abí bóbwe tsalífwí abòwu. ²⁰ Alí bré ámùtò bókwií Mose ní. Ogyi obí ání òhíé òbù akíle, Bulu ansí legyi mú iwí. Mú yin léyaí mú tsra asa mú sí wóyító. ²¹ Bréá bele mú mú wóyító a, Farao mú bi tshé lótsu mú, pú mú bwé mú bi alu, òledan. ²² Egyptefò bosuná Mose amú amándié kugyíku. Òlòbwé òha kpwkpwnti mú itó pú mú bwéhétò.

²³ “Bréá Mose lóhò nfi adwana (40) á, òlòbwé agywíun òbée, móyò yéki aliá Egyptefò bòpw bude mú apíó Israelfò kpa. ²⁴ Inu á, olowun ání Egypteyin dé mú apíó Israelfò ámùtò òkò da. Mú sù òlòyò òyóhò mú pio ámúú ide mú dùn amu, ílemli mva Egypteyin amu nyò. Inu òleda Egypteyin ámú mó. ²⁵ Mose mú kí òbée, íbòwankí mú apíó Israelfò ání Bulu dépw mú hò amú nkpa, támé imòwankí amú. ²⁶ Mú oyi kehe a, olowun Israelfò abanyò budekò. Òlòyò òyékpátá amú, òlebláa amú òbée, ‘Mlíki, apíó mli gyí. Ntogyi sò mli wòlewòle mlidé aba amòmuyò wa?’ ²⁷ Táme òmòamúú òde mú ba da ámú lówutá Mose sísí, fité mú òbée, ‘Ma lówa fú òbée fubégyi anisù, afuyí aní nsuné asón?’ ²⁸ Fùdekléá fómò ní, fé alí ámúú ígye fómò Egypteyin amu lóó?’ ²⁹ Mose lénya nú asón ánfí alí, òlesrí dalí Egypte òmátó yó Midiafò òsólúw. Oletsíá inu kwíí abi anyò.

³⁰ “Nfi adwana òma a, Bulu-òbòpw léle iwí òwan súná Mose dimbísò oyíbi ková íbù awu, ogyá detsíí mótótó, mantáa Sinaibu. ³¹ Mose lówun mú á,

lɔwa mu ifú. Bréá ɔɔkpɔkpé ɔyá yéki mú wankláán á, Bulu lébláa mu ɔbéé, ³² ‘Mígyí fú anáin Abraham, Isak pú Yakob Bulu.’ Mose lénya ifú, ɔɔkpunkí kpakpakpakpa. Mó su ɔmetali ki mú. ³³ Aní Wíe Bulu lébláa mu ɔbéé, ‘Wɔi fú ntɔkuta tswi, tsúfé ɔtíné ánfí folú ánfí igyi ɔtine wankíhé. ³⁴ Nawun ání mí ahá buɔe iwɔsin wúun Egypte ɔsólósu. Nanú amó isú. Mó su nakplí nebá bɔho amó. Ba, anwa fú Egypte.’

³⁵ “Mose anfi Israelfo bekiná Egypte ɔmátó, fité mu beɛ, ‘Ma lɔwa fú ɔbéé fubégyi anisu, afɔgyi aní nsíné asón?’ ní. Mose anfi kén Bulu léha ɔbéé, ɔbwéɛ aní anáin amósó ogyípó pú amó ɔlepó ní. Bulu lɔwa mu sumbí ánfí tson Bulu-ɔɔpɔ amóú ɔlele iwí súná mu ogya plenplentɔ ámuɔsu. ³⁶ Mu kén gyí ɔhá ání ɔlekpa amó dahí Egypte, bwé ofúla pú ɔsúna tsɔtsɔtsɔ Egypte ɔsólósu, ɔpɔ Pɛpɛ amó ɔnó pú dimbí ámuɔsu nfi adɔana (40) kéké ní. ³⁷ Mu kén lébláa Israelfo ámu ɔbéé, ‘Bulu ɔbéle mu ɔnósó ɔtáipó ɔkɔvá ogyi fé mí tsú mlɔtá há mli’ ní. ³⁸ Bréá muɔ Israelfo ámu befia dimbí ámuɔsu á, Mose anfiɔ Bulu-ɔɔpɔ amó lótsá tson Sinaibu ámuɔsu há aní anáin amó ni. Mu kénsó Bulu lópu mu nkpa asón ámu tson, ide aní é tu ní.

³⁹ “Táme aní anáin bɔmɔbu mu. Bekiná mu asón nu. Amó nkɔle su mú á, tɛki bɔtráa bɔbu Egypte ɔmátó. ⁴⁰ Iní su bebláa Aaron beɛ, ɔyá i kpi ání békpa amó ha amó. Tsúfé bɔmeyín tóá ilabwé Mose amóú ɔlekpa amó tsú Egypte amó. ⁴¹ Alí bré ámɔtɔ á, beblí sika pɛpɛ ɔnantswiebí pɔbwé ɔkpi, tsíá há mú igyi. Amó ansí legyi amó ibi ɔnó itɔ bwehé ánfí iwí. ⁴² Bulu lési amó asón, bɔyɔ buɔe owí móa ɔtsra pú ntsrakpabi tswéɛ. Fé alíá bɔwanlín wá Bulu ɔnósó ɔtáipó amó ɔwólótó beɛ,

‘Israelfo! Megyí mí mlílómɔ mbwí bɔ afɔɔɔie há
nfi adɔana (40) ámuú mlílétsiá dimbí ámuɔsu.

⁴³ Mboún ɔkpi Molok tati-obu
pú Refan ntsrakpabi ɔkpi
mlílɔbwe sórá, náti tswé.

Iní su négya mli yówa Babilonfo ɔsólósu ɔma ɔtineko.’

⁴⁴ “Tati-obu amóú itosúná amó ání Bulu bu amó wá ámu é letsíá aní anáin amó wá dimbí ámuɔsu. Mose lóbwɛ mú alíá Bulu lósuná mu ɔbéé, ɔbwéɛ mú pɛpɛpɛ. ⁴⁵ Aní anáin amó bowu sí Bulu tati-obu ámu há aní así, Yosua légya amó nkpa bɔpɔba ɔsólósu anfiɔsu. Amó onutó ansító Bulu légya ɔmá-ɔmá lé ɔsólósu anfiɔsu púhá amó. Bulu tati-obu ámu letsíá amó wá alu bɔtu Owíe Dawid brésó.

⁴⁶ Bulu ansí legyi Owíe Dawid iwí. Mó su Dawid lókwí mu ɔbéé, muýíi obu ha mu, méní aní Yakob abí-aní fɛé abósum mu unu. ⁴⁷ Táme Owíe Salomo mboún lébeyi obu ámu.

⁴⁸ “Táme ɔsósóúsó Bulu tamatsíá nyankpɔsa obu yihɛtɔ. Fé alíá Bulu ɔnósó ɔtáipó ɔkɔ léblí ɔbéé,

⁴⁹ ‘Aní Wíe Bulu ɔbéé, “ɔsósó gyí mí owíe obíá,
ɔsólósu é igyi mí ayabi oyíkpa.

Ntɔ obu mlíaa mléyi ha mí?
Nkónu gyí mí ɔkpónú ɔdakpá?

⁵⁰ Megyí mí lóbwɛ ntobí ánfí fɛé?” ’ ”

⁵¹ Stefano lómɔ mu asón ɔnó ɔbéé, “Asɔtɔ-ɔnlín awíé, klɔntɔ bu mli odwin. Mlílakíná Bulu asón ámu nu. Mli é mlítɔkósó líí ɔɔɔ Wankíhé amó asónsú brégyibré, fé alíá mli anáin amó betsiá bwé. ⁵² Bulu ɔnósó ɔtáipó ɔmɔmɔsú mli anáin bɔmɛɔnká? Bɔmɔ Bulu ɔnósó ɔtáipó amó beblí yáí beɛ, Yilé ɔbwɛpó ámu ɔbéba amó é. Mlílélé Yilé ɔbwɛpó ámu há, bɔmɔ mu. ⁵³ Mlílóhɔ Mose mbli ámu tsú Bulu-abɔpɔ ámu wá ní, táme mlímégyi mósú.”

Stefano Abwi Da Mó

⁵⁴ Bréá Yudafó ahande amó bonu Stefano asón blíhé anfi á, óbló lehie kítá amó, beda ansító kpon. ⁵⁵ Táme Ɔhe Wankíhé lóbulá Stefanotó, olotsu ansi fóbá, óde ósósó kí. Olowun Bulu numnyam, Yesu líí Bulu gyɔpɔsɔ. ⁵⁶ Mób ólebláa amó óbée, “Mlíki, nawun ání ósósó lafínkí, Nawankpɔsa-Mu-Bi ámu líí Bulu gyɔpɔsɔ.”

⁵⁷ Bréá bonu íni á, bɔpɔ ibi tin asu. Inu amó fée bɔsɔrá okitikítí tú bun mɔsɔ, ⁵⁸ bebitía mu dali wúlu amóta beyéda mu abwi mó. Adansífo ámu bɔwóí amó awunso atadie tswi ɔyasubi ókóá bɔtétí mu Saulo wá. ⁵⁹ Bude mu abwi da alu, olokpolí aní Wíe óbée, “Mí Wíe Yesu, hɔ mí ɔhé.” ⁶⁰ Inu á, óleda akpawunu, kplón kɔklókókú óbée, “Mí Wíe, si lakpan ání kie amó.” Olenya blí alí pé, olomu ónó.

8

¹ Saulo é lótsulá dínká Stefano mɔsɔ.

Saulo Ɔpasua Amɔsɔ Dínká

Tsú eke ámɔsɔ á, bedínká ɔpasua ámóú íbu Yerusalem amɔsɔ, wá amó mɔ bi. Mú sɔ ɔpasua ámu fée bedasáin wá Yudea pó Samaria ómátó, sí sumbí ayɔpó ámu nkɔle pé wá inu. ² Táme Bulu asúmpó akɔ bosu Stefano, bin mu.

³ Saulo mó léfi ɔpasua ámu bwie asi. Oletsíá kí ahá wóyító, bítía ahógyipɔ atsi móa ayin fée yówa obu.

Filipo Bulu Asón Ɔkanda Samaria Wúlu

⁴ Ahógyipɔ amó beda Bulu asón wankláán ámu ókan ótínegyíótíné ání bedasáin yó. ⁵ Mú sɔ Filipo lóyɔ Samaria wúlu yilé kɔta yébláa amó Kristo, (óhá ámóú Bulu ladá mu ofúli amó) íwí asón wankláán ámu. ⁶ Afiaɔ amó fée bonu mu asón blíhé, bowun osúna ání óbɔwe é. Mú sɔ bɔhɔ mu asón ámu. ⁷ Ɔhe laláhe lótsɔrá okitikítí dali ahá tsótsɔtsɔ. Ahá ání amó ífón lawú pó tsukole asínpu tsótsɔtsɔ é benya lótsá. ⁸ Mú sɔ ansi lehie gyi Samariafó ámu.

⁹ Alí bré ámóta á, ófápó kɔnkɔnti ókóá bɔtétí mu Simon bu wúlu amóta. Bréá Filipo mókóba inu á, óbɔwé túmila súná mu pí amó, itɔwá amó ifú. Ɔtɔpó ibi sí kántó blí óbée, ótúmípu kɔnkɔnti mɔgyi. ¹⁰ Nyebí ahande fée bɔtobú mu, blí bée, “Oyin ání dé Bulu túmi kɔnkɔnti ámu.” ¹¹ Iníá óɔpɔ mu asuma bwé ofúla suná amó, ilawá ɔpá sɔ á, amó fée bɔhɔ mu gyi. ¹² Táme bréá Filipo léba beda Bulu iwíegyi pó Yesu Kristo íwí asón wankláán ámu ókan a, atsi móa ayin bɔhɔ mu asón ámɔsɔ gyi, óbɔ amó asú. ¹³ Simon onutó é lóhogyi, óleha Filipo lóba mu asú. Mu asúbɔ óma a, óɔpɔ íwí mantáa Filipo. Bréá olowun alíá Filipo dé ofúla móa osúna bwe á, ónó lóbwie mu.

¹⁴ Sumbí ayɔpó ámóú bubu Yerusalem amó bonu ání Samariafó bahɔ Bulu asón ámu. Mú sɔ bɔwa Petro muá Yohane amó wá. ¹⁵ Bréá boyówie inu á, bɔke mpái há Samariafó ahógyipɔ amó bée, bunyáa Ɔhe Wankíhé. ¹⁶ Tsúfɔ asú eke babó amó aní Wíe Yesu dátó, támé amótó ókɔku mókónyá Ɔhe Wankíhé amó. ¹⁷ Inu Petro muá Yohane bɔpɔ ibi dínká amó nwunso, Bulu léha amó Ɔhe Wankíhé amó.

¹⁸ Simon lówun ání ibi eke sumbí ayɔpó amó bapó dínká ahógyipɔ amó nwunso, Bulu lahá amó Ɔhe Wankíhé. Mú sɔ ólele kóba há Petro muá Yohane, ¹⁹ ólebláa amó óbée, “Mlíha mí túmi ání ku, méní ní mí é nɔpó ibi dínká óku nwunso á, Bulu óbéha mu Ɔhe Wankíhé.”

²⁰ Táme Petro lébláa mu óbée, “Fóa fú kóba ámu nyó fée mlíhí. Tsúfɔ fɔki fée, fétalí pó kóba hɔ Bulu itokiehé ání. ²¹ Foma ogyíkpa ntée ólíkpá aní

gyumagyihe anfito, tsúfě fú klontó metin Bulu ansító. ²² Damli klontó tsu fú lakpan ánfito, afokoli aní Wíe Bulu. Fíalí obési agywun laláhe anfi fabwé ánfí kíé fú. ²³ Tsúfě nawun ání fohíé fóbú ɔnsipé, lakpan lagyi fusu.”

²⁴ Simon lébláa Petro mva Yohane ɔbéé, “Nobwíí ipa, mlkokolí mlí Wíe Bulu ha mi, méní ɔméeha asón anfi fablí ánfito kóku mééba misu.”

²⁵ Bréá Petro mva Yohane begyi adánsíe, dá Yesu iwí asón ámu ɔkan tá á, beyinkí yó Yerusalem. Bréá buna bɔyó á, beda ason wankláán ámu ɔkan Samaria nkuda tsɔtsɔtsɔ asi.

Etiopia Owie Sikasu ɔkípu Klontɔdamli

²⁶ Alí bré ámutó á, Bulu-ɔbɔpu lébláa Filipo ɔbéé, “Kusu pu ɔsaasí dimbísó ɔkpa ámúú ida tsu Yerusalem iyó Gasa amú.” ²⁷ Múú Filipo lókusó pú ɔkpa. Bréá ɔyó á, ɔlɔtu Etiopia ɔmá ɔhande ɔkɔá baflo mu. ɔhande amú gyí Etiopia owie tsihé Kandake sikasu ɔkípu. Oyin ánfí layó Yerusalem yósum Bulu, ²⁸ yinkí ɔyó wóyí, otsie mu kekétó, mpɔnkɔ bɔde mu bití. ɔde Bulu ɔnósó ɔtáípu Yesaia ɔwoló ámu kláa. ²⁹ Múú ɔɔɔ Wankíhé lébláa Filipo ɔbéé, “Kpɔkɔɔ manta keké ánfí.” ³⁰ Filipo lésrí tó keké ámu wun ání Bulu ɔnósó ɔtáípu Yesaia ɔwoló ámu oyin ámu dé kláa. Mú su ɔlefíté mu ɔbéé, “ɔhande, fude asón ámúú fudekláa amú asi nu?”

³¹ ɔhande amú léle mú ɔnó ɔbéé, “Nkálí ɔbɔbwe nónu mú asi ní ɔku méle mú asi súná mí?” Mú su ɔlebláa Filipo ɔbéé, “Du tsia mí wá ayɔ.” ³² Bulu asón ání ɔdekláa ɔwoló ámutó gyí:

“ɔlɔbwe díin fě kufa ání bapú beya ɔmɔkpá. ɔmɔbwií mu nnonyo.

ɔlɔbwe díin fě alíá kufa tɔbwé
ní bɔde mu iwí imi dinkí.

³³ Bɔkpɔí mu, bomegyí mu asón ɔnɔkwalisu.

ɔhaa méetalí súná mu abí-aná,
tsúfě beka mu nkpa tin ɔvolóv anfitu.”

³⁴ Múú ɔmá ɔhande amú léfíté Filipo ɔbéé, “Ma iwí asón Bulu ɔnósó ɔtáípu anfi débí, mu onutó ntéé ɔha bambá?” ³⁵ Inu Filipo lélí Yesaia ason wankíhé anfitu bláa mu Yesu iwí ason wankláán ámu. ³⁶⁻³⁷ Bɔpu bɔyó á, bɔtu ntsu kv. Múú ɔmá ɔhande amú léfíté Filipo ɔbéé, “Ntsu dá a, ntɔ létin mí asúbó ɔkpa?”*

³⁸ Mú su ɔmá ɔhande amú léha mu keké ámu ɔbitáípu lélí. Mva Filipo bekplí wíe ntsu ámutó, Filipo lóbo mu asú. ³⁹ Bréá bedali ntsu ámutó á, aní Wíe ɔɔɔ lotsu Filipo náti. ɔmá ɔhande amú métrá wun mu, táme ɔlɔpu ansigyí natí ɔyó wóyí. ⁴⁰ Filipo é léyedalí Asoto wúluto. ɔlenatí kí inu awúlusu dá ason wankláán ámu ɔkan alu, oloyówie Kaesarea wúluto.

9

Saulo Klontɔdamli

(Gyumagyihe 22:6-16; 26:12-18)

¹⁻² Alí bré ánfito fěé á, Saulo mókúsí Yesu akasípu amú bláa ɔbéé, mómó amú. Mú su ɔlɔyó Bulu igyí ɔhapú dehen wá yókulí mu ɔbéé, ɔwánlin ɔwoló pole mu suna Damasko Yudafɔ ofiakpa ahande, méní ní mu ɔbɔ da oyin ntéé ɔtsi ɔku, ɔna aní Wíe ɔkpa ámusu a, mékutá mu, kpá mu ba Yerusalem.

³ Saulo lópu ɔkpa ɔyó Damasko. ɔleta wie tá á, nsainto lekpa ogyá wa mu.

⁴ ɔledida ɔvolóto kpala. Inu olonu ɔme kv. ɔme amú léfíté mu ɔbéé, “Saulo, Saulo, ntogyi sù fódin mísó alí?”

* **8:36-37** Múú yéé 37 bɔ nwóló dada amú akoto: Filipo lebláa mu ɔbéé “Ní fahó Kristo gyi tsú fú iklon fěéttá a, nétalí bó fú asú.” ɔlebláa Filipo ɔbéé, “Ee, nahogyi mbee Yesu Kristo gyi Bulu mu Bì.”

⁵ Saulo léfité ɔbée, “Fó ma ni, mí Wíé?” Múú ɔme amu lébláa mu ɔbée, “Mí Yesu ni. Mísó fudin ní. ⁶ Kusu, afuyɔ wúluto inu. Ɔko obósuná fó tóá lehián aní fóbwe.”

⁷ Saulo aba aní muv amónyɔ bɔna besi líí díín. Bonu ɔme amu, táme bomowun ɔhaa. ⁸ Saulo lókusó líí. Olobwíí ansíbi, táme ɔmedé ató wúun. Mú su bekitá mu ibi, kpá mu ya Damasko wúluto. ⁹ Oletsíá nkensá owító omowun ató. Omegyi ató, omonu tɔtɔ é alí bré ámutɔ.

¹⁰ Alí bré ámutɔ á, Yesu akasípú ɔku bu Damasko, bɔtetí mu Anania. Olowun ató. Mótó á, aní Wíe Yesu lókpólí mu ɔbée, “Anania!”

Olotsulá ɔbée, “Mí Wíé, mí ní.”

¹¹ Múú aní Wíe lébláa mu ɔbée, “Kusu, yɔ brɔnu ámutú bɔtetí mú Ɔkpa Tswíhíé” amusu. Wíe Yuda wóyító, afɔfite oyin ámutú otsú Tarso, bɔtetí mu Saulo amusu. Alaba, ɔbu inu ɔde mpáí bɔ. ¹² Alawun aní oyin ɔkúá bɔtetí mu Anania laba bɔpu ibi dínká musu, mu ansíbi labwíí.”

¹³ Múú Anania lébláa aní Wíe ɔbée, “Mí Wíé, nanú oyin anfi iwí asón. Alíá ɔdepu lalahe gyi fó ahá aní bɔbu Yerusalem. ¹⁴ Igyí ahapó dehen amu é bahá mu túmí bée, ɔbá Damasko bekitá ahá aní bɔtɔbɔ mpáí fó dátó fée.”

¹⁵ Aní Wíe lébláa mu ɔbée, “Yɔ, mílalé mu mbée, ɔbwée mí osúmpú, ɔha ɔmá bámbátáfo, amó awíe pú Israelfo fée abɔbi mí. ¹⁶ Mí onutó nósuná mu alíá ɔbókoku wun ipian mí su.”

¹⁷ Mú su Anania lýo Yuda wóyító, yɔpu ibi dínká Saulosu, bláa mu ɔbée “Opíó Saulo, aní Wíe Yesu ámutú ɔlele iwí ɔwan súná fó bré ámutú fehá nfi ámu láwá mí fó wá. Ɔbée, mbeha fó afɔlawun ató, Ɔhe Wankíhé ɔbula fótó.” ¹⁸ Tɔkúá igyi fé klemetí afwi lémain lé mu ansíbisu kpádá inunu. Mú su ɔlela ɔde ató wúun. Inu ɔlókusó, bɔbu mu astú. ¹⁹ Beha mu ató olegyi, ɔwonlín lelawíé mu.

Saulo Bulu Asón Ɔkanda Damasko

Saulo létsíá akasípú amu wá nke kpalobí. ²⁰ Inunu ɔlenatí yó amú ofiakpa, yéfi Yesu iwí asón ɔkan da asi ɔbée, “Yesu gyí Bulu mu bi ámu ni.”

²¹ Ahá aní bonu mu ason blíhé anfi fée ɔnó lobwie amó. Mú su befité bée, “Megyi múdé Yesu asúmpú mɔ Yerusalem ni? Megyi amó ɔkitákpá ɔleba nfi, ɔkpa amú ya igyi ahapó dehen amu?”

²² Táme Saulo lélanyá túmí blí asón ámu ɔwonlínso ɔbée, lélé Yesu gyí Kristo, (ɔhá ámutú Bulu ladá mu ofúli amu). Alíá ɔlehie lé asón ámutɔ leha Yudafo aní bɔbu Damasko inu bɔbwe basaa. Bomowun móá bótso.

²³ Nke tsɔtsɔtsɔ ɔma a, Yudafo ámu befia kítá agywun bée bómɔ Saulo. ²⁴ Mú su betsíá gyo wúlu amu ɔnó ɔpa onyé, méní bénya mu mó mu. Táme ako bowi tsá Saulosu bée, alí Yudafo ámu babwé agywun ní. ²⁵ Mú su eke ɔku onyé á, Saulo abúopu ámutɔ ako botsu mu wá lakpátó, pú mu tsun ikwító kplí mu yi iban ɔma, ɔlesrí náti.

Saulo Yerusalem Yɔ

²⁶ Bréá Saulo lówie Yerusalem a, ɔlɔtsun ɔkpa kugyíkusu aní obówie Yesu akasípú ámutɔ. Táme bomohogyi aní alabwé akasípú. Mú su benya mu ifú.

²⁷ Inu Barnaba lékpa mu ya, yéle mu súná sumbí ayɔpú amu. Ɔlebláa amú alíá aní Wíe léle iwí ɔwan súná Saulo Damasko ɔkpatɔ, muv Yesunyɔ batóí; pú alíá Saulo lówa klɔn dá Bulu asón ámu ɔkan ɔwonlínso Yesu dátó Damasko wúluto.

²⁸ Mú su Saulo lówie ámutó, beki Yerusalem wúluto. Ɔlɔwa klɔn blí Bulu asón ámu Yesu dátó. ²⁹ Mvɔ Yudafo ámutú bɔteblí Griiki ɔblí amu betsíá tóí, gyi aba nwéen. Táme alí bré ámutɔ fée á, bɔde agywun bwe aní bómɔ mu. ³⁰ Bréá mú afú lɔwólí ahógyipu amu a, bekpa mu yáa Kaesarea, há mu ɔlenatí yó Tarso.

³¹ Mú sɔ ɪwɪ lolwii ɔpasua ání bɔ Yudea, Galilea pú Samaria ɔmátó. Ɔɣɛ Wankihé lékpa amó bɛkleí, dan hógyitɔ, bɛtsiá tsiátótá ilegýi anɪ Wíe Yesu ansí.

Aha Akɔ ɪbɔ Tsa

³² Petro lénatí kɪ Samaria nkudasɪ. Ɛke ɔkɔ ɔleyéki Bulu ahá ání bɔbɔ Lida wúluto. ³³ ɪnɔ á, oleyéfia oyin ɔkɔá bɔtɛtí mɔ Anea, olesin tsukɔle nɪkwe ní. ³⁴ Petro lébláa mɔ ɔbɛɛ, “Anea, Yesu Kristo latsá fɔ ɪbɔ. Kɔsɔ kunta fɔ ɔklan.” ɪnɔ Anea lókɔsú. ³⁵ Ahá ání bɔtsie Lida wúluto pú Saron nsámtɔ fɛé bowun oyin ámɔ. Mú sɔ bohogyi, bobuo anɪ Wíe.

³⁶ Ɔtsɪ ɔkɔ bɔ Yopa wúluto, ogyi ɔkasípú. Bɔtɛtí mɔ Tabita. Mɔ dá ámɔ asɪ Griiki ɔblítɔ gyí, “Dorka.” Mú asɪ gyí, “Abre.” Yilé ɔbwɛpú ogyi. Ɔbɔ awitɔle há ahíánfɔ. ³⁷ Bréá Petro bɔ Lida a, ɪbɔ lɛda Tabitasɔ. Olowu, bebie mɔ ntsu, sí mɔ tswɪ abansúru kɔtɔ. ³⁸ Yopa móa Lida awúlu ɪmafɔ aba wá. Mú sɔ bréá akasípú amó bɔbɔ Yopa amɔ bonu lowu ánfɪ á, bɔwa abi anyɔ sísí Petro bɛɛ, bobwí ɪpa há mɔ, ɔwáa ɔsa tɔ amó. ³⁹ ɪnɔ Petro lówa ɔsa bwé, móa amónyɔ benatí. Bréá olobowie ɪnɔ á, bɛkpa mɔ ya abansúru amɔtɔ. Wúlu amɔtɔ asurapɔ fɛé bɔbɔ fúli amɔ asɪ. Bɛkpa pútá Petro bɔdesú, bɔde atadiéá Dorka lóbwɛ bréá otsie nkpa pɔsúná mɔ. ⁴⁰ Petro légya asurapɔ amɔ fɛé lé obu amɔtɔ. Mú ɔlɛda akpawunu bɔ mpá, asa ɔledamli kɪ fúli amɔ blí ɔbɛɛ, “Tabita, kɔsɔ.” ɪnɔ Tabita lóbwí ansíbi. Bréá olowun Petro a, ɔkɔkɔsú tsiá. ⁴¹ ɪnɔ Petro lékítá mɔ bɪ, ɔkɔkɔsú lí. Petro létɪ asurapɔ amɔ pú ahógyipɔ atráhe amɔ. Mú ɔlɔpɔ Tabita súná amó ání alatsínkí. ⁴² Asún ánfɪ lekí wá Yopa wúluto. Mú sɔ ahá tsɔtsɔtsɔ bɔhɔ anɪ Wíe gyi. ⁴³ Petro létsiá Simon ání ɔtɔyɔ ɔwulɔ-kpákpa ɪwɪ agyómá wá Yopa ɪnɔ wá ɔpá.

10

Konelio Abi Wa Petro Wá

¹ Oyin ɔkɔ létsiá Kaesarea ɪnɔ, bɔtɛtí mɔ Konelio. Ogyi Romafɔ isá akɔpú ɔpasua kɔá bɔtɛtí mú Italia ɔhandɛ. ² Ɔbɔ nsi Bulusúm ɪwɪ. Mɔa mɔ wóyítɔfɔ fɛé bɔtosúm Bulu. Konelio tekíé Yudafɔ ahíánfɔ ató. Ɔtɔbɔ mpá há Bulu brégyibré. ³ Ɛke ɔkɔ Konelio lówun ató ntópwe ɔsatɔ. Mɔ atowunhe amɔtɔ á, olowun Bulu-ɔbɔpɔ ansí káin, Bulu-ɔbɔpɔ amɔ lɔkpólí mɔ ɔbɛɛ, “Konelio!” ⁴ Ifú lékítá mɔ. Mú sɔ olesi ɔde Bulu-ɔbɔpɔ amɔ kú. Mú ɔlɛfité Bulu-ɔbɔpɔ amɔ ɔbɛɛ, “Mí Wíé, nkálí igyi?”

Bulu-ɔbɔpɔ amɔ lébláa mɔ ɔbɛɛ, “Bulu laho fɔ mpá. Fú ahá ató kie é lagýi mɔ ansí. ⁵ Wa abi abɔyɔ Yopa yetɪ Simon Petro ba. ⁶ Ɔlɔyɔswí ɔwulɔ-kpákpa ɪwɪ agyómá ɔyɔpú Simon wóyítɔ, mantáa ɔpɔ ɔnɔ.” ⁷ Bréá Bulu-ɔbɔpɔ amɔ lénatí á, Konelio létɪ mɔ asúmpú abanyó ání bɔbɔ mɔ wóyítɔ pú mɔ ɔbisufe ání ogyi isá ɔkɔpú, otenyá Bulu ifú. ⁸ Ɔlɛbláa amó asún ání ɪlaba fɛé, ɔlɔwa amó sísí Yopa.

⁹ Mú ɔyɪ kehe bɔkɔsú bɔyɔ Yopa. Beta ɪnɔ wie tá á, ɪbóbwe fɛ ɔpa dódúanyɔtɔ. Petro é dédu ɔyɔ obu awunso mpá ɔbɔkpá. ¹⁰ Akún ihíe de mɔ. Mú sɔ olekle ání obénya tɔkɔ wá ɔnɔ. Bréá bɔde ató ámɔ nuná há mɔ a, Petro lówun ató. ¹¹ Atowunhe amɔtɔ á, olowun ání ɔsósú lafinkí, tɔkɔá igyi fɛ ɔhráda téihé, bɔde mɔ nsiebí ana, ɪdekplí ɪbá ɔsólɔsɔ. ¹² Ɔyítɔ mbwɪ ɔtsan-ɔtsan, mbwíá bɔbɔ ayin, táme bɔteká abɔnɔ pú ɔyítɔ mbubwi fɛé bɔbɔ ɔhráda amɔtɔ. ¹³ Mú ɔlonu ɔme kɔ lédalɪ ɔbɛɛ, “Petro, kɔsɔ mɔ mbwɪ ánfɪ afɔwɪ.”

¹⁴ Táme Petro léle mú ɔnɔ ɔbɛɛ, “O-o! Mí Wíé, bɔkwí mí ɔpá á, mmókógyi tóá Yudafɔ amándíe lekisí ntéé mú ɪwɪ mɛtɪn kɪ.”

¹⁵ Ɔme amɔ léla bláa mɔ ɔbɛɛ, “Máti tóá Bulu latin mú ɪwɪ atokisihé.” ¹⁶ Atowunhe amɔ pú ɔme amɔ léba tse sa. Mɔ ansítɔ ɪnɔ á, bɔtsu ɔhráda ámɔ ya ɔsósú ɔtsáwole pé.

¹⁷ Bréá Petro dé nwuntɔ bu tsú atowunhe aní iwí á, Konelio abí ámu é bafíté wun Simon wóyítɔ, ba bulí ɔkpa ɔnɔ. ¹⁸ Konelio abí ámu bokpolí fité beε, “Ɔfɔ ɔku tsie nfi, bɔtɛtí mu Simon Petro?”

¹⁹ Petro trá ɔde nwuntɔ bu tsú atowunhe amu iwí, Ɔhe Wankíhé lébláa mu ɔbéε, “Simon, ahá abasá aku baba bude fú dunká. ²⁰ Kusɔ bwe, afokpli yefia amó amlnati. Mágyi nwéεn, tsífé mlawá amó fú wá.” ²¹ Inu Petro lékpli yótu amó, bláa amó ɔbéε, “Mígyí ɔhá ámuó mlidédunká ámu ni. Ntogyi só mlná?”

²² Ahá ámu bele mú ɔnɔ beε, “Anumédé tsitsa. Isá akɔpɔ ɔhande Konelio aní otenyá Bulu ifú, Yudafɔ féé bɔtɛtí mu idayilé lówa aní fú wá. Bulu-ɔbɔpu ɔku labébláa mu ɔbéε, ɔhá betí fú afoba mu wóyítɔ, méni obónu asón aní fóbɔ blí.”

²³ Mú Petro lékpa amó wá wóyítɔ, ɔleha amó ɔdikpa.

Ɔyi kehe a, Petro mua amónyɔ bɔkusó pú ɔkpa bɔyɔ Kaesarea. Bréá bɔyɔ á, ahógyipu akwá bubu Yopa inu é bobuo amó yó. ²⁴ Mú ɔyi kehe a, boyówie Kaesarea wúlutɔ. Botsutsúa abuwie inu á, Konelio latí mu wóyítɔ ahá pú mu anyawie kláklá befia, ɔde amó ɔkpa kí. ²⁵ Bréá Petro lówie wóyí ámu ɔnɔ á, Konelio lókusó yéfia mu, dá akpawunu mu ayabito súm mu. ²⁶ Táme Petro léha mu ɔlɔkusó. Ɖlebláa Konelio ɔbéε, “Kusɔ, máda akpawunu há mí. Nyankpɔsa mí é ngyi.” ²⁷ Petro mua munyɔ buna buɔtɛtí alu olowie wóyítɔ. Inu olowun aní ahá tsotsɔtsɔ bafia. ²⁸ Mú ɔlebláa amó ɔbéε, “Ml onutó mlyin aní Yudafɔ mbla meha ɔkpa aní Yudayin mua ɔmá bámbátɔyin bubwéε anyawie ntéε ɔbɔyɔ mu wá kpán. Táme Bulu lahá mí nabí aní mmáki mbéε ɔku iwí metin ntéε ɔmɔfin amándié ɔkpasu. ²⁹ Mú só bréá fɔwa abí féé bubétí mí á, mmákpɔkpɔrɔ nwuntɔ ní. Amansu igyi? Bla mí.”

³⁰ Mú Konelio lébláa mu ɔbéε, “Nde eke náásí, ntúpwe ɔsato mbu wóyítɔ nde mpáí bo. Ɖsáwɔle pé á, nowun oyin ɔku líí mí ansítɔ. Oyin ámu lówa atadie futútú. ³¹ Oyin ámu lébláa mi ɔbéε, ‘Konelio, Bulu lanú fú mpáí. Fú ahá ató kie é lagyi mu ansí. ³² Mú su wa abí abuyɔ Yopa wúlutɔ yetí Simon Petro ba. Ɖwólɔkpákpá iwí agyómá ɔyɔpú Simon wóyí ɔlɔswí. Otsie mantáa ɔpu ɔnɔ.’ ³³ Mú su inunɔ nɔwa abí sísí fú. Iɔu alá fába. Séi á, aní féé anlafia Bulu dátɔ. Anigyó aní Wíε asón aní alapóhá fú ɔbéε, fubláa aní.”

Petro Asɔn Blihé

³⁴ Mú Petro lótsu ɔnɔ blí ɔbéε, “Nawun aní lélé Bulu tamakí ɔhaa ansítɔ. ³⁵ Mboun ɔhá aní otenyá mu ifú, ɔbɔwé yilé asón otekle ɔmágyíomátɔ. ³⁶ Mlyin asɔn wankláán aní Bulu lóphá Israelfɔ. Asón ámu gyí, Bulu lapó iwílwí ba tson Yesu Kristo, ahá féé Owíε amusu. ³⁷ Mlyin asón kpronkrontí aní ɔleba Yudea ɔmátɔ féé. Ilotsu así tsú Galilea ɔmátɔ, bréá Asú Ɖbɔpú Yohane léda asúbɔ ɔkan ɔma. ³⁸ Mlyin aní Wíε Yesu Nasaretyin amɔ. Mlyin aní Bulu lópu mu Ɖhe Wankíhé pú túmí wá mɔtɔ, oleki ɔtínegyíɔtíne bwé yilé, tsá ahá aní bɔbu ɔbɔnsám túmí así ɔ, tsúfé Bulu buo mu. ³⁹ Anigyí ahá aní anilówun mu bwéhé aní ɔbɔwe Yudea pú Yerusalem ɔmátɔ féé ní. Beda mu mantá oyikpalíhesu mú mu. ⁴⁰ Táme mú eke sáásí a, Bulu lókusɔa mu, lé mu ɔwan, ahá bowun mu. ⁴¹ Megyí ɔyítɔ ahá féé lówun mu, táme aní ahá ámuó Bulu léle yáí ɔbéε, abwéε mu adansíɔ ámu mú anilówun mu. Mu kósú tsú afúlitɔ ɔma a, ania munyɔ légyí, anilówí ní. ⁴² Ɖlehe aní ɔbéε, adáa mu asɔn wankláán ámu ɔkan suna ahá, agyi mu iwí adánsíε aní mogyí ɔhá aní Bulu laléá obégyi akiankpanu pú awupú féé asón ní. ⁴³ Bulu ɔnɔsú atóipú amu féé beblí beε lélé, ahagyíɔha aní ɔlɔhɔ Kristo gyi a, Bulu obési mu lakpan féé kíε mu Kristo dátɔ.”

⁴⁴ Bréá Petro dé asón ánfí blí á, Ɔhe Wankíhé lébá ahá ámúú búde mu asón ámu nu ámu féesú. ⁴⁵ Ɔnó lobwie Yudafo ahógyipu amóú bobuo Petro ba mu ámu ání Bulu lapó mu Ɔhe Wankíhé amu kíé ahá ání bomegyí Yudafo. ⁴⁶ Tsúfíé bowun ání ahá ámu búde ɔblí bábmbá blí, buhíé búde Bulu kanfú. Mú sv Petro lébláa amú ɔbée, ⁴⁷ “Bulu lahá ahá ánfí é Ɔhe Wankíhé fí aní. Ɔku ɔbétalí tin amú ɔkpa ɔbée bumábo amú asú?” ⁴⁸ Mú sv ɔleblí ɔbée, bubó amú asú Yesu Kristo dátú. Mú ɔma a, bokokóli Petro bée, otsía amú wá kpalobí.

11

Petro Iwi Asón Ɔnóle Yerusalem

¹ Yesu sumbí ayópú ámu pú ahógyipu amóú bubu Yudea ɔmátó ámu bonu ání ɔmá bábmbátófo é bahó Bulu asón ámu. ² Mú sv bréá Petro lóyo Yerusalem wúluto á, muv ahógyipu akvá buitekledá ahá bufin keté asa abowie ɔpasua ámuto bebítí asón. Befíté mu bée, ³ “Ntogyi sv fayó ahá ání bumetin keté wóyí, fúa amónyo mlilawá ibi gyi ató?” ⁴ Mú sv Petro léle asón ání ilebató súná amú kule-kule ɔbée,

⁵ “Mbu Yopa wúluto nde mpáí bə nowun ató. Mótó á, nowun ání təkúá igyi fí ɔhráda téhíé, búde mú nsiebí ana lékpíli tsú ɔsósú bá mí wá. ⁶ Nowun pututo-mbwí pú wúluto mbwí, mbwíá bubu ayín, táme buteká abəno pú ɔyító mbubwí fíé ɔhráda ámuto. ⁷ Inu nonu ɔme ku ledalí bláa mi ɔbée, ‘Petro, kusu mə mbwí ánfí afəwí.’

⁸ “Múú neblí mbée, ‘Mí Wíe, ekekekeke. Bəkwí mí ɔpá á, mməkógyi tóá Yudafo amándíé lekisí ntée mú iwí metin ki.’

⁹ “Múú ɔme amu lótsu ɔsósú lábláa mi ɔbée, ‘Mátí tóá Bulu latin mú iwí atokisíhé.’ ¹⁰ Tesa sósón nowun atowunhe anfi. Mú ɔma a, ilelayínki yó ɔsósú.

¹¹ “Alí bré ámuto kén á, ayin abasá akvá bəwa mí wá tsú Kaesarea baba bulí wóyí ámúú ntse mótó ámu ɔnó. ¹² Ɔhe Wankíhé lébláa mi ɔbée, mbuo amú yo, mmágyi nwéen. Apíó abasíé ánfí bətsú Yopa anfi é bobuo mi yó Kaesarea, aní fíé anlóyo Konelio wóyító. ¹³ Konelio lébláa aní ɔbée, mowun Bulu-ɔbəpu ɔku mu wóyító, ɔlebláa mu ɔbée, ‘Wa abí abuyo Yopa yetí oyin ɔkúá buetí mu Símon Petro ba. ¹⁴ Ɔbélbláa fu asón ání fúa fú wóyító ahá fíé mlótsən mósú nyá nkpa.’

¹⁵ “Nenya tsú ɔnó ndetóí alí, Ɔhe Wankíhé léba amósú fí alíá ileba anisu eke gyankpapu amu. ¹⁶ Inu nekain aní Wíe asun blíhésu. Ɔbée, ‘Yohane lópu ntsu bó ahá asú. Táme mli mú á, Bulu ɔbópu Ɔhe Wankíhé bó mli asú.’ ¹⁷ Mú sv ní Bulu lapó mu atokiehé ámu kíé amú, fí alíá ɔbəkíé aní ahá ámúú anilshə aní Wíe Yesu Kristo gyi amu a, mígyí ma ání nétin Bulu ɔkpa?”

¹⁸ Bréá sumbí ayópú ámu bonu asón ánfí á, besi Petro tóí wa, bekənfú Bulu bée, “Múú Bulu lahá ahá ání bomegyí Yudafo ɔkpa ɔbée, amú é budámli klntə, abunya nkpa.”

Kristo Ɔpasua Aní Ibv Antiokia

¹⁹ Stefano lowu ɔma a, bedinká ahógyipu amusu. Mú sv bedasín yó Foinike múa Kipro ɔsulósu pú Antiokia wúluto. Yudafo nkule bebláa Bulu asun wankláán ámu. ²⁰ Táme amótó aku mú bətsu Kipro pú Kirene ɔmátó ba Antiokia bebláa Griikifó ámu aní Wíe iwí asun wankláán ámu. ²¹ Aní Wíe Bulu lélí amú ɔma. Mú sv amótó ahá tsətsətsə bohogyí, dámlí klntə ba aní Wíe Yesu wá.

²² Yerusalem ɔpasua ámu bonu asón ánfí. Mú sv bəwa Barnaba sísí Antiokia. ²³⁻²⁴ Barnaba gyí ɔha wankláán, Ɔhe Wankíhé pú hógýi é itsə muto. Bréá olowie Antiokia, olowun alá Bulu lagyi amú buale a, ansí legyi mu. Múú ɔlotoí kplá amú ɔbée, bupúv amú klən fíé dinka aní Wíe Yesusu, abugyi mu mblasu. Inu sv

ahá tsətsəotsə bətsən mʊ asón ámʊsʊ hə aní Wíe gyi. ²⁵ Mú əma a, Barnaba lýo Tarso wúluto yódunká Saulo. ²⁶ Bréá olowun mʊ a, əlekpa mʊ ba Antiokia. Betsiá inʊ ofi əkʊle, tsiá fia əpasua ámʊ, súná amó ató. Antiokia begyankpá tí akasípú amʊ bɛɛ “Akristofə” ní.

²⁷ Bulu ənósó atəípú akʊ bətsu Yerusalem ba Antiokia alí bré ámʊtə kén. ²⁸ Amótə əkʊle dá gyí Agabo. Ələkʊsú líí, blí Əhe Wankihé túmítə tswí əbɛɛ, “Akón kponkəntí kʊ bəba Roma əmátə fɛ́ɛ.” Ʋɛba mótə bréá Roma Owíe Klaudio tsie obíású. ²⁹ Akasípú amʊ bəbwe agywun bɛɛ, amótə okugyíəku obódunká t́á obénya, abəpʊ yekie apíó ahógyipʊ aní bəbʊ Yudea əmátə. ³⁰ Begyi dinká mósú, bəpʊhá Barnaba mʊa Saulo bəpʊya əpasua ámʊ ahandɛ.

12

Petro Obudu

¹ Alí bré ámʊtə á, Owíe Herode lédinká əpasua ámʊtə akʊsʊ, wá amó amʊmʊyə. ² Əleha bətin Yohane mʊ pio Yakobo ədayítə. ³ Herode lówun aní ibʊ Yudafə ámʊ ədwe. Mú sʊ omesi, əleyékítá Petro é. Alí bré ámʊtə bʊdɛ Israelfə Bodobodo MátúhɛNke gyí. ⁴ Mú sʊ bréá əlekítá Petro a, ələpʊ mʊ tswí obu, ələle isá akəpú dúasie əbɛɛ, bʊtsiá gyo mʊ iwí abaná-abaná. Ələbwe agywun əbɛɛ, begyi Nke ámʊ tá á, mégyi Petro asón dɪnsʊ. ⁵ Bəwa Petro obu, táme əpasua ámʊ bəbʊ mpáí kínkínkín há mʊ.

Petro Obule

⁶ Onyé asa əyí əbɛ́ke Owíe Herode əbɛ́le Petro ba dɪnsʊ begyi mʊ asón á, bəwa Petro ikan anyo kéké, əda ədɛdɪdɪ isá akəpú abanyó nsúnɛ. Isá akəpú akʊ é bʊlí bʊdɛ obu ámʊ ənó gyo. ⁷ Ətsáwʊle pé á, Bulu-əbəpʊ əku lébelí amó wá obuto inʊ, inʊ fɛ́ɛ lówankí. Bulu-əbəpʊ amʊ ləpʊ ibí da Petro abɪntə, oletsínkí. Ələbláa Petro əbɛɛ, “Wa əsa kʊsʊ.” Inʊ ikan amʊ lówɔ́í lé mʊ ibí. ⁸ Mú Bulu-əbəpʊ amʊ lébláa mʊ əbɛɛ, “Kʊsʊ pʊ əfɛ klí osiétə, afʊtsʊ fú ntʊkʊta wa.” Petro ləbwe. Mú ələtrá bláa Petro əbɛɛ, “Tsu fú ligá wa afʊba ayo.” ⁹ Petro ləbʊo Bulu-əbəpʊ amʊ dáli obu ámʊtə. Iməwankí Petro ní akiankpatə ntɛɛ atowunhɛtə Bulu-əbəpʊ amʊ dé mʊ asón bláa. ¹⁰ Mʊa Bulu-əbəpʊ amʊ bətsən obu-ənó gyankpapʊ pó nyəəsí agyópʊsʊ. Bəba bətu dátə iklʊn aní f́pʊdálí wie wúluto. Iklʊn amʊ onutó lefínkí há amó bətsən. Bəpʊtsən brəns kʊsʊ bəyó á, Bulu-əbəpʊ amʊ ləfwí sí Petro.

¹¹ Bréá Petro ansítə letítú mʊ a, ələblí əbɛɛ, “Séi mó nawun aní lélé Bulu lawá mʊ əbəpʊ, alabelɛ mí Owíe Herode ibí pó t́á Yudafə bʊdɛ əkpa kító.”

¹² Inúá Petro lówun mó alí sʊ á, ələnatí yó Yohane aní bʊtetráa tí mʊ Marko mʊ yin Maria wóyí. Alí bré ámʊtə á, ahá tsətsəotsə bafia inʊ bʊdɛ mpáí bə. ¹³ Petro lédá amó iklʊnsʊ, osúmbi tsihé əkʊvá bʊtətí mʊ Rode lébɛkí əhá aní ogyi. ¹⁴ Bréá Rode lébí aní Petro əme ní á, ansí lɛhie gyi mʊ. Mú sʊ ələtan obu ámʊ fínkí. Mbouŋ oleyínkí srí yébláa amó əbɛɛ, “Petro laba olí obu-ənó.” ¹⁵ Ahá amó bəbláa mʊ bɛɛ, “Fú nwun layíntá.” Táme ələyó mósú, ələblí əbɛɛ, “Lélé a.” Mú sʊ bəbláa mʊ bɛɛ, “Mómú fiálí Bulu-əbəpʊá ətekí Petrosʊ ní.”

¹⁶ Alí bré ámʊtə fɛ́ɛ á, Petro trá ədɛ iklʊn amʊsʊ da. Bréá bəyə yéfínkí mó, bowun Petro a, ənó lobwie amó. ¹⁷ Petro ləbwe ibí súná amó əbɛɛ bʊkásʊ, ələbláa amó alí aní Wíe lalɛ mʊ obu. Ələbláa amó əbɛɛ, “Mlɪbla Yakobo mʊa apíó ahógyipʊ atráhe amʊ asón ánfí.” Mú ələnatí amó wá yó ətne bambá á.

¹⁸ Bréá əyí lɛke a, isá akəpú ámʊ fɛ́ɛ begyigyáa, fité aba bɛɛ, “Nkí Petro mɛ?” ¹⁹ Owíe Herode léha bodunká Petro ətinegyíətínɛ, táme bʊmowun mʊ. Mú sʊ ələtí obu adípósú akípʊ amʊ, fité amó asón, əleha bəmə amó.

Mó ɔma a, ɔlenatí Yudea ɔmátó yétsiá Kaesarea wúluto nkensá ku.

Owie Herode Lowu

²⁰ Bré kuto á, ɔblí lehie kítá Owie Herode Tiro móa Sidonfo su. Mó su awúlu anyo anfi bele abí bee buyókokóli mu, iwilwii itsia amó nsné. Tsúfé Owie Herode ɔmátó bɔtenyá atogyihe tsú. Ahá ámu begyankpá yéle asóntó suná Owie Herode wóyísó ɔkírú ɔkwa ɔtɔtɔ mu Blasto, olotsulá gya amó nkpá ɔɔyo Owie Herode wá yókokóli mu.

²¹ Owie Herode léhie amó eke. Eke ámu lófon a, ɔlehihie iwí dalí betsiá mu obíásó, bláa amó asón. ²² Ahá ámu ɔɔkplón blí bee, “Megyí nyankpusa détoí, mbóun ɔkpi détoí o!” ²³ Inonu Bulu-ɔɔɔpu léda Herode, anyambi ɔɔwi mu, olowu. Tsúfé ɔmɔpu numnyam há Bulu.

²⁴ Bulu asón lɔyo mósó, kléi yó tsútsútsú.

²⁵ Barnaba mua Saulo ɔɔyo amó agyómá tá Yerusalem, bekpa Yohane aní ɔtɔtráa ti mu Marko buo iwí yínkí yó Antiokia.

13

Barnaba Mva Saulo Sumbi Wa

¹ Bulu ɔnásó ɔtɔɔpú pú ató asunápú ako betsiá Antiokia ɔpasua ámutó. Amógyí: Barnaba, Simeon aní ɔtɔtɔti mu Obibi, Lukio aní ɔtsú Kirene ɔmátó, Manaen aní beyái mua Galilea ɔmásó ogyípú Herodenyó tsukole pú Saulo.

² Bréá beklí ɔnó, buɔe aní Wie súm á, ɔɔɔ Wankihé lébláa amó ɔbée, “Mlile Barnaba mua Saulo ha mi, abɔyo agyómá ámóú neti amó mbée bubóyo ámu.”

³ Mó su bréá beklí ɔnó ámu bó mpáí tá á, ɔɔpu ibi dínká amó nwunso, sí amó ɔkpa.

Barnaba Mva Saulo Kipro ɔsolósv Yo

⁴ ɔɔɔ Wankihé lówa Barnaba mua Saulo sumbí. ɔɔyo Seleukia wúluto yótsu ntsusu-yibi fá yó ɔsolóv kúá ibu ntsu nsné, ɔtɔtɔti mó Kiproso. ⁵ Bréá bowie wúlu kúá ibu inu, ɔtɔtɔti mó Salamiso á, ɔɔyo Yudafo ofiakpa yéda Bulu asón ámu ɔkan. Yohane ámóú ɔtɔtráa ti mu Marko amu é lóbuo amó yétsa amó agyómá yo.

⁶ Bedalí Salami wúluto, benatí alí bowie ɔsolóv kúá ɔtɔtɔti mó Pafoso. Inu befia ɔfápó kɔnkɔnti ɔkúá ɔtɔtɔti mu Bar-Yesu. Ogyi Yudayin, ɔtɔwá afunu ɔbée Bulu ɔnásó ɔtɔɔpú mogyi. ⁷ Mu nyawie gyí inu ɔmásó ogyípú Sergio Paulo. ɔmásó ogyípú anfi létun ansí. ɔlɔwa beyéti Barnaba mua Saulo ba mu wóyító. Tsúfé odekléa mónu Bulu asón. ⁸ Táme ɔfápó Bar-Yesu anfi mu dá así gyí, Elima Griiki ɔblító anfi méha amó ɔkpa abubla ɔmásó ogyípú amu Bulu asón ámu. ɔlɔɔ mbódí aní ɔmásó ogyípú amu mánu Yesu iwí asón ámu, fówun ɔmáɔho mósó gyi. ⁹ Inu ɔɔɔ Wankihé lóbulá Saulo amóú buɔe mu ti Paulo amúto, olesi ɔlú ɔde ɔfápú amu ansító kú. ¹⁰ Múú ɔlebláa ɔfápú amu ɔbée, “ɔbɔnsám mu bi, futekisi ito wankláan kugyíku. Fapó ahámle pú lalaha-gyí bwé fú agyómá. Mó su fuméesi Bulu ɔnɔkwali amu afunuto wa? ¹¹ Kí, Bulu ɔbébutí fú isu. Fú ansíbi bóbwie. Fumétrá wun ɔyi kehe to owí alí yófon bré ku.”

Inonu Elima ansító loklun mu. Mó su ɔlɔwa tatápu bi, ɔde ɔku dunká ɔkita mu oyító. ¹² Bréá ɔmásó ogyípú amu lówhun tásá ilaba a, ɔlɔho aní Wie gyi. Aní Wie iwí asón amóú buɔe mu suná ámu leha ɔnó lobwie mu.

Barnaba Mva Paulo Antiokia Aní Ibv Pisidia ɔmátó Yo

¹³ Paulo mua mu aba ámu botsu ntsusu-yibi tsú Pafu wúluto yó Perge aní ibu Pamfilia ɔsolósv. Táme Yohane Marko mó léyínkí amó ɔma tsú inu yó Yerusalem. ¹⁴ Bókóso tsú Perge yó Antiokia aní ibu Pisidia ɔsolósv. ɔkɔpónú

odaké á, bəyɔ mu Yudafo ofiakpa yétsiá así. ¹⁵ Bekla ató tsú Mose Mbila pú Bulu ɔnósó atóipó nwołótó ta á, ofiakpa amu ahande bəwa abí beyébláa Paulo aná bee, “Apíó, ní mlidé aswankwá mléblí pówá ahá ánfí ɔwonlín á, ɔkpa da.” ¹⁶ Múó Paulo lókusó líí, ɔbɔwe amó íbɔ ɔbée bokásu. Múó ɔlebláa amó ɔbée,

“Apíó Israelfó pú omá bámbásófá mlitenyá Bulu ifú, mliyaa asu amlnu. ¹⁷ Israel Bulu léle aní anáin bwé mu ahá. Ɔleha bekleí bréá bugyi afóó Egypte ɔsolósu. Ɔlɔpu mu túmi kpɔnkpɔnkpɔntí kpá amó dalí ɔmá ámɔtɔ. ¹⁸ Olenya klun kpá amó nfi adwana (40) kéké dimbí ámuvsu. ¹⁹ Oleyintá ɔmá asienó kéké Kanaan ɔsolósu, oleye amó ɔsolósu amu pówwé siadie há aní anáin. ²⁰ Nfi lafana aduenu (450), ɔlɔpuwé íni fée há amó.

“Mú ɔma a, ɔleha asón agyípu bekra amó alu bətu Bulu ɔnósó ɔtóipó Samuel. ²¹ Bréá bebláa Bulu bee ɔyáí awíe ha amó á, Bulu léyai Kis mu bi Saulo owíe há amó. Saulo otsú Benyamin abusuantɔ. Olegyi iwíe nfi adwana (40). ²² Bréá Bulu lékplí mu a, ɔleha beyai Dawid obiásó há amó. Asón ánfí Bulu léblí tsú mu iwí ní. Ɔbée, ‘Yisai mu bi Dawid gyí ɔhá ání mí klun dun muvsu, tsúfée ɔbɔbwe tógyítá nébláa mu mbée ɔbwée.’

²³ “Dawid anfi abí-anátó Bulu labele Yesu tsú há Israelfó ɔbée, ɔbwée amó Ɔlɔpó fě alíá ɔlehié yáí. ²⁴ Asa Yesu lébá a, Asú Ɔbɔpó Yohane légyankpá dá ɔkan súná Israelfó fée ɔbée, bɔdámli klɔntɔ, abɔha mu ɔbɔ amó asú. ²⁵ Bréá Yohane ɔbá bɔmɔ mu agyómá ɔnó á, ɔlefíté ahá ámu ɔbée, ‘Ma mlidésusu mliaa ngyi? Megyi mígyí ɔhá ámuó mlidé ɔkpa kí amu. Mu mó ɔbéba mí ɔma. Mmɔfun ání nówóí mu ntokɔta.’

²⁶ “Mí apíó, Abraham abí-aná pú omá bámbásófá mlitenyá Bulu ifú, mliyaa asu amlnu. Anigyí ahá ání Bulu lɔpu nkpahóó asón ámu sísí. ²⁷ Yerusalem atsiápu pú amó ahande bɔmɛbí ání Yesu gyí Ɔlɔpó. Bɔmonu Bulu ɔnósó atóipó amu asón ání bəwanlín tswí así. Bɔtekle mú ɔkpɔnó odaké kugyíku. Táme begyi Yesu asón, há mu ipón, mósó mu; ileha Bulu ɔnósó atóipó amu asón ánfí leba mótó.

²⁸ Bumenya Yesu iwí asón kɔkɔá bélí mósó mósó mú mu, táme bebláa Pilato bee ɔhá abɔmɔ mu. ²⁹ Mú su bréá ɔbɔwe tóá bəwanlín tsú mu iwí fée tá á, bele mu tsú oyikpalíhe amvsu yópulá mu. ³⁰ Táme Bulu lókusóa Yesu tsú afúlitó. ³¹ Mú ɔma a, olétsiá le iwí súná ahá ámuó muva amónyɔ benatí tsú Galilea yó Yerusalem amu bré tsɔtsɔtsɔtɔ. Ahá ánfí gyí ahá ání bɔde mu iwí adánsie gyí suná Israelfó ní.

³²⁻³³ “Aní mú anidé mli asɔn wankláán ámu bláa. Múgyí, Bulu labwé tó ámuó ɔlehié aní anáin amu há amó abí-aná. Amúgyí aní á. Tsúfée alakúsóa Yesu tsú afúlitó há aní, fě alíá bəwanlín wá Israelfó íu nyɔɔsɔtɔ bee, ‘Mí Bí gyí fú.

Nde nabwé fú Sí.’

³⁴ Bulu létrá tóí tsú Yesu kúsó tsú afúlitó pú mu ɔyólúw amóó imóɔpló wá ɔbótó ekekeke ámu iwí ɔbée, ‘Nɔpu mí oyúla wankíhé amóó nehié mbée, íbwé alíagyíalíá nɔpohá Dawid amu há mli.’

³⁵ Owíe Dawid é létrá lawánlín wá Israelfó íu bámbátó ɔbée, ‘Fuméeha fú osúmpó wankíhé móɔpló wá fúli ɔbótó.’

³⁶ Owíe Dawid lósum Bulu mu nkpatɔ, bwé Bulu apé tá á, olowu, bopulá mu mu anáintɔ, ɔlɔplí. ³⁷ Táme Yesu anfi Bulu lókusóa tsu afúlitó ánfí mú móplɔ. ³⁸⁻³⁹ Mú su apíó, mlinu asón ánfí anidé mli bláa anfi así. Yesu anfi nkɔlesu mlótsɔn nya lakpansikíé. Mose mbila metálí há amligyí asu Bulu ansító. Táme ɔhagyíoha ání alahó Yesu anfi gyí obégyí asu Bulu ansító. ⁴⁰ Mú su mluku wankláán, méní asón ámuó Bulu ɔnósó atóipó beblí tswí amu méeba mlisu.

⁴¹ Asón ámu gyí,

‘Asón ámu iwá mli

ahá ání mliṭwá Bulu asón nyányáa ifú, amliwu.

Tsúfē ní nde oku obli gyuma ání ndegyí mliṭo kóráá á, mliṃóhogyi.’ ”

⁴² Bréá Paulo mva Barnaba buḍeḍali Yudafo ofiakpa inu á, ahá ámu bákoli amó bee buhá okpónú odaké ámuḃ íbá ámu, abotra bótói tsu asón ámu iwá suna amó. ⁴³ Bréá ahá ámu beḍali Yudafo ofiakpa inu á, Yudafo tsotsotsó pú omá bámbátó abí ání bawíé Yudafo osúmtó beḅplá buo Paulo mva Barnaba. Mó su sumbí ayapó ání bótói kplá amó bee, bopóu ansí dinka Bulu awitálesu.

⁴⁴ Okpónú odaké ámuḃ bebláa amó bee buhá amu lófon a, ilesi kpalobí teki ahá beta wulu amuto. Amó fēé beba Bulu asón onukpá Yudafo ofiakpa inu. ⁴⁵ Bréá Yudafo bowun odom amu a, Paulo aná iwá lówa amó olu. Inu su begyi Paulo ason blihé amu nwéen, síá mu. ⁴⁶ Táme Paulo mva Barnaba bowa klon bláa ahá ámu bee, “Teki mli lehián ání abégyankpá bláa Bulu asón ání. Táme iná mlilékiná mú nu, mliḍé mli iwá kí mliáa, mliṃéhián nkpa ání itamatá ámu su á, anlayínkí ayó omá bámbásófo wá. ⁴⁷ Tsúfē alí Bulu lówa aní ní. Obéé, ‘Napó fú bwé okandíe há omá bámbásófo.

‘Jyító ahá fēé bótson fosu nyá nkpa ání itamatá.’ ”

⁴⁸ Bréá omá bámbásófo ámu bonu asón ání á, ansí legyi amó, békanfó aní Wíe asón ámu. Inu ahá ání Bulu lalé obéé, bonyáa nkpa ání itamatá boho asón ámuḃ gyi.

⁴⁹ Aní Wíe asón ámu ilekléi wíé omá ámuṭo otínegyíotíné. ⁵⁰ Táme Yudafo ámu pú atsiá bubu Yudafo osúmtó, obú bu amósó pú wúlu ahande bókusó líi Paulo mva Barnabasú, gya amó lé omá ámuṭo. ⁵¹ Sumbí ayapó ámu beḅpakpáa amó ayabito-isi wóli amó nwunso, benatí yó Ikonion wúluto. ⁵² Táme Jhe Wankíhé pú ansígyí lóbolá Antiochia akasípó amuto.

14

Paulo Mva Barnaba Bulu Asón Bli Ikonion Wúluto

¹ Ikonion wúluto é á, alí kén Paulo mva Barnaba boyo Yudafo ofiakpa ni. Bebli Bulu asón inu wankláán. Mó su Yudafo pú Griikifó tsotsotsó boho Yesu gyi. ² Táme Yudafo ámuḃ bómohogyi amu bótói wá omátófo ámu asoto, há amó bókusó líi ahógyipu amosu. ³ Ifú mekitá Paulo mva Barnaba. Betsiá inu wá opá bli aní Wíe Yesu asón ámu wankláán. Yesu é léli amó oma, su bóbwe ofúla pú osúna púsúná ání mu awitále asón ámuḃ buḍeblí ámu igyi onokwali. ⁴ Mó su wulu amuto ilobóí anyo. Aku bobuo Yudafo ámu, aku é bobuo sumbí ayapó ámu.

⁵ Mó oma a, Yudafo, omátófo pú amó ahande bóbwe agywin bee, bówa sumbí ayapó ámu iwáosintó, dá amó abwí mó. ⁶ Sumbí ayapó ámu bonu asón ání. Mó su besrí yó Likaonia awúlu yilé Litra móa Derbe pú awúluá ibu mantáa inusu.

⁷ Beda ason wankláán ámu okan inu é.

Paulo Mva Barnaba Gyumagyihe Litra Móa Derbe

⁸ Oyin oku létsiá Litra wúluto, bókwi mu ibu. Omakókósú líi mu ayabisu ki. ⁹ Ibo anfi tsie ode Paulo ason blihé nu. Paulo lési líi kí mu alu, olowun ání alahogyiá Bulu obétali tsá mu. ¹⁰ Mó su okpplón kóklókóó bli obéé, “Kuso lu fú ayabí anyoso.” Inu oyin ámu lókusó otsáwóle pé, wá natí bi. ¹¹ Bréá odom amu bowun tsá Paulo labwé á, bókplón bli Likaonia oblitó bee, “Ikpí ámu badámli anyánkpósa kplí ba aní wá.” ¹² Mó su bopu amó okpi kpónkpónti dá tí Barnaba bee, “Seus.” Bopu mu otsiámí dá tí Paulo bee, “Hermes,” tsúfē Paulo líi amó onó, oḍetáí ní. ¹³ Okpi Seus otswéka bu wúlu onó. Seus igyi oḅapó lóyóru nnantswie

pó oyi ntwíswí ba wúlu onó unv. Tsúfě mva odóm amv bodekléá bótswé sumbí ayópó ámv.

¹⁴ Bréá Barnaba mva Paulo bonu tóá bebá bəbwé á, bekitá amó atadié bálí. Plosuná ání bómotsulá dínká itó ámóú bebá bəbwé ámvsv. Besrí wíé odóm amvto blí bée, ¹⁵ “Ntogyi mlidé inu bwe? Aní é anyánkposá anígyí fé ml. Bulu ason wankláán abá bebláa ml, amlisi atəkpən ání omagyaá bobuo aní Wíe Bulu Okiankparv. Mólóbwe osó móa asi, əpv pó mótó ató fěé. ¹⁶ Bímbí ámv a, olesí əkpa há omágyimá ání bəbwéé tóá bodeklé. ¹⁷ Táme mú ó á, Bulu mókósi atə wankláán tsətsəotsə bwe, pósúná ání məbv unv. Mvtehá nyankpv totswie, ml ndəto ató təwá alé. Mvtehá ml atogyihe, ətehá ansí tegyi ml.” ¹⁸ Paulo aná ason blíhé anfi fěé əma a, iləwa onlən asa betalí ká odóm amv tin bée, bvmátin mbwí wólí amó ayabiasí tswé amó.

¹⁹ Mú əma a, Yudafə akv bətsu Antiokia ání ləv Pisidia omátó pó Ikonion wúlutə ba beblí asón pótse odóm amv agywun, bəkusó líí Paulosv. Bəda Paulo abwi, bítía mv dālí wúlu amvto. Bvki bée alawú, sv besi mv tswí. ²⁰ Táme bréá akasípó amv beba bobomlí Paulo a, ələkusó yínkí yó wúlu amvto. Mú əyí kəhe a, mva Barnaba bənatí yó Derbe wúlutə.

Antiokia Aní ləv Siria Omátó Yínkí Bá

²¹ Paulo mva Barnaba bəda ason wankláán ámv əkan Derbe. Ahá tsətsəotsə bədamlí kluntə mlí Yesu akasípó. Múú bəlayínkí yó Listra, tsəv yə Ikonion alu bebedalí Antiokia ání ləv Pisidia omátó. ²² Inu Paulo mva Barnaba bəwa akasípó amv atəto-onlən bée, bukíta hógyi amvto. Bebláa amó bée, “Ilehían ání abótsəv ipian tsətsəotsətsə asa abówie Bulu iwíegyi ámvto.” ²³ Bətó əpasua kugyíku á, bəteklí onó bó mpái, yáí ahandé há amó, pó amó wá aní Wíe amóú amó ansí dín msv əmv ibito.

²⁴ Beki Pisidia omátó əpasua ámvsv tá á, beba Pamfilia omátó. ²⁵ Bəda Bulu ason wankláán ámv əkan Perge wúlutə. Bəkusó tsú unv yó Atalia wúlutə. ²⁶ Paulo mva Barnaba belatsiá ntsusv-yibito tsú unv bowie Antiokia. Inu gyí ətínéá ahógyipv amv begyánkpa klí onó bó mpái, ání Bulu əwáa awitəle ha amó, méní bəyó agyómá ání bamó mó onó ání ní.

²⁷ Bréá bowie Antiokia a, bəti əpasua ámv fěé fia. Bebláa amó alíá Bulu lapó amó gyí gyoma, pó alíá Bulu lahá ahá ání bomegyí Yudafə é bahə mv gyí.

²⁸ Betsiá akasípó amv wá nke tsətsəotsə.

15

Sumbí Ayópó Pó Əpasua Amv Ifla Yerusalem

¹ Bréá Paulo mva Barnaba bəbv Antiokia a, ayin akv bətsu Yudea omátó ba unv. Bosuná ahógyipv ámóú bomegyí Yudafə ámv ató bée, ní bvməkótin keté Mose mbla onó á, Bulu móəhə amó nkpa. ² Paulo mva Barnaba bəkusó líí asón ánfisv. Mú sv amóá ató asunápó amv begyi mó nwéən kínkínkín. Inu sv beblí bée, bəwa Paulo mva Barnaba pó Antiokia ahógyipv amv akv Yerusalem, abəyowun Yesu sumbí ayópó pó unv əpasua ahandé amv tsú asón ání ləv.

³ Əpasua ámv besi ahá ámv əkpa bənatí. Bréá bəyó á, bəna Foenike pó Samaria omátó. Bebláa unvfo ámv bée, ahá ání bomegyí Yudafə é badámlí kluntə ba Bulu wá. Asón ání ləhe wá ahógyipv amv fěé ansigyí. ⁴ Bréá bowie Yerusalem a, əpasua ámv, amó ahandé pó sumbí ayópó ámv bəhə amó atúu. Paulo aná bebláa amó tóá Bulu labwé tsəv amv amóú fěé. ⁵ Táme ahógyipv amv akv bətsú Farisifəto bəkusó líí blí bée, “Ilehían ání omá bámbásófo ámv bətvn keté, gyi Mose mbla ésó.”

⁶ Sumbí ayəpú ámu pú əpasua ahande amu befia yə asón ánfito. ⁷ Bebití asón ánfí wá əpá. Mú əma a, Petro ləkəsó líí, bláa amó əbée, “Mí apíó, mlyin ání tsú bré kutə á, Bulu léle mí tsú mlitə əbée, mbláa ahá ání bomegyí Yudafə mu ason wankláan ámu, méní amó é bónu, hə mósó gyí. ⁸ Bulu yín nyankpəsa kləntə. Ələpə Əhe Wankihé amu há amó, fé alá ələpəhá aní púsúná ání alahə amó. ⁹ Olosuná ání bomegyí ətsan há aní, tsúfé əleha amó kləntə letin bréá amó é bohogyí. ¹⁰ Ntogyí sv mlidé Bulu səə kí? Ntogyí só mlidəpə Mose mbla ánfí ania aní anáin anumətáí gyi mósó ánfí han akasípú anfi? ¹¹ Ekekeke! Anilahogyi ání Bulu əbətəson aní Wíe Yesu awitələsu hə aní nkpa fé amó.”

¹² Bréá Petro lətáí tá á, afiapə amu féé bəbwe díin. Múú Paulo muə Barnaba bebláa amó alá Bulu lətsən amósó bwé ofúla pú osúna tsətsəətsə ahá ámuó bomegyí Yudafə ámuə. ¹³ Bréá Paulo muə Barnaba bətáí tá á, Yakobo ləyə mósó əbée, “Apíó, mlyaa asu amlnu. ¹⁴ Simon Petro labláa aní əbée, Bulu légyankpá lé súná ání otekle ahá ámuó bomegyí Yudafə ámu asón. Mú sv əlele amótó aku bwé mu ahá. ¹⁵ Asón ánfí pú Bulu ənósó atəpú amu ason blíhé labwé kole. Tsúfé bəwanlín wá Bulu asón ámuə bəe,

¹⁶ “Bulu əbée. Iní əma a, nəlatsú Dawid iwíegyi amóú iladida ámu kósó.

Nəlayí mó abuntíí féé,
há mó bəlú wankláan,

¹⁷ méní aha tráhe amu pú amóá bomegyí Yudafə,
mí dá dín amósó féé bódunká miá ngyi amó Wíe, wun mi.

¹⁸ Alí mí, mli Wíe Buluá
nele iní súná tsú bímbí ndeblí ní.’

¹⁹ “Iní sv tásá mí Yakobo ndeblí gyí, mli máha apu asəansu kíkli ahá ánfí bomegyí Yudafə, badámli kləntə ba Bulu wá ánfí. ²⁰ Mboún mliha awanlun əwoló bláa amó aniaa, bómágyi atogyiheá bapóhá ikpi, tsúfé mó iwí metun. Bómáwa atsi móa ayin asón. Bómágyi əbwiá bəpəsáa mu mó pú obugya. ²¹ Tsúfé bímbí əpá á, bətədá Mose mbla ámu əkan wúlgyíwúluto, bətəkla mó Yudafə ofiakpa kugyíku əkpónó ədaké é.”

Əwoló Pəsisí Ahógyipú Bomegyí Yudafə

²² Mú sv sumbí ayəpú ámu, əpasua ahande amu pú əpasua ámu bəbwe agywun bəe, bele ayin aku tsú amótó abubuo Paulo muə Barnaba yə Antiokia. Bele Yuda ání bətətí mu Barsaba muə Silas. Amó féé bugyi akparú há ahógyipú amu. ²³ Əwoló ání bəpəhá amó bəpəyátə asón gyí:

“Ahógyipúá mlumégyi Yudafə, mli bə Antiokia, Siria pú Kilikia əmátó. Mli apíó sumbí ayəpú pú əpasua ahande dé əwoló ánfí wanlín sísí mli.

“Anidé mli itsiá ha.

²⁴ “Anlónu ání aní apíó aku bətsu anitə ba mli wá inu, bəpə asəanko kíkli mli, púyíntá mli agywun. Anumókówá amó. ²⁵ Iní sv anlafia, tsúlá ání abéle aha aku abəkpa aní apíó adwəpə Barnaba muə Paulo ba mli wá. ²⁶ Ahá ánfí lásí amó nkpa há aní Wíe Yesu Kristo agyómá ámu sv ní. ²⁷ Mú sv anidé Yuda muə Silas wá aniaa, bəpúə ənə bebláa mli asón ámuó anilawánlín wá əwoló ámuə ámu kén. ²⁸ Əhe Wankihé lalé súná aní, aní é anilahə mó ání ima aléá abəpə atə dwindwin kəku sórá mli, dən mbla ánfí mó iwí dehián anfi. ²⁹ Mbla ámu gyí, Mlumágyi atogyiheá bapóhá ikpi. Mlumágyi əbwiá bəpəsáa mu mó pú obugya. Mlumáwa atsi móa ayin asón.’

“Ní mlidé mbla ánfisə gyi a, ibəwa alé há mli. Anlafən nfi.”

³⁰ Bəwanlín əwoló ánfí há amó tá á, besi amóá sumbí ayəpú ámu əkpa bəpəya Antiokia. Boyówie inu tí ahógyipə amu féé fia, pú əwoló ámu wá amó ibitə.

³¹ Bekla ɔwɔlɔ ámu a, ansí lɛhiɛ gyi amó, tsúfɛ mótɔ asón lɛha klɔn lédɪ amó asɪ.

³² Yuda mɔa Silas, bɔgyi Bulu ɔnɔsɔ atɔ́pɔ amɔ bɔtɔi kplá amó wankláán pówá amó ɔwɔnlín, wá amó atɛtɔ-ɔnlín. ³³⁻³⁴ Betsiá amó wá nke kpalobí, ɔpasua ámu lési amó ɔkpa iwilwiita, beyinkí yó ahá ámóú bɔwa amó sumbí ámu wá.*

³⁵ Paulo mɔa Barnaba é betsiá Antiokia inu yófun bré ku. Amóa inu ahógyipu amu akɔ betsiá súná ató, tsíá dá anɪ Wíe asɔn wankláán ámu ɔkan.

Paulo Mva Barnaba Abasɔmáin

³⁶ Bré ku ɔma a, Paulo lébláa Barnaba ɔbɛɛ, “Ha ayinkɪ yɔ awúlúá aniladá anɪ Wíe asɔn wankláán ámu ɔkan fɛ́ésɔ, ayɛkɪ alhá bɔtsie.” ³⁷ Barnaba lékléá békpa Yohane ání bɔtɛtɪ mu Marko buo iwɪ. ³⁸ Táme Paulo léblí ɔbɛɛ, uma alɛá Marko obóbuo amó, tsúfɛ ɔmetrá buo amó abɔyɔ Bulu agyómá ámu. Oleyinkí amó ɔma tsú Pamfilia wúlutɔ ɔpá. ³⁹ Paulo mɔa Barnaba bɛprú asón ánfɪ kinkínkín, ðɛha bɛmáin abasɔ. Barnaba lékpa Marko buo iwɪ, bɔtsu ntsusɔ-yibi yó Kipro ɔmátɔ. ⁴⁰ Paulo é lékpa Silas buo iwɪ, Antiokia ahógyipu amu bɔpu amó wá Bulu ibɔta, bɔpu ɔkpa. ⁴¹ Paulo lýɔtɔson Siria móa Kilikia ɔmátɔ; ɔlɔwa ɔpasua ámóú ibɔbu inu ámu ɔwɔnlín.

16

Timoteo Léyɛtsíá Paulo Mva Silastɔ

¹ Paulo mɔa Silas bɛnatí yó Derbe pú Listra. Ohógyipu ɔkuá bɔtɛtɪ mu Timoteo bu Listra wúlutɔ inu. Mu yin gyí Yudayin ání ɔlɔhɔ Yesu gyi, táme mu sɪ gyí Griikiyin. ² Apíó ání bɔbu Listra pú Ikonion bɛtɪ Timoteo idayilé. ³ Paulo lékléá ɔbékpa Timoteo náti. Mú sɔ ðɛha bɛtin Timoteo keté, tsúfɛ Yudafɔ ámóú bɔbu inu ámu fɛ́é bɔyin ání Griikiyin Timoteo mu sɪ gyí. ⁴ Bréá bɔyɔ á, bowié wúlugyíwúlusu bɔtɔsúná inu ahógyipu mbla oduá Yesu sumbí ayɔpɔ ámu pú ɔpasua ahandɛ amóú bɔbu Yerusalem amu bawá bɛɛ bɔgyíi mósú. ⁵ Inu sɔ ɔpasua ámu benya ɔwɔnlín hógýitɔ, kléi ekekegyíɛke.

Paulo Makedonia ɔmátɔ Yɔ

⁶ Paulo mɔa mu aba ámu bɔtsɔn Frigia pú Galatia ɔmátɔ. Tsúfɛ ɔɲɛ Wankíhé mɛha amó ɔkpa ɔbɛɛ, bɔdáa Bulu asón ámu ɔkan Asia ɔmátɔ. ⁷ Bréá bowie Misia ɔsɔlɔs ɔka á, bɔbɔwe agywun bɛɛ bɛyinkí tson yɔ Bitinia ɔmátɔ, táme Yesu ɔɲɛ mɛha amó ɔkpa. ⁸ Mú sɔ bɔtsɔn Misia ɔsɔlɔs kplí yó Troa wúlutɔ. ⁹ Mú onyé á, Paulo lówun ató. Olowun ání Makedoniayin ɔku líi mu ansítɔ, ɔde mu kokóli ɔbɛɛ, “Fa ɔpu amu ha Makedonia, afɔbegyi anɪ bɔale.” ¹⁰ Paulo lénya wun ató ámu alɪ, ðɔwankí mu ání Bulu dé anɪ wa ɔbɛɛ, ayó yɛda asɔn wankláán ámu ɔkan inu. Mú sɔ anilɔpu ɔkpa yó Makedonia.

Lidia Klɔntɔdamlí Filipi Wúlutɔ

¹¹ Anilówie ntsusɔ-yibitɔ tsú Troa, fá ɔpu yó Samotrake ɔsɔlɔs. Mú ɔyi kɛɛ a, anilétsiá yó Neapoli wúlutɔ. ¹² Anilɔpu ayabitɔ tsú Neapoli yó Filipi wúlutɔ. Filipi gyí Makedonia wúlu yilé ní. Romafɔ bɔbu wúlu anfitɔ. Anilétsiá inu nke kpalobí. ¹³ ɔkpónú ɔdaké á, anilédalɪ wúlutɔ yó ɔpu ɔnɔ ɔtɪnekwá aníkɪ aniaa, abówun ɔtínéá Yudafɔ bɔtɛfia bɔ mpái. Anilétsiá inu bláa atɪ akúá bebefia inu Bulu asón. ¹⁴ Atsiá bonu asón ámutɔ ɔkole gyí Lidia. Tiatirayin ogyi, ɔtɛfɛ tatiá mó ntsu lepe, ðɔ bía. Bulu osúmpɔ ogyi. Anɪ Wíe léha mu olonu Paulo asɔn blíhé ámutɔ. ¹⁵ Mú sɔ bréá anilɔbɔ mɔa mu wóyítɔ ahá asú á,

* **15:33-34** 15:34 Mótɔ yée 34 bu nɔwólɔ dada amu akoto: Táme Silas mó lóbwe agywun ání obésin Antiokia inu.

olobwii ipa há aní, blí óbée, “Ní mllahogyi aní nahó Yesu gyi a, mlibetsiá mí wóyító.” Ɔtsi ánfí bɔ anisɔ alu anilóbuo mu yó mu wóyító.

Paulo Mva Silas Obudí Filipi

¹⁶ Eke oku ayó Yudafo mpái obokpá unu á, anilótu otsibi okuá ogyi okpábi unu. Atóla oje bɔ musu, otelá ató, blí asón aní íbéba. Ɔtabwé kóba tsotsotsó há mu awie tsú mótó. ¹⁷ Otsibi anfi lékplá buo ania Paulonyo. Ɔna oképlón blí óbée, “Ahá ánfí gyí Ɔsósóúsó Bulu ámu asúmpó ni. Amódé mli nkpahó okpa suná ní.” ¹⁸ Ɔlabwe mú nke tsotsotsó. Iní lehan Paulo. Mú su okedamli bláa otsibi amu obée, “Atóla oje, nde mbala wa há fó Yesu Kristo dátá, dalu motó!” Inunu oje ámu lédalí motó.

¹⁹ Okpábi amu awie bowun aní amú kóba okpa latin. Mú su bekítá Paulo mva Silas, bítia amú ya wúlu ahande ansító. ²⁰ Bopu amú ya Romafó asón agyípo bée, “Yudafo ahá ánfí bogyi, bude asón klée wa aní wúlu anfitó. ²¹ Bude amándié laláhe aní aní mbala meha mú iwí okpa suná. Romafó aní mú anigyí. Animéetali hó amú amándié ámu gyi mósó.” ²² Inu okom amu botu bun Paulo mva Silasu.

Asón agyípo amu beha bée bɔwóí amú atadie, abunwen amú mpli. ²³ Bepiti Paulo mva Silas ató wankláán tá á, beha bopu amú tswi obu. Bebláa obu adipósó okípu bée, ogyóo amú wankláán. ²⁴ Asón amúó bebláa obu adipósó okípu amu su okopu amú yétswi obutótó, wá amú ayabi kplakitsi.

Obu Adipósó Okípu Yesu Hógyi

²⁵ Mú oyi-nsiné á, Paulo mva Silas bude mpái bɔ, bude ilu wa kánfó Bulu. Obu adípó atráhe amu é buáa budenu. ²⁶ Ɔtsáwule pé á, okulóbu lékpunkí okwónlinsó, ílekpunkí obu amú ntswasí. Mú aklon féé lefinkí. Obu adípó ámu íkan pó amú kplakitsi amu féé lɔwá. ²⁷ Obu adipósó okípu amu létsinkí, wun aní aklon amu féé lafinkí. Inu okle okdayí iya anyo obée amuwá iwí, tsúfé oki obée obu adípó ámu féé badáli srí. ²⁸ Táme Paulo lókpón kóklókúó bláa mu obée, “Mábwe iwí toto. Aní féé anubu unu.”

²⁹ Obu adipósó okípu amu léha botsu okandíe ba mu, okwa okwa wíe obu ámotó. Ifú de mu, su okékpunkí kpakpakpakpa. Okyédá akpawunu Paulo mva Silas ayabito. ³⁰ Inu okéka amú dáli yéfité amú obée, “Mí awíé, ntó mbwée asa Bulu okó mi nkpa?”

³¹ Múó Paulo mva Silas bebláa mu bée, “Hó Yesu gyi, méní Bulu okóhó fóá fó wóyító ahá féé nkpa.” ³² Múó bebláa mva mu wóyító ahá féé aní Wíe Yesu asun wankláán ámu. ³³ Onyé-onyé ámu a, oyin ámu léyía amú iwí nló amúó benya bré amúó bepiti amú ató ámu. Okéha amú bɔbɔ mva mu wóyító ahá ámu asú ununu. ³⁴ Obu adipósó okípu anfi lópu amú ya mu wóyító, okyéha benuná ató há amú begyi. Iníá mva mu wóyító ahá féé bahó Bulu gyi su á, ansí lehie gyi amú.

³⁵ Mú oyi kéhe a, asón agyípo amu bɔwa ahá akitápo aku bée buyébláa obu adipósó okípu amu bée, osii ahá ámu abonati.

³⁶ Mú su oyin ámu lébláa Paulo obée, “Asón agyípo amu bapó oké sísí mí bée, nsii fóá Silas amlunati. Mú su mluñati iwilwiita.”

³⁷ Táme Paulo lébláa ahá akitápo amu aku obée, “Bomegyi aní asón, táme banwén aní ató okwntó. Romafó anigyí, táme bawá aní obu. Ntogyi su budekléá bési aní nǎintó? Ekekeke! Asón agyípo amu onutó bɔbá bele aní.”

³⁸ Ahá akitápo amu beyinkí yó yébláa asón agyípo amu. Bréá bonu aní Romafó Paulo mva Silas bogyi á, ifú lehie kítá amú. ³⁹ Mú su boyóbwii ipa há Paulo aná, bekpa amú dalí yókokóli amú bée budáli wúlu amotó. ⁴⁰ Inu Paulo mva Silas benatí yó Lidia wóyító. Bafia apíó ahógyipu amu unu, tóí kplá amú, wá amú okwónlín asa benatí.

17

Paulo Tesalonika Yo

¹ Bréá Paulo mva Silas benatí tsú inu boyo á, bona Amfipoli pú Apolonia awulusu beba Tesalonika. Yudafá ofiakpa ku bu inu. ² Fé alíá Paulo tabwé brégyíbré á, olayo ofiakpa inu akpónú odaké, mva amónyo boyo Bulu asun wanlínhé amoto. Olabwe mó alí tse sa sóón. ³ Oléle Bulu asón ámoto súná amó, dínká ibwi músó obéé, “Ilehían ání Kristo, (ohá ámóú Bulu ladá mu ofúli amó), obówun iwiasin wú, lákósú tsú afúlitá.” Olayo mu asón ámóú obéé, “Yesu anfi nde mu iwí asón blí anfi gyí Kristo amó nu.” ⁴ Paulo asón anfi lówankí Yudafá ámóú akó. Mó su bobuo mva Silas. Alí kén Griikifó Bulu asúmpó pú atsiá obú bu amósú tsotsotsó é bobuo amó ní.

⁵ Iní léha Paulo mva Silas iwí lówa Yudafá ámu olu. Mó su bekpa aha laláhe akó buo iwí tsú brónusu, bopu ahá tsotsotsó yéhan agywun wúlu amoto. Betsíí yó oyin akóá botetí mu Yason wóyító, bode Paulo mva Silas dunká abubitia amó ba odóm amó ansító. ⁶ Táme bómowun Paulo mva Silas. Mó su bebitía Yason mva ahógyipu amó akó ya wúlu ahande ansító, bode okitikíti beé, “Ahá anfi ná bode agywun háan oyító féé ní. Bawíé nfi, ⁷ Yason laho amó yái mu wóyító. Amó féé bodekósó líí Roma Owíe Dehen mblasu. Tsúfé bode ahá bláa beé, owíe bambá akó bu inu, mu dá gyí Yesu.” ⁸ Bréá wúlu ahande pú odóm amó bonu asón anfi á, lehie han amó. ⁹ Táme bebití Yason mva mu aba ámu isu, beka ikó, ká ntam beé bómétrá han agywun, besi amó benatí.

Paulo Mva Silas Beroia Yo

¹⁰ Besi owíleta, ahógyipu amó beba Paulo mva Silas benatí yó Beroia wúluto. Benya wíé inu alí, boyo Yudafá ofiakpa. ¹¹ Yudafáá bóbú wúlu anfitó botsulá ho asón ámu dún amóá bóbú Tesalonika. Bopu ansigyí ho Bulu asón ámu, tsíá yó Bulu asun wanlínhé amoto ekekegyíke kí beé, onakwalí Paulo dé amó bláa. ¹² Yudafá tsotsotsó pú Griikifó atsi mva ayin ání obú bu amósú é bəho asón ámóú gyí. ¹³ Yudafá ámóú bóbú Tesalonika amó bonu ání Paulo layó ode Bulu asón ámu okan da Beroia. Iní su begya okpa yó inu bode inofó ámu agywun yintá. ¹⁴ Osasu, ahógyipu amó bele Paulo lé wúlu amoto ya opu onó, táme Silas mva Timoteo mó besi bóbú inu. ¹⁵ Ahá ámóú beyési Paulo okpa ámu bekpa mu alí yówie Atene wúluto. Bréá bodeyinkí á, Paulo lópu ome sísí Silas mva Timoteo obéé, bówáa asa botu mu.

Paulo Atene Yo

¹⁶ Bréá Paulo lési otsie ogyo Silas mva Timoteo Atene wúluto á, inu tsíá lehie han mu. Tsúfé olowun ání ikpí sóón bu wúlu amoto. ¹⁷ Mó su ní oyo Yudafá ofiakpa inu á, mva Yudafá pú Griikifó ámóú bode Bulu súm ámu botetsiá lé asóntó há aba. Alí kén mva dunsu atsiápó é betsiá tóí tsú mó iwí ní. ¹⁸ Mva atiansipu akóá botsu Epikuro pú Stoak opasuato* ba inu é betsiá bití asón anfi. Amótó akó befité beé, “Nto okan onótó akapó anfi déda?”

Aha akó bele mó onó beé, “Idebwe fé ikpí akó iwí odetoí tsú.” Tsúfé Paulo dé Yesu mva afúlikósú iwí asón okan da. ¹⁹ Móú bekitá Paulo, kpá mu ya Areopago, igyi amó wúlu ahande ofiakpa. Ahande amó bebláa Paulo beé, “Anidéklé aniaa, futóí tsu fú atosunáhé papwe amó iwí suna aní. ²⁰ Animókónú asón anfi kí. Mó su anidéklé aniaa, fuléé mótó suna aní.” ²¹ Tsúfé Atenefó pú afóáá bóbú inu féé butamabwé toto dún asón ání ilaba nu pú mó blí.

* **17:18** Epikuro opasuatofo bogyi aha akóá botebli beé, ilehían ání ansí bégyi aní. Fowú á, datá. Stoak opasuatofo é beé, mehían ání ansí bégyi aní dóbídóbí, awireho é mákitá aní dóbí.

²² Inu Paulo lókusó líí afiapu amu ansító obée, “Atenefo, nawun ání mlitehié tswé ikpi. ²³ Tsúfée iníá ndeki wúlu anfito fée á, nawun ntobí oduá mlitotswe. Nawun afodie-asubwi kuá bəwanlín dínká mósú bée, ‘BULUA ANIMÉYIN MU.’ Mú sɔ Bulu ámóó mlidésu, mlíméyín mu dá ámu iwí okan ndeda súná mli á. ²⁴ Bulu lóbwe gyí pó mótó ató fée. Mogyí osó móa así Owíe. Otamatsiá otswékpa ání anyánkposá ibi léyi mótó. ²⁵ Otamadúnká tɔto tsú ohaa wá, méní iwbe fé tɔku tehían mu. Tsúfée motéhá ahá fée nkpa, oje pó tógyítá itehían amó. ²⁶ Móléha sɔ ahá fée belun tsu obakóle pétó, oheha bekleí wá oyiító fée. Móléha omá kugyíku otínéá bɔtsie pó bréá bétsiá yófun. ²⁷ Olobwe mó ali, méní nyankpɔsa obódunká mu wun mu. Táme teki oma ifó anitɔ okoku wá. ²⁸ Tsúfée oku lébli obée, ‘Bulu sɔ anitsie nkpa. Mú sɔ anitekán iwí, anigyí alíá anigyí.’ Fé alíá mli lu awapó aku bebli bée, ‘Bulu ahá aní é anigyí.’

²⁹ “Iníá Bulu ahá anigyí sɔ á, anumákí aníaa, Bulu gyí fé tunkuá nyankpɔsa lapó sika pepe, sika futútú ntée ibwi pwé mó alíá odeklé. ³⁰ Bímí ámu a, ahá bomebí alíá Bulu gyí. Bulu lóbun ansibi mósú, támé séi mó á, alabláa anyánkposá fée obée, bɔdámli klɔntɔ. ³¹ Bulu lalé eke yáí ání obótsɔn ohá ámóó alalé yáí ámɔsɔ gyí oyiító ohagyíoha asón onkwalisu. Odeklé obée ahá bobú ání onkwali igyi. Mú sɔ okokosá ohá ámu tsú afúlito ní.”

³² Iníá Paulo lóti tsú afúlikusó iwí sɔ á, aku bəməsí mu. Táme amótó aku bebli bée, “Anidéklé aníaa, fotráa ba afobebláa aní asón áni ku é.” ³³ Inu Paulo lókusó dáli ofiakpa inu. ³⁴ Táme ahá kpalobí ku bəhɔ Paulo asón ámɔsɔ gyí, bobuo mu. Amótó okule dá gyí Dionisio, oletsíá wúlu ahande amotɔ. Mwa otɔsɔ okvá botetí mu Damari pó aha aku é.

18

Paulo Korinto Yɔ

¹ Iní oma a, Paulo lókusó tsú Atene yó Korinto wúluto. ² Ojəyɔtu Yudayin okvá botetí mu Akwila, bəkwíí mu Italia omanti kuá botetí mó Pontoto. Akwila mwa mu ka Priskila beba Korinto inu məkówá opa. Tsúfée ali bré ámɔtɔ á, Roma Owíe Klaudio lagya Yudafo fée lé Roma wúluto. Paulo lóyo amó wá. ³ Tati-obubí abwepó amó é bogyi. Mú sɔ Paulo létsiá amó wá, mwa mɔnyɔ betsiá bwé tati-obubí ámu fé. ⁴ Okpónú odaké kugyíku á, Paulo təyó Yudafo ofiakpa yéle Bulu asón ámɔtɔ wankláán súná Yudafo pó Griikifó ámu, méní bəhɔ Yesu gyí.

⁵ Bréá Silas mwa Timoteo bɔtsu Makedonia bətu Paulo a, olesi agyómá ámu yɔ, pó Bulu asón ámu okanda kóun bwé mu gyumagyihe. Oletsíá gyí adánsie súná Yudafo ámu obée, Yesu gyí Kristo, (ohá ámóó Bulu ladá mu ofúli amú) ní.

⁶ Táme bəməhɔ mu asón ámu. Bəkusó líí musu, síá mu. Mú sɔ Paulo lófwí ibi lé amó asóntó, bláa amó obée, “Tsú nde pəya a, nalé ibi mli asóntó. Ní lowu mlidéklé a, íbá mli sɔ. Néyélbláa ahá ání bəmegyí Yudafo mboun Bulu asón.”

⁷ Iní sɔ Paulo lédali Yudafo ofiakpa inu yétsiá oyin okvá botetí mu Tito Yustus woyító. Megyí Yudayin oyin ámu gyí, támé ogyi Bulu osúmpó. Mu wóyí ibu mantáa Yudafo ofiakpa inu. ⁸ Táme Krispu áni ogyi Yudafo ofiakpa inu ohande mwa mu woyító fée mó bəhɔ aní Wíe Yesu gyí. Korintofó ámu tsotsootso é bohoyi, bəbɔ amó asú.

⁹ Eke oku onyé á, Paulo lówun ató. Mótó á, aní Wíe lébláa mu obée, “Mánya ifú. Yɔ mósú afɔda asón ámu okan wole. Mákpa onó bun. ¹⁰ Tsúfée mía fonyɔ ná. Ohaa méetalí bwé fú tɔto. Mí ahá bɔtsɔ wúlu anfito.” ¹¹ Mú sɔ Paulo létsiá Korinto inu súná ahá ámu Bulu asón ofi okole móa ífun.

¹² Bréá Galio létsiá Roma owíe otsiákpá, ode Griikifó osaasi omanti kuá botetí mó Akaiasu kí a, Yudafo ámu bəbwe onə-okule, kítá Paulo, pó mu ya mu ansító.

¹³ BEE, “Oyin ánfí dé ahá asokpan suná obéé busúm Bulu tsun okpa ání ìkòsò lí aní mblasòsù.”

¹⁴ Paulo lénya bwíí onó obéé amutòí alí Galio lébláa Yudafo ámu obéé, “Ní tsitsa ntée lakpan kú oyin ánfí labwé á, tekí ìbù aláá néyaa asù nú mlí asón.

¹⁵ Táme íniá adá pú mlí onutó mbla íwí asón íwí nwéen mlídégyí sù á, mliyo amliyéblí mó. Mméegyí asón ánfí odu.” ¹⁶ Mó òleha begya amó lé asón ogyíkpa inu á. ¹⁷ Ahá ámu féeé bowunáa kítá Sostene ání ogyí Yudafo ofiakpa inu ohandé, dá mu inu. Táme Galio mótsu koku lé móótó.

Paulo Yinkí Yò Antiokia

¹⁸ Paulo létsiá ahógyipu amù wá Korinto yófun bré kù. Móú òleká amó, mwa Priskila pò Akwila benatí yó Kenkrea wúlutó. Paulo lékpa mu nwun Kenkrea inu, pòsuná ání alamó ntaam kúá òleka onó. Móú botsu ntsusu-yibi pò báyó Siria omátó á. ¹⁹ Bréá bowie Efeso wúlutó á, Paulo lénatí sí Priskila mwa Akwila, yó Yudafo ofiakpa, mwa Yudafo ámu budé asóntó lé há aba. ²⁰ Bokokóli mu bEE, òtráa tsia amó wá kpalobí, omotsulá. ²¹ Táme bréá òdedalí oyó á, òlebláa amó obéé, “Ní Bulu lótsulá á, néyinkí ba mlí wá.” Inu olowie ntsusu-yibitò tsú Efeso inu náti.

²² Bréá òlekplí Kaesarea a, òlodu yó Yerusalem yéha opasua ámu tsiá. Móú oleyinkí kplí yó Antiokia a. ²³ Oletsíá Antiokia inu kpalobí. Mó òma a, òlenatí inu beki Galatia pò Frigia òsolósu, òde akasípó amù Bulu asón bláa, pówá amó òwonlín.

Apolo Bulu Asón Okanda Efeso Mwa Korinto

²⁴ Alí bré ámòtò á, Yudayin okúá botetí mu Apolo laba òbù Efeso wúlutó. Bòkwíí mu Aleksandria, wúlu ání ìbù Egipte omátó. Oyin tóí, oyin Bulu ason wanlínhé amù é wankláán. ²⁵ Bosuná mu aní Wíe okpa ámu. Mó sù Yesu íwí onòkwalí amù blí tchéí wá mu ansigýí. Táme Asú Òbòpú Yohane asúbò ámu pé oyin. ²⁶ Apolo ménya ifú. Òlawa klùn súná ató Yudafo ofiakpa inu wankláán. Bréá Priskila mwa Akwila bonu mu ason blíhé a, bekpa mu yáa wóyító yósuná mu Bulu okpa ámu wankláán don alá oyin yaí. ²⁷ Bréá Apolo lóbwe agywun obéé, obóyo Ákaia òsolósu á, ahógyipu amù bowa mu ateto-onlun. Bòwanlín òwoló sísí inu ahógyipu bEE, bwhó mu wankláán. Bréá oloyówie inu á, òlehié búa ahá ání ina Bulu awitalesu bahó Yesu gyí. ²⁸ Apolo mwa Yudafo ámu begyi Bulu ason wanlínhé amù íwí nwéen, òlòtòí lé asóntó tùmísu pógyi amósú. Òlòpù Bulu ason wanlínhé amù súná amó ání Yesu gyí Kristo, (ohá ámú Bulu ladá mu ofúli amù).

19

Paulo Bulu Asón Okanda Efeso

¹ Bréá Apolo bu Korinto a, Paulo lódu yótsun òsósú awúlusu bedalí tíf Efeso. Òlòtò akasípó aku inu. ² Móú òlefíté amó obéé, “Mlúlénýa Òhe Wankíhé bréá mlílohogyí?”

Béle mu onó bEE, “Anumókónú kí ání Òhe Wankíhé kù bu inu.”

³ Paulo létrá fité amó obéé, “Asú mòmù bòbò mlí?”

Béle mu onó bEE, “Yohane asú ámu bòbò aní.”

⁴ Paulo lébláa amó obéé, “Yohane lóbò ahá ání badámí klontò asú. Òlebláa amó obéé bwhó ohá ámúò obu mu obá ámúso gyí. Mvgyí Yesu.”

⁵ Bréá ahá ámu bonu asón ánfí á, beha bòbò amó asú aní Wíe Yesu dátó. ⁶ Mó òma a, Paulo lópu ìbí dínká amó nwunso, Òhe Wankíhé léba amósú. Bèblí òblí bámbá, blí Bulu onó asón é. ⁷ Amó féeé bóbwe ayin dúanyo.

⁸ Paulo lélatiá yó Yudafo ofiakpa inu. Ɖɔwa klɔn tóí lé asóntó súná amó tsra asa kéké. Omenya ifú, méní bóhɔ asón amóú ɔdeblí tsú Bulu iwíegyi iwí amusu gyi. ⁹ Táme amó aku bówa klɔntɔ odwin, bómɔhɔ mu asónsú gyi. Botóí wɔ aní Wíe Ɖkpa amóú Paulo dé amó súná amó ahátó inu. Mó su Paulo lékpa akasípó amó náti, oletsiá súná amó ató oyin ɔkɔá buteti mu Tirano ató ɔkasíkpá. ¹⁰ Paulo lósuná amó ató nfinyɔ kéké. Mú su Yudafo pú Griikifɔ aní bóbo Asia ɔmátó fée bonu aní Wíe asón amó.

Skewa Abi Asón

¹¹ Bulu lótsɔn Paulosu bwé ofúla akpɔnkpɔnti ku. ¹² Ahá bɔkolá mu adúkubi pó mu iwísu ató yédunká alɔpusu, benya lɔtsá, ɔɛ laláhe é ledali ahátó. ¹³ Yudafo aku é bóbo nsiné inu bóna bɔdeki gya ɔɛ laláhe lé ahátó. Bówa klɔn beɛ, bópu aní Wíe Yesu dá gya ɔɛ laláhe lé ahátó. Mú su bɔkplɔn wa ɔɛ laláhe beɛ, “Dalí Yesu amóú Paulo dé mu iwí asón ɔkan da amó dátó.” ¹⁴ Igyi ahapó ɔhande ɔkɔá buteti mu Skewa abi yinhé abasiénó létsiá bwé iní.

¹⁵ Eke ɔku ɔɛ laláhe léfité amó ɔbéɛ, “Nyin Yesu, nabí Paulo, mlí é mé, amendi mlígyi?” ¹⁶ Ɖhá amóú ɔɛ laláhe bu mɔtɔ amó lótu wíé amótó, dá amó, títi amó atadié fée. Inu amó fée bópu amó yaya pú amó iwí nlɔ srí dalí wóyí amótó. ¹⁷ Yudafo pú Griikifɔ bóbo Efeso inu fée bonu asón ánfí. Ifú lekítá amó. Mú su bópu obú há aní Wíe Yesu. ¹⁸ Ahá amóú bohogyi amótɔ tsɔtsɔtsɔ beɛ amó lakpan blí. ¹⁹ Amótó aku búgyi okó alɛpú. Botsu okó amó nwló ba bówa mú fée ogyá ahá ansító inu. Bobu amó nwló amó ibiá á, ɔbɔwe sika futútú mpím-aduenu (50,000)*. ²⁰ Ina aní Wíe Yesu túmísu mu asón amó lenya ɔkpa kléi wankláán.

Demetrio Mva Mu Aba Ikó Le Wá Efeso

²¹ Asón ánfí fée ɔma a, Bulu Ɖɛé amó léha Paulo lóbwe agywun aní ɔbóyo Makedonia pú Akaiá ɔsulósu, fówun ɔyo Yerusalem. Mú Paulo léblí ɔbéɛ, “Ní nowíé inu á, ilehián aní néyéki Roma wúlutɔ é.” ²² Mú su ɔlɔwa mu abápu abanyó, búgyi Timoteo mva Erasto sísi Makedonia. Mu onutó olesi tsiá Asia ɔmátó kpalobí.

²³ Alí bré amótɔ á, aní Wíe Ɖkpa amóú bɔde ahá suná amó su asón kpɔnkpɔnti ku leda Efeso inu. ²⁴ Oyin ɔkɔá ɔbɔwé sika futútú ató, buteti mu Demetrio bu inu. Oyin ánfí tɔpó sika futútú bwé ɔkpi yilé Artemi† ɔtswékpa akusubi aní ilelian mu ɔswékpa yilé amó fé. Mva mu aba agyómá ánfí ayɔpó butenyá kóba tsɔtsɔtsɔ tsú mótó. ²⁵ Ɖleti mu aba amó pú ahá aní bɔbɔwé agyómá amó odu fia. Múú ɔlebláa amó ɔbéɛ, “Mí apió, mlíyin aní agyómá ánfí sɔ aní fée anilawá alé ní. ²⁶ Yéɛ mlítsie mlídénu, mlídéwúun tóá Paulo débwe? Alatá ahá bláa ta Efeso wúlutɔ pú Asia ɔmátó fée fia ɔbéɛ, ikpi aní ahá bapó ibi pwé bumegyí tɔtɔ. Alatá ahá ɔhó mlé tá, bɔde mu asónsú hógyi. ²⁷ Megyi aní agyómá wole ibéyintá. Ɖhaa méétrá bu ɔkpi tsihé Artemi ɔswékpa yilé amó. Ɖkpi amó dá é bófwí lé ɔyító. Táme tekí mɔgyí ɔkpiá ahá fée bɔtɔswé Asia ɔmátó pú ɔyító fée ní.”

²⁸ Bréá ɔdɔm amó bonu asón ánfí á, benya ɔbló, sɔrá okitikiti beɛ, “Ɖkpi kpɔnkpɔnti aní Efesofɔ ɔkpi Artemi gyí!” ²⁹ Kpokiti leda wúlu amótɔ fée. Ahá amó bekítá Paulo abúopu Gaió mva Aristarko aní bɔtsú Makedonia srí pú amó ya wúlu ofiakpa. ³⁰ Paulo onutó lékléá ɔbóyo ofiakpa inu, ɔyɔtɔí kpá ɔdɔm amó, támé akasípó amó bumeha mu ɔkpa. ³¹ Ɖmá amótɔ ahande akpɔnkpɔnti akɔá búgyi Paulo anyawíé é bówa obí lóyóbwií ipa há mu beɛ, ɔmáyo ofiakpa

* **19:19** Sika futútú mpím-aduenu (50,000) bóbwe ɔbakóle nfi lafakole-aduasa (130) ikóká. † **19:24** Artemi gyí ɔkpi kpɔnkpɔnti ɔko dá.

inu. ³² Kpokiti léda ofiakpa inu. Aní bee ali, aní é bee ali. Amótó ahá tsòtsòtsò bumebi tóá suá befia inu. ³³ Yudafo ámu akw bọyo ofiakpa inu. Bowutá Aleksandro sísí ọbuntò, bude mu asón aní ọyẹblí bláa. Inu su Aleksandro lótsu ibi fọá, ọbée amọle mu ọnó. ³⁴ Táme bréá bowun aní Yudayin ogyi á, belasórá okitíkítí, bí ason kua kule dānhwírí anyọ kéké bee “Ọkpi kpṛnkpṛnti aní Efesofọ ọkpi Artemi gyí!”

³⁵ Iní fée ọma a, wúlu ató ọwanlínpó léha ọdọm amu bekpa ọnó bun. Múú ọlebláa amú ọbée, “Efesofọ ayin, ma méyín aní Efeso nfi gyí aní ọkpi kpṛnkpṛnti Artemi pọ mu ibwí ámúú ilekpa tsú ọsósú ámu nwun?” ³⁶ Ọhaa má inuá ọbétalí gyí asón ọnfi iwí nwéen? Mlunya klun, méní mlunmóoko mli. ³⁷ Ahá ọnfi mlulakpá ba nfi ọnfitò ọkọkọ mókówí tótò tsú ọtswékpa inu. Bómáklí aswansu kósó lí aní ọkpi tsíhé Artemisú. ³⁸ Táme ní Demetrio muu mu aba agyómá ayọpọ amu bee bọbọ ọkọ iwí asón á, asón agyíyọ bọbọ inu, asón ogyíkpa é bu inu. Bétalí pọ asón ámu ya inu kpéblí mú. ³⁹ Ní mlubu ason bambá kọ tsía inu tó mú á, bétalí yéblí mú ọtíné ámúú aní fée anitefia gyi asón ámu. ⁴⁰ Tsífé ní anuméki wankláán á, abénya asón aní andahan wúlu amu agywun nde. Ní befíté aní é á, anuménya aswansu pólé mú ọnó.” ⁴¹ Olenya bí asón ọnfi tá ali, ọleha amú fée bedasáin.

20

Paulo Yinki Yó Makedonia Múa Griikifọ

¹ Kpokiti amu ọma a, Paulo léba beti akasípọ amu fée fia, tói kplá amú, wá amú ateto-ọnlun. Ọleklá amú asa ọlọpọ ọkpa ọyó Makedonia ọsólúso. ² Oleki nsiné inu ọpasua ámu su tói kplá amú asa olobowie Griikifọ ọsólúso. ³ Oletsíá inu tsra asa. Bréá ọlọbwe agywun ọbée, méfa ọpọ yó Siria ọsólúso á, olowun aní Yudafo bude mu tée abokita mu. Mú su ọlọbwe agywun ọbée mélayótson Makedonia ọsólúso. ⁴ Ahá aní bekpa mu ya inu gyí Beroiayin Sopater, ogyi Piro mu bi; Tesalonikafọ Aristarko muu Sekundo pọ Derbeyin Gaiọ; amúa Timoteo pọ Asiafọ Tihiko muu Trofimo. ⁵ Ali ahá ọnfi begyankpá yógyo aní Troa wúlu. ⁶ Israelfọ begyi amú Bodobodo Mátúhénke ọma a, anilétsíá ntsusu-yibitò tsú Filipi wúlu. Anilénatí nkená ọwító. Eke múúsí a, anilóbọtu nkpa agyápu amu Troa wúlu. Aní fée anilétsíá inu nkensíénó.

Eutiko Tsinkí Tsú Lowuto

⁷ Kwasieda, igyi ndawótswí ámúto eke gyankpapu ntópwesu á, aniléfia abégyi ató abato fẹ alá aní Wíe lósuná aní. Inuá Paulo dékléá ọbénatí ọyi kehe su á, ọlótó kplá amú alu yéha ọyinsiné. ⁸ Nkandíe tsòtsòtsò bu ọsósú obu ámúú aniléfia mútò ámúto. ⁹ Oyimbi ọkwa bọtetí mu Eutiko lódu bian nfánsrí ọnó, ọde asón ámu nu. Inuá Paulo lótoí wá ọpá su á, didí lowie mu, fóru mu. Ọlekpá tsú ọsósú abansórú saasi nfánsrító inu beda ọsólóto. Bréá boyótso mu a, alawú fée. ¹⁰ Múú Paulo lékplí yó inu, yémlí bun mu su, látá mu pútá, bí ọbée, “Opúni mátsíí mli, ọjé bu múto.” ¹¹ Paulo léyinkí dọ yó ọsósú inu, muu mu aba ámu nyọ behiabía bodobodo gyi. Ọlọyọ mu tói amusu alu yófun ọyi kehe, ọlenatí. ¹² Múú ahá ámu bekpa kebi ámu ya wóyí á. Ansí lehe gyi amú aní ọbọ nkpa.

Paulo Troa Tsu Yó Mileto Wúlu

¹³ Anlégyankpá yówie ntsusu-yibi ámúto ayó Aso wúlu yótsu Paulo inu. Tsífé Paulo léha aní ibi ọbée, ọbótson ayabitò ọkpa ká tíí inu. ¹⁴ Bréá ania munyọ anléyéfia aba Aso wúlu inu á, olowie ntsusu-yibi ámúto, aniléfa yó Mitilene wúlu. ¹⁵ Anilénatí inu ọyi kehe, anilókúso inu yówie Kio. Eke nyọso a, anilókúso inu yówie Samo wúlu. Mú eke sáásí é á, anilétrá kúso inu yówie

Mileto wúluto. ¹⁶ Paulo mékléá obéyintá bré Asia omátó. Mú sù omekplí Efeso wúluto, tsúfě ɔdekási ání ní ɔbétalí á, obóyówie Yerusalem asa abugyi Pentekoste nke ámu.

Paulo Efeso ɔpasua Ahande Klá

¹⁷ Bréá anilóyowie Mileto wúluto á, Paulo lówa abí sísí Efeso ɔpasua ahande ɔbée, búbá bɔtu mu. ¹⁸ Bréá ahande amu bebefia mu a, ɔlebláa amú ɔbée, “Mliyín alíá mía mlynyɔ anilóɔtásiá tsú eke gyankpawu ání neba Asia omátó. ¹⁹ Mliyín alíá neba iwasi yó agyómá há mí Wíe, pó alíá Yudafo bókusó líí mísó, nowun ipian, su kóráá. ²⁰ Mliyín ání mmɔpu asón ání íbékpa mli nǎín mli bréá neda Bulu asón ámu ɔkan dɔnsu pú mli wóyító. ²¹ Alíá nǎtói kplá Yudafo pó Griikifó fěé mbée, búsíi lakpan bwe abɔdamli ba Bulu wá, abubɔho aní Wíe Yesu gyi.

²² “Séi ání á, nǎyó Yerusalem, fě alíá ɔhe Wankihé labláa mi. Mmeyín tóá íbéba mɔsu unu. ²³ Táme móa ɔhe Wankihé tebláa mí wúlugyiwúlusu, nyin gyí, asun wunhe pó obudi da gyo mí. ²⁴ Táme mmotsu mú asonbogya. Mboún alíá nǎmɔ agyómá ámúɔ aní Wíe Yesu léha mí ámu ɔnó. Agyómá ámu gyí, nébláa ahá Bulu awítale asun wankláán ámu.

²⁵ “Séi ání a, nyin ání mli ahá ání nebeda Bulu iwíegyi íwí asón ɔkan mlito ánífíto ɔkoku méétrá wun mi ekekekeke. ²⁶ Mú sù nde mli bláa mbée, ní mlito ɔku ménya nkpa ání ítamátá á, megyí mí sù omenya. ²⁷ Tsúfě nabláa mli tógyítóá Bulu déklé ɔbée mlibí.

²⁸ “Mú sù mlíkí mli íwí pó ahá ámúɔ ɔhe Wankihé lópuwá mli íbító ámúɔ wankláán. Mlíkpa Bulu ɔpasua ámúɔ ɔleyaí tson mu onutó mu bí lowusu ámu wankláán. ²⁹ Nyin ání nenátí á, akwá bugyi fě nkpataku, bubu iyin béba bowie mlito, dá ɔpasua ámu sáín. ³⁰ Mlito akwá óó bókusó, dámlí ɔnɔkwali amu póbítia mlito akwá buo íwí. ³¹ Mú sù mlída íwisu. Mlíkan ání netsiá mli wá nfinssa sósón, pó ansí ntsú yíri íwí súná mli ató ɔpa onyé.

³² “Mú sù séi á, ndepu mli wá Bulu mwa mu awítale asón ámuɔ. Mu awítale asón ámu íwá mli ɔwɔnlín, íha amlídan, tali líi kínkín, amlunya ató ámúɔ ɔlehiie yáí há mu ahá ámúɔ bamli mu kle amu. ³³ Bréá mbu mli wá á, mmepé ansí ɔhaa sika pepé, mu sika futútú ntée mu atósó. ³⁴ Mli onutó mliyín ání mí íbí anfi nǎpuyó agyómá nyá tóá íde mía mí aba ámu híán fěé. ³⁵ Natsun ɔkpagyiɔkpasu súná mli alíá mlépu íbí yó agyómá, púgyi ahá ání íwí ma amú ɔnlín buale. Mlíkan aní Wíe Yesu onutó asun blíhésu. ɔbée, ‘Bulu toyúlá ɔhá ání otekíe ató dɔn ɔhá ání bɔtekíe mu.’ ”

³⁶ Bréá Paulo lébli asón ání tǎ á, mwa amúnnyo fěé beda akpawunu bó mpái. ³⁷ Amú fěé bosu bréá belatá aba pútá, klá aba. ³⁸ Tóá ɔlɔwa amú ahumtí gyí mú ámúɔ ɔleblí ɔbée, mméétrá wun amú ekekekeke ámu. Besi mu ɔkpa yówie ɔpu ɔnó, olowie ntsusu-yibito.

21

Paulo Yerusalem Yo

¹ Bréá anilégyí nkla tá á, anilówie ntsusu-yibito, nátí laa yó Ko wúluto. Eke nyɔɔsi a, anilóyɔ Rodo. Tsú unu á, anilébá Patara osubúno. ² Anilénya ntsusu-yibi kwá iyó Foinike osubúno, anilówie mótó. ³ Bréá ayó á, anilówwun ɔsólúú kwá botetí mú Kipro sísí. Anlési mú tswi binasu ífón, tson yó Siria omátó. Aniléyekplí Tiro osubúno, tsúfě unú béle ntsusu-yibi ámuɔ ató ní. ⁴ Anilótu akasípó aku unu, anulétsiá amú wá nkensíénó. ɔhe Wankihé léle súná amú ɔbée, Paulo máyɔ Yerusalem wúluto. ⁵ Aní nke lɔfón, anilótúá aní ɔkpasu. Bréá anidénatí á, akasípó amu, amú aká pú amú abí fěé beyési aní ɔkpa alu yówie

ḡḡ ḡḡ. Inu á, aní fée anléda akpawunu bó mpá. ⁶ Anlégyí nkla, anilówie ntsusu-yibi ámótḡ pú ayó, amó é beyinkí yó wóyí.

⁷ Anlédínká ḡḡsu tsú Tiro alu bowie Ptolemai otsubúnḡ. Bréá anilówie inu á, aniléyeha ahógyipḡ aní bḡḡ inu itsiá, anlétsiá amó wá ekewóle. ⁸ Ḳyi kehe a, anlékús tsú inu ba Kaesarea otsubúnḡ. Anléyḡswí Bulu asón ḡkan ḡḡpá Filipino wóyí. Oyin ánfí gyí ahá abasiénḡ ámóḡ bele Yerusalem beé, bḡtsáa ahande agyómá yḡ ámótḡ ḡkole. ⁹ Filipino bḡ abi tsihé abaná, bḡmḡkóyḡ ayin wá ki. Bulu ḡnósḡ atáipḡ mḡ abi tsihé ánfí bḡgyi. ¹⁰ Anlégyí nke kpalóbí inu. Eke ḡḡ Bulu ḡnósḡ atáipḡ Agabo lótsu Yudea ḡmátḡ ba inu. ¹¹ Olenya bowie laa alí olotsu Paulo osiétḡ ḡfé klí mḡ onutḡ ibi pḡ mḡ ayabi. Mḡḡ ḡleblí ḡbéé, “Ḳḡe Wankíhé ḡbéé, ‘Alí Yudafoá bḡḡ Yerusalem béklí ḡhá ámóḡ ḡḡ ḡfé ánfí, pḡ mḡ wá ahá aní bḡmegyí Yudafo íbḡḡ ní.’ ”

¹² Bréá anilónu asón ánfí á, ania ahá ámóḡ bḡḡ inu ámḡ fée anilókokólí Paulo aniaa ḡmáyo Yerusalem. ¹³ Inu Paulo léfité aní ḡbéé, “Ntḡgyi só mlídesú, mlílahá iwí lawú mí alí? Mí mḡ á, megyí klí ámóḡ békíklí mḡ Yerusalem amḡ pé nalá iwí yáí há. Mbḡḡn nalá iwí yáí aní nówu aní Wíe Yesu sḡ é.”

¹⁴ Paulo ḡḡ lḡḡḡn aní. Mḡ sḡ anlési mḡ tḡi wa. Mḡḡ anléblí aniaa, “Íbá mótḡ alá aní Wíe déklé.”

¹⁵ Inu ḡma a, anilókolá aní atḡ ḡḡ yḡ Yerusalem. ¹⁶ Ania Kaesareafḡ akasípḡ aku lóyḡ inu. Bekpa aní ya oyin ḡkḡá bḡtetí mḡ Mnason wóyítḡ beé, aswí mḡ wá. Akasípḡ agyankpapḡ amḡḡ ḡkole ḡgyí, otsú Kipro ḡmátḡ.

Paulo Yerusalem Wíe

¹⁷ Bréá anilówie Yerusalem inu á, ahógyipḡ amḡ bḡḡ aní atúu. ¹⁸ Ḳyi kehe ania Paulonyḡ aniléyeki Yakobo. Ḳpasua ahande amḡ fée beba inu. ¹⁹ Paulo lówa amó ḡḡ, ḡlebláa amó tḡgyítḡá Bulu latsḡn mḡsḡ bḡwé ahá aní bḡmegyí Yudafoḡ. ²⁰ Bréá bonu Paulo asón ánfí á, amó fée bekanfḡ Bulu. Mḡḡ bebláa mḡ beé, “Opió nu, Yudafo mpím-mpím aní badámli klḡntḡ fée bḡde Mose mbla ámótḡ kínkínkín. ²¹ Táme aku babláa amó beé, fasúná Yudafo aní bḡḡḡ ḡmá bámbásḡ fée fée, bḡmágyi Mose mbla ámḡsḡ. Ḳma é á, fée bḡmátḡn amó abí keté, bḡmágyi aní amándíé éḡ. ²² Íwéḡbḡwéḡbḡwé á, ahá bónu aní faba nfi. Nkálí abóbḡe tsú mḡ iwí? ²³ Abébláa fu tḡá fḡḡwéé. Ayin abaná akḡá bḡḡḡ anḡḡ baká ntam há Bulu. Ílehían aní bḡgyoráa iwí. ²⁴ Kpa amó ya, amliḡgyoráa iwí. Ka amó atḡ yintáhé fée íkḡ, méni békpa amó nwun. Inu ḡbéha ahá fée béḡḡ aní fotegyí Mose mbla ámḡsḡ. Inu sḡ fḡ iwí asón ámóḡ bonu ámḡ ima mótḡ. ²⁵ Anilawánlín ḡwólḡ sísí ahógyipḡá bḡmegyí Yudafo dodo. Anilówanlín aniaa, anilablí aní bḡmágyi atogyihéá bapóhá íkpi. Bḡmágyi obugya pḡ ḡḡwíá bapósa mḡ. Bḡmáwa atsi mḡa ayin asón é.”

²⁶ Mḡ sḡ bréá ḡyí leke a, Paulo lékpa ayin abaná ámḡ ya, mḡa amónyo bḡgyoráa iwí. Ḳlḡyḡ Bulu ḡswékpá inu yéblí ekeá amó iwígyoráa amḡ íbḡmḡ ḡḡ, ḡbéba bḡḡ afḡḡie há amótḡ okugyíḡko.

Paulo Kítá Bulu Ḳswékpá

²⁷ Bréá nkensiénḡ ámḡ íbá bḡḡḡn a, Yudafo akḡá bḡtsú Asia ḡmátḡ bowun Paulo Bulu ḡswékpá inu. Ḳḡḡm amóḡ bḡḡḡ wunsínésḡ inu ámḡ fée benya ḡblḡ Paulosḡ, bekítá mḡ. ²⁸ Bosḡrá okitikíti beé, “Israelfḡ ayin, mlídalí ba oo! Oyin ámóḡ ḡna ḡde ahá atḡ suná, yintá amó agyḡḡḡn ámḡ nḡ. Mḡdékḡsḡ líí ḡmá ánfí, Mose Mbla pḡ Bulu ḡswékpá amḡsḡ ní. Alakpá Griikifḡ kḡráá ba Bulu ḡswékpá wunsínésḡ nfi. Mḡ sḡ alapḡ ifn da ḡwaníkíkpá amḡ.” ²⁹ Beblí mḡ alí, tsúfé bowun Efesoyin akḡá bḡtetí mḡ Trofimo mḡa Paulo wúlu amḡḡ dodo. Inu sḡ bḡkí beé Paulo lḡḡḡn oyin ámḡ yáa Bulu ḡswékpá inu.

³⁰ Wúlu amoto fée leda kpokiti. Ahá bedali tsu amó wóyító srí ba bekítá Paulo, bebitía mu dáli otswékpa wunsinésó unu, fin iban ámu. ³¹ Bréá bude mu da, budekléá bómó mu a, oku léyebláa Romafó isá akápó ohande obée, “Kpokiti ladá Yerusalem wúluto.” ³² Inonu ohande amu lékpa isá akápó ámu aku pú amó ahande aku besrí yó unu. Odám amu benya wun amó alí besi Paulo dá. ³³ Ohande amu lénatí yóto Paulo, oheha mu isá akápó ámu bekítá mu, wá mu íkan anyo. Múo òlefíté ahá ámu obée, “Ma gyí oyin ánfí? Nto alabwé?” ³⁴ Odám amu bude okitikítí, budetatóí. Aku bee ali, aku é bee ali. Okitikítí amu onó lówa onlin. Mú su ohande amu mébí onakwalia íbu asón ámuto. Iní su òleha obée, bukpa Paulo ya isá akápó ámu otsiákpá. ³⁵ Bréá bowie obu-onó odokpá á, odám amu bude iyin wa. Mú su isá akápó ámu botsu Paulo wá nkónkó. ³⁶ Ahá ámu fée bubuo Paulo, bude okitikítí bee, “Mliha awuna mo mu! Mliha awuna mo mu!”

Paulo Iwi Onóle

³⁷ Bréá bowie obu ámu onó, bódu wíé amó otsiákpá unu á, Paulo lébláa ohande amu obée, “Nobwíí ípa, mbláa fu asvanku.”

Ohande amu léfíté mu obée, “Fotonú Griiki oblíú? ³⁸ Mú su megyí fúgyí Egyipteyin amóo òleha kpokiti leda bré koto, òlekpa ahá amópó mpím-na (4,000) buo iwi ya dimbísó ámu ní?”

³⁹ Inu Paulo léle mú onó obée, “Yudayin ngyi mí mú. Tarsó aní íbu Kilikia omátó bákwií mí. Megyí wúlubito notsú. Nobwíí ípa, ha mí ambála ahá ánfí asón.”

⁴⁰ Isá akápó ohande amu léha mu okpa. Mú su Paulo léyelí obu-onó odokpá unu, bwé ahá ámu íbí békasú. Inu lóto diin. Múo Paulo lébláa amó asón Hebri oblíto obée,

22

¹ “Mí así, apíó aba, mliyaa asu mí anle mí onó amlinu.” ² Bréá bonu aní Hebri oblíto Paulo détoí á, unu lóto diin. Múo Paulo lóyo mu asónsú obée,

³ “Yudayin ngyi. Tarsó wúluto bákwií mí Kilikia osólósu, táme Yerusalem nfi beyaí mí. Gamaliel lósuná mí aní anáin mbla ámu wankláán. Nowa nsi Bulusúm iwi fè alíá mli é mli dé mu sým nde. ⁴ Ahá aní bóna aní Wíé okpa ánfisú á, nedinká amósó. Nómó aku kóráá. Nékítá amótó atsi móa ayin aku, kíklí amó yótswí obu. ⁵ Bulu igyí ohapó dehen pú Yudafó asón agyípo amu fée bétalí gyi asón ánfí iwi adánsi. Amó wá nòhò osóló tsú pú neya apíó aní bubu Damasko wúluto, mí anyékitá alí ahá ámu wa amó íkan, pu amó ba Yerusalem, abubítí amó ísu.

Paulo Klwntodamli Iwi Asón Bli (Gyumagyihe 9:1-19; 26:12-18)

⁶ “Èkéá nòpu okpa nòyó, neta Damasko wúluto wie tá, íbóbwe fè opa dóduanyato á, ótsáwole pé, wankí kwá mú onó íhé bu onlin, itsú osósó lówankí dá mí mísó. ⁷ Múá nówun á, nda osólóto. Inu nonu ome kv. Ome amu léfíté mí obée, ‘Saulo, Saulo, ntogyi só fudin mísó alí?’ ⁸ Inu nefíté mbée, ‘Fó ma ní, Owíé?’ Múo ome amu lébláa mí obée, ‘Mí Yesu, Nasaretyin amóo fudin mísó amu ní.’ ⁹ Mí aba amóo míá amónyo aniná ámu bowun wankí amu, táme bumonu asón aní ome amu dé mí bláa. ¹⁰ Nefíté mbée, ‘Owíé, nto mbwée?’ Aní Wíé lébláa mí obée, ‘Kusu, afwyo Damasko wúluto. Bébláa fu tógyítá Bulu lahá fú obée fubwée.’ ¹¹ Wankí amu onó bu onlin. Mú su mmetrá wun tóto. Iní su mí aba ámu lékítá mí íbí, kpá mí ya Damasko wúluto.

¹² “Oyin okwá butetí mu Anania, otenyá Bulu ifú bu wúlu amoto. Otegyi Mose mbla ámu su wankláán. Mú su Yudafó aní bubu wúlu amoto fée butetí mu

idayilé. ¹³ Oyin ánfí léba belí mí ansító, bláa mi óbée, ‘Opíó Saulo, bwii ansíbi afukí ató.’ Inonon mí ansíbi lobwíí, nowun mu. ¹⁴ Ólebláa mi óbée, ‘Aní anáin Bulu ámu léle fò yáí óbée, fubébi mu apé, afubí mu Bi Yilé Óbwepó ámu, afonu mu óme. ¹⁵ Tsúfè fèba begyi mu iwí adánsíe, bláa ahá fée asón ání fonu pú móá fowun. ¹⁶ Ntò fotráa fugo? Kusu kokoli aní Wíe, afuha abobo fú asú, ófwí fú lakpan fée lé.’

Paulo Bulu Asón Okanda Omátófoto

¹⁷ “Bréá neyinkí yó Yerusalem wúluto nde mpáí bọ Bulu ótswékpa unv á, nowun ató. ¹⁸ Mótó á, nowun aní Wíe Yesu, ólebláa mí óbée, ‘Wa ósa bwe, afudali Yerusalem nfi. Tsúfè bómóhó fú adánsíe ání fégýi tsu mí iwí.’ ¹⁹ Inu nebláa mu mbée, ‘Mí Wíe, amó onutó bọyin ání netsiá yó Yudafó ofiakpa yékítá ahá ání bọhó fu gyi, dá amó, wá amó obu. ²⁰ Bọyin ání bréá bómó fú ódansiyin Stefano a, mbu unv. Nelí amó óma mbée bómó mu, nọhó ámu atadié kóráá kítá.’ ²¹ Táme aní Wíe lébláa mi óbée, ‘Nati, nówa fú fýo tsútsúútsú, ahá ání bomegyí Yudafó wá.’”

²² Ahá tsótsótsó amu beya asu nú Paulo asun blíhé alu bọtu bréá óleblí óbée, Bulu lówa mu ahá ání bomegyí Yudafó wá. Inu bọsórá okitikíti kóklókóú, blí bée, “Míle mu unv! Ima alá óbétisiá ósulóv anfisó!” ²³ Inu bọsórá okitikíti, nyá óbls wóí amó atadié tswí tsalífwí, kpá isi tswí wá afútó. ²⁴ Múó isá akópó óhande amu lébláa mu ahá óbée, “Mlíkpá Paulo, amlípu mu ya mlí otsiákpá. Mlípiti mu ató óbli ónókwalí, abi tóá swá ahá ámu bode okitikíti sora mu nwunso ali.” ²⁵ Bréá beklí Paulo tá, bée abuda mu a, ólefíté isá ókópó óhande ókwá ólí mu wá óbée, “Mbla léha ókpa ání mlípiti Romayin oduá bómókógyi mu asón, há mu ipón ató?”

²⁶ Bréá isá akópó óhande amu lónu asón ánfí á, óleyébláa mu óhande amu óbée, “Fakle afóse wulo manta iwí. Saa Romayin oyin ámu gyi oo!”

²⁷ Múó óhande amu léba Paulo wá, befité mu óbée, “Bla mi, lélé Romayin fogyi?”

Paulo lébláa mu óbée, “Romayin ngyi.”

²⁸ Múó óhande amu lébláa mu óbée, “Mí mó á, íkọ kpónkpónti neka asa nemlí Romayin.”

Táme Paulo lébláa mu óbée, “Mí mó á, Romayin onutónutó ngyi.”

²⁹ Inunv ahá ámuó bée abufite Paulo asón ámu fée badásáin. Ifú lekítá óhande amu onutó ó, bréá ólebi ání Romayin Paulo gyi asa alahá bawá mu íkan.

Paulo Yudafó Asón Agyípó Ansító Lú

³⁰ Oyi kehe a, óhande amu lékléá óbébi tóá Paulo lóbwe, sọ Yudafó bode asón kláa dinká musv. Mú sv óleha bọwóí Paulo lé íkan amóto, óleha beti Bulu igyí ahapó dehen pú Yudafó asón agyípó amu befia. Múó óleha bekpá Paulo belí amó ansító.

23

¹ Paulo lótsu ansí kí Yudafó asón agyípó amu díin. Múó ólebláa amó óbée, “Mí apíó Israelfó, nyin mí klwntó ání mmakótsiá nkpa laláhe Bulu ansító boto nde.” ² Múó igyí óhapó dehen Anania lébláa ahá ámuó bọlí mantáa mu amu óbée, budáa mu óhósó. ³ Inu Paulo lébláa mu óbée, “Fú Bulu óbéda. Fabwé iwí fé buntíá bakpá mó afá futútú, fabetsiá asi fee fópó Mose Mbla gyi mí asón. Fude ahá bláa fee budá mí ansító. Fú mó megyí mbla ámu fatón a?”

⁴ Aha akwá bọlí mantáa Paulo befité mu bée, “Bulu igyí óhapó dehen fodesia ali á?”

⁵ Paulo lébláa amó òbée, “Mí apíó, mmeyín mbée, mogyí Bulu igyí òhapó dehen. Tsúfè bōwanlín wá Bulu asón amoto bée, ‘Máblí óhá ání òde fú omásó gyí iwí ason laláhe.’”

⁶ Bréá Paulo lówwn ání Yudafo asón agyípu amoto akw bogyi Sadukifo, akw é bogyi Farisifo á, òlòsòrà okitikítí asón ogyíkpa inu òbée, “Mí apíó, mí ánfí nli á, Farisiyin ngyi. Mí anáin é á, Farisifo bogyi. Mí é nohogyi ání awupó bélakósó. Mú ndéblí sù bakpá mí ba asón ogyíkpa nfi ní.”

⁷ Olenya blí alí pé, ahá tsòtsòtsò amoto leye anyò. Farisifo ámu pò Sadukifo ámu bōwa aba nwéngyí bi. ⁸ Tsúfè Sadukifo boteblí bée, kwsú tsú afúlitò kòku má inu. Bulu-abòpu pò òje laláhe kòku é ma inu. Táme Farisifo mú bohogyi ání iní fée bu inu. ⁹ Iní léha nwéen amu ònò lehié wá ònlun. Mbla asunápóá bogyi Farisifo bókwsú lí blí bée, “Anumókòwwn tsitsa kòku oyin ánfí iwí. Fialí òje kú ntée Bulu-òbòpu akw lébláa mu.”

¹⁰ Nwéen amu ònò lehié wa ònlun, ideklé imli ikó. Inu isá akòpó òhande amu lénya ifú ání bóbwe títi Paulo. Mú sù òlebláa isá akòpó ámu òbée, “Mliwa òsa kpa Paulo ya mli otsiákpá inu.”

¹¹ Mú onyé á, aní Wie lébelí Paulo wá, bláa mu òbée, “Wa klun! Alí ánfí fagyí mí iwí adánsie Yerusalew nfi á, alí kén fuyégyi mú Roma wúlutò é ní.”

Paulo Mò Iwí Agywun Kítá

¹² Mú òyi kehe a, Yudafo ámu akw befia, kítá Paulo iwí agywun. Beka ntam bée ní bómókómó Paulo bómégyi ató, bómóonu ntsu. ¹³ Ahá ámóú beka ntam amu bōdun adwana (40). ¹⁴ Bōyò Bulu igyí ahapó dehen pò Yudafo ahande wá, yébláa amó bée, “Anláhíé ká ntam aniaa, ní anumókómó Paulo anuméeda tòtò ònò. ¹⁵ Mú sù tsá anidéklé aniaa fóa Yudafo asón agyípu amu mliwéé ha aní gyí, mliki ansí wa abí sisi isá akòpó òhande amu mliwa, òpò Paulo ba, amlilanu mu asónò. Anladá iwí sù aniaa, obòtsutsúa obowie nfi anlámó mu.”

¹⁶ Paulo mu bítepu akw lónu asón ánfí fée. Mú sù òlèsrí yó isá akòpó otsiákpá inu yówi tsá Paulosu. ¹⁷ Inu Paulo létí isá akòpó òhande akw, bláa mu òbée, “Kpa òyasubi ánfí ya mli òhande wá. Òde aswanku, òbéláa mu.” ¹⁸ Isá akòpó òhande amu lékpa òyasubi ámu ya amó òhande wá, yébláa mu òbée, “Obu òdipó Paulo òbée, nkpa òyasubi ánfí ba fu. Òde aswanku, òbéláa fu.”

¹⁹ Òhande amu lékítá òyasubi ámu ibi, kpá mu yáa itsétó yéfité mu òbée, “Amansu fòbu ání fébláa mi?”

²⁰ Òyasubi ámu lébláa mu òbée, “Yudafo ahande babwé agywun bée bépina wa abí fú wá bée, fòkpá Paulo ba obowun amó òke, abolanu mu asón amoto wankláán. ²¹ Táme máhò mósó gyi, tsúfè amó ayin ání bōdun adwana (40) bée bējain òkpatò gyo Paulo, mú mu. Amó fée baká ntam bée, tòtò méeda amó ònò, kpéfún bréá hamó mu. Fú nkole bogyo séi ání fòtsulá kpá mu ba.”

²² Mú òhande amu léda òyasubi ámu òlá òbée, “Máyébláa òhaa fée fawí asón ánfí tsá mísó.” Olesi mu òkpa.

Paulo Lè Ya Kaesarea

²³ Inu òhande amu létí isá akòpó ahande abanyó, òlebláa amó òbée, “Mlié isá akòpó lafanyò (200), mpònkòsu adinkápú aduesienó (70) pò píá atswípu lafanyò (200) abókwsu onyeni dokwebátó yò Kaesarea. ²⁴ Mliha Paulo mpònko, odunká amósú yò. Mlika mu, amliha mu oyowie omásó ogyípu Felike wá pisii.” ²⁵ Òhande amu lówwn òwóló mántá mu òbée,

²⁶ “Mí Klaudio Lisia dé òwóló ánfí wanlín sisi fú, omásó ogyípu onumnyampu Felike. Nde fú itsiá ha. ²⁷ Nde fú ibi ha ání Yudafo lékítá oyin ánfí, bōdekléá bómò mu, támé mía isá akòpó tsòtsòtsò anlóyòhò mu lé amó ibi. Tsúfè nonu

bubu unu. Ni nabwe ito laláhe ku á, teki amó kórará obéba bebláa fu, mía amónyo abéblí mó. ²⁰ Ni íbówa alé kórará á, ha ahá ánfí onutó abubli tsitsa oduá Yudafó asón agyípo amu bowun mí iwí, bréá bəpu mí ya amó ansító. ²¹ Asón kua kole péá nəkplón blí bréá nli Yudafó asón agyípo amu ansító gyí, ‘Mlídé mí asón gyí ndé, tsúfé nohogyi ání awupó bəlakósú tsú afúlitó.’”

²² Iníá onumnyampu Felike yin aní Wíe okpa ámu wankláán su á, olotu asón ámu híé. Oleblí obéé, “Ní ísá akəpó əhande Lisia obá nfi á, nówun alíá nómo asón ámu onó.” ²³ Olebláa ísá akəpó əhande ámu obéé, ogyóo Paulo iwí wankláán, əha mu otsia iwíwíitó. Ohá mu aba okpa abuki musu.

Paulo Felike Mva Mu Ka Drusila Ansító Lú

²⁴ Nke kpalobí ku əma a, Felike mva mu ka Drusila ání ogyi Yudayintse beba. Felike léha beyékpá Paulo ba, əbətətí tsú mu hógyi ání əbu Kristo Yesuto iwí súná amó. ²⁵ Táme bréá ədətí tsú yiləbwe, iwíwugyí pú Bulu asón ogyíké amó obá ámu iwí á, ifú lekítá Felike. Mó su olebláa Paulo obéé, “Ku yinki asa. Nenyá bré wankláán ku á, nəlátí fú.” ²⁶ Bré ámu to féé Felike léki okpa ání Paulo obódunká təkú beha mu onó. Mó su ibu nu bu unu á, alapina wa abí bayéti Paulo, mu mnyo batóí.

²⁷ Nfínyo əma a, Felike lénatí. Porkio Festo lébetsiá mu obíasó. Iníá Felike déklé obéé, mu asón iwá Yudafó ámu ədwe su á, olesi Paulo wá obu náti.

25

Paulo Roma Owíe Okpa Wá Yə

¹ Əmáso ogyípo Porkio Festo lébetsiá obíasó Kaesarea. Mó eke sáási a, əldu yó Yerusalem. ² Inu Bulu igyí ahapó dehen pú Yudafó ahandé aku bəpu Paulo iwí asón yótswi mu ansító. ³ Bəbwe agywun ání bəyowa obúun okpató, mó Paulo. Mó su bəyókulí Festo beé, əpú Paulo ba Yerusalem. ⁴ Táme Festo lébláa amó obéé, “Paulo da obu Kaesarea wúlitó dodo. Iməowa əpá mí é néyinkí yó unu. ⁵ Mliha mli ahandé amu aku abubu m yə unu, abuyebli tsitsa oduá alabwé.”

⁶ Festo létrá tsíá Yerusalem nkekwe ntée nke dú asa oleyinkí yó Kaesarea. Olowie unu á, əlwa bəyópu Paulo ba, oletsiá asón ámu su əyi kehe. ⁷ Paulo lénya wíé unu al, ahandé amó botsu Yerusalem ba amu bekafia mu, kla asón tsətsətsə dínká musu. Táme bometalí nyá tətə pəsúná ání asón ámu ibu mótó.

⁸ Mú Paulo léle mu onó obéé, “Mməkótún Yudafó mbla kuku, ntée bwé təkú pú ifin da Bulu əswékpá amu ntée pú laláhe kuku é gyi Roma owíe dehen.”

⁹ Festo déklé obéé mu asón iwá Yudafó ámu ədwe. Mó su əlefíté Paulo obéé, “Fudeklé féé fyo Yerusalem, mí anyegyí fú asón unu?”

¹⁰ Paulo léle mó onó obéé, “Roma Owíe Dehen asón ogyíkpá nli. Nfi ilehián ání bəgyi mí asón. Fú onutó fuyin ání mməkóbwé Yudafó tətə. ¹¹ Ní natón mbla, ilehián lowu á, mməkótin okpa mbée bumámə mí. Táme ní asón ánfí Yudafó babli dínká mísó anfi ma mótó á, əhaa má okpa ání obəpu mí wá amó ibitə. Mó su mó bəpú mí asón ya Roma Owíe Dehen onutó ogyi mó.”

¹² Inu Festo mva mu ahandé ogyi abriwa wá. Mú olebebláa Paulo obéé, “Fú onutó féé, Roma Owíe Dehen bəyí fú asón. Mó su abəpu fú ya mu wá.”

Festo Agripa Paulo Iwí Asón Bláa

¹³ Nke ku əma a, Owíe Agripa mva Berenike beba Kaesarea. Beba beha Festo nwunkpa. ¹⁴ Betsiá unu wá əpá. Mó su Festo lébláa amó Paulo iwí asón. Obéé, “Felike ləwa oyin əku obu nfi, olesi mu wá náti. ¹⁵ Bréá nəyo Yerusalem a, Bulu igyí ahapó dehen pú Yudafó ahandé beba beblí asón tsətsətsə dínká musu, bláa

mi bee nháa mu ipón, abumə mu. ¹⁶ Táme nebláa amó mbée, ‘Ima aní Romafə amándiétó ání béha əku ipón, nkéti mwa mu anyabá bafia gyi asón.’ ¹⁷ Mú sɔ ékeá mía Yudafə ámu anilóbowie Kaesarea nfi á, mmesi wá obíátó. Ɔyi kéhe kótóó néha bəyópu oyin ámu ba, netsiá asón ámusu. ¹⁸ Nkí mbée mu anyabá ámu bénya tsitsa ku tsú mu iwí, táme bumenya. ¹⁹ Mboún amó Bulusúm pó Yesu əwá alawú tson, táme Paulo əbée, ɔtráa otsie nkpa iwí asón budebítí. ²⁰ Mú sɔ mmowun alá nɔyɔ asón ámutə. Nefité Paulo mbée, obótsulá abuyɔ Yerusalem, yégyi asón ámu inu. ²¹ Táme əleblí əbée, mudekléá mu asón iyó Roma Owíe Dehen ansító. Mú sɔ néha bəwa mu obu yófun bréá nɔpu mu sísí Roma Owíe Dehen.”

²² Múó Agripa lébláa Festo əbée, “Mí é ndeklé mbée nónu asón ánti tsú mu onutó onótó.” Festo lébláa mu əbée, “Ɔke néha bəpu mu ba, əbele asón ámutə suna fú.”

Paulo Agripa Ansító Lú

²³ Ɔyi kéhe a, Agripa mwa Berenike behíhe iwí, isá akɔpó pó wúlu ahande bobuo amó ba. Festo léha bekpa Paulo ba inu. ²⁴ Múó əleblí əbée, “Owíe Agripa mwa ahá ánti bafia nfi féé, mlilawun oyin ánti əlí? Yudafə ánti bubu nfi pó Yerusalem féé bəpu mu asón ba mi. Bee, mehián ánti əbétrá tsiá nkpa. ²⁵ Bréá nɔyɔ asón ámutə á, mmowun tásá alabwé sɔ bómə mu. Táme mu onutó əbée, mpóu mu asón ya Roma Owíe Dehen. Mú sɔ nabwé agywuun mbée, néha bəpu mu ya. ²⁶ Táme mmowun tsitsa kókɔ mu iwí ánti nówanlín mántá musu bəpu mu ya. Mú sɔ nakpá mu ba mlí ansító ní, títriu fú Owíe Agripa. Ndekléá átéte asón ámutə, ɔtínéá ileyéyi a, mí anya asubankɔ wanlín sísí mu. ²⁷ Tsúfé nawun ánti ɔmá alá bəpu obu ədipó sísí, buməwanlín tásá alabwé mántá musu.”

26

Paulo Iwí Ɔnóle Agripa Ansító

¹ Múó Owíe Agripa lébláa Paulo əbée, “Nahá fú əkpa, kusɔ le fú ɔnó.” Paulo lótsu ibí fúá, lé mu ɔnó əbée,

² “Owíe Agripa, nawun ánti əkláa lawá mí ogyá nlí fú ansító, nde mí ɔnó le tsú asón ánti Yudafə bakla dínká mísó anfi iwí. ³ Múá ɔb ansigyí kóráá gyí, fuyin Yudafə amándiétó pó tásá btegyi mú iwí nwéen féé. Iní sɔ kókoli, nya klɔn afunu mí ɔnó.

⁴ “Yudafə féé bəyin mí tsiátó. Bəyin alá nɔpotsiá mí ɔmátó tsú mí nyebito pó alá nɔpotsiá Yerusalem wúlutə. ⁵ Amó féé bəyin mi dodoodo. Ní budeklé a, amó onutó bétalí bláa fu ánti Farisiyin ngyi wankláán. Farisifo é btegyi Yudafə Bulusúm mbla ámusu wankláán don ɔpasua kugyíkɔ. ⁶ Tásá swá nde nlí nfi, fude mí asón gyí gyí, nde əkpa kí ánti Bulu əbóbwe dínká mu asón ámutó əleka mú iwí ntam há aní anáin amusu. ⁷ Aní abusuan dúanyɔ ámu féé bəpu ansí dínká ntam anísu ánti ibéba mótó há amó. Mú sɔ bude Bulu súm ekekegyíeke ní. Nanáin, ntam anfi sɔ Yudafə bude asón kláa dínká mísó ni. ⁸ Ntogyi sɔ mlí Yudafə ánti mú mlímétalí hógyi ánti Bulu əbétalí kósúa ahá tsú afúlito?

⁹ “Téki mí óó nohogyiá nóbwe tógyításá nétalí pótin Yesu Nasaretyin amu gyumagyihe əkpa. ¹⁰ Iní gyí tásá nóbwe Yerusalem ni. Bulu igyí ahapú dehen amú béha mí túmi bee, nkíta Bulu ahá ámu tswi obu. Ní bómə amó é á, mí é ntotsulá mbée bumóó amó. ¹¹ Netsiá yó Yudafə ofiakpa kugyíkɔtə, ntehá btekitá amó, bítí amó isu, híé amó bteblí Yesu iwí abususu. Amó iwí əbló sɔ ntedínká amósó yó ɔmá bámbású yékítá amó, bítí amó isu.

Paulo Ikwntɔdamli Iwi Asɔn
(Gyumagyihe 9:1-19; 22:6-16)

¹² “Mú ɔkpa eke ɔku Bulu igyi ahapó dehen amɔ beha mí nɔyó Damasko wúluto yɔbwe ní. ¹³ Bréá nna ɔkpatɔ nɔyó á, Nanáin, ibwe fɛ ɔpa dódíanyɔtɔ, wanki ku lwanki tsú ɔsósú wólí misú. Iłowanki dun owí. Iłowanki wólí mía mí aba ámóú aniná ámusu. ¹⁴ Inu aní fɛé anilédidá. Nonu ɔme ku Hebrí ɔblító ɔbéé, ‘Saulo, Saulo, ntogyi sɔ fúdin misú alí? Iwi tɔi fudewa.’ ¹⁵ Múú nefíté mbéé, ‘Owíé, fɔ ma ní?’ Múú aní Wíe lébláa mí ɔbéé, ‘Mí Yesu ní. Mísú fúdin ní. ¹⁶ Nabele iwi ɔwan súná fú, méni fɔbwe mí osúmpó. Kusɔ, afɔyebláa ahá tɔá fawun tsu mí iwi nde, pɔ móá néle súná fú. ¹⁷ Nókɔ ha fu tsú ahá ámóú nde fɔ wa sísí, bugyi fú onutó ahá Yudafo pɔ amóúá bomegyí Yudafo ibitɔ. ¹⁸ Fóbwií amó ansí, bédalí tsu oklúntɔ ba wankitɔ. Félé amó tsú Satan túmi así ba Bulu wá, méni obési amó lakpan kíé amó, fówun bénya otsiákpá ahá ámóú Bulu latsɔn amó hógyisɔ bwé amó mu ahá amɔtɔ.’

Paulo Gyumagyihe Iwi Asɔn

¹⁹ “Nanáin Agripa, iní su nɔbwe dínká ató ámóú nowun itsú ɔsósú ámusu. ²⁰ Gyankpapu a, nɔyɔ Damasko wúluto. Mú ɔma a, nɔyɔ Yerusalem pɔ Yudea ɔmátó fɛé. Nɔyɔ ahá ámóú bomegyí Yudafo ámu é wá. Neyébláa amó mbéé, bɔsɔi lakpan bwe, abɔdamli ba Bulu wá, abɔtsia tsiátó aní ilosuná aní badámli klɔntɔ. ²¹ Iní sɔ Yudafo ámu bekítá mí bréá mbu Bulu ɔtswékpa inu beɛ bómo mí ní. ²² Táme Bulu dé mí kpa alu bɔfɔn nde. Mú sɔ nlií nfi nde, nde mli nyebi-ahandé fɛé tɔá nawun bláa ní. Asɔn aní Mose muá Bulu ɔnósú atɔipú amu beblí beɛ íbɛba mótó kén ndeblí. ²³ Beɛ, ‘Ilehián aní Kristo, (ɔhá ámóú Bulu ladá mu ofúlí amu) obówun iwiasun wólí, méni ɔbóbwe ɔha gyankpapu aní ɔbókɔsú tsú afúlító. ɔbópɔ wanki ba Yudafo pɔ ahá aní bomegyí Yudafo é.’ ”

²⁴ Bréá Paulo léblí iní á, ɔmású ogyípó Festo lókplɔn wa Paulo ɔbéé, “Paulo, fú nwun layintá! Fú ɔwolóubi dɔbidɔubi amu lahá fude gbedé lo.”

²⁵ Múú Paulo lébláa mu ɔbéé, “Onumnyampɔ Festo, mmédé gbedé lo. ɔnɔkwali onutónutó nde mli bláa. ²⁶ Nanáin Agripa yin asɔn ánfí fɛé iwi. Nétalí bláa mu faan. Nahogyi aní megyí asɔn nainhé igyi há mu, tsúfɛ bumɔbwe mú nain. ²⁷ Nanáin Agripa, fɔhɔ Bulu ɔnósú atɔipú asɔn wanlínhé amusu gyi? Nyin aní fɔhɔ mósú gyí.”

²⁸ Inu Owíé Agripa lébláa Paulo ɔbéé, “Fahogyi fɛɛ fétalí dámlí mí bwé Okristoyin bré tinbí ánfíto?”

²⁹ Paulo lébláa mu ɔbéé, “Bré tinbí o, bré tsɔtsɔtsɔ o, mí mpái aní ndeɔbɔ há Bulu gyi, fúa ahá ánfí mlidé mí asɔn blíhé nu nde ánfí fɛé mléba bɔbwe fɛ mí. Táme bɔmáwa mli ikan anfi mó.”

³⁰ Inu á, Owíé Agripa muá ɔmású ogyípó Festo pɔ Berenike muá ahá ámóú bɔtsie inu ámu fɛé bókɔsú dáli. ³¹ Beyélí útsétó, amó wɔlɛwɔlɛ bɔdeblí beɛ, “Oyin ánfí mókóbwé tɔtá ilehián ha mu lowu ntée mu obuwa.” ³² Múú Owíé Agripa lébláa Festo ɔbéé, “Teki ní oyin ánfí méblí ɔbéé, Roma owíé dehen kóun ogyíí mu asɔn á, teki fétalí sí mu.”

27

Paulo Pɔya Roma Wíluto

¹ Bréá beblí alí tá á, bekítá agywun beɛ, abɔtsɔn ɔpɔsu yó Italia ɔmátó. Bɔpɔ Paulo muá obu adípó aku é wá Romafɔ isá akɔpó ɔhande ɔkwá bɔtɛtí mu Yulio ibitɔ. ɔhande ánfí bu Roma Owíé Dehen Augusto isá akɔpó ɔpasuatɔ.

² Anilówie ntsusu-yibi kwá itsú Adramitio fɔn, iyó ɔpɔ ɔnó awúlúá íbu Asia

omátó. Makedoniayin Aristarko, otsú Tesalonika amu é bu anito. ³ ʒyi kehe a, aniléli Sidon ɔpu ɔnó. Isá akopú ɔhande Yulio lówwun Paulo nwe, ɔleha mu ɔlɔyo mu aba wá, méni béha mu atáá íbéhián mu. ⁴ Anilókusó tsú inu, afú lefia anu ɔpu amusu. Móbú anilóyɔtsun Kipro ɔsolóv awunso fón, tsúfé afú ámu medétsún inu mú. ⁵ Anilótsun ɔpusu yótson Kilikia pú Pamfilia fónsó yówie Likia ɔsolóv, Mira wúluta. ⁶ Isá akopú ɔhande amu lówwun ntsusu-yibi kuá itsú Aleksandria wúluta iyó Italia ɔmátó, ɔlele anu wá mótó.

⁷ Anidín ɔpu amusu putɔɔ. Mó su anilégyí nke tsɔtsɔtsɔ ɔkpatɔ. Iepian anu asa anilówie Knido. Afú ámu méha anu ɔkpa. Mó su anilópu yótson mantáa Kreta ɔmá. Inu á, anilópokpli tsun Salmone wúlu ɔsaasi fón. Tsúfé afú medétsún inu mú. ⁸ Iníá anilótsun ɔpu ɔnó-ɔnó kóráá ó á, ilepian anu asa anilóbowie ɔtnekuá butetí inu “Otsubúno Wankláán,” ibu mantáa Lasea wúluta.

⁹ Nke tsɔtsɔtsɔ lóɔtsun, nkeá butópoklí ɔnó kólí lakpansikié é ilɔtsun. Nke ámutɔ é á, ɔpu amu ideda. Mó su mósó tsun lówa ifú. Inu su Paulo lóɔtá kplá amú ɔbéé, ¹⁰ “Mí awié, nawun ání ní anuméki wankláán anu ɔkpa ání natító a, abóhulú ató tsɔtsɔtsɔ. Megyí ató pú ntsusu-yibi ámu wole, anu onutónutó é abésin mótó.” ¹¹ Táme isá akopú ɔhande amu lóhɔ ntsusu-yibi ámutɔ ɔhande pú mu wie asón sí Paulo. ¹² Iníá otsubúno inu ima aleá abétsiá inu nyankpɔtswiebi su á, amótó ahá tsɔtsɔtsɔ beblí beé abénatí inu. Amú ansí dín ání abóyówie Foinike, igyi Kreta otsubúno, ibu owí ɔkplíwíékpa fón, tsíá inu nyankpɔtswiebi amu.

Atsufú Kpɔnkpɔnti ɔpusu Tsún

¹³ Inu afú kuá itsú gyɔpɔsu lówa tsún brevu bi. Inu su ahá ámutɔ aku bosusúu ání amú agywun ámu békanáa. Mu su belatsú símpíá itehá ntsusu-yibi telí tsukole wá ntsusu-yibi ámutɔ, bɔpɔtsun Kreta ɔpu ɔnó-ɔnó. ¹⁴ Táme imɔwa ɔpá kuku afú kpɔnkpɔnti ku lókusó tsú Kreta ifónsó. Afú ámu dá gyí “Binasu-owí-ɔdalikpa-afú.” ¹⁵ Afú ámu lébefia anu. Iníá anumétalí sánkia ntsusu-yibi ámu su á, anilési iwí há afú ámu, ilɔpu ntsusu-yibi ámu náti. ¹⁶ Ilɔpu mó srí yótson mantáa ɔpu nsiné ɔsolóv kuá butetí mó Kauda asi. Ulowa ɔnlín asa betalí tsú ɔklonbi ámutó butópulé ahá ání bode ntsu wie, isian ntsusu-yibi ámu ɔma amu wá yibi ámutɔ. ¹⁷ Inu ntsusu-yibi ámutɔ agyómá ayɔpó bebítia ɔklonbi ámu wá ntsusu-yibi ámutɔ. Bɔpu ɔfé klí ntsusu-yibi ámu kinkíínkin, méni imémain. Benya ifú beé afú ámu íbɔtsuan ntsusu-yibi ámu yówie Libia otsubúno osublúto. Mó su bele tati ání isian ntsusu-yibi ámusu, méni ntsusu-yibi ámu bénatí putɔɔ. Mó óó á, afú ámu lótsuan ntsusu-yibi ámu náti ɔwɔnlínsó. ¹⁸ Mó ʒyi kehe a, afú ámu ɔnó lehié wá ɔnlín. Mó su bawa amú ato soráhé le wá ɔputɔ bi. ¹⁹ ʒke sáási a, bele ntsusu-yibi ámu iwí ntóbí kugyíkuá amú íbú léda wá ɔpu ámutɔ. ²⁰ Anitráa anumédé owí móa ntsrakpabi wúun nke tsɔtsɔtsɔ, afú ámu ɔnó é itráa bu ɔnlín. Mó su anu ansí metrá dinká tɔtsɔ dún lowu.

²¹ Nke tsɔtsɔtsɔ lɔtsun, ahá ámu butráa bumedé ató gyí. Inu Paulo lókusó líí amú féé ansító, bláa amú ɔbéé, “Mí awié, teki ní mlilónu mí ɔme, anuménatí Kreta otsubúno a, teki anumókó befia ipian, hólí anu ató alí. ²² Táme sí á, mbláa mlí amlinu. Mlíwa klɔn, tsúfé anito ɔkoku móowu, ntsusu-yibi ání wole obéyintá. ²³ Igye onye á, mí Buluá ntosúm lówa mu ɔbɔpu mí wá. ²⁴ ʒlebláa mú ɔbéé, ‘Paulo, mánya ifú. Ibwebweébwé á, félí Roma Owíe Dehen ansító. Bulu lawá awitole há fú. Mó su alahɔ ahá ání fúa amónyo mlíná ání féé nkpa.’ ²⁵ Mó su mí awié, mlínya klɔn, tsúfé mí ansí dín ání Bulu ɔbéha íbéba mótó fé alá mu

ɔbɔɔpɔ labebláa mi. ²⁶ Táme ɔbɔ́ɔbɔ́wééɔbɔ́wé á, afú ámu ɔbédá aní ya ɔpu nsiné ɔsólóu kusu.”

²⁷ Eke dúanasí onyé á, afú ámu bu mósó ide anida yáa nsiné inu ɔpɔá bóteṭí mú Adriasu. Mú ɔyínsíné á, ntsusu-yibi ámɔtɔ agyómá ayɔpó bosusúú aní anilatá ɔsólóu tu tá. ²⁸ Mú su bɔɔpu ɔfé kápó ɔpu amu oklú kú. Benya ayabi lafakole adwanyɔ (120). Bré kpalóbí ɔma beṭrá kapó mú kú a, benya ayabi adukwebá (90). ²⁹ Ifú lekítá ntsusu-yibitɔ agyómá ayɔpó ámu ání abódú abutású. Mú su beda asímpi ání butɔpókítá ntsusu-yibi líí ana kéké síán mú ɔma, sí mú wá ɔpu amɔtɔ. Bokokóli Bulu beɛ ɔyí ikéé amó. ³⁰ Agyómá ayɔpó amu aku bekleá bésrí dali ntsusu-yibi ámɔtɔ. Mú su beki ansí lé ɔklon kusubi ámu dínká ɔpu amusu híéé, fé símpi ámu budepɔsían ɔklon ámu ɔnósó. ³¹ Táme Paulo lébláa isá akɔpó ámu pú amó ɔhande ɔbéɛ, “Ní ntsusu-yibi ámɔtɔ agyómá ayɔpó bumetsiá mótó á, mliménya nkpa.” ³² Mú su isá akɔpó amu beka ɔklon kusubi ámu ɔfé tin, há afú lɔtsuan mó náti.

³³ ɔyí íbá beke a, Paulo lóbwíi ipa há amó féé ɔbéɛ, bugyíi ató. ɔleblí ɔbéɛ, “Kwasieda anyɔ sósón ní, atogyihe medínká mlí ɔwólí. Mlimókógyi tɔtɔtɔ. ³⁴ Nobwíi ipa há mlí, mligyi ató ngya, méní mlimóowu. Mlító ɔkuku nwunsu-imi kule kóráá mósɔfwí.” ³⁵ Paulo lótoí tá á, ɔlele bodobodo ipín, dá Bulu ipán amó féé ansitó, ɔlemaín ku wá gyí bi. ³⁶ Inu anito okugyíɔku lówa klun gyi ató. ³⁷ Aní ahá lafanyɔ aduesien-ɔ-sie (276) bu ntsusu-yibi ámɔtɔ. ³⁸ Bréá amó féé begyi ató alíá bétalí á, bele ayó ámóú ɔbu ntsusu-yibi ámɔtɔ ámu féé wá ɔpɔtɔ, há ntsusu-yibi ámu leta odwin.

Ntsusu-yibi Amu Bwiebwie

³⁹ Bréá ɔyí deké a, agyómá ayɔpó ámu bowun ání ɔpu amu bámbi lowie ɔsólóu kusu, táme bumebi osubúno oduá igyi. Inu bɔbwe agywun beɛ békan ntsusu-yibi ámu ya inu. ⁴⁰ Mú su bekaáa símpi ámu tuntun wa ɔpɔtɔ. Besankí ntsusu-yibi ámu mpaí é. Múú botsu tati yílé ámóú isian ntsusu-yibi ámu ansitó ámu fɔá, fia afú ámu, bɔpu bɔyó ɔpu ɔnó. ⁴¹ Táme ntsusu-yibi ámu lɔyódu nɛisu, sin inu, ɔpu amu leda wólí ɔklon amu ɔma máín-máín mú.

⁴² Isá akɔpó ámu bɔbwe agywun beɛ bómo obu adípó ámu féé, méní ɔkuku méɛpítí dali, srí. ⁴³ Táme amó ɔhande léklé ání ɔbóho Paulo nkpa. Mú su ɔmeha amó ɔkpa ání bumóo obu adípó ámu. Táme ɔlebláa amó ɔbéɛ, ɔhagyíɔha ání ɔbétalí á, otúu wie ɔpu amɔtɔ, ɔpítí dali. ⁴⁴ ɔma a, ɔleha atráhe amu é bɔdu dínká ntsusu-yibi ámu afonsu yówie ogbémgbesu. Amó féé begyi mbla ámusu, bɔyɔ ogbémgbesu inu.

28

Malta Wiluto Asón

¹ Aní féé anilédinká ogbémgbe amusu. ɔma asa anilébi ání ɔpu nsiné ɔsólóu koá butéṭí mú Malta ni. ² Nyankpu détswie, su atsalí bu inu. Táme inu atsiápó amu begyi aní buale dódá ogyá ɔpu ɔnó inu há aní, aní féé anilétsiá mú asi. ³ Paulo lékpa ngyayibí ɔbéɛ amupɔwa ogyá ámɔtɔ. Sáa ibe bu mótó. Ogyá ámu okunkúu su ibe ámu lótswi yi Paulo ɔbiweto. ⁴ Bréá inu atsiápó amu bowun ání iwɔ ámu yí mu a, bebláa aba beɛ, “Ahá ɔmɔpó oyin ánfí gyí. Ibu mótó ání aladáli ɔpu amɔtɔ, táme aní ɔkpi ámóú ɔtebití isu ámu médéké ɔbéɛ otsia nkpa.” ⁵ Inu Paulo lówonáa ibi, iwɔ ámu lékpa wíé ogyá, táme tɔtɔ móbwe Paulo. ⁶ Amó féé besi bulí budekú. Buki beɛ Paulo obópunya, ntéɛ ɔbétan wu. Táme bréá belí wá ɔpá tɔtɔ méba a, beladámli amó agywun blí beɛ, “ɔkpi ɔku ɔhá ánfí gyí.”

⁷ ɔhande ɔku bu ɔsólóu ku ɔpu nsiné inu. Mú dá gyí Publio. ɔlɔho aní atúu, kpá aní ya mu wóyító, anilétsiá mu wá nkensá kéké. ⁸ Alí bré ámɔtɔ á, owísó lakítá

ɔhande amu mu si, mu iwito latu; ɔda. Paulo leyeki mu, ɔɔɔɔ ibi dinka musu ba mpai ha mu, iwa lɔwa mu onlin. ⁹ Mu ama a, bɔɔɔ alɔɔɔa bɔɔɔ ɔsolu amusu fee ba, Paulo letsa amu lo. ¹⁰ Aniletsia inu tsra asa, inufo amu bɔwa anu numnyam, kie anu ato tsotsotsɔ. Brea anidenati a, bɔɔɔ ataa ibehian anu ɔkpatɔ fee si anu ɔkpa.

Roma Wuluta Yo

¹¹ Anilyo ɔɔɔ ɔno yotsu ntsusu-yibi kwa latsia inu nyankpotswiebi amu fee. Itsu Aleksandria wuluta. Besre atabi akwa bogyi ikpi yi ntsusu-yibi amu ansito. ¹² Anilyeli ɔɔɔ nsune ɔsolu ku otsubuno, buteti mo Sirakus, aniletsia inu nkensaa. ¹³ Tsu inu a, anilobomli tsun bowie wulu yile kwa buteti mo Regiosu. Mo ayi kehe a, afu ku lɔwa tsun bi tsu ayasi fon. Nkenyo ama a, anilyowie otsubuno kwa buteti mo Puteoli. ¹⁴ Anilefia ahogyipu aku inu. Bokokoli anu bee, atsia amu wa nkensieno. Anilokoso tsu inu a, anilyo Roma wuluta. ¹⁵ Apio ani bɔɔɔ Roma wuluta bonu ani aba. Mo su amots aku beba ibia ogyikpa, buteti inu Apia. Aku e beba otnekwa buteti inu Afos Oswikpa Asa, ibu ɔkpatɔ befia anu. Brea Paulo lowun amu a, mu ansi legyi, ɔleda Bulu ipan.

Bulu Ason Okanda Roma Wuluta

¹⁶ Brea anilyowie Roma wuluta a, Roma aban leha Paulo ɔkpa ani obetali yetsia otine a odekle, tame isa ɔkɔɔ ɔku obogyo mu iwa bregyibrɛ.

¹⁷ Eke saasi a, Paulo leti Yudafo ahanda ba bɔɔɔ inu fee fia. Mo ɔleblaa amu obee, "Mi apio, ibu motaa mmɔɔɔ lalaha kokuko gyi mi amatofe, mmeyinta anu anain amandie koku e. Tame anu ahanda ani bɔɔɔ Yerusalem bekita mi ya Romafɔ. ¹⁸ Bɔɔɔ mi asonto a, teki beklea besi mi, tsufe bomowun tsitsa koku mi iwa asa bee bumoo mi. ¹⁹ Tame Yudafo amu bumotsula ani busi mu. Amu bwehe su nakoli ɔkpa mbee, Roma Owie Dehen onutu ogyi mi ason. Megyi bee mbu mi ama iwa asansu. ²⁰ Mo su nati mli fia nu. Tsufe oha amoo Israelfɔ bode mu ɔkpa ku amu so nda ikan anifo."

²¹ Amu e beblaa Paulo bee, "Animokoho ɔwolo koku tsu Yudea amatɔ tsu fo iwa. Anu apio Yudafo amuto ɔkoku e mokotsu inu beblaa anu asun lalaha koku tsu fo iwa. ²² Tame ha anu abi fo agywun. Tsufe anyin ani aha btebli asun lalaha tsu Bulusum ɔpasua anfi fobu mota anfi iwa otinegyiotine."

²³ Mo su mua Yudafo amu behie ekea befia. Eke amu lɔfon a, Yudafo tsotsotsɔ beba befia Paulo woyi inu. Paulo lota kpla amu. ɔɔɔɔ Mose Mbila pu Bulu ɔnos atipɔ amu asun wanlinhe le Bulu iwiegyi amu iwa asonto suna amu tsu nyanki pan owi. ɔɔɔɔ mbodi ani obedamli amu abuhɔ Yesu Kristo iwa ason amusu gyi. ²⁴ Amots aku bohogyi, tame aku bumohogyi. ²⁵ Amu wulewule amu ɔno mɔbwe kole, bɔwa ason amu prii bi. Tame Paulo letra blaa amu asun kua kole asa bedasain. ɔleblaa amu obee, "Ohe Wankihe leblaa mli anain ɔnokwali amu tsun Bulu ɔnos atipɔ Yesiasu. Obee,

²⁶ Yo aha anfi wa afyebllaa amu fee,

Bonu lanu, tame bumoonu mo asi.

Beki laku, tame bumeebi mo.

²⁷ Tsufe klontɔ bu amu odwin.

Batila asu, bun ansibi e.

Ni megyi ali a, teki bowun atu

bonu ason,

amu agywun bobwi.

Bedamli ba mi wa,

netsa amu lo.' "

28-29 Paulo lómò m̀v asón onó òbée, “M̀v s̀v ndekléá mlíbíí aní Bulu nkrahó asón ámv lawíé ahá aní bomegyí Yudafo é wá dodo. Amó m̀v bóhò asón ámv.”*
 30 Paulo létsiá mv nfinyò kéké. Oletsíá mv onutó obu háiheto. Oletsíá hò afóó aní beba besináa mv fée. 31 Òlòwa kl̀v̀n dá Bulu iwíegyi ámv iwí asón òkan, olosuná aní Wíe Yesu Kristo iwí asón é ahá fée ansító. Òhaa métin mv òkra.

* **28:28-29** Mótó yée 29 b̀v nwolò dada am̀v akotò: Bréá Paulo lébli asón anfi tá á, Yudafo ámv b̀kòsò náti, amó wolewole b̀na bode asón ámv nwéen gyí.

Ɖwɔlɔ́bá Paulo Lɔ́wanlín Sísí Romafɔ

¹ Mí Yesu Kristo osúmbe Paulo dé ɔwɔlɔ́ ánfɔ wanlín sísí mlɔ Romafɔ. Bulu létɔ mí ɔbée, mbóbwe mu sumbí ɔyɔpɔ. Ɖlele mí yáí aní néda mu asɔn wankláán ámu ɔkan.

² Bulu léhie asɔn wankláán ánfɔ yáí tɔn mu ɔnósó atɔ́pɔsɔ dododo, bɔwanlín mó wá mu asɔn wanlínhé amɔtɔ. ³ Asɔn wankláán ámu ɔtɔ́tɔ́ tsú mu Bi, ogyi anɔ Wíe Yesu Kristo iwɔ. Anyánkɔ́pɔsa ɔkpasu á, ɔlelɔn Owíe Dawid abusuantɔ. ⁴ Bulu léle súná aní lélé mu Bi ní. Ɖlɔtsɔn Ɖhe Wankíhé túmɔ kósɔa mu tsú afúlitɔ. Mɔgyí anɔ Wíe Yesu Kristo. ⁵ Ina muɔɔ Bulu lawá awítɔle lé mí mu sumbí ɔyɔpɔ, ménɔ nékpa ɔmá bámbásɔfɔ bóhɔ mu gyi, nú mu ɔme. ⁶ Mlɔ Romafɔ ánfɔ Bulu latí ɔbée, mlibóbwe Yesu Kristo klé é mlibɔ mótɔ.

⁷ Inɔ sɔ mí Paulo nde ɔwɔlɔ́ ánfɔ wanlín sísí mlɔ́a mlibɔ Roma fée. Bulu lahié dwé mlɔ, tí mlɔ, pɔ mlɔ bwé mu ahá. Nde anɔ Sí Bulu muá anɔ Wíe Yesu Kristo kokóli mbée, bɔgyí mlɔ bɔale, abɔha mlɔ iwílwii.

Paulo Bulu Ipánda

⁸ Gyankpapɔ a, nna Yesu Kristosɔ nde mí Bulu ipán da mlɔtɔ okugyíɔko nwunsɔ. Tsúfɛ mlɔ Kristo hógyi sɔ mlɔ dá de ɔyítɔ fée. ⁹ Napó mí klɔn fée nde Bulu súm tɔn mu Bi Yesu iwɔ asɔn wankláán ɔkan ámóó ndeda ámuɔ. Obégyi mɔ adánsɔe aní ntekáin mlɔsɔ brégyíbréá nde mpáí bɔ. ¹⁰ Ntetsiá kokóli mu ekekegyíleke mbée, ɔtsúla finkɔ ɔkpa ha mɔ, antalɔ besnáa mlɔ nke ánfɔtɔ. ¹¹ Tsúfɛ idɔn mí ɔwólá mía mlɔnyɔ abéfia, ménɔ nébeha mlénya Ɖhe Wankíhé atokiehé aní ibówa mlɔ ɔwɔnlín. ¹² Móá ndeblí gyí, ní nébá mlɔ wá á, mí hógyi bówa mlɔ ɔwɔnlín, mlɔ klé é ibówa mí ɔwɔnlín.

¹³ Mí apíó, ndekléá neha mlɔ bɔ aní nabwébwéébwé agywɔn aní nébesnáa mlɔ, táme tɔku de mí ɔkpa tíin bɔfɔn nde. Ndekléá néba mu bɔtɔ́ kplá ahá, ménɔ bóhɔ Yesu gyi, fé alá nahá ahá bahɔ mu gyi ɔmá bámbátɔ. ¹⁴ Inɔ gyí tɔ́a ilehián aní nóbwe ahá féétɔ nɔ. Ilehián aní nóbwe mó Griikifɔ pɔ ɔblí bámbá áblípɔ, atiansɔpɔ pɔ aha mimláhe féétɔ. ¹⁵ Inɔ sɔ mí ansí lapé aní nébláa mlɔ ahá aní mlibɔ Roma wúlɔtɔ é asɔn wankláán ámu.

Bulu Asɔn Wankláán Ámu Túmi

¹⁶ Bulu asɔn wankláán ámu ima mí péli. Tsúfɛ mógyí Bulu túmi aní ɔdepɔhɔ ɔhagyíɔha aní ɔlɔhɔ Kristo gyi nkpa ní. Yudafɔ gyánkɔ́pá, asa ahá aní bomegyí Yudafɔ bɔbuo. ¹⁷ Tsúfɛ asɔn wankláán ámuɔ Bulu léle alá ɔbɔbwé ɔha yilé ɔbwepɔ súná. Mó ɔsɔ-asɔ féétɔ ilí hógyisɔ. Inɔ Bulu asɔn wanlínhé ámu leblí ní. “Ɖhá aní mu hógyi sɔ Bulu latsú mu aní mu asɔn da ɔkpa obénya nkpa.”

Lakpan Ɖbwepɔ Ɖhagyíɔha Gyi Bulu Ansítɔ

¹⁸ Bulu léle mu ɔblɔ súná tsú ɔsɔsɔ. Olenya ɔblɔ ahá aní bɔtamanyá mu ifú, bɔde lalahɛ bwe, bapó amó ɔwuntɔlɔn bɔde Bulu asɔn aní igyi ɔnɔkwali ɔkpa tíin. ¹⁹ Bulu ɔbɛbití amó isɔ. Tsúfɛ tɔ́a ilehián aní bébɔ́ tsú Bulu iwɔ ida amó ansítɔ dodo. Bulu onutɔ léle mó ɔwan súná ámu. ²⁰ Iɔ mótɔ́ aní ɔhaa tamawun Bulu túmiá itamatá pɔ alá ogyi. Táme tsú bréá Bulu lóbwe ɔyí ɔpá á, Bulu tsiátɔ menjáin. Tsúfɛ mu atɔ bwehé lele mó súná wankláán aní ahá bétali wun mó, póbí mu. Inɔ sɔ ɔhaa má ɔnɔ kɔkɔ lé. ²¹ Bɔyin Bulu, táme bɔmɔwa mu numnyam aní iletsiá mu, bɔmɔpɔ ipán kɔkɔ é há mu. Mbóun tɔ́a ima asi bɔtɔgywíun tsu Bulu iwɔ. Bɔtamatráa nu mu asɔn ámu asi. Basin oklúntɔ. ²² Botekɔ amó iwɔ beɛ betin ansí, táme bemimlása. ²³ Basí Bulu ɔkiankpapɔ amó

tswi, yó bode ikpi ání buma nkpa súm. Bopwe amó, ntée sré amó fè nyankposa ání otowú, ntée mbubwi, ntée mbwi pó awó ako.

²⁴ Iní sv Bulu ladámli oma há amó, basi bode ato laláheá bodeklé tsu amó klontó bwe, amóma amó aba bode iwí súpáa. ²⁵ Botamatraa ho Bulu onokwali amosu gyi. Asón ání ama móts mboun bodehógyi. Iní sv bayó bode Bulu ato bwehé mboun súm, sí ató fée Obwepó ámu onutó. Kanfó letsia mu bré fée! Amen.

²⁶ Amó bwehé ání sv Bulu lédamli oma há amó, bona bode hakpanla bwe. Amó atsi kóráá besi ayin wá di, fè alíá ida yaí, amó wolewole boda aba wá. ²⁷ Alí kén ayin é besi atsi wá di fè alíá botóbwe mó yaí, boda aba wá ní. Hakpanla anfi bwe sv Bulu lébiti amó iso ání lekanáa ha amó, bode mó wúun ni.

²⁸ Iníá bakíná Bulu bi sv á, Bulu ladámli oma há amó, bode asokpan susúu, bode tóá ima aléá oha obóbwe bwe. ²⁹ Lalahé són bu amótó. Iku gyi; lakpanbwe, opotsuawa, olu, onsípe, ahámó, mblikpée, ahámle, agywun lalahé bwe pó ahátíyí. ³⁰ Ahá onótin, Bulu asónkiná, atómábú, iwítsu, iwí adábi da. Lakpan okpagyáa, akwípúsu kosólí. ³¹ Botamagywun, botamagyí amó ason blíhésu. Botamadwé ahá, botamawun ahá nwe. ³² Iníá buyin ání Bulu mbla ámu losuná ání ohá ání otsiá atsiábi anfi odu obówu óó á, megyí iní anfi nkole bodebwe. Butráa bode lalahé abwepó é ateto-onlin wa dínká mósó.

2

Bulu Tamakí Oha Ansító

¹ Iní sv fóa fotsie fode fó aba alá le, fuma onó koku lé Bulu ansító. Tsúfé fode ako alá le, táme fode mó odu kén bwe. Mó sv ní fode amó alá le á, iwí pón fodeha.

² Anyin ání Bulu obéha ahá ání bode iní odu bwe ipón. Anyin é ání mu asón da okpa. ³ Mó sv ní fode ahá alá le lakpan ání fó onutó fodebwe sv á, bi ání Bulu é obéha fó ipón. Fómétali kóli dalí mu ibi. Ntée fómeyín alí? ⁴ Bulu lalé mu yilé pó mu awitole owan súná fó, alanyá klón há fó, táme fumobu mu. Ntée fómeyín ání alíá fédamli klontó yínki ba mu wá sv alalé mu awitole súná fó?

⁵ Táme klontó bu fv odwin, asoto bu fv onlin. Mó sv isotobiti ání ida gyo fó ekeá Bulu onokwalipu obégyi asón itráa démoní tsia. ⁶ Bulu obéka ohagyícha íko mu bwehé onó.

⁷ Ako bapó ansí dínká ání bénya numnyam, idayilé pó nkpa ání itamatá. Mó sv banyá klón bode yilé bwe ekekegyíeke. Amó Bulu obéha nkpa ání itamatá ní.

⁸ Táme akwá bobu onsípe, bakíná onokwali amu pó yilébwe, bobuo lalahé mó á, Bulu obópu oblé gyi amó asón, bití amó iso wankláán.

⁹ Asón wunhe móa iwíosun béba lalahé abwepó féesó. Ibégyankpá tó Yudafó, asa íbótu ahá ání bomegyí Yudafó. ¹⁰ Táme Bulu obówa yilé abwepó numnyam, há amó iwílwii, trá ha amó aye. Obégyankpá há Yudafó, asa íbótu ahá ání bomegyí Yudafó.

¹¹ Tsúfé Bulu tegyi asón onokwaliso, otamakí ohaa ansító.

¹² Ahá amóú bomeyín Mose Mbla ámu, bode lakpan bwe ámu óó bófwí. Táme Bulu móapu mbla ámu gyi amó asón. Ahá amóú buyin mbla ámu asa bode lakpan bwe ámu mó á, Bulu obéli mbla ámu sv há amó ipón.

¹³ Tsúfé megyí ahá ání buyin Mose Mbla ámu asón da okpa Bulu ansító. Mboun ahá ání butegyí mósó. ¹⁴ Ibo mótsá ahá amóú bomegyí Yudafó bomeyín Mose Mbla ámu. Táme ní amó onutó bode mbla ámu sv gyí a, bodesuná ání buyin yilé móa lalahé amó klontó.

¹⁵ Amó bwehé ání desuná ání Bulu lówanlín mbla ámu dínká amó klónsv. Amó klón de adánsie gyí ání lélé buyin mó. Tsúfé bré koto á, amó agywun téhá amó ipón, bré koto é á, itehá amó asu.

¹⁶ Alí kén íbéba éke amóú Bulu obótson Yesu Kristosó gyi tóá ahá babwé njáinto iwí asón ní. Alí Kristo iwí asón wankláán amóú nde mó okan da ámu idesuná ní.

Yudafɔ Pɔ Mose Mbla

¹⁷ Fɔ fɛɛ Yudayin fɔgyi, fɔ ansɪ dɪn Mose Mbla ʌmɔsɔ, fɔdɛpɔ ɪbɪ sɪ kʌntɔ fɛɛ Bulu mɔ bi fɔgyi. ¹⁸ Fɔyin Bulu apɛ, tsɪfɛ fakʌsɪ Mose Mbla ʌmɔ. Mɔ sɔ fɔyin tɔʌ ɪbɔ alɛ. ¹⁹ Fɔtɛkɪ fɔ ɪwɪ ansibi abwiepɔ ʌkpapɔ, fɔgyi fɛ ʌkandɛ hʌ ahʌ ʌnɪ bɔmeyin Bulu, basin oklɔntɔ. ²⁰ Fɔ fɛɛ fɔgyi aha mimlʌhɛ ansɪ ʌtɪnpɔ. Fɛtalɪ sɪnʌ ahʌ ʌnɪ bɔmeyin ɔlala tɔʌ ɪbɔ alɛ. Tsɪfɛ fʌtsɪlʌ fɛɛ Mose Mbla ʌmɔ sɔ fabɪ tɔgyɪtɔ, fabɪ ʌnɔkwali kugyɪkɔ ɛ. ²¹ Tʌmɛ ɪniʌ fɔdɛ ahʌ yɪlɛ sunʌ ʌ, ntogyi sɔ fɔmɔsɔnʌ fɔ ɪwɪ mɔ? Fɔdɛ ʌkan da blʌa ahʌ fɛɛ bɔmʌwɪ ʌtɔ, tʌmɛ fɔ onɔtɔ fɔdewɪ? ²² Fɛɛ bɔmʌtɔ mbɔa, tʌmɛ fɔdɛ mbɔa tɔ? Fɛɛ bɔmʌsum ɪkpɪ, tʌmɛ fɔtɔwɪ ʌkpɪasɪ ʌtɔ. ²³ Fɔtɔtsɪ ɪwɪ Mose Mbla ʌmɔ sɔ, tʌmɛ fɔtɛpʌn mɔsɔ. ɪnɪ sɔ fɔdɛ Bulu kpɔɪ. ²⁴ Bulu ʌsɔn wanlɪnhɛ ʌmɔ lɛblɪ ʌbɛɛ, “Mɪ Yudafɔ bwehɛ sɔ ahʌ ʌnɪ bɔmegyɪ Yudafɔ bɔdɛ Bulu ɪwɪ ʌsɔn lalʌhɛ blɪ.”

²⁵ Nɪ mlɪdɛ Bulu mbla ʌmɔsɔ gyɪ ʌ, mlɪ ketɛtɪn bɔ labɪ. Tʌmɛ nɪ mlɪtamagyɪ mɔsɔ ʌ, mlɪgyɪ fɛ ahʌ ʌnɪ bɔmɛtɪn ketɛ. ²⁶ Nɪ ʌkɔ mɛtɪn ketɛ, ʌdɛ Mose Mbla ʌmɔsɔ gyɪ ʌ, ogyi fɛ ketɛ ʌtɪnpɔ Bulu ansɪtɔ. ²⁷ Mɪ Yudafɔ mlɪyin mbla ʌmɔ, tsɪfɛ bɔwanlɪn mɔ tswɪ mlɪ, bɛtɪn mlɪ ketɛ ɛ, tʌmɛ mlɪtɛpʌn Mose Mbla ʌmɔsɔ. Mɔ sɔ ɔhʌ ʌnɪ ʌmɛtɪn ketɛ kɔrʌʌ, tʌmɛ ʌdɛ mbla ʌmɔsɔ gyɪ ʌbɛlɛ mlɪ ɪlʌ. ²⁸ Tsɪfɛ megyɪ ketɛ ʌtɪnpɔ gyɪ Yudayin onɔtɔ. Ketɛtɪn onɔtɔnɔtɔ bɔ ɪnɪ. Megyɪ ɔylɔsɔ ketɛtɪn kɛkɛ. ²⁹ Nɪ ʌkɔ gyɪ Yudayin onɔtɔnɔtɔ ʌ, mɔ klɔntɔ tɔsɪnʌ. Ketɛtɪn onɔtɔ ɪtsɪ klɔntɔ. Bulu ɔhɛ ʌmɔ tɔbwe mɔ, megyɪ mbla ʌmɔ bɔwanlɪn tswɪ ʌmɔsɔ gyɪ. ɔhʌ ʌnɪ Bulu ɔhɛ ʌmɔ ɪlɛtɪn mɔ ketɛ ʌ, Bulu onɔtɔ tɛkʌnfɔ mɔ, megyɪ nyankpɔsa.

3

¹ Mɔmɔ labɪ mɔmɔ Yudafɔ bɔbɔ dɔn ahʌ ʌnɪ bɔmegyɪ Yudafɔ? Ntɛɛ labɪ mɔmɔ ketɛtɪn bɔ? ² ɪbɔ mɔtɔʌ labɪ ʌmɔ ɪhɛ ɪtsɔ! Gyankpɔpɔ gyɪ, Bulu lɔpɔ mɔ klɔnsɔ ʌsɔn wʌ Yudafɔ ɪbɔtɔ. ³ ɪbɔ mɔtɔ ʌnɪ ʌmɔtɔ ʌkɔ bɔmɔhɔ Bulu ʌsɔn ʌmɔsɔ gyɪ. Tʌmɛ ʌmɔ tsiʌtɔ ʌnɪ odu ɪbɛtalɪ hʌ Bulu ʌbɛsɪ tɔʌ ɔlɛhɛ ʌnɪ ʌbɔbwe lɔɔ? ⁴ ɛkɛkɛkɛ! Megyɪ ʌlɪ ɪgyɪ! Nɪ ʌfunɔpɔ ahʌ fɛɛ bɔgyɪ ɔɔ ʌ, Bulu mɔ ʌ, ʌnɔkwaliɔpɔ ogyi. ɪgyɪ fɛ ahʌ Owɛ Dawid lɛblʌa Bulu ʌbɛɛ, “Nɪ fɔtɔ ʌ, ahʌ bɔblɪ bɛɛ fɔ ʌsɔn ɪgyɪ ʌnɔkwali.

Nɪ bɔgyɪ fɔ ʌsɔn ɛ ʌ, bɔblɪ bɛɛ fɔ ʌsɔn da ʌkpɔ.”

⁵ Nɪ ʌnɪ tsiʌtɔ lalʌhɛ lalɛ Bulu tsiʌtɔ wanklʌʌn sɪnʌ ʌ, mɔmɔ nɪ ʌdɛ ʌnɪ ɪsɔ bitɪ ʌnɪ tsiʌtɔ lalʌhɛ sɔ ʌ, nkʌlɪ ʌbɛblɪ? ʌbɛblɪ ʌniʌa, Bulu mʌ ʌkpɔ bitɪ ʌnɪ ɪsɔ? (Nyankpɔsa ʌsɔn blɪhɛ ndɛblɪ ʌ.) ⁶ ɛkɛkɛkɛ! ɪma mɔtɔ ʌlɪ. Nɪ Bulu ʌsɔn mɛda ʌkpɔ ʌ, nkʌlɪ ʌbɛgyɪ ɔyɪtɔ ahʌ fɛɛ ʌsɔn?

⁷ ʌkɔ ʌbɛfitɛ ʌbɛɛ, nɪ mɪ ʌnɔkwalmʌwʌ lalɛ sɪnʌ ʌnɪ Bulu bɔ ʌnɔkwali, ɪlɛtsɪ mɔ dʌ fɔʌ ʌ, mɔmɔ ntɔ sɔ Bulu ʌbɛtrʌ ha mɪ pɔn ʌbɛɛ lalʌhɛ ʌbwepɔ ngyɪ? ⁸ Nɪ ɪgyɪ ʌlɪ ʌ, mɔmɔ ntɔ sɔ ʌnɛmɛblɪ ʌniʌa, “Mɪhʌ ʌbwe lakpan, fɔwun Bulu tsiʌtɔ wanklʌʌn ɪlɪn ʌwan?” Fɛ ʌlɪ ʌmɔbɔ ʌkɔ bɔdɛ mɪ ʌnɔ tɪn bɛɛ, nna ndɛblɪ ʌmɔ. Bulu ʌbɛhʌ ʌmɔ ɪpɔn ʌlɪ ɪlɛkanʌa.

ɔhaa Mɛgyɪ Yɪlɛ ɔbwepɔ

⁹ Nkʌlɪ mɛɛ ʌbɛblɪ pɔmɔ mɔ ʌnɔ? Mɔ sɔ ʌnɪ Yudafɔ ʌnɪdɔn ahʌ ʌmɔbɔ bɔmegyɪ Yudafɔ ʌmɔ lɔɔ? ɛkɛkɛkɛ! ʌnɛmɔdɔn ʌmɔ ʌkpagyɪʌkpasɔ. Nablɪ bɔtsɔn mbɛɛ, ɪkɔlɛ Yudafɔ pɔ ahʌ ʌmɔbɔ bɔmegyɪ Yudafɔ ʌmɔ fɛɛ bɔgyɪ. Tsɪfɛ lakpan lagyɪ ʌmɔ fɛɛsɔ. ¹⁰ Bulu ʌsɔn lɛblɪ ʌbɛɛ, “ɔhaa ʌsɔn mɛda ʌkpɔ Bulu ansɪtɔ. ɔbakɔlɛ kɔrʌʌ mɛdalɪ mɔtɔ.

¹¹ ɔhaa tamanɔ Bulu ʌsɔn ʌsɪ;
ɔhaa tamadɔnkʌ Bulu ʌkpɔ.

¹² Amó fée badámlí ɔma há Bulu,
ámó fée bafwí.
Yilé ɔbwepɔ ɔkɔkɔ má unu. Ɖbakóle kóráá médalí mótɔ.”

¹³ Bulu asón ámu létrá blí ɔbéé,
“Butekle asukpan blí.

Butɔpó amó ɔnó mlé ahá.

Amó ɔnótɔ asun blíhé tɔmó fē iwɔ elín.”

¹⁴ Bulu asón ámu létrá blí ɔbéé,
“Uwí pó asun-sinsín blí butegyí dɔ.”

¹⁵ Ɖlétrá blí ɔbéé,

“Ahámɔ ma amó ɔpá.

¹⁶ Ɖtíngyíótínéá buna á, buɔe ahá yintá, buɔe ahá ipiantɔ wa.

¹⁷ Bumeyin ɔkpa ání itɔpó iwílwí ba.”

¹⁸ Bulu asón ámu kó é leblí ɔbéé,

“Butamanyá Bulu ifú.”

¹⁹ Séi á, aniyin ání asóngyiasón ání Mose Mbla ámu losuná á, ida ha Yudafɔ ámuɔ bɔpɔ mbla ámu há ámu. Mú sɔ ɔkɔkɔ méenya ɔkpa lé asvansɔ ɔnó bréá Bulu dé ahá fée asón gyí. ²⁰ Tsúfē Mose Mbla ámu sɔ gyí méetalí há ɔha ogyi asu Bulu ansítɔ. Há mbla ámu itehá anitebí ání lakpan abwepɔ anigyí.

Alá Ɖha Tegyi Asu Bulu Ansítɔ

²¹ Séi á, Bulu lasúná ɔkpa ání ɔtɔtsun mósú há ɔha asu. Imená Mose Mbla ámu sɔ gyí sɔ. Táme Mose Mbla ámu pó Bulu ɔnósɔ atɔípú amu asun wanlínhé leblí ɔkpa ámu iwí asón yáí. ²² Ɖkpa ámu gyí ɔkpa ání Bulu tɔtsun há ɔha asu mu ansítɔ ní. Yesu Kristo hógyisɔ Bulu tɔtsun hɔ ɔhagyíɔha. Ma fugyi o, ma fomegyí o, nkónu fotsú o, nkónu fomotsú o, ɔhaa mótɔtsun ɔtsan Bulu ansítɔ.

²³ Tsúfē ahá fée babwé lakpan. Mú sɔ bahólí Bulu numnyam. ²⁴ Awítɔle Bulu lawá há aní. Mú sɔ nyankpɔsa obégyi asu mu ansítɔ ní. Awítɔle anfi ina Kristo Yesusu. Móléka nyankpɔsa nwnunsu ikɔ. ²⁵⁻²⁶ Anyánkpɔsa buɔe lakpan bwe tsú bré ɔpá, táme Bulu lénya klɔn há amó, ɔmebití amó isu. Séi á, Bulu labɔpɔ Yesu bó afɔdɔe, pó mu obugya lé aní iwí mbusuo, méní abótɔtsun mu hógyisɔ nyá lakpansikíé. Bulu lóbwe mú ahí pósúná ání mu asón da ɔkpa, méní ibósuná nke ánfítɔ ání yilé ɔbwepɔ ogyi. Ototsú ahá ání bɔhɔ Yesu gyi ání amó asón da ɔkpa mu ansítɔ.

²⁷ Séi mé, tɔkɔ bu unvá abótɔtsu iwí mósú? Tɔtɔ má unu. Ntogyi sɔ animéetalí tsú iwí? Mose Mbla ámu sɔ lóó? O-o! Aní hógyi sɔ animéetalí tsú iwí. ²⁸ Megyi atɔ wankláán ámuɔ Mose Mbla losuná aní bwe ámu sɔ antegyí asu Bulu ansítɔ. Ina Kristosɔ hógyisɔ abégyi asu Bulu ansítɔ. ²⁹ Yudafɔ nkole Bulu ógyi? Megyi ahá ání bume gyí Yudafɔ mú Bulu ogyi? Ee! Amó é amó Bulu ní. ³⁰ Bulu ɔkole pé bu unu. Mú sɔ ina hógyisɔ olotsulá ání Yudafɔ asón da ɔkpa. Ina hógyi kénsú ɔlɔhɔ ahá ámuɔ bume gyí Yudafɔ ámu é ání amó asón da ɔkpa. ³¹ Mú sɔ ilehián ání abóhɔ Yesu gyi, sí Mose Mbla ámu sɔ hógyi lóó? Ekékeké! Megyi alí igyi. Yesu hógyi téhá antekítá mbla ámu tɔ kinkíínkín.

4

Abraham Iwí Asón Lasuná Alá Hógyi Bɔ Labi

¹ Séi á, amansu aní Yudafɔ abéblí tsú aní náin Abraham iwí? Ntɔ olowun tsu Bulu ahá hɔ asón anfi iwí? ² Ní yilébwe sɔ Abraham légyí asu Bulu ansítɔ á, mómú ɔbu tɔá ɔbópɔtsú iwí, táme megyi Bulu ansítɔ. ³ Nkálí Bulu asun wanlínhé amu leblí? Ɖleblí ɔbéé, “Abraham lóhɔ Bulu gyi. Mú sɔ Bulu lótsu mu ání mu asón da ɔkpa.” ⁴ Ní ɔkɔ ɔyó agyómá á, buteká mu ikɔ. Megyi atokiehé

ikɔká ámu gyi. Igyi tɔ́á ilehián ání obénya tsú mu agyómá yɔ́tɔ́. ⁵ Táme megyi ahá bwehé sv, mbouín amó hógýi só Bulu totsú amó ání amó asón da ɔkpa. Tsúfɛ Bulu téhá lakpan abwɛpú ání bɔhɔ mu gyi bɔtegyi asv mu ansítɔ́. ⁶ Owíe Dawid lébli oyúla asón ání kén dodo. Ɔlɔtɔ́i tsú ahá ání Bulu méki amó bwehé asa olotsu amó ání amó asón da ɔkpa iwɪ. Ɔlɔwanlín mú wá Bulu asvɔn ámυtɔ́ ɔbɛɛ,

⁷ “Bulu layúlá ahá ání alasi amó lakpan kíé amó, alagyóra amó!

⁸ Ahá ámú Bulu lasi amó lakpan kíé amó, ɔméetrá kain músó ámu bégyi ɔdwe!”

⁹ Keté atínpv nkɔle bó ɔdwegyi anfi Owíe Dawid dé mú iwɪ asón bli ání? O-o! Ahá ámú bɔmetɩn keté ámu é bubu mótɔ́. Kain ání anɔlakla asvankv Bulu asvɔn wanlínhé ámυtɔ́. Ania, “Abraham lóhɔ Bulu gyi. Mú sv Bulu lótsu mu ání mu asón da ɔkpa.” ¹⁰ Bré mɔmv Bulu lótsu mu ání mu asón da ɔkpa? Ɔletɩn keté asa lóó? Ekekeke! Bulu lótsu mu ání mu asón da ɔkpa dodoo. ¹¹ Ɔma-ɔma asa ɔlebetɩn keté póhíe mu nsv. Ilosuná ání mu hógýi só Bulu lótsu mu ání mu asón da ɔkpa. Inɪ sv ogyi fé ahá ámú bɔmetɩn keté, táme bɔhɔ Bulu gyi, Bulu lótsu amó ání amó asón da ɔkpa ámu. Mú sv ogyi amó féé ɔsí ní. ¹² Ogyi keté atínpv amv é ɔsí. Tsúfɛ megyi amó ketétíun sv, mbouín amó Buluhógýi sv. Fé alɪ ámú Abraham lóhɔ Bulu gyi asa betɩn mu keté ámu.

Tɔ́á Bulu Léhie Yáí Mv Ahógýipv

¹³ Bulu léhie Abraham mva mu abí-aná ání ɔyítɔ́ féé íbóbwe amó klé. Megyi beɛ Abraham légyi Mose mblassv, sv Bulu lébli asón ání. Táme íniá ɔlɔhɔ Bulu gyi, Bulu é lótsu mu ání mu asón da ɔkpa mu ansítɔ́ sv. ¹⁴ Ní ahá ání bɔde Mose Mbɪa ámυtɔ́ obégyi Bulu ató á, mómú ɔha Bulu hógýi igyi kpaali. Bulu nhíhé há ɔha é ma labi kɔkɔ. ¹⁵ Tsúfɛ Bulu ɔbló mbɪa ámu tetí. Táme ní mbɪa má unv á, mbɪatvɔn é ma unv.

¹⁶ Mú alɪ sv ina hógýisv ahá bétali nyá atóá Bulu léhie yáí há amó. Atokiehé ámú ɔbópɔhá Abraham abí-aná ámu íbɛda amó íbɪ. Megyi ahá ání bɔtegyi mblassv nkɔle bó, táme ahá ání bɔhɔ Bulu gyi fé Abraham é. Tsúfɛ Abraham gyi anɪ féé ɔsí. ¹⁷ Fé alɪ ámú Bulu asvɔn wanlínhé amv ílebli ɔbɛɛ, “Nápú fú bwé ɔmá tsɔtsɔtsɔ ɔsí alɪ ámú ɔlebli yáí ámu. Bulu lébláa mu ɔbɛɛ, “Fú abí-aná békɛí fé ntsrakpabi.” ¹⁹ Alɪ bré ámυtɔ́ á, Abraham lahɔ nfi lafakɔle (100). Mú sv aladan tsɔn kwíis. Alɪ kén mu ka Sara é ɔkwíipúni lawú, ɔméetrá kwí ní. Oyín ínɪ féé, táme ɔmekpa mu hógýi ɔma. ²⁰ Inɪ féé ɔma a, omegyí nwéɛn ɔbɛɛ, itó ámú Bulu léhie mu amv unéeba mótɔ́. Mbouín ɔlekítá mu hógýitɔ́ kinkínkín, ɔlekanfú Bulu mó sv. ²¹ Tsúfɛ ɔhíe oyín ání Bulu ɔbétali bwé itó ámú alahíé há mu amv. ²² Mú hógýi anfi só Bulu lébli ɔbɛɛ, mu asón da ɔkpa ní. ²³ Megyi mu nkɔle sv bɔwanlín wá Bulu asón ámυtɔ́ beɛ, “Bulu lótsu mu ání mu asón da ɔkpa.” ²⁴ Anɪ é, anɪ sv bɔwanlín mó. Ní anɔlɔhɔ Bulu gyi a, obótsu anɪ ání anɪ asón da ɔkpa. Mgyi ɔhá ání ɔlɔkɔsá anɪ Wíe Yesu tsú afúlitɔ́. ²⁵ Anɪ lakpan só Bulu léha beɛ mu há bɔmɔ mu. Bulu lókɔsá mu tsú afúlitɔ́, ménɪ obótsu anɪ é ání anɪ asón da ɔkpa.

¹ Anɔ hɔgyi sɔ Bulu latsú mó ání anɔ asón da ɔkpa. Mó sɔ anɔ Wíe Yesu Kristo lalá anɔ Bulunyɔ nsinɛ. ² Hɔgyi sɔ ɔkpa lafinkí há anɔ ngya. Inɔ anɔ Wíe Yesu sɔ Bulu awitɔle anfi laba anɔsɔ, anlapó hɔgyi nyá ɔlúkpá ngya a, ihíé bɔ anɔ ɔdwe. Tsúfɛ anidin ansí ání abébenya mɔ numnyam amu ku. ³ Ansí itráa de anɔ gyí ání anidɛ ipian wúun. Tsúfɛ ipian téhá anitɔwá nsi. ⁴ Nsiwa téhá anitebí tsíá alá ilegýi Bulu ansí. Ní abí tsíá alá ilegýi mɔ ansí á, abédinká ansí mɔsɔ. ⁵ Ansí pɔdinká Bulusɔ méeha péli méékítá anɔ. Tsúfɛ Bulu lótsɔn ɔɲe Wankihé amóú ɔlɔpɔhá anɔ ámusɔ pɔ mɔ ɔdwe wá anɔ klɔntɔ.

⁶ Bréá anitráa anigyí lakpan abwɛpó, anumá ɔwɔnlín á, Kristo lóbowu há anɔ lalahɛ abwɛpó bréá Bulu onutó léhiɛtɔ. ⁷ Ní ɔku asón da ɔkpa kóráá á, ibɔwa ɔnlɔn asa ɔku obótsulá wú há mɔ. Fialɔ ɔha yilé mó á, ɔku ɔbɔwa klɔn wú há mɔ. ⁸ Táme tsá ilosuná ání Bulu tɛhié dwé anɔ gyí, bréá anigyí lakpan abwɛpó á, ɔleha Kristo lóbowu há anɔ. ⁹ Ina Yesu Kristo obugya amóú ɔwɔlí asi ámusɔ Bulu lési anɔ lakpan kíé anɔ, tsú anɔ ání anɔ asón da ɔkpa. Kristo sɔ ɔbéle anɔ kokooko. ɔméébití anɔ isɔ lakpan abwɛpó isɔ-ɔbitiké amu. ¹⁰ Teki Bulu alupó anigyí. Táme tsóon mɔ Bi ámu lowusɔ á, alabwé anɔ mɔ anyawíe kláklá. Inɔ anɔlabwé mɔ anyawíe sɔ á, ɔbɔhɔ anɔ nkpa kokooko. Tsúfɛ Kristo é bɔ nkpa. ¹¹ Megýi mó wɔle. Móá itráa dɔn kóráá gyí, anidɛ ɔdwe gyí. Tsúfɛ anɔ Wíe Yesu Kristo lalá anɔ Bulunyɔ nsinɛ. Mó sɔ anɔlabwé Bulu anyawíe.

Adam Mva Kristo

¹² Adam nkɔle bwɛhé sɔ lakpan léba ɔyító. Mɔ lakpan ámu sɔ lowu léba ɔyító. Inɔ sɔ lowu lénya túmi ɔhagyíɔhasɔ, tsúfɛ ahá féé babwé lakpan. ¹³ Lakpan bɔ ɔyító asa Bulu lópu mɔ mbla ba Mose. Táme bréá Bulu mókópó mbla ámu ba mɔ a, olobun ansíbi lakpansɔ. ¹⁴ Tsú Adam brésú bɔtɔ Mose brésú lowu legýi iwíe anyánkɔpsá féésó. Iɔw mótó ání bumɔtɔn mbla kɔku fé Adam, táme amú é bowu.

Akú alá Adam léklé ɔlian ɔmapɔ amu. ¹⁵ Adam ná ɔtsan há Yesu Kristo. Tsúfɛ Bulu awitɔle amu megýi fé Adam lakpan ámu. Adam nkɔle lakpan sɔ ahá féé bowu. Táme Yesu Kristo nkɔle awitɔlewa sɔ Bulu laláwá awitɔle, pɔ mɔ atokiehé há ahá tsɔtsɔtsɔ. Mɔ atokiehé ámu ibɔ híá dɔn lowu ámu. ¹⁶ Tsá anyánkɔpsá benya tsú Bulu atokiehé ámɔtɔ ina ɔtsan há tsá benya tsú Adam lakpan ámɔtɔ. Mɔ lakpan kɔle pé amu léha ɔhagyíɔha légyi pón Bulu ansító. Mólópu lowu ba, táme lakpan tsɔtsɔtsɔ ɔma a, Bulu atokiehé kɔle pé leha Bulu lótsu ahá féé ání amó asón da ɔkpa mɔ ansító. ¹⁷ ɔbakóle lakpan sɔ lowu légyi iwíe ahásɔ. Táme alá Bulu lahié wá awitɔle há ahá ibɔ wánwan. Alatsɔn Yesu Kristo nkɔlesɔ tsú anɔ ání anɔ asón da ɔkpa, anɔ mɔnyɔ abégyi iwíe anɔ nkpatɔ féé.

¹⁸ Inɔ sɔ alɔ amóú ɔbakóle lakpan sɔ Bulu léha ahá féé pón ámu a, alɔ kén ɔbakóle yilébwɛ sɔ Bulu lahá ahá féé bagyi asɔ mɔ ansító, alahá amó nkpa ání itamatá é ní. ¹⁹ Alɔ amóú ina ɔbakóle asɔtɔ-ɔnlɔn sɔ ahá féé bemlí lakpan abwɛpó ámu a, alɔ kén ina ɔbakóle obú sɔ Bulu obótsu ahá tsɔtsɔtsɔ ání amó asón da ɔkpa ní.

²⁰ Bulu lópu mbla ámu ba, ménɔ ahá bówun lakpan ání bɔdɛbwɛ wankláán. Táme bréá lakpan déklɛí á, Bulu awitɔle é idéklɛí tsía. ²¹ Lakpan légyi ahásɔ, leha ahá bowu. Alɔ kén Bulu lawá awitɔle tsú ahá ání amó asón da ɔkpa mɔ ansító ní. Inɔ lahá ahá batsɔn anɔ Wíe Yesu Kristosɔ nyá nkpa ání itamatá.

¹ Nkálí abéblí séí? Ilehían ání abóyo aní lakpanbweṣu, méní Bulu awítóle bómoní tsíá? ² Ekekeke! Igyi fé anilawú, mó sù lakpan ma túmí anisù. Ntogyi sù abétrá tsíá bwé lakpan? ³ Bré ámóú bóbó aní asú ámu a, ania Kristo Yesunyó anilóbwe kole. Mliyin mó alí? Alí bré ámúto á, ania Kristonyó lówu, ⁴ bopolá aní, tsúfé ania múnyo anilabwé kole. Mó sù alí ámóú aní Sí Onumnyampù amu lókúsóa mu tsú afúlitó ámu a, alí kén aní é abétsiá itsiá pòpweto ní.

⁵ Mó sù iníá ania múnyo anilóbwe kole mu lowuto á, alí kén ania múnyo lóbwe kole mu kúsó tsú afúlitó é ní. ⁶ Mlibí ání bréá beda Yesu mántá oyikpalíhe amúsu á, mu a aní tsiátó dada amu lówu, méní anumétrá bwe lakpan nkpábi. ⁷ Tsúfé ní oha owú á, otamatráa bwe lakpan. Lakpan má muṣu túmí. ⁸ Iníá ania múnyo anilawú sù á, anibù hógyi ání ania múnyo abétsiá nkpa. ⁹ Aniyin ání Bulu lókúsóa Kristo tsú afúlitó. Ométrá wu ekekeke. Lowu itráa ma muṣu túmí. ¹⁰ Yesu lówunáa wu otáwule, méní obéle lakpan inu. Táme iníá otsie nkpa á, otsie ha Bulu. ¹¹ Mlí é mlikí mli iwí ání mlilawú há lakpan, amlilé mli iwí le mó túmí asi. Mlitsia nkpa ha Bulu, tsúfé mlia Kristo Yesunyó mlilabwé kole.

¹² Iní sù mlumáha lakpan igyi mli nyankpusa-oyí ání ibówu ánfisù, méní umésha owólí laláhe igyi mliṣu, amlibwe tóá ideklé. ¹³ Mlumápu mli nyankpusa-oyí iwí ató há lalahewe. Mboún mliṣu mli iwí féé ha Bulu, fé ahá ání alakósóa amó tsú afúlitó ba nkpató, opu mli bwe tóá ida nkpa. ¹⁴ Ima aléá lakpan obétrá gyi mliṣu, tsúfé séí mlitráa mlumá Mose Mbla ámu asi. Bulu awítóle asi mboún mlibù.

Yilébwe Nkpábi Anigyi

¹⁵ Iní oma a, amansu abéblí? Ibo aléá abétrá bwe lakpan séí ání ánumá mbla ámu asi, anibù Bulu awítóle mboún asi? Ekekeke! ¹⁶ Mluméyín ání ní mleba iwiasí há taku, mlidé mó apé bwe, mlidé mó sù mli wíe a, mlilabwé mó nkpábi? Ní mleba iwiasí há lakpan á, mómó mlówu, táme ní mleba iwiasí há Bulu á, mlégyi asu mu ansító. ¹⁷ Mlilóbwe nkpábi há lakpan bré kotó. Séí á, mlilapó mli klón féé hɔ atosunáhé amóú bapóhá mli ámu, mlidé mósú gyí. Mó sù nde Bulu ipán da. ¹⁸ Bulu lahá mlilagyi iwí lé lakpan ibitò, mlilabwé nkpábi há yilébwe. ¹⁹ Alíá ibóbwe mlónu asón ání asi, só napó nkpábi tsiátó nde mli suná. Bré kotó á, mlilóbwe mli iwí nkpábi há hakpan móa lalahewe. Alí kén ilehían ání mlóbwe mli iwí nkpábi ha yilébwe, méní mlífon yi ní.

²⁰ Bré ámóú mligyi nkpábi há lakpanbwe ámu a, yilébwe má túmí mliṣu. ²¹ Labi məmù mlílenya tsú lakpan ámóú mlilóbwe, nde ibu mli péli amúto? Mó labi gyí lowu. ²² Táme séí mó á, Bulu lahá mlilagyi iwí lakpanbwe túmí asi. Mlilamlí mu nkpábi. Labiá mlénya tsú mótó gyí; mlétsiá tsiátóá ílɔfon yi, nyá nkpa ání itamatá. ²³ Tsúfé lakpanbwe ikóká gyí lowu, táme Bulu atokiehé gyí nkpa ání itamatá. Mó olòpogyi aní bɔale tsɔn ania aní Wíe Kristo Yesu ikolebweṣu ní.

7

Mbla Ámu Itráa ma Túmí Akristofòsu

¹ Mí apíó, mli féé mliyin Mose Mbla ámu. Mliyin ání bréá oha tsie nkpa á, obu mblá asi. ² Fé ní ótsi tsia okúlu, mu kulu amu mókówú á, obu mu kulu amu asi. Táme ní mu kulu amu owú a, alagyi iwí, okúlu wóyí mbla kòkò itráa medé mu. ³ Mó alí sù ní mu kulu amu mókónyá wú, odálí mu oma a, alató mbua. Táme ní mu kulu amu owú mó á, otráa oma okúlu wóyí mbla asi. Mó sù ní oláyétsiá oyin bámbá á, omakótó mbua. ⁴ Mí apíó, alí kén igyi há mli ní. Mlí é bréá mlilóhò Kristo gyi a, mlia múnyo mlilówu. Mó sù mlitráa mlumá Mose Mbla asi. Séí á,

mlɔlabwé ɔhá á múú Bulu lókɔsɔ́a tsu afúlitɔ á mu klé, ménú mlóbwe yilé há Bulu. ⁵ Tsúfɛ bréá anɔbu anɔ tsiátɔ dada amɔtɔ á, mbla á mu léha anɔ ɔwólɔ laláhe legyi anɔsu. Mú sv anɔlóbwe tɔ́a itɔpɔ lowu ba. ⁶ Táme séi mú á, Bulu lahá anɔlagyi iwɔ tsú mbla á múú tekɔ anɔbu mú asɔ á mu ibitɔ. Anɔa Kristonyɔ lówu. Mú sv mbla á mu itráa ma túmi anɔsu. Anɔlagyi iwɔ, anidé Bulu súm tson ɔkpa papwe áni Ɔɣe Wankíhé dé anɔ sunásó. Megyi ɔkpa áni mbla wánlínhé amú lósuná anɔsu.

Mbla Amu Múa Lakpanbwe

⁷ Mú sv anidébli anɔaa, itɔ laláhe Mose Mbla á mu gyi? Ekεεεke! Mbla á mu íbéha abébi tɔ́a lakpan gyi. Tekɔ ní mbla á mu imebli ɔbéε, “Mápe ansí fú bá atósó” a, tekɔ mmebi tɔ́a gyi ɔnsípe. ⁸ Ina alɔ mbla áni sv lakpan lénya ɔkpa pɔ ɔnsípe kugyíku wá mítɔ. Tsúfɛ ní mbla á mu má mu á, tekɔ lakpan má túmi músó. ⁹ Mí onutɔ netsiá bré kɔtɔ, mmebi mbla á mu. Táme bréá nébebi mú á, nowun áni napán músó. Lakpan ɔwepɔ gyi. Mú sv nówu. ¹⁰ Nowun áni mbla á múú nkɔ mbéε, íbéha mí nkpa á mu lópɔ lowu ba mi. ¹¹ Tsúfɛ lakpan lénya ɔkpa tson mbla á mu sv mlé mí, mú mí.

¹² Tsiátɔ mbla á mu mú á, tsitsa kɔku ma mú iwɔ. Mú nhíhé kugyíku lɔwankí, ída ɔkpa, íbu alé é. ¹³ Mú sv idesuná áni Bulu mbla áni íbu alé áni lópɔ lowu ba mi? Ekεεεke! Megyi alɔ ígyi. Lakpan lótsɔn itɔ wankláán á mu sv pɔ lowu ba mi. Ina mbla á mu sv lakpan léle iwɔ suná áni itépi ma alé.

Atád Idekɔ Nyankɔsɔa

¹⁴ Anɔyin áni ɔɣétɔ atɔ mbla á mu gyi, táme mí mú á, nyankɔsɔa gyi. Nabwé lakpan ɔkpábi. ¹⁵ Mmetálɔ bí mí tsiátɔ, tsúfɛ megyi tɔ́a ndeklé ntóbwé, tɔ́a mmedéklé mboún ntóbwé. ¹⁶ Ní tɔ́a mmedéklé ndebwe mú á, natsúlá áni Mose Mbla á mu íbu alé. ¹⁷ Idesuná áni megyi mí dé alɔ atɔ áni bwe. Mboún lakpan túmiá íbu misv téhá ntóbwé mú. ¹⁸ Nyin áni bré áni mbu mí tsiátɔ dada anfitɔ á, itɔ wankláán kɔku má mítɔ, tsúfɛ nyankɔsɔa gyi. Ntekleá nóbwe yilé, táme nakásián. ¹⁹ Mmedé yiléá ndeklé bwe. Lalahé amúú mmedékléá nóbwe á mu mboún ndebwe. ²⁰ Ní nde lalahé amúú mmedékléá nóbwe á mu bwe á, múmú idesuná áni megyi mí onutɔ dé mú bwe. Mboún lakpan túmi amúú íbu mítɔ á mu dé mú bwe.

²¹ Mú sv nawun áni mbla áni lagyi misv. Ní ndekléá nóbwe yilé á, lalahé kóun ntóbwé. ²² Tsúfɛ nhíé ndekléá négyi Bulu mbla á mu sv tsú mí klɔntɔ. ²³ Táme ntowun áni mbla ku dé mbla á múú íbu mí klɔntɔ á mu ísá kɔ, gyi músó, bwé mí lakpan ɔkpábi. Ilahá lakpan amúú íbu mítɔ á mu íde mí bwehé kugyíku sv gyi. ²⁴ Kɔ ípian kpɔnkpɔnkpɔntiá mbu mítɔ! Ilapɔ mí íya lowutɔ. Ma ɔbéle mí tsú mítɔ? ²⁵ Táme anɔ Wíe Yesu Kristo sv nde Bulu ípán da áni alalé mí!

Mí klɔntɔ mú á, tekɔ ndekléá nóbwe Bulu mbla á mu ɔkpábi. Táme tsiátɔ laláhe amúú íbu mítɔ á mu lahá nabwé lakpan ɔkpábi mboún.

8

Nkɔpsia Dinká Bulu Ɔɣé Amu Asónsɔ

¹ Inɔ sv séi á, Bulu méétrá ha ahá áni amúá Kristo Yesunyɔ babwé kɔle ípɔn. ² Tsúfɛ Kristo Yesu sv Ɔɣe Wankíhé túmi áni itehá nkpa lahá anɔlagyi iwɔ tsú lakpanbwe múa lowu íbitɔ. ³ Mose Mbla á mu métalí lé anɔ tsú anɔ lakpantɔ. Tsúfɛ anɔ tsiátɔ dada amúú itehá anɔtóbwé lakpan á mu imeha anumégyi mbla á mu atosunáhésu. Táme Bulu lótsɔn ɔkpa papwesv hɔ anɔ. Ɔlɔwa mu Bɔ onutɔ léhá fɛ nyankɔsɔa áni ɔtóbwé lakpan, táme mu mú ɔmbwé lakpan. Bulu lótsɔn mu lowusv mú anɔ tsiátɔ dada amúú lakpan legyi músó á mu. ⁴ Ɔlɔbwe mú alɔ, ménú ní anɔbuo Ɔɣe Wankíhé amu a, abétalɔ tsiá tsiátɔ wankláán amúú tekɔ

mbla ámu lósuná ámu, anuméetrá tsiá aní tsiátɔ dada ámu. ⁵ Tsúfɛ lalahe ahá ání tsiátɔ dada ámuú itɔbwé lakpan ide amósó gyí butɔgywíun. Táme ahá ání búbuo Ɔhe Wankíhé ámu a, tɔá Ɔhé ámu tekle butɔgywíun. ⁶ Ɔhá ání lakpan lagyi mu tsiátɔsu tenyá lowu tsú mótɔ. Táme ɔhá ání Ɔhe Wankíhé lagyi musu mó tenyá nkpa mɔa iwílwii. ⁷ Tsúfɛ ɔha ání lakpan lagyi mu tsiátɔsu tolú Bulu. Ɔtamagyi Bulu mblasu, tsúfɛ ɔmɛétali gyi mósó ekekeke. ⁸ Ahá ání lakpan lagyi amó tsiátɔsu buméetali gyi Bulu ansí.

⁹ Táme Bulu Ɔhé bu mlɔ́to lélé. Mó su mɔmúétrá tsiá mli tsiátɔ amóú lakpan legyi mósó ámu. Mlóbwe tɔá Ɔhe Wankíhé ámu tekle. Ní ɔko má Kristo Ɔhé ámu a, omegyi mu kle. ¹⁰ Ibo mótɔá lakpan su mli nyankpɔsa-oyí ání obówu. Táme ní Kristo bu mlɔ́to á, mli ɔkláa bu nkpa. Tsúfɛ Bulu latsú mli ání mli asón da ɔkpa mu ansítɔ. ¹¹ Bulu lókusóa Kristo tsú afúlitɔ lélé. Mó su ní mu Ɔhé bu mlɔ́to á, mómó ɔbótson Ɔhé ámusu há mli nyankpɔsa-oyí amóú ibówu ámu nkpa pɔpwe.

¹² Iní su mí apíó, imehian ání abétrá tsiá aní tsiátɔ dada ámu, bwé tɔá aní ɔwólá laláhe tekle. Mboún lehián ání abóbwe tɔá Ɔhe Wankíhé tekle. ¹³ Tsúfɛ ní mletsiá mli tsiátɔ dada amɔto á, mlówu tsítsá. Táme ní mlɔ́tson Bulu Ɔhé ámusu kíná mli nyankpɔsa-oyí ámu apé bwe á, mlétsiá nkpa ání itamatá. ¹⁴ Tsúfɛ ahá ání bahá Bulu Ɔhé de amó kpa gyi Bulu abí. ¹⁵ Megyi Ɔhé ání ibéha mlóbwe nkpaábi, tsiá nyá ifú Bulu lópwá mlɔ́to. Mboún Ɔhé ámu lóbwe mli Bulu abí. Ɔhé ámu su anitétali su kpólí Bulu aniaa, “Abba, mí Sí!” ¹⁶ Ɔhé ámu totsúlá há aní lélé á, Bulu abí angyí. ¹⁷ Ní Bulu abí angyí á, mómó angyí mu ató agyípo. Ania Kristonyɔ obégyi mu ató. Tsúfɛ ní awun Kristo ipian ámu ku á, mómó abénya mu numnyam ámu é ku.

Numnyam Aní Abénya Ekekó

¹⁸ Ní neki numnyam ání ida gyo aní, Bulu ɔbéle súná aní á, ipian ání anidéwíun bré ánífɔto imɔfon mó ɔtɔnetɔne. ¹⁹ Bulu ató bwehé féé bɔhíé bɔde ɔkpa kí ha ekeá Bulu ɔbéle mu abí numnyam ɔwan. ²⁰ Tsúfɛ Bulu ató bwehé féé lasí ida keke. Megyi mó onutó apé igyi. Mboún mlóbwe mó ali, íha mu ató bwehé féé iki ɔkpa ²¹ ání ekekó á, ɔbéha amó féé bégyi íwí, buméetrá yintá ekekeke. Mu ató bwehé ámu ibénya mu abí iwígyí pó amó numnyam ámu ku. ²² Anyin ání bɔtu nde á, Bulu ató bwehé féé ide iwɔsɔn wíun. Idekumí fé alá ikwí todwíin ɔtsi. ²³ Megyi Bulu ató bwehé ámu nkɔle dékumí. Aní amóú alapó mu Ɔhé, igyi mu atokiehé gyankpapu wá anito ámu é anidékumí aní klɔntɔ. Anihíé anitsie anigyó ekeá Bulu ɔbéha aní nyankpɔsa-oyí ání obégyi íwí, ɔbóbwe aní mu abí. ²⁴ Tsúfɛ ɔkpakí anfi su ɔlɔ́ho aní nkpa. Butamakí tɔá fóbɔ ɔkpa, tɔá fuma ɔkpa bɔteki. ²⁵ Ní anidé tɔá anumá ɔkpa kí a, anitenyá klɔn tsiá gyo mó.

²⁶ Ɔhe Wankíhé ámu tetsá aní aní pɔntɔ. Tsúfɛ anuméyín alá abókolí Bulu ató, ibégyi mu ansí. Ɔhé ámu onutó tɛhíé kímí pókólí Bulu ató há aní, don alá aní onutó abétali. ²⁷ Bulu yin ɔhagyíɔha klɔntɔ asón. Mó su oyin mu Ɔhé ámu agywun. Tsúfɛ Ɔhé ámu tokókólí Bulu há mu ahá alá Bulu onutó dé mó klé.

²⁸ Anyin ání Bulu tɛhá tógyítɔ tɔwá alá há mu adwepó. Amógyí ahá ání mu onutó ɔleti mu nhúhé ɔnó ní. ²⁹ Tsúfɛ ahá amóú Bulu yin yai ámu a, amó ɔlele. Ahá amóú ɔlele ámu ɔleti ɔbéé, bubélian mu Bi ámu. Fówun mu Bi ámu ɔbóbwe ɔdéhén mu abí tsɔtsɔtsɔtsɔ. ³⁰ Ahá amóú Bulu yin yai dodo ámu ɔleti. Ahá amóú ɔleti ámu olotsu ání amó asón da ɔkpa mu ansítɔ. Ahá amóú olotsu ání amó asón da ɔkpa ámu ɔlɔwa numnyam.

³¹ Amansọ anútráa anubọ blí tsú íni íwí? Ní Bulu bọ aní wá á, ma obétalí kósú líí anisú? Ọhaa má ọnu! ³² Bulu mékiná mọ onutọ mọ Bi ámu si há lowu aní fée nwanu. Olesi mọ há faan. Nkálí sọ ọmọpọ atọ tráhe fée tsía mọ Bi ámotọ há aní? ³³ Ma obétalí ká asón dínká ahá ámúb Bulu lalé ámúso? Bulu lóó? Ekekeke! Mogyí ọhá aní alatsú aní aní aní asón da ọkpa mọ ansít. ³⁴ Ma obétalí há aní ọpón? Ọhaa má ọnu! Tsúfẹ Kristo Yesu gyí ọhá aní olobowu há aní, Bulu lókósúa mọ tsú afúlitọ. Alayọ otsie Bulu gyọpọsọ, ọde mọ kokólí aní nwanu. ³⁵ Ma ntée nto obétalí títi ania Kristonyọ nsíné ọdweto? Ason wunhe lóó, ntée ọkplán? Ní bọdun anisú lóó, ntée akón? Yayá natí lóó, ntée lowu? ³⁶ Tsúfẹ bọwanlín wá Bulu ason wanlínhe amọto bee, “Fọ sọ bọde aní mọ ekekegyíeke.

Bọde aní kí fẹ akúfa aní bapọ beya ọmọkpa.”

³⁷ Táme íni fээtọ a, ọdwe ámúb Kristo bọ ha aní ámu sọ anlagyi isọ dáfa. ³⁸ Tsúfẹ nhíe nyin aní tọtọ méetalí ká ọdweá Bulu bọ ha anitọ. Lowu o, nkpa o, Bulu-abọpọ o, túmí kugyíkwa ítráa de iwíe gyí ọsósó o, atáá ibọ nu séi pọ mọá íbẹha o. ³⁹ Tógyítá ibọ ọsọ pọ así ntée ọsólúb ayasí kọkọkọ méetalí ká ọdwe ámúb Bulu ladwé aní tson aní Wíe Kristo Yesusu ámotọ ekekeke.

9

Ahá Aní Bulu Lalé

¹ Mía Kristonyọ anilabwé kole. Mọ sọ ọmọkwálí asón ndeblí séi. Ọhe Wankíhe dé mí kpa. Mọ sọ mí klon é de mí bláa aní mmedé afunu wa. ² Mí pọ Israelfọ sọ asón ihíe de mí háan, ahọmutiá umeká itin de mí. ³ Ní ibọwa aláá nénya íwí, mía Kristonyọ nsíné báyintá, méni bénya nkpa aní itamatá kóráá á, teki nọpọ íwí há. ⁴ Mí pọ Israelfọ gyí ahá aní Bulu léle póbwé mọ abí. Amọ ọlele mọ numnyam súná. Ọleka ntam há amú, pọ mọ mbla wá amú ibitọ. Olosuná amọ ọkpa aní bọpọtswe mọ. Ọlebláa amú tsá alahíe aní obọpohá amọ fée. ⁵ Amọ lélu tsu Israelfọ anáin akpọnkpọnti ámotọ. Mọá ọdun kóráá á, amótọ Kristo amọ lébelun ọsólúb anfisọ. Kánfọ letsia Kristo, (ọhá ámúb Bulu ladá mọ ofúli amọ), ogyi Bulu, atọ fээsọ ogyípọ amọ bré fээtọ! Amen!

⁶ Íni imosuná aní Bulu asón ámúb ọleblí tswi amọ uméeba mótọ. Tsúfẹ megyí Israelfọ ámu fée gyí Israelfọ onutónutọ. ⁷ Megyí Abraham abí fée gyí mọ abí onutọ. Tsúfẹ Bulu lébláa Abraham ọbée, “Isakto fọ abí-aná bédalí tsu.” ⁸ Íni lósuná aní megyí ahá aní bọtsú Abraham abí fээtọ gyí Bulu ahá. Abraham abí-aná ámúb Bulu léhie há mọ amọ nkole gyí Bulu ahá. ⁹ Tsúfẹ tsá Bulu léhie Abraham gyí, “Néyinkí bá oftebá sesebre. Néba a, fọ ká Sara lakwí obiyímbi.”

¹⁰ Megyí íni wole. Rebeka lókwí atabí há aní náin Isak. ¹¹ Táme bréá ọmókónyá kwí amú, abọdan bi yilé ntée lalabebwe á, Bulu lébláa Rebeka amú íwí asón. Bulu lóbwe mọ alí, méni ibósuná aní aní ọkpa ámúb ọtọtsọn mósú họ ahá ámu imená aní bwehésú. Mbóun ina mọ nkole pé apé pọ alá ọtelé mọ ahásu. ¹² Asa Rebeka obókwi nyebí ámu a, Bulu lébláa mọ ọbée, “Ọdẹhen obósum ọkọsọ.” ¹³ Fẹ alá bọwanlín wá Bulu ason wanlínhe amọto bee, “Ntọdwé Yakob dun Esau.”

¹⁴ Séi á, nkálí abéblí? Abéblí aniaa, Bulu asón meda ọkpa lóó? Ekekeke! ¹⁵ Tsúfẹ Bulu lébláa Mose ọbée, “Ahá aní nówun amú nwe á, amú nówun nwe. Amọá nahíeá négyi bọale a, amú négyi bọale.” ¹⁶ Mọ sọ megyí ọha apé ntée mọ nsiwa Bulu teki. Mbóun mọ onutọ nwewúwin igyi. ¹⁷ Bọwanlín wá Bulu ason wanlínhe amọto bee, Bulu lébláa Egypte owíe Farao ọbée, “Atoku anyọ ánfí sọ neyai fọ iwíe, alá nótson fọsọ lé mí túmí súná, pọ alá ọyítá ahá fée bónu mí dá, kánfọ mí.” ¹⁸ Íni sọ ní Bulu ọhíe aní obówun ọkọ nwe á, otowun mọ nwe. Ní ọhíe aní obéha ọkọ obọwa kluntọ odwin é á, ọtehá mọ ọtawá kluntọ odwin.

Bulu ɔblɔnya Pɔ Mv Ahá Nwewutun

¹⁹ Mlito ɔku ɔbɛfitɛ ɔbɛɛ, “Ní alí igyi ní mó á, ntogyi sɔ Bulu dé nyankpɔsa ipɔn ha? Ma ɔbɛtalí tɪn Bulu ɔkpa?” ²⁰ Táme nde mli fitɛ mbɛɛ, fɔgyi ma ání fɛlɛ Bulu lá? ɔlɔ ɔbɛtalí fitɛ mv ɔpwɛpɔ ɔbɛɛ, “Ntogyi sv fapwɛ mí alí?” ²¹ Alíagyialíá igyi á, atɔ ɔpwɛpɔ tɔpɔ obɔn pwɛ tɔá odeklé. ɔbɛtalí pɔ obɔn ipin kule pwɛ nlonɔ. ɔbɔpɔ kule bwɛ ɔlɔ nu ntsu, kpá nsúu wá kuletɔ.

²² Alí kɛn igyi há Bulu ní. ɔbu ɔkpa lé mv ɔblɔ súná, méní ahá bɔwun mu túmí. Táme ɔlehie nyá klɔn há ahá ámóú olenya ɔblɔ amósú amv. Teki ulɔfun ání ɔbɛhí amó. ²³ Bulu bu ɔkpa lé mv numnyam kpɔnkpɔnti ámv ɔwan ahá ámóú ɔlele yáí ání obɔwun amó nwe, ɔwa amó numnyam amvsv. ²⁴ Anígyí ahá ámóú ɔlele yáí ámv ní. Megyi Yudafo nkuletɔ ɔlele ahá. ɔlele ahá ání bomegyí Yudafo aku é. ²⁵ Bulu léblí mv ɔnású ɔtɔipɔ Hosea ɔwulótɔ ɔbɛɛ, “Néti ahá ámóú teki bomegyí mí ahá ámv mí ahá.

Ahá ámóú teki ntamakle amó asón ámv ɔbɔbwe mí adwɛpɔ.

²⁶ ɔtɪnɛ ámóú teki nebláa amó mbɛɛ, ‘Megyi mí ahá mligyi’ ámv a, unfo néti mbɛɛ, ‘Bulu ɔkiankpapɔ abí’ ní.”

²⁷ Bulu ɔnású ɔtɔipɔ Yesaia lɔkplɔn bláa Israelfɔ ɔbɛɛ, “Ní Israelfɔ bekléí fɛ ɔpu ɔnɔ isɪ kúrará á, amótɔ ahá kpalobí pé nɔhɔ nkpa. ²⁸ Tsúfɛ ɔbusasv aní Wíe obégyi ɔyítɔ ahá fɛé asón, búa mó wankláán.” ²⁹ Tsúfɛ Bulu ɔnású ɔtɔipɔ Yesaia légyankpá wanlín wá Bulu ason wanlínhé amvɔ ɔbɛɛ, “Ní mí Wíe Bulu, túmí fɛé Owíe mési aní abi-aná aku yáí á, teki aní fɛé abɛhí fɛ Sodom móa Gomorafɔ.”

Israelfɔ Bulu Máhogyi

³⁰ Nkálí anidébli ngya? Anidébli anaa, ahá ámóú bomegyí Yudafo ámv bɔmɔbɔ mbɔdí kuku, asa Bulu léha amó asv! Hógyi sɔ benya mó. ³¹ Táme Israelfɔ ámóú amó ansí lepe, bɔde mbla ámvsv gyí, Bulu ɔha amó asv ámv bɔmetalí. ³² Ntogyi sv? Tsúfɛ bomepe ansí pɔ hógyi dúnká mó. Ilobwe amó fɛ mbla ámvsv gyísv Bulu ɔbɔtsɔn ha amó asv. Iní sv bɔsutiín “Ibwi ámóú itelɛ ahá dá” ámvsv dida kpla. ³³ Ibwi ánfí iwí asón bɔwanlín wá Bulu ason wanlínhé amvɔ bɛɛ, “Bulu ɔbɛɛ, ‘Mliki!

Nɛpɔ Ibwi* tswí Sion wúlutɔ.

Ahá bɔsutiín ibwi ámvsv dida.

Péli méekítá ɔhagyíɔha ání ɔlɔhɔ mv gyi.’ ”

10

¹ Mí apíó, tɔá ntekle mí klɔntɔ, pɔ mpáí ání ndebɔ gyí, Bulu ɔbɔhɔ mí ahá Israelfɔ. ² Nétalí gyi amó iwí adánsie mbɛɛ, amó ansí lahié pé Bulusúm iwí, támɛ bomeyín ɔkpa ání bɔtsɔn mósú sùm mv wankláán. ³ Tsúfɛ bomeyín ɔkpa ání Bulu tɔtsɔn mósú há ahá asv. Mó sv beyurí iwí bɔde amó ɔkpa dunká, méní bégyi asv Bulu ansítɔ. Mó alí sv bomeba iwiasí há ɔkpa ámóú Bulu tɔtsɔn mósú há ahá asv ámv. ⁴ ɔnakwali amv gyí, Kristo lɔmɔ Mbla ámv fɛé ɔnɔ. Mó sv ɔhagyíɔha ání ɔlɔhɔ mv gyi obégyi asv Bulu ansítɔ.

Nkpahɔ Bv Inv Hɔ ɔhagyíɔha

⁵ Mose lɔwanlín tsú ɔhagyíɔha ání ɔteki mbla ámv ání mósú Bulu ɔbɔtsɔn tsu mv ání mv asón da ɔkpa iwí ɔbɛɛ, “ɔhagyíɔha ání otegyi mbla ámvsv ɔbɔtsɔn mósú nyá nkpa.” ⁶ Táme hógyisv bɔtɔtsɔn gyi asv Bulu ansítɔ. Bulu ason wanlínhé amv léblí ɔbɛɛ, “Máfitɛ iwí fɛɛ, ‘Ma ɔbɔdu yó ɔsósú?’ ” (Fɛfitɛ alí á, ilosuná ání fɔyɔpɔ Kristo tsúa ɔsósú ba.) ⁷ Ntɛɛ fitɛ iwí fɛɛ, “Ma ɔbɛkplí yó ɔsulúv

* 9:33 Ibwi ámv gyi Kristo.

ayasi?” (Fefíté alí á, ilosuná aní fýɔɔpu Kristo tsúa afúlitɔ ba.) ⁸ Mboún asón aní Bulu asɔn wanlínhé amɔ léblí gyí, “Bulu asón ámu uma ífɔ fɔ wá. Ibo fɔ ɔnátɔ, ibo fɔ klɔntɔ dodo.” Asón ámu gyí hógyi asón ámúú anudéblí ámu ní. ⁹ Ní fobwí ɔnɔ blí fée, “Yesu gyí aní Wíe,” fɔpɔ fɔ klɔn fée hógyi aní Bulu lókɔsúa mu tsú afúlitɔ á, Bulu ɔbóhɔ fɔ nkpa. ¹⁰ Tsúfɛ íklɔn ɔha tɔpóhɔ Kristo gyí. Fówun Bulu ɔbótsu mu aní mu asón da ɔkpa. Ɔnɔ é ɔha tɔpóblí ɔbée, Yesu gyí mu wíe, méní Bulu ɔbóhɔ mu nkpa. ¹¹ Alí kén Bulu asɔn wanlínhé amɔ léblí ɔbée, “Péli méekítá ɔhagyíɔha aní ɔbóhɔ mu gyí ekekekeke” ní. ¹² Iní sɔ imefáhɔn aní Yudayin fugyi, ntée fomegyí Yudayin. Tsúfɛ owíe ɔkule pé así amú fée bɔbɔ. Ɔbópu mu yilébwɛ gyí ahá aní bosu kpolí mu fée bɔale. ¹³ Alí kén Bulu asɔn wanlínhé amɔ léblí ɔbée, “Ɔhagyíɔha aní otosu kpolí aní Wíe obénya nkpa” ní.

¹⁴ Táme nkálí bétalí su kpolí ɔhá aní bɔmɔhɔ mu gyí? Nkálí bétalí hɔ ɔhá aní bɔmɔkónú mu iwí asón gyí? Nkálí bónu mu iwí asón ní ɔhaa méda mú ɔkan súná amú? ¹⁵ Nkálí bétalí dá mú ɔkan súná amú, ní bɔmɔkówá amú? Bulu asɔn wanlínhé amɔ léblí ɔbée, “Thíé bu akíle aní fówun aní ɔha ɔbá bɛda Bulu asɔn wankláán ɔkan!” ¹⁶ Táme megyí Israelfɔ fée lóhɔ Bulu asɔn wankláán amɔ. Tsúfɛ Bulu ɔnɔsɔ ɔtɔpú Yesaia lówanlín wá mu ɔwolótɔ ɔbée, “Mí Wíe, ɔhaa móhɔ aní asɔn blíhé amɔsu gyí.” ¹⁷ Táme asɔn wankláán ámu téhá bɔtohogyi. Ina Kristo asón ánfí blísú ahá bɔtonú mu asón. Mú nu sɔ ahá bɔtɔhɔ mu gyí.

¹⁸ Mbée, bɛɛ nú bɔmonu asón ámu? Bonu! Tsúfɛ Bulu asɔn wanlínhé amɔ léblí ɔbée,

“Amú ɔme lawíé ɔyítɔ fée,
ámú asón é lawíé tsútsúútsú.”

¹⁹ Ntráa fite. Israelfɔ bɔmonu mu asón así? Múá Mose lébláa amú gyankpapu gyí,

“Bulu ɔbée, ‘Nópu ɔmá aní bomegyí Israelfɔ wá mlí ansipɛɛ.

Nóyulá ɔmá mímláhe pówá mlí ɔblɔ.’”

²⁰ Bré bámbátɔ a, Yesaia lówa klɔn bláa amú ɔbée, “Bulu ɔbée,
‘Ahá aní bɔmedé mí dunká lémentí mí.

Ahá aní bɔmefíté mísú nele iwí ɔwan súná.’”

²¹ Táme Israelfɔ ámu mú á, Bulu léblí amú iwí asón ɔbée, “Iníá natéí íbítɔ bré fée aní nóhɔ amú atúu ó á, bɔtráa bɔde asɔtɔ-ɔnlɔn wa. Bɔmedé mí bu.”

11

Bulu Israelfɔ Nwewúton

¹ Nde mlí fité mbée, mú sɔ Bulu lakíná mu onutó ahá léle? O-o! Mí onutó ánfí óó Israelyin ngyi. Abraham abí-anátɔ notsú. Benyamin abusuantɔ obí ngyi. ² Megyí bɛɛ Bulu lakíná mu onutó ahá amúú ɔlele amú yáí ámu. Mlíkan alí amúú Bulu asɔn wanlínhé amɔ léblí tswí ɔbée, Bulu ɔnɔsɔ ɔtɔpú Elia lékla Israelfɔ iwí asón súná Bulu amusu. ³ Ɔbée, “Mí Wíé! Israelfɔ bamó fɔ ɔnɔsɔ ɔtɔpú fée. Babwíé fɔ afɔdɛ-asubwí é fée. Uasí mí nkɔkónú nkɔle. Bɔdekléá bómó mí é.” ⁴ Bulu léha Elia mbuai ɔbée, “O-o! Megyí fɔ nkɔle lásí. Tsúfɛ nalé ahá mpím-sienó (7,000) aní bɔmɔkótswe ɔkpi Baal* kí há mí iwí.” ⁵ Alí ígyi nde nke ánfítɔ é ní. Bulu lawá awítɔle lé Israelfɔ kpalobí aku yáí. ⁶ Ní alawá awítɔle lé aha aku á, mómó ítráa megyí ɔha bwehé sɔ ɔbèle mu. Tsúfɛ ní una ahá bwehésú mú á, tekí mu awítɔle amɔ ílesian.

⁷ Mú nkálí ilegyí? Israelfɔ íbɔ meda ítɔ amúú bɛɛɛ ansí bɔdedunká ámu. Amúú ahá kpalobí akɔá Bulu léle yáí nkɔle íbɔ léda mú. Ɖleha atráhe bɔwa asɔtɔ-ɔnlɔn bréá ɔde ahá tí. ⁸ Bulu asɔn wanlínhé amɔ léblí ɔbée, “Bulu léha

* **11:4** Baal gyí ɔkpi ɔkɔá ahá amúú begyankpá tsíá ɔsolóu amusu asa Israelfɔ beba betsiá mu ámu bosúm.

ɖelɛn amó ɔwólɛ. Mú sɔ bótu nde bometáli pó amó ansibi wun ató, pó amó asó é nú asón.”⁹ Owie Dawid é lébli ɔbéé,

“Amó ɔdwe ogyikpa ɖwéé mpósa abuda mótó. Ibwéé agbláa, ikpa kita amó.

Ibwéé uma, abúsrɛi dida mótó, ɖwe isubítí ha amó.

¹⁰ Ansítá iklún amó, ménɛ bóméstrá wun ató.

Ha abútsia ipiantó bré fée.”

¹¹ Mú sɔ ntráa ndefité mbéé, Yudafɔ basréi dida, bóméetalí trá kusú? Εκεκεκε! Amó lakpan sɔ Bulu lóhɔ ahá aní bomegyí Yudafɔ nkpa. Fówun ɛpe amó ansí.

¹² Séi á, anyin aní Yudafɔ lakpan sɔ ɔmá fée banya ató wankláán. Amó dida lawá labi há ahá aní bomegyí Yudafɔ. Ní belányá nkpahóó mú á, mómó labi aní ahá aní bomegyí Yudafɔ bénya uma blító.

Ahá Aní Bomegyí Yudafɔ Nkpahóó

¹³ Ahá aní mlmégýí Yudafɔ, mli nde asón anfi bláa nya a. Kristo sumbi ɔyɔpó ngýi. Ɖɔwa mí sumbí mli wá. Mí gymagyihe legyi mí ansí. ¹⁴ Fialɛ nétali há mí ahá Yudafɔ ansí bépe, fówun Bulu obénya ɔkpa hɔ amótó ako nkpa. ¹⁵ Bréá Bulu lédamli ɔma há Yudafɔ á, ɖeha ɔmá atráhe fée bɔbwe Bulu anyawie. Ní igyi alɛ mú á, brégyibréá Bulu ɔbóhɔ amó é á, ɖbɔbwe fé afúli fée bakósú tsú afúlitó.

¹⁶ Ní belé takoto gyankpapo há Bulu igyi a, mómó itó ámu fée igyi mu kle. Ní Bulu bó oyí nlin á, idesuná aní oyí ámu abámbi é igyi mu kle. ¹⁷ Bekpalí oyí bámbi pó bambá tsá mósó. Yudafɔ gyí oyí ámu. Mli ahá aní mlmégýí Yudafɔ gyí bámbi bambá ámóú bapó betsa mósó ámu, ménɛ mlénýa oyí ámutó ntsu wankláán ámu kɔ. ¹⁸ Mú alɛ sɔ á, mlumákɛ mlíaa mli don oyí ámu onutó abámbi amóú Bulu lékpalí lé ámu. Mlumátsu iwí amó ansító, tsúfé oyí ámu nlin tamanu ntsu lé mli. Mli mboun tonu ntsu lé mótó pódan.

¹⁹ Fialɛ mli ako mléblí mliaa, “Bekpalí abámbi amó, ménɛ anɛ é abénya oyikpa.” ²⁰ Ibw mótó alɛ. Itsú alíá Israelfɔ bumohogyi sɔ Bulu lékpalí amó tsítsá. Mli é mli hógyi sɔ Bulu lapó mli tsá mósó. Mú sɔ mlumáha nwuntó iwa mli ɔdwe. Mliha ifú ikta mli. ²¹ Tsúfé Israelfɔ ámóú bogyi oyí ámu onutó abámbi kóráá bɔbwe lakpan, Bulu lébití amó isɔ, mú mli? ²² Séi á, mlilawun aní Bulu bɔ awítɔle, táme mu asón bɔ onlin. Ɖbɔ onlin ahá aní badida hógyitɔsɔ. Táme alawá awítɔle há mli. Ɖbówa awítɔle há mli ní mli ansí dun musɔ. Ní megyí alɛ á, ɔbébití mli isɔ mli é. ²³ Táme ní Yudafɔ ámóú besi mu hógyi amó beyinkí bɔhɔ mu gyi a, Bulu ɔbélapó amó tsá oyí ámusɔ. Tsúfé ɔbɔ túmí aní obéyinkia amó tsá. ²⁴ Mli ahá ámóú mlmégýí Yudafɔ ámu mú á, oyí laláhe bámbi mlígyí, bɔpɔ mli tsá oyí ámusɔ. Teki uma unu alɛ. Israelfɔ mú á, oyí wankláán ámu onutó abámbi bogyí, bekpalí amó tsítsá. Mú sɔ amó yinkia yi mú yintisɔ mósɔwa onlin há Bulu.

Bulu Towun Ahá Fée Nwe

²⁵ Mí apíó, ason nainhé kɔ bɔ unvá ndekléá mlibí, ménɛ mlíméekɛ mli iwí aní mlilétun ansí dɔbí. Asón ámu gyí, Yudafɔ ámu ako bɔbɔ asoto-onlin. Bówa asoto-onlin alɛ bɔfun bréá Bulu lahá ahá aní bomegyí Yudafɔ fée baba mu wá. ²⁶ Mú ɔma a, Bulu ɔbóhɔ Yudafɔ fée nkpa. Bulu asón ámu lébli ɔbéé, “Sion wúluto Nkpa Ɖhópu amó ɔbélin tsu.

Ɖbéba beha Yakob abí-aná fée bési lalahe bwe.

²⁷ Inɛ gyí ntam aní néka há amó bréá néle amó tsú amó lakpantó ní.”

²⁸ Iníá Yudafɔ ámu bómɔhɔ ason wankláán ámusɔ gyi sɔ á, bemli Bulu alupó, ménɛ ɖbówa labi há mli ámóú mlmégýí Yudafɔ ámu. Táme iníá bogyi ahá aní Bulu léle sɔ a, amó anáin sɔ otekle amó asón. ²⁹ Ní Bulu ɔlé ɔku ntée ɔpó mu

atokiehé há ɔku á, ɔtamatráa tse mu agywun. ³⁰ Bré kutɔ á, mli ánfɔ mɔmégýí Yudafɔ ánfɔ mɔmóbu Bulu. Táme séi á, Yudafɔ bɔmedé Bulu bu. Mó sɔ Bulu lawun mli nwe. ³¹ Alí kén Bulu ɔbéba bowun Yudafɔ ámóú bɔmedé mu bu ámu é nwe fé alá lawun mli nwe ní. ³² Tsúfé Bulu lótsu mó ání ahá féé bɔbu asɔtɔ-ɔnlɔn, alá íbɔbwe obówun amó féé nwe sɔ.

Mliha Akánfɔ Bulu

³³ Oo, mliki Bulu awítɔle wɔle! Mu nyánsa pɔ mu asónbɔ ma ɔka! Ma ɔbétalí bí mu ɔkpa pɔ mu asóngyítɔ? ³⁴ Bɔwanlín wá Bulu asɔn wanlínhé amɔtɔ beɛ, “Ma yín aní Wie nwuntɔ?

Ma ɔbétalí súná mu asón? Ɔhaa má unu.

³⁵ Ma lápú tɔku há mu, ɔde ɔkpa kíá ɔbélaka mu íkɔ?”

³⁶ Bulu lóbwe tógýítɔ. Mubú tógýítɔ. Tógýítɔ bu unu há mu. Kanfú íbweé mu klé bré féétɔ. Amen!

12

Tsiátɔd Bvɔpɔsum Bulu

¹ Iná Bulu híé ɔde aní nwe wúun alí sɔ á, mí apíó, nde mli kokóli mbée, mliɔ mli íwí féé ha Bulu mli nkpatɔ. Íbweé féé igýí ahatɔ wankíhé ha mu. Iní gyí osum ání itsú klɔntɔ, ilegyi mu ansí ní. ² Mlímáha ɔsolóv anfisɔ atsiábí igýí mli sɔ. Mliha Bulu ɔtse mli agywun, íha mli tsiátɔ itse. Fówun mlétalí bí ání Bulu apé bu alá, íbɔ ɔdwe, ílɔfɔn.

³ Bulu agyómá ámóú alawá awítɔle póhá mí ámu sɔ nde mli tɔ okugýíáku bláa mbée, ɔhaa máki mu íwí dáfá alá ogyi. Ɔhagyíáha ɔbá ansí asi, ɔkí ání ɔmɔdɔn hógýí amóú Bulu lapóhá mu amu. ⁴ Nyankpɔsa-oyí íwí atɔ aní féé anigýí. Ntóbí ámɔtɔ kugýíku bu mó gyoma ání itegyí nyankpɔsa-oyí ámu sɔ. ⁵ Alí kén íbɔ mótɔ ání anitsɔ, táme ania Kristonyɔ anilabwé ɔyólóv ɔkɔle ní. Mó sɔ anigýí ntóbí ɔtsan-ɔtsan ání anitsátsáa abasɔ, anilóbwe ɔyólóv ɔkɔle amu. ⁶ Bulu atokiehé ámóú ɔleha aní ámu ina ɔtsan-ɔtsan. Ilehíán ání aní féé abóɔ mu atokiehé ámu yó agyómá atɔ ámóú ɔleha aní ámu ɔnó. Mó sɔ ní ɔku atokiehé gyí Bulu ɔnó asónblí á, ɔhá ámu ɔbweé mu alá mu hógýí losuná mu. ⁷ Ní ɔku klé gyí mu aba ahógýipɔ buá a, ɔbá amó. Ní ɔku klé gyí atɔ suná á, osúna mó. ⁸ Ní ɔku klé gyí ahá atetɔ-ɔnlɔn wa á, ɔwá ahá atetɔ-ɔnlɔn. Ní ɔku é klé gyí atɔ kie á, ɔlé íwí tɔ okie mó. Ní ɔku klé gyí ahá ɔnó líí á, ɔwáa nsí ɔbwe mó. Ní ɔku klé é gyí ahá nwe wúun a, ɔbweé mó ɔdwe tɔ.

⁹ Mli dwe ahá tsu mli klɔntɔ. Mlikisi lalahé kugýíku. Mlikita yilébwe tɔ kinkínkín. ¹⁰ Mliha mli ansí ípe mli aba Akristofɔ dwesɔ, amlibu aba wankláán. ¹¹ Mlímáha mli nsiwa bwé atɔ ɔnó iba asi. Mliha Ɔhe Wankíhé amu ɔwa mli ɔwɔnlín, amlisum aní Wie. ¹² Mli ɔkpakí amu sɔ mlinya ansigýí, amlilu kinkín mli ípiantɔ. Mli bɔ mpái bré féétɔ. ¹³ Mli bɔba mli aba Bulu ahá ání bɔbu íkplántɔ. Mli yurí íwí hɔ afɔs.

¹⁴ Mli yula ahá ání bɔdɔn mli sɔ. Mli yula amó, mli málwí amó. ¹⁵ Ní aku bɔde ansigýí nya á, mli amónyɔ mlinya ansigýí. Ní aku bodesú é á, mli amónyɔ mli sɔ. ¹⁶ Mli féé mli tsia wankláán. Mli mátsu íwí. Mli ɔ íwí manta ahá ání ahá butamabú amó. Mli máki mli íwí ání mli dɔn aku.

¹⁷ Ní ɔku ɔpɔ lalahé gyi mli á, mli mápɔ lalahé ká mu íkɔ. Mli bɔ mbódí amlibwe tɔá mli alá ahá féé bótsulá dínká mósú. ¹⁸ Alí agýíalíá igýí mli mó á, íwí lwlwl ítsia mli ɔhagyíáha nsiné. ¹⁹ Mí apíó adwepɔ, mli mápɔ lalahé ká mli aba íkɔ. Mli sí tógýítɔ ha Bulu. Tsúfé bɔwanlín wá Bulu asón ámɔtɔ beɛ, “Bulu ɔbéɛ, ‘Mí, mli Wie téká íkɔ. Mí ɔbéka ahá akɔ amó lakpan sɔ.’ ” ²⁰ Bulu asɔn wanlínhé létrá blí ɔbéɛ, “Ní akón de fú olupú á, ha mu atɔ ogyi. Ní ɔmewólí de mu

a, ha mu ntsu onu. Ni fɔbwé mó alí á, íbèha péli békítá mu óbétse.”* ²¹ Mlumáha lalahé igyi mlísv, mbóun mlíbwé yilé pógýí lalahésv.

13

Iwiasíbdá Ha Ómá Akpapó

¹ Ilehíán ání ohagýísha óbéba iwiasí há ómá akpapó. Tsúfè Bulu téhá ómá akpapó túmí. Ómá akpapó ókuku má unvá megyí Bulu léyaí mu. ² Iní sv ní óku ókósv líí ómá akpapó ókósv á, alakósv líí Bulu túmísv. Mó sv óhá ámu dé ísvbití klé ha íwí. ³ Tsúfè ómá akpapó búmegyá yilé abwepó, lalahé abwepó búgya. Mó sv ní fumedékleá fonyáa ómá akpapó ifú á, mómu bwé yilé abúkanfu fú. ⁴ Bulu osúmbi ohagýísha ání bapó mu yáí ómá ónó gyí. Mlí yilé sv búde agyómá yó. Táme ní óku dé lalahé bwé á, mómu obénya amó ifú, tsúfè búsv ókpa bíí ahá ísv. Bulu asúmbi búgyí, óleha amó ókpa ání búvbití lalahé abwepó ísv ha mu. ⁵ Iní sv ohagýísha óbá iwiasí ha ómá akpapó. Megyí bée búde ifú nya ání bévbití amó ísv nkóle sv. Mbóun amó klón dé amó bláa óbée, ilehíán ání bóbu amó.

⁶ Iní kén só ilehíán ání mléka tswítswí é ní. Bulu asúmbi ómá akpapó búgyí. Bapó amó bré fée búde ómásv kí. ⁷ Mlíka íkó kugyíkavá ídín mlísv. Mlíka tswítswí mó lampóó. Obú ókpasv á, mlíbu amó fée. Ní igyi kanfó é á, mlíkanfu amó fée.

Abadwe

⁸ Mlumákítá óhaa íkó dùn mlí abadwé. Ní óku dé mu aba dwé á, óde mbla ámu féesó gyí. ⁹ Mose Mbla ámu lébli óbée, “Mátó mbua.” “Mámó óha.” “Máwí ató.” “Mápe ansí fú ba atósó.” Iní pó mbla tráhe amú fée nwun gyí mbla kóle amóó ílebli óbée, “Dwé fú bá fé fú íwí” ámu. ¹⁰ Ní óku dé mu ba dwé á, ómóósv lalahé gyí mu ekekeke. Iní sv óhá ání ótódwé mu aba lagyi mbla ámu féesó.

¹¹ Mlí onutó mlíyin bré oduátó aníbv. Bré lafón ání mlétsinkí, tsúfè aní nkpahó lafón ta dùn bré amóó anilégyankpá hó Kristo gyi amú. ¹² Onyé detsúon, óyí lake ta. Mó sv mlíha asi oklúntó bwéhé fée bwé, atsu aní óyí kehetó akotó tsan. ¹³ Mlíha aní tsiátó íbwé fé ahá ání bútsie wankító. Mlumáha ayinta aní bré yetsiá ódwe ogyíkpa, anidé ató dedé gyí, anidé ntá núu bv. Anumáwa atsi móa ayin asón. Anumáwa ónsípe, anumátré kó. ¹⁴ Mbóun mlísv aní Wíe Yesu Kristo tin mlí íwí. Mlumátrá tsiá tsiátó dada amóó mlí ówólí laláhe tekle amú.

14

Akristofɔ Ilále Ókpa Laláhesv

¹ Mlíhó mlí aba Akristofá buma ówónlín hógýító wa mlító. Ní bée tóku bv alé ntée uma ale a, mlumágyi amó nwéén. ² Óku lóhogyi ání óbv ókpa gyi tógýító, táme óku é hógýi ónó uma ónlún. Mó sv ótamagyi iye. ³ Ókpa má unvá óhá ání otegyi tógýító óbée óhá ání ótamagyi tóku ílá. Alí kén óhá ání ótamagyi tóku é ómále óhá ání otegyi tógýító ílá ní. Tsúfè Bulu lahó amó. ⁴ Fógýí ma ání féha óku osúmbi pán? Mu wíe nkóle pé búsv ókpa ání óbélí óbée, ótsie wankláán ntée ometsie wankláán. Óbétalí tsiá wankláán, tsúfè Bulu óbétalí há mu obétsiá wankláán.

⁵ Óku óbétalí blí óbée, eke kv dùn mó aba, óku é óbélí óbée nke ámu fée igyi kóle. Ohagýísha óyó mu klóntó wankláán, ótsu móa íbv alé. ⁶ Ní óku ólé eke óku óbée igyi eke yilé á, óde mósv gýí pótsv Bulu fúá. Ní óku é tegyi tógýító á, óde mó gýí pótsv aní Wíe fúá. Ní óku é tamagyi iye a, mu é óde mó kísv pótsv aní

* 12:20 Igyi fé fakpá ogyá wólí mu ótántra.

Wíe fɔ́á. Tsúfɛ́ amó fɛ́é bɔtɛ́dá Bulu ipán mósó. ⁷ Anító ðhaa métsíe nkpa há mu iwí, anító ðkɔku é móowu há mu iwí. ⁸ Ní anútsie nkpa á, anútsie ha aní Wíe. Awú é á, anilawú há mu. Mú sɔ ní anilawú o, anútsie nkpa o, aní Wíe bú aní. ⁹ Tsúfɛ́ Kristo lówu, yínkí kósó ba nkpató, méní ðbóbwe akiankparu pú awupú fɛ́é Owíe. ¹⁰ Iní sɔ imehián aní fɛ́ha fɔ́ bá ipón ntéé fɛ́kí fɔ́ bá ansító kótíkótí. Tsúfɛ́ aní fɛ́é abéyélí Bulu ansító, obégyi anító okugyíòku asón. ¹¹ Bɔwanlín wá Bulu asón ámɔtò bɛɛ, “Aní Wíe Bulu ðbɛɛ,
 ‘Nanyá mbu nkpa ánfí á,

ðhagyíðha ðbɛ́da akpawunu mí ansító;
 ðhagyíðha ðbɛ́le blí ðbɛ́ɛ, Bulu ngýi.’ ”

¹² Mú sɔ anító okugyíòku ðbɛ́le mu asón ðnó Bulu ansító.

Máha Fɔ́ Bá Dáida Mu Hógyito

¹³ Mú sɔ mlíha asi aba dá lé. Mboún abwéé agywun aní anumóbwe tɔtɔá íbɛ́ha aní bá ðkɔku méesrɛ́i ntéé dáda. ¹⁴ Séi ínía namlí Okristoyin sɔ nabí aní atogyihe kuku má inuá mu iwí metin. Táme ní Kristoyin ðku lóhógyi aní tɔku iwí metin a, mómó mu wá mú iwí metin. ¹⁵ Ní fótɛgyi tɔku, ide fɔ́ bá háan a, mómó fɔ́ bwehé medé ðdwe suná. Máha fɔ́ atogyihe ðha fɔ́ bá aní Kristo lówu há mu ðfwí. ¹⁶ Mú sɔ máha tɔ́a fɔ́yin aní íbu alé íbwe tsitsa ahá ansító. ¹⁷ Tsúfɛ́ Bulu iwíegýí ámu imegyí atogyihe ntéé atonuhe asón, mboún yilébwe, iwílwii pú ansigýí aní itsú Ɔhe Wankíhé amɔtò asón igýi. ¹⁸ ðhagyíðha aní otosúm Kristo ðkpa ánfisɔ á, mu asón tegyi Bulu ansí. Ahá é bɔtobú mu.

¹⁹ Iní sɔ mlíha aní ansí ípe tɔ́a íbɔpu iwílwii ba, íbɔwa apíó aba ðwonlín hógyitɔsɔ brégyíbré. ²⁰ Májintá Bulu gyumagyihe fɔ́ atogyihe sɔ. ðkpa bu inuá abétalí gyi tógýtó, táme ní ðku dé tɔ́a íbɛ́ha mu ba ðóbwe lakpan bwe mó á, ima alé. ²¹ Ní ðku tamagyi iye ku, ntéé nu ntá ntéé bwé tɔ́a íbɛ́ha mu ba ðbédida á, íbu alé. ²² Mú sɔ tógýtóá fohogyi tsu ntóbí ánfí iwí á, ha mú íbwe fɔ́á fɔ́ Bulunyɔ nsúné asón. Ní ðku opúni medé mu tsíí mu bwehésó á, mómó ðkláa lawá mu ogyá. ²³ Táme ní mu klɔn medí mu así mu atogyihe ku gyí sɔ, ogyi mú á, Bulu lahá mu ipón dodoodo. Tsúfɛ́ mu ató ámu gyí melí hógyisɔ. Tógýtóá ðha mɔpu hógyi bwé igýi lakpan.

15

Ahá Ansísú Ató Bwe

¹ Ilehían aní aní ahá aní aní hógyi ðnó bu ðnlun abénya klɔn há ahá aní amó hógyi ðnó ima ðnlun. Megýí tɔ́a íletsíá aní wɔle abóbwe. ² Ilehían aní anító okugyíòku ðbóbwe tɔ́a íbu alé há mu ba, méní íbɛ́ha mu ðbédan hógyitɔ. ³ Tsúfɛ́ Kristo kóráá móbwe tɔ́a mu onutó otekle. Mu iwí asón bɔwanlín wá Bulu asón ámɔtò bɛɛ, “Asiabí ámúó besia fɔ́ ámu fɛ́é ílebedunká mísó.” ⁴ Asón kugyíkúá bɔwanlín wá Bulu asón wanlínhé amɔtò tsú tituti a, bɔwanlín mú aní íbósuná aní ató, wá aní atetɔ-ðnlun, atomí lu kínkínkín. Fówun abénya klɔn kí ðkpa ha ató ámúó aní ansí ðnó mósó ámu. ⁵ Bulu téhá ahá butenyá klɔn. Mutówá ahá atetɔ-ðnlun. Nde mu kulí mbéé, ðhá amlíbwe kɔle, fɛ́ alíá Kristo Yesu lósuná aní. ⁶ Iní ðbɛ́ha mlí fɛ́é mlɔpu ðme kɔle kánfú Bulu, ogyi aní Wíe Yesu Kristo mu Sí ámu ní.

Ahá Aní Bomegyí Yudafɔ́ Asɔn Wankláán Bláa

⁷ Iní sɔ mlíhɔ aba atúu fɛ́ alíá Kristo lóhɔ mlí, méní íbɔwa Bulu numnyam. ⁸ Tsúfɛ́ nde mlí bláa mbéé, Kristo labwé Yudafɔ́ osúmpó, méní íbósuná aní Bulu obégyi mu tó ámúó ðlehe amó anáin amɔsɔ. ⁹ Kristo léba, méní ahá aní bomegyí Yudafɔ́ bétí Bulu ídayilé, nwe ámúó olowun amó ámu sɔ. Fɛ́ alíá Bulu asón wanlínhé amú íleblí. Asón ámu gyí,

“Anɩ Wɩe Bulu, ɩnɩ sɔ nɔwa fɔ numnyam ahá ání bomegyí Yudafɔ ansító.

Nɔwa ɩb kánfɔ fɔ.”

¹⁰ Bulu asón ámv létrá blí ɔbéε,

“Mɩ ahá ání mɩmégýí Yudafɔ, mɩa Bulu ahá mɩnya ansigyí!”

¹¹ Betrá wanlín beε,

“Ahá ání mɩmégýí Yudafɔ féé, mɩkanfɔ anɩ Wɩe Bulu.

Ɔmá féé abí, mɩkanfɔ mv.”

¹² Bulu ɔnásɔ ɔtɔípɔ Yesaia é léblí tswɩ ɔbéε,

“Ɔha ɔku ɔbéɩn tsu anɩ náin Yisai* abí-anátɔ.

Mɔ obébegyí iwíe ahá ání bomegyí Yudafɔsɔ nɩ.

Mɔsɔ bédunká ansí nɩ.”

¹³ Buluá bɔteki ɔkpa há ogyi. Nde mv kokóli mbéε, ɔhá ɩwɩ lwii mɩ, ansí igyí mɩ amlɩbɔ mv gyí. Mɔ Ɔje Wankíhé ɔháa mɩ túmɩ, ménɩ mv ɔkpakú mɔɔkpaɔn mɩ.

Tɔ́á Svá Paulo Léle Iwɩtɔ Wánlín Atɔ́ Alí

¹⁴ Mí apíó Akristofɔ, mí onutɔ nhíε nyin ání aha wankláán mɩgyí, mɩlabí asón tsɔtsɔtsɔ, mlétalí tóí kplá aba. ¹⁵ Táme nawá klɔn nhíε nde mɩ asón bláa ɔwolɔ ánfɩtɔ pókáin mɩ. Tsúfé Bulu lawá awɩtɔle pɔ agyómá ánfɩ wá mí ɩbɩtɔ ɔbéε mbwéε. ¹⁶ Múgyí, mbóbwe Kristo Yesu osúmbi ahá ání bomegyí Yudafɔtɔ. Mɔ sɔ nde osum agyómá ánfɩ yɔ fé Bulu igyí ɔhapú. Nde ahá ámóó bomegyí Yudafɔ ámv Bulu asón wankláán ámv bláa, ménɩ bémlí igyí ahatɔ ání Ɔje Wankíhé latɩn mɔ ɩwɩ, ilegýi Bulu ansí. ¹⁷ ɩnɩá míá Kristo Yesunyɔ anɩlabwé kole sɔ á, mbɔ ɔkpa tsú ɩwɩ agyómá ánfɩ ndeyá há Bulu ánfɩ sɔ. ¹⁸ Tsúfé mméetalí blí asvansɔ tsia atáá Kristo latson mí ason blíhé pɔ mí bwehésó bwé ahá ání bomegyí Yudafɔtɔ, ménɩ bóbu Bulu. ¹⁹ ɩna ofúla mɔá osúna amóó nóbwe Bulu Ɔje ámv túmɩtɔ ámv sɔ netalí dá Kristo ason wankláán ámv féé ɔkan, tsú Yerusalem alu yédalí ɩliriko ɔsólɔsɔ. ²⁰ Tɔ́á ɩdɩn mí klɔnsɔ bré féé, ndekléá nóbwe gyí, nénatí dá Bulu asón wankláán ámv ɔkan ntínéá bómákónyá nɩ Kristo asón kɩ. Mmedékléá nóbá ɔku gyumagyihesɔ.

²¹ Tsúfé bɔwanlín wá Bulu asón ámɔtɔ beε,

“Ahá ání bómákónú mv nka kɩ bówun mv,

ahá ání bómákónú mv asón kɩ é bónu mɔ asɩ.”

Paulo Roma Ɔpasua Yésɩnda

²² ɩnɩ láhá mmákónyá ɔkpa ba mɩ wá bɔtv nde nɩ. ²³ Táme séi mɔ á, mí agyómá lamó ɔnɔ nfi fónsɔ. Nfi tsɔtsɔtsɔ nɩ ndekléá néba mɩ wá beki mɩ.

²⁴ Mɔ sɔ nabwé agywun ání nɩ ndetsón nɔyó Spania a, nótson kɩ mɩ. Agyí ɔdwe kpalobí á, mɩlasí mí ɔkpa nayó ɩv. ²⁵ Séi á, nabwé agywun ání négyankpá yó Yerusalem, yóbúá Bulu ahá ání bóbu ɩv. ²⁶ Tsúfé Akristofɔá bóbu Makedonia pɔ Akaiá ɔsólɔsɔ bapɔ ɔdwe dúnká atɔ bɔdepvísí Bulu ahá ání bɔgyí ahíánfɔ Yerusalem. ²⁷ ɩbv amó ɔdwe ání bóbuá ahíánfɔ. Bawun ání ilehián ání bóbuá Yudafɔ é ká ɩkɔ. Tsúfé banya Ɔhétɔ atɔ, nú nkpahó asón ámv tsú amó wá. Mɔ sɔ ilehián ání bódkunká ɔyítɔ atɔ kv há amó é. ²⁸ Nɩ nɔpó kóba ání bɔtswɩtswɩ ha mí féé wá amó ɩbɩtɔ á, nóbɔtsɔn mɩ wá yó Spania. ²⁹ Nyin ání ní nébá á, nɔpu Kristo oyúla kpɔnkpaɔnkpaɔntɩ ba mɩ.

³⁰ Mí apíó adwepɔ, ndepv anɩ Wɩe Yesu Kristo pɔ ɔdweá Bulu Ɔje lahá mɩ há mɩ aba kókóli mɩ mbéε, mɩlɩú mí ɔma, amlɩbɔ mpáí ha mɩ kínkíínkín.

³¹ Mɩbɔ mpáí mɩhaa, Bulu ɔléε mí tsu Yudafɔ ámóó bómámv mɔ gyí amv ɩbɩtɔ. Mɩbɔ ha mɩ, Bulu ahá ání bóbu Yerusalem ɩv abohɔ atɔ ámóó napó neya amó

* **15:12** Yisai lókwí Owíe Dawid ání ogyi Yesu Kristo mɔ nain.

ámɔ. ³²Fówun ní Bulu lótsulá á, néba mlí wá ansigyí kṙɔnkṙɔnkṙɔntɪtɔ, bɛda ɔkṙónó. ³³Buluá ɔtɛhá iwílwii, ɔtsía mlí fɛ́é wá. Amen!

16

Itsíáha

¹Nɛ opio tshé Foibe le súná mlí. Kenkrea wúlutɔ ɔpasuatɔ ahande ɔbɔápu ogyi. ²Mlíhɔ mɔ aní Wíe Yesu dátɔ alá úekanáa ání Bulu ahá bóbwe, amlíbɔa mɔ ɔkṙagyíɔkṙasɔ alá ɔdeklé. Tsúfɛ mɔ onutɔ alabóa ahá tsɔtsɔɔtsɔ, alabóa mlí é.

³Nehá Priska mɔa mɔ kulu Akwila fɛ́é tsía. Mía amónyɔ létsía bwé aní Wíe Kristo Yesu agyómá. ⁴Bɔpu amó iwí há ání bówu mí sɔ kóráá. Nɛ amó ipán da wankláán. Megyí mí nkule. Akristofáá bɔmegyí Yudafo ɔpasua fɛ́é bɔde amó ipán da. ⁵Nehá ɔpasua amóú bɛtsía fia amó wóyítɔ amó é fɛ́é tsía.

Nehá mí ɔdwepú Epaineto tsía. Múlégankpá hɔ Kristo Asia ɔmátɔ fɛ́é ní. ⁶Nehá Maria amóú olowun ipian mlí sɔ amó tsía. ⁷Nehá mí aba Yudafo Androniko mɔa Yunia tsía. Bawá mía amónyɔ obu kl. Bɔgyi Kristo sumbí ayɔpú ání obú bɔ amósó. Begyankpá hɔ Kristo asa natá bɔhɔ.

⁸Nehá mí pió ɔdwepú Kristotɔ Amplia tsía. ⁹Nehá aní Kristo agyómá ɔyɔbá Urbano mɔa mí nyáwíe kláklá Staki tsía. ¹⁰Nehá Apele amóú alalé súná wankláán ání alapú mɔ iwí há Kristo amɔ mɔa Aristobulo abusuanfɔ fɛ́é tsía.

¹¹Nehá mí bá Yudayin Herodion tsía. Nehá Narkiso abusuanfɔ ání bɔgyi Akristofɔ tsía.

¹²Nehá Trifaina mɔa Trifosa, bɔgyi atsi amóú bɔde Kristo agyómátɔ kinkíinkín amó tsía. Nehá mí ɔdwepú tshé Persi, ɔde Kristo agyómá yɔ kinkíinkín amó é tsía. ¹³Nehá Rufo mɔa mɔ yin amóú mí é ntɛtí mɔ mí yín amó tsía. Rufo gyi aní Wíe agyómá ɔyɔpú ání alahɔ dá agyómá ámɔtɔ. ¹⁴Nehá Asinkrito, Flegon, Herme, Patroba, Herma pó apió Akristofɔ amóú bɔbɔ amó wá amó fɛ́é tsía. ¹⁵Nehá Filologo, Yulia pó Nereo mɔa mɔ pio tshé pó Olimpa mɔa Bulu ahá amóú bɔbɔ amó wá amó fɛ́é tsía.

¹⁶Mlilata aba puta Bulu ɔdweɔ. Kristo ɔpasua amó fɛ́é bɔde mlí tsía ha.

Tɔá Roma Ahógyipɔ Amɔ Bɔbwéé

¹⁷Apió, nokókóli mlí, mlíkí wankláán, méní mlétalí wun ahá ání bɔbɔ mlítɔ, bɔde mlí dasáín. Alí ahá amó bɔtɛhá ahá bɔtɛdida hógyitɔ. Amó atosunáhé tɛdá mó amóú nosuna mlí amó mós. Mlíkɔla iwí le amósó. ¹⁸Tsúfɛ ahá amó odu á, megyí aní Wíe Yesu Kristo bɔdesúm. Amó ɔwólí laláhe bɔdesúm. Bapú amó ɔɔwanki pó ahákanfó bɔna bɔde ahá ání bɔmeyín ɔlala mlé. ¹⁹Támɛ mlí mós á, ɔhagyíɔha lanú alá mlílapú mlí iwí há Kristo. Músɔ ibɔ mlí ɔdwe, ansí de mí gyi wankláán mlí sɔ. Támɛ ndekléá mlítún ansí, amlíbɔ tɔá ibɔ alé. Mlímáwa ibɔ lalahɛtɔ. ²⁰Bulu tɛhá aní iwílwii. Imósɔwa ɔpá á, ɔbɛtsa Satansɔ mántá ɔsɔlɔb tántáántán, mlélí mɔsɔ.

Aní Wíe Yesu Kristo ogyí mlí bɔale, ɔlu mlí ɔma.

²¹Mí bá agyómá ɔyɔpú Timoteo dé mlí tsía ha. Alí mí aba Yudafo Lukio mɔa Yason pó Sosipatro é bɔde mlí tsía ha ní.

²²Mí mlí pió Okristoyin Tertio ání nɔwanlín ɔwóló ánfí há Paulo, nde mlí tsía ha.

²³⁻²⁴Mí wóyí mɔ wie Gaio amóú ɔpasua amóú bɔtɛfia mɔ wóyítɔ amó dé mlí tsía ha. Erasto, ogyi wúlu kóbaso ɔkírɔ mɔa aní pió Kwarto é bɛhá mlí tsía.*

* **16:23-24** Mótɔ yéé 24 bɔ nwóló dada amó akotɔ: Aní Wíe Yesu Kristo ɔwáa awɔtɔle ha mlí fɛ́é. Amen!

Paulo Bulu Kanfɔ

²⁵ Mliha akanfɔ anɩ Bulu! Mɔ ɔbétalí tsɔn Yesu Kristo asón amóú nablí ámuɔ há mlélí kinkínkín hógyitɔ. Ɖɔpɔ ɔnɔkwali anfi ñáín tsú ɔyí ɔpá. ²⁶ Séi mó á, alatsɔn mɔ ɔnósú atáíró amɔ atɔ wanlínhésu lé mó ɔwan. Fé alá Buluá ɔbu itɔ bré fěétó lahá ɔmá-ɔmá babí mó, ménɩ ahá fěé bóhɔ mɔ gyi, bú mɔ.

²⁷ Bulu nkɔle gyí Bulu. Mɔ nkɔle bóu nyánsa. Numnyam ání ilekanáa itsóon anɩ Wíe Yesuɔ itɔ mɔ bré fěétó. Amen!

ᾠωλοῦ Gyankpapuá Paulo Lówanlín Sísí Korintofó

¹ Mí Kristo Yesu sumbí ɔyopó Paulo ání Bulu létí mu apétó pó aní pió Sostene dé ɔwoló ánfí wanlín.

² Anídé mó wanlín sísí Bulu ɔpasua ání ibu Korinto wúluto, Bulu lalé amó, bwé amó mu ahá. Amóa Kristo Yesu babwé kole, fé aní Wíe Yesu Kristo asúmpóá bọbọ ɔyító féeé, Yesu Kristo gyí aní féeé Owíe.

³ Aní Sí Bulu mva aní Wíe Yesu Kristo bogyí mli bwaale, aboha mli iwilwii.

Ania Kristo Ikwelbweto Oyula

⁴ Ntedá Bulu pán brégyíbré, ahá mli Kristo Yesu kolebwe su alawá awitole há mli. ⁵ Tsúfè mó su mlilanyá iwí tógýtótó. Móá idun gyí mli tói pó mli asónbu féeé. ⁶ Iní lasúná ání asón amóó anulébláa mli tsú Kristo iwí amu bu mótó. ⁷ Iní su ɔhétó atokiehé kugyíku medé mli hián séi ánfí mlihié mlihé ekeá aní Wíe Yesu Kristo obótsu ɔsósó ba bele iwí ɔwan ɔkpa kí anfi. ⁸ Mu onutó ɔbówa mli ɔwanlín yófon eke amóó ɔbésankí bá begyi aní asón amu, méní aswansu méetsiá mli iwí. ⁹ Ɔnɔkwaliwu Bulu gyí. Mólétí mli ɔbée, mli mu Bi, ogyi aní Wíe Yesu Kristonyé mli bóbwe kole.

Ɔpasua Amvto Ikwemábwé

¹⁰ Apíó, nɔpó aní Wíe Yesu Kristo kókóli mli ání mli féeé mli bweé kole, méní mli mliédasain. Mliha mli agywun ibwe kole mli ason blíhé kugyíkoto. ¹¹ Mí apíó, tásá swá nde asón ánfí blí gyí, akvá botsú Kloe abusuanto babláa mli beé, asón bọbọ mli nsiné. ¹² Beblí beé, mli to akw mli aa, “Paulo anibuo.” Abambá beé, “Apolo anibuo.” Akw é beé, “Petro, butetráa ti mu Kefa anibuo.” Akw é beé, “Kristo anibuo.” ¹³ Nfite mli, beye Kristoto? Paulo beda mántá oyikpalíhe amvso há mli, ntée mu dátó bọbọ mli asú?

¹⁴ Nedá Bulu ipán ání Gaio mva Krispu ɔma a, mmetrá bọ mli to ɔkoko asú. ¹⁵ Mó su ɔhaa méetalí blí ɔbée, mí idátó nọbọ mu asú. ¹⁶ Ké! Nakáin, nọbọ Stefana mva mu wóyító ahá é asú. Amó ɔma a, mmeékaín ání netrá bọ ɔhaa asú. ¹⁷ Kristo mówa mí ahá asúbọ. Mboún ɔbée, mbeda ason wankláán amu ɔkan. Megyí ɔnɔwankí pó anyánkposa agywun nọpublí mó, tsúfè ní nọpó mó blí mó á, túmí kọkọkọ iméetrá tsíá Kristo oyikpalíhe amvto.

Bulu Túmí Pó Mu Nyansa

¹⁸ Aní Wíe Yesu oyikpalíhesu lowu iwí asón amu igyi mimlála há ahá ání bodehi. Táme igyi Bulu túmí há aní ahá ání Bulu dé nkpa ání itamatá ha.

¹⁹ Tsúfè bọwanlín wá Bulu asón amvto beé, “Néyintá anyansapu nyansa.

Mmóhọ amó agywun wankláán kọkọ.”

²⁰ Ní igyi alí á, mómó nto onyansapu gyí? Nto Mose mbla osunápó gyí? Ɔyí ánfito nwéen agyípo me? Ɔyító ansitún mé, imegyí mimlála Bulu ansító?

²¹ Bulu lópu mu onutó nyansa bwé mó. Nyankposa méetalí pó mu nyansa bí mu ekekeke. Mó su alapó aní mimlá ɔkan amóó anidéda amu họ ahá ání bahọ mu gyi nkpa. ²² Tsúfè osúna ání itsú Bulu wá Yudafó botekleá bọpúbí ání asón amu bu mótó. Griikifó é á, nyansa botekleá bọpúbí ání ibu mótó. ²³ Mó su ní adá ɔkan aniaa, beda Kristo mántá oyikpalíhesu á, itakósó líí Yudafos, igyi mimlála ɔmá bámbásófo é ansító. ²⁴ Táme ahá ání Bulu lalé, bogyi Yudafó pó Griikifó mó á, Kristo gyí Bulu túmí kpónkponti pó mu nyansa há amó.

²⁵ Tsúfɛ Bulu mimlála igyi ansítinla don nyankpɔsa nyansa. Mu pɔn ɛ kóráá don nyankpɔsa ɔwɔnlɔn.

²⁶ Apíó, mlíkai alá mligyi bréá Bulu létɪ mlɪ. Ahá ɔutamabú mlɪ ɔɔɔɔɔ ɔní mlɪlétɪn ansí. Mlɪ ɔɔɔɔɔ mlumégýí iwɪ anyapó, ɔɔɔɔɔ ɛ ɔumotsú abusuan kpikplítɔ. ²⁷ Bulu léle ahá ɔní ɔuma nyansa ɔyí ánfɪtɔ, ménɪ ɔbɔpu amó sɔpa atianspu. Ɔlele ɔyí ánfɪtɔ apɔnpɔ ɛ, ménɪ ɔbɔpu amó wá awɔnlɔnpó pélítɔ. ²⁸ Ɔlele ahá ɔní obú ma amósú, pó amóá ɔuma labi kɔkɔ ɔyí ánfɪtɔ, ménɪ ɔbɔpu amó wá amóá obú ɔv amósú pélítɔ. ²⁹ Ɔlabwe mú fɛé alɪ, ménɪ ɔhaa móotsu iwɪ mu ansítɔ. ³⁰ Bulu su mlɪa Kristo Yesunyɔ mlɪlabwé kule, alapó Kristo bwé anɪ nyansa. Múlátsú anɪ ɔní anɪ asón da ɔkpa mu ansítɔ, alabwé anɪ mu ahá. Alahɔ anɪ lé lakpan nkpábɪtɔ, há anɪlagyi iwɪ. ³¹ Mó su fɛ alá Bulu asón ámu léblí á, “Ɔhagyíɔha ɔní ɔbɛɛ, mótsu iwɪ á, ɔpɔn tɔá anɪ Wíe labwé tsu iwɪ.”

2

Kristo Da Mántá Oyikpalihɛsv

¹ Mí apíó, bréá neba beda Bulu asɔn ɔhainhé amɔ ɔkan súná mlɪ á, mmɔpu ɔnɔwankɪ ntée nyansa kɔkɔ bebláa mlɪ Bulu asón ámu. ² Tsúfɛ bréá mbu mlɪ wá á, ɔlabwe agywun ɔní nótóí tsú Yesu Kristo pó mu oyikpalihɛsv lowu nkɔle iwɪ. ³ Bréá neba a, mí awútó yóyóyó. Ifú de mí, ndekpinkí. ⁴ Megýí mí nyansa pó mí ɔnɔwankɪ nɔpɔdá asón ámu ɔkan súná mlɪ. Mboún Ɔhɛ Wankíhé amɔ túmɪ léha asón ámu ɔwankí mlɪ. ⁵ Ileba alɪ, ménɪ mlénýa mlɪ hógýí tsú Bulu túmítɔ, megýí nyankpɔsa nyansatɔ.

Bulu Nyansa

⁶ Táme ní nowíé ahá ɔní badan hógýí amɔtɔ wá á, ntɔpó Bulu nyansa bláa amó asón amó. Megýí nde ɔyí kehetɔ nyansa, ntée ɔyí ánfɪtɔ ɪsv agýípó ɔní béba ɔhɔhú amó túmɪ klé. ⁷ Nyansa ánfɪ anɪdé mú iwɪ asón blí ánfɪ igyi nyansa ɔní Bulu lɔpɔhán asa ɔyí lebelɪn, ɔní ɔbɔpɔwá anɪ numnyam. ⁸ Ɔyí ánfɪtɔ ɔtúmípu ɔkɔkɔ mébɪ nyansa ánfɪ. Ní bebɪ mú á, tekɪ ɔumeda anɪ Wíe Onumnyampɔ amɔ mántá oyikpalihɛsv. ⁹ Táme fɛ alá ɔwanlín wá Bulu asón ámɔtɔ á, “Tɔá ansíbi mɔkɔwun kɪ, asɔ mɔkɔnú kɪ, imɔkɔba nyankpɔsa agywuntɔ ɛ kɪ a, mú Bulu lalá yáí há mu adwepó ní.”

¹⁰ Táme anɪlabí ín, tsúfɛ alalé mó súná anɪ tsɔn mu Ɔhɛ Wankíhé amɔsv. Ɔhɛ ámu tokwí tógýítótó kɪ, ɔtelé Bulu asɔn ɔhainhéá ɪsv ɔtótótótó kóráá súná anɪ. ¹¹ Ɔhaa tamawun mu ba nwuntɔ, nkétɪ mu onutó ɔhɛ. Alɪ kén Bulu Ɔhɛ ámu nkɔle tówun Bulu nwuntɔ ní. ¹² Anɪ mú á, Bulu lɔpu mu Ɔhɛ wá anɪtɔ, megýí ɔyí ánfɪtɔ ɔhɛ ɔv anɪtɔ. Mboún Ɔhɛá itsú Bulu wá, ménɪ abétalí nú itó ámóú Bulu lapókíé anɪ faan amɔ asi.

¹³ Mó sv megýí anɪ onutó nyansa asón anɪdé mlɪ bláa. Mboún asón ɔní itsú Ɔhɛ Wankíhé ámu wá. Mó anɪdépolé Ɔhɛtɔ ɔnakwalɪ asón asi ní. ¹⁴ Ɔhá ɔní ɔma Ɔhɛ Wankíhé méetalí hɔ tɔá itsú Bulu Ɔhɛ ámu wá, tsúfɛ igyi mimlála mu wá. Ɔhá ɔní Ɔhɛ Wankíhé ɔv mɔtɔ tónú asón ɔní Ɔhɛ ámu déblí asi. ¹⁵ Mɔtetalí tété tógýítótó nú mú asi. Táme mu mú á, ɔhaa méetalí tété mu asóntó, nú mu asi ɛkekeke. ¹⁶ Nkálɪ ɪbɔbwe asa bétalí nú mú asi? Igyi fɛ alá Bulu asɔn wanlínhé amɔ léblí ɔbɛɛ,

“Ma ɔbétalí bí anɪ Wíe agywun?

Ma ɔbétalí súná mu asón?”

Táme Kristo agywun ɔv anɪtɔ. Mó sv anɪ mú abétalí bí mu agywun.

3

Bulu Asúmpó

¹ Apíó, bréá neba mli wá á, mmetali tóí mli ansító fě ahá aní Ɔɛ Wankihé bu amótó. Nebláa mli asón fě ahá aní amó agywun idun ɔyí ánfító atósó, bumakódan Kristotó. ² Nyópu-ntsu neha mli. Mmeha mli atogyihe onutó. Alí bré ámutó á, mlumákófon atogyihe onutó gyí. ³ Tsúfě ɔyí ánfító tsiátó itráa bu mli. Mlidé aba lu, mliétré. Ní mliétré iní bwé mé, imosuná aní mli agywun trá dun ɔyí ánfító atósó, mligyí fě ɔmátófo? ⁴ Mli akó mlihaa, “Paulo mbuo.” Mli akó é mlihaa, “Apolo mbuo.” Mbéé, iní medésuná aní mligyí fě ɔmátófo?

⁵ Mbéé, ma gyí Apolo, ntée ma gyí Paulo, só mliétré aní sɔ? Bulu asúmpó kẹkẹ anigyí, mliatson aní ibito mli mu ahógyipu. Anitó okugyíokó légyi gyoma aní Bulu léha mu. ⁶ Mílódu, Apolo lówóli mó ntsu, táme Bulu léha mó idedan. ⁷ Megyí odupó móa ntsu ɔwólípó lóbwe tótó. Bulu nkole tóbwe, tsúfě motéhá mó idedan. ⁸ Odupó móa ntsu ɔwólípó fěé bɔgyi kékéé Bulu ansító, ɔbéká okugyíokó kó mu bwéhé ɔn. ⁹ Agyómá ayopó mía Apolo anigyí há Bulu. Mligyí Bulu nde, mligyí mu obu é ní.

¹⁰ Bulu lówa awitole há mí, bwé mí obu oyípu ɔtiansipu. Mó só nɔpu abwi wá obu ámu ntswiasí, aha bambá betalí bɔdepwe dínká mósó ní. Táme ɔhagyíɔha ɔkí wankláan obu ámu pwetó. ¹¹ Tsúfě ɔhaa méetalí wá ntswiasí bambá dun mó ámúó ida yaí, igyi Yesu Kristo amu. ¹² Ní ɔkó ɔpó sika pepɛ o, sika futútu o, abwi aní ibo bíá o, nyí o, afitáa ntée ipí yi dínká ntswiasí ámu sɔ á, ¹³ ɔbú aní kugyíko íbélín ɔwan eke ámúó Bulu obégyi aní asón ámu. Ogyá ɔbópɔsɔ mó kɪ bɛɛ, ɔlobwe mó wankláan. ¹⁴ Ní ogyá ámu mɔhɔ obu ámu yíntá á, Bulu ɔbéda mu ipán. ¹⁵ Táme ní obu ámu lóhɔ a, ɔbéhe hóli ató. Bulu ɔbóhɔ mu nkpa, táme obófuflu fě ɔhá aní alasrí dali ogya plenplento.

¹⁶ Mluméyín aní Bulu ɔtwékpa mligyí, Bulu Ɔɛ ámu tsie mli? ¹⁷ Ɔhagyíɔha aní oleyintá mu ɔtwékpa a, Bulu é obéyintá mu, tsúfě Bulu ɔtwékpa lówankí. Mu ɔtwékpa amu gyí mli á.

¹⁸ Ɔhaa mámlé mu iwí! Ní mli ɔkó dé mu iwí ti ɔtiansipu nde ɔyí ánfító á, ilehián aní ɔbóbwe mu iwí ɔha mimláhe, méní ɔbóbwe ɔtiansipu onutó. ¹⁹ Tsúfě ɔyí ánfító ansitún igyi mimlála Bulu ansító. Fě ahá bɔwanlín wa Bulu ason wanlínhé amóto bɛɛ, “Ɔtiansipu agywun laláhe Bulu tɔpókítá mu.” ²⁰ Bulu ason wanlínhé amu letrá blí ɔbéé, “Bulu yin aní ɔtiansipu agywun itépi ma labi.”

²¹ Iní sɔ ɔhaa mápu ansí dínká ɔhaasɔ tsú iwí. Mlibó tógyító. ²² Paulo o, Apolo o, Petro o, ɔyí ánfí o, nkpa ntée lowu o, nde o, ɔke o, mlibó mó fěé. ²³ Kristo bú mli, Kristo é gyí Bulu klé.

4

Kristo Sumbi Ayopó

¹ Iní sɔ ɔhagyíɔha ɔtsú mó aní Kristo asúmbi kẹkẹ mía Apolo anigyí, Bulu lapó mu ason nainhé amu agyómá wá aní ibito. ² Tóá ihíé dehián gyí, ɔhá aní bapó agyómá wá mu ibito obégyi ɔnɔkwali. ³ Mí mó á, ní mli akó ntée aha bambá bɔde mí pón ha kóráá á, imegyí tótó mí ansító. Mí onutó ó mmakóhá iwí pón ntée asu. ⁴ Nyin mí klɔntó, táme imosuná aní mí asón da ɔkpa. Aní Wíe Yesu gyí mí asón ogyípó. ⁵ Iní sɔ mli mákɔsí lé mli aba ilá kpéfɔn aní Wíe ɔbáke amu. Mu ɔbɔwankí wólí oklúntó atósó, lé aní agywun ɔwan, asa Bulu ɔbékánfó ɔhagyíɔha ahá ilehián ní.

⁶ Mí apíó, mli só ndepu mía Apolo tsiátó súná mli ató, méní mlónu mó ámúó ahá bɔteblí bɛɛ, “Mlumányankí tóá bɔwanlín tswisɔ” ámu asi, fówun

mlumóowun ðhaa tsú iwí. ⁷ Ma lébláa fú ðbéé fudon ðku? Nto fubvá imegyí Bulu léha fú? Ní Bulu léha fú tógyító á, ntogyi só fúde iwí tsu fé megyí ha beha fú?

⁸ Mludékú ání mlilamwé! Mlilanyá iwí! Mlilawúna mlidé iwíe gyí. Mí su mó á, teki mlidé iwíe amú gyí lélé, méní ania mlynó abégyí iwíe amú. ⁹ Ide mí bwé fé Bulu lahá aní sumbí ayópú ánfí anilabwé oma agyápu fé ndoun bakpá boyóm. Tsúfé anilamlí ato kihe há ayító féé, Bulu-abópú móa anyánkpósa féé. ¹⁰ Kristo só anilabwé aha mimláhe, mlí mó mlilatn ansí. Anígyí apópú, mlí mó mlibu owonlín. Ahá búde mlí bu, aní mó ðhaa tamabú aní. Megyí alí mlidé aní kí ní? Ntéé megyí alí? ¹¹ Bófún séí á, akón móa omewóli de aní, atatidato anida. Búde aní atswé folí, animá odikpa. ¹² Aniteyírí iwí pú aní íbú yó agyómá pónyá aní ato hiánhe. Ní bəlwí aní á, anitoyúlá amó. Ní budin anisú é á, anitotomí. ¹³ Ní beblí aní iwí asún laláhe a, anitópú odwe lé mó onó. Bófún séí á, anilabwé wúna, búde ipí pútsítá anisú oyí ánfito.

¹⁴ Mmedé iní wanlín púsópa mlí, mboún ndepútóí kplá mlí fé mí abí adwepú. ¹⁵ Tsúfé ní ahá mpím-dú (10,000) lósuná mlí Kristo iwí asún kóráá á, abakóle pé abí mligyí ðjéto. Nóbwe mlí sí Kristo Yesuto bréá neda asún wankláán ámu ðkan suná mlí. ¹⁶ Mó su nde mlí kokóli, mlíkasi mí tsiátó. ¹⁷ Iní su nde Timoteo wa sí sí mlí. Mí bí ní, ntódwé mu. Óbu ðnakwali Kristoto. Mó ðtába bekaín mlí tsiátó oduá nópú mbuo Kristo, ndepusúná ðpasua kugyíkúá íbu ótínegyíótíné ní.

¹⁸ Mlito ako búde iwí tsu. Buki bee, fialí mméetrá ba mlí wá ekekeeke. ¹⁹ Táme ní aní Wíe Yesu lótsulá á, imóowa opá kuku néba mlí wá beki bee, asún keke iwí atsupó ánfí budeblí lóó, ntéé lélé bubu Bulu túmi. ²⁰ Tsúfé megyí asún blíhé keke Bulu iwíegyí ámu igyi, mboún Bulu túmi. ²¹ Ní neba mlí wá á, nto mpóba? Mpó mpli ba lóó, ntéé odwe móa iklun lwíihé?

5

Mbwato Iwí Asón

¹ Bahíé bebláa mí bee, mlito ako búde atsi móa ayin asún wa. Omátófo kóráá bumédé mó odu bwé. Mlito ðku mó kóráá laswíí mu sí mu ka, ² íbu mlí ansigyí! Ima mlí awírehó. Péli medé mlí, méní mlegya ðhá ánfí odu lé mlí ðpasuato. ³ Iná mlumédé mí wúun ó á, mbu mlito ðjéto. Nahá ðhá ánfí óbu tsiátó anfi odu ipón dodoo, fé mbu íbu. ⁴ Mliti ðpasua ámu fia aní Wíe Yesu Kristo dátó. Nétsiá mlito ðjéto, aní Wíe Yesu Kristo túmi é íbétsiá mlito. ⁵ Inu á, mliwu mu wa Óbunsám íbuto, oyinta mu oyulób, méní Bulu ðbóho mu okláa nkpa aní Wíe Yesu obáke amú.

⁶ Kpaali mlidé iwí tsu. Mluméyín ání bodobodotu-afá kpalobí téhá bodobodo amú féé itotú? ⁷ Iní su mlidé laláhe ðbwepú anfi mlito, méní mlí iwí bétin fé bodobodoá bumowa afá mótó, tsúfé alí mlíhíé mligyí ní. Megyí bodobodoá bumowa afá mótó, imotu búpópúgyí Katsun Nke? Bamó aní Israelfosu Katsun Nketo Okúfabi, ogyi Kristo amú, lé aní nwunsu mbusuo há aní dodoo. ⁸ Mó su mlíha apu bodobodoá imotu, igyi iwítún móa ðnakwaliwa gyi Katsun Nke ámu. Mlumáha apu bodobodoá ílatú, igyi tsiátó laláhe móa lakpan gyi mó.

⁹ Nəwanlín wá owólú kuá nəpusísí mlito mbéé, mluápú mbua atópú gyi mba. ¹⁰ Megyí ayító mbua atópú, onsipe awapó, awikplu ntéé ikpi atswépu iwí asún neblí. Mómó teki mlédalí oyí ánfito asa mluómowa amó mba ní. ¹¹ Tóá nəwanlín sí sí mlí gyí, mluápú ðhá ání ðbéé Okristoyin mogyí, táme atótó mbua ntéé óbu onsipe, ótatswe ikpi, otesíá mlí wá, ótóbú ntá ntéé otowí ató gyi mba. Mliá ðhá ámu nyó mluamáwa íbú gyí ató kóráá.

¹² Ntò sù négyi ahá ání boma òpasua ámòtò asón? Megyí ahá ání bóbù mótò, bódè lakpan ánfì odu bwe mbóun asón lehián ání mlégyi? ¹³ Bulu obégyi ahá ámòbù boma òpasua ámòtò ámu mú asón. Táme bəwanlín wá Bulu ason wanlínhé amòtò bée, “Mlì mó mligya lalahè òbwepò lè mlìtò.”

6

Bulu Ahá Wòlèwòlè Nsiné Asóngyi

¹ Ní mlìtò òku mva mu ba Okristoyin benyá á, ntogyi sù mlìtòwá klòn póya òmátòfò asón ogyíkpa, mlìtamapó ya Bulu ahá abòbùlì mú? ² Mlíméyín ání Bulu ahá obégyi òyítò ahá fée asón? Ní mlì obégyi òyítò ahá asón á, mú ntogyi sù mlíméetalí gyi mlì wòlèwòlè nsiné asón? ³ Ntée mlíméyín ání anì obégyi Bulu-abòpò é asón? Ntogyi sù aníméetalí gyi ekekegyíleke asón mó? ⁴ Ní asón idá mlì nsiné á, ntogyi sù mlìtòpóya òmátòfò asón agyípò amòbù mlì òpasuafò bótamabú ámu? ⁵ Nde asón ánfì wanlín sísí pòsòpa mlì. Mú sù òtiansipò òkòlè kóràá má mlì òpasuato ání òbétalí gyi mu aba nsiné asón? ⁶ Ntogyi sù ohógyipò òbésamáa mu ba, múa idòn kóràá pò mu yélú òmátòfò ansítò?

⁷ Alì ámòbù asón ibù mlì Akristofò wòlèwòlè nsiné ámu kóràá ilosuná ání mlìlagyi pón dodo. Ntogyi sù mlì bá òpò idá gyí mlì, ntée osísì mlì, mlíméesikidé? ⁸ Mlì mbóun latsòn gyankpá mlìdè mlì aba sísí, mlìdè lalahè pogyi mlì aba? ⁹ Ntée mlíméyín ání aha lalahè bómòowíe Bulu iwíegyi ámòtò? Mlímámlé mlì iwí. Ahá ání bótòwá atsi múa ayin asón, ikpí atswépo, mbua atópò, ayin ání butekle amò aba ayin, ¹⁰ awikplu, ònsípe awapò, ntá abòpò, ahá asiapò pò ahá asisípò bóméenya ogyíkpa Bulu iwíegyi ámòtò. ¹¹ Teki bré ámu a, alì mlìtò aku mligyí ní. Táme Bulu labie mlì ntsu, alabwé mlì mu ahá. Alatsòn mu Òjé ámu pò anì Wíe Yesu Kristosù tsú mlì ání mlì asón da òkpa mu ansítò.

Mlì Òyólòw Pòwá Bulu Numnyam

¹² Mlìtò òku òbétalí blì òbée, “Mbù òkpa bwé tótògyítò.” Ee! Táme nde mlì bláa mbée, “Megyí mó fée òbòwa labi.” Òku é òbèblì òbée, “Mbù òkpa bwé tótògyítò, támè mméeha tòtò méegyì m̀sù.” ¹³ Ibù mótòsá òku òbétalí blì òbée, “Atogyihè bu unò há ipu, ipu é bu unò há atogyihè.” Ee! Táme mó fée ibéhi ekekó. Bulu móbwe nyankpòsa há atsi múa ayin asón wa. Mbóun anì Wíe bó anì òyólòw, anì òyólòw é bó anì Wíe. ¹⁴ Bulu lókòsúa anì Wíe Yesu tsú afúlitò. Òbòpò mu túmì ámu kòsúa anì é.

¹⁵ Ntée mlíméyín mliáa, mlì òyólòw igyi Kristo nyankpòsa-oyí ámu iwí atò? Mó nkálì sù mpòw Kristo òyólòw yeda obu-òsò otsiápò òyólòw? Itsòun m̀sù!

¹⁶ Ntée mlíméyín mliáa, ní òku òpò ibi da obu-òsò otsiápò a, mva m̀onyò òyólòw labwé kòlè? Tsúfè Bulu ason wanlínhé amò lèblì òbée, “Oyin ámu mva òtsì ámu babwé òyólòw kòlè.” ¹⁷ Táme ní òku mva Kristo bòbwé kòlè a, mva m̀onyò babwé kòlè òjéttò é.

¹⁸ Mlímáplèí atsi ntée ayintò. Lakpan kugyíkwá òha tòbwé tamakòsú líí mu òyólòw. Táme ní òku òwá atsi múa ayin asón mú á, alabwé lakpan ání òkòsú líí mu onutò òyólòw. ¹⁹ Ntée mlíméyín mliáa, mlì òyólòw gyí Òjé Wankíhé amò òtswékpa obu? Bulu lópo mu há mlì, otsie mlìtò. Mú sù megyí mlìbò mlì iwí. ²⁰ Ibíá kpékplékpé Bulu lóhò mlì. Mú sù mlìpò mlì òyólòw wa Bulu numnyam.

7

Akùlu Mva Aká, Akpankò Pó Aswàpò Atosundhé

¹ Nayò ason fitéhé amòbù mlìlòwanlín sísí mí ámòtò kì a,

Ee! Ibo aláá oyin móṣṣu ibi da ɔtsi. ² Táme mbuato ladubi su oyingiyoyin onyá mu onutó ɔká, ɔtsiyiɔtsi é onya mu onutó okúlu. ³ Ilehían ání okúlu obégyi ɔkátsiá mbla féésú ha mu ka, ɔká é ɔbóbwe mú alí ha mu kulu. ⁴ Megyí ɔtsi bó mu iwí, mu kulu bó mu. Alí megyí oyin é bó mu iwí, mu ka bó mu ní. ⁵ Mó su mlimákiná aba ɔdikpa ha, nkéti mli abanyó ámu mhlatsúlá ání mlétsiá nke kpalobí, méní mlétsiá bó mpáí, asa mlélayó aba wá. Mlilawun aba mó ɔma, méní Ɔbunsám méetalí sɔ mli kí, ní mlimétalí kítá iwí.

⁶ Ɔkpa ida ání mlóbwe mó alí, táme megyí ɔhíé igyi. ⁷ Mí nkule su mó á, teki mlétsiá kpanku fé mí, táme ɔhagyíɔha bu móá Bulu lópukié mu. Ɔmɔbwe aní féé kékéé. Ɔhagyíɔha mu mu kle.

⁸ Séi nde akpanku móa asurapu bláa mbéé, ní bótsulá tsíá mí atsiábi a, teki ibu alá. ⁹ Táme ní mlimétalí kítá iwí ntéé gyi mli iwísu mó á, mlitsia akúlu móa aká, dun ání mlénatí dá tsɔn.

¹⁰ Táme akúlu móa aká awíé mó á, mbla ku bu inuá megyí mí, mboun aní Wíe Yesu lówa há amó. Ɔbéé, ɔká mákiná mu kulu. ¹¹ Táme ní omáín mu kulusu a, ɔkíta iwí ntéé oyínki yɔ mu kulu wá. Okúlu é mákiná mu ka.

¹² Mli aha tráhe mó á, mí onutó dé mli iní bláa. Megyí aní Wíe Yesu dé mó blí. Ní ohógyipu yínhé tsíá ɔtsiá omegyí ohógyipu, táme ɔtsi ámu latsúlá ání mu mɔnyɔ bétsiá á, ɔmákiná mu. ¹³ Ní ohógyipu tsihé é tsíá oyin ání omegyí ohógyipu, táme alatsúlá ání mu mɔnyɔ bétsiá á, mu é ɔmákiná mu. ¹⁴ Tsúfé ohógyipu tsihé ámu su Bulu ɔbóho mu kulu. Alí kén ohógyipu yínhé ámu su Bulu ɔbóho mu ka é ní. Ní megyí alí á, Bulu móotsu amó abí ání amó asón da ɔkpa mu ansító, táme iní su Bulu latsú amó ání amó asón da ɔkpa mu ansító. ¹⁵ Táme ní okúlu ntéé ɔká ání omegyí ohógyipu dékléá obékiná mu tsiába ohógyipu a, ohógyipu amó osíi mu ɔnatí. Mbla koku meklí mu, tsúfé Bulu létí aní ɔbéé, abétsiá iwílwíiito. ¹⁶ Ohógyipu tsihé, fuyin ní fú ɔbóho fú kúlu nkpa? Ntéé ohógyipu yínhé, fuyin ní fú ɔbóho fú ká nkpa?

Tsia Alá Fúgyi

¹⁷ Mó su ɔhagyíɔha ɔpóu tóá aní Wíe Yesu léha mu asa Bulu létí mu tsia. Múgyi tóá ntebláa ɔpasua kugyíku ní. ¹⁸ Ní ɔku létin keté asa Bulu létí mu a, ɔmálayínki yébwé mó iwí tɔtɔtɔ. Ní ɔku é métin keté asa Bulu létí mu é á, ɔmáyétin. ¹⁹ Ketétin ntéé ketémátin megyi tɔtɔ. Bulu mbla ámuṣo gyí mboun gyí asón. ²⁰ Ɔhagyíɔha ɔtsiá alá ogyi asa Bulu létí mu. ²¹ Ɔkpábi fúgyi asa Bulu létí fú? Imáhan fu. Táme ní ɔkpa íbá ání fégyi iwí á, kusu mósu. ²² Tsúfé ní ɔkpábi fúgyi asa aní Wíe létí fú á, alahá fagyí iwí. Alí kén ɔhá ání ɔtsie mu iwísu asa aní Wíe létí mu é gyí ɔkpábi séi há Kristo ní. ²³ Bulu lóho mli íbíá kpéklékpéé. Iní su mlimábwe mli iwí nkpábi há anyánpósa. ²⁴ Mí apíó, alígyíalíá ɔhagyíɔha gyí asa Bulu létí mu a, ɔpóu mó alí tsia.

Mbitebi Móa Asurapu

²⁵ Mli mbitebiá mlimókótsia akúlu kí mó á, mma mbla kokuá itsú aní Wíe wá há mli. Táme aní Wíe mu mu nwewúun, alahá mí nyansa ání mlétalí ho mli gyi. ²⁶ Asón ání nde há mli gyí, ɔyító lawá onlin séi. Mó su nahogyiá ibu aláá ɔhagyíɔha obétsiá alá ɔtsie yaí. ²⁷ Ní fóbú ɔká á, mákiná mu. Ní kpanku fúgyi é á, mátepi tsíá. ²⁸ Táme ní fetsiá ɔká á, fómakóbwé lakpan. Ní obitebiá ɔmókótsia okúlu kí é ɔtsiá a, ɔmókóbwé lakpan. Asun wunhéá íbéba teki ndetsu kósó akúlu móa akásó. Mó su nde iní blí.

²⁹ Mí apíó, móá ndeblí gyí, bré itinbí ílasí. Iní su tsú séi á, ɔhá ání ɔbu ɔká ɔbwéé fé ɔhá ání ɔma. ³⁰ Ɔsin ígyi o, ɔdwe ígyi o, iwinya ígyi o, ɔbwéé iwí fé

asvansu medín musu. ³¹ Ahá ání bode gyí ánfito ató pubwé tako bumápu amó ansí fée dínká mósó. Tsufé gyí ánfi pú mótó ató fée béba bótson.

³² Mmedékléá asón iháan mli. Ohá ání oma oká topó mu ansí dínká aní Wie agyómásó, méní obégyi mu ansí. ³³ Táme oká mu wie mó topó ansí dínká oyító atósó, méní obégyi mu ka ansí. ³⁴ Mó su mu agywun tobwé anyo. Alí kén otsi kpanku é tesí mu iwí há aní Wie, oyulbu móa oñétó fée, méní obégyi Bulu ansí ní. Táme okúlu mu wie mó topó mu ansí dínká oyító atósó, méní obégyi mu kulu ansí.

³⁵ Mli yilé su nde asón ánfi blí. Mmedé mli itin ka. Mboun ndekléá mliwbwéé tóá ida okpa, amlisi mli iwí fée há aní Wie Yesu.

³⁶ Ní oyin ofité otsisu, owun ání oméetali kítá iwí, otsi ámu é déklé odan tsun a, oyékpain mu. Megyí lakpan igyi. ³⁷ Táme ní oláwbwé agywun ání oméetsiá mu, obétali kítá iwí tsíá kpanku á, obu okpa bwé tóá odeklé. Ní obétali kítá iwí á, mómó okíta iwí. Ibv alé dun. ³⁸ Ibv aléá obétsiá oká, táme ní ometepí tsia a, ibv alé dun.

³⁹ Mbla léklí otsi ání oméekiná mu kulu yófun mu owuké. Táme ní oyin ámu owú á, obu okpa tsia oyin ání odeklé. Táme ilehián ání ohá ámu obóbwe Okristoyin. ⁴⁰ Mí nkole su mó á, ní otsie kpanku á, ansí bégyi mu dun. Nyin ání Bulu Ohé ámúó ibv mito ámu só natáli nde mli asón ánfi bláa.

8

Okpito Atogyihe

¹ Mliha abli okpito-ató gyí iwí asón ámúó mlilówanlín sísí mí ámu.

Mlidéblí mliha, “Aní fée anyin asón.” Ibv mótó, táme mlibi ání asónbi tehá oha totsú iwí, odwe é itehá oha tedan. ² Ní oku obéé, moyin asón dūbi a, omakónyá bí tóá idehián. ³ Ohá ání otodwé Bulu á, Bulu é yin mu.

⁴ Mó su nkálí anidéblí tsú okpito ató gyí iwí? Aní fée anyin ání okpí mégyí tótoto. Anyin ání Bulu okole pé é bu unu, okoku trá oma otinetine. ⁵ Iníá ikpí móa túmi tsotsootsó bubu osó móa asi ó á, ⁶ aní mó anyin ání Bulu okole pé bu unu. Mgyí aní Sí, osó móa asi Obwepó. Mu anitsie nkpa há. Aní Wie okole pé é bu unu. Mgyí Yesu Kristo. Musu Bulu lótsun bwe tógyító. Mu kén su anitsie nkpa ní.

⁷ Táme megyí Akristofó fée yín alí asón ánfi. Ikpisúm lamántá amó dodo. Iní su ní begyi okpito-ató á, bde mó tsu ání basúm okpí ámu ní. Mó su ifin lada amó, tsufé bumakódan hógyito. ⁸ Megyí tóá anitegyi sù ania Bulunyo nsiné bowa alé. Nto anlégyí o, nto animégyí o, tóto meyintá aní iwí.

⁹ Táme mliki wankláán ání okpa ánfi mlibu gyi okpito-ató ánfi imééha ohá ání omakódan hógyito oméedida. ¹⁰ Ní ohá ání omakódan hógyito owun fú ánfi fée fuyin asón, fude ató gyí okpito á, ibv alé? Mó mó yéé fude mu ateto-onlun wa fée, ogyii okpito ató ánfi mu onutó oyin ání uma ale anfi ní o. ¹¹ Mó mó fapó fú asónbi mlé fú pió wá. Fahá fú pió ánfi omakódan hógyito, Kristo lówu há mu anfi lafwí. ¹² Ní fapó ilá gyi fú pió Okristoyin ání omakódan hógyito, fehá mu obwé tóá oyin ání uma ale á, Kristo fapó ilá gyi a. ¹³ Mó su ní tóá négyi íbéha mí pió Okristoyin obóbwe lakpan á, mméetepí trá gyi iye ekekekeke, méní imééha mu odida.

9

Sumbí Gyopó Túmi Pó Mu Gyumagyihe

¹ Mliki mliha mmetsie mí iwísu? Ntéé megyí sumbí gyopó ngyi? Mmakówun aní Wie Yesu kí? Megyí mí gyumagyihe só mlilamlí aní Wie klé nde? ² Ní

mmegyí sumbí ayópó há aku á, mli mó mliyin ání sumbí ayópó ngyi. Tsúfè íníá mligyí Akristofó á, ilegyi adánsié ání aní Wie sumbí ayópó ngyi.

³ Iní gyí tóá ntópólé mí iwí onó súná ahá ání butelé mí ilá ní. ⁴ Mía Barnaba mó anumágyi ató, nu ntsu? ⁵ Anumá okpa tsía ohógyipu, kpá mu buo iwí, fè sumbí ayópó atráhe amu pó aní Wie apíó móa Petro aná? ⁶ Ntée mía Barnabanyó mó ayóó agyómá kí aní iwísu? ⁷ Isá okpó onutó téká iwí ikó? Ekékeké! Jódópó omomú tamagyi mu ndotó-ató? Mbwi oyaípo omomú tamagyi mu obwi yáíhè?

⁸ Anyánkpósa agywun ndepublí ínì? Yéé Mose Mbla óó ìlèblí alí á? ⁹ Tsúfè bōwanlín wá Mose Mbla ámuto bēe, “Butamawá onantswieá óde ayó da onó ikan.”* Fahogyi fēe nnantswie iwí dé Bulu hián só òlèblí asón ánfì? ¹⁰ Megyi aní só óde asón ánfì blí? Aní só óde mó blí a. Bōwanlín wá Bulu asón ámuto bēe, “Ifilé owópó mba ató okpátípó fēé bugyo tóá bénya tsú agyómá amóú bayó ámuto.” ¹¹ Ní anilabláa mli ason wankláán ámu, igyi onétó abíá anuladú wá mli to á, aní mó anumá okpa nyá aní oyító atohiánhe tsú mli wá? ¹² Ní aku bōbo okpa nyá ató tsú mli wá á, anumá okpa dun amó?

Táme anumótsu koku lé ínito. Anilapó klonto pisii ho tógyító, ménì anumóópó toótó tin Kristo ason wankláán ámu okpa. ¹³ Mluméyín mliáa, Bulu otswékpa mu agyómá ayópó é bōbo ogyíkpa unv? Ntée mluméyín ání afodíe-asubwi amu asi asúmpó butegyí mó asi ató? ¹⁴ Alí kén aní Wie léhie ání mu ason wankláán ámu okan adapó é bugyi ató tsu ahá ání bōde labi nya tsú asón ámuto wá ní.

¹⁵ Táme mí mó mmókópó alí okpa ánfì mbu anfi nyá tóto tsú mli wá. Megyi bēe ndekléá néfi mó asi, só nde asón ánfì wanlín sísi mli. Ibo mí aléá nówu, dun ání nòhulú itó ánfì nópotsú iwí ánfì. ¹⁶ Táme ní nde ason wankláán ámu okan da a, imegyí tóá nópotsú iwí. Tsúfè ohíé igyi há mí. Bulu obébití mí isu ní mmēda mó okan. ¹⁷ Ní mí onutó lèblí mbéé nóbwe mó á, tekí Bulu obéda mí ipán. Táme megyí mí onutó apétó nde mó bwe. Okpábi ngyi, Bulu lóbu mí onokwalipu pó agyómá ánfì wá mí ìbitó. ¹⁸ Ikóká mōmu nénya tsú mótó nya? Mógyí néda ason wankláán ámu okan, bóméeka mí tóto. Tekí mbu okpa pókke tōku há mí iwí, támē mmóobwe mó alí.

¹⁹ Ntsie mí iwísu. Mma ohaa asi, támē nabwé iwí okpábi há ohagyíoha, ménì nékpa ahá tsotsótsó ba Kristo. ²⁰ Ntóbwé iwí fē Yudayin ní mbu Yudafoto, ménì nétalí nyá Yudafó ámu. Mma Mose mbla asi, támē ntóbwé iwí fē ahá ání bōbo mó asi, ménì nétalí nyá amótó aku. ²¹ Alí kén ní mía omátófá boma Mose mbla asi anuná á, ntóbwé iwí fē amó, ménì nétalí kpá amó ba Kristo ní. Iní medésuná ání mma Bulu mbla ámu asi, tsúfè ntobú Kristo mbla ámu. ²² Ntóbwé iwí fē ahá ání amó hógyi onó ma onlin, ménì nétalí há amó bédan Kristotó. Ntedamlí iwí okpa otsan-otsansu há ahá fēé, ménì nétalí kpá amótó aku ba Kristo.

²³ Ason wankláán ámu só ntóbwé ínì fēé, ménì mí é nénya ogyíkpa mótó. ²⁴ Mlikan ání ní ahá busrí a, okugyíáku teyíru iwí, támē obakóle tégyi isu, butekíé mu ató? Mli é mliyíru iwí srí, ménì mlégyi isu, bēkie mli ató. ²⁵ Osrí otsiípó okugyíáku tekítá iwí, ménì obésrí póho idá ání itamatsíá yó. Táme aní mó anidé ínì bwe, ménì abóho idá ání imóofwí ekékeké. ²⁶ Iní su megyí kpaali nsrí. Mí ansí dun tōkusó. Ntamatswí atswé wá afútó. ²⁷ Ntesen ansító, bwe mí iwí okpábi, ménì ní nedá asón ámu okan súná ahá ta á, Bulu méébláa mí obéé, nabwé tsítsá.

10

Tkpístum Iwí Oláda

* **9:9** Deut. 25:4. Kí ato táanheá bu ifon XXX, (1 Ti. 5:18). Mó asi gyí, “Botamalé okwén pó ibi tsítsi osulótó.”

¹ Mí apíó, ndekléá mlibú tóá Bulu lóbwe há aní anáin amu fée bímbí ámu. Òleha agyinde lobun amó féesó, òleha òpu pepe bònkpato lése, òlekpa amó fée tson òpu amoto. ² Bulu lópu agyinde móa òpu amu bó amó fée asú, púsuná aní bugyi Mose abúòpu. ³ Amó fée begyi òjéto atogyihe oloku òkole amu. ⁴ Bonu òjéto ntsu oloku òkole amu tsú butá ámúò òlekpa amó ámuto. Kristo gyí butá ámu ní. ⁵ Táme ínì fée òma a, Bulu ansí megyi amó òdudò iwí, òlehi amó òimbí ámuòsu inu.

⁶ Ntobi ánfì òleba amósó ánfì fée igyi atosúanhe há aní, ménì amó lalahe amu odu bwe méedunká aní òwólì, ⁷ ánumóosúm ikpí é fè amó. Tsúfè Bulu ason wanlínhe amu òleblì òbée, “Ahá ámu betsiá asì gyí ató, nu ntá, kósó kóm.” ⁸ Mlumáwa atsi móa ayin asón fè alá amótó aku bóbwe, òleha amótó mpim aduanyo-sa (23,000) benya lowu ekewóle. ⁹ Mlumáha asò Kristo kí fè alí ámúò amótó aku bóbwe, awò bodundun amó mó ámu. ¹⁰ Mlumále Bulu òlá fè alá amótó aku bóbwe, Bulu lópu òòòpu sísí, òòòòò amó.

¹¹ Ntobi ánfì òleba amósó fée igyi atosúanhe há aní. Bòwanlín mó tswí, pódá aní ahá ánfì òyí ònómòbí lató aní ánfì òlá.

¹² Mó sv ní fòkí fèe folú kinkíínkín Kristo hógyitò á, kí wankláán, ménì fóméedida. ¹³ Bì ání fò isókí amu mótson òtsan há aha tráhe klé. Ònòkwaliwu Bulu gyí. Òmèeha isókíá idun fu iba fòsv. Táme ní fowíé isókítò á, Bulu obósuná fò òkpa aní fòtson mósó tálì líí mó ònó, ménì fèdalì mótó.

¹⁴ Mó sv apíó adwepó, mlumáwa iwí ikpísúmtó ekekekeke. ¹⁵ Atiansipw mligyí. Mó sv mli onutó mliyo asón ánfìto amlíkí. ¹⁶ Ní adá Bulu ipán, anu aní Wíe Yesu òpónbasì ewe ámuto ntá á, imosuná aní ania Kristo obugya labwé kole? Ní abíá bodobodo amu é ye aba á, mó é imosuná aní ania mu òyólób labwé kole? ¹⁷ Iníá aní tsó ó á, bodobodo ipin kole anitegyi. Mó sv aní fée anlabwé òyólób kole fè bodobodo ipin ámu.

¹⁸ Mliwòkí Israelfò, megyí ahá ámúò botegyí afòdié-ató ámu tòbwe kole afòdié ámu bótó? ¹⁹ Mó sv nkálì mí asón ánfì desuná? Blí ndeblì mbée, ikpí ntée atogyihe amóò bapóhá amó igyí amu òbu labí? ²⁰ Ekekekeke! Tóá ndeblì gyí, ní akpíò behá ikpí igyí a, òje laláhe bapóhá, megyí Bulu. Mó sv mmedékléá mliha òje laláhe mlóbwe kole. ²¹ Mluméetalì pò aní Wíe ewe tin ònó, láyòpu òje laláhe ewe é tin ònó. Mliha Kristo mluméetalì wá òbì gyi ató, mliha òje laláhe é amlíwa òbì gyi ató. ²² Ní abwé mó alí á, anumóowa Bulu òblò fè Israelfò? Ntée anikíá aníbu òwonlín dùn Bulu?

²³ Ahá boteblì bee, “Aníbu òkpa bwé tògyító.” Ìbu mótó alí, támè megyí mó fée bu labí. Fudeblì fèe, “Aníbu òkpa bwé tògyító.” Táme megyí mó fée tòbóa aní.

²⁴ Mlumákí mli nkòle klé, mbouín mliki mli aba é klé.

²⁵ Tóá mlibwée gyí, mliwí òbíásó iye kugyíko. Mlumáfítè mó iwí asòansu, mli klòn é imáha mli pón. ²⁶ Tsúfè bòwanlín wá Bulu asón ámuto bee, “Bulu bó òyí móa mótó ató fée.”

²⁷ Ní òmátòyín òtí fú ató ogyíkpá, òletsíá fú á, fayó. Táme ní fòyó á, máfítè mó iwí asòansu, fú klòn é imáha fú ipón. ²⁸ Táme ní òku òbláa fu òbée, “Òkpito-ató igyi” á, alá iméehan òhá ámu sv mágyi ató ámu. ²⁹ Megyí alá òbéhan fu sv, mbouín òhá ámu sv. Múò ntogyi sù tóá òku dèsusúu òbétin mí iwígyí òkpa?

³⁰ Ní ntédá Bulu ipán atogyihesu asa ntegyi mó á, ntogyi sù òku òbéle mí òlá ató ámu sv?

³¹ Mó sv ní fòdegyí o, fòdenúu o, bwe mó fée pòwa Bulu numnyam. ³² Mlumáha mli tsiátó itin Yudafo pò Griikífo ntée Bulu òpasua ámu Kristo wá ba òkpa. ³³ Ntamakle mí nkòle yilé. Tógyítóá ntóbwe á, ntóbò mbódí aní néha ahá ansí bégyi amó, ménì Kristo òbòhò amó nkpa.

11

¹ Mlukasí mí tsiátó, fě alíá mí é nekasí Kristo klé.

Alíá Atsí Bópvtisiá Opasuato

² Mí apió, ntekánfó mli, tsúfě mli ansí dín misó. Mlíděbwe dínká Kristo atosunáhé amóú nəpvhá mli ámu sv. ³ Táme ndekléá mlnúu mó así aní oyingyioyin bu Kristo así, ɔtsigyíɔtsi bu oyin así, fě alíá Kristo é bu Bulu así. ⁴ Iní sv oyingyioyin aní obun ató nwun asa ɔde mpáí bə ntée ɔde asón aní Bulu lapówá mó ɔnó blí mēdē Kristo bu. ⁵ Táme ɔtsigyíɔtsiá ɔmeklí nwun asa ɔde mpáí bə ntée ɔde asón aní Bulu lapówá mó ɔnó blí é mēdē mv kulu bu. Igyi fě alakpá nwun. ⁶ Ní ɔmóɔpu ató klí nwun á, mómó ɔkpáa mó. Táme ní ɔtsi ɔkpá nwun, ibv mv péli a, ɔpúv ató klí mósó. ⁷ Bulu lóbwe oyin fě mv iwí, pówá mv iwí numnyam. Mó sv mehián aní ɔbɔpu ató bun nwun asa obósum Bulu. Táme ɔtsi mó á, Bulu lóbwe mv pówá oyin numnyam. ⁸ Tsúfě oyin mēdalí tsu ɔtsitɔ, ɔtsi mbóun lédalí tsu oyintó. ⁹ Megyí ɔtsi só Bulu lópwe oyin, mbóun oyin só ɔlɔpwe ɔtsi. ¹⁰ Iní sv ilehián aní ɔtsi ɔbékli nwun, púsúná aní ɔbu túmi así, tsúfě Bulu-abəpu bɔde mv kí. ¹¹ Iníá ania Kristonyɔ anlabwé kule sv á, ɔtsi léhián oyin, oyin é léhián ɔtsi. ¹² Tsúfě alí amóú ɔtsi gyankpəpu lédalí tsu oyintó ámu a, alí kén ɔtsi é lókwí oyin ní. Táme Bulu lóbwe tógýtó.

¹³ Mli onutó mlyɔ asón ánfito amlíki. Ibv aléá ɔtsi mēeklí nwun asa ɔbóbo mpáí há Bulu? ¹⁴ Fě alíá Bulu lélé ɔyító á, uma aléá oyin obési mv imi ibówa tsuí fě ɔtsi klé. ¹⁵ Imi títín igyi numnyam há ɔtsi, tsúfě Bulu lópú mó há mv fě nwun-abúntó. ¹⁶ Táme ní ɔku dé mó iwí nwéen gyí a, asón aní mbv blí gyí, mmotsulá dínká kəkəsv dvn iní. Alí kén Bulu ɔpasua atráhe fěé bəmotsulá dínká mósó ní.

Opónóasiyɔ

(Mateo 26:26-29; Marko 14:22-25; Luka 22:14-20)

¹⁷ Mmēekanfó mli asón ánfí nebá bebláa mli ánfí mótó. Tsúfě yilé kəku tamadálí tsu mlí ifiató. Lalahe kóún itetí há mli. ¹⁸ Gyankpəpu a, babláa mv beɛ mlitamabwé kule ní ɔpasua ámu befia. Nahogyí aní asón ánfí kv bu mótó. ¹⁹ Lélé mó á, ilehián aní nwéengyí bétsiá mlitɔ, mēni mlówwun ɔnəkwalíá ibv mótó. ²⁰ Táme beblí beɛ, ní mlefia a, megyí ɔpónóasiyɔ sv mlitefia. ²¹ Tsúfě mlitamagyɔ aba. Ako butegyí amó ató, butamahá aba. Mó sv ako butonu bu, aku é bɔtsie akón. ²² Mli onutó mlímá wóyíá mlitegyi ató, nu ntá mótó? Ntée mlídēkléá mlósɔpáa Bulu ɔpasua ámu, amlíwa ahíánfó ámu pélitó? Amansu mblí tsu iní iwí? Nkánfó mli? Inutó mó á, ekekeke, mmēekanfó mli!

²³ Tsúfě t́á nosuán tsu aní Wíe wá kén nde mli bláa a. Aní Wíe Yesu lélé bodobodo ipín onyé amóú beɛ mv há ámu, ²⁴ ɔleda Bulu ipán, bíábía mótó, blí ɔbéé, “Mí ɔyulá ndepvhá mli ní. Mlitsia bwe iní pəkən misó.” ²⁵ Alí kén atogyihe amó ɔma a, olotsu ntá-ewe ámu, blí ɔbéé, “Ntá-ewe ánfí gyí mí obugya aní Bulu dépusí ntam pəpwe amóú ibv mlia mnyɔ nsuné ámu sv ní. Brégyíbréá mlónu mó á, mlnu mv pəkən misó.”

²⁶ Tsúfě brégyíbréá mlídē bodobodo anfi gyí, nu ntá tsú ewe ánfito á, mlídē aní Wíe lowu ámu ɔkan da kpéfɔn bréá obéyinkí bá. ²⁷ Mó sv ɔhá aní obégyi alí bodobodo anfi, nu ntá tsú aní Wíe ewe ánfito mábú ɔkpəsv á, alagyi aní Wíe ɔyulúv pú mv obugya amó iwí pón. ²⁸ Iní sv ilehián aní mlóyɔ mli nwunto wankláán, asa mlégyi bodobodo anfi, nu ntá-ewe ánfito. ²⁹ Tsúfě ní mlmóbu aní Wíe Kristo ɔyulúv, mlilégyí bodobodo amó, nu ntá ámu é dínká ifinsv á, Bulu ɔbéha mli ipón mó sv. ³⁰ Mó só mlitɔ ahá tsɔtsɔtsɔ bapən, aku bɔdɛɔ, aku mó kóráá bawú ní. ³¹ Ní anitɔyó aní nwunto wankláán asa a, tekí Bulu mēeha

anì pón. ³² Táme ní anì Wíe olé anì ilá, bítí anì isò á, oméeha ania oyító ahá fée ipón kole.

³³ Inì sò mí apió, ní mleyéfia apónó ámu asì á, mltsia gyo aba. ³⁴ Ní akón dè oku á, ogyí ató tsu wóyító asa oba, ménì mli ifia amu iméeti isobití há mli. Mí onutó nēba bebláa mli tóá mliwée tsu ason tráhe amu iwí.

12

ጋኛ Wankíhé Atokiehé

¹ Séi á, apió, ndekléá nēle ጋኛ Wankíhé atokiehé asón amó asì wankláán súná mli.

² Mliyìn aní bréá mligyí omátófo á, bosuná mli asunakpan, ileha mliólóyò mli dē ikpiá botamatóí sum. ³ Mó sò ndekléá mli búbí móá itsú Bulu wá. ጋhagyísha aní odepò ጋኛ Wankíhé tóí méetalí lwíi anì Wíe Yesu. ጋhá aní ጋኛ Wankíhé dē mu kpa nkole obétalí blí obée, “Yesu gyí mí Wíe.”

⁴ Bulu atokiehé otsan-otsan bu unu, táme ጋኛ Wankíhé amu kén teye mó fée. ⁵ Bulusúm agyómá igyí otsan-otsan, táme anì Wíe amu kén anì fée anidésun. ⁶ ጋkpa otsan-otsansò Bulu tóyó agyómá tsòñ anisò, táme Bulu ámu kén dē mó fée bwe tsòñ anì féesú. ⁷ Bulu telé mu ጋhé ámu owan tsòñ okpa okosò anitò okugyíokotò, ménì abópokpá aba. ⁸ ጋኛ Wankíhé tehá oku topú nyánsa tóí kplá ahá, otehá oku é tebí asón. ⁹ ጋtehá oku tehié ho Bulu gyí, otehá oku é tetsá ahá ilo. ¹⁰ ጋኛ Wankíhé amu kén tehá oku túmí otópóbwé ofúla, otehá oku é teblí asón aní Bulu lópówá mu onó. ጋtehá oku tetálí bí ogehá itsú Bulu wá pú móá itsú ohe laláhe wá. ጋtehá oku teblí obli bámbá, oku é tonú mó asì. ¹¹ ጋኛ Wankíhé amu nkole tóbwé iní fée, oteye atokiehé áñfi há ጋhagyísha alá odeklé.

ጋpasua Amu Igyi Nyankpusa-oyi Okole

¹² Nyankpusa-oyí iwí ató itsò, táme mó fée lóbwe nyankpusa amu. Alí kén igyí Kristo é ní. Mu opasua ámu gyí mu nyankpusa-oyí ámu ni. ¹³ Anitò akò anígyí Yudafo, akò Griikifo, akò nkpábi ntée adíiie, táme bopò ጋኛ Wankíhé amu bó anì fée asú wá Kristo oyolób kole amotò, Bulu lópò ጋhé ámu kén núná anì fée.

¹⁴ Táme mégyí toku kole lóbwe nyankpusa-oyí ámu, mbóun iwí ató otsan-otsan. ¹⁵ Ní yabi obli obée, “Mma nyankpusa-oyí ámu iwí, tsúfée megyí ibi ngyi?” á, ilosuná aní megyí nyankpusa-oyí ámu iwí ató ogyi? ¹⁶ Ní isò é obli obée, “Mma nyankpusa-oyí ámu iwí, tsúfée megyí nsibi ngyi?” á, ilosuná aní megyí nyankpusa-oyí ámu iwí ató ogyi? ¹⁷ Ní nsibi nkole gyí nyankpusa-oyí ámu fée á, nkáli obóbwe obónu asón? Ntée ní isò nkole gyí nyankpusa-oyí ámu fée á, nkáli obóho ató afú? ¹⁸ Táme Bulu lópò iwí ató tsotsotso bwe nyankpusa-oyí ámu, olpò kugyíku yi otínéá odeklé. ¹⁹ Ní iwí ntobí ámu igyí toku kole a, nkáli nyankpusa-oyí ámu obóbwe? ²⁰ Iwí ntobí ámu itsò mó, táme mó fée lóbwe nyankpusa-oyí ámu ni.

²¹ Mó sò nsibi méetalí bláa ibi obée, “Foma labi há mí!” ekekeke. Nwun é méetalí bláa yabi obée, “Foma labi há mí!” ²² Ní akí a, iwí ató ámóú anidékú aniaa ilòpòn amu iwí téhian ni. ²³ Mó ámóú anidékúá obú ima mósó ámu anitobú dun ni. Otíné ámóú anitamakléá ahá bowúun amu é anitopó ató tin ni. ²⁴ Táme anitamapó ató tin anì iwí ntobí ámóú ibò akíle amu. Bulu lóbwe anì iwí ató ámu alí, ménì abóbu mó ámóú ima numnyam amu, kí mósó wankláán. ²⁵ Fówun ikolebwe bétsiá amótó, ménì gyopí okpítá bina a, bina é lakpítá gyopí. ²⁶ Ní nyankpusa-oyí ámu iwí tóku dē osin wúun a, nyankpusa-oyí ámu fée towun mó. Ní bekánfó mótó ku é á, ansí tegyí nyankpusa amu.

²⁷ Yoo, ayó nkpa. Kristo ɔyolúbu kole amu mli fée mligyí. Mligyí mu ɔpasua ámu ni. Mlito okugyáko gyí mu nyankpɔsa-oyí ámu iwí tɔku. ²⁸ Bulu léhíhíe ínu fée wá mu ɔpasua ámɔtɔ. Gyankpapu, sumbí ayɔpó. Nyɔɔsi, Bulu ɔnásó atɔpí, saasi, ató asunápó. Mú ɔma a, ofúla abwepó. Amóá bubu ɔtsá túmi, buale agyípó, ahande pú ɔblí bambá ablípó. ²⁹ Amó fée gyí sumbí ayɔpó? Ekεεεεεε! Amó fée gyí Bulu ɔnásó atɔpí, ntée ató asunápó, ntée ofúla abwepó? Iméba mótó alí! ³⁰ Amó fée bu ɔtsá atokiehé? Amó fée tɛblí ɔblí bambá, ntée amó fée tetálí nú ɔblí bambá ámu asi? ³¹ Mlibo mbódí amlidunka atokiehé ámɔtɔ móa idehián don.

Nélasúná mli ɔkpa ání idon ínu tsía mótó.

13

Ɔdwe

¹ Ní ntetálí blí anyánpósa pó Bulu-abɔpu ɔblí fée, táme ntamadwé mí aba á, ngyi fé ɔkan ntée gbémgbléín ání buɔe mú da, idelín kóklókóó. ² Ní mbu Bulu ɔnó asónblí, Bulu ason ɣáínhé bi pú hógyi kponkpontíá ntetálí púpúlí abu, táme nma mí bá iwí ɔdwe á, mómó nma labi kuku. ³ Ní nɔpó mí ató fée kíe ahíánfɔ, nɔpó mí iwí há mbée buwáa mí ogyá, táme nma mí bá iwí ɔdwe á, nma labi há ɔhaa.

⁴ Ahá ɔdwepó tenyá iklon, ɔbu awítɔle. Ɔma olu, ɔtamaká ɔnótó, ɔtamatsú iwí. ⁵ Otobú ató, ɔma ɔnsípe. Ɔtamakósí nyá ɔbló, ɔtamahɔ asón wá iwí. ⁶ Ɔtamatsúlá asokpan, ɔnokwalí otobuo. ⁷ Otenyá klon há tógýtó, ɔtɔhɔ asónsɔ gyi. Mu ansí tɛdínká asónsɔ, ototomí é.

⁸ Ɔdwe mú itamatá, táme Bulu ɔnó asónblí bómɔ ɔnó. Ɔblí bambá blí béka itin, asónbí é íbɛba bɔtsɔn. ⁹ Tsúfé anumókónyá bí tógýtó tá, anumókónyá blí Bulu ɔnó asón é yi. ¹⁰ Táme ɔɣétó atokiehé ání fée imɔfon. Ní móa ɔfon yi íbá á, ínu fée bɔfwí.

¹¹ Igyí fé ínu. Bréá ngyi kebi á, nɔtɔí fé kebi. Mí ató bwéhé pó mí ason susúhe fée ɔbwe fé kebi. Táme séi ání nadan á, nasí nyebito bwéhé ámu fée bwe. ¹² Séi á, anidé ató kí fulaa fé ogyásito anidé mú kí. Bré iku bɛba a, abuwun mú wankláán. Séi á, aní atóbi mɔfon. Ɔma a, abéba bɛbi mú fé alá Bulu yin aní.

¹³ Ɔnokwalí a, atoku asa ání obétsiá ní. Hógyi, ɔkpakú pó ɔdwe, táme ɔdwe don mú fée.

14

Ɔɣe Wankíhé Atokiehé Bámbá

¹ Mludunka ɔdwe ɔkpa, amlidunka ɔɣétó atokiehé é. Móa idon a, Bulu ɔnó asónblí. ² Tsúfé ní ɔku dé ɔblí bambá blí á, megyí anyánpósa ɔdebláa, Bulu ɔdebláa. Ɔhaa tamanú mú asi, tsúfé mu ɔɣé dé ason ɣáínhé blí. ³ Táme ɔhá ání ɔde Bulu ɔnó asón blí mú á, ahá ɔdebláa, ɔdepɔbɔa amó abɔdan hógyito. Ɔdepɔwá amó ɔwonlín, ɔdepɔlwíí amó iklon é. ⁴ Ɔhá ání ɔde ɔblí bambá blí nkɔle tenyá ɔwonlín Bulusúmtó. Táme ɔhá ání ɔde Bulu ɔnó asón blí mú tɔwá ɔpasua ámu ɔwonlín.

⁵ Teki ndekléa mli fée mléblí ɔblí bambá, táme ní mlidé Bulu ɔnó asón blí á, ɔbu mí alé don. Tsúfé Bulu ɔnásó ɔtɔpí don ɔblí bambá ɔblípó. Nkétí ní ɔblí bambá ɔblípó ámu tetálí lé mú asi, méní ɔpasua ámu bénya tɔku tsú mótó. ⁶ Mí apíó, ní naba mli wá séi beblí ɔblí bambá ku, mmele mú asi á, labi mɔmu íbɔwa há mli? Táme ní neblí asón, nehá mlébi asón, ntée neblí ason ɣesúnáhé ku, ntée neblí Bulu ɔnó asón ku, ntée súná mli ató á, íbɔwa labi há mli don.

⁷ Mlɩpɔkɩ itá fɛdá mó itotsúlá, fɛ ikwe, oténte ntée okpe aná. Ní fomeda mó itsula wankláán á, botamanú mó así. ⁸ Ní klunsi odapó mɛbí dá mó á, ohaa tamanú mó así, didá ató yó isá. ⁹ Alí kén ní mlɩdɛ oblí ání ohaa mɛdé mótó nu blí á, mlɩdétóí wá afútó ní. ¹⁰ Oblí tsòtsòtsò bu oyító. Kugyiko ɩɔfun, ɩbu mó ablípó anulé. ¹¹ Táme ní oku dé oblí ku blí, mí é mmedé mótó nu á, ntamanú mu así, mu é otamanú mí así. ¹² Mó sɔ ɩniá mlɩhíe mlɩdɛ ɔɣe Wankíhé atokiehé ámu dunká á, mlɩkolú móá ɩbówa opasua ámu owonlín.

¹³ ɩni sɔ ohá ání otɛblí oblí bámbá okóli Bulu mó asɩnu, méní obétalí ɩɛ mó así súná mó anupó. ¹⁴ Tsúfɛ ní ndɛpɔ oblí bámbá bó mpái á, mí oɣé dé mó bó, támɛ mmedé asón ání ndɛblí así nu. ¹⁵ Nkálí mɛɛ nóbwɛ? Nóbɔ mpái oɣétó bré kotó, pú mí agywuɩ é bó mó bré bámbátó. Alí kén nówa ɩɔ oɣétó, pú mí agywuɩ wá mó bré kotó é ní. ¹⁶ Tsúfɛ ní fòde Bulu kanfó oɣétó pé á, nkálí ɩbóbwɛ ohá ání omɛdé mó así nu obétsa fó? Nkálí bétsa fó Bulu ipán da ní bɔmɛdé asón ání fòdɛblí así nu? ¹⁷ Fíahí fòde Bulu ipán da wankláán, támɛ itamawá fó bá owonlín.

¹⁸ Nedá Bulu ipán ání nteblí oblí bambá dɔn mlɩtɔ okugyíokɔ. ¹⁹ Táme ní afia a, ntekleá nɛblí asón anu pé ání ohagyíoha obónu mó así, ɩbóbɔá amó é dón ání nɛblí asón mpím-dú (10,000) oblí bámbátó ání ohaa mónu mó así.

²⁰ Mí apíó, mlɩmábɛwɛ agywuɩ fɛ nyebí. Mlɩbwɛ ɩwɩ fɛ kebi-bɔbwɛ lakpanbwɛtɔ, támɛ mlɩgywuɩ fɛ ahandɛ. ²¹ Bɔwanlín wá Bulu asón ámuɔtɔ bɛɛ, “Nótóí tsɔn afóósó, bébláa mí ahá oblí bambá.

Mó ó á, mí ahá bɔmóonu mí omɛ.” Aní Wíe léblí.

²² ɩni sɔ oblí bambá blí igyi osúna há omátófo, megyí ahógyipɔ. Bulu onó asón blí é igyi osúna há ahógyipɔ, megyí omátófo.

²³ Ní opasua ámu ifia, ohagyíoha dé oblí bambá blí, oha bambá pú omátóyín bebá mlɩtɔ á, bɔmɛblí bɛɛ, mlɩ nwun layintá? ²⁴ Táme ní mlɩ fɛé mlɩdɛ Bulu onó asón blí, omátófo ntée ahá ání botamanú mótó bebá mlɩtɔ á, amó onutó bóyo asón ámuɔtɔ, nú ɩwiasí ání babwé lakpan. ²⁵ ɩbéha amó klɔntɔ asón béɩn owan, béda akpawunu, kánfó Bulu bɛɛ, “Lélé, Bulu bu mlɩtɔ.”

Opasua Ámuɔtɔ Nɩhúé

²⁶ Mí apíó, ní mlebá befia Bulu osúmkipá, mlɩtɔ oku tɔwá ɩɔ, oku tosúná ató, oku towun ató, oku tɛblí oblí bámbá, oku é tonú mó así á, bɔbwéɛ mó pɔwa opasua ámu owonlín. ²⁷ Ní ako béblí oblí bámbá á, bɔbwéɛ ahá abanyó. Ní butsa kóráá á, abasá. Bublí mó ɩkɔle-kɔle, méní oku obéle mó así. ²⁸ Ní ohaa má ofiakpa ɩwá obéle mó así mó á, bɔkpá onó bun, amúá amó Bulu abɔtɔi nklobítɔ. ²⁹ Bulu onósó atóipɔ abanyó ntée abasá bótóí, atráhe aboyɔ amó asɔn blíhé amɔtɔ. ³⁰ Táme ní Bulu olé ató súná okuá otsie ofiakpa ɩwá á, Bulu onósó atóipɔ ámu osíí tóí, ohá ámu oblí tóá alawun. ³¹ Mlɩ fɛé mlɩtálí blí Bulu onó asón ámu ɩkɔle-kɔle, méní mlɩ fɛé mlɩsúan tɔku tsú mótó pówá ɩwɩ owonlín. ³² Bulu onósó atóipɔ amɔ bɔnyáa túmí oɣé ámuús ɩde amó kpa amóús, méní bótóí há amó aba okpa. ³³ Tsúfɛ Bulu asón lolwíí, omegyí basabasa.

³⁴ Ní opasua ámu ifia a, atsi bɔbwéɛ díín. Bɔma okpa tóí. Bɔbá ɩwiasí fɛ alíá Mose Mbla léblí. ³⁵ Ní bɔdekleá bónu asɔvankɔtɔ á, bɔfite amó akúlu wóyító, tsúfɛ ɩbu péliá otsi obótóí ofiakpa.

³⁶ Mlɩlahogyí mhaa, mlɩ wá Bulu asón ámu ɩlɔtsuá así? Ntée mlɩ nkɔle látsɔ mó nu? ³⁷ Ní oku dékú ání Bulu onósó atóipɔ muɣyi, ntée obɔ ɔɣétó atokiehé ku á, ɩwánkú mu ání aní Wíe onutó mbla ígyi ndɛwanlín sísí mlɩ. ³⁸ Ní omohɔ asón ání á, mlɩ é mlɩmáho mu asón.

³⁹ Mí apió, ìni sù mlipri ání mléblí Bulu ónó asón, táme mlumábláa òhaa mlíaa, ómáblí òblíi bambá. ⁴⁰ Mlìbwe tógyító dínka mó òkpasu wankláán, ìfòn.

15

Kristo Kvsó tsú Afúlitó

¹ Mí apió, séi á, nkáan mlì asón wankláán ámóú neda mó òkan súná mlì, mlílóhó mósó gyí, mlì hógýi ìlì mósó ámu. ² Asón ánfì òbéha mlì nkpa ání ìtamatá, ní lélé mlílóhó mósó gyí ní. Táme ní mlekíná mósó hogýi mó á, mlì hógýi labwé kpaali!

³ Tsúfè asón ání ihíe dehián bəpəhá mí nəpəba mlì igýi. Mógýi, Kristo lóbəwə anì lakpan sù, fè alá Bulu asón wanlínhé amú lèblí. ⁴ Bopolá mu, Bulu lókusóa mu tsú afúlitó eke sáási fè alá Bulu asón wanlínhé amú lèblí. ⁵ Òlèlè iwí òwan súná Petro. Mó òma a, òlèlè iwí òwan súná sumbí ayəpə dúanyo ámu fèé. ⁶ Ìni òma a, òlèlè iwí òwan súná mu abúopu tsətsətsəá bədəh ahá lafanu (500) ətsáwəle. Amótó ako bawú, táme ədədəwə bətráa bətsie nkpa. ⁷ Òlèlè iwí òwan súná Yakobo é. Òma a, òlèlè iwí òwan súná sumbí ayəpə ámu fèé.

⁸ Ìtráhe-tráhe a, òlèlè iwí òwan súná mí onutó ánfì nesin òma ba anfi. ⁹ Tsúfè mígyí sumbí ayəpə ámutó òkusú ní. Teki mməfəh aní bétì mí sumbí ayəpə kóráá, tsúfè nedínká Bulu əpasua ámusú. ¹⁰ Táme Bulu awitəle sò nde namlì alì. Mə awitəle amú iməbwe kpaali. Tsúfè nayó agyómá dən amótó okugyíəku. Táme megyí mí əwonlín nəpəyó mó. Mə awitəle amú dé mí kpa. ¹¹ Ìni sù ní mlétrá da asón ámu òkan o, amó o, móá idehián gyí mlílóhó anì asón ámusú gyi.

Ani Kvsó Tsú Afúlitó

¹² Ní anitədə Bulu asón ámu òkan aníaa, Bulu lókusóa Kristo tsú afúlitó á, ntogýi sò mlitə aku mó bəe, awupó bəmóəkusú tsú afúlitó? ¹³ Ní awupó bəmóəkusú mó á, idesuná ání Bulu mókusóa Kristo é. ¹⁴ Ní Kristo mókusú tsú afúlitó á, teki anì asón wankláán amú òkanda igýi kpaali. Mlì mósó hogýi é igýi kpaali. ¹⁵ Ní Bulu tamakósóa awupó mó á, mó mó afunu anidéwa tìn Bulu ónó, blì aníaa alakósóa Kristo tsú afúlitó. Ní ətamakósóa awupó á, mó mó asón ánfì uma mótó. ¹⁶ Ní əmóəkusóa amó mó á, mó mó əmóəkusóa Kristo é ní. ¹⁷ Ní əmóəkusóa Kristo a, mó mó kpaali mlílahó mu gyi. Idesuná ání mlílasin lakpantə. ¹⁸ Mó mó itráa desuná ání Kristo ahógýipóá bawú é bafwí. ¹⁹ Ní əyí ánfítə nkpa nkəlesó anì ansídín Kristosú mó á, mó mó anì ìlá bə nwe dən əhəgyíəha.

²⁰ Táme ònəkwalá ida gyí, Bulu lakósóa Kristo tsú afúlitó. Kristo labwé ahá ání Bulu òbókusóatə ogyankpapu. ²¹ Alì ámóú lowu léba tsən nyankpəsasú ámu a, alì kén kvsó tsú afúlitó é ìleba tsən nyankpəsasú ní. ²² Tsúfè alì ámóú ahá bətowú amóa Adam ìkələbwe sù ámu a, alì kén amóa Kristo ìkələbwe sù amó fèé bénya nkpa ní. ²³ Táme anitə okugyíəku bə mu bré. Kristo Bulu légyankpá kósóa tsu afúlitó. Ní Kristo oyínkí bá a, mu é òbókusóa mu ahá fèé. ²⁴ Mó òma a, Kristo obégýi əhétó túmi laláhe, iwíegýi pó túmiá ìde əyísó gyí fèésó asa əyí òbómó ónó. Mó òma a, obéyinkía iwíegýi ámu wá anì Sí Bulu ìbitə. ²⁵ Tsúfè ìlehián ání Kristo obégýi iwíe kpéfəh bréa alagýi mu alupó fèésó, pó mu ayabi tsá amósó. ²⁶ Olupó tráhe ání òbéhì gyí lowu. ²⁷ Tsúfè Bulu asón wanlínhé amú lèblí òbée, “Bulu lópu tógyító wá mu asi.” Ìni imosuná ání Bulu bə Kristo asi. ²⁸ Ní Kristo ogyi tógyítósó tá á, òbópu iwí wá Bulu asi. Móléha mu túmi dínká tógyítósó, fówun Bulu é obégýi tógyítósá ìbə ətíngyíətínésó.

²⁹ Ní Bulu móəkusóa awupó á, ntogýi sò ahá bəde asú bə há ahá ání bawú? Ntogyi sò béha bóbə amó asú há amó? ³⁰ Ntée ntogyi sò anì mó abópu anì

nkpa pléí brégyíbré? ³¹ Mí apió, nekáse, ntefia alowusu ekekegyíeke! Igyi tóá ntópótsú iwí aní mliha aní Wie Kristo Yesu mliabwé ikole. ³² Mú su kpaali nakó Efesofáá bugyi fé mbwíkitá-ato? Ní Bulu móáokósóa awupó mó a, “Mómó mliha agyi, awí, anu, tsúfé oké sesebre anilawú.” Fé alíá bōwanlín wá Bulu asón ámóto.

³³ Mliamáha ahá aní buteblí asón ánfí odu abómle mli! Tsúfé ahande bee, “Mba laláhe gyí teyíntá óha.” ³⁴ Mliabwé agywun wankláán, amlisi lakpan bwe. Tsúfé mliáto aku butépi bomeyín Bulu. Nde asón ánfí wanlín sísí mli pósópa mli.

Ọ̀yúlóvá Abópókósó Tsú Afúlitó

³⁵ Oko obéfité obéé, “Nkáli Bulu obókósóa awupó? Ọ̀yúlóv mómó bópókósó?” ³⁶ Óha mimláhe! Bí aní ní fodú ató-abí á, itopló asa itokwe. ³⁷ Megyi itóbí ámúú fopowá ọ̀solótó ámú gyí obán amúú itedan amú. ³⁸ Bulu tēhá mó ọ̀yúlóv pópwe aní mó onutó odeklé. Ọ̀tēhá ató-abí kugyíko mó ọ̀yúlóv ọ̀tsan.

³⁹ Alí ámúú ató-abí ọ̀tsan-ọ̀tsan búv inu ámú a, alí tógyító ọ̀yúlóv igyi ọ̀tsan ní. Anyánkpósa, mbwí, mbubwí pú ntsutso aye fēétó okugyíáko ọ̀yúlóv ọ̀tsan.

⁴⁰ Ọ̀sósó-ató bu inu, ọ̀solósu-ató é bu inu. Mú fēé ibu ọ̀yúlóv ọ̀tsan-ọ̀tsan. Ọ̀sósó klé numnyam ọ̀tsan, ọ̀solósu klé é numnyam ọ̀tsan. ⁴¹ Owí numnyam igyi ọ̀tsan há ọ̀tsra. Ọ̀tsra klé é igyi ọ̀tsan há ntsrakpabi. Ọ̀tsrakpabi kugyíko ná ọ̀tsan, mó numnyam é ina ọ̀tsan há mó bá.

⁴² Alí ibóbwe bréá Bulu obókósóa awupó ní. Aní ọ̀solósu-ọ̀yúlóv anfi itowú, pló anfi ibótsun ọ̀tsan há móá Bulu obókósóa tsu afúlitó, tsúfé mó mó imóowu ekekeke. ⁴³ Aní ọ̀yúlóv anfi tōpon bréá bopúlá mó, táme ní Bulu okósóa mó á, itenyá ọ̀wonlín, wá numnyam. ⁴⁴ Ọ̀solósu-ọ̀yúlóv igyi séi, táme ní Bulu okósóa mó á, ibóbwe ọ̀tétó ọ̀yúlóv. Tsúfé alí ámúú ọ̀solósu-ọ̀yúlóv bu inu ámú á, alí ọ̀tétó klé é bu inu ní. ⁴⁵ Bulu ason wanlínhé amú lébláa aní obéé, “Adam gyankpapu amú lóbwe okiankpapu.” Táme Adam tráhe, ogyi Kristo amú mó gyí Ọ̀tēhá nkpa. ⁴⁶ Ọ̀solósu-ọ̀yúlóv anitegyankpá nyá asa anitebenya ọ̀tétó klé. ⁴⁷ Ọ̀solótó-isi Bulu lópupwé nyankpusa gyankpapu, ogyi Adam amú. Kristo, amúú obuo amú mó otsú ọ̀sósó. ⁴⁸ Nyankpusa okugyíáko bu ọ̀solósu-ọ̀yúlóv fé Adam, táme aní ọ̀sósó-ọ̀yúlóv mó bóbwe fé Kristo klé. ⁴⁹ Alí ámúú anigyi fé ọ̀solósu Adam amú a, alí kén abóbwe fé Kristo amúú otsú ọ̀sósó ámú é ekeko ní.

⁵⁰ Apió, tóá ndeblí gyí, aní ọ̀yúlóv anfi igyi ọ̀yúlóv móá obugya anfi iméenya ogyíkpá Bulu iwíegyi ámóto. Tóá iteyíntá iméetalí nyá ogyíkpá tóá itamayíntátó.

⁵¹ Táme mliyaa asu amlinu ason nainhé koá Bulu lalé súná mí. Obéé, megyi aní fēé obówu, táme aní fēé ọ̀yúlóv bétse. ⁵² Ní okpe tráhe ifóli pé á, aní fēé abétse ọ̀tsáwole pé. Bulu obókósóa awupó ámú. Amú ọ̀yúlóv iméetrá yíntá, obétse aní nkpa atsiápó é fēé. ⁵³ Tsúfé ilehián aní Bulu obétse aní ọ̀yúlóv anfi itowú pló anfi, há aní ọ̀yúlóv itamawú, itamapló. ⁵⁴ Ní íbá mótó aní Bulu latse tóá itowú, bwé mó tóá itamawú, tóá itopló é lábwé tóá itamapló á, unú Bulu ason wanlínhé anfi íbéba mótó ní. Obéé, “Batú lowu así plíplíplíplí. Isugyi onutó laba.”

⁵⁵ Bulu ason wanlínhé bu é léblí obéé, “Oo lowu, nkónu fú okpe bu?”

Nkónú fú isugyi bu?”

⁵⁶ Lakpan igyi okpe aní itómó, Mose mbla ámú é itehá lakpan túmi. ⁵⁷ Nkáli kóráá abókoko da Bulu ipán? Móláhá anilatsun aní Wie Yesu Kristosú gyi asu.

⁵⁸ Mú su apió adwepó, mliú kínkíinkín, mliámákpinkí. Mliú mli iwí fēé ha Bulu agyómá brégyíbré, tsúfé mliyin aní mli gymagyihe móóbwe kpaali.

16

Itswitswɪ Ha Yerusalem Ahɪnɔ

¹ Itswitswɪ ha Bulu ahá aní bɔbɔ Yerusalem asón ámu é á, mɪbɔwɛ mó fé alɪ ámóú nebláa ɔpasua ámóú ɪbɔbɔ Galatia ɔmátó mbéɛ bɔbɔwéɛ mó ámu. ² Ɔhagyíɔha ɔkɪ mu kóba alɪá otenyá ɔnó, ɔlɛ kv yaɪ Kwasiɛdagyɪkwasiɛda. Mɪmágyo mɪaa mbá asa amlɪtswɪtswɪ mó. ³ Ní nebá á, nówanlín nɔwɔlɔ há ahá aní mɪ onutó mléle mɪaa, bɔpɔbɔ ató ámu ya Yerusalemfɔ ámu, pólé amó súná amó. ⁴ Ní ɪbɔ aléá nɔyɔ á, mómó bɔbɔuo mɪ yó.

Paulo Ɔkpɪtu Nɔhɪé

⁵ Ní nɔkósó tsú Makedonia a, néba mɪ wá, tsúfé ndekléá nɔtsɔn ɪnɔ asa néba. ⁶ Fɪalɪ nétsiá mɪ wá kpalobí. Fɪalɪ kóráá nétsiá ɪnɔ nyankpɔ móa atsalɪ bré ámu féé, fówun mɪlɪsɪ mí ɔkpa nayó ɔtɪnɛgyɪɔtɪnéá nɔyɔ. ⁷ Séi mó á, mmedékléá néba beka tsɔn mɪ wá kɛkɛ. Ní Bulu lótsulá á, nétsiá mɪ wá kpalobí.

⁸ Táme nétsiá Efeso nfi kpéfɔn Pentekoste ɛkɛ ámu. ⁹ Tsúfé ɔkpa kpɔnkpɔntɪ lafɪnkɪ há mí aní nɔyɔ agyómá aní ɪbówa labi. ɪbɔ mótáá mí alupó tsɔtsɔtsɔ bɔbɔ nfi mó.

¹⁰ Ní Timoteo owié mɪ wá á, mɪmáha ifú ɪkɪta mu, tsúfé anɪ Wíe agyómá ámu kén ɔɔɔyɔ fé mí. ¹¹ Mɪmáha ɔhaa ɔkɪ mu ansító kótíkótí. Mɪsɪ mu ɔkpa wankláán oyinkɪ bɔtu mí, tsúfé ntsie ngyo móa anɪ apió atráhe ámu.

¹² Anɪ pío Apolo asón ámu a, nalí mɔsɔ mbéɛ, obúo apió ámu ba mɪ wá, támɛ omedékléá ɔbéba séi. Ní onyá ɔkpa á, ɔbéba.

Asón Tráhe

¹³ Mɪha ɪwɪsɔ, amlɪlu kɪnkɪnkɪn mɪ hógyɪtɔ. Mɪwa klɔn, amlɪwa ɪwɪ ɔwɔnlín. ¹⁴ Mɪpɔ ɔɔwɛ bɔwɛ mɪ tógyító.

¹⁵ Mí apió, mɪyɪn aní Stefana móa mu wóyító ahá gyí agyankpapuá bɛdamlɪ klɔntɔ Akaia nsáuntɔ. Basí ɪwɪ há, bɔɔɔ Bulu ahá ámu sɔm. ¹⁶ Nokókólɪ mɪ, mɪba ɪwɪsɪ ha amóa ahá aní bɛba bɛtsiá amótó, bɔpɔ nsi yó agyómá ámu.

¹⁷ Ansí lagyi mɪ aní Stefana móa Fortunato pó Akaiko baba mí wá. Tsúfé bɔɔɔ mɪ ɔbɔwɛkpá bɔwɛ. ¹⁸ Bawá mí atɛtɔ-ɔnlɪn wankláán, fé alɪ ámóú bɔwa mɪ ámu. Mɪbu ahá ánfɪ odu.

¹⁹ Ɔpasua ámóú ɪbɔ Asia ámu féé bɔɔɔ mɪ tsiá ha. Akwila móa Priska pó ɔpasua ámóú ɪbɔ amó wóyító ámu é behá mɪ tsiá wankláán anɪ Wíe ɪdátó.

²⁰ Apió aba ámu féé behá mɪ itsiá gyágyáágyá. Mɪlata aba puta Kristotɔ.

²¹ Mí Paulo onutó lapó mí ɪbɪ wanlín ɪnɪ, ndɛpɔhá mɪ tsiá.

²² Ní ɔko tamadwé anɪ Wíe Yesu a, ɪwɪí dun mɔsɔ!

Marana-ta! (Mó asɪ gyí, “Anɪ Wíe, ba!”)

²³ Anɪ Wíe Yesu Kristo ogyí mɪ bɔale.

²⁴ Anɪa anɪ Wíe Kristo Yesu ɪkɔlɛbɔwɛ sɔ ntɛhíé dwé mɪ féé. Amen!

ᾯωολό Νυᾳσσιά Paulo Λόwanlín Sísi Korintofó

¹ Mí Paulo ání ina Bulu apétó nabwé Kristo Yesu sumbí ᾳᾳpó mva aní pío Timoteo dé ᾳωολό áñfi wanlín.

Anidé mó wanlín sísi Bulu ᾳpasua ání ibu Korinto wúluto pó Bulu ahá ání bubu Akaia ᾳsolósu fée.

² Aní Sí Bulu mva aní Wíe Yesu Kristo bugyii mli buale, aboħa mli iwilwii.

Paulo Bulu Ipánda

³ Mliha akanfu Bulu. Mbugyí aní Wíe Yesu Kristo mu Si pó mu Bulu. Mbugyí aní Sí Bulu aní nwe pó aní Buluá otolwíí aní kløn ᾳkpagyiákpasu! ⁴ Otolwíí aní kløn aní asøn wunħe kugyíkoto, ménı aní é abétalı pó kløn lwiiħe ámuó anıanyá tsú mu wá ámu lwíí anı aba kløn amó asøn wunħeto. ⁵ Alı ámuó Kristo lėħıe wun ipian kpønkpønkpønı, anı é anıde mó ku wúun amu a, alı kén Bulu ná Kristoso ohıe ode anı kløn lwii ní. ⁶ Mó su ní anıde ipian wúun a, mli iwilwii pó mli nkpaħó su anıde mó wúun. Tsúfė Bulu dé anı kløn lwii, ménı anı é abólwii mli kløn, fówun mlétalı nyá kløn, tomi wun anı ipian ámu odu kén. ⁷ Ifú medé anı mli su, tsúfė anıyin ání anıa mlınyo dé ipian ámu wúun. Mó su Bulu obólwii mli kløn fė anı.

⁸ Apío, ibu aléá mlėbí ání iwıwsın ámuó anılowun Asia omátó ámu onó lėħıe wá onłn. İlekle don anı. Ifú lėkıtı anı, anıkı ání abówu kokooko. ⁹ Onokwalı asın, ılebwıe anı fė bahá anı lowu ipón. Táme alıá anımuóᾳpu anıdıńká anı iwısu, mbouın Buluá otokósıa awupósó, su ıleba alı. ¹⁰ Lélé mó á, olele anı tsú lowuto. Anılahogyı ání obétsıá lé anı brégyıbré. ¹¹ Obéle anı, tsúfė mlıde mpái bo anı nwunso. İni su ahá tsotsotsotso bėda Bulu ipán anı nwunso, tsúfė alawá awıtıle há anı, mpái ámuó ahá tsotsotsotso budebo há anı ámu su.

Paulo Nħıé Tse

¹² Abétalı pó ıbi sí kántı anıaa anı kløn mókóħá anı pón anı nkpatı, títrıu anıa mlınyo náıtıto. Megyı anı ᾳsolóv anıfısu nyánsa anılowu anıde anı agyómá yo, mbouın Bulu awıtıle só anıdatalı lé iwıto anıde tógyıtı bwe onokwalıso. ¹³⁻¹⁴ Tsúfė megyı asón ání mlımėetalı kla, nu mó ası anıtıwánlın sísi mli. İbu mótıá mlımėde mó ası nu yi, táme nahogyıá mlóbonu mó ası wankłáán ekekó. Fówun mli é mlétalı pó anı tsú iwı, fė alıá anı é abópu mli tsú iwı anı Wíe obáke amu.

¹⁵ Mı anıdı dn asón áñfısu. Mó su nobwe agywıun ání néba mli wá, ménı mlėnya oyıla anyo. ¹⁶ Mógyı, nótson mli wá yó Makedonia. Nı neyınkı é nėlatsøn mli wá; fówun mlétalı sí mı ᾳkpa, néyınkı ba Yudea omátı. ¹⁷ Młėfıtė mlıaa, ntogyı só nalátse mı agywıun. Ntéı nabwé fė ᾳyıtı ahá ámuó buıleblı beı, “Ee” latsé amó onó beı “O-o” amoto oko? ¹⁸ Alı ámuó Bulu bu onokwalı, otamawá afunu amu a, alı mı “Ee” igyı mı “Ee” ní. ¹⁹ Tsúfė Bulu mu Bi Yesu Kristo amu tamablı obéı “Ee” latsé mó obéı “O-o.” Mu mó á, “Ee” kóun ototsúlá. Mu iwı asón ᾳkan mıa Silas pó Timoteo anıleđa suná mli ní. ²⁰ Tsúfė mutótsúlá “Ee” há Bulu nħııe kugyıko iteba mótı. Mó só akánfu Bulu tá á, anııleblı anıaa, “Amen!” ní. ²¹ Bulu téħá anıa mlınyo anııetalı líı kınkıınkın anıa Kristonyo ıkolėbweto. Mbugyı ohá ání leđa anı ofılı. ²² Mu kén lópu Onħe Wankıħe amu wá anı klønıto, póħıe anı nso; ısuna ání muó anı, obóbwe tóá oleħıe há anı.

²³ Bulu obıtı mı ısu ní megyı onokwalı nde mli blıáa. Alıá mmėeba bowun tsıtsa koku blı tsú mli iwı só mmetrá bótson ınu. ²⁴ Anımėdekléá ıbóbwe fė anıde

mli hie alia mlápu mli hógyi yó agyómá. Mbóun alia ansí bégyi mli só ania mlínyo anidé agyómá yó. Aniyin ání mli hógyi so mlilí kínkíínkin dodo.

2

¹ Mú so nabwé agywun ání mméetrá ba bowa mli awireho. ² Tsúfè ní nebá bowa mli awireho á, ma obéha ansí bégyi mli dun mli ámóú nawá awireho ámo? ³ Mú só nwanlín owóló gyankpapu amu sísí mli ní. Fówun ní nebá á, mli ámóú mléha ansí bégyi mli ámo mliméela há awireho mbóun ikita mí. Tsúfè mí ansí dun mli féesó ání ní ansí de mí gyí a, mli é ansí bégyi mli. ⁴ Megyí ansigyí nppwánlín owóló ámu. Asón ihé de mí háan, ndesú asa nwanlín mó! Táme megyí alia néha mlégyi awireho so nwanlín mó. Mbóun alia mlébi ání ntehíe dwe mli so.

Lakpansikié

⁵ Ohá ámóú olapu asón ba opasua ámotó ámu mókópú olala gyi mli. Ní bee bokú mó á, opasua ámu fée alapó asón gyí. (Mmedékléá nádun mó blí.) ⁶ Isobiti ámóú mli odudu mlébiti mu amu itso mu. ⁷ Iafon ání mlésikié mu, yía mu klun ngya. Fówun asón móodun mu, iwí móowu mu. ⁸ Mú so nokókóli mli, mlile suna mu ání mlitráa mlibu mu iwí odwe. ⁹ Ndekléá nébi ní mlitegyi mí asón ámu féesó. Mú so nwanlín owóló ámu ní. ¹⁰ Ní mlesikié oku á, mí é nasikié mu. Ní nesikié mu é á, mli só nasikié mu Kristo idátó, ní ilehián ní, ¹¹ méní Jbunsám oméenya aní iwí okpa, tsúfè aniyin ikpa ání ototsón mósó fée.

Paulo Klun Mèdi Mu Asi

¹² Bréá neba Kristo ason wankláán ámu okan odakpá Troa wúluto á, nowun ání aní Wíe lafinkí okpa há mí. ¹³ Táme mí klun mèdi mí asi, tsúfè mmótu mí píó Tito un. Mú so neklá amó ká tson yó Makedonia nsántó.

Isugyi Kristo Idátó

¹⁴ Táme nde Bulu ipán da ání Kristo isugyi so alabwé aní ndoun, alakpá aní buo iwí, anidé mu isugyi amu nke gyí. Ní ayó otínegyíotíné a, ototsón aniso bláa ahá ámu Kristo ason wankláán ámu, fé alia ofobí fánfán tówá ofan yó tsútsútsú. ¹⁵ Lélé mó á, Kristo gyí ato tché, anigyí mó ofan ání idekwsó há Bulu, há ahá ání bode nkpa nya pú amóá bodefwi fée. ¹⁶ Itobon ahá ání bodefwi, kpá amó ya lowuto, itówá ahá ání ode amó nkpa hósó ofan, kpá amó ya nkpató. Ma mee lófun ha gyma ání odu yó? Ohaa má un. ¹⁷ Aní mó animégyí fé ahá odudwá bode Bulu asón ámu fe pókle kóba. Iníá Bulu lówa aní so á, anitebli mó onokwaliso fé Kristo asúmbi ání bolí Bulu ansító.

3

Bulu Ntam Pópwe Asúmpó

¹ Asón ání anidébli ání itráa desuná ání anidé iwí kanfó suná mli lóó? Ntée ilehián ání abópu aní adánsie nwóló bá mli, ntée abóho mó tsú mli wá fé alia aku butobwé? ² Ekekeke! Mli onutó tsiátó gyí adánsie nwólóá bawánlín dínká aní klonso, ohagyíoha dé mó wúun kla, pòbi ání anidé agyómá wankláán yó. ³ Mligyi owólóá Kristo lówanlín, idotsón aniso ba. Táme megyí oyípe olpówánlín mó, Bulu Okiankpapu amu Ohé olpówánlín mó. Megyí abwi pétéplé anyoso* é olwanlín mó dínká, mbóun anyánkpósa klonso.

⁴ Anub okpa bli ah, tsúfè Kristo so aní ansí dun Buluso. ⁵ Aniyin ání anumófun ání abétalí bwé tóto aní onutó iwiso. Bulu só anidófun ha tógyító bwe. ⁶ Móláhá

* 3:3 Abwi pétéplé anyo ámóú Bulu lówanlín mu Mbla dú dínká mósó há Mose amu.

anlabwé mv ntam pɔpwe amɔ asúmpó. Megyí ɔ́ ɔ́ Bulu lɔpɔwánlín mó mó, mbóun Ɔ́ɛ Wankíhé amɔ. Tsúfɛ mbla wanlínhé amɔ itɔpó lowu ba, táme Ɔ́ɛ Wankíhé klé amɔ mó itɔpó nkpa ba.

⁷ Mbla dada amóó Bulu lówanlín dínká abwi anyɔsɔ amɔ ɔ́pɔ lowu ba. Táme mó numnyam léha Mose ansító lehie wankí asa ɔ́pɔba Israelfó. Bréá numnyam amɔ ɔ́nɔ ide asibá ó á, bɔmetalí kɪ mv ansító. ⁸ Inúá mbla wanlínhé amɔ lénya numnyam alí á, mómó Ɔ́ɛ Wankíhé amɔ gyumagihe numnyam íbɛhie dɔn mó! ⁹ Mbla wanlínhé amóó itehá anitegyi ipón amɔ kóráá ɔ́bɔ numnyam. Móúm nkálí Ɔ́ɛ Wankíhé gyumagihe amóó ihé ɔ́bɔ numnyam dɔn mó ámv ɔ́bɔwe? Tsúfɛ itehá anitegyi asɔ Bulu ansító! ¹⁰ Móúm idesuná ání Bulu mbla dada amɔ itráa ma numnyam kóráá. Pɔpwe anfi numnyam lagyi móús. ¹¹ Tsúfɛ ní Mbla dada amóó imetsiá wá ɔ́pá ámv ɔ́bɔ numnyam alí á, mómó pɔpwe anfi íbɛtsiá bré fɛé anfi klé íbɛhie dɔn mó!

¹² Aní ansí dɔn ntam pɔpwe anfi sɔ. Mó sɔ anɔbɔ ɔ́kpa tóí faan. ¹³ Anumégyi fɛ Mose ání oletsíá pú tati bun nwun, ménɪ Israelfó bɔmóowun mv ansító wankí, bréá mó ɔ́nɔ ide asibá. ¹⁴ Táme mó óó á, Bulu léha amóó klɔntó lówa odwin bɔfɔn nde. Mó sɔ ní bɔde Bulu mbla dada amɔ kláa amóó ofiakpa a, bɔtamanú mó asɪ, tsúfɛ tati ámv létin amóó agywɔn. Tɔtɔ méetalí bwíí tati ámv lé amóó agywɔnsɔ, nkéti amóó Kristo babwé kole. ¹⁵ Bótu nde kóráá ní bɔde Mose mbla ámv kláa a, tati ámv itráa bun amóó agywɔnsɔ. Mó sɔ bɔtamanú mó asɪ. ¹⁶ Táme ní ɔ́ha onyá dámlí klɔntó ba anɪ Wíe wá pé, Kristo labwíí tati ámv lé mv agywɔnsɔ. ¹⁷ Anɪ Wíe amóó asón anfi ɪdetóí tsú mv ɪwí ámv gyí Ɔ́ɛ Wankíhé amɔ nɪ. Ɔ́tinegyíbtínéá Ɔ́ɛ ámv ɔ́bɔ a, ɪwigyí tétsiá ɪwɔ. ¹⁸ Anɪ Wíe dé tati ámv bwíí lé anɪ fɛé ansító. Mó sɔ anidé mv numnyam amɔ le súná ní. Mv Ɔ́ɛ ámv lahá anidé mv lían, tsúfɛ mv numnyam amɔ itráa dewankí anɪtɔ tsia.

4

Ɔ́lótó Siadie

¹ Bulu láwun anɪ nwe pú agyómá anfi wá anɪ ɔ́bɔ. Mó sɔ abato tamawí anɪ. ² Anlakíná tóá ɔ́bɔ péli pú oklúntó ató fɛé. Anumédé ahá mlé, anumédé Bulu asón ámv é damlí bun. Mbóun anidé ɔ́nɔkwali amɔ onutó blí pólé ɪwí súná ahá fɛé, ɪwanki amóó alíá anigyí Bulu ansító. ³ Ní tɔkɔ ɔ́bɔ asɔn wankláán amóó anidéblí ámv sɔ kóráá á, ahá amóó bɔdefwí ámv nkole ɔ́bɔ. ⁴ Ɔ́bɔnsám gyí ɔ́yí laláhe anfi sɔ agyí. Múlápó ató tin ahá anfi bɔtamahó Bulu gyi anfi ansíbi. Mó sɔ bɔmedé asɔn wankláán amóó igyi wanki amɔ asɪ nɪ. Wanki amɔ gyí Kristo. Múlɛhie han Bulu numnyam nɪ. ⁵ Tsúfɛ anuméná anumédé anɪ onutó ɪwí asón ɔ́kan da. Yesu Kristo ɪwí asón ɔ́kan anidéda aniaa, mgyí anɪ Wíe. Tóá aniteblí tsú anɪ ɪwí gyí, Yesu sɔ anlabwé mli asúmpó. ⁶ Tsúfɛ Bulu amóó ɔ́leblí ɔ́bɛ, “Wankí idálí tsu oklúntó!” ámv kén lahá mv wanki amɔ ɪdewankí anɪ klɔntó. Iahá anlábí ání mv numnyam amɔ ɪdewankí Yesu Kristo ansító.

⁷ Táme anigyí fɛ nló pwehé ání siadie ɔ́bɔ móttó. Siadie ámv gyí wanki móa túmi anfi ɪdewankí anɪ klɔntó. Idesuná ání túmi kpɔnkpɔnkpɔntɔ anfi imotsú anɪ, Bulu wá itsú. ⁸ Bɔde anɪ háan ɔ́kpagyiɔ́kpasɔ, táme bɔmɔkótálí sá anɪ tin. ɪwí de anɪ klí, táme ɪmɔkókɔn anɪ. ⁹ Bɔdɔn anɪ sɔ, táme Bulu mókósí anɪ há. Bɔtefin anɪ dá, táme Bulu sɔ anumókówú. ¹⁰ Anlatsúlá ide anɪ ɔ́yɔlɔb anfi ipian brégyíbré, anidéwɔ fɛé Yesu, ménɪ mv nkpa ámv ɔ́bɔn ɔ́wan anɔ. ¹¹ Yesu sɔn sɔ anɪ nkpa atsiá pú anfi anitefia lowu brégyíbré. Alá ɔ́bɔwe mv nkpa béln ɔ́wan anɪ ɔ́yɔlɔb anfi idewu ánfító sɔ. ¹² Inɪ désuná ání lowu dé anɪ laláa, mli é mlidé nkpa ání itamatá nya.

13 Táme anɔbu mósɔ anidé Bulu asón ámu ɔkan da. Tsúfɛ anɔlɔhɔ mu gyi fé alía Israel ɔbu ɔwapó ámu lówanlín wá Bulu asón ámuɔɔ ɔbée, “Nɔhɔ Bulu gyi. Móláhá sɔ nde mú ɔkan da ní.” 14 Anɔyin ání alí ámuó Bulu lókɔsɔa aní Wie Yesu tsú afúlitɔ ámu a, alí kén ɔbókɔsɔa aní, ɔbékpa ania mɔnyɔ fée ba mu iwɔ wá ní. 15 Iní fée bɔwa labi há mli, méní ní Bulu híe ɔde awítɔle wa, kpá ahá ɔdɔdɔ ba Kristo wá á, béhɛ dá mu ipán, wá mu numnyam.

Hógyi Pwtisiá

16 Mú sɔ abatɔ tamawú aní. Iɔbu mótáa aní ɔyɔlɔv anfi idewu mó, táme Bulu dé aní ɔkláa ɔwonlín wa ekekegyíeke. 17 Tsúfɛ iwɔɔsin kpalobí anfi anidéwúun séi anfi íbɛha abénya numnyam kpɔnkpɔnkpɔntiá itamatá, idɔn iwɔɔsin anfi. 18 Mú sɔ anumédé iwɔɔsin anfi anidéwúun anfi bu. Múá nyankpɔsa ansíbi tamawun ɔkpa anidékí. Tsúfɛ iwɔɔsin anfi íbɛba bɔtsɔn. Ansigyí ámuó ɔbu ɔma, íbétisiá bré fée ámu ɔkpa anidékí.

5

1 Aní ɔyɔlɔv anfi igyi fé kantankpa aní anitsie mótɔ. Ní bobwíé mó á, Bulu ɔbɛha aní obu bámbá ɔsɔsɔ. Mómó á, megyí nyankpɔsa léyi mó. Mu onutó léyi mó, imóobwie ekekeke. 2 Tsúfɛ séi kóráa ide aní ipian ɔsɔlɔsɔ-ɔyɔlɔv anfitɔ. Anihíe anigyó ekeá ɔbɔpu aní ɔsɔsɔ-ɔyɔlɔv wá aní fé atadie. 3 Mómó anumóobwe fé ɔhɛá ima ɔyɔlɔv, aniná yayá. 4 Ide aní ipian, anidékumí bré anfi anitráa anɔbu aní ɔyɔlɔv dada anfitɔ. Megyí bɛɛ anidékíléá awú, adalí ɔyɔlɔv anfitɔ. Mbóun anidékíléá Bulu ɔwáa aní ɔsɔsɔ klé ámuó itamawú plá ámu, méní íbégyi mó anfi itowú plá ánfiso. 5 Bulu onutó léla aní yáí há mó, ɔlɔpu ɔhɛ Wankíhɛ ámu wá anitɔ. Mógyí íbwiá ɔledínká mósó ní.

6 Mú sɔ anitɔwá klɔn brégyíbré. Iɔbu mótáa bré anfi anɔbu ɔsɔlɔsɔ-ɔyɔlɔv anfitɔ á, anɔbu ífɔ aní Wie wá. 7 Iní sɔ hógyi anɔlapó anitsie nkpa, megyí tɔá ansíbi dewúun. 8 Ee! Anihíe anidé klɔn wa, tsúfɛ tɔá anihíe anidédunká gyi abówa ífɔ ɔsɔlɔsɔ-ɔyɔlɔv anfi wá, ayetsiá aní Wie wá. 9 Mú sɔ ní anɔbu ɔsɔlɔsɔ nfi o, ɔtne bambá o, tɔá idɔn aní klɔnsɔ bré fée gyi, abóbwe tɔá íbégyi aní Wie ansí. 10 Tsúfɛ aní fée abéyélíú Kristo ansítɔ, obégyi anitɔ okugyíko asón, ká mu iko aní ɔsɔlɔsɔ-ɔyɔlɔv anfi bwehé ɔnó. Yilé igyi o, lalaha igyi o.

Bulu Onyawíele

11 Anihíe anyin aní ilehián aní abénya aní Wie ífú. Mú sɔ anidétóí kplá ahá aniaa, ámu é bonyáa mu ífú. Bulu híe oyin aní. Nahogyi aní mli é mliyin aní mli klɔntɔ. 12 Megyí iwɔ anitráa anidétu súná mli. Mbóun anidé mli ɔkpa suná, méní mlótsu iwɔ aní sɔ. Fówun ní ahá bɔde iwɔ tsu tɔá ɔha tɔpó ansíbi wun sɔ, imegyí tɔá ɔbu ɔha klɔntɔ sɔ á, mlénya kv bláa ámu. 13 Tsúfɛ ní bɛɛ aní nwnun layíntá kóráa á, Bulu asón igyi. Táme ní bɛɛ aní ansítɔ dá mó á, ida ha mli. 14 ɔdwe ámuó Kristo bu ha aní ámu dé aní kpa, tsúfɛ anɔlanú iwɔasi ání mu nkole lówu há ahá fée. Mú sɔ mwa ahá fée bawú. 15 Olowu há ahá fée lélé, méní ahá aní bénya nkpa pɔpwe ámu bómétrá tsiá nkpa alía bɔdeklé. Mbóun bétisiá nkpa há Kristo ámuó olowu, Bulu lókɔsɔa mu há ámu ámu.

16 Iní sɔ anitráa anumédé ɔhaa kí fé alía ɔyítɔ ahá bɔteki mu. Iɔbu mótáa bré ámu anidétisiá kí Kristo fé alía ɔyítɔ ahá bɔteki mu, táme anitráa anumédé mu kí alí. 17 Mú sɔ ní ɔha mwa Kristo bɔbwe íkule a, alabwé ɔha pɔpwe. Mu tsiátɔ dada ámu fée ílatsɔn. Mu tsiátɔ labwé pɔpwe! 18 Nkpa pɔpwe anfi itsú Bulu wá. Mólótsɔn Kristosɔ bwé aní anfi anigyí mu alupó anfi mu anyawíe. Alapó agyómá anfi wá aní íbɔtɔ, ɔbée alée aha bambá é anyawíe ha mu. 19 Tsúfɛ Bulu

lótson Kristosu óde oyító ahá damlí bwé mu anyawíe. Otráa ómedé amó lakpan iwí akúnta bu há amó. Iní ólópwá aní íbító óbée, abláa ahá ní.

²⁰ Kristo atsiámí anígyí, Bulu détoí tson aniso há mli. Mó su anlíí Kristo óhíkpa anidé mli kokóli aníaa, “Mliha Bulu óbwe mli mu anyawíe!” ²¹ Tsúfée Kristo móbwe lakpan kóko! Táme Bulu lópu mu bó afódie aní lakpan su, méní óbótson ania monyó ikolebwe su tsú aní aní asón da ókpa mu ansító.

6

¹ Ania Bulunyó anidé agyómá yó. Mó su anidé mli kokóli aníaa, mli máha Bulu awítale amó mli lanyá ámu íbwe kpaali. ² Tsúfée Bulu lébli mu asón wanlínhé amoto óbée,

“Bréá mí bré lófon aní nówun ahá nwe a,
nonu mli óme.

Mí nkpa óhóke amu lófon é á, negyi mli bwaale.”

Mlunu! Bré ámu lófon a. Nde gyí mli nkpa óhóke amu ní!

³ Anumédékléá abétin óhaa aní Wíe wá ba ókpa, méní óhaa méenya asoansu blí tsú aní agyómá anfi iwí. ⁴ Mboun aní bwehé féétó a, anitélé súná aní Bulu asúmbi anígyí ónókwalisó. Anitotomí aní iwí asón, aní ikplán pú aní asón wunhe kugyíko étó. ⁵ Bepítí aní ató, wá aní obu, bekra bun aniso dá aní. Anilóyo agyómá aní idon aní. Nkekó anitamadídi, nkekó é anitetsiá akón. ⁶ Anilótson aní tsiátósó lé súná aní ifin kóko má aní iwí. Anyin asón, anitenyá iklon. Aníbu awítale, Óje Wankíhé amu tsie anitó. Anitehíé dwé ahá é tsú aní klóntó. ⁷ Anitedá Bulu asón ámu ókan ónókwalisó pú Bulu túmitó. Yilébwe gyí isá-akótá anidépukó ahá, anidéputin aní iwí é. ⁸ Ako búto bú aní, ako é búto sópa aní. Ako bútekánfó aní, ako é búto kpró aní. Aní asón da ókpa, táme bode aní bu afunupú. ⁹ Fé anumégyí toto ahá ansító, táme ahá anígyí. Fowun aní fee anidéwu ní, táme kí, aníbu nkpa. Botesian aní mó, táme anitedáhlí mótó. ¹⁰ Aníbu iwí asón, táme Kristo su aníbu ansigyító. Ahiánfó anígyí, táme anílahá ahá bamlí iwí anyapó. Anumá toto, táme aníbu tógyító Kristo su.

¹¹ Korintofó! Anitehíé nyá mli iwí ansigyí, lé iwíto bláa mli asón. ¹² Anitamakólá iwí mli su, táme mli mó mli dé iwí kolá aniso. ¹³ Nde mli asón bláa fé mí onótó abí. Mli é mli mápu asoansu njáin aní.

Ómátófo Pogyi Mba

¹⁴ Mliha ómátófo mli mágyi mba. Nkálí yilé móa lalaha bétalí tsíá tsukole? Nkálí wankí móa oklún é bóbwe kole? ¹⁵ Kristo móa Óbonsám* bétalí bwé agywuun kole? Ekekekeke! Nkálí ohógyipú móa óhá aní óma hógyi bóbwe kole?

¹⁶ Nkálí bótswe ókpi Bulu ótswékpa? Tsúfée anígyí Bulu Ókiankpa pu amu ótswékpa ní. Igyi fé ahá bəwanlín wá Bulu asón ámoto bee,

“Bulu óbée, ‘Netsiá mí ahátó,
mía amónyó abénatí.

Nóbwe amó Bulu,
amó é bóbwe mí ahá.’ ”

¹⁷ Bəwanlín wá Bulu asón ámoto é bee,
“Aní Wíe Bulu óbée,
‘Mli dalí amótó, amlíman iwí lé amósó.’ ”

Betrá wanlín wá Bulu asón ámoto bee,
“Mli máwa íbí lalaheto,
mí anho mli.”

¹⁸ Betrá wanlín wá Bulu asón ámoto bee,
“Bulu óbée, ‘Nóbwe mli Sí,

“Bulu óbée, ‘Nóbwe mli Sí,

* 6:15 Paulo léti Óbonsám óbée, ‘Belial.’

mli é mlóbwε mí abí.
Alí aní Wíε Otúmípo déblí ní.”

7

¹ Mí apíó adwεpó, Bulu lahié ntobiá igyi alí yáí aní. Mó sù mliha afwí ibí lε tógýtáá íbókpoi aní oýulúv pó aní okláa fεétó. Mliha anya Bulu ifú, méní íbéha aní iwí bétun, ifin kóko méεtrá tsia aní iwí.

Paulo Ansigyí

² Kókoli, mlimákólá iwí anísv! Anímókópó lalahe gyi ohaa. Anímókóyíntá ohaa, anímókósísi ohaa é. ³ Megyí ipón ndε mli ha só ndε asón ánfí blí. Tsúfé nablí bōtsun mbéε, anitekile mli asón. Lowutó o, nkpató o, anuméetan mliεv εkekeεεε. ⁴ Ntetalí bla mli mí klontó asón, ndε iwí é tsu mliεv wankláán. Aní ipian fée óma a, mliławá mí ateto-onlin. Ansigyí kponkponnti kv labólá mí klontó.

⁵ Tsúfé bréá anilówie Makedonia a, aníménya okpa dá okpónó. Atsun nfi asón, ayínki nfi itré. Mó sù ifú letsia aní ayeto. ⁶ Táme Buluá otolwíí ahá amóv iwí lawú amó iklon amv lékpa Tito ba aní, pólwíí aní iklon. ⁷ Megyí mv íbá amv nkóle léha iklon lólwíí aní, mbouín asón aní okpotsúa mv ba é. Ólebláa aní óbée, mlihié mliédékléá mlówun mli. Alíá asón amv lahan mli, mliánú iwiasí aní mliomébi bwé pó alíá mlialahié tsúlá dínká mí klésv, sv ansí letrá gyi mli tsia.

⁸ Tsúfé ní mí oýuló amoto asón lehan mli kórará á, mí mó imehan mli. Ibv mótsá ilehan mli bré kotó, tsúfé nowun aní ileha awirehó lékítá mli kpalobí.

⁹ Ansí de mí gyí séi. Megyí alí ólwa mli awirehó sv. Mbouín alíá awirehósv amv ílahá mliładámli klontó sv. Tsúfé mli awirehósv anfi odu Bulu tekle n. Mó sù mí asón amv imeyíntá tótó tsú mli iwí. ¹⁰ Tsúfé awirehósvúá igyi Bulu apé tópv klontódamli bá. Itéhá anitenyá nkpa. Mó odu bv ósun, táme ima ósun. Óyító awirehósv mó á, lowu itópóba. ¹¹ Mliki tóá awirehósvúá igyi Bulu apé latí há mli! Ílahá mliłatsú ikv lé asón amoto, mliłésvúná aní mli asón da okpa sv óbló é de mli. Íłatsíí mli opúní, ílahá mlihié mliédékléá mlówun mli, mliłatsúlá dínká mí klésv. Mlihié mliłédévká aní mliébití lalahe óbwεpó amv ísv. Lélé, mliłalé súná aní mliomégyi pón asón ánfíto.

¹² Nōwanlín oýuló sísi mli, táme megyí ahá ánfí sv. Megyí óhá amóv ólóbwe ílá, ntéε óhá amóv okpóv ílá gyí mv amv sv. Alíá néle súná mli Bulu ansító aní mliłatsúlá dínká mí klésv mbouín sv. ¹³ Iní lahié wá aní ateto-onlin.

Móá ídōn kórará á, ansí legyi aní, bréá anilówun aní mli fée mliłahá ansí de Tito gyí, tsúfé mliłahá iklon ladí mv asi. ¹⁴ Ní nekanfó mli mv ansító kórará á, mliłéha péli mekítá mí. Alí amóv asón amóv anilébláa mli amv fée igyi okwawali amv a, alí kanfó amóv nekanfó mli mv ansító amv é laba móts ní. ¹⁵ Ní Tito okáín alíá mí fée mliłeyaa asv há mv, hv mv asv blíhé, pó alíá mliłenyá ifú kpínki mv ansító á, ótetráa nya mli iwí ódwe tsia. ¹⁶ Ansí íhié de mí gyí aní nétalí pó ansí dínká mliεv okpagyíokpasv.

8

Akristofó Atókie

¹ Apíó, anidékléá mliłbí awítoléá Bulu lawá há ópasua amóv búbv Makedonia ómátó amv. ² Iníá búbv ipian móa asv wunhe tsótsótsótsó kórará á, bōpv amóv ohian futúúúúú lé amv awítolε kponkponkponnti súná ansigyísv tsvn amóv atokiehét. ³ Néblí mbéε, bekie atóv dun alíá bétalí kórará, tsú amóv klontó. ⁴ Betsiá kólí aní okpa bεε, ahá amóv é abōnya okpa wa awítolε ha Bulu ahá aní búbv Yerusalem. Fówun amóv é amóv íbí bōwie osum agyómá ánfíto. ⁵ Bōbwe

dun alá anúlósusúu. Gyankpapu a, besi amó iwí há aní Wíe, belási amó iwí há aní Bulu apétó. ⁶ Mú su anilahá Tito amóú olegyankpá beha mlíówa nsi ámu aníaa, ótráa yinki beha amlíwa nsi mō mli awitōle agyómá ámu ónó wankláán. ⁷ Mlilafon ókpagyíókpasu, tsúfē mlihié mlibu hógyi, mliyin tói, mlilétun ansí. Tató tamakpən mli, mlitehié dwé aní é. Ndekléá mlibóo mbódi awitōle agyómá ánfí étó dun óhagyíoha.

⁸ Mmedé mli hie mbéé, mlibwéé mó. Mboun ndepu mli ódwe kápú akvá bodeprú aní amó é bóbúá. ⁹ Tsúfē mliyin alá aní Wíe Yesu Kristo lódwe ahá, wá awitōle. Iwí onyapó ogyi tēki, táme aní su ólobwe iwí ohíáni, méní abótsun mu ohian ámu su bwé iwí anyapó.

¹⁰ Mí agywun gyí, ní mlómó agyómá amóú mliléfi así ofiku ámu ónó á, íbówa labi há mli. Tsúfē mligyí ópasua gyankpapu aní mlibówe agywun ámu, mli kén léfi mó así. ¹¹ Mliwuna bwe mó mō ónó. Mlile iklontó bwe mó, fé alá mliléfi mó así. Mlikie mó mli ówunlín ónó, méní íbēkanáa agywun amóú mlibówe ámu. ¹² Ní íhié igyi mli apéá mléha á, mlikie tóá mlibu. Mótegyi Bulu ansí, megyi móá mluamá.

¹³ Megyi bēe, anidēkléá abéha iwí bólwií akó, iwí ikli mli mó; mboun alá iwí bólwií mli amónyo féé kékéé. ¹⁴ Séi mlibu ató tsotsóá mlétalí póbóá amó. Mó mó ní iwá alé há amó, iwí lekli mli é á, amó é bétalí búa mli, méní mli amónyo féé mlénya kékéé. ¹⁵ Mlikain aní Bulu ason wanlínhé amu lébli óbēe, “Óhá amóú ólekpa tsotsótsó amu ménya mó dōbi. Óhá amóú ólekpa kpalobí amu é klé lōfon mu.”

Tito Mva Mv Aba

¹⁶ Adá Bulu ipán aní alahá Tito é latsulá dínká mli klésu fé mí. ¹⁷ Bréá anúlówa mu aníaa óbá mli wá á, olotsulá. Mu onutó óó, íbu mu ódwe aní óbétrá ba ínu. ¹⁸ Anidé mva opió óku wa sísí mli. Ópasua ámu féé bode mu kanfó, ason wankláán ámu ókan da su. ¹⁹ Makedonia ópasua ámu féé léle mu aní ania múnyo anátí ki, ahó atokiehé ámu ya Yerusalem. Anidé ató ánfí bwe pówá aní Wíe numnyam, méní íbósuná aní aní onutó latsú dínká iwísu aní abóbwe mó.

²⁰ Anidé aní iwí kú wankláán, méní óhaa méele aní ílá, tsú alá anúlópu anidé atokiehé ámu su kú. ²¹ Tóá anidésusúu gyí, alá abóbwe móá ída ókpa Bulu mva anyánpósa féé ansító.

²² Iní su anlapó aní apió ámuvo óku mántá Tito anásó. Anlasó mu ki, anlawun aní óhíe óbu nsi. Alahó mli gyi séi. Mó su óhíe odekléá óbētsa aní agyómá ámu yo. ²³ Ní óku léfité musu á, mlibla mu mliaa, mía múnyo dé agyómá yo pósúm mli. Makedonia ópasua lówa apió atráhe amóú mva amónyo bebá ámu. Iní désuná aní Kristo bode numnyam wa. ²⁴ Mó su mlile mli ódwe suna amó. Isuna ópasua ámu féé aní mli su aníbu ókpa tsú iwí.

9

Akristofá Bvma Təto Bvə

¹ Imehián aní nówanlín mli ówóló tsú alá mlidé Bulu ahá aní búbu Yerusalem búá iwí. ² Tsúfē nyin aní mlihié mlidēkléá mlóbúá amó. Nagyi mli iwí adánsie súná amó mbéé, tsú ofiku ópá Akristofá búbu Akaia ósolósu beda iwísu yáí aní bóbúá. Mli nsiwa lahá ogyá ku lawíé amó ódubvoto. Mó su amó é bafi mó así. ³ Táme nde apió ánfí wa sísí mli, isuna aní megyi kpaali negyi mli iwí adánsie súná amó. Mliida iwísu, fé alá nebláa mli yáí, amlika mli tswitswí féé. ⁴ Tsúfē ní Makedonia Akristofó ámuvo akó bobuo mu ba ínu, bowun aní mli mómókódá iwísu fé alá nebláa amó á, abósópáa amó ansító, táme mlósópáa dun mli. ⁵ Mó su nabwé agywun aní néha Tito mva mu aba ámu abugyankpa

ba mli wá, iha amlidunka tóá mliélhie ání mliéha yái. Táme mliha mó tsú mli kluntó, megyí ohíé igyi.

⁶ Mlikaun ání ohá ání odú kpalobí á, kpalobí otokpótí, táme ohá ání odú tsotsó tokpótí tsotsó. ⁷ Mlito okugyiáku oháa móá obétalí tsu mu kluntó. Imábwe ohíé, tsufé ohá ání otapú odwe kíé ató asón Bulu tekle. ⁸ Bulu tēhá mli tóá mli déhián brégyibré, don alá ilehián mli. Mó su mlénya tóá idé mli hián brégyibré. Ibófon mli sian, mlópubwé yilé há aha bambá. ⁹ Fé alá bōwanlín wá Bulu asón ámuto beé,

“Bulu oha telé iwito kíé ahianfó ató.

Mu yilébwe tamatá.”

¹⁰ Bulu tēhá adotapú ató-abí butodú, otehá ahá atogyihe. Mligyi fé amó. Obéha mli ató-abíá mlópuáku kíé ahá, atogyihe tsotsotsó bédalí tsu mli yilébwe ámuto.

¹¹ Obéhie yúlá mli okpagyiákpasu, méní mlówa awitole há ahá brégyibré. Inu ibéha ahá ámu bēda Bulu ipán, ató ámúú mli lapótson anisu há amó ámu su.

¹² Tsufé atoku anyo obédalí tsu mli ató hahé ánfito. Megyi ató ámúú mli lapóhá Bulu ahá ámúú ató de amó hián, bōbu Yerusalem amu nkole, mbouin ibéha ahá tsotsotsó béhie dá Bulu ipán. ¹³ Tsufé ní mliéha amó á, ibéha bēkanfó Bulu. Ibósuná ání lélé mli dé Kristo ason wankláán ámúú mli lóho amosu gyí, mli dé awitole é wa há amó aha bambá. ¹⁴ Béhie káin mli su, bó mpái há mli, tsú awitole kpónkponti ámúú Bulu lapóhá mli ámu su. ¹⁵ Adá Bulu ipán há mu atokiehé ánfí idon blí ánfí!

10

Paulo Gyumagyihe Onóle

¹ Ibo mó tóá mlito aku mli tēblí mliha, ní mbu mli wá á, mí asón lolwií, táme ntōwánlín mí nwoló tūmisu. Táme mí Paulo nde mli kokóli mbéé, mli pókí alá Kristo asón lolwií, oleba iwasi. ² Mlito aku bodeblí beé, mí bwehé lalian oyi tó ahá. Mó su ní netrá ba inu á, nawun ání ilehián ání mí ansító bōwa onlun. Kókoli, mli máha ampu tsiátó anfi odu ba inu. ³ Ibo mó tóá oyi ánfito anibu, táme megyí oyi ánfito agywun anidépukó isá. ⁴⁻⁵ Megyi oyi tó akotó anidépukó. Bulu akotóá ibu túmi anidépúbwíé okpikplikpa kugyiáku itókósó líí Bulusu. Anitópoyintá afunu asón kugyiáku ahá butópótú iwí, itehá amó butamabí Bulu. Anitópódámli agywun laláhe kugyiáku, há itobú Kristo. ⁶ Ní mli aha tráhe amu mli lapó iwí há Kristo, mli dé mu asónsú gyí a, abébutí ahá ámúú bode asot-onlun wa ámu é asu.

⁷ Mli kōnwali amóú ida mli ansító ámu. Ní mli dékiá Kristo bó mli á, mó mó mli kó mó wankláán, amlibi ání mubó aní é. ⁸ Ní nde iwí tsu túmi ámúú aní Wíe lapóhá aní ámu su dōbí a, ima mí péli. Tsufé olophá aní obéé, apóbuha mli amlidan. Megyi obéé, apóyinta mli. ⁹ Imábwe mli fé nde nwoló wanlín, pówá mli ifú. ¹⁰ Tsufé aku beé, “Mákpá Paulo. Mu ason wanlínhé bu odwin, otapóhié ahá. Táme ní mu onutó obu aní wá á, lolwií, mu ason blihé é ima ibíá!” ¹¹ Iwánki ahá ámu ání asón ání anitōwánlín sísí ahá kén anitōbwé ní anibu amó wá ní.

¹² Lélé mó á, amendí anigyiá abópu iwí kápú ahá ánfí bode iwí kanfó ánfí? Amó wolewole dépu iwí kápú aba, bode ansí pudínká abasu. Mimlá igyi amó.

¹³ Aní mó anumóotsu iwí dáfá, mbouin okpa ámúú Bulu léhie há aní ámu onó abótsu iwí fon. Mógyi agyómá ání anlabwé bōtu mli ní. ¹⁴ Anidégankpá pó Kristo ason wankláán ámu ba mli. Mó su ní anidé mli asón bláa a, anumókótí dáfá. ¹⁵ Animédépu oháa agyómá é tsú iwí. Mbouin anidé okpa kíí ání mli hógyi bédan. Agyómá ámúú anidéyo mlito ámu é ibékleí tsía. ¹⁶ Mó mó abétalí dáfá

mliṣo yéda ason wankláán ámu okan omá bambá ésó, ménì umóobwé fé anlapó otínéá oko lagyankpá yó agyómá tsú iwí.

¹⁷ Táme Bulu ason wanlínhé amu léblí obéé, “Ohaгыíoha ání obéé, mótsu iwí á, opóu tóá aní Wíe labwé tsu iwí.” ¹⁸ Tsúfé ní Bulu okánfó fó gyí asón, iwí kanfó mó kpaali ígyi.

11

Paulo Mva Sumbí Ayópó Afunupu

¹ Mlɔnya klɔn, amlɔnu mí mimlála kpalobí ánfí asú! Kókoli, mlɔnya klɔn ha mi. ² Mmesi mli tswí fé aliá Bulu tamasí mli tswí. Tsúfé mligyí fé obitebíá omeyín oyin, napó mli há oyin okole, ogyi Kristo. ³ Táme ali ámuú iwó ámu lópɔ mu alape mlé Hawa amu á, ifú de mí ání oko obémlé mli, mli ansí bédinkí onokwalíwa pó odwé wankíhé amóú mliḃu ha Kristo amosu. ⁴ Tsúfé nyin ání ní oko obá bēda Yesu bambá oko iwí asón okan súná mli, imegyí omuamóú aniléda mu iwí asón okan súná mli ámu a, mlókɔsí hogyi. Ní mlenyá oné bambá kwá una otsan há múámúú mlilégyankpá nyá ámu é á, mlóhó mó gyí. Ali kén ní mlonú ason bambá ání una otsan há múámúú anilébláa mli ámu é á, mlókɔsí hɔ móúú gyí ní!

⁵ Mmedéhogyíá ahá ánfí bɔde iwí tí “Sumbí ayópó akpɔnkpɔntí” ánfí bɔdɔn mi okpa okokosu. ⁶ Ní mmeyín tóí kóráá á, nyin asón ání ndeblí. Nahogyíá anulahá asón ánfíto dawánkí mli okpagyíokpasu.

⁷ Iníá nɔpɔ iwiasibá pó obú há mli bréá nēda Bulu ason wankláán ámu okan súná mli, mməhɔ mli tɔtɔ su yéé tsitsa nɔbwe á? ⁸ Opasua bambá ató nəswií, póbá bɔyɔ agyómá há mli. Mó su nətali súm mli, mməhɔ mli tɔtɔ ní. ⁹ Bréá mbu mli wá, iwí lekli mí á, mmesi ipian tswí mlitɔ okokosu. Mboún apíó amóú bɔtsu Makedonia ba amu léha mí mí atohiánhe. Iní su mmesi ipian dínká mlitɔ okokosu, mméesi dínká é. ¹⁰ Iníá onokwalí nenyá ndeblí tsú Kristo iwí mó á, ohaa méetalí ká mí itin obéé, mmápu asón ánfí tsú iwí Akaiá osólósu féé. ¹¹ Ntogyi so? Ntamadwé mli lóó? Ekékeke! Bulu yin ání ntɔdwé mli!

¹² Nóbwe mí agyómá fé aliá nde mó bwe dodo. Nóbwe mó pótin amó okpa, ní bɔde iwí tsu bēe, gyuma kole ania amónyɔ anidébwe. ¹³ Afunupu bɔgyi. Bapina bwe iwí fé Kristo sumbí ayópó, bɔna bɔde mli mlé. ¹⁴ Táme ima wánwan! Tsúfé Obunsám kóráá teki ansí bɔwé iwí fé Bulu-obopu wankíhé! ¹⁵ Mó su ima wánwan ání mu asúmpó anfi é bapina bwe iwí fé yilé abwepó. Amó onómɔ bēle amó bwehé kugyíku owan.

Paulo Ason Wunhe

¹⁶ Ntráa nde mli bláa mbéé, ohaa mábu mí oha mimláhe. Táme ní mlidé mí bu ali óó á, mlitsu mó ali, mí é anya okpa tsú iwí kpalobí. ¹⁷ Aní Wíe tamatí ali, táme nabwé iwí fé oha mimláhe. ¹⁸ Ahá tsɔtsɔtsɔ bɔtotsú iwí fé oyító ahá, su mí é nótswu iwí. ¹⁹ Ee á, iníá mlíaa atiansipɔ mligyí óó á, mlitotsúlá há aha mimláhe. ²⁰ Tsúfé ní oko opó mli bwe nkpábi kóráá á, mlitotsúlá. Ní opó mli nyá iwí, ogyi iwíe mliṣu, obú mli tɔkɔ odu, odá mli isɔtɔ kóráá á, mlitotsúlá há mu. ²¹ Mlia mma ansítɔ-onlun. Ee, natsúlá. Mí klé ma inu.

Táme tógyítáá oko labwé odepútsu iwí á, mí é nətali pó mí kle tsú iwí. (Táme nahogyi ání igyi mimlála.) ²² Ní bēe Hebrifó bógyi á, mí é Hebriyin ngyi. Ní Israelfó é bɔgyi á, Israelyin mí é ngyi. Ní bēe bɔtsú Abraham abí-anátó a, inu mí é nótswú ní. ²³ Bēe Kristo asúmpó bɔgyi? Mbli mó mimlásu, ndun amó! Nayiri iwí yó agyómá dɔn amó. Nadí obu dɔn amó. Badá mí dɔn amó. Nesian wu bré tsɔtsɔtsɔtɔ. ²⁴ Yudafó banwén mí mpli tsé adɔvasa-kwebá (39) tse nu kéké.

²⁵ Romafó é bapítí mí ató tse sa kéké. Bèda mí abwi ótsáwòlè. Tse sa kéké ntsusu-yibi labun mí, nasin ntsutso ekewóle owító. ²⁶ Mí okpa tsòtsòtsò tutó á, nafá ntsu akpònkpònti, natsun ogyo atswapó ibuto dáli. Natsun ómá bábásófó pò aní pì Yudafo fée ibuto dáli. Natsun awúlusu pò adimbísó, nafá òpù. Natsun ahá ámóú bódè amó iwí tì bée, Akristofó ámò aná fée ibuto dáli. ²⁷ Nayó agyómá kpekplé, ìlatsán mí kí. Ntamadífí nkékó. Ntetsiá akón móa ómewóli, nteklí ónó, ntedí atsalí, náti yayá aná fée. ²⁸ Iní fée ómá a, tóá idun mí klònsu, ntogywíin mó iwí ekekegyíeke gyí ópasua ámò fée aléwa. ²⁹ Ma lópòn, mmotsu kòkò lé mó asóntó? Ma bèkpa wá lakpantó, umòwa mí óbló.

³⁰ Ní bée ntsú iwí á, ntobíá itehá mí hógyi teba así nópòtsú iwí. ³¹ Bulu, ogyí aní Wíe Yesu mó Sì, òlekanáa kanfó bré féeétó ámò yin aní mmedé afunu wa. ³² Owíe dehen Areta léha mó ómású ókípù léyete mí Damasko wúlú ónó, ókita mí. ³³ Táme bòpù mí wá lakpátó, lé mí tsum ikwitó, kplí mí yí buntíi aní bopwe wá wúlú amò ómá, nésrí sí mó.

12

Paulo Atowunhe Pó Mv Ató Lesundhé

¹ Ilehían aní nòtsu iwí, támé tótòtò uma iwítsútó. Táme mbli atóá nowun pò tóá aní Wíe lalé súná mí. ² Nfí dúana (14) ní, bòwan mí ya ósósú saasíto. (Mí nyankpòsa-oyí lóyo unu o, mí òkláa o, mméetalí bí. Bulu nkole yín.) ³⁻⁴ Fé alíá nakóblí á, bòwan mí ya Paradiso. (Mí nyankpòsa-oyí lóyo unu o, mí òkláa o, mméetalí bí. Bulu nkole yín.) Nonu asón aní uma blító, óhaa é má okpa blí mó. ⁵ Nétalí pò itó ámóú nowun amò tsú iwí, támé mmóòpù mí ató bwéhé tsú iwí. Ntobíá itehá mí ówònlín ónó teba así ntópòtsú iwí. ⁶ Ní mbée nòtsu iwí kórará á, mmóotsu iwí fé óha mimláhe, tsúfé nébli ónòkwali. Táme mmóòbwe. Mmedékléa óhaa ókí mí dafa ahá mí tsiátó gyí, ntée asón ámóú nòpùba amò.

⁷ Ahá mmóòpù ntobí ánfí ìbù ifú, ìbù wánwan, Bulu lalé súná mí ánfí tsú iwí sù á, ólòpù owu kò wá mí awútó, igyí Òbunsám-òbòpù. Itedá wò mí, méní mmóòtsu iwí. ⁸ Nakókólí aní Wíe Yesu tse sa kéké mbée, ólé itó ámò mító. ⁹ Táme asón aní ótebláa mí brégyibré gyí, “Mí awítòlè pé gyí tóá fehían. Tsúfé óhá aní mó ówònlín ónó laba asító mí tùmí tēhíé lín ówan.” Iní sù ìbù mí ansigyí aní nòpù tóá itehá mí ówònlín ónó teba así tsú iwí, méní Kristo tùmí ámò ìbēhíe bun misù. ¹⁰ Kristo sù ansí bégíyí mí brégyibré. Ní mí ówònlín ónó ìba así, bódè mí sia, mbù ìkplántó, bòdin misú, ntée iwí de mí ósun, tsúfé ní mí ówònlín ónó ìba así á, mó ntelányá ówònlín ní.

Korinto Ópasua Iwí Asón

¹¹ Nabwé iwí fé óha mimláhe, támé mlíháhá ìlaba alí. Tekí ilehían aní mléblí ason wankláán tsú mí iwí. Tsúfé ìbù mótsá mmegíyí tótó, támé ndon “sumbí ayòpó akpònkpònti” ánfí mó. ¹² Bréá mbù mlí wá á, notomi bwé tóá ìbù wánwan pò osúna móa ofúla ótsan-òtsan, pòsúná mlí aní lélé sumbí ayòpó ngí. ¹³ Ntò dé mlí háan? Tóá nòbwe mlíto, mmòbwe ópasua bábátó gyí, mmesí iwí tswí mlísu. Kókoli, mlísikie mí!

¹⁴ Séi á, otse saasi ndebwéá néba mlí wá á. Mmèeba besi iwí tswí mlísu, tsúfé mmedé tótó fité tsú mlí wá. Mlí onutó ndehían. Kebi tamatsú mó sí wá akònkò, mó sí tótsú mó wá akònkò. ¹⁵ Ìbù mí ódweá néyintá tógyítóá mbù mlí sù, sí mí iwí fée kórará há mlí. Iníá nde mlí dwe òbù alí á, ntogyí sù ódweá mlí mó mlíbù há mí sío dednkí?

¹⁶ Fíalí mldawun aní lélé, mmèeba besi iwí tswí mlísu, támé mlídéblí mlíaa, nofwífwí ansí. Ndepù ató tsòn mlí omuá wá mlí ónó. ¹⁷ Okpa ómòmòsù? Nòtsun ahá ámóú nòwa mlí wá ámòtò ókòsù sísi mlí lóó? ¹⁸ Bréá nokokólí Tito, nòwa

mwa anɔ pɔ́o Okristoyin amɔ mli wá mé, olebesisi mli? Ekekeke! Tsúfɛ agywun kole mía mɔnyo anidɛpɔbwé toku kole.

¹⁹ Fialɔ mlidɛ mó tsu bré ánfɛtɔ fɛ́é mliaa, anidɛtɔ́ póká iwɔ lé. Megyí alɔ igyi. Akristofɔ anigyí, anidɛtɔ́ Bulu ansítɔ. Mí adwepó, anidɛ tógýtɔ bwe pówá mli ɔwɔnlín. ²⁰ Tsúfɛ ifú de mí aní nɛba mlimétsie wankláán. Mó sɔ mí asɔn blihé bɔ́wɔ mli asɔtɔ. Fialɔ nɔ́bɔtɔ itré, ɔnsɔpɛ, ɔblɔ, olu, ahásia, ahá iwɔ asónbli, iwɛtsú pó abasɔda mliɔ. ²¹ Nhíé ndɛ ifú nya aní ní nɛbá unɔ á, mí Bulu ɔ́bɛtrá ba mli asɔ mli sɔ. Nósu, tsúfɛ mliɔ akɔ mlimókósi mli lakpan dada amɔ bwe, dámlí klɔntɔ sí mbɔatɔ, hakpanla pó ɔwɔli laláhe amɔ.

13

Iklá Pó Oláda

¹ Otse saasi nɛbá mli wá á. Bulu asón lebli ɔ́bɛé, “Asa mléha ɔku ipón á, mliɔ adansifɔ abanyó ntéé abasá ɔ́nɔ.” ² Bréá nɛba mli wá otse nyɔɔsi a, nɛda ahá ámóú bɔde lakpan bwe ámu fɛ́é ɔ́lá. Ntráa ndɛ amóa aha tráhe fɛ́é ɔ́lá da, tsúfɛ ní nɛbá unɔ á, néhie bití amó isɔ. ³ Tsúfɛ mlidékéléá mlébi aní lélé Kristo détɔ́ tson misɔ. Kristo ɔwɔnlín ɔ́nɔ makóba asi mliɔ. Mɔ túmi é ihíé tɔ́ ɔ́mliɔ. ⁴ Ibu mótɔ́á mɔ oyikpalihɛsɔ lowu ilosuná aní alapɔn, táme séi á, otsie nkpa Bulu túmitɔ. Bréá ania mɔnyo anilɔ́bwe kole a, anilɔ́pɔn, táme séi ania mɔnyo anitsie nkpa Bulu túmitɔ. Mó anidɛpɔkpá mli ní.

⁵ Mliɔ mli nɔwɔntɔ kɔ bɛɛ, ahógyipɔ onutó mli gyí? Mlikapɔ mli iwɔ kɔ bɛɛ, lélé Kristo Yesu bɔ mliɔ? Mliɔwun aní ɔ́bɔ mliɔ? Ní mlimókówun mɔ mliɔ mó á, mó mó megyí ahógyipɔ onutó mli gyí. ⁶ Nahogyiá mléba bebɔ aní Kristo ahógyipɔ onutó anigyí. ⁷ Anidɛ Bulu kokóli aniaa, mliɔmátrá bwe laláhe kɔku. Megyí alá ibósuná aní anigyí Kristo ahógyipɔ onutó sɔ. Táme ní ahá bɔdekú bɛɛ megyí Kristo ahógyipɔ onutó anigyí ó á, ɔ́há mli mó amlɔbwe tɔ́a ida ɔ́kpa.

⁸ Tsúfɛ anɔ mó animéetalí kóúú lí ɔ́nɔkwali asón ámɔsɔ, don aní abéha mó ibóyɔ nkpa wɔle. ⁹ Ní anɔ mó anɔ ɔwɔnlín ɔ́nɔ laba asɔ, mli klé ilawá ɔ́nɔn á, ansí bégyi anɔ. Tɔ́a anidɛ Bulu kólí gyí, ɔ́há amlilalu kinkínkín, amlidan Kristo hógýtɔ.

¹⁰ Inɔ sɔ nagyankpá ndɛ ɔ́wɔlɔ ánfɔ wanlín sísi mli, asa amba unɔ ní. Mɛni ní nɛbá á, mmóobotsu ibɔ mliɔ. Tsúfɛ ndekléá nɔ́pɔ túmi ámóú anɔ Wíe lapóhá mí ámu búa mli amlidan. Mmóɔpuyíntá mli.

¹¹ Apíó, itráhe a, ansí igyí mli. Mliɔ mbódí amlidu kinkínkín, amlidan Kristo hógýtɔ. Mliɔwá aba ɔwɔnlín. Mli agywun ibwé kole, amlitsia iwilwiitɔ, mɛni Bulu ámóú ɔ́tɔdwé anɔ, ɔ́tɛhá anɔ iwilwii amɔ obétsiá mliɔ bré fɛ́é. Nehá mli itsiá gyágyáágyá.

¹² Mliɔwá aba itsiá, amlilata aba puta ɔdwɛsɔ.

Bulu ahá ámóú bɔbɔ nfi ámu fɛ́é behá mli itsiá gyágyáágyá.

¹³ Anɔ Wíe Yesu Kristo bɔwalegyí, Bulu ɔdwɛ pó ɔ́ɔhe Wankíhé kolɔbwe itsia mli fɛ́ésú.

Ɔwulá Paulo Lówanlín Sísí Galatiafó

¹ Mí sumbí ɔyɔpó Paulo dé ɔwuló ánfí wanlín. Megyí anyánpósa ntée ɔhaa lówa mí. Yesu Kristo mva aní Sí Bulu ámóú ɔlókúsa mú tsú afúlitó ámu lówa mí. ² Nde mú wanlín sísí ɔpasua aní ɔbu Galatia ɔsulósu fée. Mía Akristofá búbu nfi fée anidé mli itsiá ha ania,

³ “Aní Sí Bulu mva aní Wíe Yesu Kristo búgyi mli buale, abuha mli iwilwii.”

⁴ Yesu anfi lési iwí há bómó mú aní lakpan su, méní ɔbélé aní tsú ɔyí laláhe anfito; fě alí ámóú aní Sí Bulu léhie yáí ámu. ⁵ Akánfu Bulu bré fée. Amen!

Ason Wankláán Kòkò Má Inu Ōma

⁶ Mli Galatiafó, mli iwí lawá mí ifú aní mlilawúna yínkí Bulu ɔma. Bulu lótsun Kristo awitalesu tí mli ɔbée, mlubóbwe mú ahá. Mliki alíá mlilawúna mlidé ason bambá hóo mlíaa, múgyí ason wankláán ámu. ⁷ Táme ina ɔsan há ason wankláán ámu. Aha akú dékléá báyintá mli agywun, abutse Kristo ason wankláán ámu. ⁸ Táme ní aní, ntée Bulu-ɔbɔpɔ ɔkú kóráá lótsu ɔsúsú bá, beda ason wankláán bambá kú ɔkan súná mli, ina ɔsan há mú ámóú anilébláa mli ámu a, Bulu ɔlwí mú. ⁹ Nakó blí asón ánfí, táme ntráa nde mli bláa mbée, ní ɔkú ɔbá beda Bulu ason wankláán bambá kú ɔkan súná mli, ina ɔsan há mú ámóú anilébláa mli ámu a, Bulu ɔlwí mú.

¹⁰ Megyí bée, ndekléá ahá búdwée mí. O-o! Bulu mbóun ndekléá ɔdwée mí. Ní ntráa ndekléá ahá búdwée mí á, tekí mmegyí Kristo osúmbi.

Paulo Sumbí Ɔyɔpó Bwe

¹¹ Mí apíó, ndekléá iwánkí mli aní Bulu ason wankláán ámóú nde mú ɔkan da ámu imotsú nyankpɔsa agywuntó. ¹² Megyí ɔhaa wá notsúa mú, ntée ɔkú lósuná mí. Yesu Kristo onutó léle mú súná mí.

¹³ Tsúfě mlilanú mí tsiátó asón, alíá ngyi bréá mbuo Yudafó-osum ámu, pú alíá nehie dínká Bulu ɔpasua ámu su, nɔbɔ mbódíá néhu amó fée. ¹⁴ Nohɔ gyankpa mí abato Yudafó-osum ámutó, pú alíá nɔwa nsi gyi mí anáin amándíe kugyíkusu.

¹⁵ Táme Bulu lówa awitále há mí. Ɔlele mí yáí tsú bréá mbu mí yín iwitó, ɔleti mí ɔbée, nyó mú agyómá. ¹⁶ Ɔlele mú Bi ámu súná mí, méní néda mú iwí ason wankláán ɔkan ahá aní búmegyí Yudafóto. Mmɔyɔ ɔhaa wá mbée, osúna mí asón alí bré ámutó. ¹⁷ Mmɔyɔ Yerusalem mbée, noyówun Kristo sumbí ayɔpó ámóú búbu inu asa neba ámu é. Mbóun nenatí laa yó Arabia ɔsulósu, neyínkí ba Damasko wúluto. ¹⁸ Yesu léle iwí súná mí, mú ofi-saasito á, nɔyɔ Yerusalem yówun sumbí ɔyɔpó Kefa aní butetráa tí mú Petro, netsiá mú wá nke dúanu (15). ¹⁹ Mmetrá wun sumbí ɔyɔpó ɔkókú dun aní Wíe Yesu mú gyama Yakobo.

²⁰ Ɔnɔkwali asón ndewanlín sísí mli. Bulu yin aní mmédé afunu wa.

²¹ Mú ɔma a, nɔyɔ Siria pú Kilikia ɔsulósu. ²² Alí bré ámutó á, Akristofá ɔpasua ámóú búbu Yudea ɔsulósu ámu búmákúnyá bí mí. ²³ Múá búdenú tsú mí iwí fée gyí, ahá búdeblí bée, “Oyin ámóú ɔdun anisú ámu ná ɔde hógyi amóú anidé mú asón blí, ɔde aní itin ka ámu kén ɔkan da.” ²⁴ Ina mí su bekanfó Bulu.

2

Paulo Mva Sumbí Ayɔpó Atráhe Amu

¹ Nfi dúana ɔma a, mía Barnaba anilékpá Tito buo iwí, yínkí yó Yerusalem. ² Bulu léle súná mí aní nyó inu, só nɔyɔ. Alíá mí agyómá móóbwe kpaali su á,

negyankpá lé asóntó súná ɔpasua ahande amu nkɔle itsétó. Nebláa amó asun wankláán ámóú nna nde mó ɔkan da ahá ání bomegyí Yudafo ́ámó. Botsulá dínká mósó. ³ Ibo mótsá ání Griikiyin Tito amóú anilékpá buo iwí ámu gyí, táme bomehie mu bee, ɔ́tín keté. ⁴ Ibo mótsá Akristofó afunupu akvá beki ansí bowie anúto bekleá ɔ́tín keté. Tsúfě bodunká ání béyintá iwisɔtsiá amóú Kristo Yesu lahá aní ámu; abɔbwe aní amlí nkpábi ha Yudafo mbla ámu. ⁵ Táme animési iwí há amó kpalobí kóráá, méní ɔ́nɔkwaliá ibv asun wankláán ámu ́to iméetse ha mli.

⁶ ɔpasua ahande amóú bɔbv inu ámu bomebláa mī asvansu bee, mpótsia asún wankláán amóú ndeblí ámu ́to. (Iníá nde amó ti ahande kóráá á, megyí bee, amó hande amu ibv mī labi, tsúfě Bulu mó tamaki ɔ́haa ansító.) ⁷ Táme ahande amó bowun ání Bulu lópu asun wankláán ámu há mī ɔ́bée, ndáa mó ɔkan ahá ání bomegyí Yudafo ́to, ^{*} fě ahá ɔ́lɔpohá Petro é ɔ́bée, ɔ́dáa mó ɔkan Yudafo ́to. ⁸ Tsúfě Bulu léha Kefa ání bɔtetráa ti mu Petro túmi, ogyi mu sumbí ɔ́yɔpó Yudafo ́to. Mu kén láhá mī túmi, ngyi mu sumbí ɔ́yɔpó ahá ání bomegyí Yudafo ́to é ní. ⁹ Inu á, ɔ́wankí Yakobo muá Petro pú Yohane amóú bohíe bogyi ɔpasua ámu ɔtan ámu ání Bulu lápú alí agyómá ání kíe mī. Mó sv bɔwa mīa Barnaba ibi, púsúná ání anɔlabwé kɔle. Botsulá ání mīa Barnaba ayó agyómá ahá ání bomegyí Yudafo ́to, amó é abɔvo agyómá Yudafo ́to. ¹⁰ Múá bodunká tsú aní wá gyí, akáin amótsá ahá ání buma tɔtsu. Mó kén gyí tóá ndekléá nɔbwe é ní.

Paulo Iynwa Wá Petro

¹¹ Táme bréá Petro léba Antiokia wúluto á, nɔwa iyun wá mu ahá ansító, tsúfě tóá ɔ́lɔbwe itépi ma ale. ¹² Bréá ɔ́leba a, muá ahógyipwá bomegyí Yudafo ́to wá ibi gyi ató, táme Yudafo ́to akw benya tsú Yakobo wá ba pé, ɔ́lebití iwí lé ahá ámu ́to, tsúfě ɔ́de ahógyipu amóú bee bɔtín keté ámu ifú nya. ¹³ Iníá ndeblí á, Yudafo ́to atráhe amu é bubuo Petro apinabwé ání. Barnaba ɔ́o léyinkí yó obuo amó. ¹⁴ Nowun ání amó bwehé ámu imekanáa ɔ́nɔkwaliá ibv asun wankláán ámu ́to. Mó sv nebláa Petro ahá ámu fěé ansító mbée, “Petro, Yudayin fɔgyi, táme fɔmedé Yudafo ́to amándiésó gyí. ɔ́mátófo amándiésó fudegyí. Ntogyi só fɔde ahá ámu ́to bomegyí Yudafo ́to ámu hie fee, bɔbweé Yudafo ́to amándié ání fakíná?”

Hógyisó Bulu Tɔtsɔn Hɔ Yudafo ́to Pó ɔ́má Bámbsísífo Nkpa

¹⁵ Yudafo ́to lókwí mīa fɔnyo. Megyi ahá ámu ́to bomegyí Yudafo ́to, bomeyín Bulu mbla ámu ́to atsu. ¹⁶ Táme aní Yudafo ́to Akristofó ámu mó anyin ání megyí Mose mbla ámu ́to gyí sv Bulu tɔtsú ɔ́ha ání mu asún da ɔ́kpa mu ansító, nkéti Yesu Kristo hógyi. Mó sv anilahɔ mu gyi, méní Bulu ɔ́bótsɔn mu hógyi amósv há aní asu ní. Tsúfě ní mbla ámu ́to gyí sv mó á, tɔki ɔ́haa méegyí asu Bulu ansító. ¹⁷ Anidédunká ání Bulu ɔ́tsún aní Kristo hógyisv, otsu aní ání aní asón da ɔ́kpa mu ansító. Táme ní Yudafo ́to akw bɔde aní mboún kí lakpan abwepó á, mómú imosuná ání asokpan Kristo dé aní suná a? Ekεεεke! ¹⁸ Ní nakíná Mose mbla ámu, láyó nde mósó gyí á, mómú ilosuná ání ito láláhe nɔyo ndebwe á. ¹⁹ Tsúfě Mose mbla ámu ilosuná ání nawú. Ileha negyi iwí, méní nétsiá nkpa papwe há Bulu. Mīa Kristonyo ́beda mántá oyikpalíhesv ɔ́hétó. ²⁰ Mó sv ntsie nkpa séi, táme megyí mī onutó tsíe nkpa ɔ́sólóv anfisv. Kristo, ogyi Bulu mu Bi ámu tsíe mitó. Mólódwe mī, bowu há mī. Mu hógyi só ntsie nkpa. ²¹ Mó sv mmedé Bulu awítale amu kíná. Tsúfě ní Mose mbla ámu só ɔ́ha obégyi asu Bulu ansító á, mómú kpaali Kristo lówu!

* 2:7 Ahá ání bomegyí Yudafo ́to támatn keté. Yudafo ́to gyi keté atínpó.

3

Mbla Amusu Gyí Ntée Kristo Hógyi

¹ Oo Galatiafɔ aha mimláhe! Ma lálé mli ansí ahi? Megyí mli onutó ansító behié lé suná mli alíá bɛda Yesu Kristo mántá oyikpalíhe, mó mu? ² Nfite mli ason kua kole. Mose Mbla ámusu gyí léha mlílenya Ɔhe Wankíhé amu lóó, ntée ason wankláán amóó mlílonu, mlídé mósó hógyi amu su? ³ Aha mimláhe mlílókku mligyí ahi á? Iníá mlílópu Ɔhe Wankíhé amu tsúa mli Kristotótisiá asi mé, mli onutó túmi mlíaa mlípomó mó onó ngya? ⁴ Kpaali só mlílowun ipian amu fée ason wankláán amu su? Megyí kpaali su! ⁵ Ntráa fité mli. Mli Mose mbla ámusu gyí só Bulu lapó Ɔhe Wankíhé amu há mli, ɔde ofúla é bwe mlito? Ekekeke! Alíá mlílonu ason wankláán amu, ho mósó gyí só ɔlɔpohá mli.

⁶ Mliɔkɔ aní náin Abraham. Ibo Bulu ason wanlínhé amoto aní, “Abraham lɔhɔ Bulu gyi. Mó su Bulu lótsu mu aní mu asón da ɔkpa.” ⁷ Mó su ilehián aní mlébiá ahá amóó bɛhɔ Bulu gyi amu gyí Abraham abí onutó ní. ⁸ Bulu ason wanlínhé amu lébli yáí aní Bulu ɔbótsu ahá amóó bomegyí Yudafɔ amu hógyisu, tsú amó aní amó asón da ɔkpa. Iní só Bulu lébláa Abraham ason wankláán amu dodoodo ɔbée, “Fósó nótson yulá ɔsolósu ahá fée.” ⁹ Abraham lɔhɔ Bulu gyi. Mó su Bulu lóyulá mu. Mó su séi anfi á, Bulu ɔbópu oyúla amóó ɔlɔpoyulá Abraham amu yulá ahá aní bahɔ Kristo gyi.

¹⁰ Táme ilwí dɔn ahá aní amó ansí dɔn Mose mbla ámusu gyisu. Tsúfɛ bɛwanlín wá Bulu asón amoto bɛɛ, “Bulu lalwí ɔhagyíha aní omegyí mbla amóó bɛwanlín wá Bulu mbla ɔwolótó amu féesú.” ¹¹ Séi á, ilwánkí aní ɔhaa má inová mu mbla ámusu gyí su Bulu obótsu mu aní mu asón da ɔkpa. Tsúfɛ Bulu ason wanlínhé amu lébli ɔbée, “Ɔhá aní mu hógyi su Bulu latsú mu aní mu asón da ɔkpa obénya nkpa.” ¹² Mbla ámusu gyí mená hógyisu, támɛ Bulu ason wanlínhé amu lébli ɔbée, “Ɔhagyíha aní otegyi mbla ámusu ɔbótsu mósó nyá nkpa.”

¹³ Táme aní só Kristo lémlí ɔha lwíhé bréá bɛda mu mántá oyikpalíhe amusu. Mó su ɔlele aní tsú ilwí amóó mbla ámu létí há aní amu asi. Tsúfɛ Bulu ason wanlínhé amu lébli ɔbée, “Ilwí dɔn ɔhagyíha aní bɛda mántá oyísisú.” ¹⁴ Kristo lówu, méní Bulu ɔbópu oyúla amóó ɔlehié há Abraham amu kén yulá ahá aní bomegyí Yudafɔ, méní abótsu aní Kristo Yesu hógyisu nyá Ɔhe Wankíhé amóó ɔlehié amu.

Mbla Amu Pó Bulu Nuhé

¹⁵ Mí apíó, mpóu nde tsíatí asón ku flo asón anfi ha mli. Alí amóó ɔha ɔdínká ibwi mu asónsú ɔbée, ɔku ogyíí mu ató, ɔhaa má ɔkpa tse mó, ntée lé ɔku mótó amu a, alí igyi ntam amóó Bulu léka há Abraham amu é ní. ¹⁶ Aní náin Abraham mba mu nanyɔ Bulu léka ntam há. Alí asón anfi imosuná aní mu aná tsɔtsɔtsɔ, mbouín mu na ɔkole pé. Mu na amu gyí Kristo a. ¹⁷ Asón aní ndébli gyí, Bulu léka ntam há aní náin Abraham, ɔledínká ibwi mósó pósúná aní obégyi mósó. Mbla amóó ɔlɔwa há Mose nfi lafana advasa (430) ɔma amu méetalí ká ntam amóó ɔledínká ibwi mósó amoto, ntée tse mó ekekeke. ¹⁸ Tsúfɛ ní mbla ámusu gyí su ɔha ibi bɛda agyapadié amóó Bulu léhié yáí amu a, mómó megyí hié Bulu léhié mó yáí Abraham. Táme ɔnokwali amu gyí, kie ɔlɔpókíé mu.

¹⁹ Mómó labi mɔmu mbla ámu bu? Bulu lópu mó é mántá mósó, méní ibósuná ahá tsá lakpan gyí. Táme ɔlɔwa mbla ámu aní íbétisiá alu yófon bréá Abraham mu na amu ɔbɛba. Mogyi mu ató ogyípó ní. Ɔlɔpu mbla ámu há mu abɔpu bɔpu bɔwa Mose ibito. Mlóbwe Bulu móa Israelfɔ nsiné ɔlapó ní. ²⁰ Nsiné ɔlapó tamalí há ɔbakóle, támɛ ɔbakóle Bulu gyí.

Labia Mbla Amu Ibu

²¹ Bulu mbla amu ilokosó lí mu nhúhé ámuó òlehúe yáí ámuṣu? Ekekeeke! Ní mbla ko ibétali há aní nkpa ání itamatá á, tekí abétali gyí asu Bulu ansító, ní anulégyí mósó. ²² Táme Bulu asun wanlínhé amu ileblí ání lakpan lagyi oyító ahá féesó plíplíplí. Mú su ató ámuó Bulu léhúe yáí ámu igyi Kristo ahogyipu klé.

²³ Táme asa Yesu Kristo hógyi lébá oyító á, mbla amu ileklí aní fě obu adípó. Ohaa ménya mu iwí, bafon bréá Bulu lébele Kristo hógyi owan. ²⁴ Mú su mbla amu lóbwé anisú okípu bafon bréá Kristo léba, méní Bulu obótsu aní ání aní asón da okpa mu ansító, tsóun aní Kristo hógyisú. ²⁵ Inúá Kristo hógyi laba su á, imehián ání mbla amu obétrá bwe anisú okípu.

²⁶ Tsúfě mlí Kristo Yesu hógyi su mlí fěé mlilabwé Bulu abí. ²⁷ Mlí ahá ání mlia Yesu Kristo mlilabwé kole tsón asúbṣṣ mlilatsú mu tsiátó fěé. ²⁸ Mú su Yudayin ntée Griikiyin trá oma unu. Okpábi ntée ódhihe, ótsi ntée oyin trá oma unu. Tsúfě mlí fěé mlilabwé kole mlia Kristo Yesunyo ikolebweṣo. ²⁹ Inúá mlilabwé Kristo klé su á, mlilabwé Abraham abí-aná onutó, pó mu ató agyípó. Iní su itó ámuó Bulu léhúe yáí Abraham amu igyi mlí klé.

4

¹ Mliyo asón ánfito kí. Ní oha owú, sí mu agyapadié yáí mu abí bréá bumakódan a, bugyi fě nkpábi. Ibu mótóá amóbú amó sí ató fěé, ² táme ilehián ání béba iwasi há amósó okípu alu yófon nfi oduá amó sí lósuná ání bwhó, asa abṣṣ ató ámu wa amó ibitó. ³ Alí aní é angyí asa Kristo léba ní. Anulóbwe nkpábi há oṅé, ntée túmiá ide gyí ánfisú gyí. ⁴ Táme bréá bré ámu onutó ləfon a, Bulu lówa mu Bi sísi, oha tshé lókwú mu wá mbla amu asi. ⁵ Bulu lówa mu ání óbá bwhó aní ahá ámuó angyí nkpábi há Mose mbla amu tsu nkpábitó, méní obóbwe aní mu abí onutó.

⁶ Bulu lódunká ání obósuná ání mlilabwé mu abí. Mú só obṣṣ mu Bi ámu Oṅé wá aní iklontó ní. Oṅé ámu téhá anitokpóli mu aniaa, “Abba, mí Sí!” ní. ⁷ Mú su opió, fútráa fomegyí okpábi, mbóun Bulu mu bi. Inúá mu bi fogyi su á, mu ató fěé igyi fú klé.

Galatiafɔ Iwí Ipián

⁸ Bréá mlímókónyá bí Bulu á, mlilóbwe nkpábi há ikpíá bumegyí tətó. ⁹ Táme séi mlilabí Bulu, ntée néblí mbéé, alabí mlí. Ntogyí só mlidékléá mléyinkí yósum túmi ánfí uma labi kókukó? Ntogyí só mlétrá yinkí yóbwe amó nkpábi fě bré ámu? ¹⁰ Mlidé amándíé ko bwe nke kutó, tsra kutó, bré kutó pó nfi kutó. ¹¹ Mlí bwehé ánfí su ifú bu mitó. Ide mí bwe fě ipian ámuó ndewúun mlí su ámu fěé ibóbwe kpaali.

¹² Mí apió, nokókóli mlí, nabwé mí iwí fě mlí. Ntráa mma mbla kóku asi. Mú su mlitsia mí atsiábi. Megyí bwe mbéé, mlilapó lalaha kóku gyi mi, só nde iní blí. ¹³ Mlilakáin ání iwí ma mí onlun asa neba unu beda Bulu asun wankláán ámu okan eke gyankpapó? ¹⁴ Isóki kpónkpónti mí ilo ámu lóbwé há mlí, táme mú óó á, mlímóbu mí tókó. Mbóun mlidóhó mí fě Bulu-obṣṣ, ntée Kristo Yesu onutó kóráá. ¹⁵ Ansí lehié gyi aní alí bré ámuṣo! Ntó lébá? Mí onutó nowun ání ní mlétali á, tekí mlilólóti mlí ansíbi wá mí alí bré ámuṣo. Mú ntó dé mlí séi? ¹⁶ Alí ámuó nde mlí onakwali bláa amu su namlí mlí olupó?

¹⁷ Ahá ámuó bodekléá mlígyí Yudafo mblasu ámu buma mlí iwí agyiwun wankláán kóku. Tóá bodeklé gyí bémain mlí lé misó, méní mlékle amó asón. ¹⁸ Ibu aléá ahá bódunká ání mlidwéé amó, agyiwun wankláán okpasó. Megyí bréá mbu mlí wá wole. ¹⁹ Mí abí adwepó! Iwí trá ide mí osin há mlí, fě ótsiá ikwú

de mu dwiin. Nkɛti mlilanyá Kristo tsiátɔ mlitɔ asa iwɔ bési mí osun. ²⁰ Ihié de mí háan ha mli. Ní mí nkole su mó á, teki mbu mli wá séi, méni nɛtse mí tɔtu.

Hagar Mva Sara Nfántóhón

²¹ Nfíte mli ahá ámúú mlidékéléá mlóbuo Mose mbla ámu. Mlumónu asón áni ideblí asi? ²² Bɔwanlín wá Bulu asón ámuɔ beɛ, Abraham lókwíí abi yinhé anyo. Okole mu yin gyí okpábi, onyɔɔsi mu yin gyí oðihie. ²³ Okpábi amu lókwíí mu bi keke, táme oðihie ámu mó á, Bulu léhie mu yáí áni méha mu obí asa okwíí. ²⁴ Mliha anu asón áni asi tson okpa ánfisu. Atsi abanyó áni bulíí há ntam anyo áni Bulu léka. Hagar líí há Sinaibusu klé, tsúfɛ nkpábi mu abí bogyi. ²⁵ Sinaibu ámu bu Arabia omátɔ. Uíí há nde Yerusalem wúlu. Yerusalem pó mótó ahá fɛé bogyi nkpábi, Mbla ámu su. ²⁶ Sara mó gyí oðihie, olíí há osósú Yerusalem. Mogyi aní yín ní. ²⁷ Tsúfɛ Bulu asón wanlínhé amu léblí obéɛ, “Otsi mákwíípo, nya ansigyí!

Otsi ikwíí makódwíín mu ki, kplun, afusora okitikiti ansigyísó.

Tsúfɛ otsi ámúú mu kulu lési mu tswi amu obénya abí tsɔtsɔtsa, dun omvamóú mu kulu da mu wá ekekegyíeke ámu.”

²⁸ Mí apíó, séi á, mlilabwé Bulu ahá tson mu tɔá olehie yáísú; fɛ alíá olehie yáí asa bakwíí Isak. ²⁹ Alí bré ámuɔ á, obí ámúú bakwíí mu keke, ogyi Ismael amu lédunká Isak amúú bakwíí mu Oje Wankíhé túmitɔ ámuɔ. Alí kén igyi há anu nde ní. ³⁰ Táme nkáli Bulu asón wanlínhé amu léblí? Obéɛ, “Gya okpábi amu mua mu bi, tsúfɛ megyi okpábi mu bi ámu mva oðihie mu bi ámu obégyi amú sí ató.” ³¹ Mó su apíó, megyi okpábi amu abí anigyí. Oðihie ámu abí anigyí.

5

Mliki Mli Iwígyí

¹ Aní iwígyí su Kristo lahá anlagyi iwí! Mó su mlilu kínkíínkín. Mlumátrá tsulá abubwe mli nkpábi ha mbla ámu.

² Mlunu! Mí Paulo dé mli bláa áni ní mlesí iwí há, betun mli keté a, ilosuná áni tó ámúú Kristo lóbwɛ ámu ima mli labi koku. ³ Ntráa nde mli olá da mbéɛ, ohagyíha áni olehie betun mu keté á, ilehián áni obégyi Mose mbla ámu fɛésú.

⁴ Nde mli bláa mbéɛ, mli ahá ámúú mlidé mbla ámuɔ gyí, méni Bulu obótsu mli áni mli asón da okpa mu ansító ámu mlilamáín iwí lé Kristosu. Bulu awítale amu datswi mli pan. ⁵ Aní mó aní ansí dun áni Bulu obótsu aní áni aní asón da okpa mu ansító. Iní gyí tɔá anidé okpa kú tson Oje Wankíhé amúú ode agyómá yo anito, tson aní hógyisv ámuɔ ní. ⁶ Tsúfɛ ní ania Kristo Yesu anigyí kole a, ketétún ntéɛ ketémátún mehián. Múá idehián gyí anibu hógyiá itehá anitodwé Bulu pó aní aba.

⁷ Teki mlidé mbódí bo asa. Ma kóún latin mli okpa obéɛ, mlumátrá buo onokwali amu? ⁸ Megyi Bulu bwéhé igyi, tsúfɛ moléle mli. ⁹ Mlikain áni bodobodotu-afá kpalobí téhá bodobodo amu fɛé itotú. ¹⁰ Aní Wíe lahá nahogyi, áni mlumétrá ho oha bambá atosunáhé dun mí nkole klé. Bulu obébiti ohá ámúú ode mli agywun damlí ámu isv.

¹¹ Mí apíó, ní ntráa nde okan da blí mbéɛ, ilehián áni ahá botún keté á, mómó ntogyi só Yudafo botráa budin mísó? Mómó ní nde Kristo oyikpalihɛsu lowu ámu é okan da á, yéɛ ohaa méedunká mísó o. ¹² Mí su mó á, teki ahá ámúú bode mli háan beɛ, ilehián áni mlétún keté ámu bawúna flo amó iwí.

¹³ Mí apíó, Bulu léle mli obéɛ, mlíbégyi iwí. Táme mlumátson mli iwígyi amuɔ láyótsu mli tsiátɔ dada amu. Mboún mlipu oðwe sum mli aba, ¹⁴ tsúfɛ Mose mbla ámu fɛé líí mbla kole pé ámúú ideblí obéɛ, “Dwe fú bá fɛ fú iwí.”

ámuvu. ¹⁵ Táme ní mlilabwé mli iwí fè mbwíkítá-atò, mlidé aba fíni, mlidé aba lalá a, mómó mlíkí wankláán; ní megýí alí mléhi aba.

Tsiátó Dada Pó Ọjéts Atsiabi

¹⁶ Mú sù nde mli bláa mbéé, mliha Ọje Wankíhé amu ọkpa mli. Mómó mlimóobwe tóá mli tsiátó dada tekle. ¹⁷ Tsúfè tóá aní tsiátó dada tekle ihíe na ọtsan há tóá Ọje Wankíhé amu tekle. Tóá Ọje Wankíhé amu tekle é ihíe na ọtsan há tóá aní tsiátó dada tekle. Atoku anyo ánfí ilokúso líí abasu, méní mlimóobwe tóá mlitekle. ¹⁸ Ní Ọje Wankíhé amu dé mli kpa á, mómó mlimá Mose mbla ámu así.

¹⁹ Tsiátó dada bwehé telu ọwan. Múgyí; atsi móa ayin asónwa, agywun laláhe bwe, ifintotsiá, ²⁰ ikpitswéé, afátópleí, olu, itré, fú nkọle klé dunká, ọblókpán, ọnsipe, aba asumánú, iwumáin lé fú abasu, ²¹ ọkabágyáa, ntábu, pléikpada pó móá ilehan iní aná. Mó aná iwí asón nde mli bláa, fè alíá nebláa mli yáí. Mbéé, ahá aní bwtóbwé iní odu bóméenyá Bulu iwíegýí ámuto agyapadi kuku.

²² Táme ní Ọje Wankíhé amu dé aní kpa á, mó abi swiehé aní ibétsiá anító gyí, ọdwe, ansigýí, iwílwíi, ikunya, awítale, yilébwe, ọnkwali, ²³ ilwíi pó iwíswgyí. Mbala kukukuku má uná iletin alí ntobí ánfí ọkpa. ²⁴ Ahá aní bogyí Kristo klé bamó amó tsiátó dada pó amó ọwólí laláhe Kristo Yesu oyikpalíhe amuvu. ²⁵ Ọje Wankíhé amu lahá aní nkpa pọpwe. Mú sù mliha agyí mu asónsú. ²⁶ Anímátsu iwí súná aba, ntéé wá aba ọbló, ntéé pé ansi aba atósú.

6

Iku Tsu Lé Aba Asóntó

¹ Mí apíó, ní mlito ọku ọbwe lakpan ku á, mli ahá ámúó Ọje Wankíhé de mli kpa ámu mlunya klón tó kpla mu pútó. Táme mlíkí mli iwí wankláán, méní mli é mliméedida isókí amu oduto. ² Mlitsu iku le mli aba asóntó. Ní mlidé mú bwe alí á, mlidé Kristo mbala ámuvu gyí ní. ³ Ní ọku dé mu iwí kí ọbée mofun tógyítótó, táme omegýí tótó a, ọde mu iwí mlé. ⁴ Mlíkapó mli onutó tsiátó kí. Ní ibu alé á, mómó mlétali pó ibi sí kántó mli bwehé sù, mlimóopu kápú ọha bambá klé. ⁵ Tsúfè anító okugyíọku ọbósorá mu onutó ató sùráhé.

⁶ Bulu asón ámu akasípú buyée ató wankláán aní bobu iku ha amó asunápó.

⁷ Mlimámlé mli iwí. Ọhaa tamamlé Bulu. Ọhagyíọha ọbókpótí tóá olodu. ⁸ Ní ọku lódu tsiátó laláhe wá mu klóntó á, lowu ọbókpótí tsú mótó. Táme ní ọleha Ọje Wankíhé amu lódu tsiátó wankláán wá mu klóntó á, ọbókpótí nkpa aní itamatá tsú mótó. ⁹ Mú sù yilébwe mákpón aní, tsúfè ní abato mowu aní á, abókpótí nkpa aní itamatá mú brétó. ¹⁰ Mú sù brégyíbréá anyá mú iwí ọkpa á, mliha abwe yilé ha ọhagyíọha, títriu aní apíó ahógyipu.

Itsidha Pó Oláda

¹¹ Mlíki ató wanlínhé akpónkpóntiá napó mí onutó ibi wánlín sísí mli! ¹² Ahá ámúó bodedunká aní bégyí asu ahá ansító ámu líí mlísu bée, mliháa abutin mli keté ní. Megýí tótó sù bode iní bwe. Alíá Yudafó bóméedunká amósú bée, bodebí bée Kristo oyikpalíhesu lowu ámu péso ọha ọbótson nya nkpa. ¹³ Keté atinpu amu onutó ọó bwtamagyí Mose mbala ámuvu. Táme bodekléá mlítin keté, méní bọpútsú iwí súná amó aba aní bahá mlítin keté. ¹⁴ Mí mú á, imába mótó aní nótsu iwí ọyí ánfíto tótóotó, dun aní Wíe Yesu Kristo oyikpalíhesu lowu ámu. Tsúfè mu lowu ámu sù ọyító tsiá itráa ma mí labi, mí é mma labi kuku há mú. ¹⁵ Ketétin ntéé ketémátin megýí tótó. Móá idehián gyí ọha obémlí ọha pọpwe.

¹⁶ Iwilwii mɔ́a nwewúun itó ahá ámóó bɔde mbla ánfiso gyí amɔ, pɔ́ ahá ání bɔhíé bɔgyi Bulu ahá!*

¹⁷ Asa nékpa mí asón opulu á, mbláa mli. Mlitɔ ɔhaa mátrá wa mí tó. Tsúfé mí iwɔ apiná ánfɔ idesuná ání Yesu ɔkpábi ngyi.

¹⁸ Mí apíó, anɔ́ Wíe Yesu Kristo ogyíi mli bɔale. Amen!

* **6:16** Ahá ání bɔhíé bɔgyi Bulu ahá gyí Israel pɔpwe amɔ nu.

Ɖwulɔ́ Paulo Lɔ́wanlín Sísí Efesofɔ

Itsidha

¹ Mí Paulo ání Bulu apé sɔ nabwé Kristo Yesu sumbí ɔyɔpó, dé ɔwulɔ́ ání wanlín sísí mli Bulu ahá ání mlilaho Kristo Yesu gyi, mlia munyɔ mlilabwé kole, mlibɔ Efeso wuluto. Nde mli itsiá ha.

² Aní Sí Bulu mɔa aní Wíe Yesu Kristo bɔgyi mli bɔale, aboha mli iwilwi.

Ɖsɔ́sɔ́ Oyúla Aní Anibɔ Kristotɔ

³ Mliha akanfɔ aní Wíe Yesu Kristo mɔ Sɔ pó mɔ Bulu. Tsúfɛ tɔn ania Kristonyɔ ikolebwetɔ á, alapó ɔhétɔ atáá ibékpa aní fɛé yúlá aní tsú ɔsɔ́sɔ́. ⁴ Asa Bulu lɔ́bwe ɔyi á, ɔlele aní bwé mɔ kle tɔn ania Kristonyɔ kolebwe sɔ, ání abwéé ahá ání amó iwí letin, ifin kɔkɔ má aní iwí mɔ ansítɔ.

⁵ Iná Bulu tɔdwé aní sɔ á, ɔlɔbwe agywun yáí ɔbée, mɔpɔ aní bwé mɔ abí tɔn Yesu Kristosɔ. Iní gyi tɔá olekle, igyi mɔ apé ní. ⁶ Mliha akanfɔ Bulu, mɔ awitɔle anfi ibɔ numnyam, ɔlɔwa tɔn mɔ Bi ɔdwɛpɔsɔ́ há aní faan anfi sɔ. ⁷ Ɖlɔpɔ mɔ Bi ámɔ obugya ká aní nwun sɔ ikɔ, sí aní lakpan kíe aní. Awitɔle anfi Bulu léhie wá há aní ání ibɔ ifú dɔbi. ⁸ Mɔ nyánsa pó mɔ asón-asunú lalé mɔ fɛé ɔwan súná aní tɔn ɔkpa tɔɔtsɔtsɔsɔ.

⁹ Alahá anlabí mɔ asɔn nǎinhé ání ɔlekiklí yáí dodoodo ɔbée, mɔbwe tɔn Kristosɔ. ¹⁰ Mɔ asɔn nǎinhé amɔ gyi, ní bré ámɔ ifɔn a, mɔbwe mɔ atɔ bweháá ibɔ ɔsɔ́ mɔa así fɛé kole, pówá aní Wíe Kristo así.

¹¹ Bulu tehá mɔ nwun tɔ asón pó mɔ apé teba mótɔ brégyibré. Mɔ onutɔ léle aní ɔbée abwéé mɔ abí tɔn ania Kristonyɔ ikolebwetɔ. Tsúfɛ alí ɔlɔbwe agywun yáí dodoodo ní. ¹² Ɖlele aní agyankpapɔ ámóú aní ansí dɔn Kristosɔ ámɔ ɔbée, abékanfɔ mɔ numnyam.

¹³ Alí ilegyi ha mli é ní. Bré ámóú mlilónú ɔnɔkwali asón, igyi asɔn wankláán ámóú ilɔhɔ mli nkpa ámɔ, hɔ mósɔ gyi ɔpá mlia Kristonyɔ mlilɔbwe kole. Bulu lɔpɔ mɔ Ɖhe Wankíhé amɔ hie mli nsɔ, púsúná ání mɔbɔ mli, fɛ alí ámóú ɔlehie yáí ɔbée mɔbwe ámɔ. ¹⁴ Ɖhe Wankíhé amɔ gyi ntswiasíá idesuná ání aní ibí bédá agyapadié ámóú Bulu léla yáí há mɔ abí ámɔ ní. Idesuná ání alaká aní nwun sɔ ikɔ, pówá mɔ numnyam.

Paulo Mpá:

¹⁵ Mú alí sɔ, tsú bréá nonu ání mlilaho aní Wíe Yesu gyi, pó alíá mli tɔdwé Bulu ahá fɛé á, ¹⁶ mmákósí Bulu ipán da mli nwun sɔ. Ní nde mpáí bɔ á, ntekáín mli sɔ. ¹⁷ Ntokókólí aní Wíe Yesu Kristo Bulu, numnyam Ɖsí ámɔ mbée, ɔhá mɔ Ɖhé ámɔ ɔha mli nyánsa. Ie mɔ ɔwan súná má, méní mlébi mɔ wankláán. ¹⁸ Ntokólí mɔ mbée, obwii mli ansí, amliwun atɔ wankláán ámóú ɔbée, mlibéki ɔkpa ha ámɔ, méní mlébi ání atɔ ámóú ɔlelayáí há mɔ ahá ámɔ ihíe bɔ bíá. ¹⁹ Ɖhá amlíbi ání mɔ túmí dɔn túmí kugyíko há aní ahógyipɔ. Mɔ túmí ání ɔma a, kɔkɔ má inɔ. ²⁰ Mú kén ɔlele súná bréá ɔlɔkɔsɔ́a Kristo tsú afúlito, pó mɔ yéyáí mɔ gyɔpɔsɔ ɔsɔ́sɔ́ inɔ ní. ²¹ Inó Kristo dé iwíe gyi awíe fɛé, túmí kugyíko, ɔhe laláhe pó ɔmáso gyi túmí fɛésú ní. Mɔ dibia dɔn dibia kugyíko á ibɔ nɔ séi pó ɔyi ámóú íbɔa amɔtɔ. ²² Bulu lɔpɔ tógyítɔ wá mɔ asi, ɔlɔpɔ mɔ bwé tógyítɔ nwun há mɔ ɔpasua. ²³ Ɖpasua ámɔ gyi Kristo ɔyɔlɔbɔ. Kristo wá ɔpasua ámɔ tenyá túmí kugyíko tsú. Mutéhá tógyítɔ tɔwá alé yi ɔtinegyiɔtiné.

2

Tsu Nkpa Dadato Ba Pópwetɔ

¹ Asa mlílémli Akristofɔ á, asɔtɔ-ɔnlun móa lakpanbwe sɔ mligyí ɔhétɔ aha wuhé. ² Alí bré ámɔtɔ á, mlílétsiá ɔmátɔfɔ atsiábi. Mlilóbɔuo ɔhɛ laláhe fée owíe ɔbunsám. Mugi ɔhɛ laláhe ání ide agyómá yɔ ahá ámóú bɔtamabú Bulu ámɔtɔ ní. ³ Lélé mó á, aní fée anlétsiá amó atsiábi, bwé lalahéá aní ɔwólí léklé. Anilóbɔuo t́á aní ɔyulóbú pɔ aní agywun létsiá súná aní. Tsiátɔ anfi sɔ tekí Bulu ɔbéhítí aní iso fɛ aha atráhe ní.

⁴⁻⁵ Táme iníá Bulu nwewúun itsɔ, ɔtɛhíé dwé aní sɔ á, ɔlɔtsɔn ania Kristonyɔ ikolɛbwe sɔ há aní nkpa, bré ámóú angyí aha wuhé Bulu ansítɔ aní lakpan sɔ ámɔ. Mɔ awítale sɔ ɔlɔhɔ aní nkpa. ⁶ Ania Kristo Yesunyɔ ikolɛbwe ání sɔ Bulu lakósɔa ania mɔnyɔ tsú lowuto, alahá aní otsiákpá Kristo wá. Ania mɔnyɔ abégyi iwíe ɔsósó. ⁷ Bulu léle mɔ awítale kpɔnkpɔnkpɔntí anfi súná aní tsɔn Kristo Yesusɔ, méní ahá aní bétrá ln fée bówun aní mɔ awítale lomóní dɔn tógýítɔ. ⁸ Bulu awítale pɔ mlí Kristo hógýisɔ Bulu lótsɔn hɔ mlí nkpa. Iní mɔtsú mlí, Bulu atokiehé igyi. ⁹ Megyi mlí bwéhé wankláán kɔkɔ sɔ, méní mlíto ɔkɔkɔ mɔɔpɔ ibí sí kántɔ. ¹⁰ Bulu lábwe aní alí anfi angyí. Alabwé aní aha pɔpwe tsɔn ania Kristo Yesunyɔ ikolɛbwe sɔ, méní abóbwe yilé aní mɔ onutɔ ɔlɛla yáí há aní ɔbée abwée.

Kristo ɔkolɛbwe

¹¹ Mó sɔ mlíkán aní tekí ɔmátɔfɔ mligyí. Bré ámɔ a, Yudafo bɔtɛtí mlí bɛɛ, “Ahá aní bɔmetin keté,” bótɛtí amó iwí keté atínɔ. (Táme ketétíun amó ó á, nyankpɔsa ɔyulúsɔ pɔ ibí ɔnɔ atɔ igyi.) ¹² Mlíkán aní alí bré ámɔtɔ á, mlíméyín Kristo. Afɔ mligyí. Mlímégyi Yudafo ɔkpagyíokpasu. Mlímá ogyíkpá Bulu nhúhé ámóú ɔleka mó iwí ntam há Yudafo ámɔtɔ. Ḿá idɔn kóráá á, mlí ansí mɛdín tɔtɔsɔ, mlíméyín mɔ é. ¹³ Táme séí á, mlíia Kristo Yesunyɔ mlílabwé kole. Iní sɔ Kristo latsɔn mɔ obugya amóú ɔletsei wólí há ania mlínyɔ ámɔsɔ, kpá mlí ahá anfi tekí mlíbɔ ifɔ anfi ba Bulu wá. ¹⁴ Tsúfɛ Kristo onutɔ lapó iwílwii wá Yudafo pɔ ɔmá bámbásófɔ nsiné, bwé aní afonka anyɔ ámɔ fée kole. Alalé olu ámóú ɔbɔbwe buntíi wá aní nsiné ámɔ. ¹⁵ ɔleka Yudafo mbíla pɔ amó amándiétɔ, méní afonka anyɔ amó bóbwe ɔpasua pɔpwe ikole mɔtɔ. Fówun mɔa amónyɔ bóbwe kole, iwílwii bétsiá amó nsiné. ¹⁶ ɔlɔtsɔn mɔ oyikpalíhesɔ lowu ámɔsɔ lé olu lé amó nsiné. Oyikpalíhe amɔsɔ ɔlɔtsɔn tswí amóa Bulunyo ɔnɔ ntsu. ¹⁷ Bréá Kristo lébá a, ɔleɔa Bulu iwílwii asún ámɔ ɔkan há ahá fée. Mlí ɔmátɔfɔ aní mlíia Bulunyo nsiné bɔ ifɔ pɔ Yudafo aní amóa Bulunyo nsiné ma ifɔ fée. ¹⁸ Kristo sɔ ɔkpa latíí há aní afonka anyɔ ámɔ fée. ɔhɛ Wankíhé ámɔ sɔ abétalí ba aní Sí Bulu ansítɔ.

¹⁹ Iní sɔ mlítráa mlímégyí afɔ. Mlía Bulu ahá mlílabwé ikole, mligyí Bulu wóyí abí. ²⁰ Mligyí fɛ obuá bayi. Yesu sumbí ayɔpɔ ámɔ pɔ Bulu ɔnású atáípɔ amɔ gyí mó nkpaí. Kristo Yesu onutɔ gyí obu ámɔ ɔtan. ²¹ Mɔ sɔ obu ámɔ itsa aba hógýitɔ. M̀téhá mó itomóní bwé Bulu ɔtswékpá obu wankíhé. ²² Iníá mlíia Kristonyɔ mlílabwé ikole sɔ á, ɔde mlíia Yudafo ámɔ pɔtsá abasɔ, ɔde obu aní Bulu obétsiá mótɔ ɔhétɔ yíí.

3

Paulo ɔmá Bámbásófɔ Bulu Asón Bláa

¹ Mí Paulo nda obu Kristo Yesu asɔn wankláán ámóú ndɛ ɔkan da mlí ahá aní mlímégyí Yudafo ɔ ámɔ sɔ. ² Nyin aní mlílanú awítaleá Bulu lówa há mí, pɔ agyómá anfi wá mí ibíto ɔbée, mbwée, iwa labi ha mlí. ³ Bulu léle mɔ asɔn ɔnínhé ámóú ɔlekiklí yáí ámɔ ɔwan súná mí. Mó nawánlín kútúklú á. ⁴ Ní

mlekla ɔwɔlɔ ánfɔ a, íbɔwankí mli ání nanú Kristo íwɔ asɔn nǎínhé amɔ asɔ. ⁵ Tsú ɔyí ɔpá á, Bulu mókólé asɔn nǎínhé anfi súná nyankpɔsa ɔkɔkɔ. Táme séi ánfɔ á, alabele mú ɔwan tson mu Ɔhɛ ámusu súná ahá ámóú alalé, bɔgyi mu sumbí ayɔpó pó mu ɔnɔsú atɔípó wankíhé amɔ. ⁶ Mu asɔn nǎínhé amɔ gyí, Bulu layúlá ɔmá bámbásɔfɔ é fɛ́ Yudafɔ, tson mu asɔn wankláán ámusu. Amóú Yudafɔ bamli ɔlepe ɔkɔletɔ ató agyípó, alabwé amóú Yudafɔ kɔle. Mú su babwé ɔyɔlúú kɔle. Amó é bénya ató ámóú Bulu léhɛ ání ɔbɛ́ha Yudafɔ tson Kristo Yesusu ámu kɔ.

⁷ Ina Bulu awítale pó mu túmisɔ ɔlɔbwe mí mu asɔn wankláán ámu ɔsúmpó. ⁸ Ibo mótá kebikusu ngyi Bulu ahá fɛ́étó. Táme Bulu lówa awítale há mí ɔbɛ́e, ndáa Kristo oyúla amóú idɔn blí ámu íwɔ ɔkan ha ahá ání bomegyí Yudafɔ. ⁹ Mólɔwa mí ɔbɛ́e, nháa anyánpɔsa fɛ́é abubu alá ɔdepu mu asɔn nǎínhé amɔ yó agyómá. Múlɔbwe ɔsú móa asɔ, ɔlɔpu mu asɔn ánfɔ nǎín tsú ɔyí ɔpá. ¹⁰ Ɔlɔbwe mú ali, ménɔ ɔbótson mu ɔpasua ámusu lé mu nyánsa ɔtsan-ɔtsan súná ɔhɛ laláhe awíe pó atúmipóá bubu ɔtínéá bɔde iwíe gyí fɛ́é. ¹¹ Inɔ gyí tóá Bulu léhɛ́hɛ́ yaí asa ɔlele ɔyí ní. Alahá mú ilaba mótó séi tson anɔ Wíe Kristo Yesusu. ¹² Iná anilaho mu gyi, anɔa mɔnyɔ anilabwé ikole su á, abétalí wá klɔn yó mu ansító faan, anuméetrá nya ifú. ¹³ Mú su nde ípa bwii há mli mbéé, mli máha abato iwu mli, íwɔsɔn ánfɔ ndewúun ha mli ánfɔ su, tsúfɛ́ íbɔ́wa labi há mli.

Kristo Ɔdwe

¹⁴ Inɔ su mí akpawunu iyi asɔ, nde anɔ Sí ámu kokóli. ¹⁵ Mɔto abusuan kugyíkɔá íbu ɔsú móa asɔ léln tsu. ¹⁶ Mububu oyúla akpɔnkpɔntɔ há mu abí. Mú su nde mu kokóli mbéé, mu Ɔhɛ ámu ɔhíe wa mli ɔkláa ɔwɔnlín tsu mu oyúla kpɔnkpɔntɔ atokiehé ámɔto, ¹⁷ Kristo ɔtsɔn mli hógyisu tsia mli klɔntɔ brégyibré. Nde mu kólí mbéé, ɔhá amlile nlin yó ɔtótó, Buludwe pó mli abadwɛto, amlilu kinkínkín. ¹⁸ Fówun mli Bulu ahá atráhe mlétalí bí ání Kristo ɔdwe lehié móní, lehié téí, ihíé bu íswí, lehié fɔ́á, lehié wíé ɔtótó. ¹⁹ Ntráa nde mu kokóli mbéé, ɔhá amlíbu Kristo ɔdwe ámóú nyankpɔsa ɔkɔkɔ méetalí nú mú asɔ yi amɔ. Fówun mli tsiátó bóbwe fɛ́é Bulu klé.

²⁰ Iná Bulu túmi de agyómá yó anito su á, ɔtetalí bwé ató há anɔ dɔn alíá anitókólí mu, ntée anitosúsu. ²¹ Inɔ su mliha akanfɔ Bulu. Anyánpɔsa úntɔ fɛ́é bukánfɔ mu ató akpɔnkpɔntɔ ámóú ɔdeɔbwe Kristo Yesu pó ɔpasua ámɔto ámu su, tsú séi yófon bréá itamatá. Amen!

4

Ana Kristonyɔ Ikolɛbwe

¹ Inɔ su mí ánfɔ nda obu anɔ Wíe agyómá yó su ánfɔ nde ípa bwii há mli mbéé, mli tsia tsiátó oduá ilekanáa alá Bulu léle mli ɔbɛ́e, mli bétsiá. ² Mli ba íwɔasi, amlilwii. Mli nya klɔn ha aba, amlidwe aba. ³ Ɔhɛ Wankíhé amɔ lahá mli labwé kɔle. Mú su mli bɔ mbódi amlitsia iwilwiiti, ménɔ ikolɛbwe ámu íbétsiá mli to yó. ⁴ Ɔyɔlúú kɔle íwɔ ntóbí anɔ fɛ́é anigyí. Ɔhɛ Wankíhé kɔle pé bu íwɔ. Ali kén Bulu léle anɔ fɛ́é ɔbɛ́e, abéki toku kɔle pé ɔkpa ní. ⁵ Owíe ɔkɔle; hógyi kɔle; asúbo kɔle. ⁶ Bulu ɔkɔle. Mogyí anɔ fɛ́é Ɔsí. Mɔdé anɔ fɛ́ésó gyí, ɔde agyómá yó tson anɔ fɛ́ésó, ɔtsie anɔ fɛ́étó.

⁷ Kristo lówa awítale ye atokiehé há anɔ fɛ́é ɔbɛ́e, apóyɔ mu agyómá, ⁸ fɛ́é alá bɔwanlín wá Bulu asɔn ámɔto beɛ,

“Bréá ɔlɔyɔ ɔsúsú á,
 ɔlekpa ndoun buo íwɔ,
 kíe ahá ató.”

⁹ Ní bɔwanlín wá Bulu asón ámutɔ bɛɛ, “Ɖɔɔɔ ɔsɔsɔ” á, idesuná ání Kristo légyankpá kpí wíé ɔsɔlɔtɔ. ¹⁰ Mómó idesuná ání ɔhá ámutɔ ɔlekplí wíé ɔsɔlɔtɔ ámu kén lɔɔɔ ɔsɔsɔ, ɔtínéá ɔlɔfá dɔn ni, méní ɔbɔbulá ɔsɔ móa así fée, há mó ifun. ¹¹ Kristo onutɔ lɔbwe anitɔ aku mu sumbí ayɔpɔ. Aku Bulu ɔnɔsɔ atɔpɔ. Aku mu asɔn wankláán ámu ɔkan adapɔ. Aku é akpapɔ pɔ asunápɔ. ¹² Kristo lékɛ amó alí, méní Bulu ahá bétalí yɔ mu agyómá, pówá Kristo ɔyulɔw ikole; igyi mu ɔpasua ámu ɔwonlín, ¹³ méní aní fée abɔbwe kole hógyito, bí Bulu mu Bi ámu. Fówun abédan, fun ɔkpagyɔkpasu fé Kristo. ¹⁴ Iní sɔ anuméetrá bwe fé nyebíá ahá ání amú ɔnɔ bu ɔdwe bétalí pɔ amú atosunáhé pɔpwe kugyíku bɛmlé, fé alíá ntsu tedá ɔklun ya ɔtíneyíɔtínéá ideklé. ¹⁵ Mboún mliha abláa aba ɔnɔkwali asón ámu ɔdweɔ, méní abédan tógyítótɔ, bwé fé Kristo, ogyi ɔpasua ámu nwon. ¹⁶ Ina musu ɔyulɔw, igyi ɔpasua ámu ɔtíneyíɔtíné itsa aba, ide aba wankláán. Ní nyankpɔsa-oyí iwí ntotí ámu fée ide mó agyómá yo wankláán á, Kristo tɛhá mó itedan ɔdweɔ.

Nkpa Dada Mwa Pɔpwe

¹⁷ Mó sɔ nde mli ɔlá da aní Wíé idátɔ mbéɛ, mli mátrá tsíá fé ahá ání bɔmeyín Bulu. Itáá mɔɔwa labi há amú iwí bɔtɔgywín. ¹⁸ Amú nwonɔ lóklun. Mó sɔ bɔma nkpa pɔpwe amóú itsú Bulu wá ámu, tsúfé bɔmeyín tɔtɔ. Iklɔntɔ bu amú odwín. ¹⁹ Lalahɛbwe tamawá amú péli, bɔtekle hakpanla kugyíku bwe. Bɔtɔbwé lalahɛ kugyíku, bɔtamatalí kítá iwí.

²⁰ Táme mli mó á, megyí tsiátɔ anfi odu mli lékasí tsú Kristo iwí. ²¹ Nyin ání mli anú Yesu iwí asón, basuná mli ɔnɔkwaliá ibɔ mutɔ é. ²² Mó sɔ mli si mli tsiátɔ dada amóú mli létsíá ámu. Mli ɔwólí laláhe lémlé mli alí bré ámutɔ, iɛha mli tsiátɔ leyintá. ²³ Mliha Bulu ɔbwe mli klɔn pɔ mli agywun pɔpwe. ²⁴ Mli tsia tsiátɔ pɔpweá igyi Bulu atsiábi, mó iwí letun, ina dínká ɔnɔkwali ɔkpa ámusu.

²⁵ Mó sɔ mlitɔ okugyíku ɔmátrá wa afunu. Ɖhagyíɔha ɔbláa mu ba Okristoyin ɔnɔkwali. Tsúfé aní fée anigyí nyankpɔsa-oyí ɔkole amu iwí atɔ. ²⁶ Ɖblí ikítá mli á, mli máha mó iha amlɔbwe lakpan. Imátsíá mlitɔ yɔfun owi tahé. ²⁷ Mli mátepi há Ɖbunsám ɔkpa ɔmlé mli, amlɔbwe lakpan. ²⁸ Owikplu mátrá wi atɔ. Ɖpɔv mu ibi yo agyómá, méní obénya tɔko kpá mu iwí, nyá ikv é há ahá ání bɔma kuku. ²⁹ Mli máha asɔn laláhe kuku idali tsu mli ɔnɔ. Mboún móá ɔbɔbulá ɔha, ɔbɔbwe yllé, wá labi, wá mó anupɔ ɔwonlín. ³⁰ Mli mábwe t́á ɔb́ehan Ɖhe Wankíhé amu. Tsúfé mu Bulu lɔpɔhɛ mli nsu, púsúná ání mɔbɔ mli, mɔhɔ mli nkpa eke ámu ni. ³¹ Mli ɛ ɔnsipekan, olu pɔ ɔblókpán, itré, isia pɔ lakpan kugyíku agywun le mlitɔ. ³² Mboún mliha awitɔle ha aba. Mli wun aba nwe, amlisi lakpan kie aba fé alí ámutɔ Kristo sɔ Bulu lési mli klé kíé mli ámu.

5

Akristofɔ Atsiábi

¹ Iníá Bulu abí ání ɔtɛhíé dwé mli gyí sɔ á, mli tsia mu atsiábi. ² Mli dwe aba ɔkpagyíakpasu, fé alíá Kristo lɔdwe aní, tsúlá bɔmɔ mu aní sɔ. Ɖɔpɔ mu iwí bwé atɔ hahé pɔ afɔdiɛ-abotáá ibɔ ɔfan fánfáánfán há Bulu, ilegyi mu ansí.

³ Bulu latin mli iwí. Mó sɔ mli máwa atsi móa ayin asón, wá hakpan, ntée ɔnsípe. ⁴ Mó ɔma á, ima aléá mléblí asón ání ibɔ péli pɔ móa ima anulé, ntée wá ɔpɔlɔkpan. Mboún mlida Bulu ipán brégyíbré. ⁵ Iwánki mli ání mbua ɔpɔp, ɔhakpan ntée ɔnsípe ɔwapɔ ɔkuku méenya ogyíkpá Kristo mwa Bulu iwígyí ámutɔ. (Tsúfé ɔnsípe ɔwapɔ gyí fé ɔkpi ɔtwépu).

⁶ Mlumáha okpa ohaa opón asón ání uma labi koku mlé mli. Tsúfè tsiátó laláhe anfi odu só Bulu tenyá oḅlḅí bití ahá ání bḅḅḅ asoto-onlin iṣṣ ní. ⁷ Mú sḅ mlumápu amó gyi mba. ⁸ Bré ámu a, oklúntò mltsie mlidé lakpan bwe, táme séí á, mli aní Wíenyó mliabwé kule. Mú sḅ mltsie wankitò. Iní sḅ mli tsiátó isúna ání mltsie wankitò. ⁹ Tsúfè oḅá ání oḅḅ wankitò tobwé yilé. Mḅ asón da okpa, oḅḅ onokwali. ¹⁰ Mḅ sḅ mliḅḅ mbódí amlikasí tḅá Bulu tekle. ¹¹ Mlumágyi mba. Labi koku uma móto. Mboún mlile amó bwehé owan. ¹² Iḅíe bḅ péli ání bébli ntobíá ahá butḅḅwé ñáintò iwí asón kóráá. ¹³ Táme ní itò wankíhé iwánkí wólí tḅá ibḅ oklúntòsḅ á, itemlí itowunhe. ¹⁴ Tsúfè atò wankíhé telé tógyító owan. Mú só beblí bee, “Oḅidípó, tsinki.

Kḅsḅ tsu afúlitò,
Kristo owanke wḅli fósó.” ní.

¹⁵ Iní sḅ mlíkí mli tsiátó wankláán. Mlumátsiá nkpa fé aha mimláhe, mboún mltsia fé atiansipḅ. ¹⁶ Ní mlenyá bréá mlópuḅwé itò wankláán á, mlumáyintá mḅ. Tsúfè lalahḅḅwé lamóní alí bré ánfito. ¹⁷ Mú sḅ mliḅḅwé mimlála. Mboún mliḅḅ mbódí amlibí tḅá aní Wíe tekle, amlibwé mó.

¹⁸ Mlumánu ntá bó, tsúfè iteyíntá oha. Mboún mliha Oḅé Wankíhé amḅ oḅḅḅa mli brégyibré. ¹⁹ Mliḅḅ Bulu asón wá iḅ, amlíwa iḅá Oḅé Wankíhé lópuwá mli klḅntò pḅtḅí kpla aba; amlíwa iḅ é tsu mli klḅntò kanfḅ aní Wíe. ²⁰ Mliḅḅ aní Sí Bulu ipán tógyítótó brégyibré, aní Wíe Yesu Kristo idátó.

Akristofó Akúlu Mḅa Aká Tsiátó

²¹ Mliḅḅ iwiasí ha aba fé alíá mliḅḅa iwiasí há Kristo.

²² Oḅḅí, ba iwiasí ha fú kúlu fé alíá fḅteba iwiasí há Kristo. ²³ Tsúfè okúlu bḅ túmí mḅ kasḅ, fé alíá Kristo bḅ túmí opasua ámuṣḅ. Opasua ámu gyí mḅ oḅḅḅḅ, Kristo amḅ onutó gyí mó Oḅḅḅ. ²⁴ Alí ámuḅ opasua ámu teba iwiasí há Kristo amḅ a, alí kén oká é oḅá iwiasí ha mḅ kulu tógyítótó ní.

²⁵ Akúlu, mliḅḅwé mli aká fé alí ámuḅ Kristo lóḅḅwé opasua ámu, tsúlá bḅmḅ mḅ mó sḅ ámu. ²⁶ Kristo lótsulá bḅmḅ mḅ pótun opasua ámu iwí há Bulu. Olebie opasua ámu ntsu, pḅ mḅ asón ámu gyóra mó iwí. ²⁷ Omekleá ifin pḅ asḅansḅ bétsiá opasua ámu iwí, ntéé mó otinekw ibókpukpḅḅ tía, méní iḅḅḅwa mḅ onutó ámu akíle fé obitebí, oḅékpḅ mḅ ba mḅ iwí wá. ²⁸ Alí kén lehián ání oyin oḅóḅḅwé mḅ ka fé mḅ iwí ní. Oyin ání otḅḅḅwé mḅ ka tḅḅḅwé mḅ onutó iwí. ²⁹ Tsúfè ohaa tamalú mḅ iwí, bolá oḅḅḅḅḅ mḅ iwí, kí mḅ iwíṣḅ wankláán fé alíá Kristo é tḅḅḅwé há opasua ámu. ³⁰ Tsúfè aní fḅḅé anugyí Kristo oḅḅḅḅ iwí ntobí. ³¹ Fé alíá bḅwanlín wá Bulu asón ámuḅḅ bee, “Iní sḅ oyin oḅḅḅḅatí sí mḅ sí mḅa mḅ yin, yémántá mḅ kasḅ. Fḅwun amḅ abanyó ámu bḅḅḅwé oḅḅḅḅ kule” ní. ³² Onokwali, Bulu asón ñáinhé anfitò bḅ odwin. Ndekú mbéé, Kristo mḅa opasua ámu iwí asón igyi. ³³ Mli é mli asón igyi. Mú sḅ ntráa nde mli bláa mbéé, oyingyíoyin oḅḅḅwé mḅ ka fé mḅ onutó iwí, oḅḅí é obu mḅ kulu.

6

Abí Mḅa Akwípó

¹ Abí, mliḅḅ aní Wíenyó mliabwé kule. Mú sḅ mliḅḅ mli akwípó. Tsúfè mógyí tḅá ida okpa ání mlóḅḅwé ní. ² Iní gyí mliḅḅ ámuḅḅ gyankpapḅá oḅḅḅe oyúla mántá mḅsḅ ní. “Bḅ fú sí mḅa fú yín, ³ méní iḅḅḅwa alé há fú. Fḅwun fḅḅḅan fulí nwun fú nkpa ánfito.”

⁴ Abí así, mlumátsiá wá mli abí oḅlḅ. Mboún mliyaí amó, amlisuna amó ató alíá aní Wíe tekle.

Nkpábi Pó Amó Awíe

⁵ Nkpábi, mlibu mli awíe. Mlunya amó ifú, amlibu amó tsu mli klɔntɔ fé alíá mli tobú Kristo. ⁶ Mlimábwe yilé amó ansítɔ alíá békánfó mli sv. Táme fé Kristo nkpábi a, mlibwe ató tsu mli klɔntɔ fé alíá Bulu tekle. ⁷ Mliɛ iwɔtɔ yɔ agyómá ansigyísó ha amó, fé Kristo mli dé mú yɔ há, megyí nyankpɔsa. ⁸ Mli duka ansí ání aní Wíe ɔbéka ɔhagyíɔha ikɔ, itɔ wankláán kugyíkúá ɔlbwé sv. Ní ɔkpábi fogyi o, fɔtsie fú iwɔsv o.

⁹ Awíe, mli é mli kíta mli nkpábi wankláán, fé alíá nablí ɔtsɔn. Mlimábwe amó kpóunkpóun. Mli káin ání mliá amónyɔ féé owíe ámu bu ɔsúsó. Mu mó ɔtamakí ɔhaa ansítɔ.

Bulu Akotó

¹⁰ Mí asón tráhe-tráhe gyí, apíó, mli tsɔn ania aní Wienyɔ ikɔlebwe sv amliha mu ɔwa mli ɔwɔnlín tsu mu túmí kpɔnkpɔnti ámɔtɔ. ¹¹ Mli dida isá-akotó féé á Bulu lahá mli ɔbéé, mli pókɔ ɔbɔnsám, méní mli étalí líí mu ɔmle ámu ɔnó. ¹² Tsufé megyí ania anyánpɔsa dékɔ. Mboún ania ɔnétɔ túmí laláhe, atúmipɔ pó ɔhe laláhe á bɔbɔ ɔyí klúnhe anfitɔ pó ɔtínegyíótíné dékɔ. ¹³ Mó sv mli dida Bulu akotó ámu féé, méní ekeá laláhe kv ifwíé mli tɔ á, mli mli ésrí, mli étalí líí mó ɔnó, trá nya ɔhé wá ɔwɔnlín líí kínkínkín.

¹⁴ Mó sv mli kɔsv, amlida iwɔsv. ɔnɔkwaliwa ibwéé ɔféá ikli mli osiésó. Yilébwé ibwé mli kántɔ-atíntɔ. ¹⁵ Iwɔsv dda há iwílwii asɔn wankláán ámɔtɔ kítá pó mó blí ibwéé mli isátɔ ntɔkɔta. ¹⁶ Iní féé ɔma a, mli kíta Kristo hógyi ámɔtɔ brégyíbré. Ibwéé mli atíntɔá mli ɔpɔtin mli iwí, méní ɔbɔnsám mbun pínpín ámɔtɔ idetsɔn ámɔtɔ kɔkɔ imɔɔwɔ mli. ¹⁷ Mli pɔ Bulu nkpáhɔ amɔ bwe mli kɔtɔpa. Mli kíta Bulu asón ámɔtɔ, ibwé mli isátɔ ɔdayí ání ɔhe Wankíhé amɔ téhá mli. ¹⁸ Mli ha Bulu ɔhé ámu ɔkpa mli, amlibɔ mpáí brégyíbré. Mli kɔli Bulu, ɔtsa mli ɔkpagyíɔkpasv. Mó sv mli duka ansí iwɔsv. Mli mli ási mpáí bɔ há Bulu ahá féé. ¹⁹ Mli bɔ mpáí ha mli. Ní nobwíí ɔnó á, Bulu ɔpɔv mu asón ámu wa mí ɔnó; ɔha mí antali wa klɔn blí asɔn nainhé amóv ibv mu asɔn wankláán ámɔtɔ ámu féé. ²⁰ Asón ámu iwí sumbí ɔyɔpó ngyi. Mó ɔkanda só nda obu ní. Mli bɔ mpáí mli áa, Bulu ɔhá mí antali wa klɔn blí mó alíá ilehián.

Iklá

²¹ Osúmí ɔnɔkwali pɔ aní pío ɔdwe pó Tihiko gyí aní Wíe agyómá ámɔtɔ. ɔbébláa mli mí iwí asón féé, méní mli ébɔ alíá ngyi pó tɔá ndebwe. ²² Iní kóun sv nde mu wa mli wá ní. Ndeklé mbéé, ɔbébláa mli alíá tógyítɔ ide mósú yɔ nfi. ɔtɔi kpla mli pɔwa mli ɔwɔnlín.

²³ ɔsí Bulu mva aní Wíe Yesu Kristo bɔháa mli ahógyipɔ amɔ féé iwílwii. Bɔháa amlítsia dwe aba, mli ansí iduka Bulusv bré féé. ²⁴ Ogyíí ahá ání bɔtamási aní Wíe Yesu Kristo dwe féé bɔale.

bókusó lí mliṣu ifú ɔkpa ɔkukusu. Mli uklonwa ibóbwe osúna há amó ání Bulu onutó ɔbéhí amó fée, táme ɔbóhó mli mó nkpa. ²⁹ Tsúfẹ megýí Kristo hógyi nkole sù Bulu lóphá mli. Mboún alhá mlówun ipian há mu é. ³⁰ Isá amóú mlidówun ání ndekó amó kén mlidékó á. Mó kéntó ntráa mbu ni.

2

Mlukasi Kristo Iwasibá

¹ Mliha Kristonyɔ mlilabwé kole. Mó su alawá mli ateto-onlin. Mu ɔdwe lalwí mli klɔn. Mliha mu Ɔhẹ́ amu kolebwe su alahá mliha mli aba mlilabwé kole, mlidé iku tsu lé mli aba asóntó, mlidé aba nwe wúun. ² Mó su mlubwe kole, amlitsula dwe aba tsu mli klɔntó. Mliḃwe agywun kole, amliyɔ agyómá wa abato puha mí ansigýí ifɔn. ³ Mlimábwe awonsípó. Mlimátsu iwi. Mboún mliha iwiasí, amlitsu mó ání mli aba bɔdɔn mli. ⁴ Mlimádunká mli nkole klé. Mlidunka mli aba é klé. ⁵ Mliha mli agywun ibwe fé Kristo Yesu klé.

⁶ Iníá ɔlelian Bulu ɔkpagýíɔkpasu ó á, ɔmɔbwe agywun ání obótsu mu iwi ání muá Bulu bugyi kékéé.

⁷ Mboún olesi mu tógyító ɔmagyáa, bwe mu iwi osúmpó. Bɔkwí mu fé alhá bɔkwí ɔhagyíɔha.

⁸ Mu nyankpusabwetó á, ɔleba iwiasí. Olobu átó alu wú oyikpalíhesu, fé lalaha ɔbwerpó.

⁹ Iní su Bulu lótsu mu fɔá ya ɔsúsúsó, há mu dá ání idɔn adá fée,

¹⁰ méní ntobíá bɔbɔ ɔsú móa así pú ɔsúló ayasí bédá akpawunu há mu;

¹¹ ɔhagyíɔha ɔbéle blí ání “Yesu Kristo gýí Owie!” púwá aní Sí Bulu numnyam.

Mliwanki Fé Ntsrakpabi

¹² Iní su apíó adwerpó, alí amóú mlitobú mí bré amóú mbu mli wá amu a, iníá mma mli wá ó á, mliḃo mbódí amlibwe mó alí. Mliḃu ifú móa kpinkí yɔ mli nkpahó agyómá amu mɔ ɔnó. ¹³ Tsúfẹ Bulu onutó dé agyómá yɔ mlitó. Alahá mlilatsúlá mlidé mu apé móa tɔá otekle bwe.

¹⁴ Mlimátóí ntée gyi tógyítá mlóbwe iwi nwéen, ¹⁵ méní ɔlala méetsiá mli iwi; mli iwi bétun, fé Bulu ahá bré ání mlitsie lakpan kugýíku abwerpó ɔyí ánífɔ. Mliwanki fé ntsrakpabi amó ansító. ¹⁶ Mliyɔ mósó amlibla ahá asón amóú itehá nkpa amu, méní mli su nétalí pú ibí sí kántó ekeá aní Wíe Kristo ɔbélaba, ání mí mbódí ntée mí gymagyihe mɔbwe kpaalí.

¹⁷ Táme ní ibéba mótó ání bɔpɔ mí obugya wólí así fé ntá mli hógyi iwi afɔdie pú Bulu agyómá ání mlidéyosú kóráá á, ibówa mí ɔdwe. Ansi bégyi mia mlinyo fée. ¹⁸ Mó su iwá mli ɔdwe, ansi igyi aní fée.

Timoteo Mva Epafrodito

¹⁹ Ní aní Wíe Yesu lótsulá á, imóowa ɔpá nówa Timoteo mli wá. Ní oyínkí bebláa mi ání mlitsie wankláán á, ansi bégyi mi. ²⁰ Mma ohá ání olotsu iku lé mli asóntó dɔn mu. ²¹ Tsúfẹ atráhe amu fée bɔde amó onutó klé kí, megýí Yesu Kristo klé. ²² Táme mliyin alhá Timoteo lagyi mu iwi adánsie wankláán. Alatsá mí anladá ason wankláán amu ɔkan fé obí móa osí. ²³ Mó su nde ɔkpa kí ání ní nenyá wun tɔá ibéba mliṣu nfi pé á, nówa mu mli wá. ²⁴ Nahogyiá aní Wíe ɔbékpa mí, imóowa ɔpá mí onutó néba mli wá.

²⁵ Táme ñbwe agywun ání nélayínkia Epafrodito sísi mli. Aní pió ání mía mnyo anidé agyómá yó, anidékó asun wankláán ámu nwunso. Mbugyi mli bí ání mlólwá mliáa, óbá beki muso ní. ²⁶ Tsufé òde mli so kain dubi. Ihíe de mu háan, tsufé mlólónu mu ì. ²⁷ Lélé mú á, alaló sian wu, táme Bulu lówun mu nwe. Megyi mu nkole, mía mnyo fée, ménì awireho móòdun mi kutá. ²⁸ Mú so nhíe ndekléá nókósi wá mu mli wá, ménì ní mléláwun mu a, ansí bégyi mli. Mí é mí asun susúhesu békalá kúká. ²⁹ Mlihe pu ansigyi ho mu fé mli bá Okristoyin, amli pu obú ha mu a há ání bogyi fé mu. ³⁰ Tsufé olesi mu nkpa há Kristo agyómá ámu. Olekle owu móto bréá òli mli dátó, mu nkole òde tógyítóá teki ní mli so nfi mlóbwe há mí bwe.

3

Yesu Lówu Hó Aní Nkpa

¹ Itráhe a, mí apió, aní Wíe so mlunya ansigyi. Imakókpon mi ání nétrá wanlín asun kua kule anfi sísi mli. Igyi asón ání íbékpa mli é. ² Mliki aha laláhe anfi bogyi fé akia anfi wankláán. Lalahé abwepó bogyi, bude ahá háan bæ botún keté kpaali. ³ Tsufé aní ahá ámóú anitápó Òhe Wankihé sùmu Bulu ámu gyi keté atínpu onutó ní. Mú so abétalí tsú iwí itó ámóú Kristo Yesu labwé há aní ámu so. Anitamapó ansí dínká tóá nyankpasa lapó ibi bwésó. ⁴ Mí onutó óó mbu ókpa pú ansí dínká mú anású. Ní óku óbée, mu so ókpa pú ansí dínká múso á, mí mbouín búu ókpa pú ansí dínká múso dun. ⁵ Tsufé bækwií mí, tun mi keté eke kwési. Israelyin gyi. Benyamín abusuantó notsú. Mú so Hebriyin onutónutó gyi. Mose mbla ámu so gyi ókpasu é á, Farisiyin gyi. ⁶ Nehie wá nsi, dínká Kristo ópasua ámu so. Ngyi Mose mbla ámu so wankláán, òlala metsiá mí iwí. ⁷ Táme ntobí ánti bré ámu ntekia íbu mi labi ánti fée á, Kristo so nde ítráa megyi mí tótó. ⁸ Móá idun mú kóráá gyi, ní nòpòki alá nòpòbí mí Wíe Kristo Yesu a, nawun ání íbu labi dun tógyító. Nawun ání nahòli ntobí ánti ntekia íbu mi labi ánti fée, alá Kristo óbéda mi íbu so. ⁹ Iní so iníá mbu mu wá so á, megyi Mose mbla ámu so gyi óbéha négyi asu Bulu ansító. Kristosó hógyi mbouín óbéha négyi asu Bulu ansító. ¹⁰ Mí agywun gyi, ndekléá nébi Kristo pú túmi ámóú Bulu lópókúsóa mu tsú afúlitó ámu tsía. Ndeklaé nówun ipian fé alá Kristo lówun ipian wú, ¹¹ ménì ókpagyiókpasu á, mí é Bulu óbókúsóa mi tsú afúlitó!

Sri Bulo Kristo

¹² Mmedéblí mbée, mí íbu lada ntobí ánti fée ntée Bulu labwé mí nafon. Ntráa nde nsi wa alá íbóbwe mí íbu béda tó ámu so ámóú Kristo Yesu íbu lada mi ámu. ¹³⁻¹⁴ Mí apió, mmedéblí mbée, mí íbu lada mú. Nde mú ámóú idetsòun amuso táan. Móá ida mí ansító ókpa nya. Mí ansí lapé, ménì nénya siadie ámóú Bulu óbòtsòun Kristo Yesu so tí mí nýo mu wá ósósó ámu. ¹⁵ Ilehian ání aní ahá ámóú anuladan hógyitó ámu fée abóho alí asón ánti. Ní iko mówankí mli á, Bulu óbòwankí móto súná mli. ¹⁶ Táme mliha akita ónòkwali ámóú Bulu lasúná aní ámu.

¹⁷ Mí apió, mli kasí mí tsiát. Mli kasí ató tsu ahá ámóú bakási aní tsiát ámu wá. ¹⁸ Tsufé ntetsiá bla mli asón ánti. Napó ntsu ntráa nde mli bláa mbée, ahá tsotsòtsò tsiát losuná ání Kristo oyikpalíhesu lowu ámu alupó bogyi. ¹⁹ Ahá ánti béhi. Amó apu gyi amó Bulu. Amó numnyam é gyi péli. Ósolóso ató iwí pé butosúsú. ²⁰ Táme aní mú á, ósósó gyi aní otsiákpá. Ótíné ámóú anidé aní Óhópu, ogyi aní Wíe Yesu Kristo ókpa kú ání obòtsu ba ámu. ²¹ Mubóu túmi, otegyi tógyítósó. Mu óbéba betse aní óyólóu wuhé ánti, bwé mú fé mu numnyam óyólóu ámu.

4

¹ Iní sù apíó adwepó, ntòdwé mlí. Idun mí owólí aní nówun mlí, tsúfè mlí sù ansí de mí gyí, nénýa ipánda é! Mí adwepó, alí ilehián aní mléú kinkín mlí Kristo hógyitò ní.

Tád Bòbwée

² Nde mí apio tshé Euodia mva Sintike kokóli aní bunúu aba así, tsúfè aní Wíe abúopu bogyi. ³ Mí agyómáyobá onutó, nde fò é kókoli mbée, futó kpla amó abòbwè kole. Tsúfè bawá nsi tsá mia Klement pò atráhe amò anladá ason wankláán ámu òkan. Bulu lawánlín amó adá wá nkpa aní itamatá atsiápu òwólótó.

⁴ Mlìhè nya ansigyí aní Wíe sù brégyíbré! Ntráa nde mlí bláa mbée, mlíhíe nya ansigyí!

⁵ Mlìha òhagyíòha owun aní mlíólwíí. Aní Wíe íbábi lafon. ⁶ Tòtò imáhan mlí. Mboún kugyíkóá igyi á, mlíbo mpái kokoli Bulu dúnka mósó, amlída mu ípán. ⁷ Mèni Bulu òbéha mlí iwílwíí aní idon bí, íbékpa mlí klón pò mlí agywíun, mlía Kristo Yesu ikolebweto.

⁸ Itráhe a, mí apíó, mlípú mlí agywíun dúnka tsá igyi ònòkwali, tsá íbétí obú, tsá ida òkpa, tsá mó iwí letun, tsá itegyí ahá ansí pò tsá ahá békánfósó. Mlìgywíun tsá íbu alé, ahá butekanfó aná iwí. ⁹ Mlìyò mósó amlípú ntobí ánfí nasúná mlí ánfí, móá mlíónu tsú mí wá pò móa mlíólwun mí nòbwe fée wa mlí tsiátó, mèni Bulu ámóò òtéhá iwílwíí amò òbékpa mlí.

Ipánda

¹⁰ Bulu lahá ansí íhíe de mí gyí, tsúfè mlílatráa kaín mísó. Nawun aní mlímókósi mí iwí gywíin, táme talí mlímétalí lé mó súná. ¹¹ Mmedé asón ánfí bí púsúná aní mbo íkplántò, tsúfè nakási, nabí ahá tsá mbo íbòfon mí, ní mbo óó, mma óó! ¹² Nasúan alíá nòpútsiá ní mbo óó, mma óó. Nabí alíá tsiátó kugyíkòtá mbo íbégyi mí ansí. Ní ntsie akón o, namwé o, mbo o, mma o. ¹³ Ntétalí bwé tógyító, tsúfè Kristo tówá mí òwónlín.

¹⁴ Mó alí óó á, íbu aléá mlíatsú íko lé mí íkplán anfitò. ¹⁵ Mó òma a, Filipifó, mlíyin aní bréá nòtsò mlí Yesu Kristo iwí ason wankláán ámu bláa, nedali Makedonia omátó á, mlí òpasua ánfí nkole dé mí buá, mlíde mí ató sísi ní. ¹⁶ Bréá ntráa mbo Tesalonika wúlutò kóráá, iwí lékplan mí á, mlílétsiá sísi mí. ¹⁷ Megyí bée nde tòko kólí tsú mlí wá. Mboún ndekléá mlínýá tòko dúnka awítòle amóú mlídeéwa há mí ámòsù. ¹⁸ Mí íbì lada tógyítóá mlíólpuhá Epafrodito mlíaa òpò ba mí. Itso kóráá dubi. Mó sù nanyá tógyítóá íbéhián mí. Itó ánfí mlílabwé ánfí igyi fè mlílahá Bulu igyí aní íbu òfan fánfáánfán, ìlagyi mu ansí. ¹⁹ Mí Bulu òbéha mlí tógyítóá íde mlí hián tsú mu numnyam ató tsòtsòtsòá íbu ania Kristo Yesunyò ikolebweto. ²⁰ Numnyam íbwéé aní Sí Bulu klé bré fée. Amen!

Íklá

²¹ Nehá Bulu ahá aní bogyi Kristo Yesu klé fée itsiá. Apíóá bòbu mí wá nfi é béhá mlí itsiá. ²² Bulu ahá atráhéá bòbu mí wá nfi fée bode mlí itsiá ha. Títriu amóá botsú Roma owíe dehen wóyító.

²³ Aní Wíe Yesu Kristo ogyí mlí bualé.

kí, asón wankláán ámu lapóba mli ámuṣu. Asón wankláán ánfí osúmpó mí Paulo ngiyí ní. Asón ánfí òkan bọ̀dẹ̀da ọ̀yító fẹ́é é ní.

²⁴ Iḃu mli ansigiyí ání nde ipian wúun mli sù. Tsúfẹ́ nde iwíwáṣun ámuó Kristo lówun sian amu ko wúun ha mu ọpasua, igyi mu nyankpọsa-oyí ámu. ²⁵ Bulu lóṣu mu asón wankláán ámu wá mí ibiṭo, ání ndáa mó fẹ́é òkan suna mli, ampọsum ọpasua ámu. ²⁶ Ọlọṣu asón ánfí nǎín bímbí ọpá, táme alalé mó ọwan súná mu ahá séí. ²⁷ Iḃu Bulu ọdwe ání ọ̀bẹ́le mó ọwan súná mliá mluṣégyí Yudafo. Asón nǎínhé amu gyí, Kristo tsie mliṭo. Iḃu ibiá, iḃu numnyam é. Módesuná ání abénya mu numnyam amu iḃu ní. ²⁸ Mu iwí asón anidé ahá fẹ́é bláa, anidé amó ọ́lá da, pọ́ nyánsa ámuó Bulu lahá aní ámu súná amó ató; méní bọ́fún, abẹ́kpa amó ba Bulu, amóa Kristo ikolebwetó. ²⁹ Iní sù nahíe ndeprí, pọ́ Kristo túmí ámuó iḃu mliṭo ámu yó agyómá ní.

2

¹ Ndekléa mliḃí iprí ání ndeprí ọ̀wọ̀nlínsó, mliá ọpasua ámuó iḃu Laodikea pọ́ ahá ámuó bumakówun mli kí amu fẹ́é nwunṣu. ² Nde mó bwe pówá amó ọ̀wọ̀nlín, abubwe kole, dwe aba, nu asón así wankláán, méní bónu Bulu asón nǎínhé amó igyi Kristo amu fẹ́é asi. ³ Kristoto Bulu lóṣu mu atonyahéá igyi mu nyánsa pọ́ mu asónbi fẹ́é wá.

⁴ Nde mli asón ánfí bláa, méní ọ́haa móọ́ṣu asón ání iḃu anulé kọ́kọ́ bẹmlé mli. ⁵ Iḃu móṭsá mḃu ifó mli wá, táme ntosúsu mli iwí brégyíbré. Ansi é ide mí gyí ání mlitsie wankláán, mlilí kinkíínkín Kristoṣu hógýiṭo. ⁶ Iníá mliḃa Kristo Yesu gyi ání mu gyí mli Wíe sù á, mliyo móso mliá mḃonyo amlibwe kole. ⁷ Mli é mliḃiḃe lu kinkíínkín Kristo hógýiṭo, amlinya ọ̀wọ̀nlín tṣu mliá mḃonyo ikolebwetó. Mliyo móso amlihó mu iwí asón ámuó bọ̀de mli suná, igyi ọ̀nkwálí amu, fẹ́ alíá oyí nlin tọ́yó ọ̀tọ́tọ́tó, yódúńká ntsu há mó itedan, amlida Bulu ipán é brégyíbré.

⁸ Mliḃáha ọ́kpa ọ́haa ọ́mle mli, pọ́ mu ansitún móa afunu asón ání igyi amándíé anyánkọ́sa bọ́wa kọ́kọ́, itsú ọ́ṅé ntée túmiá ide oyí ánfisọ́ gyí, imotsú Kristo wá beha amlumli mu nkpábi. ⁹ Tsúfẹ́ Kristoto Bulu tsiátó onutónutó ámu fẹ́é iḃu nyankpọsa ọ́kpasu. ¹⁰ Iníá mliá Kristonyo mliḃabwé kole sù mliḃafún. Mogyí ọ́há ání ọ̀bọ́ túmí ọ́ṅétó atúmipọ́ pọ́ iṣu agyípọ́ fẹ́éso.

¹¹ Mliá mḃonyo ikolebwe sù aladínkí mli tsiátó dada amu lé mliṣu fẹ́ alí ámuó bọ̀tetun keté, dínkí awọ́lí lé móso ámu. ¹² Bréá bọ́bọ́ mli asú á, bopolá mli tsiátó dada amu fẹ́ alíá bopolá Kristo; Bulu lókọ́sọ́a mli ba nkpató fẹ́ alíá ọ́lókọ́sọ́a Kristo, tsúfẹ́ mliḃohogyi ání Bulu bọ́ túmí kọ́sọ́a mu tsú afilító. ¹³ Teki mli lakpan pọ́ mli tsiátó dada amó bumakódínkí lé mliṣu ámu sù mliḃowun fẹ́ ọ́há ání ọ́mókótun keté. Táme séí á, Bulu lakọ́sọ́a ania Kristonyo ba nkpa pọ́pwetó, alasi aní lakpan fẹ́é ḱé aní. ¹⁴ Ọ́ledínkí asón ámuó bọ̀wanlín wá Mose mblatọ́, ide aní ilá le ámu lé anisọ́, yéda mó mántá Kristo oyikpalíhe amuṣu. ¹⁵ Bulu lóswí ọ́ṅétó atúmipọ́ pọ́ iṣu agyípọ́ túmí, ọ́lekítá amú ndoun, lé amó ọ́wan, wá amó péltu, bré olegyi amóso Kristo oyikpalíhe amuṣu.

¹⁶ Mó sù mliḃáha ọ́haa ọ́le mli ilá mli atogyihe, mli atonuhe, nkegyí, ọ́sra pọ́pwé nke, ntée Yudafo ọ́kpónó ọ́daké aná sù. ¹⁷ Yiyí keke iní fẹ́é igyi há ató ámuó ibéba amu onutó. Mó onutónutó ámu lélin ọ́wan Kristoto. ¹⁸ Mliḃáha ọ́kpa ọ́haa ọ́mle mli amliba iwiasí sum Bulu-abọ́ṣu, amlihólí ipán ání Bulu léḃiḃe yáí mli. Ní ọ́bẹ́le alawun tọ́ko tsú mó iwí kóráá pọ́ á, ọ́yító ansitún láhá mu ọ́de iwí tsu. ¹⁹ Ọ́há ánfí odu lamáín iwí lé Kristo amóso ọ́gyi ọ́pasua ámu nwun ámuṣu. Tsúfẹ́ ọ́pasua ámuṭo aní fẹ́é anulétsa abaso, Kristo amóso ogyi nwun ámu dé aní ọ̀wọ̀nlín wa, méní abédan alíá Bulu déklé.

²⁰ Mliha Kristonyo lówu. Mó sv mlitráa mlímá òyító túmi kòkò así. Ntogyi sò mlitráa mlidé mbla ánfí anásó gyí? ²¹ Βεε, “Mágyi íni. Mápυ ibi da íni, mátsu íni é!” ²² Ní bopó ntobí ánfí fée bwé ató tá á, iteyintá. Anyánkposá onutó mbla pó amó atosunáhé igyi. ²³ Anidé mbla ánfí kí fē tóá nyánsa bu mótó, íbéha abówa alé Bulu ansító, abéba iwiasí há mv, wá iwí osin aniaa íbéha abébi gyi iwísv. Táme íni aná fée iméetaki há animéegyí iwísv.

3

Nkpa Pəpwε Tsíd

¹ Mó sv ní Bulu lakósúa mliha Kristonyo ba nkpa pəpwεtə á, mlidunka atóá íbv osósú, ótíné ámóú Kristo tsie Bulu gyopísv ámv. ² Mliha agywíun íbv ató iwí, megyi osólósú klé. ³ Tsúfē mlílawú, Bulu lapó mliha Kristonyo nkpa onutó náján mvto. ⁴ Ekéá obéle Kristo amóú ogyi mli nkpa onutó ámv owan súná òyí á, eke ámv kén obéle mliha mvnyo owan mv numnyamtó ní.

Tsiátó Dada Móa Pəpwε

⁵ Mó sv mlímó tsiátó dada amóú íbv mlitə ámv. Mógyi; atsi móa ayin asónwa, ifintotsiá, ówólí laláhe móa péliá. Òyí ánfítə atə wankláán ímápe mli ansí, tsúfē ónsípe igyi fē okpísum. ⁶ Ntobí ánfí odu abwepósú Bulu tēhié nyá obló ní. ⁷ Mó aná mlitəbwé bréá mligyi ómátófo ní.

⁸ Séi gyí bréá mléle obló, oblókpán, olu, abakpáí, asokpan blí aná lé mlitə ní. ⁹ Mlímáwa afunu súná aba, tsúfē mlílasí mli tsiátó dada amú pó mó bwéhé fée. ¹⁰ Mlílalátsú tsiátó pəpwε. Bulu gyí mó Obwepó, óde mó bwe pəpwε ían mv iwí bré ánfí mlidé mli bí ánfí. ¹¹ Tsiátó pəpwε anfi mó á, ímefáhn ání Griikiyin ntée Yudayin fogyi. Fətn keté ntée fumətin, okpótópó ntée okudasíyin, okpábi ntée ódihie fogyi. Kristo gyí tógyító, óbv amó féeótó.

¹² Mó sv íniá Bulu lalé mli póbwé mv ahá ání amó iwí latin pó mv adwepó á, mliha nwewúun, awitolewa, iwiasíba, ílwií pó klonya itsia mlitə. ¹³ Mlinya íklnv ha aba. Ní okv mv ba benya á, mlisikie aba fē alhá Kristo lési mli klé kíe mli. ¹⁴ Móá ídvn a, ódwe tóbwé aní fée íkole. Íbwée mli tati didáhé. ¹⁵ Mliha Kristo iwílwíí igyi mli klonsv, tsúfē mótó Bulu latí mli bowa; mliha mv nyankpósá-oyí ámv mlilabwé kole ní. Mlída mv ípán é brégyíbré. ¹⁶ Mliha Kristo asón ámv íhə bula mli klontə, íha mli nyánsa. Mlípótəí kpla aba, suna aba ató. Mlíwa Israelfó ílv, ósankuosv ílv pó ójéótó ílv mli klontə pətsu Bulu fəa, puda aní Sí Bulu ípán. ¹⁷ Mli atə bwéhé pó mli asvn blíhé fée íbwée aní Wíe Yesu ídátó, amlípv ípán ha aní Sí Bulu tsvn mvsv.

Akristofó Tsiátó

¹⁸ Aká, mliha iwiasí ha mli akúlu alhá ílekanáa ha ahá ání bogyi Kristo klé.

¹⁹ Akúlu, mli é mlídwε mli aká. Mlímábwε amó kpóunkpóun.

²⁰ Abí, mlibu mli akwíípó, tsúfē mó Bulu tekle ní.

²¹ Akwíípó, mlímáwa mli abí obló, méní iwí móowu amó.

²² Nkpábi, mlibu mli osólósú awíe tógyítóá mlóbwεtə. Mliha amó ansí igyi mli iwí brégyíbré, megyi amó ansító wole. Mlíbwε mó tsú klontə, tsúfē mlitobú aní Wíe. ²³ Mlíbwε tógyító tsu mli klontə, fē aní Wíe mlidé mó bwe há, megyi anyánkposá. ²⁴ Mlíkan ání aní Wíe íbvtə mlénya mli íkóká ání alalá yáí mv abí. Tsúfē Kristo gyí Owíe ání mlídésu. ²⁵ Táme ní fəbwé tóá íma alé a, obéka fú íkə, tsúfē ótamakí óhaa ansító.

Ɔwɔlɔ Gyankpapuá Paulo Lówanlín Sísí Tesalonikafɔ

¹ Mí Paulo, mía Silwano pɔ Timoteo dé ɔwɔlɔ ánfɔ wanlín sísí ɔpasua ání ígyi anɔ Sí Bulu mɔa anɔ Wíe Yésu Kristo klé, ɔbu Tesalonika wúluto.
Anɔ Sí Bulu mɔa anɔ Wíe Yesu Kristo bɔgyi mli boale, abɔha mli iwilwii.

Tesalonikafɔ Hógyi

² Ní anidé mpáí bɔ há mli brégyíbré á, anitedá Bulu ipán mli fée nwanso.
³ Anitetsiá káín anɔ Sí Bulu mli hógyi gyumagyihɛ. Alhá mlidé mbódí bɔ dwé aba, pɔ alhá mlilatomi há mli ansí dun anɔ Wíe Yesu Kristosɔ kinkínkín. ⁴ Apíó, aniyin ání Bulu tɔdwé mli, alalé mli póbwé mɔ kle. ⁵ Tsúfɛ megyi ɔnɔ keke anilɔpɔ bebláa mli asɔn wankláán ámv. Mboún mlilówun Ɔhɛ Wankihé amu túmí é. Iní léha mlilébi wankláán ání asón ámv ígyi ɔnɔkwali. Mlilówun tsiátɔ oduá anilɔpɔtsiá mlitɔ é, alíá ɔbɔbɔá mli sv. ⁶ Mlilékasí ania anɔ Wíe tsiátɔ. Tsúfɛ asón ámv sv mlilówun iwɔasɔn tsɔtsɔɔtsɔ, táme mlilɔpɔ ansigyí ání itsú Ɔhɛ Wankihé wá hɔ mó. ⁷ Mó sv iléha ahógyipɔá bɔbɔ Makedonia ɔsulɔsɔ pɔ Akaia ɔmátɔ fée beki mli bwehé, buo mó. ⁸ Tsúfɛ megyi Makedonia pɔ Akaia wole anɔ Wíe asón ámv lekléi tsú mli wá yó. Mboún mli Bulu hógyi asón é lakléi yó atíneyiátíné. Mó sv asɔansɔ má inɔvá abétrá blí tsú mó iwɔ. ⁹ Tsúfɛ amó onutɔ bɔde alíá mlilɔpɔkítá anɔ bréá anilébá mli wá blí. Alhá mlilési ikpɔ súm ba mlidé Bulu Ɔkɔankpapu Ɔnɔkwaliɔ amu mboún súm. ¹⁰ Pɔ alíá mligyó bréá Bulu mɔ Bi Yesu ámóú ɔlɔkusúá tsu afúlitɔ ámv ɔbélatsú ɔsúsó bá. Mogyi ɔhá ání ɔde anɔ le tsú Bulu ɔblí ámóú ɔbá ámvɔ ní.

2

Paulo Tsiátɔ Tesalonika Wúluto

¹ Apíó, mli onutɔ mliyín ání anɔ mli wá bá mɔbwe kpaali. ² Mliyín alíá bɔwa anɔ amumoyɔ, sɔpa anɔ Filipi wúluto asa anilébá mli wá. Mliyín ání akɔ bɔmotsulá, behɛ kósó líi anisɔ; táme anɔ Bulu lówa anɔ ɔwɔnlin, anilébláa mli asɔn wankláán ámv. ³ Tsúfɛ megyi afunu asón anidéblí. Mó sv nde mli kokóli. Megyi agywun laláhe koku ígyi, anumédé mli mlé é. ⁴ Bulu lóhɔ anisɔ gyi, ɔlɔpɔ mɔ asɔn wankláán ámv wá anɔ ɔbɔ. Mó anidéblí ní! Megyi anyánkpɔsa ansítɔ anidéki blí mó, Bulu yin anɔ klɔntɔ. ⁵ Mlihié mliyín ání megyi ɔnɔ dédé anilɔpɔ ba mli. Anuméba bɔwa afunu koku é súná mli, pónyá tɔku tsú mli wá. Bulu gyi anɔ ɔdansiyin. ⁶ Animódunká kanfó tsú nyankpɔsa ɔkoku, mli, ntée ɔha bambá wá. Kristo sumbí ayɔpɔ anigyí. Mó sv tekɔ anɔbɔ ɔkpa sí iwɔ tswɔ mli sv, ⁷ táme anilólwii há mli, kɔ mli fɛ alíá abí-oyín tekɔ mɔ onutɔ abísó. ⁸ Anitehié klé mli asón. Mó sv megyi Bulu asɔn wankláán ámv nkɔle anilɔpɔ ba mli, mboún anilési anɔ iwɔ é há mli, tsúfɛ mlidamli anɔ adwepó. ⁹ Apíó, yéé mlékaín agyómá ání anilɔyɔ ɔpa móa onyé pónyá tɔá ilehián anɔ? Alhá anuméesi ipian tswɔ mli sv bréá anidé Bulu asɔn wankláán ámv ɔkan da súná mli sɔ anilɔbwe mó alí. ¹⁰ Mli ahógyipɔ amu pɔ Bulu gyi anɔ adansifɔ alíá anilɔpɔtsiá mlitɔ. Anɔ iwɔ letɔn, anɔ asón da ɔkpa, ɔlala é metsiá anɔ iwɔ. ¹¹ Mliyín ání anilékpɔ mlitɔ okugyíɔku fɛ alíá abí-ɔsí tekpá mɔ abí. ¹² Anilówa mli atetɔ-ɔnlɔn, lwíí mli klɔn, tóí kplá mli anaa, mlitsiá tsiátɔá ilegyi Bulu ansí. Mólétɔ mli ɔbée, mlibénya mɔ iwíegyi pɔ mɔ numnyam amu iku.

¹³ Tɔá svá anitedá mɔ ipán brégyíbré é gyi, bréá anilɔpɔ mɔ asón ámv ba mli á, mlumótsu mó ání nyankpɔsa wá itsú. Mboún mlilóhɔ mó ání lélé, itsú Bulu

wá; tsúfɛ mó Bulu dépoyó agyómá mli ahógyipu amotɔ ní. ¹⁴ Apíó, mliamlí fɛ Bulu ɔpasua ání íbòbò Yudea ɔmátó, bɔgyi Kristo Yesu klé amò. Mliówun ipian mli pɛ íbítá, fɛ alí ámóú amó é bowun ipian amó pɛ Yudafɔ íbítá ámù. ¹⁵ Yudafɔ lómò Bulu ɔnósó atóipú pú aní Wíe Yesu. Amó kén lagya aní lé ɔmá ámùtɔ. Botamakle ahá asón, botamagyi Bulu ansí. ¹⁶ Bòkusó líí anisù ká aní itin bɛɛ, anumábla ahá ání bumegyi Yudafɔ nkpahò asón ámù, Bulu ɔhò amò nkpa. Iní bwɛ lahá amó lakpan labiayi. Mó sù ílahá Bulu lanyá ɔbls, ɔbɛbití amó ísù.

Paulo Lékléá Ɖbélayéki Tesalonikafɔ

¹⁷ Apíó, anilénatí mli wá ɔpá anumókósi mli sù kaín. Mó sù anihíé anidé ɔkpa dunká ání abéla bowun mli ansító, tsúfɛ anidé mli sù kaín dɔbí. ¹⁸ Anilékléá abélaba mli wá. Mí Paulo onutó ó nabwé agywun ání néyinkí bá inu ita tsefiní, táme Ɖbunsám méha ɔkpa. ¹⁹ Ma sù aní ansí dín? Megyi mli sù ansí dé aní gyí ání abénya ɔkpa tsú iwí aní Wíe Yesu ansító bréá ɔbéba? ²⁰ Lélé mó á, mligyi aní numnyam pú aní ansigyí.

3

Timoteo Tesalonika Yɔ

¹ Mó sù bréá anumébi alá mli tsiátó igyi, ide aní háan a, anilóbwe agywun aniaa, aní mó abétsiá Atene wúluto, ² awa aní pió Timoteo, ogyi aní Bulu agyómáyɔbá Kristo ason wankláán ámù ɔkandato sɛsɛ mli, ɔbɔwa mli ɔwɔnlín. Ɖtɔi kpla mli amlilú kínkiínkín hógýitɔ, ³ méní mli tɔ ɔkòkò méeyinkí ɔma ason wunhe anfi sù. Mli onutó mliyin ání igyi tásá ida yaí há aní Akristofɔ dodo. ⁴ Tsúfɛ bréá anibù mli wá á, anulébláa mli ání bédínká mli sù. Lélé bédínká mli sù fɛ alá mliyin. ⁵ Iní sù bréá netsiá mmetsiá á, nɔwa Timoteo mli wá mbéɛ, ɔbéki alá mli dé hógýi amotɔ. Tsúfɛ íbétalí ba ání Ɖbunsám lasò mli kí, há aní gymagyihe labwé kpaali.

⁶ Timoteo layinkí pú ason wankláán tsúa mli wá ba aní séi, tsú mli hógýi pú mli abadwɛ iwí. Alaláa aní ɔbéɛ, mli é mli dé anisù kaín dɔbí. Mli dékléá mliówun aní, fɛ alí ámóú aní é anidékléá abówun mli ámù. ⁷ Mó sù apíó, mli hógýi lawá aní atetɔ-onlun, aní ipian pú aní ason wunhe fɛétó; ⁸ tsúfɛ mli líí aní Wíe hógýitɔ kínkiínkín. Mó sù aní klɔn ládi aní asi. ⁹ Ipán mòmò abókòkò da Bulu mli sù, ansíá ide aní gyí m̀v ansító sù? ¹⁰ Anitchíé bó mpái kókóli Bulu ɔpa móa onyé aniaa, ɔhá ayinkí bowun mli, méní abósuná mli tásá íbéha mli hógýi bɔfɔn.

¹¹ Aní Sí Bulu onutó móa aní Wíe Yesu bɔfinkí ɔkpa ha aní aba mli wá. ¹² Aní Wíe ɔhá mli apíó aba pú ahá fɛé dwe ɔnó iwa onlun, fɛ alí ámóú anitɔdwé mli ámù. ¹³ Ɖwá mli ɔwɔnlín, méní aní Sí Bulu omóowun ɔlala mli iwí, ifin kòkò é méetsiá mli iwí m̀v ansító, aní Wíe Yesu móa móa ahá fɛé ɔbáke amù.

4

Tsiátóá Ilegyi Bulu Ansí

¹ Apíó, ítráhe a, anilósuná mli tsiátó, méní Bulu ansí bégýi mli iwí. Lélé mó á, alí mli tsiátó gyí ní. Séi á, anihíé anidé mli kókóli aní Wíe Yesu dátó aniaa, mli bwé mó dɔn alí. ² Tsúfɛ mliyin mbila ámóú anilówa há mli aní Wíe Yesu idátó ámù. ³ Bulu dékléá mli háa mli iwí itin. Mó sù mli m̀wáwa atsi móa ayin asón. ⁴ Mli tɔ okugyíɔkò ɔbí alá ɔbékítá iwí, iwí tɔn pú obú ɔkpasu. ⁵ Imábwe ɔwólí laláhe ɔkpasu, fɛ alá ahá ání bumeyin Bulu bɔtɔbwé. ⁶ Mli tɔ ɔkòkò másisií m̀v ba, swíí m̀v mó ka. Tsúfɛ aní Wíe ɔbɛbití ahá ání bɔtɔbwé mó odu ísù. Anidé mli ɔlá da, fɛ alá anilòkò bláa mli yaí. ⁷ Tsúfɛ Bulu méti aní ɔbéɛ,

abá bọ̀to mbuá; mboún ọ̀bée, ifin kọ̀kọ́ mátsiá aní iwí. ⁸ Mú sù ọ̀hagýiọ́hà aní omegyi atosunáhé anfí sù á, megyi nyankpọ́sa omédébu. Mboún Bulu á mú ọ̀pọ̀ mu Ọ̀jẹ Wankihé há mli ámu.

⁹ Imehián aní abówanlín asọ́nsù tsú mli aba akristofọ́ dwe iwí sí sí mli. Tsúfẹ́ Bulu onutọ́ lasúná mli alíá mlidwée mli aba dododo. ¹⁰ Ọ̀nọ̀kwali a, mlidé apíọ́ ahógyipọ́á bọ̀bọ̀ Makedonia ọ̀mátọ́ fẹ́é dwe dodo. Mú sù apíọ́, anidé ipa bwií há mli aniaa, mlitráa dwe aba dọ̀n alí. ¹¹ Mlípọ̀dinka iwí sù aní mlétsiá tsiátọ́ wankláán. Mlípọ̀ mli ibi yọ́ agyómá pọ̀kí mli iwí sù, fẹ́ alíá anilébláa mli, ¹² méní mliá ahá aní bomegyi ahógyipọ̀ mlétsiá wankláán, mli méétrá pọ̀ an sí dínká ọ̀haasù.

Aní Wíe Yesu Yínki Bá

¹³ Apíọ́, anidéké aniaa mli bí ọ̀nọ̀kwali aní ibu Akristofọ́á bawú iwí, méní mli méetsiá gyi awurẹ̀họ́ fẹ́ ahá aní amú an sí mēdín tọ̀tọ̀sù. ¹⁴ Anilóhogyi aní Yesu lówu kọ̀sọ́ tsú afúlitọ́. Alí kén anilóhogyi aní Bulu ọ̀békpa ahá amú ọ̀bọ̀họ́ mu gyi asa bowu ámu ba ní.

¹⁵ Aní Wíe onutọ́ atosunáhé anidé mli suná séi á. Aní ahá aní anitráa anitsie nkpa asa aní Wíe ọ̀báke ibọ̀fọ́n a, animéegya awupọ́ ámu nkpa yéfiá mu. ¹⁶ Tsúfẹ́ aní Wíe ọ̀bọ̀kplón t́mí sù, Bulu-ọ̀bọ̀pọ́ dehen ọ̀bélé ọ̀nọ́, bọ̀fọ̀lú Bulu ọ̀kpe é bréá aní Wíe onutọ́ dékplí tsú ọ̀sọ̀sọ́ ọ̀bá. Ahógyipọ́á bawú bégýankpá kọ̀sọ́. ¹⁷ Mu ọ̀ma a, aní akiankpapọ́ é fẹ́é abóyọ̀tọ́ amú nwulótáátọ́, aní fẹ́é abéyefia aní Wíe afútọ́. Tsú eke ámu a, abétsiá aní Wíe wá bré fẹ́é. ¹⁸ Mú sù mlípọ̀ asón anfi kita iklọ̀n wa aba iwíto.

5

Iwí sù da Gyo Aní Wíe Ibá

¹ Apíọ́, imehián aní abówanlín bré pọ́ ekeá asón anfi ibéba sí sí mli. ² Tsúfẹ́ mli onutọ́ mliyin aní aní Wíe ọ̀báke amú ibéba bofwie anito, fẹ́ alíá owikplu teba onyé. ³ Bréá ahá bee, “Owí latá, asón latá” á, alí bré ámọ̀tọ́ béhí ní. Ibófwie amótọ́ fẹ́ alíá ikwí tẹ́kan ọ̀tsi ọ̀sáwọ̀le pé. Ọ̀haa méedala mótọ́. ⁴ Táme apíọ́, mli mú mliyin asón anfi. Mú sù mli métsié oklúntọ́, méní eke ámu méeba bofwie mlitọ́ fẹ́ owikplu. ⁵ Wanki múa ọ̀yi kehetọ́ abí mli fẹ́é mli gyí. Megyi onyé ntée oklúntọ́ abí anigyí. ⁶ Mú sù mliha agyo, anímádídí fẹ́ aha bambá. Mliha adinka an sí iwí sù, akí iwí sù wankláán. ⁷ Onyé, adidípọ́ bọ̀tedídí. Onyé, nta abọ̀pọ́ é bọ̀tọ̀bọ́ ntá. ⁸ Táme aní mú á, wankitọ́ abí anigyí. Mú sù mliha agyi iwí sù. Mliha Kristo hógyi pọ́ aní abadwe ibwite kántọ́-atíntọ́ tin aní kántọ́. Mu ọ̀kpakú aní ọ̀bọ̀họ́ aní nkpa ibwée kọ̀tọ́pa aní ibun aní nwun. ⁹ Megyi alíá Bulu obénya ọ̀blọ́ wa aní, bíti aní isù sọ́ ọ̀lẹ́le aní. Mboún alíá ọ̀bọ̀tsọ̀n aní Wíe Yesu Kristosù họ́ aní nkpa sù. ¹⁰ Kristo lówu há aní, méní mu bábí a, ní anlawú o, anibù nkpa o, ania mọ̀nyọ́ abétsiá. ¹¹ Mlípọ̀ asón anfi kita klọ̀n wa aba iwíto, pọ́wa aba ọ̀wonlín, fẹ́ alíá mlidé mú bwe dodo.

Iklá

¹² Apíọ́, abwíí ipa há mli, mli bu mli ọ̀nọ́ alí pọ́á bọ̀híé bọ̀de agyómá yọ́ mlitọ́, bọ̀de mli aní Wíe tsiátọ́ suná. ¹³ Gyọ́ma amú ọ̀ bodegyí amú sù mli he bu amú, amli dwe amú. Iwílwíi itsiá mli mli aba nsiné.

¹⁴ Apíọ́, anidé mli ọ̀lá da aniaa, mlitọ́ kpla awọ̀lyọ̀pọ́. Mli wa afú pọ́ atetọ̀-ọ̀nlń. Mli bọ́a amú bápọ̀n, amlinya klọ̀n ha ọ̀hagýiọ́hà. ¹⁵ Mli kí aní ọ̀haa mọ̀pọ́ laláhe ká mu ba iká. Mboún mli bwe yilé há aba pọ́ ahá fẹ́é.

¹⁶ An sí igyi mli, ¹⁷ amlibọ́ mpáí brégyíbré. ¹⁸ Mli da Bulu ipán tógyítọ́tọ́. Mógýi tóá Bulu dédunká tsú mli wá mli nkpatọ́, bré anfi mliá Kristo Yesunyọ́ mli labwé ikole anfi ní.

¹⁹ Mlumákiná tɔ́á Ɔɣɛ Wankíhé amu tekle bwe.* ²⁰ Mlumábu Bulu ɔ́nɔ́sɔ́ atɔ́ipó asón ámu tɔ́ku odu. ²¹ Mlɛsɔ́ tɔ́gyítɔ́ kɪ, amlikɪta mɔ́á ɪbu alétɔ́ kɪnkíínkín.

²² Mlɪkina lalahɛ kugyíku.

²³ Bulu tɛ́há anɪ iwɪlwii. Ɔ́tɪn mɪ ɪwɪ ɔ́kpagyíɔ́kpasu. Ɔ́kɪ mɪ nyankpɔsa-oyí, mɪ ɔ́ɣé pó mɪ ɔ́klásu tsú lalahɛ kugyíkɔ́tɔ́, ménɪ ɔ́lala méetsiá mɪ ɪwɪ anɪ Wíe Yesu Kristo ɔ́báke amu. ²⁴ Bulu létɪ mɪ. Ɔ́nɔ́kwaliɔ́ ogyi, ɔ́bɔ́bwe mú.

²⁵ Apíó, mlɪbɔ́ mpái ha anɪ é.

²⁶ Ahá ahógyipɔ́ amu fɛ́é itsiá gyágyáágyá. Mlɪlata aba puta ɔ́dweɔ́.

²⁷ Nde mɪ bláa anɪ Wíe ɪdátɔ́ mbéɛ, mlɪkla ɔ́wɔ́lɔ́ ánfɪ suna ahógyipɔ́ amu fɛ́é.

²⁸ Anɪ Wíe Yesu Kristo ogyí mɪ buale.

* **5:19** Ntée Mlumádun Ɔɣɛ Wankíhé ogyá ámu.

Ɔwɔlɔ Nyɔɔsiá Paulo Lɔwanlín Sísí Tesalonikafɔ

¹ Mí Paulo pɔ Silwano mɔa Timoteo dé ɔwɔlɔ ánfɔ wanlín sísí ɔpasua ání ibu Tesalonika wúlutɔ, mligyí anɔ Sí Bulu mɔa anɔ Wíe Yesu Kristo klé.

² Anɔ Sí Bulu mɔa anɔ Wíe Yesu Kristo bɔgyíi mli buale, abuha mli iwilwii.

Ipánda

³ Apíó, ilehián ání abéda Bulu ipán mli nwunso brégyíbré. Tsúfɛ mlidédáan hógyitɔ tsía. Ɖdweá mlibu ha aba é demoní tsía. ⁴ Mú so anitɔpɔ mli tsú iwɔ Bulu ɔpasua kugyíkw ansítɔ; mli nsiwa pɔ hógyiá ibu mliɔ, buɔɔn mliɔ, isóki dé mli tɔ, mliatomi su.

⁵ Inɔ déle suná ání Bulu asóngyí da ɔkpa. Tsúfɛ obótsu mli ání mliɔfɔn ha mu iwíegyí ámúú mlidé ipian wúun mú so ámúú yɔ. ⁶ Ɖɔɔkwaliɔ Bulu gyí. Ɖbéka ahá ámúú buɔe mli iwɔɔsɔntɔ wa ámu akɔ. ⁷ Ɖbéha iwɔ bólwíí anɔa mli ání mlidé iwɔɔsɔn wúun, eke ámúú anɔ Wíe Yesu ɔbékplí tsú ɔsúsú beɔe iwɔ ɔwan mɔa mu abɔpu atúmipɔ amɔ. ⁸ Ogya plenplentɔ ɔbéba bebítí ahá ámúú bɔmeyín Bulu* ámu isɔ. Tsúfɛ butamapɔ anɔ Wíe Yesu iwɔ asɔn wankláán ámu bwé tɔtɔ. ⁹ Amú isɔbití gyí, amúú anɔ Wíenyɔ nsuné bówa ífɔ, mu túmi mɔɔwankí wólí amúsú, obéyintá amú bré féétɔ. ¹⁰ Isɔbití ánfɔ iwéba eke ámúú ɔbéba, Bulu ɔbɔwa mu numnyam aha wankíɛ ansítɔ. Ifú békitá ahógyipɔ. Mli é mliétisiá amótɔ, tsúfɛ mliɔhɔ mu iwɔ adánsiɛ ámúú anlégýí suná mli ámuɔɔ gyí.

¹¹ Mú so anitɔbɔ mpái há mli anɔaa, Bulu ɔhá amlifɔn nkpa ámúú ɔletí mli ɔbéɛ, mlibétsiá ámúú. Mu túmi iháa amlitali bwe yilé ání mliɔdékléá mlóbwe, pɔmɔ mli hógyi agyómá ɔnɔ. ¹² Ní mletáli bwé inɔ á, mli so ahá bópu numnyam há anɔ Wíe Yesu, mu é ɔbɔwa mli numnyam; fé alɔ ámúú anɔ Sí Bulu mɔa anɔ Wíe Yesu Kristo awítɔle gyí ámu.

2

Yesu Mɔa Mblasɔ Mágyipɔ Amɔ

¹⁻² Mí apíó, nobwíí ipa há mli. Anɔ Wíe Yesu Kristo íbá, pɔ alá abóbwe kole yéfiá mu asún ání mliɔnɔ umákɔsí kpɔnkí mli klɔn, ntée iha opúni itsii mli. Ní aku beɛ, Ɖɔɔe Wankíhé lalé suná amú lóó, ntée ibu anɔ asɔn blihé ntée anɔ ɔwɔlɔ kɔtɔ ání anɔ Wíe ɔbáke amɔ laba dodo kóráá á, mliumáhogyi. ³ Mliumáha ɔhaa ɔmle mli ɔkpagyíɔkpasu. Eke kpɔnkɔntɔ ánfɔ iméɛba, nkéti ahá bakósú lí Bulusɔ, ɔhá ámúú ɔtamagyí Bulu mblasɔ, ɔbéhi ámu lalɔ ɔwan asa. ⁴ Obótsu iwɔ fúá, kósú lí Bulu, ikpɔ pɔ tógyítá anyánpósa bɔtosúmsú, bli ání ɔɔn amú féé. Obéyetsiá Bulu ɔswékpá inɔ kóráá, bli ɔbéɛ mɔgyí Bulu.

⁵ Mliumókókáin ání ntebláa mli asún ánfɔ bréá mbu mli wá? ⁶ Mliyin tóá ide mu ɔkpa tiin dodo. Nkéti mu ɔwanlebi lafɔn. ⁷ Tsúfɛ Bulu mblasomágyi túmi ánfɔ ide agyómá yɔ nɔántɔ dodooɔ, táme ɔku dé mú ɔkpa tiin. Mú so nkéti ɔhá ámu ladáli inɔ. ⁸ Inɔ mblasɔ mágyipɔ amɔ ɔbélin ɔwan ní. Táme anɔ Wíe Yesu oyínki ba a, mu ɔnótɔ afú keke íbómɔ mu, mu numnyam é íbówankí wólí muɔɔ yintá mu. ⁹ Ní mblasɔ mágyipɔ anɔ ɔɔn ɔwan á, ɔbɔpu Satan afunu túmi kpɔnkɔntɔ bwé osúna pɔ ofúla. ¹⁰ Ɖbótsɔn owuntɔɔn ɔkpa ɔtsan-ɔtsansu mlé ahá ámúú Bulu ɔbéhi amú ámu. Bulu ɔbéhi amú, tsúfɛ bɔmekle ɔɔkwali amɔ asún, ménɔ Bulu ɔbɔhɔ amú nkpa. ¹¹ Inɔ inɔ Bulu ɔbɔpu afunu ɔɔɔéá mú ɔnɔ bu ɔnlin wá

* 1:8 Bɔmeyín Bulu, tsúfɛ bɔmekɔ mli.

amótɔ, ménɩ bóhɔ afunu asónsɔ gyi. ¹² Ɖbéha ahá ánfɩ bómɔhɔ ɔnɔkwali amɔsu gyi, botekle lakpan bwe ánfɩ fée ipón.

Mli Nkpahɔɔ Sɔ Bulu Léle Mli

¹³ Apíóá anɩ Wie tɔdwé, ilehián ání abéda Bulu ipán mli nwunsu brégyíbré. Tsúfɛ tsú bréá ɔyílelu ɔpá Bulu léle mli ání ɔbótson mu Ɖɔɔ́ é ámu pɔ mu ɔnɔkwali asón ámú mli lahogyi amɔsu tun mli iwɩ, póhɔ mli nkpa. ¹⁴ Inɩ sɔ ɔlɔtsɔn asɔn wankláán ámú anilébláa mli ámu sɩ mli ɔbé, mlibétsiá anɩ Wie Yesu Kristo numnyam amɔtɔ ní. ¹⁵ Mó sɔ apíó, mli kinkínkín, amlíkita ɔnɔkwali amú anilósuná mli ámú, móá anilébláa mli pɔ móá anilówanlín sísi mli fée.

¹⁶⁻¹⁷ Anɩ Wie Yesu Kristo onutɔ mu anɩ Sí Buluá ɔtɔdwé anɩ, alawá awitale wá anɩ atɛtɔ-ɔnlɩn ání imɔmɔ ɔnɔ ekekeke, anidé itɔ wankláán ɔkpa kí, ɔwáa mli ɔwɔnlín mli asɔn blíhé pɔ mli bwehé kugyíkɔtɔ.

3

Mpáibɔ

¹ Itráhe-tráhe a, apíó, mlibɔ mpái ha anɩ. Anɩ Wie asón ámu ikósi klei. Ahá abɔpu obú hɔ mó fé alɩ ámú mli é mli lóhɔ mó ámu. ² Mlibɔ mpái, Bulu ɔle anɩ tsu awuntɔlɩpu pɔ aha laláhe ibɩtɔ. Tsúfɛ megyí ahá fée lóhɔ anɩ Wie gyi.

³ Táme anɩ Wie bu ɔnɔkwali. Ɖbɔwa mli ɔwɔnlín, hɔ mli lé lalahɛ Ɖwepɔ ámu ibɩtɔ. ⁴ Anɩ Wie lahá anlahogyi ání mli dé ntóbí ámú anilósuná mli ámu fée bwe, mli méesi bwe é.

⁵ Ɖkpáa mli, amlɩnu ɔdweá Bulu bu asi yɔ ɔtótótótɔ, ɔha amlɩtomi fé Kristo.

Tsiátɔ Wankláán

⁶ Apíó, anidé mli ɔlá da anɩ Wie Yesu Kristo idátɔ anɩaa, mli mápu Akristofɔ ámú bɔna bɔdetsɔn, bɩtamakle agyómá, bɩmedé atosunáhé ámú anilósuná mli ámu gyi wa mba. ⁷ Mli onutɔ mli yin ání ilehián ání mlétsiá anɩ atsiábi. Tsúfɛ anómwa ɔwɔlyɔ, náti tsɔntsɔn bréá anɩ mli wá. ⁸ Anumégyi atɔ ɔhaa wá, kíná mó ikɔ ka. Mbóun anilóyɔ agyómá ɔpa móa onyé kinkínkín, ménɩ animéesi ipian tswɩ mlɩtɔ ɔkɔkɔkɔsu. ⁹ Megyí bɛɛ, anumá ɔkpa bláa mli anɩaa, mli kí anɩsɔ, sɔ anilóbwe mó alɩ. Mbóun anilóbwe mó súná mli, ménɩ mli é mlóbwe mó odu. ¹⁰ Bréá anɩ mli wá kóráá á, anilówa mbla há mli anɩaa, “Ɖhá ání ɔmɔyɔ agyómá mágyi atɔ.”

¹¹ Anɩ anɩ ání mlɩtɔ aku bɩtsie kpaali, bɩmedé agyómá kɔkɔkɔ yɔ. Okéngyɛ bɩna bɩdewa tsɔn. ¹² Anidé amú ɔlá da anɩ Wie Yesu Kristo idátɔ anɩaa, bɩsí náti tsɔn, abɔyɔ agyómá nya amú atogyihe.

¹³ Táme apíó, mli mó á, yilébwe imáta mli ɔɔ́. ¹⁴ Ní ɔkɔ mégyi asón ánfɩ anilawánlín sísi mli ánfɩsɔ á, mli mli wankláán. Mli mɔnyɔ mli mágyi mba, ménɩ péli békítá mu. ¹⁵ Táme mli málu mu, mbóun mlɩtɔ kpla mu fé mli pío.

Iklá

¹⁶ Iwilwii Owie amú onutɔ ɔhá mli iwilwii bré fée tɔ ɔkpagyíɔkpasu. Anɩ Wie ɔtsiá mli fée wá.

¹⁷ Mí Paulo onutɔ lapɔ mí ibɩ wanlín inɩ. Mí dá ánfɩ ntɔwánlín wá mí nwóló fée asi, púsúná ání itsú mí onutɔ wá ní.

¹⁸ Anɩ Wie Yesu Kristo ogyí mli fée bɔale.

ᾠωλοῦ Gyankpapuá Paulo Lówanlín Sísí Timoteo

Itsídhá

1-2 Mí Paulo ání aní Nkpa ᾠᾠᾠ Bulu mva Kristo Yesuá aní ansí dín mvsu lóbwe mí sumbí ᾠᾠᾠ, dé ᾠωλοῦ ání wanlín sísí fú Timoteo ání fógýi mí bí onutó Yesu hógýi amvto.

Aní Sí Bulu mva aní Wíe Kristo Yesu bogyíi fu bvale, abowun fu nwe ha fú iwílwii.

Afunu Atosundhé

3 Bréá ndenatí nᾠᾠ Makedonia nsáuntá á, nebláa fu mbée, fotsía Efeso amátó, afuka ahá amóú bude afunu ató suná amv itin. 4 Mú amá a, da amó olá abvsi bré yintá há ᾠᾠᾠ pú anáin línto kláa tíntíntín. Nwéengyí keke itapóba. Itamahá ahá abvtsia nkpa Bulu hógýito. 5 Tóá svá aniaa fukáa amó itin gyí, alá Okristoyin okugyíakv obódwe mu ba, mu klv méecha mu ipón, obénya agywun wankláán móa hógýi onutó. 6 Akv bvmobuo alí akpa ání. Mú sv bafwí yó bude asón ání uma así blí. 7 Bvdekléá bóbwe Mose mbla asunápó, táme bvmédé itó amóú budesuná amv así nu. Ide amó bwe fé bvyin mó, táme bvmeyín mó.

8 Anyin ání mbla amv bv alé, ní bapúsuná ató akpa wankláánsú. 9 Táme iwánkí aní ání megýi yilé abwepó sv Bulu lówa mbla amv. Mboun ahá ání butamagyi mósó, ahá ání amó asvto bv amó onlín, ahá ání butamanyá mu ifú, lakpan abwepó, ahá ání amó iwí métn, ahá ání butakpóí Bulu, ahá ání butómó amó akwípó pú aha bambá, 10 mbva atapó, ayin ání butekle amó aba ayin pú atsiá butekle amó aba atsi, anyánkpsa ibiá agyípó, afunupv, ahá ání beká ntam butamagyi mósó pú tsiátóá imekanáa atosunáhé wankláán amóú 11 Bulu Onumnyampv, ikanfó gyi mu kle amv lópvhá mí obée, ndáa mó okan amv.

Bulu Paulo Bvaleyí

12 Nedá aní Wíe Kristo Yesu ipán ání alawá mí ᾠωnlín, bú mí onkwalipv obée, nyóo agyómá ání pvsun mu. 13 Tekí míteblí mu iwí asvnlaláhe, ntedínká mu ahásu, sópa amó ní. Táme olowun mi nwe, tsufé mmáho mu gyi alí bré amvto, mmeyin tóá ndebwe é. 14 Oo, hie kí alá ohíe obv awítale! ᾠᾠhá mí nenyá mu hógýi pú mva mí abadwéá ibv ania Kristonyo ikvlebwevto. 15 Asón ání ibv mótó, ilehián ání ohagyíaha obóho mósó gyí. Mógýi, Kristo Yesu léba ᾠyító bele lakpan abwepó. Mígyí amótó alaláhe ni. 16 Táme iní sv Bulu lówwun mi nwe, há Kristo Yesu léle mí ání gyi lakpan abwepó kponkponkponntí ání ní. Méní ohagyíaha obébi ání Bulu tēhē nyá klvnl há ohá ání obéba bōho mu gyi, nyá nkpa ání itamatá. 17 Mliha awa Bulu numnyam, akanfo mu aniaa, “Fógýi Owíeá fú iwíegýi tamamó onó. Bulu Okvokónó okvle, butamapó ansibi wun fú. Fvbo mu bré féé, futamawú! Amen.”

18 Mí bí Timoteo, ató amóú Bulu léle súná tsú fú iwí amv só nde mbla ání wa há fú. Pv asón ání yó agyómá, afvppkó atosunáhé wankláán amv nwnvso. 19 Kita fú hógýito. Bwe tóá fvyin fú klvnto ání bv alé, tsufé akv babwé tóá bvyin ání ma ale. Mú sv ílahá amó hógýi lawú. 20 Amótó akv gyi Himeneo mva Aleksandro. Napó amó wá ᾠbvsám ibvto. ᾠbítí amó isv, méní bebíá mehián ání féblí Bulu iwí abusvso.

2

Bulusúm Mbla

¹ Itá ndedunká aní mligyánkpa bwe gyí, mlikokoli Bulu ahá fée nwunso, amlibó mpá ha amó. Mlikoli Bulu ató há amó, amlida mu ipán dhagyíoha nwunso. ² Ilehían aní mlóbwe mú alí há awíe pó ahandé é, méni asoto bólwií aní, abétsiá iwilwiito, atali sum Bulu okpagyíokpasu. ³ Iní bów alé, aní Nkpa Dhópu Bulu tekle ni. ⁴ Tsúfée odekléá dbóho ahá fée nkpa, méni bébi onkwali amu. ⁵ Bulu okokónú okole bu unu. Nsiné olapó okole pé é bu Bulu mua anyánkpoasa nsiné. Mogyí Kristo Yesu, ogyi nyankpoasa amu. ⁶ Mólési mu nkpa há púho ahá fée nkpa. Asón anfi Bulu lópuhá oyi fée mú bré wankláántó ni. ⁷ Onkwali nde mli bláa, mmedé afunu wa. Iní só Bulu léle mí obée, mbwée mu asón okan odapó, mu sumbí oyopó pó osunápó ha ahá aní bumegyí Yudafó, mí ambla amó onkwali asón tsú Yesusu hógyi iwi ní.

⁸ Ndekléá opasua kugyíkoto á, ayin aní amó iwi letin bótúu ibi fua bó mpá. Obís ntée nwéengyi mátsiá amótó. ⁹ Atsi ámu é budída tati okpa wankláánsó. Amó ato didáhé máwo ansíbi. Bumáduv imi bwe, wá sika ató, didá atatiá ibi ibíá dubi. ¹⁰ Atsiá bee batenyá Bulu ifú bwbwée yilé. Mú obéha bówa akíle ni. ¹¹ Ilehían aní bétsiá así díín, ba iwiasí súan ató. ¹² Mmókóhá atsi okpa mbée, busúna ayin ató, ntée bogyí ayinsó. Mbouín bótúá díín. ¹³ Tsúfée Adam Bulu légyankpá bwé asa olóbwe Hawa. ¹⁴ Megyí Adam é Satan lémlé, mbouín Hawa olémlé, okkusó líí Bulu mblasu. ¹⁵ Táme Bulu obóho otsi nkpa tsun ikwíusu.* Ní oletali kítá mu hógyi pó mu abadweto, oleha mu iwi letin, oletsia nkpa é wankláán.

3

Opasua Dhande Bwe

¹ Asón anfi bu mótó. Ní oha obwé agywun aní móbwe opasua dhande a, alakle agyómá wankláán. ² Imehían aní olala bétsiá opasua dhande iwi. Obwée oka okole otsiápu, mu agywunto da, otegyi iwiso, obú bu muso, otáho afó, otosúná ató é wankláán. ³ Omábwe nta obupó ntée ohá aní obu iyn. Obwée ohá aní oleba iwiasí, mu asón lolwií. Omábwe otrépu, omábwe kóba odwepó. ⁴ Obwée ohá aní oteki mu wóyísó wankláán, mu abí beba iwiasí, butobú mu okpagyíokpasu. ⁵ Tsúfée ní oha méyín mu wóyísó kí wankláán á, nkali obétali kí Bulu opasua ámuso? ⁶ Omábwe ohá aní oledamli klonto makówá opa. Ní megyí alí á, íbéha mu obótsu iwi, Bulu obébití mu iso fé Obunsám. ⁷ Iní fée oma a, ilehían aní ahá aní buma opasua ámutó kóráá bétí mu idayilé. Ní megyí alí á, obékpa wíé Obunsám yibito sópa.

Opasua Dhande Obápu

⁸ Opasua dhande obápu é obwée ohá aní obú bu muso, oma nnonyo, otamabó ntá, oma sika onsípe. ⁹ Ilehían aní obékítá hógyi asón ámúú ilalin owan ámutó wankláán, mu klun é méétrá ha mu ipón. ¹⁰ Mligyankpa pu agyómá íku wa mu ibito, pusu mu kí bee olala ma mu iwi, asa amlíha mu obwe opasua dhande obápu. ¹¹ Alí kén mu ka* é obwée otsiá obú bu muso, otamablí ahá iwi ason laláhe, otegyi iwiso, obu onkwali tógyítótó ni. ¹² Opasua dhande obápu obwée oka okole otsiápu, otetáli kí mu abí pó mu wóyísó wankláán. ¹³ Ahá butobú opasua dhande obápu aní otayó mu agyómá wankláán. Itehá mu otetáli tóí tsú mu hógyiá obu Kristo Yesuto.

* **2:15** Tsun ikwíusu, ntée Tsun mu abi kwíhése. Idesuná aní Tsun obíá otsi ámu obókwiusu, ntée tsun Yesu ikwíusu. * **3:11** Mu ka ntée opasua dhande obápu tsíhé

Asɔn Njainhé Kpɔnkpɔɔnkpɔnti

14 Nde ɔwɔlɔ́ ɔ́nfi wanlín sísí fú, táme ndin ansí ɔ́nfi ɔ́nkwá ba mu. 15 Mómú ní nde ɔ́pá wa kóráá á, ɔwɔlɔ́ ɔ́nfi íbèha fèbɔ tsiátɔ́ ɔ́duá ilehián ɔ́nfi ɔ́ha obétsiá Bulu wóyí, igyi Bulu Ɔkiankpapu ɔpasua ámutɔ. Ɔpasua ámu gyí ɔtan pɔ ntsɔwasi kpékplékpléé há ɔnɔkwali asɔn ámu ni. 16 Ɔnɔkwali, aní Bulusúm iwɔ asɔn ámutɔ́ ɔ́dalan ɔ́wan ámu lómoní. Mógýí,

Kristo† léle mu iwɔ súná fè nyankpɔsa.

Ɔ́ɣe Wankíhé léle mu súná ɔ́nfi yilé ɔ́wɔpɔ́ ɔ́gyi.

Bulu-abɔpɔ bowun mu,

ahá bɛda mu asɔn ɔkan súná ɔmá fèé.

Ɔ́yítɔ́ ahá bɔhɔ mu gyi,

Bulu lótsu mu ya ɔ́sósó numnyamtɔ.

4*Afunu Atɔ́ Asunápɔ́*

1 Ɔ́ɣe Wankíhé ámu lahié lé blí ɔ́bée, bré tráhe ámutɔ á, áku bési Kristosu hógýi. Béyaa asɔ́ nù afunu ɔ́ɣe asɔ́n pɔ́ ɔ́ɣe laláhe atosunáhé. 2 Apinabwébi abwepɔ́ afunu atɔ́ asunápɔ́ ɔ́nfi bɔgyi. Ámu klɔn tamatráa ha ámu ipón.* 3 Amódé ahá hie bɛe, bɔkísi atogyihe ku, bɔmátsiá aká móa akúlu é ní. Táme Bulu onutɔ́ lóbwe atogyihe ámu, ɔ́nfi ahógýipá babí ɔ́nɔkwali ámu bɔdáa mu ipán, abɔgyi. 4 Tógýítá Bulu léle bu alé. Mú sɔ́ ima alá abékisi koku. Ilehían ɔ́nfi abóhɔ kugyíku, dá mu ipán. 5 Tsúfè Bulu asɔ́n pɔ́ mpáí ámutɔ́ anilabó wólí atogyihe ámutɔ́ ámu lahá mó lamlí Bulu klé.

Kristo Osúmpɔ́ Wankláán

6 Ní fɔ́pɔ́ asɔ́n ɔ́nfi tswí apíɔ́ ámu ansítɔ́ á, fóbwe Kristo Yesu osúmbi wankláán ɔ́nfi bapɔ́ hógýi ámutɔ́ asɔ́n, pɔ́ atosunáhé wankláán ámu bɔlá fú, fúde mótɔ́. 7 Máyaa asɔ́ nù atsi dehen ɔ́te pɔ́ móa imotsú Bulu iwɔ. Mbóun hie fú iwɔ, afɔsum Bulu wankláán. 8 Tsúfè ní fúde nyankpɔsa ɔ́wɔlɔ́ ɔ́nfi hie á, labi kpalobí ku bu mótɔ́. Táme ní fɔ́pɔ́ Bulusúm híé fú iwɔ á, íbu alé dɔn. Tsúfè oyúla bu mótɔ́ há aní séi ɔ́nfi anitsie nkpa, pɔ́ nkpa ámutɔ́ íbèba ámutɔ́. 9 Asɔ́n ɔ́nfi bu mótɔ́, ilehián ɔ́nfi abóhɔ mú. 10 (Nkpa ɔ́nfi sù anidé iwɔ laláa yɔ́ agyómá ɔ́wɔnlínsó), aní ansí din Bulu Ɔkiankpapu, ɔgyi ahá fèé Ɔlepɔ́, títriu ahógýipu anfisú ní.

11 Suna ámu atɔ́ ɔ́nfi, afɔha ámu abɔgyi mósó. 12 Máha ɔ́haa obu fú kebi. Mbóun fú tɔ́tɔ́, fú nkpatiátɔ́, fú ahádwe, fú Bulu hógýi pɔ́ fú iwɔtɔ́n íbwéé atosunáhie ha ámu. 13 Ní mlefia a, bɔ mbódí afutsia kla Bulu asɔ́n suna ámu. Da asɔ́n ámu ɔkan, afɔsuna ámu atɔ́ alu yófun bréá néba. 14 Mákiná Bulu atokiehé ámutɔ́ ɔ́lɔ́pɔ́há fú tson mu ɔ́nósó atáípósu, bréá ɔ́pasua ahande bɔpɔ́ íbɔ́ dínká fúsó ámu. 15 Tsia bwe ínɔ́ aná, afɔsɔ́ iwɔ ha mú, ménɔ́ ahá bɔ́wun ɔ́nfi fúde nkpá yɔ́. 16 Tsia kɔ́ fú tsiátɔ́ pɔ́ atosunáhé ámu. Tomi bwe mú al, ménɔ́ fɔ́hɔ fúa asɔ́n ámu anupɔ́ nkpa.

5*Tɔ́á Abóbwe Há Ahógýipu*

1 Mákplɔn wa oyin dehen. Mbóun tɔ́i bla mu asɔ́n fè fú sí. Kita nyasubi ámu fè alá fèkítá fú apio yinhé. 2 Kita atsi dehen ámu fè fú yín, afɔkita mbitebí ámu é fè fú apio tsihé. Máwa ámu mba.

† 3:16 Bulu bu nwóló dada ámu akotɔ. * 4:2 Ámu klɔn labwé fè tɔ́a bapɔ́ dátɔ́ wá ogyá, lé tɔ́ mó.

³ Ɔpasua ámu bukí asorapwá buhié buma abwápusu. ⁴ Táme ní asorapw áku bu abí ntée aná á, ha amó abubu tóá ilehián ání bégýankpá bwé há amó akwáipó ntée amó aná Bulusúm akpasu, poka amó ako. Mógýí amósó kí, tsúfé mótegyi Bulu ansí ní. ⁵ Ɔsorapwá chíé oma ohaa tɔpó ansí dínká Bulusu, tsíá bɔ mpáí ɔpa onyé, kólí Bulu tóá ide mu hián. ⁶ Ɔsorapwá mu kle gyí nkpagýí kotóó mó lawú asa ona oyító. ⁷ Bla ɔpasua ámu asón ánfí, méní ohaa mééblí ɔsorapw ákuku iwí ason laláhe. ⁸ Ní áku méki mu abusuanfɔsu, títriu mu wóyító ahásu á, múmó aladámli oma há hógýi amu. Iní su mu lakpan don ohá ání omáho Bulu gyí.

⁹ Ɔsorapw oduá mu idá bétsiá asorapw adá ɔwolótó gyí, ɔsorapwá alahɔ tsú nfi aduesie póya, abwa onakwali há mu kulu.* ¹⁰ Ɔbwéé ohá ání ahá buyin ání abwwe yilé, fé abísóki, afóho, olosúm Bulu ahá,† ɔabóba ahá ání bude iwiasin wúun, abwwe agyómá wankláán kugyíku.

¹¹ Mawanlín asorapwá bumakódan adá wá ɔwoló ámuto, tsúfé ní amó ɔwólí ihá amó abwwe agywun ání bélatsiá akúlu a, buméetrá talí súm Kristo onakwalisu. ¹² Iní ibéha bégýi pón, tsúfé batón amó ntam ání beka há Bulu. ¹³ Oma a, butebí ɔwoliyo wa, yíntá bré náti kí ahá wóyító. Megýi ɔwoliyo wule, butemlí ahá iwí asón ablipó, náti wá onó ahá asóntó, blí asón ání imehián ání bébli. ¹⁴ Iní su ndekléá asorapw amóó bumakódan amu buwúna tsia akúlu kwu abí, abuki amó wóyísó, méní bumécha aní alupó‡ akpa abubli aní iwí ason laláhe kuku. ¹⁵ Nde asón ánfí blí, tsúfé asorapw ako badámli yó bubuo Ɔbunsám dodo. ¹⁶ Ní Okristoyintse áku bu asorapw mu abusuantó á, ákú amósó. Omási amó tswí ɔpasua ámusu, méní ɔpasua ámu bénya akpa kí amóá buma ohaasu.

¹⁷ Ilehián ání ɔpasua ámu béka ɔpasua ahandéá bude amó kpa ako wankláán, wá amó numnyam. Títriu amóá butabó mbódi Bulu asón ámu akanda pó mó suná iwí. ¹⁸ Tsúfé Bulu ason wanlínhé amu debli obéé, “Botamawá onantswieá ode ayó da onó ikan.”§ Iletrá blí obéé, “Agyómá ɔyópó buteká iko.” ¹⁹ Ní áku odá ɔpasua ohande asón súná fú á, máho mó, nkéti fanú mó tsú ahá abanyó-abasá onó asa. ²⁰ Wa iyin wa ohande ámúó ode lalahe bwe ámu ɔpasua ámu ansító, méní atráhe bénya ifú.

²¹ Nlí Bulu muwa Kristo Yesu pó Bulu-abɔpu ání alalé ansító, nde fú hie mbéé, fugýí asón ánfisu wankláán. Mákí ohaa ansító ntée futí futátó kí. ²² Mákosi tsíá yáí oha ɔpasua ohande. Máwa ibi oha bambá lalahebweɔ. Ha fú iwí itun brégýibré.

²³ Fú ométó ibi ámu su mátsiá nu ntsu wule, tsia nu ntá kpalobí-kpalobí.

²⁴ Aku lakpan menjaín. Mó su butakósi wun mó bití amó isu. Aku klé é lenjaín, oma asa itelun ɔwan. ²⁵ Alí kén yilébwe tamanjaín ní. Ní umakósi lun ɔwan kóráá á, itebelun ɔwan oma.

6

¹ Ilehián ání nkpábiá bubu ɔpasua ámuto béhie bú amó awíe, méní ohaa mókpoí Bulu muwa aní atosunáhé amu. ² Ilehián ání amóá amó awíe bubu ɔpasua ámuto bóbu amó awíe amu don. Séi kóráá ilehián ání bóbu amó don ní, tsúfé ahógýipu bogýi, butadwé amó é.

Afunu Atosunáhé Pó Atonyahé Onutó

Iní aná gyí tóá fúsúna amó, afowa amó ateto-onlin abubwe ní. ³ Ní áku lósuná ato laláhe ku, móa aní Wíe Yesu Kristo ason blíhé pó Bulusúm atosunáhé amu

* **5:9** Ɔsorapwá omakókíná okúlu kí. † **5:10** olosúm Bulu ahá ntée ɔɔfwí ahógýipu ayabiasí. ‡ **5:14** Ntée olupó § **5:18** Deut. 25:4. Mó asi gyí, “Botamalé akwén pó ibi tsísi ɔsolóto.”

umená á, ⁴ idesuná ání óhá ámu dé iwí tsu. Omeýín tótó, nwéenkpanyí labólá mótó. Mótá itedáli tsu mótó gyí ònsípe, itré, isia pú agywun lalahé. ⁵ Asón ání imedéhián iwí nwéen ahá ánfí odu butenátí gyí. Amó agywun lawú, butamablí òòkwálí. Amó odu butosúsu ání Bulusúm igyi òkpa kuá fátson mósó nyá iwí.

⁶ Labi kpònkpòntí bọ Bulusúmtó ní tsá anubọ yáí legyi aní ansí. ⁷ Tsúfẹ anómọpọ tótó ba óyító, aníméetalí pú tótótó é náti. ⁸ Mótó sọ ní anubọ atogyihe pú ató didáhé a, mliha mótó kpán igyi aní ansí. ⁹ Ahá ání butekleá bonyáa ató á, ibwébwéébwé butekpá wíé isókí pú ayibitó. Amó mimlála tekpá amó yówie iwiasun mótó lalahétó, hí amó. ¹⁰ Tsúfẹ kóbawé tópó lalahé kugyíkọ ba. Mótó ama akọ bagya alu, bafwí dalí hógyi amótó, ilahá amó bọde awuréhó tsòtsòtsò gyí ní.

Paulo Asón Tráhe

¹¹ Timoteo, fọ mótó á, Bulu óha fugyi. Mótó sọ ha ínı aná iwa ifó fọ wá. Hie fọ iwí, afobwé tsá ida òkpa. Bọ mbódí afóha yilébwe, Bulusúm, hógyi, ódwe, klonyá pú iwiasibá itsia fótó. ¹² Kọ hógyi ikó wankláán ámu. Fọ ibı bédá nkpa ámótó itamatá, Bulu obékie anı mótó ama amó. Nkpa ánfı sọ Bulu létı fọ ní. Mótó sọ fobwí ónó ahá tsòtsòtsò ansító, gyí fọ hógyi iwí adánsie ní. ¹³ Nlú Bulu, ogyí tógýtó nkpa Óhapó mwa Kristo Yesuá olegyi iwí adánsie wankláán Pontio Pilato ansító, nde fọ hie, ¹⁴ mbéé, fókíta mbla ánfı fẹétó wankláán. Mási mótó kpéfún ekeá anı Wíe Yesu Kristo óbéle iwí ówan. ¹⁵ Bulu òkòkónó òkọle amó ilehián ání abékanfó. Mú nkọle pé gyí Otúmípọ, awíe fẹétó Owíe. Mú óbéle Kristo súná bré wankláán ámótó mú onutó òlehie yáí ámótó. ¹⁶ Mú nkọle pé tamawú, otsie ówankíkpa ání óhaa tamatálı kpókpé mánta mú. Óhaa mótókwun mú kí, óhaa móowun mú é ekekeke. Mú kle gyí obú mótó túmı bré fẹé! Amen!

¹⁷ Bla óyí ánfıtó iwí anyapó fée, bómátsu iwí. Bómápu ansí dínká kóba ánfı iméetsiá yó ánfısú. Mbóun bupúv ansí dunka Bulusú. Mótéhá anı tógýtótó abóppnyá ansigyí óyí ánfıtó. ¹⁸ Bla amó fée, bopúv amó kóba bwe yilé, amó yilébwe imoni. Búsánkí ibitó abúkie ató. ¹⁹ Ní bọde ínı bwe á, bọde atonyahé yáí há bré ámótó ibá ámu. Amó ibı bédá nkpa onutó ámu.

²⁰ Timoteo, kítá itó ámótó Bulu lahá fọ ámu wankláán. Asón ání ima ası, imosuná Bulusúm mádalı fọ ónó. Máwa iwí mimlá nwéengyí ání itamasúná Bulusúmtó. Akú butówá afunu bée, asónbı igyi. ²¹ Tsúfẹ akú batsun mósó sí Kristosú hógyi.

Bulu ogyí mli bọale.

ᾠβὺλό Νυᾠᾠσίᾠ Paulo Lᾠwanlín Sísí Timoteo

¹ Mí Paulo mó á, Bulu apé sᾠ ngyi Kristo Yesu sumbí ᾠᾠᾠᾠ. ᾠᾠwa mí ᾠᾠᾠᾠ, nyéda nkpa ámᾠᾠ ᾠᾠᾠᾠ tᾠᾠ Kristo Yesusu ámu ᾠkan.

² Mídᾠ ᾠβὺλό ánfi wanlín sísí fᾠ, mí bí ᾠᾠwᾠᾠᾠ Timoteo. Aní Sí Bulu mᾠa aní Wie Kristo Yesu ᾠᾠwᾠᾠᾠ fᾠ nwe, abᾠgyi fᾠ ᾠᾠale ha fᾠ iwilwií.

Ipánda Pᾠ Atᾠᾠᾠᾠnlin Wa

³ Nedá Bulu ipán. Mᾠ ndᾠᾠᾠᾠ klᾠn ání imedé mí ipᾠn ha sᾠm, fᾠ mí anáin. Timoteo, ní ndᾠ mpái ᾠᾠ ᾠᾠa mᾠa onyé á, ntekáin fᾠsᾠ brégyíbré. ⁴ Ní nekáin ntsúá felin bréá ndᾠnati sí fᾠsᾠ a, ntekleá nᾠwun fᾠ, méní ansigyí bᾠᾠᾠlá mítᾠ. ⁵ Ntekáin hᾠgyiá fᾠᾠ ᾠᾠᾠkwalisᾠ. Hᾠgyi anfi odu légyankpá tsíá fᾠ ná Loitᾠ ní. Iᾠᾠrá tsíá fᾠ yín Eunike étᾠ. Nahogyiá mó odu ᾠᾠ fᾠᾠ ní. ⁶ Iní sᾠ ndᾠ fᾠ kaín aní fᾠháa Bulu atokiehᾠ ámᾠᾠ ᾠᾠᾠa fᾠ bré ámᾠᾠ ᾠᾠᾠᾠ ibí dínká fᾠsᾠ ámu ᾠᾠᾠ ᾠᾠa ogyá tsíá mᾠtᾠ. ⁷ Tsúfᾠ Bulu méᾠa aní ᾠᾠᾠá abᾠᾠᾠnyá ifú, mbᾠᾠn mᾠá itᾠhá aní túmí, ᾠᾠwᾠᾠ pᾠ iwisᾠgyí.

⁸ Mó sᾠ máᾠa aní Wie asᾠn ámu blí ᾠᾠa fᾠ péli. Máᾠa mí obudí é ᾠᾠa fᾠ péli. Mbᾠᾠn wa klᾠn Bulu túmitᾠ, afᾠtsula wun iwᾠᾠsᾠn ání ilehián asᾠn wankláán ámu sᾠ. ⁹ Bulu lᾠᾠ aní nkpa. ᾠᾠᾠ aní ᾠᾠᾠᾠ, abémli mᾠ aha wankihᾠ. Megyí tᾠᾠ anilᾠᾠwe sᾠ. Mbᾠᾠn igyi tᾠá mᾠ onutᾠ ᾠᾠᾠᾠwe agyᾠᾠn ání ᾠᾠᾠᾠwe asa ᾠyí lebelin. ᾠᾠᾠᾠ, ᾠᾠᾠᾠa awitᾠle há aní, dwé aní tᾠᾠ ania Kristo Yesunyᾠ ᾠᾠᾠᾠᾠwe sᾠ. ¹⁰ Táme séí á, Bulu lalᾠ mᾠ awitᾠle amᾠ ᾠwan tᾠᾠ aní ᾠᾠᾠᾠ Kristo Yesu ibásᾠ. Mᾠléyintá lowu túmí, ᾠᾠᾠ nkpa ání itamatá ᾠwan sᾠná aní tᾠᾠ asᾠn wankláán ámu sᾠ.

¹¹ Bulu layái mí mᾠ asᾠn wankláán ámu ᾠkan ᾠᾠᾠᾠ, mó sumbí ᾠᾠᾠᾠ pᾠ mó osunápᾠ. ¹² Mó sᾠ ndᾠ iwᾠᾠsᾠn ánfi odu wᾠᾠn ní. Táme mmédᾠ péli nya, tsúfᾠ nyin ᾠhá ání nahogyí. Nyin ání ᾠᾠᾠᾠᾠ gyo itᾠ ámᾠᾠ ᾠᾠᾠᾠwá mí ibitᾠ ámu iwí alu yᾠᾠn mᾠ ᾠbáke. ¹³ Kita ᾠᾠᾠkwali asᾠn ámᾠᾠ nosuná fᾠ ámuᾠ. Yᾠ mᾠsᾠ afᾠᾠᾠ Kristo gyi tsia. Dwe fᾠ aba, tsúfᾠ fᾠa Kristo Yesunyᾠ mlilabwᾠᾠ kolᾠ. ¹⁴ ᾠᾠᾠ Wankihᾠ ámᾠᾠ ᾠᾠᾠ anitᾠ ámu ᾠtsáa fᾠ, afᾠᾠᾠᾠ gyo itᾠ wankláán ámᾠᾠ ᾠᾠᾠa fᾠ ámu iwí.

¹⁵ Fuyin ání ahá ámᾠᾠ ᾠᾠᾠ Asia, Figelo mᾠa Hermogene ᾠᾠᾠ amᾠtᾠ amᾠ fᾠᾠ banátí sí mí. ¹⁶ Aní Wie owᾠᾠᾠ Onesiforo wᾠyítᾠ ahá nwe, tsúfᾠ mᾠlétsiá wá mí ansigyí. Omenya mí obudí péli. ¹⁷ Bréá ᾠᾠᾠa Roma wᾠlᾠᾠᾠ á, olodunká mí kpᾠᾠᾠn bréá olowun mí. ¹⁸ Aní Wie owᾠᾠᾠn mᾠ nwe mᾠ ᾠbáke amᾠ! Fuyin alá ᾠᾠᾠᾠá mí nkpa tsᾠtsᾠᾠtsᾠsᾠ Efeso wᾠlᾠᾠᾠ.

2

Isá ᾠᾠᾠᾠ Wankláán

¹ Iní sᾠ mí bí, ha Bulu awitᾠle ámᾠᾠ ᾠᾠᾠᾠᾠᾠ Kristo Yesusu ámu ᾠᾠa fᾠ ᾠᾠᾠᾠᾠ. ² Pᾠ asᾠn ámᾠᾠ neblí, fonu ahá tsᾠtsᾠᾠtsᾠᾠ ansitᾠ ámu wa ahá ání ᾠᾠᾠ ᾠᾠᾠkwali ibitᾠ, méní amᾠ é ᾠᾠᾠᾠᾠ sᾠná aha bambá.

³ Tomi afᾠᾠᾠn iwᾠᾠsᾠn ámᾠᾠ anidᾠwᾠᾠn amᾠ, fᾠ Kristo Yesu isá ᾠᾠᾠᾠ wankláán. ⁴ Isá ᾠᾠᾠᾠ ᾠᾠᾠᾠ tamatráa kí ᾠᾠa, tsúfᾠ odeklᾠá obᾠgyí mᾠ ᾠᾠᾠᾠ ansí. ⁵ Alí kén ᾠsríᾠ ᾠᾠᾠᾠᾠ ᾠᾠᾠᾠ tamanyá ᾠᾠᾠᾠ atokiehᾠ, nkᾠᾠᾠ alagyi ᾠsríᾠ amᾠ mbᾠlasᾠ ní. ⁶ ᾠᾠᾠᾠᾠᾠ ᾠᾠᾠ nsi tégyankpá dá atᾠ ᾠᾠᾠᾠ ᾠᾠ. ⁷ Gyᾠᾠᾠ asᾠn ánfi nabláa fᾠ ánfi iwí. Aní Wie é ᾠᾠᾠᾠa fᾠᾠᾠ mó fᾠᾠ asi.

⁸ Kaun Yesu Kristo, Owie Dawid mu na amusu. Mu Bulu lókusóá tsu afúlitó. Múgyí asón wankláán amóú ndéblí ámu ni. ⁹ Asón ánfí sù nde iwaisin wúun, bawá mí ikan fé lalahé òwepó ní. Táme bómókówá Bulu asón ámu mó ikan. ¹⁰ Ahá amóú Bulu lalé ámu sù natomi òkpagyíòkpasu nde iwaisin wúun, méní Bulu òbòtsun Kristo Yesusu hò amó nkpa, amó ibi bédá numnyam amóú itamatá ámu. ¹¹ Asón ánfí bu mótó.

“Ní ania munyò awú á,
ania munyò obétsiá nkpa.

¹² Ní atomi wun iwaisin á,
ania munyò abégyi iwíe.

Ní akíná mu a,
mu é obékíná aní.

¹³ Ní anumá ònkwali a,
mu mó á, ònkwaliwu ogyi,
tsúfé òtamatú atsonó tswi, lápú mu òdandu tsú mó ekekεεke.”

Agyómá Oyópóá Olegyi Bulu Ansí

¹⁴ Tsia kaun amó asón ánfí. Tòí kpla amó Bulu ansító fεε, bómátsiá tré asónsó. Labi kòku uma mótó, tsúfé mó odu abwepó butehí. ¹⁵ Bò mbódí afòhò idá Bulu ansító, fé agyómá oyópóá mu agyómá ma mu péli, otosúná ònkwali asón ámu wankláán. ¹⁶ Asón ání uma asi, imosuná Bulusúm mádali fò ònó, tsúfé itehá òha mwa Bulunyò nsiné tówá ífó. ¹⁷ Alí amóú òlò tekléí ámu a, alí asón ánfí ablípó òh é tekléí ní. Amó ako gyí Himeneo mwa Fileto. ¹⁸ Bafwí dali ònkwali òkpa ámusu yó bodeblí bεε, kusó tsú afúlitó laba bòtsun, bode ako hóguyi yintá. ¹⁹ Táme ntswiasí amóú Bulu lówa há hóguyi amu líí kinkíínkín. Asón ání bòwanlín dínká ntswiasí ámusu gyí, “Aní Wíe yin ahá ání bogyi mu kle.” Nyòsú é gyí, “Òhagyíòhá ání òtetí mu iwí òbée Okristoyin a, osíi lalahé bwε.”

²⁰ Megyí sika pepe móa sika futútú ató pé tetsiá wóyí yilétó. Oyi móa isi ató é tetsiá mu. Butobú iko dun ku. ²¹ Ní òku òlé mu iwí lé lalahεbwεtò á, Bulu telé mó yái. Alabwé òhá ání alasi iwí há, òbu labi, mu Wíe Bulu òbòpu mu gyi gyuma wankláán kugyíku. ²² Iní sù lé fò iwí tsu nyasubi móa mbitebí mbagyíto. Fówun fóá ahá amóú butòpó uklon wankíhé kpólí Bulu ámu ansí bédunká yilébwε, hóguyi, òdwe pó iwíiwíisú. ²³ Lé fò iwí tsu nwéengyí ání uma labi, itò wankláán kuku méedali tsu mótótó, tsúfé foyin ání itré pé itetí. ²⁴ Ima aléá aní Wíe osúmpú òbóbwe òtrépo. Mboun ilehián ání òbówa awitòle há òhagyíòhá, òbóbwe osunápú wankláán, otenyá klon há ahá ání amó asón bu ònlín. ²⁵ Ilehián ání obénya klon tóí kplá ahá ání butòkòsú líí Bulu asón ámusu. Fialí Bulu obówun amó nwe, há amó bédamlí klontò, bí ònkwali amu, ²⁶ òha amó ansí iba asi. Fialí òbèha amó bédali tsu Òbunsám amóú òbée bogyíi mu asónsó, abubwe mu apé ámu ayibito.

3

Nke Tráhe Amutò Asón

¹ Táme mí bí Timoteo, bí ání oyító bówa ònlín nke tráhe amutò. ² Tsúfé ahá bóbwe awonsípó, bóbwe kóba adwepó. Bóhò amó iwísu gyí, bótsu iwí, bésia ahá, bómóonu amó akwíípú asón, bóméeyi ahá aye, amó iwí méetun, ³ bómòódwe ahá, bóméesi asón kíé, bóbwe ahá iwí asón ablípó, bóméetalí gyí iwísu, bóbwe awuntòlupu, bómòódwe itò wankláán kuku. ⁴ Béle ahá há, bómóosusúu asón iwí, békí amó iwíá budon òhagyíòhá, bódwe oyító ansigyí sí Bulu. ⁵ Bóbwe iwí fé Bulu bodesúm, táme békíná mu túmí. Lé iwí lé ahá ánfí oduto. ⁶ Amó odu butebítíwíé ahá wóyító, dámlí atsiá amó ansító ma ònlín agywun. Atsi ámu odu á, lakpan lamí amó atò soráhé, òwólí lalahé labólá

amótó. ⁷ Butekleá bónu ÷hagyí÷ha atosunáhé, táme bóméetalí bí ÷nòkwali amu ekekeke. ⁸ Alí amóú Yane mwa Yambre bókusó líí aní náin Mosesu ámu a, alí ahá ánfí é bakósó líí ÷nòkwali asón ámuvo ní. Amó agywun lawú. Hógyito é á, ÷boma ÷líkpá. ⁹ Táme bómóygo nkpa ÷un ali, tsúfé amó mimlá béln ÷wan, ÷hagyí÷ha obówun. Alí ÷leba Yane mwa Yambresu ní.

Paulo Asón Tráhe

¹⁰ Timoteo, fú mó fuyin mí atosunáhé fée, mí tsíató, tóá ÷kpa ngya, mí hógyi, mí ÷klonyá, mí ahá iwí ÷dwe pú ahá notomi wun ipian, ¹¹ ahá ahá beðunká mísó pú mí ason wunhe. Móá ÷leba misu Antiokia, Ikonion pú Listra ÷mátó. Notomi, aní Wíe léle mí tsú mó fée. ¹² Léle mó á, ÷hagyí÷ha aní odekleá obóbuo aní Wíe Kristo Yesu, ÷bwée Bulu apé á, ahá bueðinká musu. ¹³ Táme aha laláhe pú ahá ahá asísipú mó á, bóyo amó lalahewesu ÷un ali. Bénatí mlé ahá, ahá é bémlé amó. ¹⁴ Táme fú mó á, kítá fú ÷nòkwali amóú fakási, fú onutó fahó móso gyi amotó kinkíinkín, tsúfé fuyin ahá amóú bosuná fú ató ámu wankláán. ¹⁵ Tsú fú nyebitó opá febí Bulu ason wanlínhé amu. Mó ÷bétalí há fú nyánsa fópohó Kristo Yesu gyi ní. Mó su Bulu ÷bóho fu nkpa é ní. ¹⁶ Bulu ason wanlínhé ámu fée itsú Bulu onutó wá. Ibo aláá bópúsuná ÷ha, pókíná asón há ÷ha, pútswí ÷ha, póbólá ÷ha, ÷béha yilébwe bémantá mu, ¹⁷ méní ÷béla Bulu ÷ha bwé wankláán, ÷bófon ha gymagyihe wankláán kugyíku.

4

¹ Nlí Bulu mwa Kristo Yesuá ÷béba begyi akiankpapu pú awupó asón, obébegyi iwíe ansító, nde fú alá da mbée, ² fudáa Bulu asón ámu ÷kan. Ní fóbó ÷kpa o, fuma ÷kpa o, mási mó blí. Nya klón afotswii amó. Kina asón ha amó. Wá amó ateto-onln, afusuna amó atosunáhé wankláán amu. ³ Tsúfé bré ku íbá, ahá bóméetrá ya asu nú atosunáhé wankláán ámu. Bóbwe tóá iletsiá amó, náti dúnká ató asunápó oduá bósuná amó tóá buðekléá bónu. ⁴ Békiná ÷nòkwali asón ámu yóbuo ÷te. ⁵ Táme fú mó á, ha fú ansí íba asi ÷kpagyíokpasu. Tomí afowun iwíwusin. Bli ason wankláán ámu wankláán, afubwe agyómá amóú Bulu léha fú ámu mó onó.

⁶ Mí mó á, bré lafon aní bópó mí obugya wóli asi fé ntá há Bulu fé afóðie-abotó. Mí lowu lafon. ⁷ Nakó ÷kó wankláán ámu tá. Natsíi ÷srú amu é tá. Nakítá hógyi amotó kinkíinkín. ⁸ Séi á, tóá ída gyo mí gyi ísugyí atokiehéá Bulu tópohá ahá aní babwé yilé, aní Wíe Yesu, ogyi asón ogyípó ÷nòkwaliwu amu ÷bópohá mí eke yilé amóú obéyinkí ba amu. Táme megyí mí nkole ÷bóbwe íni há. ÷béha ahá amóú buðe mu yinkí há ÷kpa kíu amu é fée.

Paulo Onutó Iwí Asón

⁹ Bó mbódi afokosi ba mí wá, ¹⁰ tsúfé oyító ató de Dema ansigyí wa. Mó su alayínkí mí ÷ma, náti oyó Tesalonika wúlutó. Kreske oyó Galatia, Tito é oyó Dalmatia. ¹¹ Luka nkole bu mí wá nfi. Mó su ní febá á, kpa Marko buo iwí, tsúfé otetsá mí agyómá ya. ¹² Nawá Tihiko sísi Efeso. ¹³ Tsu mí ligá pú mí nwoló amóú nesi tswí Karpo wá Troa wúlutó ámu ba mí. Mátan nwoló amóú ídu nwoló-kpákpásó amu éso.

¹⁴ Kóóbrí ató ÷bwepó Aleksandro lópu lalahé ku gyi mí. Uehan mí wankláán. Aní Wíe ÷béka mu íkó. ¹⁵ Kí fú iwí wankláán musu, tsúfé ÷lòkusó líí aní ason blíhé féesó.

¹⁶ Bréá ahande beha beé nlée mí onó á, ÷haa méléí mí ÷ma. Amó fée besrí sí mí. Bulu osíkíe amó. ¹⁷ Táme aní Wíe lélí mí ÷ma, ÷lwa mí ÷wonlín. Mó su netalí bláa amó asón aní nde fée, méní ahá aní bomegyí Yudafó fée bónu. Alí Bulu lópolé mí tsú lowutó ní. ¹⁸ Aní Wíe ÷béle mí tsú lalahé kugyíkotó. ÷Békpá

mí pwtɔ alu yówie mu ɔsósó iwíegyí ámɔtɔ. Numnyam lbwée mu kle bré féeétó. Amen.

Iklá

¹⁹ Nehá Priska mba mu kulu Akwila pɔ Onesiforo wóyító ahá féeé itsiá.

²⁰ Erasto lésin Korinto wúlutɔ, Trofimo é dɛlɔ. Mó sɔ nesi mu yáí Mileto wúlutɔ.

²¹ Bɔ mbódí afoba asa atsalbí ifɔn. Eyubulo mba Pude, Lino mba Klaudia pɔ apíó ámu féeé bɛhá fú itsiá.

²² Aní Wíe ɔkpáa mli, ogyi mli bɛale.

Ɔwulúá Paulo Lówanlín Sísí Tito

Itsiaha

¹ Mí Bulu osúmbi Paulo, ngyi Yesu Kristo sumbí ɔyɔpó dé ɔwulú ánfí wanlín. Bulu léle mí ɔbée, mbeha ahá ámóú alalé ámu abutra nya hógyi tsia. Mí ansuna amó abubi ɔnɔkwaliá íbéha amó bétsiá tsiátóá ilegyi mu ansí. ² Fówun íha amó abodinka ansí nkpa ání itamatású. Bulu tamawá afunu! Móléhié mó yái asa ɔyí lebelín. ³ Aní Nkpa Ɔhópɔ Bulu léle mu asón ánfí ɔwan mu onutó brétó, ɔlɔpɔwá mí íbitó ɔbée, ndáa mó ɔkan.

⁴ Nde ɔwulú ánfí wanlín sísí fú Tito, ání fúgyi mí bí onutó Kristo hógyi amotó. Aní Sí Bulu mva aní Ɔhópɔ Kristo Yesu bogyíi fu buale, abuha fú iwílwíi!

Tito Gyumagyihe Kreta

⁵ Tóá suá nesí fú yái Kreta ɔmátó gyí alíá fómó aní agyómá ɔnó unu, yái ɔpasua ahande wulugyíwulusu fé alíá nebláa fu. ⁶ Imehián ání ɔlala bétsiá ɔpasua ɔhande íwi. Ɔbwée ɔká ɔkole ɔtsiápu, mu abí bogyí ahógyipu. Bobúu ató; bómábwé nyebí laláhe. ⁷ Iníá Bulu agyómású ɔpasua ɔhande amu déki su á, ɔlala mátsiá mu íwi. Ɔmábwé ɔhá ání ɔtamaho ahá asón, ntée ɔtókósi nyá ɔblí, ntée ɔtóbó ntá, ntée otekle ikó ntée ɔbu sika ɔnsípe. ⁸ Mboún ɔbwée ɔhá ání ɔtaho afóó, ɔtábwé yilé, ɔbu nyánsa, mu asón da ɔkpa, mu íwi létin, otegyi íwisu. ⁹ Ɔbwée ɔhá ání asón ámóú bosuná mu amu íbu mótó. Ilehíán ání ɔbékitá mótó kinkíinkín, méní ɔbétalí há ahá bóbuo atosunáhé wankláán ámu, táli gyi ahá ání bégyi atosunáhé amu nwéén ésó.

¹⁰ Tóá suá nde ínu blí gyí, ahá tsɔtsɔtsɔ bakósú líí atosunáhé wankláán ámu, bude asón ání uma labi pómle ahá. Titriu ketétin mblasu agyípo amu dé íni bwe ní. ¹¹ Ilehíán ání mléka amó itin, tsufé bude atóá imehián ání bosunátó. Iní lahá abusuan tsɔtsɔtsɔ bafwí ɔkpa. Bude mó bwe é pódúnká sika ɔkpa laláhesu tsú ahá wá. ¹² Kretafó ámu onutó yébi ɔhapú ɔku kórará léblí ɔbée, “Afunupu, mbwíkitá-ató, apotsuapu pú awuliyɔpó Kretafó bogyi.” ¹³ Ɔnɔkwali asón ánfí gyí. Mó su kina ha amó kinkíinkín, méní amó Kristo hógyi ɔnó bówa ɔnlín. ¹⁴ Abusi Yudafo ɔte nu, si ahá ámóú bakíná ɔnɔkwali amu atosunáhé ésó gyí. ¹⁵ Ɔhá ání mu íwi létin Bulu ansító á, tógyító íwi létin ha mu. Táme tótó íwi méfín ha laláhe ɔbwepóá ɔtamaho Yesu gyí. Léle mó á, mu agywun layintá, mu klón é ulasi mu ipón ha su ɔtamabí yilé ntée laláhe. ¹⁶ Butɔpó ɔnó blí bee bogyin Bulu, táme amó bwehé losuná ání bomeyín mu. Bobu Bulu nyányáa, butamabú mu, butamatálí bwé itó wankláán kókukó é.

2

Atosunáhé Wankláán

¹ Táme fú mó á, suna amó tóá ilekanáa atosunáhé wankláán ámu. ² Suna ayin dehen amu abogyi íwisu, abubwe ahá ání obú bu amósú, butegyí íwisu. Buhie kita amó hógyito kinkíinkín. Budewée ahá wankláán, abuhie tomí. ³ Suna atsi dehen é abutsia tsiátóá ilekanáa Bulu osúmpó. Bómábwé ahá íwi asón ablípó, ntée ntakpan anúpu. Mboún bosúna tóá íbu alé. ⁴ Amó atosunáhé íha mbitebí ámu abudwe amó akúlu pú amó abí. ⁵ Bogyíi íwisu, abuha amó íwi ítin. Budewée atsiá buteki amó wóyísó wankláán, butábwé yilé, butóbú amó akúlu, méní ɔhaa móɔkpóí Bulu asón ámu.

⁶ Tɔi kpla nyasubi é abugyi iwɩsu tógyítáá bóbwɛtɔ. ⁷ Fɔ onutó é bɔ mbódí afɔle tsiát wankláán suna, fɔ bwehé kugyíkɔtɔ. Ha fɔ ansí ɩpe, afɔsuna ɔnɔkwali asón ámu tsu fɔ klɔntɔ. ⁸ Suna ɔnɔkwali ámu, ménɩ ɔhaa méetalí kɔsɔ líí fɔ atosunáhɛsɔ. Fówun péli békítá fɔ alupó, ní bɔmenya ɔlala blí tsú anɩ iwɩ.

⁹ Suna nkpábi é abubu ámu awíe ɔkpagyíɔkpasu. Bobwée tógyító igyi ámu awíe ámu ansí. Bómátsiá lé ámu asón ɔnɔ. ¹⁰ Bómáwi ámu awíe, mboún bɔwáa ɔnɔkwali ha ámu tógyítótó, ménɩ ámu bwehé béha ahá ansí bégyi anɩ nkpa ɔhɔpɩ Bulu atosunáhɛ ámu iwɩ.

¹¹ Tsúfé Bulu lalé mu awítɔle ɔwan. Mógyí, odekléá ɔbɔhɔ anyánkɔpɔsa fée nkpa. ¹² Mu awítɔle ámu ɩsúná ání ilehián ání abési lalaha bwe, sí anɩ ɔwólí laláhe ɔmagyáa, gyi iwɩsu, bwe yilé, anɩ asón igyi mu ansí ɔyí ánfɩtɔ. ¹³ Bré ánfɩ anidé ɔkpa kí há eke yilé ámu Bulu ɔkɔnkpɔntɩ, ogyi anɩ ɔhɔpɩ Yesu Kristo ɔbéle mu numnyam ɔwan ánfɩ. ¹⁴ Mólótsulá bɔmɔ mu anɩ su, ménɩ ɔbéle anɩ tsú lakpan kugyíkɔtɔ. ɔtɩn anɩ iwɩ, pɩ anɩ bwe mu onutó ahá, anɩ ansí ɩpe yilébwɛsɔ.

¹⁵ Suna ɩnɩ aná, afɔtɔi kpla ámu abugyi músú. Fubu ɔkpa wá ɩyin wá ámu, ní bɔmedébi bwe. Máha ɔhaa ɔki fɔ ansító kótíkótí.

3

Okristoyin Tsiát

¹ Tsia kain ámu abɔba iwɩasɩ ha ɔmá akpapó, abugyi ahande mbɩlasu, abubu ámu. Bókú ání bóbwe tás igyi yilé brégyíbré. ² Bómáblí ɔhaa iwɩ asón laláhe, bumágyi nwéɛn é. Mboún bobwée ahá ání bolwíí, abɔba iwɩasɩ ha ɔhagyíɔha. ³ Tsúfé bré ámu a, aha mimláhe anɩ é anɩgyí. Asɔtɔ lówa anɩ ɔnlɩn. Anilófwi, mlí nkpábi há ɔwólí laláhe pú atáá ɩtɔwá ɔha ansigyí. Aniléyintá bré súsu laláhe mɔa tás ɩde anɩ ansí ɩpe iwɩ. Ahá bolu anɩ, anɩ é anilólú ámu. ⁴ Táme anɩ nkpa ɔhɔpɩ Bulu léle mu awítɔle pú ɔdweá ɔbɔ ha anɩ ɔwan. ⁵ ɔlele anɩ, táme megyí yilé kɔkɔ anilóbwe su, mboún mu nwewúun su. ɔlɔtsɔn ɔhe Wankíhé ámu su fwi anɩ lakpan lé anɩsu, ɔlelakwíí anɩ, há anɩ nkpa pɔpwe. ⁶ ɔlɔtsɔn anɩ ɔhɔpɩ Yesu Kristos, tséí ɔhe Wankíhé ámu wólí anɩsu. ⁷ ɔlóbwe anɩ alɩ, ménɩ ɔbówa awítɔle há anɩ, tsú mú ání anɩ asón da ɔkpa, fówun anɩ ɩbi béda nkpa ání ɩtamátá ámu ɔ anidé mú ɔkpa kí ámu. ⁸ Asón ánfɩ bu mótó.

Yɩn iwɩ afɔsuna mɔ wankláán, ménɩ ahá ámu ɔmu ansí dun Bulusu ámu bétsiá bwe yilé brégyíbré. Mógyí tás ɩbɔ alé, ɩbówa labi há ɔhagyíɔha nɩ. ⁹ Mápɩ iwɩ wá mimlá nwéɛngyí, anáin ɩlɩntɔ kláa, pú mbla ámu iwɩ ɩtrétó. Labi ma mótó kugyíkɔtɔ. ¹⁰ Tɔi kpla ɔhá ání ɔtetí ɩtré wá ahá nsúné tse nyɔ pé. Mú ɔma a, si mu asón. ¹¹ Bɩ ání ɔhá ámu odu nwuntɔ bu oklúin. Oyɩn ání lalaha mɔdebwe. Alaha mu iwɩ pɔn dodo.

Paulo Asón Tráhe

¹² Nenyá wá Artema ntée Tihiko fɔ wá pé, bɔ mbódí afɔbɔtu mí Nikopoli wúlutɔ, tsúfé nabwe agywun ání nétsiá unu atsalɩ bí. ¹³ Bɔ mbódí afɔsi mbla osunápó Sena mɔa Apolo ɔkpa wankláán. Tɔtɔ umáhián ámu ɔkpatɔ. ¹⁴ Ha anɩ pɩ ámu é abubu alíá bɔtɔbɔba ába agyómá yɔ wankláán, ménɩ bétalí kí ahá ání buma tɔtɔsu. Fówun bɔmóɔbwe ahá ání ámu iwɩ mɔwa labi.

¹⁵ Ahá ámu ɔbubu mí wá nfi ámu fée behá fɔ itsiá. Ahá ahógyipɩ ámu ɔ bɔdɔwé anɩ ámu itsiá.

Bulu ogyíí mlí fée bɔale.

ᾠωυλόβá Paulo Lówanlín Sísí Filemon

Itsiáha

¹⁻² Mí Paulo ání nda obu Kristo Yesu sɔ pú aní pío Timoteo dé ᾠωυλόβá anfi wanlín. Anidé mú wanlín sísí fú aní pío ᾠδωεπό, fúgyi aní agyómáyobá Filemon, fúa aní pío tsíhé Apia mɔa aní agyómáyobá ání ogyi isá ᾠkópú Arkipo mɔa Kristo ᾠpasua ámóó bɔtefia fú wóyító amɔ fээ. ³ Aní Sí Bulu mɔa aní Wíe Yesu Kristo bɔgyii mli bɔale, abɔha mli iwilwii.

Filemon ᾠdwe Pó Mɔ Hógyi

⁴ Opío Filemon, ntédá Bulu ipán fú nɔwunsɔ brégyibréá nde mpáí bɔ. ⁵ Tsúfě ndenu alá fúde Bulu ahá fээ dwe, fúde aní Wíe Yesu hógyitɔ kinkíínkín. ⁶ Nde Bulu kokóli mbée, ᾠháa afɔtali bla ahá fú hógyi iwí asón, méní wéha fónu ito wankláán ání anilanyá Kristo búotɔ asi. ⁷ Mí pío, ᾠdweá fóbɔ lahá ansi de mí onutó óó gyí, ilawá mí atetɔ-onlín. Tsúfě fú awítɔle lahá Bulu ahá klɔn ladí amó asi.

Paulo Iᾠabwii Onesimo Nwunsɔ

⁸⁻⁹ Iní sɔ nétali wá klɔn kóli fú ató. Teki mbɔ ᾠkpa híe fú mbée, fɔbwée tóá ilehián Kristo sɔ. Táme ᾠdwe ámóó mbɔ ha fú ámɔ sɔ ndekléá nókóli fú mboún. Mú sɔ tsu mú ání mí oyin dehen Paulo, ngyi fú nyáwíe Yesu sɔ, séi nda obu dé fú kóli. ¹⁰ Nde fú kokóli mbée, fɔwúun mí bíá nda obu asa nakwii mɔ, ogyi Onesimo nwe. ¹¹ Mɔ dá ámɔ asi gyí ᾠbɔ labi. Teki ᾠmɔwa labi há fú bréá ᾠesrí sí fú, táme séi mú ᾠbɔ labi há mía funyɔ.

¹² Ntᾠdwe mɔ tsú mí klɔntɔ, táme nde mɔ yinkía sísí fú. ¹³ Teki ndekléá néha mɔ otsia fú otsiákpá mí wá nfi, ᾠtsa mí bré anfi nda obu Bulu asɔn wankláán ámɔ ᾠkan da sɔ anfi. ¹⁴ Táme mmedékléá nóbwe tɔtɔ tsɔn fú ᾠma. Mmedékléá néhe fú é. Ndekléá itsu fú klɔntɔ.

¹⁵ Tsu mú fээ, Onesimo lésrí sí fú bré itinbitó, méní ᾠbéla betsiá fú wá bré fээ. ¹⁶ ᾠtráa omegyí ᾠkpábi. Alamlí opío ᾠdweπό onutónutó há mí. Móá idɔn a, falányá ᾠkpábi pú opío dɔn mi séi.

¹⁷ Mú sɔ ní foyin ání fú bá gyí mí á, mómú kpla mɔ wa iwítɔ fé alá fóbwe mí. ¹⁸ Ní ᾠlɔpɔ ulá kv gyi fú, ntээ ᾠde fú ikɔ kv á, bu mú tswí mi. ¹⁹ Mí Paulo onutó lapó mí wí wanlín iní, “Néka fú.” (Ima alá nébli mbée, fú onutó ámɔ óó á, mílshɔ fú nkpa.) ²⁰ Iní sɔ mí pío ᾠdweπό, aní Wíe sɔ wa labi ha mi. Ha klɔn idi mí asi Kristo sɔ.

²¹ Nyin ání fónu mí ᾠme bwé dínká tóá nawánlínso. Nyin ání fóbwe mú dɔn alí kóráá. ²² Mú ᾠma a, bɔ mbódi afɔla ᾠdikpa yaí mí, tsúfě nde ᾠkpa kíá Bulu ᾠbóso fú ᾠnó, néba mli wá.

Iklá

²³ Epaфра ání mía mɔnyɔ anida obu Kristo Yesu sɔ ᾠhá fú itsiá. ²⁴ Alí kén mí agyómáyobá Marko mɔa Aristarko pú Dema mɔa Luka é behá fú itsiá ní.

²⁵ Aní Wíe Yesu ogyii mli bɔale.

ᾠωυλόά Βωwanlín Sísí Hebrifó

Bulu Asón Ina Mv Bi Ámvsu

¹ Bímbí ámu a, Bulu lótsun okpa otsan-otsansu tóí kplá aní anáin bré tsotsotsoto tson mu onósó atáípusu. ² Táme séí ánfí ayí íbá bomo onó ánfí mú á, alatóí kplá aní tson mu Bi ámvsu. Mvgýí dhá aní Bulu léle aní ógyi mu ató ní. Mv Bi ánfisú alatsun bwe tógyító. ³ Musu Bulu Okpənkprənti numnyam tawánkí tson. Mvgýí dhá aní əlehie lian Bulu, əde mu asón amóó ibv túmi ámu puki tógyítósú ní. Bréá əlgyvraá aní tá á, oletsíá əsósú Bulu Otúmípu amu gyəpísu.

Bulu Mv Bi Ámu Ləfvdə Dvn

⁴ Bulu lótsu mu Bi ámu fóa dvn Bulu-abəpu féé. Alí kén əleha mu dá dvn amó ní. Iní lósuná aní ədvn amó féé. ⁵ Tsúfé Bulu mókóbláa mu abəpu amoto əkəkəkə ki əbée,

“Mí B́ gyí f́,
ndə nabwé f́ Ś.”
Ntée bláa amótó əkəkə əbée,
“Nóbwe f́ Ś,
f́ é f́bwe mí B́.”

⁶ Iní əma asa Bulu əbówa mu Bití ámu sísí ayító á, əleblí əbée,
“Mí abəpu féé busúm mu.”

⁷ Tóá əleblí tsú mu abəpu amu mú iwí gyí,
“Nabwé mí abəpu fé afú.*
Nabwé mí asúmpó fé ogya plənplən.”

⁸ Táme əlebláa mu Bi ámu mú əbée,
“Oo Bulu, f́ iwíegýí méeta ekekeke!
Yiləbwe gyí f́ iwíegýí akənfra.

⁹ Yiləbwe fətekle. Fətekísí lalahé féé.
Mú sv mí, f́ Wíe Bulu nalé f́, dá f́ ofúli.
Napó ansigyí wá fótó dvn f́ aba.”

¹⁰ Bulu ason wanlínhé amu létrá blí əbée,
“Mí Wíé, f́lósua əsulóv ntswiasí bréá feví ayí así.
Fó onutó ibí fəpəbwé əsósú.

¹¹ Mú féé b́fwí, táme f́ mú fétsiá bré féé.
Mú féé b́bwe dáda fé tatida.

¹² Fókuntá mú fé tati.
Fétse mú fé atadiə.
Táme f́ mú futamatse.
F́ nkpa mósomə onó ekekeke.”

¹³ Bulu mébláa mu abəpu əkəkə əbée,
“Tsia mí gyəpísu,
yəfəv n bréá ńpu f́ alupó bwé f́ ayabi oyíkpa.” fé aliá əlebláa mu Bi ámu.

* 1:7 afú ntée əyé. Əyé móa afú lehan aba Griiki əblíto.

14 Nto mee Bulu-abapu bugyi? Megyi ohe bugyi, Bulu towa butobua aha ani oboho amu nkpa?

2

Nkpaoho Kpankpankpan

1 Inu su ilehian ani abekita onkwali ason amuu anlanu amuta kinkinkin, menu imeedali anu ibi. 2 Tsufe mbala amuu Bulu lwa ha anu anain tson mu abapusa amu igyi onkwali. Inu su aha amuu bwa asoto-onlu, bomegi muso amu benya isobiti ani ida okpa. 3 Nkani anu mu abetali sri isobiti amu, ni akina nkpaoho kpankpankpan ani? Anu Wie onuto legyankpa bli mu ason. Aha amuu bonu mu amu e begyi mu iwa adansie suna anu bee, ibu moto. 4 Bulu onuto e lobe ofula pu osuna osan-osan mu tumito, oha aha mu Ohe Wankihe atokieh e bre e iletsia mu, podinka ibwi muso ani onkwali igyi.

Nkpaoho Okpa Osunapu

5 Bulu mapu oyi amuu iba, anide mu iwa ason bli amu wa mu abapu ibito ohe, bugyi muso. 6 Mboinu fe aha oku lowanlin wa Bulu ason amuta otneku ohe, "Oo Bulu, nto nyankpusa gyi, so fu ansi idin musu ahi?"

Nto nyankpusa gyi, su foteku musu?

7 Bre itinbi koto pe feba mu asi dun fu abapu.

Fapu numnyam pu obu dinka musu,

8 feha mu ode ato feeso gyi."

Ni Bulu ason anu debli ohe, "Ato fee" a, idesuna ani toto mesian ani omede muso gyi. Sei anu a, anumakunya wun anu ode ato feeso gyi. 9 Tame anilawun Yesu. Bulu leba mu asi dun mu abapu bre itinbi koto. Awitole Bulu lwa bwe mu ahi, tsufe oha Yesu lowu ohagyoaha nwunso. Anlabi ani sei a, Bulu lapo numnyam pu obu dinka musu, iwawun amuu olowun, wu amu su. 10 Bulu, ato fee Olep pu muso Okipu amu obekpa mu abi tsotsotso ba mu numnyamto. Mu su ibu alea otson Yesu amuu ogyi amu Nkpa Ohapu amu lowusu ha mu ofun, menu oboho amu nkpa.

11 Yesu amuu otogyora aha le amu lakpanto amu mwa aha amuu alagyora amu fee babwe Jsi okole abi. Mu su ima mu peli ani obeti amu ohe mu apio.

12 Ohebla Bulu ohe,

"Nekla fu bwehe suna mi apio.

Nekanfu fu anu ofiakpa."

13 Ohebli bre bambato e ohe, "Nopo ansi dinka Bulusu." Oetra bli ohe, "Ki, mia abi amuu Bulu lapoha mi amu lu a."

14 Inia anyankpasa abi amuu Bulu lapha mu amu bugyi su a, obwe mu iwa nyankpusa fe amu, menu obotsun mu lowusu swi Obunsam tumi, yinta mu. 15 Okpa anu peso abetali tson ha aha amuu benya lowu ifu, su obwe nkpaabi amu nkpatu fee amu begyi iwa ni. 16 Tsufe ida ya ani megyi Bulu-abapu nkpa ohokpa oha, mboinu Abraham abi-ana. 17 Inu su ilehian ani obelian mu apio togyitoto, menu obowe amu igyi ohapo dehen ani obowun aha nwe, wa onkwali Bulu antisot. Fowun abetali bo amu lakpan iwa afodie ha Bulu, obesikie amu. 18 Boso mu ki, mu onuto e otson iwawunto. Mu su abetali gyi aha ani botoso amu ki e buale.

3

¹ Iní sv apíó aba aní Bulu latí mli wá osósó ayópótó, mliṣu ansí dínka Yesusu. Múgyí Bulu sumbí oyópó pú mu igyí ðhapó dehen amóú anidé mu iwí asón blí ámu n. ² Olówa ðnakwali há Bulu, Bulu léle mu ðbéé, ðbóyo mu agyómá fé alí ámóú Mose lówa ðnakwali há Bulu, Bulu lóṣu mu wóyí fée wá mu ibitá ámu. ³ Táme obú bu Yesusu dun Mose, fé alíá bütobú wóyí oyíṣu dun wóyí ámu. ⁴ Wóyígyíwóyí á, ðha léyí mó, táme ató féé ðbweṣú gyí Bulu. ⁵ Mose lóbwe osúmpó ðnakwalipáá ðde Bulu wóyísó kí. Olébláá amó asón aní Bulu ðbéblí ekekó. ⁶ Táme Kristo lóbwe obí ðnakwalipáá ðde Bulu wóyísó kí. Bulu wóyító abí anigyí, ní anilówa klón kitá mu ðkpakító kinkíínkín yófon mú ðnómáké.

Bulu Ahá Bédá Ìkpónó

⁷ Mó sv ibu Bulu asón ámótó aní Ìḡe Wankíhé léblí ðbéé,

“Nde, ní mlonú Bulu ðme a,

⁸ mlu máwa asútó-ònlín, fé alíá mli anáín Israelfó
bóbwe bréá bókusó líí Bulusu,
sò mu kí dimbí ámuṣu.

⁹ Inó mli anáín bəsə mu kí n.

Ibu mútáá bowun mí bwéhé nfi aduana (40) kéké.

¹⁰ Iní sv nenyá ðbló wa amó, blí mbéé,
‘Bütédálí mí ðma brégyíbré,
kíná mí asónsú gyí.’

¹¹ Mó sv nenyá ðbló ká ntam mbéé,

‘Ní bówie mí ðkpónó ðdakpá unu fíín! Néká nótón!’ ”

¹² Mí apíó, mliki wankláán aní mlitá ðkuku méenya klón laláhe aní itamahó Bulu gyí, méni iméeba mu ðdalí Bulu Ìkiankpaṣu amu ðma. ¹³ Mbóún mlitá kpla aba ekekegyíékéá oyí leke, betí mú “Nde,” fé alíá Bulu asón wanlínhé anfi ideblí. Fówun lakpan méemlé mlitá ðkuku, há mu ðwa asútó-ònlín. ¹⁴ Tsúfé ní akítá aní hógýitá kinkíínkín, fé bré ámóú anilótá hógýi amu yófon mú ðnómá a, ania Kristonyó abékan, bwé toku kulé.

¹⁵ Fé alíá Bulu asón wanlínhé amu léblí. Ìbéé,

“Nde, ní mlonú Bulu ðme a,

mlu máwa asútó-ònlín, fé alíá mli anáín Israelfó
bókusó líí Bulusu.”

¹⁶ Améndí lónu Bulu asón blihé, táme bókusó líí muṣu? Megyí ahá ámóú Mose lékpa tsú Egipte osólósu ámu fée? ¹⁷ Améndí Bulu lénya ðbló wá nfi aduana (40) kéké? Megyí amó kén lóbwe lakpan, bowu sin dimbísó unu ní? ¹⁸ Améndí Bulu léka ntam há ðbéé, “Ní bówie mí ðkpónó ðdakpá unu fíín! Néká nótón?” Megyí ahá ámóú bókusó líí muṣu ámu? ¹⁹ Mómó ilawánkí aní aní amó Bulu máhógyí só bóməyó osólósu amuṣu yéda ðkpónó.

4

¹ Nnihíé ámóú Bulu lóbwe ðbéé, móṣu mu ðkpónó ðdakpá há aní ámu itráa da. Mó sv mliha akí wankláán, méni iméeba aní mlitá ðku oméenya unu yó. ² Tsúfé bédá asón wankláán ámu ðkan súná aní, fé amó, táme bóməhó asón ámuṣu gyí. Mó sv iməwa labi há amó. ³ Tsúfé aní ahá ámóú anilahó músó gyí amu obówie mu ðkpónó ðdakpá unu. Ahá ámóú bóməhó músó gyí amu mó á, Bulu léblí tswí ðbéé,

“Nenyá ðbló, ká ntam mbéé,

‘Ní bówie mí ðkpónó ðdakpá unu fíín! Néká nótón!’ ”

Ibu mútá aní Bulu lénihíé ðkpónó ðdakpá unu yáí tsú bréá ðlele oyí ðpá. ⁴ Tsúfé bəwanlín eke síénósí amu iwí asón wá Bulu asón ámótó beé, “Èke síénósí a, Bulu

léda ɔkpónú tsú m̀v gyumagyihε fέétó.” ⁵ Fέ alíá anílanú b̀tsɔn a, Bulu ɔb́εε, “Ní b́owie mí ɔkpónú ɔdakpá unv fíín! Nεká ǹt̀ón!” ⁶ Iní d́ésuná aní akv m̀v b́owie unv. T́ame ahá ámúv begyankpá nú asɔn wankláán ámv b̀menya unv ý, tsúfέ b̀mɔbu m̀v. ⁷ Iní sv Bulu létrá hie eke bámbá, ɔletí m̀v “Nde.” Nfi tsɔtsɔtsɔ ɔma a, ɔlɔtsɔn Owíε Dawídsu t́óí tsú alí eke ánfí iwí, fέ alíá íbv Bulu asón ám̀vto ɔb́εε,

“Nde, ní mlonú Bulu ɔme a, m̀lmáwa as̀vto-ɔnlín.”

⁸ Ní am̀v ɔkparú Yosua léha beda ɔkpónú á, tekí Bulu métrá hie eke bámbá. ⁹ Iní sv ɔkpónú ɔdaké kvá ina ɔtsan ɔda gyo Bulu ahá, fέ alíá Bulu léda ɔkpónú eke síénósí ámv. ¹⁰ Tsúfέ ɔhá aní olowie ɔkpónú ɔdakpá unv é ladá ɔkpónú tsú m̀v é m̀v gyumagyihε kugyíkɔtɔ, fέ alí ámúv Bulu léda ɔkpónú tsú m̀v klε kugyíkɔtɔ ámv. ¹¹ M̀v sv mliha ab̀v mb̀dí awie ɔkpónú ɔdakpá unv, méní anitɔ ɔk̀vko m̀éésin ɔkpatɔ fέ alí ámúv Israelf̀v ámv b̀wa as̀vto-ɔnlín, besin ɔkpatɔ ámv.

¹² Tsúfέ Bulu asón ámv íbv nkpa, it̀yɔv agyómá. Íbv ogyá d̀vɔn ɔdayí iya anyv kugyíkɔ. Itεká ɔha alí ýwíε m̀v ɔkláa p̀v m̀v ɔh́é ofiakpa, m̀v ntsakpá p̀v m̀v awú nf̀vto. Itegyí aní agywin p̀v t́á anitekɔ tsú aní kl̀vntɔ asón. ¹³ T́ɔtɔtɔ tamanj́án Bulu! T́ógyítɔ da yáyá m̀v ansítɔ. M̀v ab̀yóbu aní tsiátɔ akúnta kugyíkɔ súná ní.

Aní Bulu Igyí ɔhapó Dehen

¹⁴ Aníbv igyí ɔhapó dehen k̀vɔnkp̀vntí aní aladá fá ɔsósú ý ɔbv Bulu wá. Mugyí m̀v B́i Yesu. Iní sv mliha akíta Yesu anfi anidé m̀v iwí adánsie gyí anfitɔ kínkíínkín. Anumádínkí ansí m̀sv. ¹⁵ Tsúfέ m̀v m̀v omegyí ɔhá aní omóonu aní así ní animétálí gyí iwísv. Ogyí ɔhá aní b̀sɔ m̀v kí ɔkpagyíɔkpasv fέ aní, t́ame ɔmb̀we lakpan ekekeεke. ¹⁶ Iní sv mliha awa kl̀vɔn, ayv Awítɔlεp̀v Bulu obíá así. F́wunv ob̀wunv aní nwe, wá awítɔle, kpá aní aní ohíánke.

5

¹ Lé butelé igyí ɔhapó dehen okugyíɔkv tsú m̀v aba anyánkp̀sɔtɔ, ɔtelí am̀v nwun Bulu ansítɔ. ɔt̀ɔhɔ atɔ hahé p̀v lakpan af̀vdiε-ab̀t̀v tsú am̀v wá, ṕhá Bulu igyí. ² M̀v onut̀v é ɔtamatalí gyí iwísv bré tsɔtsɔtsɔtɔ. M̀v sv otenyá kl̀vɔn há ahá aní b̀meyín ɔlala p̀v am̀v́a bafwí ɔkpa. ³ M̀v sv ilehíán aní ɔb̀b̀v af̀vdiε há m̀v onut̀v lakpan, fέ alíá ɔt̀v́v há m̀v ahá. ⁴ ɔhaa tamawá m̀v iwí numnyam ɔb́εε, Bulu igyí ɔhapó dehen mugyí. Mb̀v́n Bulu t́étí ɔha, b̀wé m̀v m̀v igyí ɔhapó dehen, fέ alíá ɔb̀b̀we Aaron.

⁵ Alí kén Kristo onut̀v é m̀wá iwí numnyam aní Bulu igyí ɔhapó dehen mugyí ní. Mb̀v́n Bulu lébláa m̀v ɔb́εε, “Mí B́i gyí f́v.

Nde nabwé f́v Sí.”

⁶ B̀wanlín wá Bulu asón ámv ɔtineko é beε, Bulu ɔb́εε, “Bulu igyí ɔhapó f́gyí bré fέétó, fέ Melkisedek.”

⁷ Bréá Yesu tsie nkpa ɔsl̀v́v anfisv á, ɔl̀p̀v kokóli m̀v́a isú b́v mpái, kpl̀v́n kóklókúv, p̀v m̀v atɔ kolíhε tswí Bulu aní ɔb́étalí h́v m̀v nkpa ansítɔ. M̀v iwiasíbá sum Bulu sv Bulu lónu m̀v mpái. ⁸ Íbv m̀t́v́ Bulu m̀v B́i ogyí m̀v, t́ame ɔlɔtsɔn iwí ɔsɔntɔ asa ɔletalí bí alíá Bulubu ihíε igyí. ⁹ Iníá ɔb̀b̀we t́ogyít́v́ Bulu ĺwa m̀v b̀we sv á, olemlí ɔkpa aní ahá aní butobú m̀v fέé b́tsɔn m̀s̀v́ nýá nkpah́v́v aní itamatá. ¹⁰ Bulu léle m̀v súná aní ogyí m̀v igyí ɔhapó dehen, fέ alíá ɔleyáí Melkisedek.

M̀m̀dsí H́gyí Am̀vto

¹¹ Mbu asón tsòtsòtsòá abéblí tsú Melkisedek asón ánfí iwí. Táme mó asile suná mlí íbòwa ònlín. Tsúfè séí á, mlítráa mlímédé asón así nu asasu. ¹² Tekí b́fón alí bré ánfító á, mlílamlí asunápó, támé mlílétrá hián óhá ání obósuná mlí atò gyankpapwá íbu Bulu asón ámútò. Mógyí, mlíléhián atosunáhéá ìpòpón fè nyòpu-ntsu. Megyí móá íbu ònlín fè atò wihé ntéé atogyihe onutó. ¹³ Táme kebi b́b̀wè tónyópó. Omeyín t́á gyí yiléb̀wè. ¹⁴ Óhande tégyi t́á íbu ònlín, tsúfè alatsòntson ntobító kí, alakásí bí yilé móa lalahe.

6

¹ Mó sù mlímátrá bitía aní ayabi ya óma. Mliha akasí móá íbéha aní abóyo nkpa, así Kristo iwí atosunáhé gyankpapu amútò plá laplá. Mehián ání abétrá suná ató tsú Bulu hógyi pó klòntòdamlí tsú b̀wèhéá itetí lowu iwí, ² atosunáhé tsú asúbò, íbì pòdínká óhasu,* afúlikòsò pó Bulu asóngyí eke tráhe amu iwí. ³ Ní Bulu lótsulá á, mómó móá íbéha abóyo nkpa śsón abòsuná mlí ngya.

⁴ Ní ahá ání bawun Bulu wankí amu kí, badá ósósú atokiehé ónó kí, banyá Óhe Wankíhé amu é kí, ⁵ badá Bulu asón ámúú íbu alé ámu pó bré ámúú íbéba amútò t́mí ónó kí, ⁶ mó óma bédida hógyitò á, b́tamatálí trá damlí klòntò. Tsúfè amú onutó ámu trá b̀dè Bulu mu Bì ámu da mántá oyikpalíhesu, tsú mó líí b̀e, ahá b́b̀wèe mu ahinlá ní.

⁷ Anyánkpósa aku b́gyi fè ósulóá itonu ntsuá nyankpu détswíe wolí mósó, ató t́wá alé, wá labi há ahá ámu sù ámúú b̀dò mó ámu. Bulu toyúlá alí ahá ánfí odu. ⁸ Táme aku é b́gyi fè ósulúbò ání tunkpa móa awu aná tokwè mósó, b́tamawá labi. Ní b́mekí wankláán á, Bulu ób́l̀wí amú, wá amú ogyá.

⁹ Táme apíó adwepó, ní nde ínì blí ó á, opúnì medé mí tsíí. Tsúfè nyin ání mlídé ató wankláán b̀wè, idesuná ání Bulu lahò mlí nkpa. ¹⁰ Tsúfè t́á ida ókpa Bulu t́b̀wé. Óméetan mlí gymagyihe pó ódweá mlílalé suná mu tsú mu ahátsatò, mlítráa mlíb̀wè mósó. ¹¹ Nhíé ndeklé mbéé, mlítò okugyíòku ób́wa iwí ówònlín, b̀wé mó ýfon mó ónómò, f́owun itó ámúú mlí ansi òn mósó ámu íbéba mótó há mlí. ¹² Mmedékléá mlí mlí óhétó awòlyìpó. Mbóún mlíkasi ahá ámúú amú hógyi pó amú uklunya sù amú íbì bédá itó ámúú Bulu léhie yáí ámu.

Bulu Léðnká Ibwi T́á Ólehie Yáísó

¹³ Bréá Bulu léka ntam há Abraham a, óhaa má uná ódòn mu Bulu. Mó sù mu onutó iwí ól̀pòká ntam. ¹⁴ Ób́éé, “Nekáse, néhie yúlá fú. Néha fú abi-aná b́kléí tsòtsòtsò!” ¹⁵ Abraham lénya klòn. Mó sù olenya itó ámúú Bulu léka ntam ób́e méha mu amu. ¹⁶ Ní óku ób́éka ntam a, óhá ání ódòn mu idá ótápóká ntam amu. Isuna ání nwéngyí kòku má mu ntam amu iwí. ¹⁷ Iní sù bréá Bulu dékléá obósuná ahá ámúú ólehie t́ó ámu há ámu ání óméetse mu agywíun ekekeeke á, óletan mu iwí. ¹⁸ Bulu tamawá afunu! Mu t́ó ámúú ólehie yáí ámu, pó ntam amu igyí atoku anyó ání iméetse ekekeeke. Iní sù aní ahá ámúú anlasí tanu mu amu anub̀wé t́á abóp̀wá iwí ówònlín, akíta t́ó ámúú anidé ókpa kí amútò kínkínkín. ¹⁹ Aní ókpakí anfi lakítá aní yáí fè alá ótan tekítá obu líí. Aní ókpakí anfi t́ekpá aní, anítòtsòn tati ámúú isian ósósú Ówankíkpató Ówankíkpa obu-ónó ámútò wíé mótó. ²⁰ Aní sù Yesu lagyankpá yó ób̀v obu ámútò unv dodo. Alamlí igyí óhapó dehen ání ób̀v unv bré f́éétó há aní fè Melkisedek.

7

Bulu Igyí Óhapó Melkisedek

* ⁶² Íbì pòdínká óhasu igyí amándíé ání ópasua ahande b́tób̀wé pówá ahá ání balé há gyoma ku gyí ópasua ámútò ówònlín, ntéé pòtsá ahá ìlò, ntéé pókólí Bulu Óhe Wankíhé há amó.

¹ Melkisedek anfi á, owíe ogyi Salem. Ɔɔɔwɛ ɔsɔsúúúú Bulu amu igyi ɔhapó. Ɛke ɔku Abraham lóyóko awíe abaná akw ísá, gyí amósú. Bréá oleyinkí ɔbá á, olefia Melkisedek. Melkisedek lóyulá mu. ² Abraham léye atáa olenya tsú ísá ámɔtɔ idú, ɔɔpɔ idúsi há Melkisedek. Idá anfi así gyí, “Yilébwɛ Owíe.” Mu idá kɔle é gyí “Iwilwii Owíe,” tsúfɛ Salem así gyí, “Iwilwii.” ³ Bulu asón mebli asvansv tsú Melkisedek akwípó ntée mu úntɔ, mu kwí ntée mu lowu iwí. Ɔɔɔhan Bulu mu Bi ámu. Bulu igyi ɔhapó ogyi bré fɛétó.

⁴ Mlúkí alíá Melkisedek gyí ɔha kpɔnkpɔɔnkpɔntɔ ɔku. Aní náin Abraham kóráá léye mu atáa olenya tsú ísátɔ idú, pú iku kɔle há mu. ⁵ Mose Mbla léha Lewi abí-aná, bɔgyi igyi ɔhapó ámu ɔkpa aní bɔhɔɔ ató yée idútɔ kɔle tsu amó ahá Israelfɔ wá. Ibv mótɔ aní Abraham abí-aná amó é bɔgyi. ⁶ Melkisedek anfi mótú Lewi abí-anátɔ, táme ɔɔhɔ Abraham ató yée idútɔ kɔle, yúlá Abraham mbóun ámúú Bulu léka ntam há ámu. ⁷ Nwéengyi ma mú iwí aní ɔhá aní otoyúlá ɔn ɔmá bɔdeyulá. ⁸ Yudafo igyi ɔhapó ámúú bɔtɔhɔ Israelfɔ ató idútɔ kɔle amu bɔtowú, táme ɔɔhɔ Abraham atóyɛtɔ idúsi anfi mú trá otsie nkpa fɛ alíá Bulu asvɔn wanlínhé amu ɔéblí. ⁹ Ní anímɔɔwa afunu a, abétalí blí aníaa, bré ámúú Abraham lópu mu ató idútɔ kɔle há mu amu a, Lewi abusuan ámúú bɔtɔhɔ Israelfɔ ató idútɔ kɔle amu é beka mú tsvɔn Abrahamsɔ. ¹⁰ Tsúfɛ Lewi bu mu nain Abraham iwíɔ, bɔmókónyá kwíí mu asa mu nain lópu mu ató idútɔ kɔle há Melkisedek.

¹¹ Ibv mótɔ aní Mose mbla ámu léblí aní Bulu igyi ɔhapó bɔtsúú Lewi abusuantɔ. Ní bétalí há ɔha ɔbɔfun a, tɛkí Bulu métrá le mu igyi ɔhapó bámbá aní ogyi fɛ Melkisedek, omotsú Aaron abusuantɔ. ¹² Ní bɛtɛ igyi ɔhapó le mbla ámu a, mómó ilehián aní bétɛ Mose mbla ámu é. ¹³ Tsúfɛ aní Wíe anfi aníɔé mu iwí asón blí anfi otsú abusuan bámbátɔ. Abusuan ánfítɔ ɔhaa mókósúm afɔɔɔɔ-asubwí amúsv kí. ¹⁴ Ɔhagyíɔha yin aní Yuda abusuantɔ aní Wíe anfi otsú. Mose méti abusuan ánfí idá bréá ɔɔe abusuan oduá bóbwe Bulu igyi ɔhapó iwí asón blí.

Bulu Igyi Ɔhapó Bambá Aní Ogyi Fɛ Melkisedek

¹⁵ Bulu mbla anfi tsée latráa wankí aní tsía, tsúfɛ igyi ɔhapó bámbá labele iwí ɔwan fɛ Melkisedek. ¹⁶ Mbla dada amu ilosuná aní Lewifɔ nkɔle ɔbwée igyi ɔhapó, táme megyí bɛɛ mu anáin bɔtsú Lewifɔtɔ sú ɔɔbwɛ igyi ɔhapó. Mbóun mu nkpa aní mɔmɔ ɔnó ekekekeke túmítɔ ɔna ɔɔbwɛ igyi ɔhapó. ¹⁷ Tsúfɛ bɔwanlín wá Bulu asón ámɔtɔ bɛɛ, “Bulu igyi ɔhapó fɔgyi bré fɛétó, fɛ Melkisedek.” ¹⁸ Idesuná aní balé igyíha mbla dada amu ibwí, tsúfɛ mɔɔwa ogyá, mɔɔwa labi é. ¹⁹ Tsúfɛ Mose mbla ámu metálí bɔwé tɔtɔtɔ ifun. Séi á, Bulu lapú aní ɔkpakí wankláán aní ɔɔn mbla dada amu yáí mú otsiákpá. Múá ɔbékpiá aní mantáa Bulu.

²⁰ Bulu léka Yesu iwí ntam aní ɔbóbwe mu igyi ɔhapó bré fɛétó. Ɔmeka igyi ɔhapó bámbá ɔkɔkɔkɔ iwí ntam. ²¹ Yesu iwí ntam aní ɔleka bréá ɔɔbwɛ mu igyi ɔhapó gyí,
 “Mí Bulu, naká mí iwí ntam aní
 igyi ɔhapó fɔgyi bré fɛétó.
 Mméeelatɛ mí agyiwun!”

²² Ina ntam anfi sv Yesu labɔbwɛ ɔma ɔlípú há Bulu nhíhé aní ihíé bu alé ɔn nhíhé dada amu.

²³ Bulu igyi ɔhapó ámúú betsiá nhíhé dada amu ɔnó ámu bɔhíé bɔtsɔ, tsúfɛ bɔtowú sí agyómá ámu tswí. ²⁴ Yesu mú bu unv bré fɛétó. Mú sv mu Bulu igyíha mɔmɔ ɔnó ekekekeke. ²⁵ Mú sv ɔtɛtálí hɔ ahá aní bɔtɔtsvɔn msv ba Bulu wá fée nkpa plíplíplí. Tsúfɛ otsie Bulu wá, ɔɔe mu kókólí amó nwunsv bré fɛétó.

²⁶ Yesu gyí Bulu igyí ðhapó dehen onutó ání anidéhíán ní. Mu iwí letun, tsitsa koku uma mu iwí. Lalahe kókkokó é uma mutó. Bulu léle mu lé lakpan abwepó ðkpaso, há mu otsiákpá fuáhé ðsósóúsó. ²⁷ Imehián ání mu mó obégyankpá bó mu lakpan iwí afódié, fé igyí ahapó dehen atráhe amu. Amó mó betsiá bó há amó onutó lakpan ekekegyíeke, asa babó há ahá atráhe. Òtsáwolé pé mu mó ðbbó afódié há ahá féé lakpan, bréá ðlòpò mu iwí bó afódié ahá féé nwunso. ²⁸ Mose mbla léha ahá ání bapòn bóbwe Bulu igyí ahapó dehen. Táme mbla ámu òma a, Bulu léka ntam lé mu Bi. Alahá mu Bi ámu labwé mu igyí ðhapó dehen ání ðlòfòn bré féétó.

8

Ani Igyí ðhapó Dehen

¹ Asón ání ndéblí féé gyí, anubu Bulu igyí ðhapó dehen ání ógyi alí, otsie Bulu Otúmípu amu obiá gyòpisi ðsósó. ² Òde Bulu igyí ha Òwankíkpátò Òwankíkpá onutó ání ibu ðsósó inu. Mó mó á, Bulu onutó léyi mó, megyí nyankpòsa.

³ Bulu igyí ðhapó dehen okugyíòku á, mu agyómá gyí, ðbòpu ahá ámu atò hahé pò amó afódié-abotó há Bulu. Iní su ilehián ání aní Bulu igyí ðhapó dehen Kristo é obénya tóá ðbòpohá Bulu. ⁴ Ní ðsolóu anfisò ðbu a, teki òmòbwe Bulu igyí ðhapó ekekeeke. Tsúfé Bulu igyí ahapó onutó búbu inuá butchá Bulu igyí Mose mbla ònó. ⁵ Igyí ahapó amu butòtswe Bulu igyí ðhakpá ání ilehan ðsósó tati-obu ámu. Iní su Bulu léda Mose òlá bréá ðbóbwe tati-obu ámu ðbée, “Kí ání fóbwe tógyító fé obu ámuú nele suná fú ibusu inu ámu odu pépéépé.” ⁶ Táme Yesu igyíha agyómá ámuú Bulu léha mu amu léhié fuá ðun ðsolósu igyí ahapó dehen amu klé. Ntam pòpwe ámuú ibò ania Bulu nsiné, Yesu gyí mó òma ðlúpó amu é ihíé bu alé ðun ntam dada amu. Tsúfé ðlehié atoyiléá móbwe há aní wá móótó.

⁷ Ntam gyankpapu amu imòfòn. Ní ðlòfòn a, teki nyòòsi metrá hián. ⁸ Táme Bulu lówun ání anyánpòsa bomebí bwé. Mó su ðleblí ðbée, “Èke òku íbá. Mí mlí Wíe déblí.

Mía Israelfò pú Yudafo abéka ntam pòpwe.

⁹ Imòbwe fé mó ámuú iletsiá mía amó anáin nsiné, bré ámuú nekítá amó ibu, kpá amó dali Egypte ðsolósu ámu. Tsúfé bomegyi mí ntam amòsu.

Iní su nesi amó iwí há amó.

¹⁰ Ntam anfi obétsiá mía Israelfò nsiné eke ámu ní. Mí mlí Wíe déblí.

Nòpu mí mbla wá amó nwunto, nówanlín mó dínká amó klònsu.

Nóbwe amó Bulu, amó é bóbwe mí ahá.

¹¹ Amótó òkoku méetrá suná mu pio, ntée mu ba ðbée, ðbú Bulu.

Tsúfé amó féé bébi mí. Tsú nyebísó yòfòn ahandesu.

¹² Nési amó lakpan kíé amó. Mméetrá káin lalaheá babwésó.”

¹³ Ní aní Wíe dé ntam pòpwe iwí asón blí á, mó mó ilosuná ání dada amu itráa ma labi mu ansító. Tóá ðlan bwe dáda a, wu itowú.

9

¹ Bulusúm mbla letsíá Bulu ntam dada amóto. Bóbwe tati-obu ání bósum Bulu mótó osólósu nfi. ² Bəpu tati tin tati-obu ámu onó, bəpu ikole é ká mótó. Beti obu gyankpapu amóto bæe, Ɔwankíkpa. Ɔkandíe-oyí ání bütönywé nkandíe bian mósó pú ɔpónú ání bodobodoá bapóhá Bulu igyí idun mósó bu inu. ³ Obu nyɔasi amósó ibu tati nyɔasi amu ɔma amóto bütetí, Ɔwankíkpató Ɔwankíkpa ní. ⁴ Sika pepé afódié-asubwi bu inu. Bulu Ntam-dáka ání bəpu sika pepé píatá mó iwí fée é itsie inu. Bütowá ɔhién ogyá afódié-asubwi ámusu. Atoku asa bów Bulu Ntam-dáka ámóto. Mógýí, sika pepé ɔlankabi ání atogyihe kwá beti mó mana bu mótó, Aaron oyi yíahé amósó ləpəí ámu pú abwi pətéplé anyo amósó Bulu lówanlín mu mbla dínká mósó ámu é bu mótó. ⁵ Bóbwe Kerubim anyáa bəbu numnyam, bəgyi ntobí akwá bəbu abámba dínká ntam-dáka ámu obuasu. Amó fée betínkí amó abámba fia aba, ilobun dáka ámusu. Amó nsiné inu Bulu tesí ahá lakpan kíé amó ní. Táme megyí séi abéle asón ánfi asi.

⁶ Alí bela ntobí ámu yáí inu ní. Bulu igyí ahapú ámu bütowíé obu gyankpapu, igyí Ɔwankíkpa amóto ekekegyíeke yóyo amó agyómá. ⁷ Bulu igyí ahapú dehen pə towíé obu nyɔasi, igyí Ɔwankíkpató Ɔwankíkpa amóto. Ɔtsáwule pə otowíé inu ofitó. Ilehíán ání ɔbəpu ɔbwi obugya ání ɔbópúbó afódié há Bulu mu onutó nwnusu pú ahá lakpan ání bóbwe, bəmeyín su ya inu. ⁸ Tóá Ɔhe Wankíhé amu désuná tsú ntobí ánfi iwí gyí, Ɔwankíkpató Ɔwankíkpa inu ɔkpa lefin wa amó bréá tati-obu ámu gyí amó Bulu ɔtswékpa. ⁹ Iní igyí atosúanhe há nde ɔyi kehe. Idesuná ání ibu mótóá bütəpó ato hahé pú afódié-abotó há Bulu igyí, táme iméetalí há mó ɔhapó ámu klón isi mu ipón ha ání mu iwí latín tsú mu lakpantó. ¹⁰ Tsúfə ntobíá igyí, atogyihe, atonuhe pú amándíé ání nyankpusa təpógyóra iwí keke mbla ámu losuná. Bulu lóbwe mbla ámu fée há nyankpusa, ání ɔkíta mótó bəfən bré ánfi alabwé ɔkpa pəpwe ání bópəbwé mó ánfi, animéetrá bwe dáda amu.

¹¹ Kristo labóbwe Bulu igyí ɔhapú dehen há atə wankláán amósó laba ámu. Mu tati-obu ání ɔbu mótó bu ɔsósó. Inu tati-obu ámu dən ɔsólósu klé, ləfən dən mó é. Megyí nyankpusa lóbwe mó mó, imotsú oyí ánfítə é. ¹² Megyí atəkpa pú nnantswie yínhé obugya Kristo lópəya Ɔwankíkpató Ɔwankíkpa inu. Mu onutó obugya ɔləpəya inu, ɔləpəká aní nwnusu ikó ɔtsáwule pə, anilénya nkpa ání itamatá. ¹³ Mose mbla ámu onó á, akpaláa pú nnantswie obugya pú ɔnantswiebí ání bawá mu ogyá, alahə nsúó bütowúnya wólí ahá ání ifin lada amó, pógyóra amó. ¹⁴ Ní betalí bədə mbwí obugya kóráá putín ahá iwí á, ntogyi su Kristo obugya méetalí tun ahá iwí dən? Kristo lótsən Ɔhé amósó ibu inu bré fée ámusu, pú mu iwí lé mbusuo ání ləfən há Bulu. Mu obugya amu ibétín aní kləntə tsú bwehéá ibékpa aní wá lowutə iwí, méní abétalí súm Bulu Ɔkiankpapə amu.

¹⁵ Iní su Kristo gyí ntam pəpwe ání ɔbu Bulu muə anyánkpsa nsiné ɔma ɔlópó, méní ahá amósó Bulu latí ámu bénya ató amósó itamayíntá, ɔlehue yáí há amó ámu. Tsúfə Kristo lowu ámu lahá amó bagyi iwí tsú lakpan amósó bóbwe bré amósó bəbu ntam gyankpapu amu asi ámóto.

¹⁶ Ní ɔku ɔwanlín nhíhé há mu atótó yée tswí a, otowú asa itəyó agyómá. ¹⁷ Tsúfə nhíhé ámu una labi bréá ɔhá ámu onutó tsie nkpa. Mu lowu ɔma itəwá labi. ¹⁸ Iní só bəpu obugya sí Bulu ntam gyankpapu amu ésó asa ləyó agyómá ní. ¹⁹ Tsúfə bréá Mose lékla mbla ámu fée súná Israelfó tá á, ɔləpu ntsu fráa nnantswie pú akpaláa obuyatə, pú kufa iwí imi pepé móa ífá kwá bütetí mú Hisop wúnya obugya fráhe amu wólí mbla ɔwóló ámu pú ahá amu féesú. ²⁰ Mósó ɔleblí ɔbée, “Obugya ání ndepósí ntam ání Bulu laká há mlisu ní.” ²¹ Alí kén ɔləpu obugya amu ku wúnnya tati-obu pú ntobí amósó bütəpótswé Bulu ámu

féesó ní. ²² Lélé mó Bulu mbala ámu onó á, abétalí blí aniaa, obugya butópógyóra tógýtó. Ní bómopu obugya lé mbusuo á, lakpansikié tamaba.

Kristo Afòdì Tèlè Aní Tsú Lakpantò

²³ Alí ilehián aní bóbwe amándié ánfí pógýóra ntobí ánfí igyí fè osósó klé amu ní. Táme osósó klé amu ilehián afòdìe aní ihíe òn osólòsú klé anfi. ²⁴ Inú só Kristo mówíe tati-òbuá nyankpòsa lópu mu ibi bwé, igyí fè osósó klé amu odutò ní. Osósó olayo yélí Bulu ansító, òde mu kokóli ha aní. ²⁵ Omopu mu iwí yóbò afòdìe tsenyo-tsesa, fè alí ámóú Bulu igyí ahapú dehen amu butópó mbwí obugya ya osólòsú Òwankkpátò Òwankkpá inu ofifigýiofi ámu. ²⁶ Ní alí igyí á, tekí ilehián aní Kristo obétsiá wun iwòsin wú tsé dú tsé lafa, tsú bréá òyí lefi así òpá. Mbóun alalé iwí òwan òyí onómóbí ánfí, pò mu iwí bóbò afòdìe òtsáwòle pé pólé ahá tsú amó lakpantò. ²⁷ Igyí fè alíá ida yáí aní òtsáwòle pé òha obòwu. Mó òma a, Bulu obégýí mu asón. ²⁸ Alí kén Kristo lópu mu iwí bó afòdìe òtsáwòle pé, pólé ahá tsòtsòtsò tsú amó lakpantò ní. Mó su ní olé iwí òwan otse nyòòsì a, imehián aní obétrá bwé tòtò tsú lakpan iwí. Mbóun ahá aní bwhíé butsié bogyo mu nkpa òbá bòhò.

10

¹ Alí ámóú Mose mbala léle súná aní bupóha Bulu igyí amu ilehan mó ámóú íbèba amu keke. Mó onutó ámu Kristo labóbwe á. Afòdìe oloku òkule amu betsiaá bó há Bulu ofifigýiofi. Táme imetalí há ahá ámóú butebeha igyí amu abòfon Bulu ansító. ² Ní letalí tun amó iwí Bulu ansító òtsáwòle pé á, tekí besi afòdìe ámu bò, amó kún é ilesi amó ipón ha aní babwé lakpan. ³⁻⁴ Tsúfè nnantswíe yínhé pò atrukpa obugya méetalí lé nyankpòsa tsú mu lakpantò ekekekeke. Mbóun ha itehá mu òtekáín mu lakpansu ofifigýiofi. ⁵ Inú su bréá Kristo òbá òyítò á, òlebláa Bulu òbée,

“Megyí atò hahé móa afòdìe fòdedunká.

Mbóun oyólòsú fela yáí mí.

⁶ Fú ansí megyí mbwí tóhé pò lakpan afòdìe iwí.

⁷ Múú nēblí mbéé, ‘Mí Bulu, mí ní. Nēbá bóbwe fú apé,

fè alíá bōwanlín mí iwí asón wá fú ason wanlínhé amòtò.’ ”

⁸ Olegyankpá blí òbée, “Megyí afòdìe móa atò hahé, mbwí tóhé pò lakpan afòdìe fòdedunká. Fú ansí megyí mó iwí.” Òleblí alí, táme mbala òkpasó ilehián aní bóbwe mó. ⁹ Múú òletrá blí òbée, “Mí Bulu, mí ní. Nēbá bóbwe fú apé.” Mó su Bulu lalé afòdìe dada amu ibwí, pò Kristo afòdìe ámu wá mó otsiákpá. ¹⁰ Yesu Kristo lóbwe Bulu apé, pò mu iwí bó afòdìe aní nwunsu òtsáwòle pé, há bré fée. Mó su aní iwí latin.

¹¹ Igyí òhapò okugyíòkò telí bó afòdìe oloku òkule amu ekekegyíeke. Afòdìe-abòtò ámóú otenyá póbó mó tsé dú tsé lafa ámu kén òtópóbó mó ní. Táme afòdìe ánfí méetalí lé ahá tsú amó lakpantò ekekekeke. ¹² Kristo mó lénya bó lakpan iwí afòdìe òtsáwòle pé ámu a, òlata fée, oleyétsiá Bulu gyòpìsú. ¹³ Tsú alí bré ámòtò òpá otsie inu ogyo bréá Bulu òbòpu mu alupó bwé mu ayabi oyíkpa. ¹⁴ Mu afòdìe kole pé ámu òlahá ahá ámóú Bulu lapú amó bwé mu kle amu bafun ha bré fée, òlala kòkòkò òtráa ma amó iwí.

¹⁵ Òje Wankíhé é légyí mó iwí adánsie súná aní. Olegyankpá blí òbée,

¹⁶ Aní Wíe òbée,

“Ntam anfi obétsiá mía amónyo nsuné,

bré ámóú íbá ámóto ní.
Nópu mí mbla wá amó klúnto,
wánlín mó wá amó nwunto.”

17 Oletrá blí obéé, “Mméétrá káin amó lakpan pú amó lalahesu ekekeeke.” 18 Mó so ní Bulu lasí lakpan kíé á, mómó mó iwí afódié kóku itráa medéhián é.

Mliha Akpọkpe Manta Bulu

19 Iní so mí apió, Yesu obugya amu so anibụ okpa wíé osósó Ọwankíkpatọ Ọwankíkpa ínu faan. 20 Mụ lowu ámu so alafinkí tati ámóú bọpuká obu ámóto ámu há aní. Mógýí okpa pọpweá ítehá aní nkpa ní. 21 Anibụ Bulu igyí ọhapọ dehen kponkpọonkpọnti okóá ode Bulu ahásu kú. 22 Mó so mliha apu iklun ání ibu ọnọkwali, pú hógýiá mó ọnó bu ọnlín kpọkpe manta Bulu. Tsúfẹ alapó Kristo obugya gyóra aní. Aní klun méétrá ha aní pón, alapó ntsu wánkíhẹ é fwí aní iwí. 23 Mliha akita tó ámóú anidé mó iwí adánsie gyí, anidé mó okpa kú amóto kinkín, tsúfẹ Ọnọkwali pu Bulu gyí. Obóbwe tóá ọlehie ání móbwe há aní. 24 Mliha akí alíá íbóbwe abówa aba ọwónlín, ọdwe móya yilébweto. 25 Mlimáha asi aní ofiakpa yó, fẹ alíá akó bodebwe. Mboún mliha atra wa aba ọwónlín tsía. Tsúfẹ mlidéwúun ání aní Wíe obáke ámu ịdekpọkpé bá.

26 Mí apió, lakpan iwí afódié kóku itráa ma inu há aní, ní akí ansí bwé lakpan bréá anlabí ọnọkwali amu. 27 Mboún tóá ílasí gyí, abétsiá ifúsó gyo Bulu asón ogyíké pú ogyá kponkpọonkpọnti ámóú íbóhọ Bulu alupọ ámu. 28 Ní ahá abanyó-abasá begyi oku iwí adánsie, ání alakíná Mose mbla ámu so gyí a, bọtámó mu. Bọtamawun mu nwe. 29 Mómó ní oku oki Bulu mu Bi ámu ansító kótíkótí, omobu ání mu obugya amóú Bulu lópusí mu ntamsu, ịdgyoráa mu iwí ámu bu íbiá, olesia Bulu awitole Ọhé ámu mó á, mu isobití ání obéhie nyá méeba kú. 30 Tsúfẹ aniyin ání Bulu lébli obéé, “Mí, mli Wíe téká lalahé ịkọ. Mí obéka aha laláhe akó amó lakpan so.” Oletrá blí obéé, “Mí, mli Wíe obégyi mí ahá asón.” 31 Ibo ifú ání fékpa wé Bulu Ọkiankpapu amu agbláto.

32 Mlimátan bré ámóú Bulu wankí lówankí wólí mli so ámu so. Mlikain ání alí bré ámóto á, mlilótson iwí asin tsotsotsoto, táme mliléli kinkíinkín. 33 Betsiá síá mli, wá mli iwí asin ahá ansító. Bré koto é á, mlilétsa ahá ání bode iwí asin ámu odu wúun. 34 Mlilósú ha obu adípó. Bréá ahá bọpu ọwónlín swíi mli ató á, mlilési há amó ansigýisó. Tsúfẹ mliyín ání mli bu atóá ibu alé dun mó, íbetsiá bré fẹéto. 35 Mó so imákpọn mli. Mlikita iwí, amlilu kinkín, tsúfẹ mli bu ịkọká kponkpọonkpọnti Bulu wá. 36 Ilehían ání mlótomi, méní mlétalí bwé Bulu apé, fówun mlénýa itó ámóú Bulu léhie yáí há mli ámu. 37 Tsúfẹ bọwanlín wá Bulu ason wanlínhé amóto bee, “Iméegyí nke kóku Bulu obówotíí.
Ọmówa ọpá.

38 Ahá ání amó hógýi so Bulu latsú amó ání amó asón da okpa obétsiá nkpa. Táme ní amótó oku mówa klun kítá iwí mu hógýito, oleyinkí ọma mó á, Bulu ansí méegyí mu iwí.”

39 Táme anumégyí fẹ ahá ání badámli ọma há Bulu, bafwí. Mboún angyí ahá ání amó hógýi lahọ amó nkpa.

11

Hógýi

1 Hógýi gyí ansí pọdínká tóá fómakówun, táme fode mó okpa kísu. 2 Ahá ámóú betsiá bímbí ámu hógýi só Bulu ansí légyi amó iwí.

³ Aní hógýi só anlébú aní asón Bulu léblí pólé oyi. Mú sù tóá ansíbi towun ledalí tsu tóá ansíbi tamawuntó.

⁴ Hógýitó Habel lópu mu ató hahé aní ibu alé dún mu dehen Kain klé há Bulu igyi. Mú hógýi sù Bulu ansí legyi mu mu ató hahé ámu iwí, olotsu mu aní mu asón da okpa. Ibu mótsá olowu dodoodo, táme mu hógýi amu sù otráa odetó bafon nde.

⁵ Hógýi sù Enok mówu asa Bulu lótsu mu, ohaa mówun mu. Bulu ason wanlínhé legyi mu iwí adánsie aní olegyi Bulu ansí asa olotsu mu náti. ⁶ Mliki, ohaa méetalí gyi Bulu ansí ní omáho mu gyi. Tsúfé ilehián aní oha ání obéba Bulu wá obóhogyi aní Bulu bu unu, oteká ahá aní butodunká mu iko.

⁷ Hógýitó Noa lónu asón aní Bulu lébláa mu tsú tóá imókónyá ba iwí. Olobu Bulu, sré dáka kpankpankpan, póho mu wóyító ahá nkpa, bréa ntsu labulá. Mú hógýi amu só oyi tó ahá begyi pón, obowe oha aní mu asón da okpa Bulu ansító.

⁸ Hógýi léha Abraham lóbu Bulu bréa Bulu lébláa mu obéé, odáli mu omátó, oyo osulób aní mu Bulu léhie há musu. Olenatí dálí mu omátó, omeyín otinéá oyó. ⁹ Hógýi léha oloyóbwe ofó osulób amó Bulu léhie yáí há mu amusu. Tati-obuto oletsiá unu. Alí kén Isak mu a Yakob aní Bulu léhie osulób amu yáí há é betsiá tati-mbuto osulób amusu ní. ¹⁰ Tsúfé Abraham létsiá tati-obuto, ogyo wúlu kpankpankpantiá Bulu léda, imóobwie ekekekeke.

¹¹ Hógýi léha Abraham mu ka Sara benya obi kwíi. Ibu mótsó aní badan tson ikwíusu, Sara é ménya ikwíi. Abraham lóhogyi aní Bulu obégyi tóá alahíe yáísó. ¹² Iní sù omá kéin aní boma ukláto, butso fé ntsrakpabi ntée opu onó isi belun tsu Abraham aní aladan tson ikwíusoto.

¹³ Hógýitó ahá anfi féé bowu. Ibu mótsá amó ibi meda atóá Bulu léhie yáí há amó asa bowu. Táme bowun mú sísi, amó ansí légyi mú iwí. Botsu mú aní afóó pó okpa atupó bogyi oyi anfitó. ¹⁴ Ahá aní botsú mú alí budele súná aní bude omá aní íbóbwe amó onutó klé dunká. ¹⁵ Ní bude omá amóó bedali tsu mótsó amu iwí susúu a, teki bodunká okpa yínkí yó unu. ¹⁶ Táme osúsó omá aní ibu akíle dún mu amóó bedali mótsó amusu amó ansí dún. Mú sù uma Bulu péli aní bétí mu bee, amó Bulu. Tsúfé alalá wúlu kpankpankpanti ku yáí há amó.

¹⁷ Hógýi léha Abraham lékitá mu bi Isak oyóbo afodie há Bulu bréa Bulu lóso mu ki. Ibu mótsá obi anfi Bulu léhie mu aní obókwíi ní, táme omotswe mú kpókpó. Olókosú pó mu bi okokónú okole amu oyóbo afodie ámu. ¹⁸ Ibu mótsá alí bré ámutó á, Bulu labláa mu obéé, “Fú bí Isak abí-aná obóbwe fú abí-aná ní.” ¹⁹ Táme Abraham lótsu mú aní Bulu obétalí tsínkí Isak. Lélé mú, okpa okusu á, olalanyá Isak fé oha aní Bulu lakósúa tsu afúlitó.

²⁰ Hógýi léha Isak lóyulá mu atabí Yakob mu a Esau. Mu ansí dún aní Bulu obóbwe tóá ohehe há amó ekekó.

²¹ Hógýitó bréa Yakob oha bowu á, oloyulá Yosef abi anyo ámu, olobun mu oyi yíaheso sùmu Bulu.

²² Hógýitó bréa Yosef oha bowu á, oheblí obéé, Bulu obéle Israelfó tsú Egypte omátó. Mú sù oleda amó olá obéé, bomási mu awú tswi unu.

²³ Hógýi léha bréa bokwíi Mose a, bopu mu nánin tsra asa. Tsúfé bowun aní obu akíle. Mú sù bomenya owíe amu mbla aní olowa tswi ifú.

²⁴ Hógýi léha Mose lékiná aní bomáti mu Egypte owíe mu bi tsíhé mu bi bréa oledan. ²⁵ Olotsulá aní buwáa mu a Bulu ahá iwíasintó, dún aní obénya lakpanbwe iwí ansigyi bré itinbí. ²⁶ Olotsulá aní busópa mu Kristo sù. Tsúfé íbéhie wá labi há mu dún aní obénya Egypte atonyahé féé. Mu ansí dún ikóá Bulu obéka mu ekekósó.

²⁷ Hógýi léha Mose lenatí Egypte omátó, omenya owíe amu oblé ifú. Mu ansí dún Bulu aní ohaa tamapó ansíbi wunsu. Mú sù olotomí, omeyínkí oma.

²⁸ Hógyi léha mu òleha Israelfò befi Katsòn Nke gyí así. Òleha amó bọpụ obugya kpá amó obu-ónó, méní Bulu-òbọpá òtómó ahá òmóòpụ ibi da amó bití.

²⁹ Hógyi léha Israelfò bọtsón Ọpụ Pẹpẹ amọta fẹ òsulúb wuliheso bóna. Táme bréá Egyptefò é bée abọtsón a, ọpụ amụ lékitá amó.

³⁰ Hógyi léha Israelfò benatí bómílí abuntíí ání bọpụgyi iban wá Yeriko wúlu nkensiénó, ilobwie bun gbloo. ³¹ Hógyi léha obu-ónó otsiápú Rahab mówu tsía ahá ání bumòhò Bulu gyito. Tsúfè òlòhò Israelfò ansí awakipụ afọs wankláán.

³² Ilehían ání nétrá wanlín ikú é? Bré mọtsó ání nówanlín Gideon mụa Barak pú Samson, Yefta mụa Dawid, Samuel mụa Bulu ònósó atọpú amụ hógyi iwí asón. ³³ Hógyi léha amó bọkò òmá-òmá gyi amósó, bọbwe t́á ida òkpa. Benya at́á Bulu léhie há amó, beha agyatá ndatò leklí. ³⁴ Bodun ogyá kpònkpònti, bọmesin isá. Hógyi léha amóá bọpòn benya ọwónlín, amó aku benya ikó túmí, gyi amó anyabásó. ³⁵ Bulu létsinkí atsi aku afúli há amó. Ahá bẹpiti amó aku ató alu mó amó. Mú óó á, bọmotsulá kíná Bulu. Iłwa amó ọdweá bómọ amó òn ání bẹyinkí Bulu ọma, méní Bulu ọbókúsóa amó, bénya nkpa ání ibụ alé òn.

³⁶ Bọbwe amótó aku ahinlá, pítí amó mpli. Bọwa amó aku ikan, pú amó tswi obu. ³⁷ Bẹda amótó aku abwi mó, pú sáa bói akútò, aku é besin ọdayí ònó. Amó aku é bẹdi akúfa mọa akpaláa nwulú-kpákpátó náti kí, aku bẹdi akón. Bẹdinká akusu, wá amó aku é iwiasuntó. ³⁸ Teki megýi ọyi ánfí odutó ahá ánfí bétsiá asa. Adimbító mọa abusu benatí kí fẹ ọkòn abọpú, tsía dí abwi alató mọa mbótó.

³⁹ Amó hógyi só Bulu ansí légyi amó fée iwí. Ọkọkọ ibi meda t́á Bulu léhie yáí. ⁴⁰ Tsúfè at́á ibe alé, ibówa labi iwí Bulu lóbwe agywun yáí há ania amónyọ fée. Mó sù amó nkole buméetalí nyá mú, yófon bréá Bulu labwé ania amónyọ fée anlafon mu ansító.

12

Ani Sí Bulu

¹ Anibụ ọdọm anfi bọpụ hógyi tsía ánfí odu bómílí aní. Mú sù mliha aní é atswí tógyítáá ide aní bitia ya ọma pú lakpan ání ilakiklí aní kínkíínkín tsalífwi, atomi tsii ọsrú amóbú ida aní ansító ámu. ² Mliha apụ ansí dínka Yesusu. Mvgyí aní hógyi nfiási pú mó ònómó. Iná oyin ansigýi oduá ida gyo mu sù á, olotomi wun ipian oyikpaliheso wú. Omobu kpóí ání bókpoí mu tótò, alayó otsie Bulu owie obiá ámu gyoipisú.

³ Mlupọki ipian ání olotomi wun lakpan abwepó ibitò, bréá bolu mu, wá mu iwiasuntó, méní ọhé méeta mli, mluméesi mu hógyi. ⁴ Iwíá mlidéprí le iwí lakpantó á, mlumókótálí pri yófon bréá mlési mli nkpa há. ⁵ Mlumátan ití ání Bulu lótsí kplá mli ánfí mligýi mu abísó. Ọbée,

“Mí bí, ní nẹbítí fọ isw á, máhò mú lalaha sù.
Ní nọwá iyin wa fọ á, máha mú ikpòn fọ.

⁶ Tsúfè ọhá ání ntọdwé á, mu ntọwá iyin wa.

Ọhá ání nọpóbwé mí bí á, mu ntebítí isw.”

⁷ Tomi wun ipian fẹ isw bode fọ bití. Bulu dé mli isubiti fẹ mu abí. Tsúfè obi ọmọmu bụ inwá mu sí tamabítí mu isw? ⁸ Ní ọmẹbití fọ isw fẹ alíá ọtóbwé mu abí fée á, idesuná ání megýi mu bi onutó fúgyi, klétobi fúgyi mu. ⁹ Aní ọsulúb anfisw así bọtebítí aní isw, anitobú amó é. Ntogyi só anumóotsulá ba iwiasí há aní Sí Bulu òn amó, anya nkpa ání itamatá? ¹⁰ Bré itinbí pé aní ọsulúso así bọtọpóbítí aní isw aláá bodeklé. Bulu mó á, alíá abówa alé sù ọtebítí aní isw, méní aní é aní iwí bétun fẹ mu. ¹¹ Ní bode aní isw bití á, itehan aní alí bré ámọta. Ansí tamagyi aní. Táme isubítí ámu ọma a, anitóbwé yilé, tsía iwílwíiti.

Mó sv tətə mōōwa mí ifú.

Ntə nyankpəsa əbətáli bwé mí?"

⁷Mlikan mli nkpa agyápu amóu begyankpá bláa mli Bulu asón ámuəv. Mliki alíá bəpətsiá, amlinya hógyi fē amó. ⁸Alí amóu Yesu Kristo gyí ígye ámu a, alí ógyi nde, alí kén obétsiá bré fēé é ní. ⁹Mó sv mlimáha atosunáhé ətsan-ətsan ígyi mli ansí, íbitia mli le əkpa wankláán ámuəv. Ibv aléá mléha Bulu əbówa awitəle há mli ənjətə əwənlín, megyí atogyihe mbla, áni itamawá labi koku há mósú agyípəsv gyí.

¹⁰Anibv afədiə-asubwi kvá ígyi ahapó amóu beha Bulu ígyi əsolósv nfi ámu buma əkpa gyi mósú ató. ¹¹Bulu ígyi əhapó dehen təpə mbwi obugya wíe Əwankíkpatə Əwankíkpa inu yóbə amó lakpan iwí afədiə, bətpə aye amv mō ya mmuátse, yówa mō ogyá. ¹²Iní sō Yesu é lówu mmuátse, méní əbəpə mō onutó obugya gyóra mō ahá, amó lakpan sv ní. ¹³Mó sv mliha adali yə mō wá mmuátse inu, abəkpaí ania mōnyə. ¹⁴Tsúfē animá wúluá íbétsiá yó əsolósv nfi. Anígyó wúlu amóu íbá ámu. ¹⁵Mó sv mliha atsən Yesuəv akanfv Bulu, íbwe afədiə áni anidépohá mō ekekegyíeke. Mógýí ənótə asón áni anidépəwá aní Wíe numnyam ní. ¹⁶Mlumátan awitəlewəsv. Mliye mli atótə ha aba, tsúfē mō aná gyí afədiə ítegyi Bulu ansí ní.

¹⁷Mlibu mli nkpa agyápu, amliba iwiasí ha amó. Tsúfē bətamadá əkpónó mli əklásukú sv. Buyin áni béyele alíá bəpəki aní əklásu ənó Bulu ansítə. Mliha amó abəbwə amó agyómá ansígyísó, megyí nwəsv. Ní megyí alí á, imōōwa labi koku há mli.

¹⁸Mlitsia bə mpái ha aní. Nyin áni aní klən medé aní pón ha, támə anidékkléá abétsiá tsiátə wankláán brégyíbré. ¹⁹Nhíé ndekkléá mlibóə mpái, Bulu əháa mí ansanki ba mli wá nkenyó ánfítə kótóó.

Mpái Tráhe

²⁰⁻²¹Iwilwii Əhapó Bulu, əlakusóa aní Wíe Yesu Kristo tsú afúlitə ámu əháa amlitali bwe yilé kugyíkúv odeklé. Nde mō kokóli mbéé, ətsəvən Yesu Kristosə əbwe tóá odeklé anitə. Yesu gyí akúfa Əkpaí kəpənkəntiá Bulu lópə mō obugya ká ntam amóu íbv inu bré fēé, mva mō akúfa, bgyi mō ahá amv nsiné ní. Numnyam íbwéé mō kle yəfvən bréá itamatá! Amen.

Iklá

²²Mí apió, íbv mótóá əwəlv kútúklú nawánlín sísi mli. Támə nobwíi ipa, mliyaa əsv amlinu mótə asón áni ndepəwá mli əwənlín. ²³Nde mli íbí ha áni balé aní pió Timoteo obu. Ní ələwa əsa bətv mí nfi mō á, nékpa mō abéba beki mli.

²⁴Nehá mli nkpa agyápu pú Bulu ahá atráhe fēé itsiá. Akristofə amóu bəbə Italia əmátə ámu é behá mli itsiá.

²⁵Nde Bulu kokóli mbéé, əwáa awitəle ha mli fēé! Amen!

Yakobo ጋግሴ

Itsidha

¹ Mí Yakobo ání ngyi Bulu mwa aní Wíe Yesu Kristo osúmbi dé ጋግሴ áñfi wanlín sísi mlí Bulu ahá* ání mliladásáín wá ጋyító fée. Nde mlí itsiá ha.

Ansigiyinya Ikplánto

² Apíó aba, ní mlowíe ikplán móa ason wunhetó á, ansí ihíe gyi mlí. ³ Tsúfée mlíyin ání ní bəso mlí hóggi kú a, itehá mlitotomi táli líi mlí ason wunhe fée onó. ⁴ Ní mletáli tomi líi mú onó á, ibéha mlédan, wá alé, fón tógyítótó. ⁵ Ní mlito oku léhián nyánsa á, okóli Bulu. Obéha mu faan. Omóowa mu péltó, tsúfée Bulu təpó awitole há ahá fée nyánsa. ⁶ Táme ní fókóli mu a, pu hóggi kóli mu. Másusúu fée oméeha fó. Tsúfée ní fumohogyi ání obéha fó á, fuygi fé əpəá idá yó nkpa, iladá yó əma. ⁷⁻⁸ Ohá ání ogyi ali, mu agywun tamaliú tsukole omádunká ansí obée, ménya tətəto tsú aní Wíe Bulu wá, tsúfée mu agywun igyi anyo.

Ohian Pó Iwrya

⁹ Ansi igyi Okristoyin ání əma tətə, tsúfée Bulu latsú mu fóá. ¹⁰ Ní Bulu obá iwí onyapó é asi á, ansí igyi mu. Tsúfée mu nkpa bətsən fé oyi ntswítswi. ¹¹ Ali ámóó owí onó iwá onlun, itó ifá, mó ntswítswi təbó kpákpáa; ifá ámu alé tetá ámu a, ali kén iwí onyapó déyo ədehá alu obówu ní.

Isóki

¹² Bulu toyulá ohá ání ototomi ikplánto. Tsúfée ní əledali mótó á, Bulu obéda mu ipán, há mu nkpa ání itamatá, igyi isəgyi-ipa ámóó əlehie obée, mópəhá ahá ámóó bətədwé mu amu. ¹³ Ní bəso oku kú a, əmáblí obée Bulu lásə mu kú, tsúfée əhaa méetalí sə Bulu kú obée, əbwée lakpan. Bulu é tamasə əhaa kú obée, əbwée lakpan. ¹⁴ Nyankpəsa onutó əwólí laláhe témlé mu, bítia mu wá isókito. ¹⁵ Əwólí laláhe təkwiú lakpan. Lakpan é igyi əhasu á, itəpó lowu ba.

¹⁶ Mó su apíó adwəpó, mlímáha əhaa əmlé mlí. ¹⁷ Atə wankláán pú atokiehé yilé kugyíko itsú əsósó. Itsú aní Sí Bulu, əsósó atə wankíhé Obwəpó ámu wá. Ətatatse fé əpa móa onyé. ¹⁸ Mu apétó ələpu mu onəkwalí asón kwíi aní, ménu abóbwe agyankpəpu mu atə bwehé féeétó.

Asónnu Pó Músógyi

¹⁹ Apíó adwəpó, mlínu. Mlíkwəsi nu asón asi. Mlí onó máwa əsa. Mlíməkəsi nyá əbló é. ²⁰ Tsúfée əbló tamabwé tásá Bulu tekle. ²¹ Mó su mlíle tsiátó laláhe kugyíko lé mlí nkpató, amlísi lakpan bwe. Mbouin mlíba iwəsi, amlího Bulu asón ámóó aladú wá mlito ámu. Mó obéha mlí əkláa obénnya nkpa ní.

²² Mlíbwé dínka Bulu asón ámuəsu, mlímábwe mó anupó keke. Ní mləbwé mó anupó keke a, iwí mlíde mlé. ²³ Ohá ání onú Bulu asón, omegyí mósó gyí fé ohá ání alaki mu iwí ahuhwétó. ²⁴ Onyánátí mó asi pé á, alatan alíə olowun mu iwí. ²⁵ Táme ohá ání əleyaa asu nú Kristo mbła ámóó əlfon, itehá anitegyi iwí ámu, əmetan mósó, əde mósó gyí a, Bulu obóyulá mu əkpəgyíəkpəsu.

²⁶ Ohagyíəha ání obée muđe Bulu súm, táme ətamakítá iwí mu tóito á, əde iwí mlé. Mu Bulusúm igyi kpaali. ²⁷ Bulusúm oduá mó iwí letin, asəansu ma mó iwí, aní Sí Bulu tekle gyí, mléki awumbi móa asərapəsu amó ikplánto. Mléki ání əyí áñfíto lakpanbwe é iméegyí mlísu.

* 1:1 Yakobo léti Bulu ahá obée, abusuan dúanyo ámu.

2

Fitáto Futí Kí

¹ Mí apíó, ní mlalahó numnyam Owíe Yesu Kristo gyi a, mlimáfutí fitáto kí. ²⁻³ Ní iwí onyapóá òdídí tatiá ibú ibiá, òlwa sika ató pú ohíaniá òdídí tatiá bebá mli Bulu osúmkpá a, mlimáha iwí onyapó ámu otsiákpá, bláa mu mlíaa, obétsiá oyilékpá nfi; bláa ohíani ámu mú mlíaa, otsiá así òtnekú mu, ntéé odúnka òtnekú lu. ⁴ Ní mlobú ahá amú iwunya su á, mlimókópú agywun laláhe gyi asón ní?

⁵ Apíó adwepó, mliyaa asu amlinu. Bulu léle òyí ánfito ahiánfó òbéé, bonyáa hógýi ání mú ònó bu ònlun, abotsia mu iwíegýi ámuò, fé alí ámuò òlehie yáí òbéé, m̀pòhà ahá ámuò butòdwé mu amu. ⁶ Táme mli mú á, mliòkpóí ahiánfó. Nfite mli, megýi iwí anyapó ánfí tesisí mli, tswín mli mánsu, sáma mli wúlu ahande wá ní? ⁷ Megýi amú dé Kristo idayilé ámuò idun mli su ámu kpóí ní?

⁸ Bulu mbla ámu féé nwun, b̀wanlín wá Bulu ason wanlínhé amuò gyí, “Dwe fú bá fé fú iwí.” Ní mli dé músó gyi lélé á, múmú mli dé ito wankláán bwe. ⁹ Táme ní mlofúti fitáto kí a, mli labwé lakpan. Bulu mbla ámu lahá mli ipón. ¹⁰ Tsúfé fúá fegýi mbla ámu féésó, támé fepán kule pé á, fagýi pón ání fatón mbla ámu féé. ¹¹ Tsúfé Bulu léblí òbéé, “Máto mbua.” Mu kén léblí òbéé, “Mámò òha” é ní. Mú su ní fumókótó mbua, támé famó òha a, fumókókiná Bulu mblasu gyi ní? ¹² Bulu òbópu mbla ánfí itehá anitegyi iwí ánfí gyi ahá asón. Mú su mliki wankláán, mli ason blíhé pò mli bwehétó. ¹³ Tsúfé òhá ání òtamawun ahá nwe á, Bulu omóowun mu nwe. Táme ní fotowun ahá nwe á, Bulu obóowun fú nwe mu asón ogyiké.

Hógýi Pó Bwehé

¹⁴ Apíó aba, ní òku òbéé, m̀hò Bulu gyi, támé mu bwehé mosuná alí á, labi m̀m̀mu mu hógýi amu bu? Mú odu ibétalí há mu òkláa obénya nkpa? ¹⁵⁻¹⁶ Ní fowun fú aba aku buma ato didáhé pò òyí keheto atogyihe, támé fumeha amú, febláa amú fee, “Nehá mli itsiá. Mli tsia wankláán. Bulu òkpáa mli, òha mli tóá ide mli hián” a, labi m̀m̀mu fú ason blíhé amu òlwa? ¹⁷ Alí hógýi igyi ní. Hógýi oduá yilébwe há fú bá ima mútò á, igyi hógýi wúhé.

¹⁸ Òku òbétalí blí òbéé “Fubò hógýi. Mí é ntòbwé yilé.” Néle bláa mu mbéé, “Suná mí fú hógýi amú yilébwe ima mútò ámu. Mí é nòsuná fú mí hógýi tsú mí yilébwetó.” ¹⁹ Fú hógýi desuná ání Bulu òkule pé bu mu? Ibo alé! Táme bí ání òje laláhe féé bohogyi alí. Mú su butenyá mu ifú, kpínkí kpakpakpakpa. ²⁰ Fú òha mimláhe, fudekléá fówun ání hógýiá itamabwé yilé igyi hógýi kpaalí? ²¹ Anu náin Abraham lóbwe yilé Bulu ansító, tsúfé olotsulá kpá mu bí Isak yáa pututo, tekí òyómò mu bó afòdie há Bulu. ²² Mliawun alíá nanáin Abraham hógýi pò mu bwehé lenatí? Mu bwehé su mu hógýi lofon. ²³ Alí Bulu ason wanlínhé ánfí òlwa mútò ní. Òbéé, “Abraham lóhò Bulu gyi. Mú só Bulu lóbu mu yilé òwepó,” tí mu mu nyawie nu. ²⁴ Iní su séi á, mli bí ání yilébwe téhá Bulu totsú òha ání mu asón da òkpa mu ansító, megýi mu hógýi pé.

²⁵ Alí òlwa ha obu-ònó otsiápó Rahab é ní. Bulu lótsu mu ání mu asón da òkpa, tsú tóá òlwe su. Òlòpu Yudafo akvá beba bu de ansí wa kí mu òmátó ñáin, òlwa amú betse òkpa sí.

²⁶ Alí ámuò òje ima òhato ògyi itowuhé ámu a, alí ní yilébwe memá hógýisu é igyi hógýi wúhé nu.

3

¹ Mí apíó, mli fée mlimábwe iwí ató asunápó. Tsúfè Bulu obégyi aní ató asunápó anfi asón kinkíinkín. ² Aní fée anitepán brégyíbré, táme ní oku tamapán mu tóito á, múmú olafun. Obétalí gyi mu iwísu okpagyíokpasu. ³ Apóki, dátòbi ku pé butápówá oknko onó, púdámli mu, súná mu okpa pú tóá obwée. Itchá otobú aní. ⁴ Mlíki ntsusu-yibia idin ntsu ansító. Ilomoní, afú kponkponti tópo mú náti. Táme otábu pátáplábi ku tédámli mó, súná otínéá iyó. ⁵ Alí aní odandu é igyi ní. Igyi aní iwí itó túkúríibi ku. Táme itetálí blí asón akpónkponti pótú iwí.

Igyi fé ogya plenplenbi aní itowá ipó yilé ogyá. ⁶ Igyi ito laláheá iteyintá ató fée aní iwí. Itokpói nyankpusa, yintá mu nkpatiátó fée. Isubiti ogyá aní itamaduntó odandu ogyá anfi tetsánki tsú. ⁷ Nyankpusa tetálí bwé pututa-mbwi, mbubwi, awó pú ntsuto mbwi akugyíaku butemántá. ⁸ Táme tóha mókótálí bwé odandu omanta ki. Ito laláhe odandu gyi. Otamatsiá díin. Elín aní itomó sóón bó mó. ⁹ Anitópó aní odandu kánfó aní Wíe pú aní Sí Bulu. Mó kén anitópólwíí ahá ni. Táme Bulu onutó lóbwe nyankpusa fé mu iwí. ¹⁰ Onó kole pé ámto icanfó móa ilwí tedáli tsu. Mí apíó, uma aleá ibéba ali. ¹¹ Ntsuá ibu anúle pú ntsuá uma anúle bétalí lun tsu obón koleto? ¹² Mángo oyí bétalí swíé kankaba? Ntée bafle oyí bétalí swíé mángo? Ekekeke! Alí ntsuá ibu anúle méetalí lun tsu obón aní mótó ntsu ma anúleto ní.

Nyánsa Aní Itsú Bulu Wá

¹³ Ní oku bu nyánsa móa asón asunu mlito á, múmú okpó mu tsiátó wankláán le mó suna tsun mu bwehé pú mu iwiasibá aní itsú mu nyánsato. ¹⁴ Táme ní olu pú onsipe tsiátó bu mto á, múmú omápu ibi sí kántó, blí obéé mu bu nyánsa. Ní obli ali á, alawá afunu dínká onokwali amusu. ¹⁵ Nyánsa anfi odu motsú osósó. Itsú oyító ató omagyáa, tsiátó laláhe, pú oje laláhe wá. ¹⁶ Tsúfè otínegyíotíné aní olu pú onsipe bu a, aba asumanú pú laláhebwe tétsiá unu. ¹⁷ Táme ohá aní mu nyánsa itsú osósó á, gyankpapu, mu iwí letin. Ololwíí, otadwé ahá, oteba iwiasí. Otowun ahá nwe, otobwé yilé. Otamafítí fitáto ki, otobwé ató tsú mu klontó. ¹⁸ Ahá nsiné olapó todú iwílwíí itópó yilébwé ba.

4

Oyító Ató Dwe

¹ Nto téti ikó móa itré wá mli nsiné? Megyí owóli laláhe aní ideklé igyi mli su tópoá? ² Mliapó onsipe mli dé ató klé, mli mé dé mó nya. Iní su mli dé ahá mó. Mli ansí depe ahá atósó. Mó só mli détré kó ní, táme mli ibi méeda mó ki. Tóá swá mli ményá gyi, mli tamakóli Bulu oha mli. ³ Ní mlókóli kóráá á, otamahá mli, tsúfè agywun laláhe mli tópo kóli mu. Alíá mlópówá iwí ansigyi su mli dé mu kóli. ⁴ Mli dádmli oma há Bulu. Mli méyín aní ní mli dé oyító ató dwe á, mli dé Bulu lu? Ní fodeklé féé fódwe oyító ató á, fotobwé Bulu olupó. ⁵ Ntée mli dékú mliha, kpaali Bulu ason wanlínhé amu ilebli obéé, “Bulu tamatsiá tóje ámto olapówá anito ámusu?” ⁶ Iní só otópó awítale tsotsotso kpá aní, fé alíá Bulu ason wanlínhé amu ilebli ní. Obéé,

“Otókósó lí iwí atsupósó,

táme otópó awítale kpá iwiasí abápu.”

⁷ Mó su nde mli bláa mbéé, mli bá iwiasí ha Bulu. Mli kusu lu Obónsámsó, obésí náti mli wá. ⁸ Mli kópke manta Bulu, Bulu é obékópke manta mli. Lakpan abwepó, mli fwi ibi le lakpanbweto. Ahá aní mli agywun igyi anyó, mliha mli klontó itn. ⁹ Mli su, amliha mli iwí iwa mli nwe, mli lakpan su. Mli

mósi idámli isú, mli ansigýí imli péli. ¹⁰ Mli^{ba} iwiasí Bulu ansító, méní obótsu mli fóa.

Aba Iwi Asón Bli

¹¹ Apíó adwepó, mli^{mátrá} bli mli aba iwí asón. Mli^{mátrá} tsii aba, kpóí aba. Ohagýíoha aní òlèlè mu ba ilá ntée gyi mu asón á, ilosuná aní òdeblí òbée, Bulu mbla ámu uma ale. Iní desuná aní alatsú mu iwí aní òdòn mbla ámu. Ní òdòn mbla ámu a, mómó òmedé Bulu mbla ámu bu. ¹² Bulu lówa mbla ámu. Mu pé òbétalí pú mú gyi aní asón. Mu pé òbétalí hò aní nkpa, ntée mó aní. Ní igyí alí mó á, fógýí ma aní fégyi fò bá asón?

Ansí Pòdínká Okesu

¹³ Mliya asu amlunu. Mli ahá ámúó mli^{teblí} mli^{aa}, “Nde ntée òke abóyo wúlu yilé kusu, yétsiá inu ofi òkòle gyi ibiá nyá iwí” ámu. ¹⁴ Mbée, mliyin òketo? Mliyin ahá mli nk^{patsiátó} bóbwe? Mli^{gyí} fé agyinde, itedáli dínká, táme itamawá òpá kòkò, itafwí. ¹⁵ Mú sù tóá ilehián aní mléblí gyí, “Ní Bulu lótsulá há aní nkpa á, abóbwe iní ntée iní.” ¹⁶ Ní imegyí alí á, ilosuná aní mlidé iwí tsu, pú ibí sí kántó. Lakpan iwí^{tsú} ání^o odu gyí.

¹⁷ Mú sù òhá aní oyin itò wankláán, táme òtamabwé á, òde lakpan bwe.

5

Iwi Anyapó Asón

¹ Iwi anyapó, mli^{sa} amlisora okitikiti, tsúfé ipian kpònkpònti íbá mli^{so}. ² Séí ání á, mli atonyahé féé laplò. Atéple bawí mli atati. ³ Mli sika ató é ilakpóí, wí nkanu. Mú nkanu ámu obégyi mli iwí adánsé, yíntá mli òyulòbú fé alíá ogyá teyíntá ató. Mli^{lakle} ató tsòtsòtsò yáí kpaali, bré ání^o òyí íbá bòmò ònò ání. ⁴ Mli^{kau} aní ahá ámúó mli^{lòbò} ipa, bòyo agyómá mli ndòtò, táme mli^{lékiná} amó ìkò ka ámu isú lató Bulu, túmí féé Owíe ámu. ⁵ Mli^{latsiá} òsulòbú anfi^{so}, gyi nkpa móa òdwe pówá nfo fé nnantswie há mli òmóké. ⁶ Mli^{lahá} òhá aní mu asón da òkpa ipón, mó mu, òmepri iwí.

Ikunya Múa Mpaíbo

⁷ Apíó aba, mli^{nya} klùn tsia gyo aní Wíe Yesu Kristo íbá. Mli^{kí} alíá òdòtòpò tenyá klùn tsíá gyo nyankpò gyankpapò móa tráhe, pú alíá otetsiá gyo bréá òsulòbú ámu íbéha atò pòpwe bówie wóyí. ⁸⁻⁹ Mli é mli^{nya} klùn amlilu kínkín, tsúfé aní Wíe, ogyi asón ogyípú ámu íbá lafòn. Mú sù mli^{mátsiá} tóí mli abasú, méní òméha mli ipón.

¹⁰ Apíó, mli^{pò} Bulu ònósú atópú amúó beblí Bulu asón ámu bwe mli ato-^{suánhe}. Bowun asón tsòtsòtsò, táme benya klùn. ¹¹ Mli^{kí} alíá anitobú amó. Itsú alíá botomi amó asòn wunhetò sù. Mli^{kau} Hiob é iwí asónsú. Alíá olotomi mu asòn wunhetò. Iní sù Bulu lóyulá mu mú òma. Lélé, Bulu bu awítòle. Otowun ahá nwe.

¹² Mí apíó, ndeklé mbée mli^{bú} wankláán aní mli^{mátánu} òsúsú ntée òsulòbú, ntée ká tòtòtò. Mli “Iin!” òbwée “Iin!” mli “O-o!” é òbwée “O-o!” méní Bulu méeha mli pón.

¹³ Ní òkò dé ipian wúun mli^{tò} á, okòkòli Bulu. Ní ansí de òkò gyí é á, òwáa òbò kanfo Bulu. ¹⁴ Ní òkò délò mli^{tò} á, òtí òpasua ahande abòba bokokóli Bulu, abòkpa mu ofobí aní Wíe idátò. ¹⁵ Ní bokokóli aní Wíe hógýitò á, òbétsa mu òbò, òbòkúsú. Ní alabwé lakpan kù á, Bulu obésí mó féé kídé mu. ¹⁶ Mú alí sù mli^{le} mli lakpan bli, amlukokoli Bulu ha aba, méní òbétsa mli òbò. Òhá aní mu asón da òkpa mpáí tówá ogyá. Itòyó agyómá wankláán. ¹⁷ Nyankpòsa Elia é gyí fé mía fonyò. Olokokóli Bulu kínkíínkín aní nyankpò mátswie. Lélé imotswie

nfinsa móa ifon. ¹⁸ Ɔlelakólí mu ání itswíe. Lélé nyankpo létií, deha ató lelawá alé ɔsulósu.

¹⁹ Mí apíó, ní mlitɔ ɔku ɔdida hógyitɔ á, ɔku ɔsánkia mu ba. ²⁰ Mlibi ání ɔhá ámu lalé ɔkláa tsú lowu ání teki obówutɔ. Mú su Bulu obési mu lakpan tsɔtsɔtsɔ kíe mu.

Bulu-ifúnya bwe mli bwehé kugyíko nke tráhe anfi lasí mli oyi ánfito. ¹⁸ Tsúfè mlyin tóá òlòpòkà mli nwunso ìkò, há mlilagyi iwí tsú mli anáin amándíe laláhe ámóú ìletín mli òkpa ámúto. Itó ámóú òlòpòkà mli nwunso ìkò ámú megyí fè sika pèpè móa sika futútú ání itetálí yíntá. ¹⁹ Kristo obugya ání ihíé bu ibiá òlòpòkà mli nwunso ìkò ámú. Kristo gyí fè okúfabiá òlòfún ha mbusuo kugyíko le, piná kòkò ma mu iwí. ²⁰ Asa Bulu lóbwe oyi á, òlehíhíe tóá íbèba Kristosó yáí. Mli só Bulu lalé mu súná bré tráhe anfító. ²¹ Kristo lahá mlilahò Bulu gyi. Bulu lókósúa mu tsú afúlitò, wá mu numnyam. Mó só mli ansídun Bulusó, mlidé tóá alahíé òkpa kí ni.

²² Mlilagyi dinká ònòkwali amóú ibu Kristotò ámúso. Mó so mlilatun mli iwí há Bulu, mlidé aba dwe fè apió. Megyí ansító-òdwe mlidépohá aba. Mlyò mósó amlidwe aba wankláán tsu mli klòntò. ²³ Bulu lakwíí mli pópwe. Megyí nyankpòsa ání oméetsiá nkpa wá òpású òlòtsun kwíí mli. Mboún Bulu asón amóú ibu nkpa, ibu un bré fèfétó amúso òlòtsun kwíí mli. ²⁴ Bòwanlín wá Bulu asón ámúto bée, “Anyánpòsa bugyi fè ífá. Amó numnyam é igyi fè ífá ntwítswí. Ífá towú, mó ntwítswí tóbò kpákpáa, ²⁵ táme aní Wíe asón ámú mó bu un bré fèfétó.”

Asón anfi gyí ason wankláán amóú mó òkan adapó bèda súná mli ámú ni.

2

¹ Mó so mlile agywun laláhe kugyíko le mlitò. Mlumátrá mlé aba, ntée bwé apinabwébi. Mlumátrá pè ansí abaso, ntée tsií aba. ² Mlúbwe mli iwí fè nyebí bóbwe, amlíha Bulu asón amóú ìletín, tòtò mēfráa mótò ámú ìdunka mli òwólí brégyíbré, fè alí amóú nyópú-ntsu tedínká nyebí òwólí amú. Mēni íbèha mlédan, nyá nkpahóó tsú Bulu wá. ³ Mlilakápú aní Wíe amú kí, mlilawun ání ibu awítòle.

Akristofò Babwé Aha Pópwe Há Bulu

⁴ Mó so mlíkòkòpè ba aní Wíe Yesu Kristo wá. Mogyí nkpa Owíe ni. Kristo gyí fè íbwiá ahá bekiná mó ání ima labi, táme Bulu léle mó ání ibu labi mó ansító. ⁵ Òhétó asón nebá beblí á. Mluba Bulu wá bré ánfí mlubó nkpa ánfí, òbwe mli fè abwíá òdepoyi obuá bótswé mu mótó. Òbwe mli mu igyi ahapó ání amó iwí létín, amlitsún Yesu Kristosó ha Bulu igyi amóú mu Òhétó losusúú suná mli, itegyí mu ansí ámú. ⁶ Tsúfè bòwanlín wá Bulu asón ámúto bée,

“Bulu òbée, mlíkí, nalé íbwi ání ibu labi,
póbwé okonkísóbwi yáí Sion wúluto.
Òhagyíòha ání òlòhò aní Wíe, ogyi okonkísóbwi ámúso gyi a,
péli mēékítá mu ekekeke.”

⁷ Ibwi ánfí híe ibu labi há mli ahá ání mlilòhò Kristo gyi. Táme há ahá ání bómóhò Kristo gyi mó á, Bulu asón ámú ìleblí òbée,
“Ibwi ánfí obu ayípu bekiná ní.

Táme mólébemlí íbwi ání ihíé bu labi dun mó fèé ní.”

⁸ Asa é á,
“Iní gyí íbwiá ahá bósutiín mósó dída ní.”

Bósutiín mósó, tsúfè bomegyi Bulu asón ámúso. Alí Bulu léhíe yáí ání íbá ha amó ni.

⁹ Táme mli mó á, mligyi ómá ání Bulu lalé. Owíe amú igyi ahapó. Ómá wankíhé ání Bulu lapó mli bwé mu onutó ahá ni. Mólalé mli tsú oklúntò pú mli ba mu òkandíe wánkíhé amú así òbée, mlíbèda ofúla amóú alabwé ámú iwí òkan. ¹⁰ Teki bré ámú a, megyí Bulu ahá mligyi. Táme séi mó á, mlilabwé Bulu ahá. Bré ámú a, teki Bulu nwewúun a mlisó. Táme séi mó á, mu nwewúun laba mlisó.

Bulu Nkpábi

¹¹ Apíó adwepó, nhíe nde mli ólá da. Afóó mligyí, mliméetsiá osólúv anfisv wá ɔpá. Mó sɔ mliɛ iwí tsu nyankpusa ɔwólí laláhe amóó itókó mli ɔkláa isá ámɔtɔ.

¹² Iníá mliá ɔmátófó tsíe sɔ á, mliɛtsia tsiátó wankláán, méní ní bɔdeblí bɛe mli tsiátó ima ale a, bówun mli yilébwe, fówun békánfó Bulu eke amóó ɔbéba beki amó gyumagyihe amu.

¹³ Aní Wíe Yesu sɔ mlibu aban mɔa ɔhagyíɔha ání bapó túmi wá mɔ ibitɔ. Mlibu ɔmá ɔkparó ání ɔde ɔmá ámu féesú gyí. ¹⁴ Mlibu ɔmású akípu amóó ɔmá ɔkparó lalé ɔbée, bóbítí lakpan abwepó isv, abokanfɔ yilé abwepó ámu.

¹⁵ Mlibwɛ yilé pɔka asɔn laláhe amóó aha mimláhe bɔteblí mábí sɔ tsú mli iwí ámu itin. Tsúfɛ ɔkpa ánfisv Bulu déklé ɔbée, mlibwée mó ní. ¹⁶ Mliɛtsia nkpa fɛ áhó ání bɔtsie iwísv, táme mliɛmápu mli iwísvtsiá ámu tin ansíbi bwé laláhe. Mbóún mliɛtsia nkpa fɛ Bulu asúmpó. ¹⁷ Mlibu ɔhagyíɔha, amlidwe mli aba ahógyipɔ. Mliɛny Bulu ifú, amlibu mli ɔmá ɔkparó.

Asúmpó Iwiasibá

¹⁸ Nkpábi, mliɛny mli awíe ifú, amlipɔ obú ha amó. Megyí amóá bolwíí, bɔbɔv awítɔle há mli nkɔle. Mlibu amóá bɔbɔv owuntɔlin mliɛsɔ é. ¹⁹ Ní ilɛba mótó ání behá mlowun iwísvsɔn kɔkɔ kpaahi, táme Bulu só mlotomi hɔ mó faan a, Bulu ansí bégyi mli iwí. ²⁰ Labi mɔmɔ ibv ní fatomi, badá fú fú lakpan sɔ? Kɔkɔ ima mótó. Táme ní fɔbwé yilé asa fotomi bɛda fú á, Bulu ansí tegyi fú iwí. ²¹ Asɔn wunhe ánfí aná sɔ Bulu léti mli ní. Tsúfɛ mli sɔ Kristo onutó é lótomi tsɔn asɔn wunhetɔ póbwé mfántóhún há mli, méní mli é mlótsɔn mósú.

²² Bɔwanlín wá Bulu asɔn wanlínhé amɔtɔ bɛe, “Ɔmɔbwe lakpan kɔkɔ. Ɔmɛmlé ɔhaa é.” ²³ Besia mɔ, mɔ mó omesia ɔhaa. Bréá ɔde ipian wúun a, ɔmeka ɔhaasv, táme ɔɔpɔ mɔv ansí dínká Bulu, asɔn ogyípó ɔnokwalipɔ amɔsv. ²⁴ Yesu Kristo onutó lóhɔ aní lakpan fɛé sóra, bɛda mɔ mántá oyikpalíhe amɔsv, méní abégyi iwí tsú aní lakpantɔ, tsíá nkpa há yilébwe. Tsúfɛ bɔwanlín wá Bulu asɔn amɔtɔ bɛe, “Mɔ iwí nɔ ɔmɔtɔ mliɛny mli ɔtátsá.” ²⁵ Tsúfɛ mligyí fɛ akúfa fwhé, fɛ alí amóó bɔwanlín wá Bulu asóntó ámu. Táme séi mó á, mliɛlayínká bá mlibuɔ Yesu, mli ɔklásu ɔkípu pó mɔ ɔkparó ámu.

3

Akúlu Mɔa Aká

¹ Atsi, mlibu mli akúlu alí kén, méní ní amótó akv bɔmɔhɔ Bulu asónsú gyi kóráá, bɔwun mli tsiátó a, ibétse amó, megyí mli obétepi trá bláa amó asvansv.

² Tsúfɛ bɔwun mli tsiátó wankláán pó alá mliɛhíé bú ató. ³ Mli alé imátsu mli imi bwe, atati yilé didá ntée sika atóá ibv ibiá watɔ. ⁴ Mbóún mliha mli alé itsu mli klɔntɔ. Aléá itamayíntá gyí móá ibv alé, ilolwí. Mótehié gyi Bulu ansí ní.

⁵ Tsúfɛ alí kén bímbí ámu atsiá bɔpu amó iwí há Bulu, pó ansí dínká mɔsv bobu amó akúlu, sɔ bɔwa akíle ní. ⁶ Alí kén Sara lóbu mɔ kulu, oletsíá tí mɔ ɔbée, “Mí wíe” ní. Mɔ abí mligyí, ní mlɔbwé yilé, mliɛmɛny tɔtɔ ifú.

⁷ Alí kén mli ayin é, ní mli mli aká mlibu isv á, mlibi ání bɔma awító ɔwɔnlín fɛ mli. Mliwun amó nwe, amlipɔ obú ha amó. Tsúfɛ mliá amónyɔ obénya Bulu atokiehé amóó igyi nkpa ámu. Mliɛkita mli aká tsɔn ɔkpa ánfisv, méní ní mliɛde mpáí bɔ á, tɔtɔ méetin mli ɔkpa.

Ipianwíun Yilébwe Sv

⁸ Iráhe-tráhe a, mli fɛé mliha mli agywíun ibwe kɔle. Mliɛsɔ ha aba, amlidwe mli aba Akristofó. Mliwun aba nwe, amliba iwiasí ha aba. ⁹ Mliɛmápu laláhe ká laláhe ikɔ. Ntée ní ahá besíá mli á, mliɛmásiá amó ká ikɔ. Mbóún mliɛyula

amó, tsúfě Bulu létı mlı ání mlıbóyulá ahá, ménı obóyulá mlı. ¹⁰ Bəwanlın wá Bulu asón ámıtə bəe,

“Nı əku déklé əbéə, mu tsiátə iwá alé,
otsia ansıgıyıtə a,
mómó osıı ahá iwı ason laláhe blı,
osi afunu wa.

¹¹ Osıı laláhe bwe, əbwéə yilé.
Odúnka iwılwıı, ogyáa mú əkpa.

¹² Tsúfě Bulu ansı bu yilé abwəpósú.
Əteyaa asu nú amó atə kulıhé.
Táme ətəkósú líı laláhe abwəpósú.”

¹³ Ma əbəpu laláhe gyı mlı, ní mlı ansı ipé yilébwəso? ¹⁴ Táme ní ləba ání mlıdé ipianwúun yilébwə so kóráá á, nwun lává mlı olú. Opını mátsıı mlı, mlımánıya əhaa é ifú. ¹⁵ Mboún mlıbı tsu mlı klontə ání Kristo gyı mlı Wıe, mu iwı letın. Mlıda iwıso, ménı brégyıbré ní əku léfıté hógıy ámóú ıbu mlıta ámu iwı asón á, mlébi lé mú ənə wankláán. Táme mlınya klən, amlıba iwıası lé mú ənə. ¹⁶ Mlı klən máha mlı pón tətə iwı, ménı ní bəde ason laláhe blı tsú mlı tsiátə wankláán ámóú mlıdəpu mlıbuo Kristo amu iwı á, péli békıtá amó. ¹⁷ Nı igıy Bulu apé ání fowúun ipian kóráá á, ıbu aléá fowun ipian yilébwə so, dən ání fowun ipian laláhebwə so. ¹⁸ Tsúfě Kristo é ləwu ahá lakpan so ətsáwəle pé. Mú asón da əkpa, táme olowu há lakpan abwəpó fěé, ménı əbəkpa mlı ba Bulu wá. Bəmə mu nyankpəsa-oyı, táme Bulu ləkəsúa mu Əhétó. ¹⁹ Ələtsən Əhə ámıtə yéda asón ámu əkan há afúli amóú bəda obu ámu. ²⁰ Afúli amu gyı, ahá ámóú bəməbu Bulu asón, Bulu lénıya klən há amó bré ámóú anı náın Noa dé dákə kənkəpənkəntı sré ámu. Ahá ikwe pé lətsən ntsubulá ámıtə nyá nkpa. ²¹ Ntsu ání lélı há asúbə. Alı ámóú ahá ámu bətsən ntsubulá ámıso nyá nkpa ámu a, alı kén asúbə ání dé mlı nkpa həə nı. Megıy mlı iwı ifın asúbə təfwı. Mboún igıy ipabwıı há Bulu ání mlı klən ıdı mlı asi, ımátrá ha mlı pón. Asúbə ání lahə mlı nkpa tsən Yesu Kristo kəsú tsú afúlıtə ámıso. ²² Alayə əsósú yétsıá Bulu gyəpıso séı. Bulu-abəpu, əhétó awıe pú túmı kugıyıkı bəbu mu asi.

4

Nkpatsıá Há Bulu

¹ Kristo ləwun iwıəsin. Mú so mlıda iwıso mlı é, amlıpu mu əkpa ámu alı kén. Tsúfě əhá ání owun iwıəsin lalé mu iwı lé lakpantə. ² İnı so əmátrá ha əwólı laláhe igıy məso. Mboún əhá Bulu apébwə ıtsıa mu klontə mu nkpa ání ıdasi oyı ánfıtə fěé. ³ Asa mlılébemlı Akristofə á, mlıléyıntá bré tsətsəətsə tsıá bwé tsá ahá ání bəməyın Bulu bətekle bwe. Mú aná gyı; atıı móa ayın asónwa, ntábu, pléıkpada móa ntakpan onúkpa yə pú ıkpıtswéə ání igıy mlı akısitə. ⁴ İtəbwıé əmátəfə ámu ənə ání séı mlıtráa mlımédəsrı buo amó yóbwe laláhe. Mú sə bətesıá mlı ní. ⁵ Táme bəle amó bwəhé fěé ənə Bulu ansıtə. Mu əbá begıy akıankpəpu pú awupó fěé asón ní. ⁶ Mú sə bəyéda Bulu asón wankláán ámu əkan há awupó ní. Amó lowu ámu igıy ıwá Bulu labıtı amó əyulób, fě alıá ətebıtı əhagyıəha ıwı. Bəyéda Bulu asón ámu əkan há amó, ménı amó əkláa obénıya nkpa fě alıá Bulu bu nkpa.

Bulu Atokıehé Kıtá Wankláán

⁷ Tógıyıtə ənəmə lafən ta. Mú so mlıkıtə iwı, amlıha mlı agıyıwıntə ıdı, ménı mlétalı bə mpáı. ⁸ Móa ıdən mú fěé gyı, mlıdwə aba tsu mlı klontə. Tsúfě ədwə ánífı odu əbəha mlétalı sıı ahá lakpan kéə amó ní. ⁹ Mlıpu ansıgyıı hə mlı aba

Akristofɔ afɔ́, mlimáblí mliaa ðakpɔn mli. ¹⁰ Bulu lakíé ðahagyíðha ató ɔtsan-ɔtsan. Mú sɔ ðahagyíðha ɔkíta mɔ kletɔ wankláán, amlipukpa aba. ¹¹ Ní ɔku klé gyí Bulu asónblí á, ɔblí asón ání itsú Bulu wá. Ní ɔku klé gyí ahá súm á, ɔpɔ́ ɔwɔnlín ámúú Bulu lahá mɔ amu féé súm mɔ aba. Iní ɔbéha ahá békanfó Bulu tsɔn Yesu Kristosɔ tógýtótó. Numnyam móa túmi igyi Bulu klé bré féétɔ. Amen.

Akristofɔ Ipiánwúun

¹² Mí apíó adwepó, mlimáha asɔn wunhe kpɔnkpɔnkpɔntí ání bɔdɛpɔsɔ mli kí anfi ibwie mli ɔnó. Mlimákí mó ání asɔn pɔpwe dé mli tɔ. ¹³ Mliha ansí mbouín igyi mli ání mlidé Kristo asɔn wunhe amu ku wúun, méní ansí betrá hie gyí mli eke ámúú mɔ numnyam béln ɔwan ámu. ¹⁴ Ní ahá bɔde mli sia Kristo búo sɔ á, idesuná ání nwun lawá olú. Bulu Numnyam Ɔhe Wankíhé amu bɔ mlítɔ. ¹⁵ Mlítɔ ɔkɔkɔ ɔmáwun asón ahámó, ntée owi, ntée lakpanbwe, ntée okéngyewa sɔ. ¹⁶ Táme ní mligyí Akristofɔ sɔ mlidé asón wúun a, unáwa mli péli. Mbouín mlíkanfɔ Bulu ání Kristo idá ðn mli sɔ.

¹⁷ Tsúfé bré lafɔn ání Bulu obégyi ðahagyíðha asón. Obégyankpá gyi mɔ onutó ahá asón. Ní Bulu obéfi mó así tsú anisɔ á, mó mú nkáli ahá ámúú bɔmɔhɔ mɔ asɔn wankláán ámusɔ gyi amu klé bóbwe? Ibéhie wá ifú.

¹⁸ Bɔwanlín wá Bulu asóntó bee,

“Ní íbɔwa ɔnlun asa Bulu ɔbóhɔ yilé abwepó nkpa á,

mómó nkáli íbégyi ha lakpan abwepó pɔ́ ahá ání bɔtamabú Bulu é? Iméetepí wá alé há amú.”

¹⁹ Mó sɔ ahá ámúú igyi Bulu apé ání bɔwúun asón ámu bɔpɔ́ amú íwí féé wa amú Ɔlepó ámu íbítɔ, abókita yilébwetɔ kinkíínkín. Otegyi mɔ asónsɔ brégyíbré.

5

Bulu Akúfasɔ Kí

¹ Séi á, ndeklé mbée, nó́táí kplá mliá mligyí ahande Kristo ɔpasuatɔ. Ɔpasua ɔhande mí é ngyi. Ntráa ngyi ipian ámúú Yesu lówun amu íwí adánsie ogyípó. Mí é nénya mɔ numnyam ámúú íbéln ɔwan ámu íku. ² Nde mli kokóli mbée, mlíkí ahá ámúú Bulu lapówá mli íbítɔ amosɔ wankláán fé akúfa ɔkparú. Imábwe mli fé bɔde mli hie, mbouín mlibwe mó tsu mli klɔntɔ alá Bulu déklé. Megyí sika ɔnsípe sɔ, mbouín ɔdweá mlibu ha osum ámu sɔ. ³ Mlimábwe ahá ámúú Bulu lapówá mli íbítɔ ámu kpóunkpóun. Mbouín mlitsia tsiátó wankláán ání íbóbwe nfántóhón há amú, ⁴ méní ekeá Kristo, ogyi akúfa akparú Owíe amu ɔbá á, ɔbéha mli ísugyí-ípa ání íbɔ numnyam, unéekpa ekekeke.

⁵ Nyasubi móa mbitebí, mli é mliɔv obú há mli ahande. Mli féé mliɔv íwasibá kpa aba. Tsúfé bɔwanlín wá Bulu asón ámúú bee, “Bulu tákósó líí íwí atsupósó, táme ɔtɔwá awítale há ahá ání beba íwasí.” ⁶ Mó sɔ mliba íwasí, amlipɔ mli íwí wa Bulu túmi kpɔnkpɔnkpɔntí ámu asi, fówun obótsu mli fɔ́a mɔ bré wankláántó. ⁷ Mliɔv mli asɔn wunhe féé wa Bulu íbítɔ, tsúfé ɔtɔgywín mli íwí.

⁸ Mlíkita íwí, amlíðinka ansí íwí sɔ, tsúfé mli olupó, ogyi Ɔbɔnsám ná oðekpóun, odeki fé gyatá, ɔde ɔku dunká ɔkíta wí. ⁹ Iní sɔ mlíkita mli hógyito kinkíínkín, amlítin mɔ ɔkpa. Mlibí ání mli aba Akristofɔ ání bɔbɔ ɔyító féé bɔde ipian ání odu wúun. ¹⁰ Táme Bulu híé ɔbɔ awítale há mli tógýtótó. Mlátí mli ba mɔ numnyamtɔ tsɔn mli Kristonyɔ íkɔlebwetɔ. Mɔ numnyam amu bɔ unɔ bré féétɔ. Ní mlowun ipian kpalobí á, unáɔwa ɔpá mɔ onutó obótsu mli kósó,

há mléyinkí líí. Ǫbówa mlí ǫwǫnlín, há mléle nlin Kristoto. ¹¹Mubú iwíegyi bré fǎétó. Amen!

Iklá

¹²Silwano létisa mí nǫwanlín ǫwǫló kútúklú ánfí sísí mlí. Nyin ání opió Okristoyin ogyi, ǫbu ǫnǫkwali. Ndekléá nǫwa mlí ǫwǫnlín, mí angyi adánsie suna mlí ání asón ánfí nabláa mlí ǫwǫló ánfito fǎé idesuná ání íni gyí Bulu awitǫle onutónutó ámu ni. Mlikita mótó kinkíinkín.

¹³Mlí apió ahógyipu amóó bubu Babilon ǫpasuatǫ behá mlí itsiá. Mí bí Marko é ǫhá mlí itsiá. ¹⁴Mlipu aba-ǫdwe amóó ibu Akristofoto ámu ha aba itsiá brégyibré. Nde Bulu kolí mbéé, ǫháa mlí ahá amóó mlgyí Akristofó ámu fǎé iwílwii.

2

Afunu Ató Asunápó

¹ Bímí ámu a, Bulu ɔ́nósó atóipó afunupu betsiá Bulu aháto. Alí kén bétsiá mlíto ní. Bóbwe híéé pó amó onutó atosunáhéá itómò bowa mlíto. Bókòsò líí amó Wíe amóó òlòhò amó ámuṣu kóráá, póhí amó íwí. ² Ahá tsòtsòtsò bóbuo amó tsiátó laláhe pó péllá anfi. Amó sò ahá bókpoí ɔ̀nɔ̀kwali ɔ̀kpa ámu. ³ Amó ɔ̀nsípe sò békpekpéé asón blí pówúí mlí kóba. Asón ogyípó Bulu léda íwíṣu ɔ̀yí ɔ̀pá ání ɔ̀bèbití amó íṣu, hí amó.

⁴ Tsúfè Bulu mèsikíé mu abòpu amóó bóbwe lakpan ámu kóráá. Ọ̀lòwa amó íkan, tswí amó wá íṣubítí ogyá amóó itamadun amó oklúklúúklúkpa oklúntò.* Bétsiá mu yòfon amó asón ogyíké. ⁵ Mhíyin ání Bulu mékiná atutfo amóó bómòbu mu amó íṣubítí. Mboún ọ̀lèha ntsu léme amó fèé. Noa mu a há abasiénò pé lésián. Noa léda ɔ̀kan bláa ahá alí bré ámutò ɔ̀bèé, butsiá tsiátóá ilegí Bulu ansí. ⁶ Ida mlí ansító ání Bulu léha ogyá lòhò Sodom móa Gomora awúlu mlí nsúó. Amó lakpan sò Bulu lébití amó íṣu, isuna tóá ibèba ahá ání butókòsò líí muṣuṣu ekekú. ⁷ Táme Bulu léle yilé ɔ̀bwepó Lot mó alí bré ámutò. Ahá ámu tsiátó laláhe pó amó mblasómágyi letsíá han mu. ⁸ Oletsíá nú, oletsíá wun amó bwehé laláhe ekekegyíeke, iletsíá tó mu klón. ⁹ Iní fèé ilosuná ání aní Wíe yin alá ɔ̀bèle yilé abwepó tsú ísókíto, pó alá ɔ̀bèbití laláhe abwepó íṣu yòfon ekeá obégyi amó asón. ¹⁰ Móá idun a, ahá ánfí odu butamagíyí íwíṣu, íwíṣú bu amótó, butamasíṣu tótò íwí dún hakpan ání amó ɔ̀wólí laláhe tekle. Bulu ɔ̀bèhe bití amó íṣu.

Ní bode anumnyampóá bóbú ɔ̀sósú sia á, itamawá amó ifú. ¹¹ Bulu-abòpá buhíé bode túmí, bóbú ɔ̀wonlín kóráá butamasíá anumnyampú anfi Bulu ansító. ¹² Afunu ató asunápó anfi bogyi fè pututò-mbwíá boma agywun. Butókúwí amó keke, ahá butekítá amó, mó amó. Butéblí asón laláhe tsú tóá bómònu mó así íwí. Amó laláhe bwe bēhí amó fè pututò-mbwí. ¹³ Alí amóó bahá ahá bode asón wun amó sò Bulu ɔ̀bópú asón wunhe ká amó akò. Butegyí ɔ̀dwe nketò, tsúfè ansígyíla butóbwé. Butóbwé péllá, kpóí íwí, butowíe anitò aní nkegyíto. Bode íwí mlé. ¹⁴ Tótò uma amó ansígyí dún mbòatò. Butamasí laláhe bwe. Botemlé ahá ání amó hógyi melí tsukòle, há bótóbwé lakpan. Bahíé bí ɔ̀nsípe wa. Amó bwehé laláhe anfi sò, bogyówí ní! ¹⁵ Basí ɔ̀kpa wankláán ámu tswí, yó bóbuo Beor mu bí Bulu ɔ̀nósó ɔ̀táipó Bileam bwehé laláhe. Ọ̀lòdwe sika ání obénya tsú laláhebwetò. ¹⁶ Mó sò Bulu léha mu afrímú lótoí wa mu, òlèha olesi mu gbedéla amó bwe.

¹⁷ Afunu ató asunápó anfi boma labi kòkò. Bogyi fè ntsuá òlakpí ntéé nyankpóá òlabílá tuun, afú latsvan mó náti. Iní sò amó otsiákpá ání Bulu lalá yáí amó gyí oklún tuuntò. ¹⁸ Butotsú íwí, ká ɔ̀nótó, pó amó ɔ̀wólí laláhe tun ɔ̀nótó, mlé ahá butelábwé lakpan ání besi bwe umakówá ɔ̀pá. ¹⁹ Butehíé ahá bēé, ní begíyí amó atosunáhésu á, bégíyí íwí. Táme amó onutó bogyi nkpábi há tsiátó laláhe. Tsúfè nyankpusa gyí ɔ̀kpábi há tóá ide muṣu gyí. ²⁰ Ahá ání babí aní Wíe pó aní Ọ̀lèpó Yesu Kristo, sí ɔ̀yító ɔ̀wólí laláheá iteyíntá nyankpòsa bwe, beyínkí yébitíwíé mótó, igíyí amóó á, amó tsiátó teláyíntá dún alá igíyí yáí. ²¹ Ní bometepí wun ɔ̀kpa wankláán ámu kóráá á, tekí ìbò alé há amó dún ání bówun mó yínkí ɔ̀ma, sí mbla wankíhé amóó bòpohá amó ámuṣu gyí. ²² Amó bwehé ánfí lahá yébi anfi laba mótó. “Kíai tékpláí, lápó mu ɔ̀dandú tsú” pó “Febie ɔ̀prákuo ntsu ahágyíalíá á, ɔ̀teláyébie ɔ̀diba.”

* 2:4 Tataro butetí mu Griiki ɔ̀blíto.

3

Ani Wie Obáke

¹ Mí apíó adwepó, íni gyí òwóló nyòòsíá ndewanlín sísí mli ní. Ndepu nwóló anyò ánfí káín mli, méní mlógywíín mú iwí wankláán. ² Ndekléá mlíkáín asón ámóú Bulu ónós atáíró wankíhé amò beblí yáí ámòsò. Mlíkaín aní Wíe, ogyi aní Òlepó Yesu Kristo mbíá ámóú òlòtsòn mò sumbí ayòpòsú wá há mli ámòsò. ³⁻⁴ Gyankpapu a, ndekléá nēkaín mli ání nke tráhe amòtò á, ahínlá abwepó akò bóbuo amó onutó òwólí laláhe. Bómásí mli, fité mli bee, “Yéé Yesu léblí yáí òbéé, mélayínkí bá a? Mú nkí mò mé? Tsú aní anáín lowu brésó ópá á, tótòtò mókótse. Alí ámóú ílenya igyi ámò ní.” ⁵ Bakí ansí tan ání ónó Bulu lópublí asón bímbí ámò, ósò móa así lèlín, ósólúw ledalí tsu ntsutso. Ntsu é òlòpòbwé mú. ⁶ Ntsu kén òleha òlòbolá yíntá bímbí óyí ámò. ⁷ Ónó ámò kén òletrá pubblí ání ósò móa así ánfí mú íbétsíá yófun ekeá obégyi ahá ámóú butamanyá mò ífú ámò asón, pò ogyá hí tógyító.

⁸ Táme apíó adwepó, mli mátan íni mósó. Ekewóle igyi fé nfi-òpím, nfi-òpím é igyi fé ekewóle aní Wíe ansító. ⁹ Ahá bókí bee, Bulu tesi tsíá tsá alahíéá òbòbwesò. Megyí alí ígyi, mbouín klòn otenyá há mli; méní òhagyíòha obédámli kluntò sí lakpan bwe, tsúfé omedékléá òhaa òbòfwí.

¹⁰ Táme aní Wíe òbáke amò íbòfwíe aháto, fé alíá owíkplu tofwíé òhato. Eke ámò a, ósósó bósúrà okítíkítí kóklóklóú òa. Ogyá bēnjlaín ntóbíá òlòpòbwé ósò móa así fēé. Ósólúw móa mósó ató é fēé bóho plíplíplíplí. ¹¹ Íniá lélé Bulu obéyíntá óyító ató fēé alí á, tsiátó mòmò ílehián ání mlópsótíá, íbégyi Bulu ansí? Ílehián ání mli iwí bétín, mlósúm Bulu. ¹² Mlítsia tsiátó anfi pòkí òkpa ha Kristo òbáke amò, amliha mó ikòsì ba. Bulu òbòpò ogyá hí tógyító ósósó eke ámò. Mú okunkúú é íbēnjlaín mò ató fēé. ¹³ Táme Bulu léhié ání òbòbwé ósò móa así pòpwe há aní. Ótínéá ahá ání amó asón da òkpa bétsíá. Mú anígyó ní.

¹⁴ Mú sò apíó adwepó, íniá mlígyó íni sò á, mliyíwí iwí amlítsia tsiátóá mú iwí letín, òlala méetsiá mli iwí Bulu ansító, méní iwílwíi bétsíá mlia monyò nsíné. ¹⁵ Mli mátan ání ahá nkpahòò só aní Wíe dé íklòn nya, fé alíá aní pío òdwepó Paulo lópu nyánsa ání Bulu léha mò wánlín asón ánfí kén sísí mli. ¹⁶ Asón ánfí aná iwí òlòtòí tsú mò nwóló fēétó ní. Táme mò asón ámò ikò asínú bò ònlín. Mú sò ahá ání butamakásí tòtò pò ahá ání amó hogyi melíí tsukòle bótédámli Paulo asón ámò, fé alí ámóú bótédámli Bulu asón wanlínhé bun amò. Mú òbéha Bulu òbéhi amó ní.

¹⁷ Táme apíó adwepó, íniá mliyin mó alí sò á, nde mli ólá da yáí. Mli dínka ansí iwí sò, méní ahá ánfí butamagyi mbílasò ánfí bómòpò amó atosunáhé laláhe amò bemlé mli, amliídida. ¹⁸ Mbouín mliyo mósó, méní aní Wíe pò aní Òlepó Yesu Kristo awítòle pò mò bí bómoní mlítò. Numnyam íbwéé mò kfe tsú séí pòya bré fēétó! Amen.

Yohane ጋግሰጋ ገሃንክገገ

Nkpa Asón

¹ Anidé ጋግሰጋ áñfi wanlín sísí mli tsú Asón ámbú itehá nkpa, ibu unv asa ጋyí lelun amv iwí. Aní onutó anilónu mv asón, pú ansíbi wun mv, kí mv, pú ibi dá mv. ² Bulu léle Nkpa ጋhapó áñfi ጋwan súná aní, anilówun mv. Anidé adánsie gyí, bláa mli aniaa, motéhá nkpa ání itamatá ní. Mva ጋsí ámv nyጋ bu unv yáí, asa alalé mv ጋwan súná aní. ³ Asón ání anilónu pú tóá anilówun anidé mli bláa, méní ania mlunyጋ abóbwe kole. Tsúfé ania ጋsí ámv pú mv Bi Yesu Kristonyጋ gyí kole. ⁴ Anidé mó wanlín sísí mli, méní ania mlunyጋ ansigyí bጋfon.

Bulu Lówankí

⁵ Asón ání anilónu tsú mv Bi ámv wá, anidé mli bláa gyí, Bulu lówankí. Oklún kጋkጋkጋ má mጋtጋ. ⁶ Mó sv ní anidéblí aniaa, ania mጋnyጋ anidé mbagyí, táme anitráa aniná oklúntጋ á, anidé afunu wa. Animédébwe dínká ጋጋkwali asón ámvsv. ⁷ Táme ní aniná wankí amጋtጋ, fé alí ámbú mv onutó ጋna ámv a, ikolebwe bu ania aní aba nsiné. Mó sv mv Bi Yesu Kristo obugya amv tetin aní iwí tsú aní lakpantጋ.

⁸ Ní ablí aniaa, lakpan ma aní iwí á, anidé iwí mlé. Animá ጋጋkwali. ⁹ Táme ní alé aní lakpan bláa Bulu á, obésikíé aní, tin aní iwí tsú lalaha féétó, tsúfé yilé ጋbweጋ pú ጋጋkwaliጋv ogyi. ¹⁰ Ní ablí aniaa, anumégyí lakpan abweጋጋ á, anilawá mv afunutጋ. Idesuná ání anumóhጋ mv asón ámv.

2

Aní Bvale Ogyípጋ

¹ Mí abí adweጋጋ, nde asón áñfi wanlín sísí mli, méní mlíméetrá bwe lakpan. Táme ní mlitጋ ጋkv ጋbweጋ lakpan á, anubጋ ጋhá ání otokókóli aní Sí ámv há aní. Mvgyí yilé ጋbweጋጋ Yesu Kristo. ² Tsúfé mlólówu, pú mv obugya lé aní nwnsv mbusuo. Megyí aní nkole pé lakpan, táme ጋyítጋ ahá féé klé.

³ Ní anidé Bulu mblasv gyí a, mó ጋbéha abébi ání anlábí mv ni. ⁴ Ní ጋkv ጋblí ጋbéé, “Nyin Bulu,” táme ጋtamagyi mv mblasv á, ofunupጋv ogyi. ጋna ጋጋkwali. ⁵⁻⁶ Táme ní ጋkv tegyi Bulu mblasv á, idesuná ání mv Buludwe lጋfon. Tóá ibéha abébi ání kolebwe bu ania Bulu nsiné gyí, anitsie nkpa fé Yesu Kristo.

Mbla Pጋpwe Amv

⁷ Apíጋ adweጋጋ, megyí mbla pጋpwe kጋkv ndewanlín sísí mli. Mbla dada amóv mlyin tsú bré ámbú mlióltsጋ hógyi amv ni. Mbla dada anfi igyi asón ání mli lanú dodo. ⁸ Táme mbla pጋpwe igyi. Tsúfé Kristo tsiátጋ pú mli klé lalé mó súná ání mbla pጋpwe igyi. Oklún amv idetsጋv. Wankí amv onutጋ idewankí dodo.

⁹ Mó sv ጋhá ání ጋbéé, ጋna wankí amጋtጋ, táme ጋde mv ba Okristoyin lu á, idesuná ání ጋtráa ጋbv oklúntጋ. ¹⁰ ጋhá ání ጋtdwé mv ba Okristoyin ná wankí amጋtጋ. Mó sv tጋtጋtጋ mécha mv ጋbwe lakpan. ¹¹ Táme ጋhá ání otolú mv ba Okristoyin mó tsie oklúntጋ. ጋna oklúntጋ, sv omeyín ጋtínéá ጋyጋ, tsúfé oklún amv latin mv ansí.

¹² Mí abí adweጋጋ, nde ጋግሰጋ áñfi wanlín sísí mli, tsúfé Yesu Kristo sv Bulu lasí mli lakpan kíé mli. ¹³ Mí así, nde ጋግሰጋ áñfi wanlín sísí mli, tsúfé mli labí

ohá ámóú ðbu unu tsú oyí nfiasí ámu. Nyasubi, nde ðwóló ánfí wanlín sísí mli, tsúfě mllagyi Ðbunsámsú.

¹⁴ Mí abí adwepó, nde ðwóló ánfí wanlín sísí mli, tsúfě mllabí Ðsí ámu. Mí así, nde ðwóló ánfí wanlín sísí mli, tsúfě mllabí ohá ámóú ðbu unu asa Bulu lóbwe oyí ámu. Nyasubi, nde ðwóló ánfí wanlín sísí mli, tsúfě mli hógyi ónó bu ðnlun, Bulu asón bu mlító. Mllagyi Ðbunsámsú.

¹⁵ Mó sù nde mli fěé bláa mbéé, mllmápu mli klun dínká oyí pó móts atósó. Ní ðku dé oyí ánfí dwe á, ómээtalí trá dwe aní Sí Bulu ε. ¹⁶ Ðyító ató ámu iku gyí, ató laláhéá itedínká óha ðwólí; atóá óha towun, itedínká mu ðwólí pú ntobíá óha tápótsú iwí. Iní ánfí odu kókukó imotsú aní Sí Bulu wá, oyí ánfító itsú. ¹⁷ Ðyí ánfí pó móts atóá itedínká óha ðwólí fěé detsóun. Táme óhá ání ðtóbwé tóá Bulu tekle obétsiá nkpa ání itamatá.

Kristo Alupó

¹⁸ Mí abí adwepó, bré tráhe nu. Mllkan ání bebláa mli beε, Kristo olupó ámu óbéba. Séi ánfí á, Kristo alupó tsótsótsó baba. Iní désuná ání lélé bré tráhe nu.

¹⁹ Kristo alupó ánfí betsiá anító asa bedal. Ní lélé aní klé hógyi á, teki besi tsiá anító. Amó anítódalí lósuná ání bomegyí aní apió Kristotó. Mó sù bedalí anító ní.

²⁰ Táme mli mó á, Kristo lapó mu Ðhe Wankihé amu wá mlító. Mó sù mli fěé mllabí ðnókwali amu. ²¹ Megyí beε mllméyín ðnókwali amu, sù nde asón ánfí wanlín sísí mli. Mboún alíá mliyin ðnókwali amu, pú alí ámóú mliyin wankláán ání ótínéá ðnókwali amu bu a, afunu kókukó ima unu ámu sù.

²² Ma gyí ofunupu kpónkpóntí ánfí? Mogyí ohá ání olekiná óbée, “Megyí Yesu gyí Kristo, (ohá ámóú Bulu ladá mu ofúli amu).” Idesuná ání alakíná Ðsí Bulu mu mu Bi Yesu Kristo amu. Mó sù mogyí Kristo olupó ámu nu. ²³ Tsúfě ohá ání okíná Bulu mu Bi ámu lakíná mu Sí Bulu é ní. Táme ohá ání ðbóh mu Bi ámu lahó mu Sí ámu é.

²⁴ Mó sù mliha asón ámóú mllónu tsú bré ámóú mllótsó hógyi amu isin mli. Tsúfě ní isin mli á, mómu ikólebwe bétsiá mliha Yesu pú Ðsí Bulu nsiné. ²⁵ Iní gyí tóá Kristo léhe óbée méha aní, igyi nkpa ání itamatá ámu nu.

²⁶ Ahá ámóú bodekléá bémlé mli ámu sù nde asón ánfí wanlín sísí mli. ²⁷ Mli mó á, Ðhe Wankihé amóú Kristo lópúwá mlító ámu bu mlító. Mó sù imehián ání óhaa óbétrá suná mli ató. Tsúfě Ðhe Wankihé amu tosúná mli tógyító. Mu atosunáhé é igyi ðnókwali onutó. Iní sù mlikita tóá olosuná mlító, amltsia Kristotó.

²⁸ Iní sù mí abí adwepó, mlltsia Kristotó. Fówun ní óbá á, péli méekitá aní, abétalí fia mu. ²⁹ Ní mliyin ání yilé óbwepó Yesu gyí á, mómu mlihi ání yilé óbwepó Bulu mu bi okugyíoku gyí.

3

Bulu Abi

¹ Mllkí alíá aní Sí Bulu tēhíé dwé aní só bütetí aní mu abí. Lélé á, mu abí angyí. Táme tóá swá oyí ánfító ahá bomeyín aní gyí, bomeyín aní Sí Bulu. ² Mí apió adwepó, séi á, Bulu ahá angyí. Alíá abéhemlí wole ómókónyá lé súná aní. Táme aniyín ání Kristo óbá á, abéhan mu, tsúfě abówun alíá ogyi. ³ Ðhagyíóha ání ódun ansí ání méhan mu téhá mu iwí tetin, fě alíá mu iwí letin.

⁴ Ðhagyíóha ání ðtóbwé lakpan á, ódekusó líí Bulu mblasu. Tsúfě lakpan gyí Bulu mblasómágyi. ⁵ Mliyin ání Kristo léba óyító beε aní tsú aní lakpantó, táme mu mó ómóbwe lakpan koku. ⁶ Iní sù ohá ání mu Kristo bode mbagyi

tamatráa bwe lakpan. Mú sù òhagyiòha àní òtráa òde lakpan bwe mókòwun Kristo, òmàkòbí m̀wé.

⁷ Mí abí adwèpó, m̀límáha òhaa òmlè m̀lì. Òhagyiòha àní òtòbwe yilé á, m̀wé asón da òkpa Bulu ansító fé Yesu. ⁸ Táme Òbònsám m̀wé bi, òhá àní òtráa òde lakpan bwe gyí. Tsúfé Òbònsám dé lakpan bwe tsú bréá oyí lefi así òpá. Bulu m̀wé Bi Yesu Kristo léba oyító beyintá Òbònsám gyumagyihe kugyíku.

⁹ Ahá àní babwé Bulu ahá b̀tamatráa bwe lakpan, tsúfé Bulu tsiátò b̀wé amótò. Mú sù b̀wéméetalí trá bwe lakpan. ¹⁰ Tóá abòpúbí Bulu abí pò Òbònsám abí gyí, òhagyiòha àní òtamabwé yilé, ntéé dwé m̀wé ba mégyí Bulu m̀wé bi.

Abadwe

¹¹ Asón àní m̀lilónu tsú bréá m̀lilémli Akristofò gyí, adwéé aba. ¹² M̀límábwe m̀lì iwé fé Kain. Òlòbwe Òbònsám m̀wé bi, mó m̀wé gyama. Ntò léha sù òlòmò m̀wé? Òlòbwe itò laláhe, m̀wé gyama mó lóbwe itò wanklàn sù òlòmò m̀wé.

¹³ Mí apíó Akristofò, imáwa m̀lì wánwan ní oyí ànfitò ahá b̀tòlú m̀lì. ¹⁴ Aní mó aniyín àní aniladálí lowu así yó nkpa àní itamatátò, tsúfé anidé aní aba dwe. Òhá àní òtamadwé m̀wé aba lasin lowutò. ¹⁵ Òhá àní otolú m̀wé ba gyí ahá òm̀pò. M̀liyín àní ahá òm̀pò òkòkò má nkpa àní itamatá. ¹⁶ Alí àm̀óò Kristo lótsulá wú há aní àm̀wé ìlasúná aní alíá òdwe gyí. Mú sù ilehián àní aní é abòwu há aní aba alí kén. ¹⁷ Ní òkò b̀wé atò, alawun àní kò de m̀wé ba hián, támè omowun m̀wé nwe há m̀wé a, m̀ómó òméméetalí blí òbée, m̀wé òdwe Bulu. ¹⁸ Mí abí adwèpó, ní igyi alí á, m̀límápo ònòkpán dwé aba. M̀bòun m̀lìha apu aní bwehé pò ònòkwali dwé aba.

Iklonwa Bulu Ansító

¹⁹ Ní anitòdwe aba alí á, mó abébi àní anibuo ònòkwali am̀wé ní. Mú sù ní anilí Bulu ansító á, tòtò méehan aní. ²⁰ Ní aní klòn ihá aní pón kóráá á, Bulu yin asón d̀wè aní klòn, oyin aní bwehé kugyíku. ²¹ Apíó adwèpó, ní aní klòn méha aní pón bréá anilí m̀wé ansító á, ifú méekitá aní. ²² Bulu òbèha aní tóá anidé m̀wé kólí, tsúfé anidé m̀wé m̀blasò gyí, aní tsiátò é légyi m̀wé ansí. ²³ M̀bla àní Bulu lówa há aní gyí, ahòò m̀wé Bi Yesu Kristo gyí, adwe aba fé alíá Yesu lébláa aní. ²⁴ Òhá àní òde Bulu m̀blasò gyí a, m̀wa Bulu babwé kòle. Bulu b̀wé m̀wé klòntò. Tóá itosúná aní àní òbò aní klòntò gyí Òhe Wankíhé àm̀óò òlòpòhá aní àm̀wé.

4

Òhe Wankíhé Pó Òhe Laldhe

¹ Apíó adwèpó, m̀límáhò ahá fée àní bée, b̀bòò Òhe Wankíhé am̀wé asónsò gyí. M̀bòun m̀lìsò òhé àm̀óò b̀wèdepusuná atò àm̀wé kí. Tsúfé Bulu ònósò atòipò afunupu tsòtsòtsò babólá oyí ànfitò. ² Iní apòbí àní òhé àm̀wé itsú Bulu wá ní. Ní òkò dé atò suná, òleblí òbée, Yesu Kristo léln fé nyankpòsa a, m̀ómó m̀wé atosunáhé am̀wé itsú Bulu wá. ³ Táme ní òkò léblí òbée, Yesu méln fé nyankpòsa a, m̀ómó Òhe Wankíhé am̀wé ima m̀wé. Kristo olupó òhé àm̀óò m̀lilónuá bée, ìbèba am̀wé ní. Ìlaba oyító dodo.

⁴ Mí abí adwèpó, Bulu ahá m̀lìgyí. M̀lìlagyi Bulu ònósò atòipò afunupu am̀wé. Tsúfé Òhé àm̀óò ìbò m̀lìtò àm̀wé b̀wé ònlun d̀wè m̀wám̀wé ìde oyí ànfitò ahásu gyí am̀wé. ⁵ Yesu alupò àm̀wé b̀wemeyín Bulu. Iní sù am̀wé atosunáhé fée igyi ahá àní b̀wemeyín Bulu atosunáhé. Mú sù ahá àní b̀wemeyín Bulu tóhò am̀wé asónsò gyí. ⁶ Aní mó á, Bulu ahá anigyi. Mú sù òhagyiòha àní oyin Bulu tóhò aní asónsò gyí. Táme òhá àní omeyín Bulu tamáhò aní asón. Iní anitòpòbí ònòkwali Òhé àm̀wé pò afunu klé ní.

Bulu Gyí Òdwe

7 Mí adwepó, mliha adwe aba, tsúfé odwe itsú Bulu wá. Ohagyíoha ání otodwé ahá a, Bulu m̀ bi ógyi, oyin Bulu. 8 Ohagyíoha ání otamadwé ahá méyín Bulu, tsúfé Bulu gyí odwe.* 9 Ahá Bulu léle m̀ odwe súná aní gyí, olap̀ m̀ Bi okokónú okule am̀ sísí oyítá, m̀éni abótson m̀osu nyá nkpa ání itamatá. 10 Megyí ahá anitodwé Bulu gyí Buludwe onokwaliso. Mboún ahá ododwe aní, p̀o m̀ Bi sísí aní, ání obóp̀ m̀ obugya le aní iwí m̀busuo gyí odwe.

11 Apíó adwepó, íniá Bulu léhie dwé aní alí sv á, ilehián ání aní é abódwe aba. 12 Ohaa mókóhíe wun Bulu kí. Ní anidé aba dwe á, idesuná ání Bulu b̀o aní klontá. M̀o sv m̀ odwe l̀fon anitá.

13 Bulu lapó Oje Wankíhé am̀ há aní. M̀o sv anlábí ání ania m̀onyo anlábwé kole, ob̀o aní klontá. 14 Andawun m̀o alí. M̀o sv anidé adánsie gyí aniaa, aní Sí Bulu lówa m̀ Bi Yesu Kristo obéé, obéle anyánkposá féé tsu am̀o lakpantá. 15 Ohagyíoha ání olohogyi, olebli obéé Yesu gyí Bulu m̀ Bi ámu a, Bulu b̀o m̀otá, m̀o é ob̀o Bulutá. 16 M̀o sv anyin odweá Bulu b̀o ha aní, anidhó m̀osó gyí.

Bulu gyí odwe. M̀o sv ní oku otodwé Bulu p̀o m̀o aba á, ob̀o Bulutá, Bulu é b̀o m̀otá. 17 Iní désuná ání Bulu odwe l̀fon anitá ní. M̀o sv anuméenya péli m̀o asón ogyíké, tsúfé anilatsiá nkpa oyí ánfítá féé Yesu. 18 Ohá ání Bulu odwe b̀o m̀otá tamanyá ifú. M̀o sv ní anidé Bulu p̀o aní aba dwe á, anuméenya Bulu ifú. Tsúfé ahá ání boyin ání Bulu obébití am̀o isu tényá ifú. Iní sv ní oku dé Bulu ifú nya á, ilosuná ání Bulu odwe m̀ofon m̀otá.

19 Anitodwé Bulu p̀o aní aba, tsúfé Bulu légyankpá dwé aní. 20 Ní oku lébli obéé “Ntodwé Bulu,” táme otolú m̀o ba á, ofunup̀o ogyi. Tsúfé ohá ání otolú m̀o ba ání otowun, méetalí dwé Bulu ání omokówun kí. 21 Mbla ání Yesu Kristo lówa há aní gyí, “Ohá ání otodwé Bulu odwéé m̀o ba é.”

5

Tsiátó Laláhesu gyí

1 Ohagyíoha ání olohogyi obéé, Yesu gyí Kristo, (ohá ání Bulu ladá m̀o ofúli am̀) a, Bulu m̀ Bi ógyi. Ní fotodwé okwíp̀o a, fódwe m̀o bi é. 2 M̀o sv ní anidé Bulu dwe, anidé m̀o mblasv gyí a, m̀o abóp̀obí ání anidé m̀o abí dwe ní. 3 Ní anidé Bulu dwe á, abégyi m̀o mblasv. M̀o mbla ámu sv gyí é ima onlun. 4 Tsúfé Bulu m̀o bi okugyíaku tetálí gyí tsiátó laláhesu. Aní hógyi anitópógyí m̀osó. 5 Ma obétalí gyí tsiátó laláhesu? Ohá ání olohogyi ání Yesu gyí Bulu m̀ Bi ámu nkole obétalí gyí m̀osó.

Yesu Kristo Iwí Adánsie gyí

6 Yesu Kristo gyí ohá ání olotsun ntsu móa obugyatá ba. Megyí ntsu nkoleto olotsun. Olotsun obugyatá é. Oje Wankíhé am̀o légyí asón ánfí iwí adánsie, ání igyí onokwali. Otamawá afunu. 7 Ató asa légyi Yesu iwí adánsie. 8 Mógyí, Oje Wankíhé, ntsu p̀o obugya. Ató asa ánfí féé lebli toku kole. 9 Ní ahá begyi adánsie súná aní, anitohogyi a, m̀omó ilehián ání abóhó Bulu klé don. Tsúfé m̀o onutó légyi m̀o Bi ámu iwí adánsie. 10 Ohagyíoha ání olhó Bulu m̀o Bi ámu gyí laho Bulu adánsie ánfisv gyí m̀o klontá. Alí kén ohagyíoha ání omhó Bulu adánsie ánfisv gyí dé m̀o afunutá wa ní. Tsúfé omhó adánsie ámuó Bulu légyi tsu m̀o Bi iwí ámu sv gyí. 11 Adánsie ámu gyí, Bulu lapó nkpa ání itamatá há aní tson m̀o Bi ámu sv. 12 Ohagyíoha ání ob̀o Bulu m̀o Bi ámu b̀o nkpa ání itamatá. Alí kén ohagyíoha ání oma Bulu m̀o Bi ámu má nkpa ání itamatá ní.

Asón Tráhe

* 4:8 Bulu gyí odwe así gyí, odwe itsú Bulu wá.

¹³ Mlalahọ Bulu mọ Bi ámu gyi. Mọ sọ nde ọwọlọ ánfí wanlín sísí mli, méní mlébi ání mlibu nkpa ání itamatá. ¹⁴ Tóá itehá anitọwá klon yó Bulu ansító gyí, akóli mọ tógyítóá igyi mọ apé á, otonú aní ọme. ¹⁵ Ní aniyin ání otonú aní ọme a, mómó akóli mọ tógyító á, aniyin ání ọbẹha aní.

¹⁶ Mọ sọ ní ọkọ owun mọ ba Okristoyin dé lakpan bwe á, ọbóó mpáí ha mọ. Bulu ọbẹha mọ nkpa. Ahá ání amó lakpan méeekpa amó wá lowuto asón ndeblí. Lakpan kọ bọ inuá itekpá ọhá wá lowuto. Megyí ọhá ání ọbwé lakpan ámu odu mbéé mlibóó mpáí ha. ¹⁷ Lalahẹ kugyíku igyi lakpan, táme lakpan kọ bọ inuá itamakpá ọha wá lowuto.

¹⁸ Aniyin ání ọhá ání alabwé Bulu mọ bi ọkọkọ tamatsíá bwé lakpan, tsúfẹ Bulu mọ Bi ámu togyo mọ iwí. Iní sọ Ọbunsám tamatáli bwé mọ toto.

¹⁹ Aniyin ání Bulu ahá angyí, táme Ọbunsám dé ọyító ahá féesó gyí.

²⁰ Aniyin ání Bulu mọ Bi ámu laba. Alahá anlanú asón asi, méní abébi Bulu Ọnọkwalıpọ amọ. Ania mọnyọ anilabwé kọle, ania mọ Bi Yesu Kristo é anilabwé kọle. Lélé á, mọ nkọle pé gyí Bulu Ọnọkwalıpọ pọ nkpa ání itamatá ámu ní.

²¹ Mọ sọ mí abí adwepọ, mlukí mli iwí wankláán ikpísumsó.

Yohane ᏅᏍᏗᏛᏗ ᏒᏚᏚᏗ

¹ Aní yín ání Bulu lalé, mí ɔpasua ɔhande Yohane dé ɔᏍᏗᏛᏗ ánfí wanlín sísí fúa fú abí. Ntɔdwé mli fée ɔnɔkwali amɔtɔ. Megyí mí nkolé pé tɔdwé mli, táme ɔhagyíɔha ání oyin ɔnɔkwali amɔ é. ² Tsúfɛ ɔnɔkwali amɔ bu anitɔ, ibétsiá anitɔ brégyíbré.

³ Aní Sí Bulu mɔa mɔ Bi Yesu Kristo bɔgyí aní buale. Bɔwúun aní nwe, abɔha aní iwílwíi, aní ahá ámúú anitɔdwé aba ɔnɔkwali sɔ ámu.

ᏅᏍᏗᏛᏗ Mɔa ɔdwe

⁴ Ansí lɛhié gyí mli bréá nowun ání fú abí ámu ako buɔna ɔnɔkwali ɔkpa ámɔsɔ, fé alíá aní Sí Bulu lébláa aní. ⁵ Aní yín ɔdwe pú, mliha adwe aba. Megyí mbla pɔpwe ndewanlín sísí fú. Mbla ámúú anilɛbí tsú bré ámúú anilótsɔ hóggyi amɔ nɔ. ⁶ Ní fɔtɔdwé Bulu á, fégyi mɔ mblasɔ. Mbla ání anilɛbí tsú bréá anilótsɔ hóggyi gyí, adwée aba.

⁷ Ahá amlé pú tsɔtsɔtsɔ baba ɔyí ánfítɔ. Bɔdeblí bɛe Yesu Kristo mélin fé nyankpɔsa. Ahá ánfí gyí ahá amlé pú Kristo alupó ámu nɔ. ⁸ Mó sɔ mliki wankláán, ménɔ mli gyumagyihe móɔbwe kpaali, féki mlénya mli ikáká fée.

⁹ ɔhagyíɔha ání ɔmedé Kristo atosunáhé amɔtɔ, ɔlɔtsɔn mú ɔma yó ɔde tɔ bambá suná á, mɔa Bulu bɔmegyí kole. Táme ɔhá ání ɔde Kristo atosunáhé amɔtɔ á, mɔa aní Sí pú Mɔ Bi ámu fée bɔgyi kole. ¹⁰ Ní ɔku ɔbá mli wá, ɔmedé Kristo atosunáhé ánfí suná á, mli máhɔ mɔ wá mli wóyítɔ, mli mátsulá mɔ itsiá. ¹¹ ɔhagyíɔha ání ɔtsúlá mɔ itsiá latsá mɔ lakpan ámúú ɔde bwe ámu bwe.

¹² Asón tsɔtsɔtsɔ bu inɔá tekí nébláa mli, táme mmedékléá nówanlín mú sísí mli. Mɔbúun nde ɔkpa kí ání néba mli wá, ménɔ mía mli nyo abétsiá asi, atɔi nya ansigyí wankláán.

¹³ Fú pío tsíhé ámúú Bulu lalé ámu abí behá fú itsiá.

Yohane ᾠωυλό Saası

¹ Mı ɔdwepó Gao, ntɔdwé fú ɔnɔkwalı amɔtɔ. Mı ɔpasua ɔhande Yohane dé ɔwuló anfi wanlın sısı fú.

² Mı ɔdwepó, ndehógyıá ıwı bu fu ɔnlin, tógyıtó é ına wankláán fé alá fúde fı Bulu sım. ³ Anı lelıé gyı mı bréá apıó akı beba bebláa anı alıá fúde Bulu mbıa ámısu gyı, pú alıá fona ɔnɔkwalı ɔkpa ámısu. ⁴ Brégyıbréá nonú alıá mı abı Akristofó bına ɔnɔkwalı ɔkpa ámısu á, itehıé wá mı ansıgyı.

Gao Kanfı

⁵ Mı ɔdwepó, ıto wankláán fúdebwe, fúde anı apıósú kı, títrıu afóó ámu. ⁶ Amótó akı baba bebláa anı ɔpasua ámu alá fekı amósú féé. Bı mbódı afısu amó ɔkpa alıá ıbégyı Bulu anı é. ⁷ Tsúfé Kristo su bına. Bımedé tɔto hóo tsu ahá anı bımegyı Akristofó wá. ⁸ İlehıán anı abékı ahá anı odısu alı, fékı ana amónyo abóbwe kule yó ɔnɔkwalı agyómá ámu.

Diotrefe mva Demetrio

⁹ Nawánlın ɔwuló ku sısı mlı dodo, táme Diotrefe dékléá ɔbóbwe mı ıwı ɔpasua ɔhande. Mó su ɔmedé anı pubwé tɔto. ¹⁰ Nı nebá mlı wá á, nébláa mlı mı asın laláheá ɔdeblı tsú anı ıwı. Móá ıma ale kóráá gyı, ɔbéé, mımóɔho apıó ámu afóó. ɔde ahá é ıtın ka ɔbéé, bımákı amósú, ɔde ahá anı bekı amósú é gyáa le ɔpasua ámıtɔ.

¹¹ Mı adwepó, mlımákası mı bwehé laláhe anı. Mıbıın mlıkası yılé abwepó ámu bwehé. ɔhagyıɔha anı ɔɔbwé yılé á, Bulu mı bı ógyı, táme ɔhá anı ɔɔbwé laláhe mó méyın Bulu.

¹² Demetrio mó á, ɔhagyıɔha tetı mı ıdayılé. Mı tıátó é ıdesuná anı ɔha wankláán gyı. Mı é nteti mı ıdayılé. Mıyın anı mı asın blıhé ıgyı ɔnɔkwalı.

İklá

¹³ Tekı asın tsɔtsɔtsɔ bu ıwıá nébláa fu, táme mmedékléá nıwanlın mó sısı fı. ¹⁴ Nde ɔkpa kı anı ımóɔwa ɔpá kóráá néba mlı wá, abétsıá ası tıı.

¹⁵ Bulu ɔháa fı ıwılwıı.

Fú anyawıe féé behá fı ıtsıá. Nehá anı anyawıe amıto okıgyıɔko é ıtsıá.

Bóbuo amó ɔwóli laláhe.” ¹⁹ Bubu mlitɔ dodo. Amó dé mli nsiné yintá ní. Amó onutó agywun dé amó kpa, tsufé Ɔhe Wankihé amó má amótó. ²⁰ Táme apió adwepó, mli mó á, mlipwe mli tsiátó dinka mli hógyi wankihé amosu. Mlibɔ mpái Ɔhe Wankihé amó túmitɔ. ²¹ Mlitsia tsiátóá Bulu ɔdwe lasúná mli, bré áñfi mligyó aní Wíe Yesu Kristo ání ɔbéba bowun mli nwe, há mli nkpa ání itamatá áñfi.

²² Mliwun ahá ání asón ámu imedé amó wankí nwe. ²³ Mlipri aku le ogyá ámɔtɔ, pɔhɔ amó nkpa. Mliwun aku nwe ifúsó. Mliki wankláán ání amó laláhe amó iméetsankí mli.

Bulu Kanfɔ Mpái

²⁴ Mútéhá anitamadida. Mútélé laláhe lé aní iwí, kpá aní ba numnyam amóú ibɔ bomlí mu amó así ansigyító. ²⁵ Mv nkɔle gyí Bulu pó aní Ɔhópɔ. Numnyam, obú, ɔwɔnlín pú túmi itsóɔn aní Wíe Yesu Kristosu ito mu. Tsú bréá ɔyí mɔkótúá así, bɔɔn nde póya bré fée. Amen.

Atóá Bεε Súná Yohane

¹ Ini gyi atóá Bulu léha Yesu Kristo léle súná mu asúmpó tsú tóá íbéba nke ánfíto iwí ní. Yesu lówa Bulu-òbòpò léba beε mó súná mu osúmbi Yohane. ² Yohane légyi tógyitáá olowun iwí adánsiε. Olegyi Bulu asón ámu pó asón ání Yesu Kristo lébláa mu fée iwí adánsiε òkòkwálsu. ³ Bulu obóyulá òhá ání òtεkla mu ònósú òtópó asun wanlínhé anfi súná Kristo òpasua ámu. Obóyulá háh ání butonú asón ámu, gyi dinká mósú é; tsúfíε mó fée bábi lafòn ta.

Kristo Ɔpasua Asienó Amu Itsídha

⁴⁻⁵ Mí Yohane dé òwólò ánfí wanlín sísi Kristo òpasua asienóá mlibu Asia òmátó.

Òhá ámóú oletsíá, òbu un, òbélabá amu muva Ɔhé asienó ání bulí mu owíε obíá ansító pó Yesu Kristo bogyíi mli bεale, abòha mli iwílwíi. Mogyi òdànsyiin òkòkwálpò, ogyankpapuá òkòkòsú tsú afúlitó, òyító awíε féesú ogyípú.

Mútòdwé aní, òlpò mu obugya ká aní nwnusu ikò, sí aní lakpan kíε aní. ⁶ Alabwé aní mu iwíε ogyíkpa pó mu igyi ahapó ání abòsum mu Sí Bulu. Numnyam móá túmi íbweε mu klε bré fée! Amen.

⁷ Kí! Ɔna nwólótáasu óhá! Ɔhagyíóha obówun mu. Ahá ámóú bòwò mu pía amu kóráá bówun mu. Mu su òyító ahá fée bósu kòklókókú. Alí íbéba ní!

⁸ Aní Wíε Bulu lébli òbée, “Mígyi Alfa móá Omega. Otúmípu amóú oletsíá, òbu un, òbéba amu ní.”

Kristo Le Súná

⁹ Mí, mli pío Yohane ní. Mía mlynò dé ipian wúun Yesu pó Bulu iwíεgyi ámu su, anidé iklon nya líi kínkín. Bulu asón òkanda pó Kristo iwí asónbli su balé mí ya Patmo òpò nsiné òsólòsu. ¹⁰ Eke òkòá igyi aní Wíε eke á, Bulu Ɔhé léba misu. Nonu òmε ku, ílεlin kòklókókú fε òkpe òtsáwòle pé mí òma. ¹¹ Ɔmε amu òbée, “Wanlín tóá fòdewúun wa òwólótó, afupoyá Kristo òpasua asienó, bogyi Efeso, Smirna, Pergamo, Tiatira, Sardi, Filadelfia pó Laodikea.”

¹² Bréá nedamli mbée anki òhá ání òde mí asón bláa a, nowun sika pepε òkandíε-oyíá íbò abámbi asienó. ¹³ Ɔha òkòá òlelian Nyankpòsa-Mu-Bi ámu líi òkandíε-oyí ámu nsiné. Ɔlòwa ligá, òlpò sika pepε òfε tsan mu kántó. ¹⁴ Mu nwun pó mu imi fée lofulí fε opuli mpútó ntée òhráda. Mu ansíbi aklambi é lowankí fε ogyá mpimpi. ¹⁵ Mu ayabi de ogyá kpa fε kòóbri ání bafwí mó lé ogyátó unun. Mu òmε ídetsulá fε ntsuá ídekpa yi. ¹⁶ Ɔde ntsrakpabi asienó mu gyòpító. Ɔdayí íya anyò kláklá ledalí tsu mu ònótó. Mu ansító íhié òewankí fε òpawí. ¹⁷ Bréá nowun mu a, nemlí bun mu ayabiasí fε òha wuhé, támε òlpò mu gyòpí íbò dinká mísó, bli òbée, “Mánya ífú! Mígyi Ogyankpapu móá Ɔtráhe amu ní. ¹⁸ Mígyi òkiankpapò amóú nowu ámu ní. Kí, mbu nkpa bré fée! Mbu túmi lowu móá afúlitòsu.

¹⁹ “Wanlín tóá fawun bòtsun, móá ídebá séi pó móá íbéba òma wa òwólò ámútó. ²⁰ Ntsrakpabi asienó amóú fowun mí gyòpító pó sika pepε òkandíε-oyí abámbi asienó ámu asi ní. Ntsrakpabi asienó ámu igyi òpasua asienó ámu abòpò. Ɔkandíε-oyí abámbi asienó ámu é gyi òpasua asienó ámu.

1 “Wanlun asón ánfí sísí Akristofó ɔpasua ání ɪbu Efeso wúluto ɔbɔpu fɛɛ,*
 “Jhá ámúú ɔde ntsrakpabi asienó mu gyɔpito, ɔna sika pepe ɔkandíe-oyí
 abámbi asienó ámu nsuné ámu ɔbɛɛ: 2 Nyin tsá fudebwe fɛ́ɛ. Nawun alíá fuhíe
 fude agyómá yɔ, pɔ alíá fude nsi wa líí kínkín. Nyin ání futamakle aha láláhe
 asón. Fakápó ahá ámúú bude amú ɪwí tɪ Kristo sumbí ayɔpó ámu, wun ání
 afunupu bɔgyi. 3 Fotomi wun ipian mí sv, fómeyinkí ɔma. 4 Táme asón kole
 péá mbú fú ɪwí gyí, ɔdwe ɪtráa ma mía fonyɔ ntée fúa fú aba nsuné fɛ gyankpapu
 amv. 5 Mú sv kaun alíá tekí fɔgyi asa fadida. Damli klɔntɔ, afulatsia fú atsiábi.
 Ní megyí alí á, néba beɛ fú ɔkandíe-oyí ámu lé mó aba ɔpasua atráhe amvɔ.
 6 Táme toku koleá ɪbu alé fú ɪwí gyí, futamakle Nikolai abúɔpu bwehé láláhe
 amv, fɛ alíá mí é ntamakle mó.
 7 “Jhá ání ɔbu asv onúu asv onú ání ɔɣe Wankíhé amv dé ɔpasua ámu bláa así.
 Néha ɔhá ání olegyi ɪsv obégyi Paradiso ndobító oyí-abí ámúú ɪtɛhá nkpa ámu.”

Smirna ɔpasua Nkla

8 ɔlɛtrá bláa mí ɔbɛɛ, “Wanlun asón ánfí sísí Akristofó ɔpasua ání ɪbu Smirna
 wúluto ɔbɔpu fɛɛ,

“Jhá ámúú ogyi Ogyankpapu móa ɔtráhe, olowu lákósú tsú afúlitɔ ámu ɔbɛɛ:
 9 Nyin fú ipian wunhe pɔ ohian ání fudegyí, táme fubu ató! Nyin alíá ɔpasua
 ámúú bude ɪwí kí beɛ, Yudafó bɔgyi ámu bude afunu wa dínká fúsó. Megyí
 Yudafó bɔgyí, ɔbunsám abúɔpu ɔpasua bɔgyi. 10 Máha ipian ání ɪbéba fusu
 ɪwa fú ifú. Nde fú bláa, ɔbunsám ɔbéha békítá mlitɔ aku tswí obu. ɔbósɔ mlí kí.
 Bédínká fúsó nke dú. Ní lowuto ɪgyi ó á, fú mó wa ɔnɔkwali. Néha fú ɪsvgyi-ɪpa,
 ɪgyi nkpa ání itamatá.

11 “Jhá ání ɔbu asv onúu asv onú ání ɔɣe Wankíhé amv dé ɔpasua ámu bláa así.
 ɔhagyíɔha ání olegyi ɪsv á, lowu nyɔɔsi amv ɪmɛ́ɛda mu.”

Pergamo ɔpasua Nkla

12 ɔlɛtrá bláa mí ɔbɛɛ, “Wanlun asón ánfí sísí Akristofó ɔpasua ání ɪbu
 Pergamo wúluto ɔbɔpu fɛɛ,

“Jhá ámúú ɔbu ɔdayí ɪya anyɔ kláklá ámu ɔbɛɛ: 13 Nyin ání fɔtsie ɔtínéá
 ɔbunsám owíe obiá itsie, táme fude fú hógyitɔ kínkíinkín. Bréá bɔmɔ mí
 adánsie ogyípó ɔnɔkwaliɔ Antipa mlí wá ɪnv kóráá á, fómekpa mí ɔma.
 14 Táme mó ó á, mbu fú ɪwí asón kpalóbí kv. Mlitɔ aku bɔbɔuo Balaam amúú
 olosuná Balak† alíá ɔbɔbwe Israelfó bɔbwe lakpan, ɔleha amú betsiá wá atsi
 móa ayin asón, tsíá gyí ɔkpito-ató ámu. 15 Alí kén aku bɔbɔ mlitɔá bɔbɔuo Nikolai
 atosunáhé ní. 16 Mludamli klɔntɔ. Ní megyí alí nóbɔfwie mlitɔ, pɔ mí ɔnótɔ
 ɔdayí ámu kó amú.

17 “Jhá ání ɔbu asv onúu asón ání ɔɣe Wankíhé amv dé ɔpasua ámu bláa así.

“ɔhagyíɔha ání olegyi ɪsv obégyi atogyihe amúú bɔpuɣáin ámu kv. Nétrá ha
 okugyíɔkv ɪbwi futútúá bɔwanlín ɪdá pɔpwe dínká músó. Mu nkɔle ɔbébi dá
 ámu. ɔhaa mɛ́ɛbí mó tsíá mɔtɔ.”

Tiatira ɔpasua Nkla

18 ɔlɛtrá bláa mí ɔbɛɛ, “Wanlun asón ánfí sísí Akristofó ɔpasua ání ɪbu Tiatira
 wúluto ɔbɔpu fɛɛ,

“Bulu mu Bi ámúú mu ansíbi ɪgyi fɛ ogyá ɔdandv, mu ayabiasí ɪgyi fɛ kɔ́ɔbrí
 ání bapówá ogyá, plíí mó ɪwí ámu ɔbɛɛ: 19 Nyin fú bwehé fɛ́ɛ. Nyin fú ahádwe,
 fú hógyi, fú osum agyómá pɔ fú nsiwa líí kínkín. Nyin ání fudebí bwé dvn

* 2:1 ɔbɔpu anfi gyí Bulu-ɔbɔpá alí há ɔpasua ámu ní. ɪbu níí móa 2:8, 12, 18; 3:1, 7, 14 étó. † 2:14
 ɪni bu Numeri 22-24tɔ

gyankpapu amu. ²⁰ Táme asón ání mbu ha fú gyí, fahá otsi ámóú bütetí mu Yesebel, ode mu iwí ti obée, Bulu onósú otóipú amu dépu mu atosunáhé mlé mí astúmpú, bude atsí móa ayin asón wa, bude okpita-ató é gyí. ²¹ Naki mu ansító ání obédamlí klontó bobuo Bulu, táme omedékléá obési mbuato. ²² Mó su néda mu, wá mu ilo. Obówun ipian. Ní mu ahá ámóú bude mbua to ámu é bumesi, lé iwí lé móts á, néha amó béhie wun ipian. ²³ Nómó mu abúopu amu. Akristofó opasua féé bébi ání mígyí ohá ámóú otowun ahá klontó pú amú nwuntó asón ámu ni. Néka okugyioku iko mu bwehé onó.

²⁴ “Táme mli aha tráhe ání mlilasí mlibu Tiatira wúluto, mluómobuo otsi ámu atosunáhé amóú bude mó ti ‘Obunsám ason nainhé’ amu mó á, mmóopu ato suráhé koku sórá mli. ²⁵ Táme mlukta mí atosunáhé amóú mlibu amuto kinkíinkín yófun bréá néba. ²⁶ Néha ohá ání olegyi tógyításó, oletalí bwé mí apé yófun oyí onómoké túmi, obégyi omá féésú. ²⁷⁻²⁸ Obékpa amú owuntolinsu, bwíébwíe amú blúblúblú fé abua. Obénya túmi ámóú mí Sí lóphá mí ámu odu. Nópu mu bake otsrakpabi há mu, pósúná ání alagyi isu.†

²⁹ “Ohá ání obu asu onúu asón ání Ojhe Wankíhé amu dé opasua ámu bláa asi.”

3

Sardis Opasua Nkla

¹ Oletrá bláa mi obée, “Wanlin asón ání sisi Akristofó opasua ání ibu Sardis wúluto obopu féé,

“Ohá ámóú obu Bulu Ojhe asienó pú ntsrakpabi asienó ámu obée: Nyin fú bwehé féé. Fobu idá ání fokí nkpa, táme fawú fóna. ² Mó su tsinki, afowa fú ato tráhe amu owonlin, tsufé idekléá iwu. Nawun ání fú bwehé lesian mí Bulu ansító. ³ Mó su kain tśá bosuná fú pú móa fonusu. Gyí mósó, afodamlí klontó. Táme ní fometsinkí á, nóbowíe fótó fé owikplu, fóméebi bréá néba. ⁴ Táme aha aku bobu wúlu amutoá bomokópí amú atadie.* Bówa atadie futútú, mía amúnyc abénatí, tsufé bafun. ⁵ Néha ohá ání olegyi isu obówa atadie futútú. Mméetsitsii mu idá lé nkpa owoló ámuto. Néblí mí Sí muva mu abopu ansító mbée, míbú mu.

⁶ “Ohá ání obu asu onúu ason ání Ojhe Wankíhé amu dé opasua ámu bláa asi.”

Filadelfia Opasua Nkla

⁷ Oletrá bláa mi obée, “Wanlin asón ání sisi Akristofó opasua ání ibu Filadelfia wúluto obopu féé,

“Ohá ámóú olowankí, otamawá afunu, ode Owíe Dawid sáafi, ofinkí ohaa tamatáli fin, ofin é ohaa tamatáli finkí ámu obée: ⁸ Nyin fú bwehé féé. Kí, nafinkí obu yái há fú. Ohaa méetalí fin mó. Nyin ání fuma owonlin, táme fagyi mí atosunáhésu, fómekpa mí oma. ⁹ Obunsám abúopu amóú bude afunu wa bee, Yudafó bogyi ámu a, néka amú híé béba beda akpawunu fú ayabiasí. Amó féé bébi ání ntodwé fú. ¹⁰ Fagyi mí asónsó, fanyá klon líi kinkíinkín. Mó su nèle fú lé ipian ámóú nópuso oyító ahá féé kí amuto. ¹¹ Kí, nebá ní. Mó su kítá itó ámóú fobu amuto kinkíinkín, méní ohaa móho fú isugyi-ipa lé fú ibito. ¹² Ohá ání olegyi isu á, nópu mu bwé mí Bulu otswékpa obu ámu otan. Oméetrá dalí mu ekekeke. Nówanlin mí Bulu idá dínká musu. Nówanlin mí Bulu wúlu, igyi Yerusalem papwe amu idá dínká musu. Wúlu ámóú íbékplí tsú osósó mí wá ba amu, nówanlin mí onutó idá papwe amu é dínká musu.

¹³ “Ohá ání obu asu onúu ason ání Ojhe Wankíhé amu dé opasua ámu bláa asi.”

† 2:27-28 Israelfó Ilo 2:8-9 * 3:4 Bomokópí amú atadie asi gyí bomokóbwé lalahe.

Laodikea Ɔpasua Nkla

14 Ɖletrá bla mi obéé, “Wanlun asón ánfí sísí Akristofó Ɖpasua ání ibu Laodikea wúluto obopu fée,

“Ɖhá ámóú butetí mu Amen, mu só Bulu asón fée iteba móto, ogyi ɔdansiyin ɔnɔkwalipɔ, ɔtamawá afunu, ogyi Bulu ato bwehé fée nwun ámu obéé: 15 Nyin fú bwehé fée. Fumebli ogya, fúmolwíí é. Ní febli ogya ntée folwíí á, teki ibu alé. 16 Táme fúgyi bwíánbwíán, fumebli ogya, fúmolwíí é. Mú alí su nótu fú tsítsá. 17 Fée, ato onyapó fúgyi, fúbu ató. Tóto médé fú hián, támé fuma tóto, fumeýín ání ohiáni fúgyi. Fúbu nwe, fú ansíbi labwíé, fóna yayá. 18 Mú su ndetáí kplá fú mbéé, pu kóba bóho sika pepeá bafwí mú ogyátó mí wá. Mú obéha fénya ató onutónutó ní. Ntráa nde fú bláa mbéé, fúobóho atadie futútú, afoputin fú péli móa fú yayá ámu. Bóho afá da fú ansíbisu, méní fówun ató. 19 Ahá ání ntódwé á, amó ntówá iyn wa, bíti amó ísu. Mú su wa nsi, afudamli klwntó. 20 Ki, nli obu-onó, nde agoo tswí. Ní okó lónu mí ɔme, olefinkí há mí á, nébitiwíé mu wá, mía mɔnyɔ abówa íbi gyi ató. 21 Ɖhá ání olegyi ísu á, néha mu obétsiá mí wá, mí owíe obíá ámu. Alí kén mí é negyi ísu, ntsie mí Sí wá mu owíe obíá ámu ní.

22 “Ɖhá ání obu asu onúu asun ání Ɖhe Wankíhé amu dé Ɖpasua ámu bláa así.”

4*Ɖsósó Bulusúm*

1 Iní ɔma a, nelawun ató bámbá. Nowun ání obu lafinkí ɔsósó. Nelanú ɔme amóú ilegankpá bláa mi asón ámu. Ɖme amu igyi fé ɔkpe. Ɖlebláa mi obéé, “Du ba ní, mí ansuna fú tóá ilehián ání íbéba iní ɔma.” 2 Bulu Ɖhé leba mísó ɔtsáwule pé. Múá nówun a, owíe obíá ku tsie ɔsósó ínu, oku tsie mósó. 3 Ɖhá ámóú otsie mósó ámu íwí dé ogyá kpa fé abwi wankláán kwá igyi pépe móa futútú. Mú ɔtnekú é igyi fé nyankpótáa, íde ogyá kpa bomlí owíe obíá ámu fé íbwi wankláán kwá igyi fitáa bóbwé.* 4 Owíe-mbíá adwanyɔ-na itsie bomlí owíe obíá ámu. Ahande adwanyɔ-na bówa atadie futútú butsie mbíá ámu, bubun sika pepe ípa. 5 Inu nyankpu lówa íbi fwí bi. Odekpíe, ɔpráda depútí dáli owíe obíá ámu. Íbia asienó líí owíe obíá ámu ansító, idetsíí. Múgyí Bulu Ɖhé asienó ámu ní. 6 Nowun gláasi ɔpu kwá mósó íde ogyá kpa fé atsufofíbi, ída owíe obíá ámu ansító.

Mbwí akwá bukí nkpa ana, ansíbi iduadúa amó nkpá móa ɔma fée, bobomlí owíe obíá ámu ɔbun nsiné ínu. 7 Amótó ogyankpapu gyí fé gyatá. Onyɔasi gyí fé ɔnantswie yínhé. Ɖsaasi ansító igyi fé nyankpusa, ɔnaasi é gyí fé oyitsu ání odefulí. 8 Okugyíokú bu abámbe asie, ansíbi iduadúa móto móa mó ɔma fée. Bude ílu wa ɔpa onyé beé,

“Wankí, wankí, wankí gyí aní Wíe Bulu Otúmípu.

Múlétsiá, otsie, obélaba.”

9 Mbwí ámu butówá ílu ámu, pú numnyam, obú móa ípán há ɔhá ámóú otsie owíe obíá ámu, omóowu ekekeke ámu. Ní bóbwé mú alí á, 10 ahande adwanyɔ-na ámu é bamli bun ɔhá ámóú otsie owíe obíású amu ansító súm mu. Mubóú ínu bré féeótó ní. Fówun babwíí amó owíepa ámu tswí obíá ámu ansító bí beé,

11 “Aní Wíe pú aní Bulu!

Fólehián ání abópu obú, numnyam móa túmi há, tsúfé fólóbwe ató fée. Fóbwe tógyító fú apétó.

* 4:3 Íbwi futútú ámu dá gyí ánfí yaspa. Pépe amu dá gyí kanelia. Fitáa bóbwé amu é dá gyí emerald.

Mó fée ilaba mótó.”

5

Okúfabi Amv Létii Ɔwóló Amv

¹ Inu ɔma a, nowun ání ɔhá ámóú ɔtsie owíe obíá ámúsu ámú dé ɔwóló kúntáhé mɔ gyɔpito. Bɔwanlín ató dínká mó nkɔ́pá móa mó ɔma fée, bɔpu okpin tan mó ɔnó tse sienó. ² Inu nowun Bulu-abɔpu otúmípu ɔkɔ́á ɔdekplón fité ɔbée, “Ma lɔ́fon ání ɔbémaín ató asienó ánfí, tíí ɔwóló ámú ɔnó?” ³ Bɔmenya ɔhaa ɔsúsú ntée ɔsólúsú ntée ɔsólúbú ayasí ání ɔbétalí tíí mó ɔnó, kla mó. ⁴ Inu su nehie su, tsúfée bɔmenya ɔhá ání ɔlɔ́fon, obétíí ɔwóló ámú ntée ɔbékla mó. ⁵ Inu ahande amúto ɔkole lébláa mi ɔbée, “Mátrá su. Kí, Yuda abusuantɔ Gyatá, ogyí Owíe Dawid mɔ na ámú lagyi isu. Ɖlɔ́fon ání ɔbémaín ató asienó ámú, tíí ɔwóló ámú ɔnó.”

⁶ Inu nowun Okúfabi ɔkɔ. Ilélian ání bapó mɔ há igyí kí. Ɖlíí owíe obíá ámú, akiankɔpɔ ana ámú pú ahande advanyɔ-na ámú nsiné. Ɖbu nsiebí asienó pú ansíbi asienó. Mɔ ansíbi asienó ámú gyí ɔnɛ́ asienó ání Bulu tɔwá sísí ɔsólúbú anfisú ɔ́nɛgyíɔ́tíné ní. ⁷ Okúfabi amv lédalí ba nkɔ́pá, ɔlɔ́bɔhɔ ɔwóló ámú lé ɔhá ámóú ɔtsie owíe obíású amv gyɔpito. ⁸ Inu mbwí ámóú bukí nkɔ́pá ana ámú pú ahande advanyɔ-na ámúto okugyíɔkɔ lémlí bún Okúfabi amv ansító. Okugyíɔkɔ dé ɔsankuo pú sika pɛpɛ blanwébi ání ɔhíén bɔ mó. Bulu ahá mpái gyí ɔhíén ánfí. ⁹ Akiankɔpɔ ana ámú pú ahande advanyɔ-na ámú bɔde ilu pɔpwe wa bɛɛ,

“Fólɔ́fon ání fótso ɔwóló ámú,

máín ató asienó ámóú bɔpɔtan mó ɔnó ámú.

Tsúfée bɔpu fú há igyí, fɔpu fú obugya hɔ ahá há Bulu.

Fɔhɔ ahá abusuangyíabusuan, ɔblígyíɔblí, ɔmágyíɔmá pú ɔsólúsú ahá ɔtsan-ɔtsan féétó.

¹⁰ Fayáí fú iwíe ogyíkɔ́pá há amó, fabwé amó fú igyí ahapú ání bétsiá há anu Bulu ámú igyí.

Bégyí iwíe ɔsólúsú.”

¹¹ Nelakí, nonu Bulu-abɔpu tsɔtsɔɔtsɔ ɔme. Buhíé butso ání buma íklátó. Bobomlí owíe obíá ámú móa akiankɔpɔ amv pú ahande advanyɔ-na ámú.

¹² Bɔpu ɔme kɔ́nɔkɔ́nɔkɔ́nɔnti wá ilu bɛɛ,

“Okúfabi amóú bɔpɔhá mɔ igyí ámú lɔ́fon

ha túmí, iwínya móa

nyánsa pú awútó ɔwɔnlín,

ɔdayilé móa numnyam pú kanfó.”

¹³ Inu nonu atóá Bulu lɔ́bwɛ fée ɔme. Móa ilu ɔsú móa asi, ɔsólúbú ayasí pú ɔpɔto fée, bɔde ilu wa bɛɛ,

“Kanfó, ɔdayilé, numnyam pú túmí fée

iletsiá ɔhá ámóú ɔtsie owíe obíású amv

pú Okúfabi amv bré fée!”

¹⁴ Móú akiankɔpɔ ana ámú beblí bɛɛ, “Amen!” Inu ahande advanyɔ-na ámú bemlí bun súm Bulu mɔva Okúfabi amv.

6

Okpin Asienó Amv Máin

¹ Inu ansító inu á, Okúfabi amv lémain ató asienó ámóú bɔpɔtan ɔwóló ámú ɔnó ámúto kɔle. Inu nonuá akiankɔpɔ ana ámúto ɔkole léle ɔnó. Mɔ ɔme lelín fée ɔpráda ɔbée, “Ba!” ² Nekí a, ɔpɔnkɔ futútú ɔkɔ ní. Musu odinkápú amv dé ita,

⁹ Ini oma a, nowun odom kwá ohaa méetalí kla amó. Botsú omágyíomá, abusuangyíabusuan, osolósu ahá otsan-otsan pú oblígyíoblíto. Bulí owíe obíá ámu pú Okúfabi amu ansító. Bowa ligá futútútú, bode mbláa. ¹⁰ Bosurá okitíkítí kóklókóú bée, “Ani Bulu amóú otsie owíe obíású pú Okúfabi amu tóho ahá nkpa!” ¹¹ Inu á, Bulu-abəpu amu fée belí bómli owíe obíá ámu pú ahande adanyo-na ámu pú akiankpapu ana ámu. Bemli bun, pú ansító bun osolóto owíe obíá ámu ansító, süm Bulu, ¹² blí bée, “Amen! Ikanfó, numnyam, nyánsa, ipán, obú, túmi pú owonlín ibwée mu kle bré fée! Amen!”

¹³ Inu ahande amoto okole léfité mí obée, “Amendí gyí ahá ánfí bowa ligá futútútú ánfí? Nkónú botsú?”

¹⁴ Múú nebláa mu mbée, “Ohande, fú yín.”

Múú oleblláa mi obée, “Ahá ánfí gyí ahá ánfí batsun asun wunhe kpənkpənti amoto dáli ní. Amó láfwí amó atadie Okúfabi amu obugyato, ílafúli futútútú ní. ¹⁵ Mó só bulí Bulu owíe obíá ámu ansító, bode mu süm əpa-onyé mu otswékpa un ní. Ohá amóú otsie owíe obíá ámu é obétsiá amótó, bün amósú. ¹⁶ Akón móa əmewóli méetrá kítá amó, owí ntée əpawí é unéetrá to amó. ¹⁷ Tsúfé Okúfabi amóú olí Bulu owíe obíá ámu asi ámu obóbwe amó okpapó. Obégya amó nkpa, kpá amó ya nkpa-ntsu ámu əwíkpa, ani Wíe Bulu obétsitsií amó ansi ntsú fée.”

8

Okpin Sienósi Amu Main

¹ Bréá Okúfabi amu lémain ato sienósiá bəputan osoló ámu onó á, osósú lólwá fé dənhwírí-fun. ² Inu nowun Bulu-abəpu asienó amóú bulí mu ansító ámu. Beha amótó okugyáto okpe.

³ Bulu-abəpu bámbá lébá belí afədie-asubwi amu ansító. Ode sika pepe blanwébi ánfí butəwá ohíen ogyá mótó. Beha mu ohíen tsətsətsə, ələpətsiá Bulu ahá mpáito, poyédunká sika pepe afədie-asubwi amóú iyi owíe obíá ámu ansító ámu. ⁴ Mu ohíen ámu ogyási letsia Bulu ahá ámu mpáito, kósú tsú afədie-asubwi ámu yó Bulu ansító. ⁵ Inu Bulu-abəpu amu lótsu ohíen blanwébi ámu, əléle ogyá afədie-asubwi ámu wá mótó, fun mú dá osolósu. Inu nyankpu lówa íbí fwí bí. Odekpíe, əpráda deputí, əmē otsan-otsan delín kóklókóú, osoló é dekpunkí kpakpakpaka.

Ikpe Asienó Amu

⁶ Bulu-abəpu asienó amóú bode ikpe asienó ámu é bəda íwiso há mú fulí.

⁷ Bulu-abəpu gyankpapu lófulí mu okpe. Múú botsu atsufulibi móa ogyá ánfí obugya lefráa mú, tswí mú wóli osolósu. Ní beye osolóto asa á, mótó iku kole móa mósú nyí pú mósú ífá fée ləho plíplíplí.

⁸ Bulu-abəpu nyəəsí lófulí mu okpe. Inu bətswí təkó fé íbu kpənkpəntiá ídehə wá əputa, əputo yée asato ikole ledamli obugya. ⁹ Əputo mbwíá bukí nkpa féeťó yée asato iku kole bowu, ntsusu ayibito yée asato iku kole é lobwiebwíe.

¹⁰ Inu Bulu-abəpu sáási lófulí mu okpe. Otsrakpabi kpənkpənkpənti kwá ide ogyá tsíí fé obia lékpa tsú osósú bəda ntsu tsənhéa íbu əyító féeťóye asato iku kole. ¹¹ Otsrakpabi amu dá gyí “Okítá.” Inu ntsu tsənhé amotəyée asato iku kole lówa okítá dən okpin. Mú okítá su ahá tsətsətsəá bonu mú bowu.

¹² Oəpu náási lófulí mu kle. Íləwə owí móa ətsra pú ntsrakpabito yée asato iku kole. Mó fée lodun. Iní su əyí kəhe móa owi tahéťó yée asato iku kole é lokdun.

¹³ Nəkí a, oyitsu əku défulí, odesú kóklókóú obée, “Ahá ánfí bətsiá osoló anfisə asa Bulu-abəpu asa atráhe amu bófulí amó nkpe amu bgyówí tsenyə-tsesa!”

9

¹ Bulu-ɔ̀bɔ̀pɔ̀ núúsí ĺfólí mu ɔ̀kpɛ. Nowun ání ɔ̀srakpabi lékpa tsú ɔ̀sósó beda ɔ̀solósu, bɔ̀pɔ̀ ilán klúklúúklúá ima ɔ̀ka sáafi há mu. ² Móú olefinkí ilán klúklúúklú ámu ɔ̀nó, ogyási ledali mótó fé obuntá. Ogyási amú ileha nsaintó féé ilebi tuun. ³ Ibo atsantsanku bedali tsu ogyási amúto ba ɔ̀solósu. Beha amú túmi bee busóra ahá fé nyankpɔ̀kpíe. ⁴ Bebláa atsantsanku ámu bee, bumápu ɔ̀nó da ifá ntée nyí kuku, dun ahá ámuó Bulu nsuhieto medín amú ɔ̀sɔ̀kpɔ̀ amú. ⁵ Bomeha amú ɔ̀kpa ání bumóó amú, táme buhíe wa amú iwɔ̀asin tsra anu kéké. Amú iwɔ̀asin ámu ibwé fé alí nyankpɔ̀kpíe-sorá tɔ̀hó ɔ̀sin. ⁶ Ahá bódunká lowu nke ámutá, táme buméenyá. Bóbó mbódi ání bówu, táme bumóowu.

⁷ Atsantsanku ámu belian mpɔ̀nkɔ́a bahíie amú há isá, tɔ̀ku idun amú nwunso fé sika pepe ipa. Bowa anyánpósa ansító. ⁸ Amú nwunso-imi bu iswí fé ɔ̀si klé. Amú ayín é igyi fé gyatá klé. ⁹ Bowa kántó atíntó ání bɔ̀pɔ̀ dátó bwé. Ní budefulí á, amú ate totsúlá fé mpɔ̀nkɔ́a móa keké tsatsɔ̀tsɔ́a busrí bɔ̀yó isá. ¹⁰ Bubu odú, itosórá fé nyankpɔ̀kpíe. Beha amú túmi bee, bɔ̀pɔ̀ amú odú ámu pilan ahá tsra anu kéké. ¹¹ Ilán klúklúúklúá ima ɔ̀ka ɔ̀bɔ̀pɔ̀ gyí amú owíe. Botetí mu Hebrifó ɔ̀blító bee, Abadon. Griiki ɔ̀blító é botetí mu bee, Apolion. Mú asi gyí, “Ató Oyintápó.”

¹² Asɔ̀n wunhe gyankpapo lámó ɔ̀nó á. Anyó tráhe é ibá.

¹³ Bréá Bulu-ɔ̀bɔ̀pɔ̀ síésí ĺfólí mu ɔ̀kpɛ a, nonu ɔ̀me ku ledali. Iledali tsu sika pepe afódie-asubwí ámu okonkí ana ámutá Bulu ansító ibo. ¹⁴ Ide ɔ̀bɔ̀pɔ̀ amú ɔ̀lɔ̀fulí ɔ̀kpɛ amú bláa ɔ̀béé, “Sanki abɔ̀pɔ̀ ana ámuó beklí mántá ntsu yílé Efrate ɔ̀nó ámu.” ¹⁵ Bulu léla amú yáí há alí bré áni, ofi áni, ɔ̀sra áni, eke áni pó dɔ̀nhwírí anfi ɔ̀béé, busánki amú abuyɔ̀mó ɔ̀yító ahátó yéé asatá iku kole féé. ¹⁶ Bebláa mi áni isá akɔ̀pɔ̀ ámu ɔ̀dubɔ́o bóbwe bliba lafanyó (200,000,000), budin mpɔ̀nkɔ́su. ¹⁷ Nowun mpɔ̀nkɔ́ pó amúsó adinkápó mí atowunhe ámutá, bowa kántó atíntó. Aku klé lepe fé ogyá, aku klé lebi, aku é klé igyi bate-nfó. Mpɔ̀nkɔ́ ámu nwun igyi fé gyatá klé, ogyá móa ogyási pó atonkodu dedali amú ɔ̀nótó. ¹⁸ Alí asɔ̀n wunhe aku asa, igyi ogyá, ogyási pó atonkodu amú ilédali tsu mpɔ̀nkɔ́ ámu ɔ̀nó, ilómó ɔ̀yító ahátó yéé asatá iku kole. ¹⁹ Megyí amú ɔ̀nótó nkole asɔ̀n wunhe túmi tedálí tsu. Ibo amú odútó é, tsúfé amú odú igyi fé iwá, ibo nwun, itepílan ahá.

²⁰ Anyánpósa amúó besian ɔ̀solósu, bumowu asɔ̀n wunhe amúto ámu féé bekiná bumédamlí klɔ̀ntó. Bomesi ɔ̀je laláhe móa atunkua bapó sika pepe, sika fututí, kɔ̀bri, abwi móa nyí ana bwé súm. Alí ɔ̀je laláhe pó atunku anfi botamawun ató, botamanú asón, botamanátí. ²¹ Alí kén bumédamlí klɔ̀ntó sí amú tsiátó laláhe; igyi ahámó, ɔ̀kpé, atsi móa ayin asónwa móa owi ámu é bwe ní.

10

Bulu-ɔ̀bɔ̀pɔ̀ Mva Ɔ̀woló Túkúrííbi

¹ Ibo nelawun Bulu-ɔ̀bɔ̀pɔ̀ ɔ̀wɔ̀nlínpó bambá ɔ̀kɔ́a ɔ̀tsú ɔ̀sósó. Agyinde lobomlí mu, nyankpótáa ilan mu awunso. Mu ansító lɔ̀wankí fé owí, mu ayabi igyi fé ɔ̀sɔ̀ti áni ogyá bu mótó. ² Ɔ̀de ɔ̀woló túkúrííbi kvá ɔ̀leté mótó. Mu gyɔ̀pɔ̀ yabi iyi ɔ̀pusu, mu bina yabi é iyi ɔ̀solósu. ³ Ɔ̀lɔ̀klón kóklókúú fé gyatá dékpóun, ɔ̀práda asienó ámu lɔ̀putí. ⁴ Bréá ɔ̀práda asienó ámu lɔ̀putí, mbéé anwanlín asón ámuó iléblí ámu a, nonu ɔ̀me bámbá tsú ɔ̀sósó. Ɔ̀me amú déblí ɔ̀béé, “Máwanlín asón ámuó ɔ̀práda asienó ámu iléblí ámu. Pɔ̀wa fú kpawunuto.”

⁵ Móó Bulu-ɔ̀bɔ̀pu amóó nowun, ɔ̀lí ɔ̀pu móa ɔ̀solóso ámu lótsu mu gyɔ̀pi ubi fúá yó ɔ̀sósú. ⁶ Inu ɔ̀leka ɔ̀há amóó ɔ̀bu nkpa bré fě́étó ámu ntam. Mólóbwe ɔ̀sú móa asi, ɔ̀pu móa mótó ató fě́é, ɔ̀leblí ɔ̀bée, “Buméétrá si tsiá! ⁷ Táme bréá Bulu-ɔ̀bɔ̀pu siénósi amu ɔ̀bófulí mu ɔ̀kpe a, a,li bré ámuɔ̀to Bulu ason nǎínhé amóó ɔ̀lehu yáí ɔ̀bée, móbwe ámu íbéba mótó ní. Ibéba mótó fě́ alá ɔ̀lebláa mu asúmpó, bɔ̀gyi mu ɔ̀nósó atáípu amu.”

⁸ Inu ɔ̀me amóó ide mí asón bláa tsú ɔ̀sósú ámu létrá bláa mi ɔ̀bée, “Yohɔ̀ ɔ̀woló amóó ilafínkí ámu le Bulu-ɔ̀bɔ̀pu amóó ɔ̀lí ɔ̀pu móa ɔ̀solóso ámu íbita.”

⁹ Mú su nɔ̀yɔ̀ Bulu-ɔ̀bɔ̀pu amu wá mbée, ɔ̀pús ɔ̀wolóbi ámu ha mi. Móó ɔ̀lebláa mi ɔ̀bée, “Hɔ̀, afɔ̀wi mó! Ibówa fú ɔ̀dwe débídébi fě́ ɔ̀kwén, táme iméekanáa fú iputa.”

¹⁰ Inu nɔ̀ho ɔ̀wolóbi ámu lé mu íbita, nɔ̀wi mó. Iɔ̀wa mí ɔ̀dwe débídébi fě́ ɔ̀kwén, táme imetepí kanáa mí iputa. ¹¹ Móó ɔ̀letrá bláa mi ɔ̀bée, “Ilehián ání fě́lablí asón amóó íbéba ahá fě́ésó ámu. Ibéba ɔ̀má fě́é, ɔ̀blí ɔ̀tsan-ɔ̀tsan ablípu pú awíe fě́ésó, fě́ ali amóó Bulu lalé súná fú ámu!”

11

Adansifo Abanyó Amu

¹ Iní ɔ̀ma a, beha mí oyíá botɔ̀pósúsu ató. Móó Bulu-ɔ̀bɔ̀pu amu lébláa mi ɔ̀bée, “Kusu afuyosusú Bulu ɔ̀swékpa obu ámu pú afɔ̀die-asubwi amu, afukla inu asúmpó amu. ²⁻³ Táme másusúu nwnunsínésó amu mó. Si inu tswi, tsúfě Bulu lasi inu há ahá ání bomegyí Yudafɔ̀. Ali ahá ánfí bétatsáa wúlu wankíhé amusu tsra advana-nyo (42), igyi nke ɔ̀pím-ɔ̀kole lafa-anyo aduesie (1,260). Néha mí adansifo abanyó bédídá akpekke, há amó túmi, bēblí mí asón ání nalé súná amó nke ámuɔ̀to.”

⁴ Amógyí nfo-nyí anyo pú ɔ̀kandíe-nyí anyo amóó ilí Bulu, ogyi ɔ̀yí fě́ésó ogyípu amu ansító ní. ⁵ Ní ɔ̀ku ɔ̀bwé agywun ání obépilán amó á, ogyá bédali amó ɔ̀nó, hɔ̀ mu mó. Alí ɔ̀há ání odekléá obépilán amó obówu ní. ⁶ Bulu adansifo ámu bubu túmiá bétalí há nyankpu omóotswie nkeá bópoblí Bulu asón ámu fě́é. Bubu túmiá bétalí há ntsu kugyíku bédamlí obugya. Bétalí lé ason wunhe kugyíku é ba ɔ̀solóso brégyíbréá bodekle.

⁷ Ní adansifo ánfí beblí amó asón tá á, ɔ̀bwíkítá-atɔ̀ amóó ɔ̀tedáli tsu lán klúklúúklúá uma ɔ̀kato ámu ɔ̀bóko amó isá, gyí amósú, mó amó. ⁸ Amó afúli bédí amó wúlu yilé brɔ̀nɔ̀su. Botetí wúlu yilé ánfí be, “Sodom móa Egyipte.”* Inu beda amó Wie Yesu mántá oyikpalíhesu, mó ní. ⁹ Ahá bótsu abusuangyiabusuan, ɔ̀bligyiɔ̀blí, ɔ̀mágyíomá pú ɔ̀solóso ahá ɔ̀tsan-ɔ̀tsan fě́étó ba beki afúli amu nkensá móa ífon. Bóméha ɔ̀kpa abupula amó kóráá. ¹⁰ Bulu ɔ̀nósó atáípu abanyó ánfí bawú su ansí bégyi ɔ̀solóso atsiápu. Bégyi nke kɔ̀nkɔ̀nti, kíé aba ató, tsúfě Bulu ɔ̀nósó atáípu ánfí bawá amó ipian kɔ̀nkɔ̀ntita ku. ¹¹ Táme nkensá móa ífon ámu ɔ̀ma a, Bulu léha ɔ̀jé lelawíé amótó, belakúsó líí ayabisu. Mó su ifú lehu kítá ahá ání bowun amó. ¹² Inu Bulu ɔ̀nósó atáípu abanyó ámu bonu ɔ̀me kɔ̀nkɔ̀nti ku tsú ɔ̀sósú, ílebláa amó ɔ̀bée, “Mídu ba nfi!” Amó alupó ámu bolí bode amó kí, agyinde lotsu amó ya ɔ̀sósú. ¹³ ɔ̀solóso lékpínkí kpukpukpukpu ali bré ámuɔ̀to kén. Ní beye wúlu amóto idú á, iku kole fě́é lobwie bun ɔ̀solóto gbloo. Ahá mpím-sienó (7,000) bowu ɔ̀solókpínkí ámuɔ̀to. Ifú lehu kítá atráhe amu. Mó su bówa ɔ̀sósú Bulu numnyam.

¹⁴ Ason wunhe nyɔ̀osi latsɔ̀n, saasi srí íbá á.

* **11:8** Wúlu yilé ánfí dá onutó gyí Yerusalem. Bɔ̀pokápo Sodom móa Egyipte, tsúfě amó bwehé láláhe lehan aba.

Okpe Sienósi

¹⁵ Múú Bulu-òbòpò osienósi lófólí mu okpe. Inu òme akpònkpònti lèlun tsu òsósó bée, “Séi á, òyító iwíegýí lamí aní Wíe Bulu muà Kristo, (òhá ání Bulu ladá mu ofúli amú) klé. Obégyi iwíe bré fée!” ¹⁶ Inu ahande advanyò-na ámuú bɔtsie amó mbíásó Bulu ansító ámu fée bobun, súm mu, ¹⁷ blí bée, “Aní Wíe Bulu Otúmípu, adá fò ipán.

Fólétsiá, fòbu inu bré fée.

Tsúfè fapó fò túmi kpònkpònti ámu
fi fò iwíegýí asi!

¹⁸ Ómá-ómá benya òbló,
bré lafòn ání fò é fénya òbló.

Bré lafòn ání fégyi awupò asón.

Bré lafòn ání fòbwe yilé há fò asúmí, bogyí fò ònósó atóipú amú,
pó Bulu ahá ání bɔtenyá fò ifú,
nyebí pó ahande fée.

Bré lafòn ání fèhí ahá ání bamó ahá òyító fée.”

¹⁹ Inu befinkí Bulu òtswékpa kpònkpònti ámuú ibu òsósó ámu, bowun mu Ntam-dáka obu ámu. Inu nyankpò lówa ibí fwí bi. Odekpíe, òpráda deputí, òme òtsan-òtsan lèlun kóklókóú, òsolóú lekpiníkí; átsufolibíá igyi fè akwebí lèhúe kpá.

12*Ọtsi Amu Mva Bóti Amu*

¹ Inu osúna kpònkpònti ku lédalí òsósó. Nowun òtsi òkúá òdídí owí, mu ayabi yí òtsrasu. Obun owíepa, ntsrakpabi dúanyò ipan mósó. ² Ọtsi ámu dé òmé, ikwí de mu dwiín, odekikini, ode okitikítí ogyo obí ámu kwí.

³ Inu osúna bámbá letrá dalí òsósó. Nowun bóti kpònkpònkpònti òkúá òlepe, òbu nwun asienó pó nsiebí dú. Owíepa asienó bun nwun asienó ámu. ⁴ Ní beye ntsrakpabi féeétú aku asa á, bóti ámu lópu mu odú kíkí mla iku kole, òlebitía mu kpá beá òsoló. Ólú òtsi ámuú òmé de mu dwiín ámu ansító, méní òtsi ámu onyá kwí pé á, obótsu mu bi ámu mé. ⁵ Ọtsi ámu lókwí obiyímbi ání òbékpa ómá fée owuntòlinsu. Botsu kebi ámu ya Bulu wá, yéyáí mu obíásó. ⁶ Inu òtsi ámu lésrí yó dimbísó òtínéá Bulu lèla yáí há mu. Békí mu. nke òpím-òkole lafanyò aduesie (1,260).*

⁷ Inu, isá lèda òsósó. Bulu-òbòpò dehen Mikael muà mu aba abòpu bókò bóti ámu muà mu aba abòpu. ⁸ Táme bóti ámu muà mu abúòpu bometalí líí amó ònó, begya amó lè òsósó inu. ⁹ Inu bekpá bóti ámuú bɔtetí mu iwò dada amu muà mu abòpu beá òsoló. Mu bɔtetráa tí Bulu olupú ntée Satan pó òyító ahá fée òmlépu ní.

¹⁰ Inu nonu òme kóklókóú ku lèlun òsósó. Ilebí òbée,

“Séi gyí bréá Bulu òbóhò mu ahá nkpa ní!

Bulu òbòpu mu túmi gyi iwíe.

Mu Kristo, (òhá ámuú Bulu ladá mu ofúli amú) é òbéle mu túmi òwan.

Tsúfè bakpá òhá ámuú oletsíá lé aní Akristofò ulá ámu dá òsoló.

Ọbunsám méétrá ka asón dínká aní apíósó,

aní Bulu ansító é.

¹¹ Bapó Okúfabi amú obugya pó mu iwí adánsíe ámuú
begyi amú gyi mu. mu.

Bòmòdwe amó iwí dɔbídɔbí,

* 12:6 Nke òpím-òkole lafanyò aduesie (1,260) ání igyi nfinsa móa ifon.

su bomenya amó lowu kóráá ifú.

12 Iní su osósú pọ mlá mlibu ino fẹé
mlunya ansigyi.

Táme osólú mva ọpu,
mligyawí ní.

Ọbunsám laba mli wá ọblsọ,
tsufé alawun ání mu nke trá mọtsó.”

13 Bréá bótí ámu lówun ání bafin mu dá osólúsu á, ọlakusó kplá gya ọtsi ámóú ọlakwí ọbí ámu. 14 Táme beha ọtsi ámu oyitsu kpọnkpọnkpọnti abámba anyo, méní ọbétalí fúlí sí bótí ámu yó mu otsiákpá dimbísó ino. Bulu ọbékí musu ino nfinso móa ifun.† 15 Inu bótí ámu léfen ntsu tsunhe dáli mu ọnótó wólí ọtsi ámu ọma, méní ibékítá mu náti. 16 Táme osólú légyí ọtsi ámu buale. Ntsu ámóú bótí ámu léfen tsu mu ọnótó ámu fẹé lẹme wíé osólótu. 17 Inu bótí ámu lénya ọbls ọtsi ámusu, pọ mu ọbls gya mu abí atráhesu. Amógyí ahá ání botegyí Bulu mblasu, bude Yesu iwí adánsiẹ gyí a. 18 Inu bótí ámu lési ọda ọpu amu ọnó.‡

13

Mbwikítá-atọ Anyo Akọ

1 Iní ọma a, nowun ání ọbwikítá-atọ kpọnkpọnti ọku dédali tsu ọpu amọtu ọbá. Ọbu nwun asienó pọ nsiebí dú. Owíepa bun nsiebí ámu kugyíkọsu. Bowanlín dá ání ọlakusó líí Bulusu dínká nwun ámu kugyíkọsu. 2 Ọbwi ámu gyí fẹ dundu, táme mu ayabi lomóní, mu akuti bu iswí fẹ osírẹ ayabi, mu ọnó é igyi fẹ gyatá ọnó. Bótí ámu lópu mu túmí, iwíegyi pọ ọwunlín ku há ọbwi ánfí. 3 Nowun ání ọlọ kpọnkpọnti ku idin ọbwi ámu nwun asienó ámọtu kọlesu. Ọlọ ámu lomóní, ibétalí mó mu, táme ọleta, omowu. Ọlọwa ọyító ahá fẹé wánwan, bekplá buo mu. 4 Bosúm bótí ámu, tsufé alapó mu túmí há ọbwi ámu. Bosúm ọbwi ámu é, fité beẹ, “Ma lófún ọbwi ánfí? Ma ọbétalí líí kó mu?”

5 Bulu léha ọbwi ámu ọkpa ání ọblí abususú akpọnkpọnti pọkusú lu musu. Ọlẹha mu ọkpa ání ọbweé túmíla kugyíkọvá odeklé tsra advana-nyo (42), igyi nfinso móa ifun ámọtu. 6 Ọbwi ámu lóbwíí ọnó, blí abususú pọkpọí Bulu mva mu dá pọ ahá ámóú bọbu osósú, igyi mu otsiákpá amu. 7 Bulu léha mu ọkpa ání ọkọ Bulu ahá, ogyi amósó. Ọlẹha mu ọkpa ání ogyi iwíe abusuangyíabusuan, ọblígyíọbblí, omágyíomá pọ osólúsu ahá ọtsan-ọtsan fẹésó. 8 Ọyító ahá fẹé bọsum ọbwi ámu. Ahá ání bọmóosum mu gyí ahá ání bọwanlín amú adá wá Okúfabi amóú bọpohá igyi asa ọyí lebelin amu nkpa ọwolótó.

9 Ọhá ání ọbu asu onúu. 10 Ọhá ání ida yai ání békítá mu ndoun isátó a, békítá mu isátó, kpá mu náti. Ní ida yai ání ọku obésin ọdayí ọnó é á, ọdayí ọnó obésin. Iní su Bulu ahá bọtómí, abulu kinkín amú hógyito.

11 Inu netrá wun ọbwi ọku é lówọ dali osólótu. Ọbu nsiebí anyo fẹ okúfabi, táme ọlọtí fẹ bótí. 12 Ọbwi ánfí líí ọbwi gyankpapu amu ansító, ọlọyo mu agyómá kugyíkọ ọbwi gyankpapu amu túmító. Iní léha osólúsu atsiápọ fẹé bosúm ọbwi gyankpapu amóú ọlọ ledinká mu, ọleta, omowu ámu. 13 Ọbwi nyọọsi amu lóbwẹ osúna akpọnkpọnti. Ọlẹha ogyá lekpa tsú osósú beđa, ahá fẹé bowun. 14 Ọlọpu osúna amóú ọlbwẹ ọbwi gyankpapu amu ansító ámu mlé ọyító ahá ọbẹe, bọpwee ọkpi, ogyi fẹ ọbwi gyankpapu amóú bọwọ mu ọdayí iya anyo, omowu, ọtráa otsie nkpa ámu. 15 Bulu léha ọbwi nyọọsi anfi ọkpa ání ọwáa ọkpi ámu ọhẹ, fówun ibétalí tóí. Inu ọkpi ámu léha ọbẹe, bọmóó ahá ání bọmóosúm mu. 16 Ọlẹha ání bọhíe ahá fẹé nsu, amó gyọpí ọbisu ntẹe amó ọsọkpi; nyebí

† 12:14 Nfinso móa ifun igyi nke ọpím ọkọle lafa-anyo aduesie (1,260). ‡ 12:18 Iní bọ nwóló dada amu akoto: Inu nesi líí ọpu amu ọnó.

ahande, ahianfo mwa asikafu, nkpabi mwa iwí agyíró. ¹⁷ Jhaa méetalí fé toto ntée hɔ toto, nkéti ohá aní obwí ámu nsuhieto, igyi mu idá ntée ibi aní lú há mu idá din musu.

¹⁸ Iní léhián nyansa, méní fetalí nú ibi ámu asi. Ibi ámu lú há obwí gyankpapu ámu, igyi oyin oku dá. Ibi ámu gýí lafasie aduesie-sie (666).

14

Okúfabi Amu Mwa Mu Ahá

¹ Inu nelawun Okúfabi ámu líí Sionbusu. Ahá mpím lafakole advana-na (144,000) bolú mu wá. Okúfabi ámu mwa mu Si idá din amó osokpi. ² Inu nonu ome ku tsú osósó fé ntsu lábólá, idekpa yi, ntée opráda députí, ntée fé nsankuo tsotsotsɔ buɔɔɔda. ³ Buɔe lu papwe ku wa owíe obíá ámu, akiankpapu ana ámu pú ahande advanyo-na ámu ansító. Jhaa má inwá obétalí súan lu ámu osóló anifiso, nkéti ahá mpím lafakole advana-na (144,000) ámuó Bulu laho amó nkpa tsú osóló ámu nkole pé. ⁴ Alí ahá ánfí gyí ahá aní amó iwí letun, bumeyín ɔtsi, butobuo Okúfabi ámu ɔtínegyíótínéá ɔyó ní. Amó nwnusu iko áleka anyánpósa féétó, fé ató-abí gyankpapu há Bulu mwa Okúfabi ámu ní. ⁵ Botamawá afunu, alala koku é ima amó iwí.

Bulu-abɔpu Abasá Asun Blíhé

⁶ Inu nelawun Bulu-abɔpu okwá ɔna afútó, ɔde asun wankláán ámuó ibu nu bré féétó ámu. Obá bebláa ɔyító ahá, abusuangyíabusuan, oblígyíoblí ablíró, ɔmágyíomátó ahá pú ahá ɔtsan-ɔtsan. ⁷ Bulu-abɔpu ámu lókpɔn blí ɔbée, “Mlunya Bulu ifú, amliwa mu numnyam, tsúfé mu asóngyíbi lafun. Mlsum mu. Mólóbwe ɔsú mwa asi, ɔpu mwa ntsu féé!”

⁸ Bulu-abɔpu onyɔasi é lóbuo mu, beblí ɔbée, “Babilon labwíé. Wúlu yilé Babilon labwíé. Tsúfé Babilon lahá ɔmá-ɔmá banu mu mbuato-ntá aní itehá Bulu obló tókósó!”

⁹ Bulu-abɔpu saasi é búo amó, ɔdeblí ɔbée, “Ní oku lósum obwí ámu mwa mu okpi ámu, há ɔpu amó nsuhieto hie mu osokpi ntée mu ibi nso a, ¹⁰ alí ohá ámu obónu Bulu obló-ntá, bumefráa mú asa betséi mú wá Bulu obló-eweto ní. Bulu ɔbɔpu ogyá mwa atonkodu bíti mu isu, mu abɔpu wankíhé pú Okúfabi ámu ansító. ¹¹ Amó isubiti ogyá ámu ogyási bókusu yó osósó bré féétó. Alí ahá ámu gyí ahá ámuó bosum obwí ámu pú mu okpi, obwí ámu nsuhieto din amósó ámu ní. Iwí móolwíí amó ekekeke.”

¹² Iní só ilehián aní Bulu ahá bótomi líí kínkín, gyi Bulu mblasu, wá ɔnɔkwali há Yesu ní.

¹³ Inu nonu ome ku lótsu osósó ɔbée, “Wanlun tswí fee, ‘Ansí bégyi ahá aní bówu aní Wie agyómátó tsú séi pýal!’ ”

Bulu ɔhɛ ámu ɔbée, “Ee, ibu mótó. Ansí bégyi amó lélé. Béda ɔkpónú tsú amó ipian féétó, tsúfé amó bwehé wankláán bóbuo amó.”

Bulu Asóngyí Iwí Atowunhe

¹⁴ Inu neláki a, agyinde futútú ku ní. Jha okwá ogyi fé Nyankpusa-Mu-Bi ámu tsie agyinde ámusu. Obun sika pepe owíepa, ɔde tsuní kláklá ku. ¹⁵ Inu Bulu-abɔpu oku é lédali tsu osósó Bulu ɔtswékpa inu ba. Múó ɔlokpɔn bláa ohá ámuó otsie agyindeso ámu ɔbée, “Pú fú ɔdayí ámu tin ató-abí, tsúfé osóló ató-abí lapé yóí. Mú tɔnbí lafun!” ¹⁶ Mú su ohá ámuó otsie agyindeso ámu létunkí mu tsuní ámu, tin osóló ató-abí ámu féé.

¹⁷ Bulu-abɔpu oku é lédali tsu osósó Bulu ɔtswékpa obuto inu. Mu é ɔde tsuní kláklá ku.

18 Múó Bulu-òbòpù òkùá òbù túmí ogyá ámùsù é lédalí tsu afòdié-asubwí ámù así ba. Ìlòkplón bláa Bulu-òbòpù amóó òde tsuní ámù òbéé, “Pò fú tsuní amù ka wáun-abí ámù òkpítsa, tsúfè abí ámù ìlapé.” 19 Mò sù Bulu-òbòpù amù lótswí mù tsuní amù káka òsólòsù wáun-abí òkpítsa fèé, kpá wáun-abí ámù wá òtínéá bótényímé ntsu lé mótó. Iní ìlú há Bulu òbló. 20 Wúlu amù mmuátse benyímé wáun-abí ámù. Obugya lédalí mótó, idetsóon waa fé ntsu tsonhe. Mú iswító bóbwe máilí lafakule adukwe (180). Mú oklú é bóbwe ayabi anu.

15

Bulu-abòpù Pó Asòn Wunhe Asienó Tráhe

1 Inu nowun osúna bámbá kùá ìbù ifú, ìbù wánwan òsósó. Nowun ání Bulu-abòpù asienó bode asòn wunhe asienó ání Bulu òbòpòbití ahá isò asa ìkòntò bólwíí mù.

2 Inu nowun òpù kùá igyí fé ahòhwe, ìlèpè fé ogyá. Nowun ání ahá bulú mó ònó, bode Bulu nsankuo. Alí ahá ànfi gyí ahá ání bakó gyi òbwi gyankpapu amù mva mù òkpi ámù pò nsòhíe-ìbì ámóó ìlú há mù dá ámùsù ní. 3 Bode Bulu osúmbi Mose mva Okúfabi amù ìbù wa bée,

“Aní Wíe Otúmípù,
 fú bwehé bù ifú, ìbù wánwan.
 Fú bwehé fèé igyí ònòkwali, ìda òkpa.
 Owíeá mù iwíegýí tamamó ònó.”

4 Aní Wíe, ma oméenya fú ifú, wá fú numnyam?
 Tsúfè fú nkòle lówankí.
 Òma fèé bēba bosúm fú,
 tsúfè falé fú yilébwe òwan.”

5 Iní òma a, nekí òsósó, nowun ání Bulu òtswékpa obu, igyí tati-obu ámóó itosúná ání Bulu bñ amó wá ámù ònó ìya. Nowun mótó Òwankíkpá amù.

6 Nowun Bulu-abòpù asienó amóó bòpù asòn wunhe kpònkpònti asienó bá amù. Bèdalí tsu Òwankíkpá inu. Bòwa òhráda atadíeá ìlówankí, ìde ogyá kpa, bòpù sika pèpè òfé tsán. 7 Akíankpapu ana ámùtò òkòle léha Bulu-abòpù asienó ámùtò okugyíòkò sika blanwébi ání Buluá òbù inu bré fèétsò òbló ìbù mó dèdédédé.

8 Bulu numnyam pò mù túmí léha ogyási lòbulá Bulu Òwankíkpá inu fèé. Óhaa métalí bitíwíé mótó, yòfòn bréá Bulu-abòpù asienó ámù batséí asòn wunhe asienó ámù fèé wólí òsólòsù.

16

Bulu Òbló Ablanwébi

1 Inu nonu òmè kpònkpònti kùá ìlèdalí tsu Bulu Òwankíkpá inu. Ìde abòpù asienó ámù bláa òbéé, “Mhíyò, amhíyètseí Bulu òbló ablanwébi asienó ámù wólí òsólòsù.”

2 Mú sù òbòpù gyankpapu lédalí tsu Bulu òtswékpa inu yetseí mù klè wólí òsólòsù. Inu ahá ámóó òbwi ámù nsòhíeá ìdin amósó, bode òkpi ámù sum ámù ìwí létsítsí ìlò akpònkpònti, ìde amó òwíín.

3 Òbòpù nyòsù létséí mù klè wá òpùtò. Òpù amù lémlí fé fúli obugya. Tógyítáá òbù òpù amùtò lówu.

4 Òbòpù sáásí létseí mù klè wá ntsu tsonhe pò abònkpabi fèétsó. Mú fèé ìlemlí obugya. 5 Inu nonuá Bulu-òbòpùá òtekí ntsusù lébláa Bulu òbéé, “Óò Òwankípá fùbù inu bré fèé. Fú asón da òkpa ání fabítí amó isò alí. 6 Tsúfè bamó fú ònósó atáípó pò fú ahá, tséí amó obugya wólí òsólòsù. Mú só fahá bapó obugya há amó

fée, bɔnúu ni. Inu lékanáa ha amó ní.”⁷ Inu nonu ɔme kwá ledali tsu afɔdi-asubwí ámu así ɔbéé, “Ee, aní Wíe Bulu Otúmípu, fú isubiti igyi ɔnɔkwali, ida ɔkpa.”

⁸ Múó ɔbɔpu náási létseí mu kle wólí owí. Mú su owí ɔnó lɔwa ɔnlɔ, ileha mú ide ahá tɔ fé ogyá. ⁹ Owí ámu ilɔtɔ okugyíɔku. Bulu búu túmi asun wunhe anfi féesú, táme bekiná bumedamli klɔntɔ; pówá mu numnyam, mboún lwíi bɔlwí mu.

¹⁰ Onuusí létseí mu kle wólí ɔbwi ámu owíe obiású. ɔbwi ámu iwíe ogyíkpa fée iloklun. Iwiasun su mu abúɔpu amu bɔwi amó ɔdandu. ¹¹ Táme bekiná bumedamli klɔntɔ sí amó lalahé amu fée bwe. Mboún bɔlwí ɔsósú Bulu, iwiasun amó budewúun amu su.

¹² Osiesí létseí mu kle wá ntsu yilé Efratetɔ. Ntsu ámu fée ilekpi lé mú ɔbóntɔ. Inu léla ɔkpa há awíeá botsú owí ɔdalikpa pó amó isá akɔpó bétali tsun ba un.

¹³ Inu nowun ɔhe lalahé asa akwá bɔgyi fé agyóngyo, bedali tsu bóti ámu ɔnótɔ, ɔbwi ámu ɔnótɔ pú ɔnósú ɔtɔpó ofunupu amu ɔnótɔ. ¹⁴ ɔhe lalahé anfi búu túmi bwé osúna akpɔnkpɔntí. Botsun ɔsulósu awíe féesú, méní békpa amó fée wá abatɔ, béba bɔkɔ aní Wíe Bulu Otúmípu isá eke yilé ámuó igyi mu asón ogyíké amu.

¹⁵ Aní Wíe ɔbéé, “Kí, néba fé owikplu. Bulu obóyulá ɔhá aní ɔleda iwísu, alalá mu atadie yáí, méní ɔméenatí yayá, péli méekítá mu.”

¹⁶ Múó ɔhe lalahé amu bekpá awíe amu yéfiá ɔtunekwá botetí unu Hebrifɔ ɔblítɔ beé, “Harmagedon.”*

¹⁷ Inu Bulu-ɔbɔpu siénási létseí mu kle wá afútɔ. ɔme kóklókóó ku ledali tsu Bulu ɔswékpa unu owíe obiá ámuɔ ɔbéé, “Ilatá!” ¹⁸ Inu nyankpu lɔwa ibi fwí bi. Odekpie, ɔpráda deputí. ɔme ɔtsan-ɔtsan lelun kóklókóó, ɔsulóu lekpinkí kpunkí kwá mú odu imákwá kɔ tsú bréá ahá belun ɔyítɔ ɔpá. ¹⁹ Wúlu yilé Babilontɔ léye asa. Awúlu yiléá ibu ɔyítɔ fée ilobwiebwíe. Inu Bulu lékain Babilon lakpan féesú, ɔbpu mu ɔbló kpɔnkpɔntí ewetá-ntá ámu há mu olonu. ²⁰ ɔpu nsiné ɔsulóu kugyíku lófwi, abu é fée ilerja. ²¹ Atsufolibi akpɔnkpɔntíá mú odwintɔ bɔbwe fé kílo aduenu (50) lekpa tsú nwlóbtáasu beda ahásu. Atsufolibi amu ɔnó ɔnlɔ su bɔlwí Bulu.

17

Obu-ɔnó Otsiápú Kpɔnkpɔntí Amu

¹ Inu Bulu-ɔbɔpu abasiénó ámuó bekitá ablanwébi ámuɔ ɔkule léba bebláa mi ɔbéé, “Ba, ansuna fú alíá bréá Bulu ɔbébití obu-ɔnó otsiápú kpɔnkpɔntí ámuó otsie ntsu tsɔtsɔtsɔsu ámu isu. ² Mwa ɔyítɔ awíe fée batɔ mbwa. ɔyítɔ ahá fée banu mu mbwatɔ-ntá bú.”

³ Inu ɔhé ámu léba misu, Bulu-ɔbɔpu amu lótsu mí ya dimbísú. Nowun ɔtsi ɔku tsie ɔbwikítá-ato pepɛ ɔkusɔ unu. ɔbwi ámu bu nwun asienó pú nsiebi idú. Bɔwanlín adá aní ulókusú líí Bulusu dínká mu iwí féé. ⁴ ɔtsi ámu lɔwa atadieá igyi faasu ntsu mwa pépe. ɔlɔwa abutó wulhe ɔtsan-ɔtsan, ɔde sika pepɛ owebi mu gyɔpítɔ. Akisítɔ pú mu obu-ɔnótsiá ifin lɔbulá mú dédéédé. ⁵ Bɔwanlín idá kwá mú así lerjain dínká mu ɔɔkpɔ beé, “Wúlu yilé Babilon, obu-ɔnó atsiápú fée oyín. ɔsulósu akisítɔ fée owíe.” ⁶ Nowun aní ɔtsi ámu lanu Bulu ahá obugya bú. Ahá anfi bɔmu Yesu iwí adánsiegyí su ní.

Bréá nowun mu a, ɔnó lobwie mí. ⁷ Múó Bulu-ɔbɔpu amu léfité mí ɔbéé, “Ntogyi ɔnó labwíé fú alí? Néle asun nainhéá ibu ɔtsi ámu mwa ɔbwikítá-ato

* 16:16 Harmagedon así gyí, Megidobu. Bɔkɔ isá tsɔtsɔtsɔ ibu ánfísu.

amóó ɔbu nwun asienó móa nsiebí dú ámu así súná fú. ⁸ Ɔbwi amóó fowun amu latsiá kí. Ɔtráa ɔma unu séi, ɔbélaba. Táme imóɔwa ɔpá ɔbédali tsu idán klúklúúklú amóó ima ɔka ámuɔ yó ɔhúkpá. Ɔsulósu atsiápó amóó Bulu mówanlín amó adá wá nkpa ɔwulɔ amóɔ tsú bréá ɔyí lefi así ámu ɔnó bóbwie amó, tsúfɛ bowun ání ɔbwi amóó oletsíá, ɔtráa ɔma unu ámu lalá bá.

⁹ “Iní léhián nyánsa ání bópɔntí mó así. Nwun asienó ámu igyi abu asienó* ání ɔtsi ámu dé iwíe gyí mósó. ¹⁰ Nwun asienó ámu ulí há awíe asienó é. Abanú bawú bɔtsun, osiesí tsíe obiásó séi á. Osienósi mókónyá ba. Ɔbá á, bré kpalobí ku pé obétsiá. ¹¹ Owíe okwesí gyí ɔbwi amóó oletsíá, ɔtráa ɔma unu séi ámu. Abasiénó amóɔ ɔkule ogyi. Mu é ɔbéhí fɛ mu aba ámu.

¹² “Nsiebí dú amóó fowun amu igyi awíe idú ání bumókónyá tsíá obiásó. Táme béyai amó mbiásó amó iwíe ogyíkpá. Amóá ɔbwi ámu bégyi iwíe bré itinbí. ¹³ Amó fɛé bóbwie agywun kule, pó amó túmi há ɔbwi ámu. ¹⁴ Amóá ɔbwi ámu bókó Okúfabi amu, táme Okúfabi amu obégyi amósó, tsúfɛ mɔgyí asító Ɔsí pó awíeto Owíe ní. Mu abúɔpu gyí ahá amóó Bulu latí amó, lé amó, bɔbu ɔnokwalí há mu amu.”

¹⁵ Inu Bulu-ɔbɔpu amu lébláa mi ɔbé, “Ntsu tsɔtsɔtsɔ amóó fowun ání obu-ɔnó ɔtsiápó ámu tsie mósó ámu ulí há ɔmá-ɔmá pó oblí ɔtsan-ɔtsantó ahá. ¹⁶ Nsiebí dú amóó fowun ɔbwi ámu nwunso ámu é ulí há awíe idú ání mua amónyɔ bégyi iwíe. Amó fɛé bólu obu-ɔnó ɔtsiápó ámu, swíi mu ató fɛé, lé mu yayá, wí mu aye, wá tráhe ogyá, íbóhó plíplíplíplí. ¹⁷ Tsúfɛ Bulu lópu agywun ání wá amó fɛé nwunso, méní bóbwie mu apé. Amó fɛé bópu amó túmi há ɔbwi ámu, yɔfɔn bréá Bulu asón ámu fɛé íbéba mótó.”

¹⁸ Inu Bulu-ɔbɔpu amu létrá bláa mi ɔbé, “Ɔtsi amóó fowun atowunhe amóɔ ámu gyí wílu yiléá ide ɔsulósu awíe fɛésó gyí ní.”

18

Babilon Bwie

¹ Iní ɔma a, netrá wun Bulu-ɔbɔpu ɔko é dékplí tsú ɔsósó ɔbá. Ɔbu túmi kɔnkɔnti. Mu numnyam dewankí wólí ɔsulósu. ² Ɔlɔkplón kóklókúú ɔbé, “Babilon labwíé! Wílu yilé Babilon labwíé! Ilamli ɔhe laláhe ɔtsan-ɔtsan fɛé ɔɔɔɔkpá. Ilabwé isia há mbubwi laláhe pó mbwikítá-ato laláhe fɛé. ³ Tsúfɛ alapó mu mbwat-ntá ámu dá ɔmá-ɔmá fɛé ɔnó. Mba ɔyító awíe fɛé bató mba. Ibíá agyípó fɛé banyá iwí tsú nkpa amóó olegyi amóɔ.”

⁴ Inu nelanú ɔme ku tsú ɔsósó ɔbé,
“Mí abí, mlíle iwí le mótó!

Mlímáwa ibi mu lakpan amóɔ,
méní mu ason wunhe amu ku méeba mlísu.

⁵ Tsúfɛ mu lakpan lawó nwulótáa.

Mó su Bulu lakáín mósó.

⁶ Pu mu lalahéá alapógyí fú ahá ka mu íkó.

Pu mu bwehé ka mu íkó tsenyɔ-tsesa.

Ɔlɔpu nta kpekplé há ahá bonu.

Mó su pu móa íbu ɔnlín don mó aku anyɔ ha mu onu.

⁷ Alagyi ɔdwe laláhe, tsú iwí dɔbí.

Mó su pu iwí ɔson móa ason wunhe ka mu íkó séi.

Ɔtebláa mu iwí ɔbé,

“Owíe tsihé ngyi, ntsie mí obiásó.

Megyí ɔɔrapu ngyi, mmóɔwa nwe ekekekeke!”

⁸ Mó su ason wunhéá igyi akón, isú pó lowu bótu mu ekewóle pé.

* 17:9 Abu asienó ánfiso Roma wílu idn ní.

Bówa mu ogyá, ɔ́bóhɔ plíplíplíplí,
tsúfɛ Otúmípu aní Wíe Bulu gyí. Múdɛ mu ɪsu bití.”

⁹ Ɔsulɔ́su awíe amóu muɔ amónyɔ bɔtɔ mbua, begyi ɔdwe laláhe amu bówun mu ogyási, su kpisií. ¹⁰ Mu ipian amóu odewúun amu ɪbówa amú ifú. Mú su béhí tsútsúútsú blí beɛ, “Gyɔwí ní! Babilon gyɔwí ní! Wúlu kpɔnkpɔnkpɔnti, nkálí su Bulu labítí fú ɪsu ɔtsáwɔle pé alí!”

¹¹ Ɔyítɔ bíá agyípó bósu, gyi awirehɔ, tsúfɛ ɔhaa trá ɔma uná ɔbóhɔ amú atɔ fehé. ¹² Mólétsiá hɔ sika pɛpɛ pɔ sika futútú atɔ, abwi wankláán pɔ abutɔ wɔlɪhe, ɔhráda, ago, sríkí atati pɔ atati pɛpɛ, nyiá ɪbu ɔfan, atáá bɔpu súrɔfɔ-ɪse bwé, múá bɔpu nyiá ɪbu ɪbíá sré, pɔ múá bɔpu kɔ́ɔbrí múá dátɔ pɔ abwiá ihíe bu akíle aná féé bwé tsɔtsɔtsɔ tsú amú wá. ¹³ Oletsia hɔ amú pípri, ɔhíén, ohuam, apɔse, ntá, olif-nfɔ, nfúu wankláán, ayɔ, nnantwiese, akúfa, mpɔnko, akéké, tsia hɔ ahá nkɔ́bí kóráá.* ¹⁴ Bósu blí beɛ, “Ntóbí amóu futekle amu féé ladálí fú ɪbi. Atɔ amóu fútɔpɔwá bite amu féé lahólí fú. Fómétrá wun mú ekekekeke!” ¹⁵ Bíá agyípó amóu batsɔn muɔsu nyá ɪwí amu féé béhí ɪfɔntɔ, tsúfɛ bɔde ifú nya aní bówun mu ɪwɔsin amu odu. Béki mu ipian amu, su gyi awirehɔ! ¹⁶ Béblí beɛ, “Gyɔwí ní! Wúlu yilé, gyɔwí ní! Teki fɔhíe fɔbu akíle. Atati futútú múa pɛpɛ pɔ ago futédídá. Sika pɛpɛ atɔ múa abutóá ɪde ogyá kpa srasrasra fɔtɔwá. ¹⁷ Atonyahé tsɔtsɔtsɔ aní féé lahólí fú ɔtsáwɔle pé!”

Ntsusu-yibi akanpɔ, mú ahande pɔ mútɔ agyómá ayɔpɔ pɔ ɪbíá agyípó féé bówa ɪfɔ mu wá. ¹⁸ Ní bowun mu ogyási amu a, bósurá okitíkítí beɛ, “Wúlu mɔmu lɔ́fɔn wúlu aní ɔyítɔ féé?” ¹⁹ Békpá ɪsɪ wá nwuntɔ, gyi awirehɔ, blí beɛ, “Gyɔwí ní. Wúlu yilé, gyɔwí ní! Fú nyatɔ aní ntsusu ayibi awíe féé anilanyá ɪwí tsú. Fú ɪwɪsu atɔ féé lahí ɔtsáwɔle pé!”

²⁰ Ɔsósú atsiápu féé, mlɪnya ansigyí. Bulu ahá, mu sumbí ayɔpɔ pɔ mu ɔnósú atɔipú féé, mlɪnya ansigyí. Tsúfɛ Bulu lagyi mu asún, bití mu ɪsu, itɔ amóu alapúgyí mlí amu su.

²¹ ɪnu Bulu-ɔbɔpu ɔwɔnlínpu ɔku lótsu ɪbwi kpɔnkpɔnti ku, tsɔwí wa ɔputɔ. Múu ɔleblí ɔbéɛ, “Alí Bulu ɔbɔpu ɔblí bwíe wúlu yilé Babilon, ɔhaa méétrá wun mú ekekekeke ní. ²² Ɔhaa méétrá nu ɔsankuo adapɔ, ɪu awapú, ɔtɛntɛ afulípú pɔ ɪkpe afulípú nka wúlu amutɔ ekekekeke. ɪbi ɔnɔ agyómá kɔkɔkɔ é ɪméétrá tsia ɪnu. Bómétrá kwe nfúu ɪnu ekekekeke. ²³ Ɔkandíe kɔku méétrá wankí wólí ɪnu, ɔhaa é méétrá nu okúlu múa ɔká pɔpɔwe ɔme ɪnu ekekekeke. Tsúfɛ teki mu ɪbíá agyípó gyí aha kpɔnkpɔnti ɔyítɔ ní. Alapú mu atála mlé ɔyítɔ ahá féé, há bafwí!

²⁴ “Babilon brɔnusu Bulu ɔnósú atɔipú amu obugya ɪbun. Mólómɔ Bulu ahá ɔyítɔ féé ní.”

19

¹ ɪnu féé ɔma a, nonu ɔme kúá igyi fé ɔɔm aní bɔdeklɔ́n kɔklókúú ɔsósú. Bɔdeblí beɛ, “Halelúia!”* Aní Bulu tɔhɔ ahá nkpa. Mu nkɔle bóu túmi múa numnyam, ² tsúfɛ mu ɪsubítí igyi ɔnɔkwali, ɪda ɔkpa. Alabítí okipó kpɔnkpɔnkpɔnti amóu ɔɔpu mu obu-ɔnɔ tsia yíntá ɔyítɔ amu ɪsu, alafítɛ mu asúmpú obugya tsú mu wá.” ³ Bɔtráa bɔdeklɔ́n kɔklókúú beɛ, “Halelúia! Wúlu amu ogyási lakósú yɔ ɔsósú bré féétó!” ⁴ ɪnu ahande adwanyɔ-na amu pɔ akiankpapu ana amu bemlí bun sún Bulu amóu ɔtsie owíe obíá amusu, blí beɛ, “Amen! Halelúia!”

Okufabi Amu Ɔká Otsiáke

* **18:13** ahá nkɔ́bí ntée anyánkpɔsa-oyí múa akláa. Kanfɔ aní Wíe Bulu!

* **19:1** Halelúia igyi Hebrifɔ ɔblí. Mú así gyí,

5 Inu ome ku lelin tsú owíe obiá ámuṭo obée, “Mli Bulu asúmpóá mli tenyá mu ifú, nyebí ahande fée, mli kanfu aní Bulu ámu!” 6 Mú ome a, ome tsotsotsó lelin, fé ntsu bóláhé détsóon waa, ntée oprađa deputí kóklókóú obée, “Halelúia! Aní Wíe Bulu Otúmípu amu dé iwíe gyí. 7 Mliha anya ansigyí, iwí isankí aní, awa mu numnyam! Tsúfé Okúfabi amu óká otsiáke lafun. Mu ka ámu lahíhíe iwí tá.” 8 Beha mu okpa bee, owáa ohráda atadiéá ilowankí, ide ogyá kpa. (Ohráda atadie ánfí ilí há Bulu ahá yilébwé.)

9 Mú Bulu-obopu amu lébláa mi obée, “Wanlin fee, ‘Bulu layúlá ahá aní alati Okúfabi amu okátsiá nke ámu asi.’ ” Mú oetrá bla mi obée, “Asón ánfí igyí onkwali, Bulu wá itsú.”

10 Inu nemlí bun mu ayabito, mbée ansum mu, táme oelbláa mi obée, “Mábwe! Tsúfé Bulu osúmbi ngyi fé fóa fú apíó ámuṭo mli dé Yesu iwí adánsie gyí amu. Sum Bulu nkwle pé!

“Tsúfé ahá ámuṭo bode Yesu iwí adánsie gyí amu bobu Bulu onósó asónblí oné.”†

Opnko Futútúsó Odinkápó

11 Inu móá nówun a, osúsó lafinkí. Neláki a, opnko futútú oku líí á! Músu odinkápó amu idá gyí, “Yilé Obwepó pú Onkwali pu.” Otegyi asón, otókó isá é onkwali su. 12 Mu ansibi aklambi igyí fé ogya plenplen. Owiepa tsotsotsó ibun mu nwun. Obu dá kuá bowanlín dínká músu, ohaa méyín mó tsia muto. 13 Olwa ligá aní bowa mú obugyato. Mu idá gyí, “Bulu Asón.” 14 Osúsó isá akopó budin mpnko futútúsó. Bowa ohráda atadiéá ilowankí, ide ogyá kpa bobuo mu. 15 Odayí iya anyo kláklááklá ku ledali tsu mu onó. Mú obópúsáín omá-omá bun ni. Obópu owuntəlin kpá amó. Bulu Otúmípu amu oblí kponkponti ámu obópunyímé amó fé alíá butenyímé wáin-abí. 16 Idá aní bowanlín dínká ohá ámuṭo adin opnko futútú ámu atadiesu pú mu obiánsó gyí, “Asító Osí, Awíeto Owíe.”

17 Inu nowun Bulu-obopu oku líí owító. Oklplón kpoli mbubwi aní bəna afutó fée obée, “Mliha! Mlibefia Bulu opónú kponkponti ámuṭo alatswí ha mli ámu asi!

18 Məni mlégyi awíe, isá onó alípu, isá akopó akinkín, mpnkwəsu adinkápó pú amó mpnko, oytító ahá, iwí agyípu, nkpábi, nyebí pú ahande fée aye.”

19 Inu nowun aní obwikítá-ato amu mwa osulósu awíe pú amó isá akopó fée bekpa aba boyóko opnko futútúsó odinkápó amu mwa mu isá akopó. 20 Táme begyi obwikítá-ato amusu, bekítá mwa mu onósó otáipó amóú otəbwé osúna akponkponti mu idátó ámu. Ofúla amu obpumlé ahá ámuṭo obwikítá-ato amu nsohieto din amósó, butosúm okpi ámuṭo bəpwe lian obwi ámu ni. Bətswí obwi ámu mwa mu onósó otáipó amu wá ogyá paati kponkpontiá ogyá mwa atonkodu ihé detsíí mótó. 21 Opnkwəsu odinkápó amu ləpu odayí iya anyo ámuṭo ledali tsu mu onó ámu mó isá akopó atráhe amu fée. Mbubwi amu begyi amó aye plíplíplí.

20

Bəwa Obənsám Ikan Nfi Opim

1 Inu nowun aní Bulu-obopu oku lékplí tsú osúsó. Ode lán klúklúúklúá uma oká sáafi pú ikan kponkponti ku. 2 Oklétá bótí, ogyi iwə dada amóú botetí mu Obənsám ntée Satan amu, obəwa mu ikan nfi opim-okule. 3 Oklətswí mu wá lán

† 19:10 Ntée Onkwali amóú Yesu lébele owan ámu téhá ahá botetáli blí Bulu asón ámu ni.

klúklúúklú ámutò, fin mó, wá mó onò sáafi, méní Ọ̀bunsám mée trá talí mlé omá-omá ámu. Nfi ọ̀pím ámu oma asa béle mu kpalobi.

⁴ Mó oma a, nowun awíe-mbiá kv. Ahá ámuó bahá amó ọ̀kpa ání bégýi asón ámu bọtsie mósó. Nowun aha akw ọ̀kláa. Amógyí ahá ání betin amó Yesu iwí adánsiegyí pó Bulu asón ọ̀kanda só ní. Amó kén gyí ahá ámuó bọmotsulá sùm ọ̀bwikítá-atò amu ntée mu ọ̀kpi ámu, bọmotsulá abọppu mu nsohietò dinka amó ọ̀sọkpi ntée amó ibasu ní. Bulu léha amó bẹtsinkí, amóa Kristo begyi iwíe nfi ọ̀pím-ọ̀kole amuto. ⁵ Amó Bulu légyankpá kósóa tsú afúlitò ní. (Awupó atráhe bọméetsinkí, nkéti nfi ọ̀pím ámu ọ̀latsón.) ⁶ Bulu lóyulá mu aha agyankpapu amó ọ̀lọkósóa tsu afúlitò amu. Amó mó á, lowu nyọ́sì amu ima amósó túmí. Bóbwe igyí ahapó há Bulu mva Kristo, mva amúnyo bégýi iwíe nfi ọ̀pím-ọ̀kole amu.

Satansv Gyl

⁷ Nfi ọ̀pím ámu oma a, béle Satan obu. ⁸ Ọ̀bédalí yémlé omá-omá ání bọbu ọ̀yí afunka ana, igyí Gog mva Magog amu, méní ọ̀békpa ahá tsotsọ́tsọ́a boma iklátò buo iwí ya isá. ⁹ Nowun ání benatí tson ọ̀yítò fée, káfia Bulu ahá pó amó wúlu yiléá Bulu tekle, táme ogyá lekpa tsú ọ̀sósó bẹhi amó akọ́pó fée plíplíplíplí. ¹⁰ Inu bọtswi Ọ̀bunsám ámuó ọ̀lemlé amó ámu wá obu áni ogyá mva atonkodu detsii mótò plenplenplento. Mva ọ̀bwikítá-atò amu pó mu onósó atọ́pó afunupu amu bẹtsiá iwíesintò ọ̀pa onyé bré féeftò.

Asóngyí Tráhe

¹¹ Inu nowun owíe obiá futútú kpónkpóni kwá ọ̀ku tsie mósó. Nwólótáa mva ọ̀sulób besrí sí mu, táme bọmenya ọ̀jaínkpá. ¹² Nowun awupó, nyebí ahande bwi owíe obiá ámu ansítò. Bobwii nwólótò tswi. Bobwii nkpa ọ̀wolò ámu étò tswi. Inu bọpp tóá nwólò ámu ọ̀leblí tsú awupó ámu bwehé iwí gyí amó asón. ¹³ Ọ̀pp léle awupóá bọbu mto ba. Lowu mva afúlitò é bele amóa bọbu amótò ba. Bulu légyi okugyíáku asón mu bwehé onó. ¹⁴ Inu bọtswi lowu mva afúlitò fée wá ogyá áni itamaduntò. Iní gyí lowu nyọ́sì ní. ¹⁵ Bọtswi ọ̀hagyíọ̀ha áni bọmowun mu idá nkpa ọ̀wolò ámutò é wá ogyá ámutò.

21

Ọ̀sósó Mva Ọ̀sulób Pọ́pwe

¹ Inu nowun ọ̀sósó mva ọ̀sulób pọ́pwe, tsífé ọ̀sósó mva ọ̀sulób gyankpapu amu ọ̀tráa ma inu. Ọ̀pp é ọ̀tráa ma inu. ² Múu nowun wúlu wankíhé, igyí Yerusalem pọ́pwe amu, ọ̀dekplí tsú Bulu wá ọ̀sósó ọ̀bá. Bulu léhúhé mó fé ọ̀tsiá bawá mu ató wankláán, oyéfia mu kulu. ³ Nonu ọ̀me kpónkpóni kwá ọ̀lelin tsu owíe obiá ámu así ọ̀bée, “Kí! Séi mó á, Bulu ọ̀tsiákpá laba anyánpósato. Obétsiá amótò, bóbwe mu ahá. Mu onutò obétsiá amótò, ọ̀bóbwe amó Bulu. ⁴ Obétsitsii amó ntsú fée. Lowu ntée isú ntée ipian ntée ason wunhe koku é imée trá tsiá, tsífé atò dada amu fée ọ̀latsón.”

⁵ Múu owíe obiású ọ̀tsiápó amu ọ̀leblí ọ̀bée, “Kí, nde tógyítò bwe pọ́pwe.” Múu ọ̀lelablára mi ọ̀bée, “Wanlin asón áni tswi, tsífé mó fée ọ̀bu mótò, igyí onọkwali.” ⁶ Múu ọ̀letrá bla mi ọ̀bée “Nabwé mó fée tá. Mígyí Alfa mva Omega, Ogyankpapu mva Ọ̀tráhe. Néha ọ̀há áni ọ̀mewóli de mu nkpa-ntsu, ọ̀méeska mó ọ̀ku. ⁷ Nọ́pp oyúla áni há ọ̀há áni olegyi isu. Nóbwe mu Bulu, mó é ọ̀bóbwe mí bí. ⁸ Táme afúpóá beyinkí mí oma, ahá áni bọmọ́họ mi gyi, mbusuo abọ́pó, ahá amọ́pó, mbva atọ́pó, ató alapó, ọ̀kpi atswéppu pó afunupu fée ọ̀tsiákpá gyí ogyá paati kpónkpóni, ogyá mva atonkodu ihé detsii mótò. Iní gyí lowu nyọ́sì amu ní.”

Yerusalem Pọ́pwe

9 Inu Bulu-abɔɔpu abasiénó á múó bɔde ablanwé asienó á múó asɔn wunhe asienó tráhe ibo mú á múto ɔkɔle léba bebláa mi ɔbéé, “Ba, ansuna fú ɔtsiá Okúfabi amu ɔbá betsiá.” 10 Inu ɔlekpa mí Ɖhétó ya ibu fɔáhé kpɔnkpɔnkpɔnti kɔsu, olosuna mí Yerusalem wúlu wankihéá idekplí tsú ɔsósú Bulu wá íbá. 11 Bulu numnyam dewankí wólí wúlu á músu, ihíé dewankí húnánááná fé atsufolibi, ide ogyá kpa fé ahɔhwéá mú ansító lowankí. 12 Bɔɔpwe buntii trihe fɔáhé kɔ bómlí mú, ibu aklɔn akpɔnkpɔnti dúanyɔ. Bulu-abɔɔpu dúanyɔ bɔde aklɔn á mú ɔnó gyɔ. Bɔwanlín Israel abusuan dúanyɔ á mú adá dínká aklɔn amusu ikɔle-kɔle. 13 Aklɔn asa bu owí ɔdalíkpa. Asa bu owí ɔkplíwíékpa, asa bu ɔsósú, asa é bu ayasi. 14 Beyi buntii amu dínká abwi yílélíé dúanyɔsu. Bɔwanlín Okúfabi amu sumbí ayɔɔpó amu adá dínká abwi á músu ikɔle-kɔle. 15 Bulu-abɔɔpu á múó ɔde mí asón bláa amu dé sika pepe oyíá butɔpúsú ató. Ɖbɔpúsú wúlu amu, mú abuntii pó aklɔn á ní ilobomlí mú féé. 16 Wúlu amu swító pó mú teító féé igyi kékéé. Bréá olosusú mú á, mú swító, mú teító pó mú fɔátó féé igyi máli ɔpím-ɔkɔle lafana (1,400). 17 Inu olosusú buntii amu trító é. Igyi ayabi lafanyɔ múa dúasie (216), nyankpɔsa atosusúhe ɔnó. 18 Abwiá igyi fé ahɔhwé bɔpɔpwe abuntii amu. Bɔpu sika pepeá tɔto mefráa mú, igyi fé gláasi ntse wúlu amu. 19 Bɔpu abwiá ibu bíá ɔtsan-ɔtsan dúanyɔ wá abuntii amu ntswasi. Abwi á mú adá gyí, yaspa, safiri, agate, emerad. 20 Onik, kanelia, krisolit, beril, topas, krisopas, yasint pó ametiste. 21 Abutó wɔlɔhe fútútú wankláán dúanyɔ bɔpɔbwe aklɔn amu. Iklɔn amu kugyíku igyi butóbi fútútú kɔle. Sika pepeá tɔto mefráa mú, igyi fé gláasi bɔpɔwá abrɔnu wúlu á múto. Fétalí kɔ tsɔn mótó.

22 Mmowun Bulu ɔswékpa kɔkɔ wúlu á múto, tsúfé Bulu Otúmípu amu múa Okúfabi amu gyí Bulu ɔswékpa inu. 23 Wúlu amu imehián owí ntée ɔtsra wankí mótó, tsúfé Bulu numnyam tɔwánkí há mú, Okúfabi amu é gyí mú ɔkandíe. 24 Ɖmá-ɔmá bénatí wúlu amu wankító. Ɖyító awíe é bɔpu á mú numnyam ba mótó. 25 Bɔméesin mú ɔnó aklɔn, tsúfé oklún ma inu. 26 Ɖmá féé bɔpu á mú numnyam pó á mú obú ba mú. 27 Tógyítáá mú iwí metin, mbusuo abɔpó ntée afunupu bɔmóowíe wúlu á múto, nkéti ahá á múó bɔwanlín á mú adá wá Okúfabi amu nkpa ɔwólótó amu nkɔle.

22

Nkpa-ntsu Tsohhe

1 Inu Bulu-abɔɔpu amu losuná mí nkpa-ntsu á múó ilɔwankí fé ahɔhwé á mú. Idetsɔn tsu Bulu múa Okúfabi amu owíe obíá á múto. 2 Ntsu á mú ina brɔnu yiléá ida wúlu amu nsiné. Nkpa-oyí líú ntsu á mú agbemgbe anyɔ á músu, itoswíe abí ɔtsan-ɔtsan ɔtsragyíɔtsra. Itoswíe tsé dúanyɔ ofi ɔkɔletó. Mú afitáa é igyi afá há ɔmá féétó ahá. 3 Tógyítáá Bulu lalwí mú méetsiá wúlu á múto.

Mboún Bulu múa Okúfabi amu owíe obíá obétsiá inu, mu asúmpó bósum mu. 4 Bówun mu ansító, mu ídá é bédínká á mú ɔsɔkpi. 5 Owí méétrá ta inu ekekeke. Búmétrá híán ɔkandíe ntée owí, tsúfé aní Wíe Bulu ɔbówankí wólí á múó. Bégyi iwíe bré féé.

Yesu Ibá

6 Inu Bulu-abɔɔpu amu lébláa mi ɔbéé, “Asón á ní bu mótó, igyi ɔnɔkwali. Aní Wíe Bulu tɔlé tásá íbéba suná mú ɔnósú atóipó. Múláwá mu ɔbɔpu ɔbéé, ɔbéle tásá íbéba nke á nífitó suna mu asúmpó.”

7 “Kí! Imóowa ɔpá néba! Ɖwóló á nífitó asón béba mótó. Mú su Bulu obóyulá ohá á ní olegyi mú féésó!”

⁸ Mí Yohane lónu asón ánfí, nowun mó féé. Bréá nonu asón ánfí, nowun ató ámu é á, nemlí bun Bulu-òbòpú amúú òlélé mó suná mí ámu ayabitò, mbéé ansum mu. ⁹ Táme òletrá bláa mi òbéé, “Mábwe! Tsúfè Bulu osúmibi ngyi fè fúa fò apíó Bulu ònósú atópó, pò ahá amúú bégyi asón amúú bòwanlín wá òwóló ánfító amúú. Sum Bulu nkòle!” ¹⁰ Múú òlebláa mí òbéé, “Mápu atò lesúnáhé anfi ñáin, tsúfè mó bábi lafon ta. ¹¹ Ha lalaha òbwepú oyo mu lalaha bweṣu. Ifintò otsiápó otsía mu ifintò, yilé òbwepú é òkita mu yilébweto. Ohá ání òbéé, mópu mu iwí há Bulu osíi mu iwí ha Bulu.”

¹² Inu Yesu lébláa mi òbéé, “Kí, imòowa opá néba! Nébá ikò òkakpá. Néka òhagyíoha ikò mu bwehé ònó. ¹³ Mígyí Alfa móa Omega. Ogyankpapu muwa Otráhe, así Otsuápu pú ònó Omopó.

¹⁴ “Bulu obóyulá ahá ání bode amú atadié fwí, méní bétalí nyá òkpa tṣon wúlu yilé amúú íbá ámu ònó wíé mótó yégyi nkpa-oyí ámu abí. ¹⁵ Akíai obésin íban ámu òma. Amú gyí; ató alapó, mbua atópó, ahá amopó, ikpí atswépu pú ahá ání botekle afunu, bótowá mó é féé.

¹⁶ “Mí Yesu láwá mí òbòpu mbéé, òbá bebláa fu asón ánfí, afupubla Akristofò opasua ámu féé. Mígyí Owíe Dawid mu na, mu ató ogyípu pú Baka Otsrakpabi wankíhé amú ní.”

¹⁷ Inu Bulu Ojé ámu pú òká pòpwe amú beblí beé, “Ba!”

Òhagyíoha ání onú asón ánfí òblí òbéé, “Ba!”

Òhagyíoha ání omewóli de mu òbá. Òhagyíoha ání odeklé òbá, Bulu okie mu nkpa-ntsu ámu.

Itráhe

¹⁸ Mí Yohane, nde òhagyíoha òlá da kpákpaákpa. Mbéé, ní òku lónu atò lesúnáhé òwóló ánfító asón, òòpu kv tsíá mótó á, Bulu é òbéha ason wunheá íbu òwóló ánfító íbéba mu. ¹⁹ Ní òku é léle tòku tsú òwóló ánfító á, mómú Bulu é òbéle mu ogyíkpá ání íbu nkpa-oyí ámu pú wúlu wankíhé amúú nòwanlín mó iwí asón wá òwóló ánfító ámuto.

²⁰ Ohá amúú òde ntobí ánfí iwí adánsíe gyí ònòkwahíṣu ámu òbéé, “Ee! Imòowa opá néba!”

Amen! Owíe Yesu, ba!

²¹ Aní Wíe Yesu ogyíi Bulu ahá buale!